



27.2.20.



M

Ex Bibliotheca
majori Coll. Rom.
Societ. Jesu

DE
CAPELLA
REGIS
UTRIUSQUE SICILIÆ

ET
ALIORUM PRINCIPUM
LIBER UNUS

AUCTORE
JOSEPHO CARAFA C. R.



ROMÆ MDCCXLIX.

Ex Typographia Antonii de Rubeis in via Seminarii Romani.

SUPERIORUM PERMISSU.



2

C A R O L O
R E G I

UTRIUSQUE SICILIÆ &c.

VICTORI. PIO. AUGUSTO.

DIUTURNUM IMPERIUM.



Atis hucusque, REX GLO-
RIOSISSIME, tot, tantisque rebus præcla-
ris-

a 2

2

C A R O L O
R E G I

UTRIUSQUE SICILIÆ &c.

VICTORI. PIO. AUGUSTO.

DIUTURNUM IMPERIUM.



Atis hucusque, REX GLO-
RIOSISSIME, tot, tantisque rebus præcla-
ris.

a 2

rissime gestis domi forisque, pace belloque, Tui Nominis Majestas innotuit ubique. Jam nullus est mortalium, qui Te nesciat. Nulli quoque futuri erunt posterius, qui nesciant Tua. Neque gloriæ Tuæ quidquam addimus, cum de Tuis rebus scribimus; neque illi augendæ, quotquot de Te scribimus, pares sumus. Id unum intendimus, Te quibus possumus obsequiis omnibus colere; ac confidimus, obsequiî nostri hæc signa clementissime Te fore excepturum. Hoc consilio, hac spe, Librum hunc edidi de Sacris Aulicis Rebus Tuis; scriptisque addo perennes preces, ut MAJESTATEM TUAM Deus Optimus Maximus ad Ecclesiæ, & Reipublicæ felicitatem fervet diutissime.

CÆLESTINO GALIANO

ARCHIEPISCOPO THESSALONICENSI

AULICO SACRORUM ANTISTITI

JOSEPH CARAFA C. R.



Utuum est officium inter Regem & Civem, ANTISTES PRÆCLARISSIME, ut ille quidem, cui ad Populi felicitatem concredita est a Deo suprema administratio Reipublicæ, hujus bono, & utilitati perpetuo studeat, consulatque; Civis vero, quem sublimioribus potestatibus subjectum Deus ipse Optimus Maximus statuit, omnem impendat operam Regiæ Dignitati servandæ, colendæ, amplificandæ. Nisi enim mutuo collata opera, Rex Civibus, Cives Regi suffragentur, nullum Reipublicæ commodum inferri, nullam Populis felicitatem procreari, aut procreatam servari, atque adeo neque hunc ipsum humanarum Legum, terrenique Principatus finem, scopumque a Deo ordinatum assequi

qui posse , compertum est . Jam vero probe nosti , quot , & quanta , etsi ab accepto nostrarum rerum imperio non ultra quindecim effluxerint anni , Serenissimus Rex CAROLUS BORBONIUS nobis contulerit beneficia . Civitas Regni Metropolis nobilissimis ornata ædificiis ; portus tutissimus , atque amplissimus ; navigatio secura , atque libera ; negotiatio maritima legibus , privilegiis , foederibus munita ; peregrina opificia pretiosissima ad nos traducta ; res Litteraria , Militaris , Maritima insigniter aucta ; Provinciarum tributa æquiori distributione collata ; Concordata inita inter Sacerdotium , & Imperium ; Legiones e singulis Provinciis conscriptæ ; nobiles plurimi adolescentes donati stipendiis Militiæ ; Proceres Regni magnis honoribus aucti ; artificum rebus juvandis opera data ; salus , grassante lue ; & tranquillitas , vigente bello , conservata Reipublicæ , & alia sexcenta benefacta , quæ longum esset enumerare . Quid itaque reliquum est , nisi ut Optimi Principis erga nos studio vices , quas possumus , rependamus ; & quisque pro suo ingenio , & indole , alii armis , alii litteris , consilio alii , vel munerum administratione , universi in Regii Nominis gloriam , splendoremque

con-

4
contendamus. Quod sane in nos ipsos, Patriamque recidit; siquidem Clementissimo Principi tam arcto foedere conjuncta est Respublica, ut jam communis utriusque sit gloria, neque Regi inservire, ac consulere possumus, quin simul consulamus dignitati Reipublicæ. Quæ cum ita sint, quid ingenio, ac instituto meo (qui non publicis dumtaxat in Patriam effusis, sed & privatis in familiam meam beneficiis teneor) magis convenire existimem, quam ut illustrandis Aulicis Sacris Rebus incumberem? Præsertim, quod eo consilio, tum ecclesiasticis disciplinis, quarum partes sunt Aulici sacri ritus; tum Romanis Pontificibus, quorum erga Principes munificentia commendatur, servirem. Habes itaque, quid me potissimum in hanc rem impulerit; & quidem, ni fallor, opportunissime. Etsi enim, quavis regnante nostrorum Principum Stirpe, Sacrum in Aula Ministerium insigni Religione, & Dignitate summa excelluerit; nunc tamen temporis quammaxime. Quod nempe CAROLO BORBONIO, & MARIA AMALIA Clementissimis Regibus imperantibus, iisdemque in Aula Neapolitana degentibus, omnia sive Militaria, sive Politica, sive Sacra ad cumulum gloriæ, splendorisque perven-

ve-

venerint . Quod etiam Sanctissimus Pontifex BENEDICTUS XIV. ad Catholicæ Ecclesiæ utilitatem , & Sedis Apostolicæ gloriam natus , Sacrum Aulicum Ministerium eximiis , pluribusque complexus sit beneficiis . Quod denique , Tu , ANTISTES PRÆCLARISSIME , Regni , & Aulæ ornamentum splendidissimum , qui apud indigenas , exterosque ; Romanum Pontificem , Regemque ; Proceres Ecclesiæ , & Regni , cunctosque Ordines in summa versaris luce , gratia , & exultatione , Aulicis Sacris Rebus immineas . Ecqua igitur opportunior mihi obtingere potuit occasio scribendi de Capella Regis utriusque Siciliæ ? Doleo tametsi id unum , me tenuis ingenii hominem , Aula absentem , aliisque implicatum curis , imparem fuisse huic explendo muneri pro rei dignitate . Sed me facem præferente , alii fortasse auspiciatus , quibus major est ingenii vis , otiumque scribendi in eadem vestigia ingredientur . Interim , Tu PRÆSUL AMPLISSIME , meum hoc qualecumque studium Tuo Nomini consecratum , æqui , bonique accipias ; meque Tui amantissimum , & officiosissimum , benevolentia tua , quam magni facio , complectaris rogo . Vale .

PRÆ.

P R Æ F A T I O.



*Q*uod diu, quod continuis votis,
 vehementique studio Majores no-
 stri, nosque ipsi exoptavimus,
 & a Deo Optimo Maximo expo-
 stulavimus, illud tandem eta-
 te hac nostra, nobis felicissimis
 datum est. Neapolitanum Regnum amplitudi-
 ne, ubertate, opibus, incolisque nobilissimum,
 ab annis supra biscentum suorum Principum
 præsentia destitutum, & in Provinciarum con-
 ditionem, formamque redactum, CAROLUM
 BORBONIUM, & MARIAM AMALIAM Reges ac-
 cepit; quorum in Aula præsentia, omnibus re-
 bus nova facies est comparata, & pristinus Au-
 læ splendor restitutus. Præsertim vero Sacrum
 Aulæ Ministerium olim sub Normannis, Suevis,
 Andegavensibus, Aragoniis, Siciliae Regibus in-
 signe, nedum veterem dignitatem recepit, sed
 & longe majorem, ac splendidiorē, tum ex
 Optimorum Principum religione, tum ex Ro-
 mani Pontificis munificentia. Quamobrem non
 incongruam, aut injucundam fore hujus rei
 tractationem existimaui, quæ Principum in
 sacris domesticis ordinem, & jura a Romanis
 Pontificibus concessa complecteretur, hancque
 b ec-

ecclesiasticorum rituum partem illustraret, quam nulli bucusque data opera versarunt. Neque enim in sola nostrorum Principum Aula hæreo; sed ad sacra Imperatorum, Regum Gallia, Hispania, Lusitania, Sardinia, & aliorum Christianorum Principum excurro; tum ut inde constet, quibus in rebus nostrorum Principum Aula cum cæteris consentiat, ac præstet; tum quia, cum plurima apud nos sacra, ob recentem Principis præsentiam, nondum certa lege, & norma definita sint, facile inde ordinari possint, perspecto aliorum Principum more; tum denique, ut omnibus, siquid valeo, consulerem. Hæc vero omnia brevissime expedio; & eam ob rem non mediocrem cum Lectore me iniuisse gratiam censeo, quod plurima paucis complexus, omnes, aut insigniores sacras Aulicas cæremonias tradiderim. Fortasse aliquas memoratu dignas silentio præterii; sed id Scriptorum inopiæ, qui hæc cæremonias summatim indigitaverunt, haud vero fuisse, accurateque descripserunt, tribuendum est. Sane Regum Coronationes, Baptismata, Connubia, Funera ab omnibus Historicis memorantur; sed omisso ut plurimum ritu ipsius rei agendæ, cui se satis fecisse arbitrantur, cum ajunt Regio apparatu, ac pompa Sacra hæc Ministeria absoluta fuisse. At ne quis mihi vertat vi-

tio,

tio, quod minutissima quædam de loco, sede, pulvinari, tapeto, & aliis hujusmodi sæpe adnotaverim; haud enim temere id a me factum; siquidem perspectum est in cæremoniis, siue civilibus, siue ecclesiasticis, sapissime ob levissima quædam illius generis, turbas, quæstionesque excitari gravissimas, quæ nulla sane meliori ratione componi, ac definiiri possunt, quam prolatis exemplis, vel ab antiquorum, vel ab exterorum moribus haustis. Porro in hisce cæremoniis describendis Latini sermonis elegantiam minime servari potuisse; nonnullas quoque usurpandas fuisse voces, quæ Latinam puritatem minime sapiunt, æquus, & sapiens quisquis facile intelliget, veniamque dabit. Adde in hujus Operis calce indicem Majorum Capellanorum Regni Siciliae ex tomo secundo Siciliae Sacrae novissimæ editionis anni 1733. excerptum: cui tamen nonnullos adjunxi Majores Capellanos in eo indice omisso. Hunc sequitur alter index Majorum Capellanorum Regni Neapolitani, quotquot e variis monumentis invenire potui, cum primus illorum seriem ediderim. Appendicem de Capella, Liturgia, aliisque cæremoniis Aulae Lusitanæ subnectere operæ pretium duxi, quod expetitos diu Aulae Lusitanæ ritus, nonnisi edito Libro in promptu habuerim. Atque hæc pauca præfari æquum duxi.

INDEX CAPITUM

CAPUT I.

DE CAPELLA PALATINA.

AN Principes Esbneti, Judæique habuerint domestica Oratoria. ii. Hæc quam antiqua, & usitata apud Christianos. iii. De Oratorio Palatino Imperatorum Orientis. iv. Et Regum Francorum primæ stirpis. v. Capellæ vocabulum unde deductum. vi. De Capella Regum Galliæ. vii. Hispaniæ. viii. Angliæ. ix. Lusitaniæ. x. Ducum Sabaudie. xi. De Capella Palatina Panormitana sub Normannis. xii. Suevis. xiii. Aragoniis, & Austriacis Siciliæ Regibus. xiv. De Capella Palatina Neapolitana regnantibus Andegavensibus. xv. Aragoniis. xvi. Et Austriacis Neapolitani Regibus. pag. i.

CAPUT II.

DE CLERO PALATINO.

Capellani unde dicti. ii. De Clero Imperatorum Orientis. iii. De Clero Palatino Regum Francorum primæ, & secundæ stirpis. iv. Et tertiæ stirpis. v. De Capellanis Regum Hispaniæ. vi. De Clero Palatino Normannorum Siciliæ Regum. vii. Et Suevorum. viii. Et Aragonum. ix. De Clero Palatino Regum Neapolitanorum Andegavensium. x. Aragonum. xi. Et Austriacorum. xii. De Confessario Regis. xiii. De ejusdem Elcemofynario. xiv. De Concione Aulico. pag. 39.

C A P U T III.

DE MAGNO CAPELLANO.

De Protopapa Palatii Imperatorum Orientis. ii. De Abbate, Oratorii Palatini Regum Francorum primæ stirpis. iii. De Archicapellano Regum secundæ stirpis. iv. De Magno Elemosynario Franciæ. v. De Magno Capellano Regum Hispaniæ. vi. De Magno Elemosynario Regum Sardinie. vii. De Magno Capellano sub Normannis. viii. Sævis. ix. Aragoniis. x. Et Austriacis Siciliæ Regibus. xi. De Magno Capellano sub Andegavensibus. xii. Aragoniis. xiii. Et Austriacis Neapolitanis Regibus. xiv. De variis magni Capellani titulis. pag. 83.

C A P U T IV.

DE PRIVILEGIIS CAPELLÆ REGIÆ, CLERI PALATINI, ET MAGNI CAPELLANI.

De origine, & progressu Privilegiorum. ii. De Privilegiis Capellarum, & Capellanorum Regum Angliæ. iii. Et Regum Galliæ. iv. Hispaniæ, v. Lusitanie. vi. Privilegia concessa a Gloriosissimo Pontifice BENEDICTO XIV. Magno Elemosynario Regum Sardinie. vii. Dubia, & Declarationes circa eadem Privilegia. viii. Album exemptorum in Aula Regum Sardinie. ix. Antiqua jura Majoris Capellani Neapolitani Regni. x. Privilegia eidem collata ab eodem Sanctissimo Pontifice BENEDICTO XIV. pag. 130.

C A P U T V.

DE LITURGIA PALATINA.

De Liturgia in Oratorio Palatino Imperatorum Orientis. ii. Ordo celebrandæ Liturgiæ in Capella Regum Galliæ. iii. Et in Capella Regum Hispaniæ. iv. Ac Regum Sardinie. v. De

Liturgia in Aula Regum Siciliae . vi. Et Regum Neapolitanorum . vii. Ordo Liturgiae in Capella Palatina Neapolitana , regnantibus Aragoniis . viii. Et subsequentibus seculis , usque ad haec tempora . ix. De Regia mensa in magnis solemnibus . x. Ritus olim observati in mensa Regum Neapolitanorum .

pag. 178.

CAPUT VI.

DE CORONATIONE REGUM.

Ordo coronandi Imperatores in Oriente . ii. Et in Occidente . iii. Et Imperatricem . iv. Regem Galliae . v. ac Reginam . vi. Ordo proclamandi Regem Hispaniae . vii. Et Lusitaniae . viii. Ordo coronandi Regem Poloniae . ix. Angliae . x. Sveciae . xi. Daniae . xii. Borussiae . xiii. Et Imperatorem Moschorum . xiv. De Coronatione Regum Siciliae . xv. Et Regum Neapolitanorum . xvi. De Regiis insignibus Regum Neapolitanorum . xvii. Ordo Coronationis Alphonsi II. Neapolitani Regis . xviii. Ordo Coronationis CAROLI BORBONII Regis Siciliae .

pag. 224.

CAPUT VII.

DE BAPTISMO REGUM.

In Palatiis Principum Baptismus sollemni ritu administrari potest . ii. Ordo sollemnis Baptismi in Aula Imperatorum Germanorum . iii. Et in Aula Regum Galliae . iv. Atque Regum Hispaniae . v. Ordo sollemnis Baptismi Serenissimi Principis PHILIPPI BORBONII filii CAROLI Regis utriusque Siciliae . vi. De stilo , quo donabantur primogeniti Regum nostrorum .

pag. 272.

CAPUT VIII.

DE NUPTIIS REGUM.

Regum conjugia celebrari solent in Capella Palatina . ii. Ordo benedicendi nuptias in Aula Imperatorum Germanorum .

iii.

iii. Et in Aula Regum Gallie . iv. De nuptiis Regum Hispanie . v. Ordo celebrandi conjugii in Aula Neapolitana , re- gnantibus Aragoniis . vi. De conjugio CAROLI BORBONII , & MARIAE AMALIE de Saxonia Regum utriusque Siciliae .

pag. 295.

C A P U T IX.

DE RITU CONFERENDI EQUESTRES ORDINES.

Ritus inaugurandi Equites Velleris aurei in Hispania . ii. Et agendi festum diem S. Andreae Apostoli tutelaris Societatis .
iii. Ritus creandi Equites Regalis Ordinis Spiritus Sancti in Gallia . iv. Et ejus solemnia celebrandi . v. De Ordine Eques- tri Periscelidis in Anglia , & Aquile nigrae in Borussia . vi. Ritus armandi Milites olim apud Neapolitanos Reges ususatus .
vii. Societates Equestres a Neapolitanis Regibus conscriptae .
viii. Statuta Equestris Ordinis Spiritus Sancti , Ludovico Tarentino Neapolitanorum Rege auctore . ix. Ritus cooptan- di Socios dell' Armellino sub Aragoniis Neapolitanis Regi- bus . x. Ritus inaugurandi septem Procures Neapolitani Regni . xi. De Regali Ordine S. Januarii a Rege CAROLO BOR- BONIO Instituto . xii. Ritus creandi Equites S. Januarii .
xiii. Et Officiales ejusdem Societatis . xiv. Et agendi festum diem S. Januarii .

pag. 320.

C A P U T X.

DE RITU PRÆSTANDI SACRAMENTA.

Ritus , quo in Gallia Episcopi recens promoti jurant Regi fide- litatem . ii. De quibusdam aliis sacramentis , que in Aula Regum Gallie præstantur . iii. Ritus jurandi a Gallie Re- gibus inita federa . iv. Ritus præstandi hominii , & ju- randæ fidelitatis Principi Asturicensium in Hispania . v. De sacramento edendo a Clericis Aula Hispanæ . vi. Et quo Re- ges Hispaniæ se obligant federibus custodiendis . vii. Ritus jurandi fidelitatem Regi Lusitaniæ . viii. Et Regi Sardinie .

ix.

ix. De juramento fidelitatis in Sicilia . x. Et in Neapolitano Regno. xi. Ritus hominii exhibendi apud Neapolitanos usus. pag. 353.

C A P U T X I.

DE SACRIS QUIBUSDAM ALIIS CÆREMONIIS PALATINIS.

De Rosa aurea benedicta . ii. Deque Ense, & Pileo Regibus a Romano Pontifice dono missis. iii. Ordo, quo Cardinales recens promoti donantur insignibus suæ dignitatis in Aula Regum Gallie . iv. Et Regum Hispanie . v. Atque Regum Lusitanie . vi. Ordo, quo Serenissimus Rex CAROLUS BORBONIUS contulit Cardinalatus insignia Dominico Urfino Gravensium Ducl. pag. 381.

CAPUT XII.

DE REGUM FUNERE.

Ordo Regii funeris in Aula Imperatorum Germanorum . ii. Ordo Regii funeris in Aula Regum Gallie . iii. Et in Aula Regum Hispanie . iv. Atque Regum Lusitanie . v. De Regii funeribus in Anglia, Svecia, Polonia, Moscovia, Borussia. vi. De Regum funere in Sicilia . vii. Et in Neapolitano Regno . viii. Ordo funeris in Aula Neapolitana, regnante Serenissimo Rege CAROLO BORBONIO. pag. 408.

Capellani Majores Regni Sicilie . pag. 432.

Capellani Majores Regni Neapolitani . pag. 445.

Constitutio Sanctissimi Pontificis BENEDICTI XIV. super jurisdictione, & facultatibus Capellani Majoris Regni Neapolitani . pag. 458.

Motus proprius Sanctissimi Pontificis BENEDICTI XIV. super nonnullis aliis facultatibus Capellani Majoris Regni Neapolitani . pag. 473.

A P P E N D I X.

De Capella, Liturgia, aliisque sacris cæremoniis Aulæ Lusitanæ . pag. 477.

AP-

APPROBATIONES.

9

R. P. D. Josephi Carafæ C. R. Librum inscriptum
De Capella Regis utriusque Sicilia cum legis-
sem, ut Reverendissimi P. D. Josephi Mariæ de
Petio Cler. Reg. Præpositi Generalis iussa facerem,
in eo observare nihil potui, aut sacris Fidei sanctio-
nibus contradicens, aut rectis morum legibus re-
pugnans: quinimo non sine animi mei voluptate
illum inveni ita elucubratum, ut quæcumque ad
originem Capellæ Regiæ attinent, vel ad Capella-
ni ejusdem jurisdictionem, sive ad ritus omnes, qui
in ea, vel olim, vel nostra hac ætate usurpantur,
unico volumine erudite simul, ac nitide expen-
dantur. Hinc idoneum esse statuo, ut Typogra-
phi arte in publicam lucem, communemque om-
nium utilitatem liber evulgetur. Datum in Ædi-
bus S. Andreæ de Valle an. M. D. CC. XLIX.

Antonius Franciscus Vezzosi C. R.

Li-

Librum numeris omnibus absolutum *De Capella Regis utriusque Sicilia* a D. Josepho Carafa C. R. summa diligentia, labore, & industria elucubratum, jussu Reverendissimi P. D. Joseph del Pezzo Præpositi Generalis Congregationis Clericorum Regularium cum attente perlegerim, & cum nihil a Catholica Fide alienum, verum sacras omnes Aulicas cæremonias studiosè conquistat complectatur, quibus juvari respublica litteraria plurimum possit, illum luce publica dignissimum cenfeo. Datum Romæ an. 1749.

D. Franciscus Palmieri C. R.

D. JO.

D. JOSEPH MARIA DEL PEZZO

Præpositus Generalis Clericorum Regularium.

HOc Opus inscriptum *De Capella Regis utriusque Siciliae* a R. P. D. Josepho Carafa nostræ Congregationis Theologo compositum, & juxta asser-
tionem Patrum, quibus id commisimus approba-
tum, ut typis mandetur, quo ad nos spectat,
facultatem concedimus. In quorum fidem præ-
sentes literas manu propria subscripsimus, & so-
lito sigillo firmavimus. Datum Romæ in Ædibus
S. Sylvestri Montis Quirinalis die 1. Martii 1749.

D. Paschalis Dentice C. R. Secr.



C A P U T I.

DE CAPELLA PALATINA.

An Principes Ethnici, Judæique habuerint domestica Oratoria.

- ii. *Hæc quam antiqua & usitata apud Christianos.* iii. *De Oratorio Palatino Imperatorum Orientis.* iv. *Et Regum Francorum primæ stirpis.* v. *Capella vocabulum unde deductum.* vi. *De Capella Regum Galliæ.* vii. *Hispaniæ.* viii. *Angliæ.* ix. *Lusitaniæ.* x. *Ducum Sabaudicæ.* xi. *De Capella Palatina Panormitana sub Normannis.* xii. *Svevis.* xiii. *Aragonis & Austriacis Siciliæ Regibus.* xiv. *De Capella Palatina Neapolitana regnantibus Andegavensibus.* xv. *Aragonis.* xvi. *Et Austriacis Neapolitanis Regibus.*



Christianorum plurima instituta, cum Judæis Ethnicisque communia fuerunt, quin id vitio dari possit; ut enim optime agebat Hieronymus contra Vigilantium exprobrantem cererum usum tamquam ab Ethnicis desumptum: illud fiebat idolis, & idcirco detestandum; hoc sit Martyribus, & idcirco recipiendum. In harum rerum numero recensent nonnulli domestica Oratoria, quæis similia Ethnici habuere, ubi eorum Manes, & Dii, & Heroes colebantur: Lararia dicta, quod Diis Laribus; Sacraria, quod rebus sacris essent consecrata. Hæc nedum in privatorum domibus, sed & in Imperatoriis Ædibus extitisse, testatur Lamprius scribens de Alexandro Severo, hunc matutinis horis rem divinam fecisse in Larario suo, ubi Deorum, & Heroum effigies servabantur, quibus etiam addidit Abrahami, & Christi

A

simu-

simulacra . Svetonius memorat Augusti Imperatoris Sacrarium : & enarrans Liviae cum Tiberio dissidium , refert illam desump-
 plisse codicillos quosdam e Sacratio Augusti . Sacrarii autem
 nomine , etli aliqui opinantur Secretarium denotari , ubi res
 secretæ recondebantur : tamen videtur aliis , idem plane fuisse
 Sacrarium cum Larario , locum nempe ædium a profanis usi-
 bus sejunctum , sacris rebus dicatum , ubi imagines Deorum ,
 & sacra omnia servabantur . Sunt qui , præter domestica Ora-
 toria , domesticos quoque Sacerdotes iisdem Imperatoribus ad-
 scribunt , quos Palatinos Sacerdotes , antiqui Scriptores dixe-
 re : & Flamines Augustales , Trajanales , Flaviales autumant
 dictos , quod in Aula apud hosce Imperatores sacris operaren-
 tur . Sacerdotem etiam Palatuaem , qui Palatæ Deæ , cujus
 tutelæ commissum erat Palatium , sacrificabat , arbitrantur sa-
 crum fuisse Aulæ ministrum . Verum enimvero Palatini Sacer-
 dotes dicebantur , non ab Ædibus Imperatoriis , sed ab ea Ur-
 bis regione , quæ mons Palatinus dicta est , ubi & Templum
 erat Apollinis Palatini : Flamines autem Augustales , Trajana-
 les , Flaviales , non qui in horum ædibus sacra faciebant ; sed
 qui his Imperatoribus , ceu Diis , foedissima adulatione immo-
 labant . Ad regionem quoque Palatinam spectat Dea Palatua ,
 sacrificium Palatual , Sacerdos Palatualis : cujus quidem me-
 minit Varro libro sexto de lingua Latina , quo tempore , non-
 dum Cæsaris domus , Palatium dici coeperat ; cum ab Augusti
 imperio , qui primus in Palatinam Urbis regionem migravit ,
 domus Imperatoris vocari coepit Palatium . Non ita proinde
 constat , in Aula Cæsarum aliquos fuisse a sacris domesticis ,
 quemadmodum constat ibidem Lararia extitisse . Neque id de
 Judæorum Regibus compertum est : quamvis libro quarto Re-
 gum , ubi Salomonis familia describitur , inter cæteros Aulæ
 ministros enumerentur Sadoc & Abiathar Sacerdotes , Zabul
 filius Nathan Sacerdos & amicus Regis ; qui e domesticorum
 coetu fuisse videntur , uti Ahia Scriba , Josaphat Historiogra-
 phus , Ahisar Præpositus domus , aliique . At nullibi Scriptu-
 ra indicat Sacerdotes , qui in Aula Regum sacra facerent , quod
 minime silentio præteriisset : ibi vero Abiathar Sacerdos dici-
 tur , quod eo munere olim fungeretur , in cujus locum , Salo-
 mo-

monis jussu, Sadoc fuerat subrogatus. Uterque non in Aula, sed in Templo sacris operabatur. Quoad Zabul attinet, hunc non Sacerdotem, sed filium Mathan Sacerdotis, legendum esse plurimi censent: aliis vero placet, Sacerdotis nomine juxta versionem Septuaginta, nonnisi Principem designari. Observat tamen ad hanc rem Turturetus lib. de Sacello Hispano cap. 2. Reges quidem Judæorum non habuisse in Aula domesticum Templum, cum in Republica Judaica nonnisi unicum esset Templum a Salomone constructum, neque fas esset alio in loco Deo immolare: attamen Regiam domum Templo propinquam fuisse, ut inde Regibus facile esset iter ad Templum. Cæterum loco Oratoriorum Judæis fuisse Proseuchæ & Synagogæ, ubi extra Templum, ad preces conveniebant. Hanc vicinitatem Templi, & Aulæ comprobatur locus, ubi necem subiit Athalia, nempe extra septa Templi, & in porta equorum Regiæ domus. Denique cum Salomon, peracta dedicatione Templi, Sacerdotes & Levitas in quasdam classes distributos, statuisset in orbem sacro ministerio vacare; si qui in Aula debuissent sacris operari, eo loci innuisset.

II. Apud Christianos domestici Oratorii originem adeo antiquam facit Gatticus in egregio libro de his Oratoriis nuper edito, ut ad Apostolorum referat ætatem, quum domi sæpe peracta sunt sacra Mysteria: & Lupus scribens in canones Trullanos, ad persecutionum tempora, quum mos erat Christianis, domi suæ Eucharistiam asservare. At sævientibus persecutionibus, etli certum sit Eucharistiam in privatis domibus celebratam, & asservatam fuisse: attamen vix esse potuerunt Christianis domestica Oratoria fixa, & solis rebus divinis consecrata, ne se, & sacra facile Gentilibus proderent. Hinc Tertullianus nonebat uxorem, ne sciret conjux infidelis, quid secreto ante omnem cibum gustaret: & Cyprianus memorat servatam Eucharistiam in arca. Cum tamen adhuc, diuque post pacatam Ecclesiam, perduraverit usus celebrandæ, asservandæ, & sumendæ domi Eucharistiæ; hinc domestica Oratoria invaluerunt, & longe lateque in usu recepta sunt. Sæculo sexto Justinianus Imperator Novella 58. vetuit in domesticis Oratoriis sacra Mysteria celebrari: permisit tamen illorum usum,

solius orationis gratia, dummodo non ibi sacra fierent, utpote quæ in Ecclesiis solis essent peragenda. Et alia Novella sua, quæ est 131, noluit ad hæc Oratoria Presbyteros, Clericosque ordinari; sed ex iis, qui jam ordinati erant ad Ecclesias publicas, iussit delegari aliquos, qui in domesticis Oratoriis sacra ministrarent. Verum Trullani Patres can. 31. facultatem celebrandi sacra, & baptizandi in hisce Oratoriis fecere; dummodo tamen adesset consensus Episcopi loci. Deinde Leo sapiens Imperator Novellis 4. & 15. cuicumque Sacerdoti liberum fecit, in domesticis Oratoriis rem divinam facere; asserens jam non Optimates tantum, sed & mediocris sortis homines Oratoria suis in ædibus habere. Exinde, ut testatur Balsamon in commentariis ad canones Trullanos, non jam Græci requirebant Episcopi sui consensum; rati implicitum adesse Episcopi consensum, quod in domesticis Oratoriis sacra Mysteria agerentur, modo in mappis ab Episcopo consecratis. Tanque apud ipsos crevit Oratoriorum numerus, ut cum exinde negligerentur Parochiales Ecclesiæ, Alexis Patriarcha, Constitutionem ediderit, quæ extat in Jure Orientali, ne Magnates ad Oratoria sua turbas hominum admitterent, neque Baptismata & sacra Mysteria ibi administrarentur, nisi festis diebus. Conjicit doctissimus Thomaßinus de Benef. p. 1. lib. 2. cap. 96. hanc Oratoriorum frequentiam apud Græcos derivatam, quod apud eos olim nonnisi unum esset altare, & in uno altari nonnisi una Missa eodem die celebraretur. Qua de re, cum ex tanta hominum multitudine plures sacrificio adesse non possent, excitabant sibi Oratoria, ubi divinis rebus vacarent. Neque minus obvia occurrunt in Occidente. Gregorius Magnus in suis epistolis sæpe memorat Oratoria, quæ suis in domibus Magnates construxerant: & ep. 43. lib. 6. jubet Episcopum Syracusanum sacra facere in ædibus Venantii Patricii, ut cum eo rediret in gratiam. Concilium Aurelianense IV. sexto sæculo celebratum can. 26. diserte memorat Ecclesias in Magnatum domibus constructas, quæ Parochiarum loco erant, & quarum ministerio Clerici serviebant. Sequentibus sæculis, cum neglectis jam publicis Ecclesiis, domestica Oratoria nimium frequentarentur; statuit Carolus M. in suis Capitularibus,

bus, ut fas non esset ea adire Dominicis, festisque diebus; utque ne ibi sacra Myſteria conficerentur sine Episcopi auctoritate. Eo res venerat sæculo nono, ut in Gallia, nobilis fere quisque, suum apud se Presbyterum, Capellanumve haberet, qui sibi & Myſteria celebraret, & Divina recitaret Officia. Hujus rei testis est Agobardus Lugdunensis in tractatu de privilegiis & jure Sacerdotum, ubi graviter conqueritur, quod hi domesticæ Sacerdotes in humanis etiam officiis interservirent. Eodem sæculo Ticinense Concilium ægre tulit, ob nimiam domesticorum Oratoriorum frequentiam, nobiles personas rarius ad Ecclesiam accedere. Et in Germania mos erat apud nobiles viros donandi libertate quemdam e servis suis, eumque Presbyterum instituendi, ut in Oratorio suo divina ministraret: cujus moris meminit canon Concilii Altheimensis relatus Cap. Nullus de Servis non Ordinandis. Tandem in Neapolitano Regno, domesticæ Oratorii usum plurimum viguisse, indicat testimonium Hugonis II. Guidardii in Provinciali Synodo Beneventana anni 1374. tit. 12. cap. 8. ubi *Permittitur cuilibet privato habere Oratorium privatum in domo sua, & ibi orare; sicut habet communis harum Partium observantia: sed multum cavere deberent sic facientes, ne in cameris suis, aut locis, ubi tenent, & faciunt Oratoria, quidquam inhonestum, aut turpe exercerent. In talibus autem Oratoriis privatorum, fidelium non debet Missa celebrari sine auctoritate Episcopi, & propter necessitatem, & tunc sine præjudicio juris Parochialis Ecclesiæ; nec in festis præcipuis, sed aliis diebus, & hoc debet continere licentia, quando conceditur a Diocesano.*

III. Oratorii Palatini initia, a Constantini Magni piissimi Imperatoris Aula, sunt repetenda; quem habuisse in Palatio Ecclesiam, ubi scripturas meditabatur, & preces Deo fundebat, scribit in ejus vita Eusebius lib. 4 c. 17. *In Palatio quamdam veluti Ecclesiam Dei constituit . . . Præibat cunctis, qui in Ecclesiam illam erant adscripti, & sacros Codices in manus sumens, oracula a Deo edita attento animo meditabatur, posthac solennes preces cum Aulicorum casta recitabat.* Aderant sacri Ministri in ejus Aula: nam Eusebius lib. 4 cap. 18, testatur, Diaconos, atque Deo consecratos Ministros, vitæ gra-

vi-

vitate, & reliquis virtutibus ornatos totius domus custodes
 constituisse. Addit Sozomenus lib. 1. cap. 8. Oratorium quo-
 que portatile, religiosissimum Principem ad castra deferre so-
 litum; Sacerdotes etiam, qui rem divinam facerent, quos in
 bellicis expeditionibus volebat comites sibi adherere. *In Pa-
 latio extruxit Oratorium, & Tabernaculum Ecclesie figuram
 exprimens, cum contra hostes praelio contenderet, secum cir-
 cumferre consuevit, ad eum finem, ut neque sibi in solitudine
 vitam agentis, neque exercitui deesset ades sacra, in qua qui-
 dem deberent Deum laudibus efferre, & sacra Mysteria per-
 cipere. Nam Sacerdotes & Diaconi, qui secundum Ecclesie
 institutum ista munera obirent, Tabernaculum assiduo secuti
 sunt.* Subdit Principis exemplum ceteros imitatos esse mili-
 tes, ita ut quisque Numerus cujusque Legionis, & Taber-
 naculum habuerit, & Clericos ad sacra munia obeunda. So-
 crates etiam lib. 1. cap. 18. enarrat pugnaturum Constantinum
 adversus Persas, secum detulisse castrense Oratorium ex va-
 riis, pictisque velis confectum, ut in locis desertissimis rei
 divina vacaret. Jam tum itaque Oratorium Palatinum fuit ad
 instar Ecclesie conpositum, ubi cujuslibet ordinis Clerici, &
 in celebrandis sacris Mysteriis, & in persolvendis divinis Of-
 ficiis, solenni ritu deservirent. Constantini filios ab ea tanti
 parentis pietate minime discessisse, testatur ibidem Eusebius
 lib. 4. cap. 52. scribens, quod *non tam paternis monitis quam
 sua sponte incitati precepta Parentis sui alacritate animi supe-
 rarunt, quippe qui Divinae Religionis observantiam semper prae-
 oculis haberent, & sanctos Ecclesie Ritus in ipso Palatio cum
 universis Domesticis custodirent.* Simile Oratorium habuisse
 Theodosium juniorem colligitur ex quotidianis pietatis officiis,
 quibus ipsum operam dedisse, refert Socrates lib. 1. Hist.
 cap. 22. *Palatium suum sic instituit, ut a Monasterio non mul-
 tum discreparet; matutino tempore ipse una cum Sororibus suis
 hymnos in Dei laudem alternis recitare consueverat.* Memorat
 Theophanes Capellam Palatii, ubi Imperator Heraclius cum
 conjuge sua, corona Imperatoria redimitus est; ubi & nuptiae
 celebratae fuerunt. Antequam Imperatoriam Sedem conscen-
 deret Justinianus construxerat in suo Palatio Oratorium D. Pe-
 tro

tro dicatum, cujus ipse meminit in epistola ad Hormisdam, Papam, quem exoravit *quatenus Reliquiis Sanctorum Apostolorum tam Nos, quam Basilicam eorum hic in domo nostra sub nomine predicatorum venerabilium constructam illustrare & illuminare large dignemini*. Hanc Basilicam dictam fuisse Sancti Petri in Hormisda, Scriptores testantur: atque eandem fortasse cum Oratorio Palatino S. Petri, cujus meminit Anastasius in vita Agathonis Papæ; ubi refert Legatos hujus Pontificis susceptos fuisse a Principe *in Oraculo S. Petri intra Palatium extante*. Oraculum enim idem significat ac Oratorium, seu locum orationi deputatum. Aliud Oratorium in Palatio Mauritius Imperator. D. Paulo Apostolo consecravit: quod Constantina Augusta, Sancti Apostoli Reliquiis ditari a Gregorio Papa exoptabat; ut is testatur lib. 3. ep. 30. Imperiales etiam scemina, quibus Palatia distincta ædificabantur, domesticæ habuerunt Oratoria. Theophanes enim refert Pulcherianum extruxisse Oratorium S. Stephani in Palatio, & in eo collocasse S. Protomartyris Reliquias. Idem narrat in Domo Marinæ celebratas nuptias Dementiæ filiz Phocæ Imperatoris cum Prisco Patritio. Cedrenus etiam meminit Palatini Oratorii, ad an. 19. & 20. Theodosii junioris, ubi non raro coronabantur Imperatores, eorumque filii. Suum quoque Oratorium domesticum habuit Placidia Augusta: cujus altare subvertere ausus est Paulus Pseudo-Patriarcha, ut injuriam irrogaret Apostolicæ Sedi, uti refert Anastasius in vita Martini Papæ. Hoc Placidianum Oratorium dicitur ab Anastasio *Oraculum & Altare Sedis Apostolicæ*; quia in domo Placidiz, Legati sedis Apostolicæ recipiebantur: imo Vigilus Pontifex se in Placidiana domo habitasse scribit in epistola ad Ecclesias. Quotidiana pietatis officia, quibus vacabat mater Alexis Imperatoris, indicant, eidem fuisse domesticum Oratorium. De ea nanique scribit Anna Comnena neptis, quod noctu diuque, stans horis, divinis persolvendis officiis, & Liturgiæ vacabat. Cum igitur Imperatores & Imperatrices sibi excitarent Oratoria; hinc plura fuerunt in Aula Constantinopolitana Oratoria Palatina, sicuti plura erant Imperialia Palatia. Fusc de his Oratoriis agit Clarissimus Cangius in Constantinopoli Christiana lib. 4.

lib. 4. Insigne præ aliis fuit, quod in magno Palatio a Theophilo Imperatore constructum refert Continuator Theophanis lib. 3. cap. 43. Aliud dictum *Deiparæ Phari* ædificavit illius successor Michael prope triclinium Palatii, ubi imperialia sponsalia aliquando celebrata narrat lib. 4. Theophanes. Basilium, Macedonem quinque Oratoria in Palatio excitasse, eorumque præcipuum Oratorium S. Pauli a Mauritio olim ædificatum, scribit in illius vita Porphyrogenitus. Qui idem commemorat Palatina Oratoria Deiparæ Virgini, S. Petro, S. Clementi, S. Michaeli ab eodem Basilio consecrata. Leo Sapiens construxit in Aula ædem sacram S. Annæ, ut testatur Continuator Theophanis lib. 3. Et Isaacus Comnenus in Palatio extruxit Ecclesiam in honorem S. Theclæ, ut refert Anna Comnena lib. 3. Alex. Ab aliis Imperatoribus alias sacras ædes Palatinas excitatas enarrat Cangius in laudato Opere: ex quo illud etiam constat, consuetudinem celebrandi in Capellis Imperialibus, usque ad Orientalis Imperii interitum perseverasse. Sed de Clero Imperatorio, & de Liturgia Palatina in Oriente alibi dicendum erit.

IV. In Occidente, omnium antiquissima Capella Palatina occurrit in Aula Regum Francorum. Hos primæ stirpis Reges Oratorium in Aula habuisse, conjicit Thomassinus p. 1. lib. 2. cap. 109., ex eo quod Clodovæus plures in suum consilium adhibuit Episcopos, Clericosque, ut illum monuerat Remigius: & Stephanus Leodientis in vita S. Modoaldi Trevirensis plures è consilio Dagoberti II. Episcopos nominat. Verum, quod a consiliis essent Episcopi Regibus, non inde emergit, quod eisdem essent a sacris domesticis. Sunt tamen alia, hujus rei argumenta: siquidem Gregorius Turonensis lib. 8. Hist. Franc. cap. 44. meminit Oratorii Guntramni Regis; & lib. 10. cap. 18. alterius Oratorii Childeberti Regis, ubi matutinis Officiis interesse consueverat. Mabillonius in libro de Re Diplomatica exhibet nonnulla Placita Theodorici & Childeberti Regum, ubi mentio fit Oratorii Palatinij in quo Capella S. Martini servabatur. In actis S. Desiderii Episcopi Cadurcensis apud Cointium in ann. Franc. ad an. 617. legitur, illius fratrem, & præcessorem Rusticum fuisse Abbatem Regij Oratorii.

torii. Nonnulli etiam memorantur Capellani Regum primæ Dynastiæ, quos Oratorio Palatino mancipatos fuisse conjicere licet. Monachus Inculismentis (ut testis est Bignonius lib. 1. c. 25.) scribit Inculismanum Episcopatum datum a Clodovæo Aptonio Capellano suo. Aiglibertus Episcopus Cenomanensis, qui floruit regnante Childerico, Archicapellanus dicitur in ejus actis. Cangius in Glossario laudat Bertharium sub Clotario, & Riculphum sub Dagoberto Archicapellanos. Denique Gregorius Turonensis lib. 8. Hist. cap. 29. memorat Clericos Fredegundæ Reginæ: & Gregorius M. lib. 9. ep. 120. Syagrium Episcopum indicat addictum obsequio Brunehildis Reginæ. Præterea certum est, Reges Francorum primæ stirpis in Palatio suo servasse S. Martini Reliquias, quas in bellicis expeditionibus secum deferrebant, & ad quas sacramenta fidelitatis perfolvebantur. Id enim constat ex laudatis Placitis Theodorici, & Childeberti, & ex formulis Marculphi. Servabantur etiam in eorum Palatio aliæ Sanctorum Reliquiæ. Meminit namque Marculphus in quadam formula lib. 1. cap. 40. Reliquiarum, quas Rex varias in Provincias deportari faciebat, ut ad eas præstarentur sacramenta fidei, quæ sibi, filioque deberentur. Et Peiratus lib. 1. de Orat. Reg. Gall. cap. 4. 5. & 6. probat in more fuisse apud Francorum Reges Merovingiæ stirpis, Sanctorum Reliquias domi suæ custodire, easque deferre cum hostibus congressuros; atque ita factum a Clodovæo I., Childeberto I., Clotario I., aliisque. Jam verò ex hac religione erga Sanctorum Reliquias, causa etiam emergebat habendi Oratorium, & coetum Clericorum, qui divina Officia persolveret. Nam solemne fuit Veteribus, ut ubi Sanctorum præsertim Martyrum, quiescerent Reliquiæ, ibi sacra peragerentur. Hinc nedum deputabantur Custodes Martyrum, & Monumentorum; sed & ordinabantur Clerici, qui ibi sacris operarentur. Quod ipsum indicat Concilium Chalcedonense can. 6. vetans aliquem ordinari, nisi in Ecclesia civitatis, pagi, aut in Martyrio; aut in Monasterio. Concilium Aurelianense II. can. 13. hos eosdem vocat Martyrarios. Et a Concilio Epaonenfi can. 25. expresse statutum est, non esse collocandas Martyrum Reliquias in Oratoriis, nisi Clerici depu-

tarentur: *qui sacris cineribus psallendi frequentia famulentur.*

V. A Capa illa S. Martini Turonensis, quam in Oratorio Palatino asservatam, & in castris delatam innuimus, Oratoria dici caperunt Capellæ: ut in Placito Childeberti apud Mabillonium, Oratorium Regis nuncupatur Capella S. Martini. Hanc hujus vocis etymologiam tradit Monachus Sangallensis lib. 1. de vita Caroli Magni, ubi ait: *De pauperibus supradictis quemdam optimum dictatorem & scriptorem in Capellam suam assumpsit, quo nomine Francorum Reges propter Capam S. Martini, quam ad bella portabant, Sancta sua appellare solebant.* Eandem assignat Valafridus Strabo de Reb. Eccles. cap. 31. *Dicti sunt primitus Capellani a Capa B. Martini, quam Reges Francorum ob adjutorium victoriæ in præliis solebant secum habere.* Eadem est sententia Honorii in Gemma animæ cap. 128., & in sermone de S. Martino: cui subscribunt Baronius, Cangius, Thomassinus, Mabillonius, alique. Neque audiendus Joannes Filescus scribens in quer. Eccl. Gallic. Græcam esse illius vocis originem, quæ concavitatem denotat: cum inauditam esse eam vocem apud Græcos, Joannes Meursius testetur. Pariter rejiciendæ sunt interpretationes Glossographi, qui in cap. *Concedimus*, de Consecr. Dist. 2. dictam putat Capellam, quod caprarum pellibus tabernacula tegerentur; & eorum, qui ejusdem dictionis originem accerserunt a verbo Capio. Itaque Capellæ vocabulum primo occurrit in Marculpho, qui medio sæculo septimo floruit, lib. 1. formul. cap. 38. ubi refert, Francorum Proceres jurasse, *manu posita in Palatio super Capellam Domini Martini.* Hic Capellæ vox Reliquias ipsas denotat: uti & in Charta quadam edita a Mabillonio lib. de re. Dipl. ubi Theodoricus Rex anno 680. ait: *Sua mano in Oratorio nostro super Capella domni Martini, ubi reliqua Sacramenta percurrabant, hæc debirent conjurare.* At in altera Charta Childeberti Regis anno 710. ipsum Oratorium nuncupatur Capella: *Sic ab ipso viro Grimoldo fuit judicatum, ut sex homines de Verno, & sex de Laziniaco bone fideus in Oratorio suo seu Capella S. Martini immemorata homines debirent conjurare.* Quid vero ea fuit D. Martini Capa? Non alia sane juxta Cangii sententiam in Glo-

sa-

fario, quam illius brevis tunica. Atqui tamen Hieronymus Bignonius in notis ad Marculphi formulas lib. 1. cap. 38. confet, non ullam D. Martini vestem denotari; sed Capſam, seu Capellam, aut thecam, ubi ejus recondebantur Reliquiæ. In eadem est sententia Peiratus lib. 1. de Orat. Reg. Gall. cap. 1. & 2. eo ductus momento, quod qui S. Martinum laudarunt Paulinus Nolanus, Severus Sulpitius, Gregorius Turonensis, nullam illius Capæ, seu tunicæ mentionem injecerint: imo ex epistola quadam Theodomari Abbatis Casinensis ad Carolum M. infert Capæ vocem, tunicam quādam denotantem ab Italis, non a Francis derivatam. Hæc tamen non adeo valida sunt, ut Cangii sententiam convellant: præsertim cum Veteres Capam, non Capſam dixerint B. Martini. Quod vero hujus Capæ nulla occurrat mentio apud antiquos; causa esse potuit, ut optime advertit Gatticus cap. 2. §. 4., quod ea ætate nondum illud vestimenti genus Capa diceretur, quo nomine donari cœpit sæculo septimo adolescente. Memorarunt tamen Sulpitius, & Fortunatus, brevem, hispidamque Beati Martini vestem, quæ nudis brachiis, pectus solum ampiebat. Quoad Theodomari epistolam lib. 1. Chron. Casin. cap. 12. ibi sermo est de Cappa, seu Cucullo Monachorum, quod vestimenti genus, totum corpus contegentis, diversum sane est a Capa, de qua agimus. Atque hæc est illius dictionis Capellæ origo, quo nomine deinceps omnes sacræ Ædes donatæ sunt. Quin & ipsa sacra suppellex ad rem divinam faciendam dicta est Capella. Hoc sensu Carolus M. in suo testamento apud Eginhardum, vetuit dividi Capellam suam: & hoc sensu etiam non semel usurpat vocem Capellæ S. Everardus Comes in suo testamento apud Cangium in Glossario. Sed & Cancellarium Principis dicta est Capella; eo quod in Oratorio Palatino Archivium, Diplomata, & Regni monumenta allervarentur. Hinc in Concilio Francofordiensi an. 794. can. 3. Carolus M. post condonata delicta Thassiloni Duci Bojorum, jussit, ut unum Diploma hujus veniæ deponeretur in sacri Palatii Capella. Et de Anglia, testatur Spelmanus, Archivum Regium in Capella custodiri, quæ proinde dicitur Capella Rotulorum. In Statutis Davidis II. Regis Scotiæ leguntur litteræ,

quæ emanarunt de Capella Regis . Unde qui describendis Regiis publicisque instrumentis addicebantur , Capellani olim audiebant . Denique illud notandum est cum Peiratio lib. 1. cap. 8. Capellam Regis proprio & stricto sensu sumptam , non esse sacram Ædem ipsam in loco aliquo constructam ; sed cœtum Clericorum , qui Regis sunt a sacris domesticis . Quæ de re ubicumque Rex fuerit , sive in civitate , sive in castris , domi forisque , terra marique , habet Capellam suam : quemadmodum ubi Rex , ibi Aula .

VI. Regnante Carolo Magno sacrarum rerum amantissimo , & ejus stirpe , haud facile est dictu , quantum Capella Palatina splendoris & dignitatis acceperit . Ordo Romani Officii , quem Pipinus invexerat in Galliam , quemque Carolus M. egregie promoverat , & propagaverat , ibi potissimum vigeat . Sangallensis Monachus lib. 1. de eccl. cura Caroli Magni cap. 33. ipsum exhibet , ut ducem & moderatorem cantus ecclesiastici , lectionum , & Officiorum , quæ celebrabantur in Capella Palatii : in qua nec ullum sinebat adscribi Clericum , nisi qui & litteras sciret , & cantum . Refert idem Scriptor , quibus ille se muniret vestibus , cum nocturnis adesset Officiis , & quanta circa ipsum esset Clericorum frequentia . Et Eginhardus in illius vita testatur : *Ecclesiam mane , & vespere , item nocturnis horis , & Sacrificii tempore , quoad cum valetudo permiserat , impigre frequentabat* . Hinc Palatina Ecclesia , veluti omnium exemplar habebatur , ad quam se cœteræ omnes conformarent , & tamquam magistræ æmulerentur . Quare cum voluit Leo III. ut in Gallia recitaretur Symboli more Romano , sine particula *Filioque* ; hortatus est Missos Caroli M. ut ita in Regia Capella recitaretur , cujus exemplo se cœteræ Ecclesiæ accomodarent . Nec una erat Francorum Regibus Capella Palatina ; imo cum plura eis essent Palatia , plures quoque ipsi habuere Capellas : omnium vero famosissima dicitur a Gaufrido in vita S. Bernardi , Capella Palatii Aquisgranensis ; quam a Carolo M. excitatam Leo III. consecraverat . Plura de hac Capella scribit Eginhardus in vita Caroli Magni : eamque pluribus Sanctorum Reliquiis ditatam constat ex sermone Caroli de illius fundatione , quem refert Miræus in Cod. piar.

piar. donat. cap. 11. Ibi enim ait Imperator, se Pignora Apostolorum, Martyrum, Confessorum, Virginum, ex variis Regnis, præcipue Græcorum, collegisse, atque in eam Capellam intulisse. Hujus instar, aliam inchoavit Capellam Ludovicus Pius in Theodonis-Villa, cujus meminit Continuator Regimonis ad an. 939. Neque enim minori erga Divina Officia studio afficiebatur: unde cum Davidi assimilat Theganus, aitque plus nimio indulisse Consiliariis suis, quod psalmodiæ, & lectioni totus vacaret. Et cum ad ipsum scriberet Agobardus de multis, quæ imperium illius foedarent, non potuit non justis laudibus afficere studium & assiduitatem illius ad Divina Officia frequentanda. Successores Reges secundæ & tertiæ stirpis habuisse Capellas Palatinas, habuisse & Capellanos plures, qui in Aula rem divinam facerent, cui ipsi sapissimè intererant, constat ex Peiratio, toto libro de Orat. Regum Galliæ. Inter eos eminere in omni pietatis genere Robertus & S. Ludovicus; quos Divina frequentasse Officia, noctu diuque in Capella sua; plures ad sacrum ministerium Clericos aluisse; præcipuas anni solemnitates summa coluisse religione; Oratorio etiam portatili usos esse ad sacra Mysteria conficienda, ubi iter agerent; & alia plurima pietatis argumenta, referunt Helgaldus, Nangius, Gaufridus de Bello-loco, scriptores illorum vitæ. Testis est Peiratius lib. 1. cap. 4. nulla fere a Regibus Palatia constructa, ubi non esset Oratorium ad sacra peragenda: Robertum excitasse in Palatio Ædem D. Nicolao sacram; Ludovicum VII. in Aula Sacellum B. M. Virgini consecrasse; & Sanctum Ludovicum in honorem Spineæ Christi Coronæ, quam a Balduino Orientis Imperatore acceperat, Sanctam Capellam Parisiensem cum Clericorum coetu construxisse. Nam etiam Regibus secundæ & tertiæ stirpis mos fuit Sanctorum Reliquias in Aula custodiendi, ut idem tradit Peiratius lib. 1. cap. 6. & 7. Ita Hugo Capetus Sanctorum Maglorii, Sanfonis, & Maglovii Corpora in Capellam intulit Palatinam; quam etiam Parochiali jure donatam voluit. Et de Roberto ejus filio scribit Helgaldus, quod *jucundabatur in Sanctorum Pignoribus a se auro & argento bene ornatis*. Refert Cangius in Glossario verbo *Capella* Chartam Caroli Simplicis, ubi Rex

ait

ait se Reliquias B. Virginis Walburgis collocasse in Capella Palatii Attiniaci, & duodecim ibi depurasse Clericos: *qui diu noscuntque Divina horis competentibus frequentent Officia*. Has Reliquias deferri consuevisse cum in hostes castra movebantur, diserte constat ex Concilio Liptinensi anni 742., & ex Capitularibus Caroli M. lib. 7. cap. 103. ubi statutum fuit, ut nullis Clericis fas esset in hostem una cum exercitu pergere, nisi iis, quibus opus erat ad sacra munia obeunda, & ad Sanctorum Pignora portanda. Regnantibus vero tertiæ stirpis Regibus, celebre vexillum dictum Aurissammeum, ex ara B. Dionisii sumptum, summa religione, in hostes ferebatur. Iidem fere mores obtinere in Oriente, cujus Imperatores congressuri cum hostibus, & Reliquiis Sanctorum, & Aurissamæ utebantur. Tandem Capellæ Palatinæ Regum Galliæ, nedum Sanctis Pignoribus instructæ erant, verum etiam splendidissima sacra suppellectile. Ut enim constat ex reperiis Regis Roberti apud Helgaldum, & Ludovici Grossi apud Sugerium, & Caroli VI. apud Peiratium lib. 2. cap. 4. & 5. ibi recensentur Calices, Cruces, Evangeliorum libri, Candelabra, thuribula, simulacra, & alia sacri ministerii instrumenta, magno in numero, ex auro vel argento conflata: ornamenta etiam Sacerdotalia miri operis, summiq; pretii. Atque ex his satis superque patet, quam antiquo, & quam splendida fuerit Capella Palatina in Aula Regum Francorum. Et nunc temporis habent Galliæ Reges Capellam, nedum in Parisiensi Palatio, verum in Palatio Fontisbellaquei a Francisco I. excitatam, & in Versaliensi a Ludovico XIV. constructam; quas describit Martinierius in suo Dictionario Geographico.

VII. In Aula Hispana a Suevorum Regum ætate Sacellum extitisse Palatinum, conjicit Turturetus in libello ad hanc rem edito. Nam Concilium Lucense anno 567., regnante Theodmiro celebratum, dum suas singulis Episcopis Dioeceses attribuit, Episcopo Dumienfi Regiam familiam assignat: *Ad sedem Dumiensem familia Regia*. Ex quo colligit ille, ita habuisse Hispanos Reges propriam Ecclesiam Aula, & Aulicos Sacerdotes, uti Aula Antistitem: rejicitque Garcie Loaisæ sen-

sententiam, qui nomine familiæ Regiæ denotari censet Monachos Dumienlis Monasterii, quod Regii erat juris. Addit, in Historia gentis Hispanæ par. 2. cap. 4., jussu Alphonſi Sapientis conscripta, Regiam Domum subditam dici Episcopo Dumienſi: hocque idem asserere Lucam Tudenſem, & Ambrosium Morales Hispanos Scriptores. Regnantibus deinde Gothis, nullam quidem expressam mentionem occurrere Capellæ, & Capellanorum Aulæ Hispanæ: vestigium tamen ejus rei deprehendi in Concilio Toletano v. i. cap. 1. ubi memorantur Sacerdotes, qui adstringebantur juramento, Regi se se fidos fore. Horum nomine censet Turturetus Aulicos Sacerdotes indigitari. Eugenium quoque Toletanum Antistitem e numero fuisse Palatinorum Sacerdotum opinatur, quod ab Idelfonso Toletano lib. de vir. illustr. cap. 14. dicatur Clericus Regiæ Ecclesiæ: *Qui cum Ecclesiæ Regiæ Clericus esset egregius.* Quamvis Hispani Scriptores nomine Ecclesiæ Regiæ, non Ecclesiam Palatinam, sed Toletanam interpretantur; quod amplissima Civitas illa olim diceretur Urbs Regia. Si vera tamen narrat Julianus, vel si vera a majoribus accepit, fuit Gothi Hispaniæ Regibus Capella Palatina, ubi S. Leocadiæ Corpus tumulatum erat. Is enim scribit in suis advers. n. 289. *Accepi simul a majoribus in S. Leocadiæ Sacello Regio, Corpus sepultum fuisse in Aula Sacello, & prope sepulcrum Virginis, in pariete locatum thronum fuisse Regis Reccſſuinthi, Gothorum more purpura, auroque tectum.* Sub tertia Regum Hispaniæ Dynastia, Regum nempe Legionis & Castellæ, non obscuris argumentis Ecclesia Palatina asseritur. Ferdinandus cognomento Magnus Legionis & Castellæ Rex omnibus intererat nocturni diurnique Officii Horis, concinens & ipse cum Clericis, quin & agens quandoque partes Præcentoris. Ita. de eo narrat Rodericus lib. 6. de reb. Hisp. cap. 13. ad an. 1063.: *Ecclesiam vespere, & mane, nocturnisque horis, & Sacrificii tempore frequentabat, interdum cum Clericis in Dei laudibus modulando, interdum etiam vices Cantoris explebat.* Atqui hanc Ecclesiam nonnisi Palatinam fuisse, illud suadet, quod Rex singulis noctibus, singulis quoque diebus, mane, & vespere, Aula egredi, & ad Ecclesiam pergere, haud facile po-

potuisset. Idem dicendum est de Joanne Aragonum & Siciliae Rege, quem etiam quotidie Divinis affuisse Officiis, testis est Marinus Siculus lib. 21 : *Quotidie rebus divinis & sacris interfuit*. Narrat & idem Auctor, Isabellam Castellæ & Aragoniæ Reginam nusquam defuisse Divinis Officiis, quæ in Regia ejus Capella decantabantur; si quid vitiose pronuntiaretur, ipsam emendavisse; Horas quoque Canonicas ipsam quotidie persolvisse : *Semper enim sacris rebus, & Divinis Officiis aderat*. In quibus si quis forte Sacerdotum suorum, qui sibi rem divinam celebrabant, aut Horas Canonicas, & Psalmos canebant, errasset in syllaba, persentiebat, & tamquam Magistra discipulam admonebat. *Quæ præter multas extraordinarias & votivas orationes, Horarium quoque, Sacerdotum more, quotidie persolvebat*. Tandem, cum in nonnullis privilegiis ab Alphonso VI. concessis Antistiti Compostellano, medio tere duodecimo sæculo; atque in Lege Hispana ab Alphonso IX. edita, mentio fiat Capellanorum Aulae Hispanæ, jam hærendum non est, quin antiquis Hispaniæ Regibus fuerit Palatina Ecclesia. Quam vero nunc temporis habent, describit Turturetus Capellanus Philippi IV. in libro de Sacello Regio cap. 4. de cujus Clero, & Liturgia inferius dicendum erit. Sed præter hanc Ecclesiam Palatinam, alia sunt in Aula Hispana Sacella, ubi privatim a Capellanis Aulae, sacra Mysteria conficiuntur, Rege præsentem.

VIII. Est etiam hoc loco commemoranda Capella Palatina Regum Angliæ, quod olim sacrarum rerum cultu, & Clericorum frequentia plurimum effulserit, & ad hæc usque tempora illius supersint vestigia. Sane Alfredum Regem, qui nonno imperabat sæculo, habuisse in Aula sua Capellam, indicat Willelmus Neubrigenensis lib. 2. de gest. Regum Angliæ. Narrat enim illum horas diei cujuslibet ita tripartiri solitum, ut lectioni & orationi octo dicaret, totidem Regni disponendis negotiis, totidem corporis necessitatibus explendis. Erat in illius Capella cereus, qui noctu ardebat interdiumque, & horas demonstrabat singulas, de qua re ipsum Capellani commonebant. Librum quoque Officiorum Ecclesiæ, sinu suo semper gestabat, ut ad ea se conferret, quoties ei id esset otii. Aliis etiam

etiam antiquis Angliæ Regibus non defuisse in Aula Oratorium, ubi rei divinæ vacarent, vel ex hoc uno conjici potest argumento, quod illorum decem enumerat Matthæus Paris in Henrico III, in Sanctorum Albo relatos. Nec defuit Regibus, qui succedere. Nam Willelmus ille, qui sæculo undecimo Angliam subegit, ut scribit Malmesburienſis lib. 3. Reg. Angl. *Religionem Christianam quantum secularis poterat, ita frequentabat, ut quotidie Missæ assisteret, vespertinos, & matutinos hymnos audiret.* Cui adjungendus est clarissimus Angliæ Rex Richardus, quem primum semper omnium surgere solitum, & in Ecclesiam pergere, ut Divinis omnibus adesset Officiis, narrat Rogerius. Adjungendus quoque est Henricus II, quem tribus quotidie Missis solemnibus interesse solitum, præter alias, quæ submissa voce recitabantur, scribit Walsinghamus ad an. 1273. Quotidiana hæc pietatis officia, non alibi facile potuissent Reges, noctu diuque explere, nisi in Ecclesia Palatina. Ibi itaque Divinis Officiis, & Missarum solemnibus vacabant: ibi præcipuas anni festivitates agebant, quas summa religione & pompa coluisse in Aula sua Anglos Reges, indicat non semel in Historia sua Froissartus. Et a Polydoro Virgilio lib. 8. Hist. duæ præcipuæ memorantur in Aula Anglicana sacræ cæremoniæ; quarum una spectat ad curandas strumas, quod festis quibusdam diebus, multiplici ritu præstabant Angliæ Reges: altera vero fuit, annuli contra comitalem, nobis benedictio, quæ in die Parasceves agi consuevit. Porro ad rem divinam faciendam numerosum in Aula alebant Clerum; adeo ut non semel Romani Pontifices ægre tulerint tot Episcopos, Clericos, Monachos a suis avelli Ecclesiis, & Aulæ addici. Id etiam ægre tulit Petrus Blesensis ep. 14. ad Clericos de Capella Regis data, qua graviter eos hortatur, ut exemplo suo, se se ab Aulæ periculis subducerent: qui tamen, ep. 150. mitigavit asperius dicta in Aulicam vitam, falsus expeditur Ecclesiæ; ut Clerici aliqui in Aula versentur, dummodo non officio suo desint, non Aulæ vitiis maculentur. Causa etiam erat, cur minus probaretur illorum in Aula frequentia; quod non tam sacris rebus, quam temporalibus negotiis tractandis incumberent: cum Reges officia fere omnia Aulæ,

C

& Re-

& Regni, Clericis committere consueverint. E numero autem Clericorum Capellæ Regis fuit Magnus Eleemosynarius: quo munere functus est Eduardus Foxius sub Henrico VIII. & Willelmus Biel sub Regina Elisabetha, ut refert Peiratius lib. 1. cap. 29. ex eo Capellam Angliæ Regum inferens, ad Capellæ Regum Galliæ normam, compositam fuisse. Nunc etiam temporis in ipsa Aula Anglicana etsi miserando schismate a Romana Ecclesia disjuncta antiqui moris vestigia supersunt. Ut enim constat ex Dumontio & Roussetio in Cæremoniali Angliæ cap. 1. §. 3. est in Palatio Regio Capella, cui qui præest, Decanus dicitur, plerumque ex Episcoporum numero, eique nonnisi Rex imminet. Spectat ad Decanum inferiores Capellæ ministros designare, atque hi sunt: Vice-Decanus; duodecim Ecclesiastici ad rem divinam faciendam; viginti Cantores laici, qui dicuntur Capellæ Clerici; duodecim Scholares ad rem musicam; Custos Capellæ; tresque Caduceatores, qui argenteam virgam ferunt. E numero Clericorum Capellæ sunt, Magister artis musicæ, duoque Organistæ. E cœtu autem Ecclesiasticorum, unus spirituales gerit curam Aulicorum; quippe qui mane quolibet preces ipsis indicit; si qui ægrotant, ad eos invisendos, monendosque accedit; si quid in re divina illis obscurum, dubiumque occurrat, explanat. In ea Capella ter singulis diebus preces aguntur; singulis vero Dominicis, & festis duæ conciones habentur; resque Divina celebratur cum cantu, musicisque instrumentis. His diebus Rex Ordinis Periscelidis torquem gestat, uti etiam in anniversariis natiuitatis, & inaugurationis suæ: atque ad Liturgiam nummum offert aureum, quem Byzantium vocant, quod ibi cufus fuerit primum, porrigente oblationem Supremo Regiæ Domus Præfecto. Atque id quidem in Natiuitate Domini, Pascha, Pentecoste, festo omnium Sanctorum: siquidem in aliis nonnullis diebus festis aurum offertur: in Epiphania vero aurum, thus, & myrrha. In præcipuis etiam solemnibus, atque prima cujuslibet mensis Dominica, solet Rex cum Aulicis suis Eucharistiam sumere. Ad conciones habendas in Palatina Capella, constituti sunt quadraginta octo Capellani, quorum quatuor in orbem singulis mensibus,

bus, verba faciunt. Sed Quadragesimæ tempore, (quod etfi non jejunii, attamen majoris fovendæ pietatis tempus habetur in Ecclesia Anglicana) frequentiores sunt conciones; nempe singulis diebus Dominicis, feriisque quarta & sexta. Et primo quidem in die cinerum, Decanus Capellæ conciones exorditur; tum sequenti feria sexta, Decanus Ecclesiæ S. Pauli; & die Dominica, Episcopus aliquis concionatur. Deinde hoc ordine sequuntur conciones, ut feria quarta a Capellano aliquo Regis; feria sexta ab aliquo e Decanorum coetu; Dominica autem ab Episcopo sit concionandum; in die Palmarum ab Archiepiscopo Cantuariensi; in Pascha a Magno Regis Eleemosynario. Habet quippe Aula Anglicana Magnum Eleemosynarium, cujus munus est stipem distribuere in magnis præsertim sollemnibus, feria quinta Magnæ Hebdomadæ lotionem pedum vice Regis agere, & stipendia solvere veteranis Aulicis, vel eorum viduis. Denique præter hanc Ecclesiam Palatinam, habent Angliæ Principes privatum Oratorium, ubi sacris rebus privatim vacent, ibique sacra moderatur Theologus, quem vocant Clericum cubiculi. Is curam gerit animæ Regis, cum adjuvat in agendis rebus divinis, is etiam benedicit Regiam mensam. Huic alii duo subsunt Clerici, qui eo absente, easdem partes impleant.

IX. Capellam Regum Lusitanæ, ineunte sæculo decimo-quarto, exhibent acta S. Elisabeth Reginæ apud Bollandum, die quarta Julii. Ibi enim cap. 6. habuisse dicitur Capellam nobili & numerosa instructam supellestile, ubi Missarum sollemnia, ubi Divina Officia a Capellanis suis celebrabantur, ubi piissima Regina singulis diebus oblationem ad altare faciebat. Et cap. 10. dum ejus vivendi ratio describitur, defuncto conjugē, rursus memoratur Palatina Capella; memoratur & privatum Reginæ Oratorium. *Postquam hæc Regina pervenerat ad statum viduitatis, expendebat tempus suum in hunc modum. Habebat secum quinque Moniales Ordinis S. Clare, quæ probe norant legere & cantare Officia Divina, quibuscum ipsa surgebat e lecto ante ortum Solis; recitabantque simul omnes Matutinum Officium cum omni devotione, observando in eo consuetudinem sanctæ matris Ecclesiæ Romanæ; post Matutinum*

recitabant Primam; post Primam, lucente jam Sole, præparabant Altare, quod semper secum Regina habebat, habebatque in conclavi aliquo Oratorium, ibique audiebat Missam privatam summa cum pietate: qua finita conferebat se ad suum Palatium, ubi habebat Capellam, inveniebatque ibi paratos Capellanos & Clericos suos ad celebrandam Missam & Officiis Divina: ad quam similiter Capellam veniebant Virgines moniales & alia feminae, quæ in domo Reginae habitabant. Congregatis omnibus, Clerici ac Capellani statim incipiebant Divina Officia celebrare, & cantabant passim Missam de Requiem pro anima Regis Dionysii, & finita dicta Missa, quæ dicebatur pro anima Regis, Clerici omnes cantabant unum Responsorium pro anima ejusdem Regis, & omnes, qui Divinis Officiis aderant, orabant similiter pro anima ejusdem: post dictum verò Responsorium, Clerici incipiebant aliam Missam juxta qualitatem diei currentis; quibus Missis ita dictis, & aliis Horis, quæ tali die celebrabantur, & recitabantur a dictis Clericis, incipiebant Regina cum suo gynæceo recitare Horas ejusdem diei, Tertiam, Sextam, & Nonam: quod si dies festus esset alicujus Sancti, antequam recitaret dictas Horas minores, audiebat prædicationem; & quando Missæ & Horæ Canonice erant finitæ, jam tempus prandii instabat, ad quod Regina se conferebat. In privato itaque Oratorio, quod Reginae cubiculo proximum erat, privatim cum suis, rei divinæ vacabat: in Ecclesia vero Palatina Capellani & Clerici sacris operabantur, & in festis diebus conciones habebantur. Porro Regum Lusitaniae Capellam Leo X. pluribus donavit privilegiis, quæ refert Cabedus in libello de patron. Reg. Coronæ, & nos alibi dicturi sumus. Ea olim erat D. Thomæ Apostolo nuncupata: At Clemens XI. edita Constitutione anno 1716. die 7. Novembris, illi contulit Cathedralis & Patriarchalis Ecclesiæ dignitatem, atque B. Virgini Mariæ voluit consecratam. Divisa namque Dioecesi Ulyssiponensi in partes duas, Orientalem, & Occidentalem; tum relicta parte Orientali veteri Archiepiscopo Ulyssiponensi, aliam Dioecesis & Provinciæ partem adscripsit Magno Regis Capellano; quem insuper Patriarcham constituit; cujus esset Capella Regia, Cathedralis, & Patriarcha-

chalis Ecclesia. Huic etiam, & ejus Canonicis plura indulgit privilegia, & rubra indumenta: quæ nova addidit Clemens XII. Constitutione anni 1738., qua privatum habendi Oratorium, & celebrandi Sacrum, hora una antelucana, & altera post meridiem potestatem eis fecit. Ab eodem Pontifice, lata Constitutione, *Inter præcipuas*, anno 1737. collata est perpetuo jure Cardinalatus dignitas Patriarchæ Ecclesiæ Ulyssiponenfis Occidentalis; ita ut qui Sedem conscenderet Patriarchalem, is esset in Cardinalium Ordinem cooptandus. Nuper vero, rescissa divisione illa ejusdem Civitatis in Dioeceses duas, quod plura incommoda procrearet; antiqua Cathedralis in Collegiatam Ecclesiam sub titulo S. Mariæ Majoris mutata est: Capellæ vero Regiæ servata est dignitas Cathedralis & Patriarchalis. In Aula igitur Lusitanæ Regum, Ecclesia Palatina, Regiis Ædibus contigua, est simul Ecclesia Patriarchalis, ubi Rex ex abside Divinis adesse solet Officiis. Quum vero, solemnij pompa, ad audiendam Liturgiam accedit, Oratores Principum & Magnates Regni eo conveniunt: & illis quidem, sedes & pulvinaria conceduntur in cubiculo quodam e regione Sedis Regis; Magnates vero sedibus insident post Regem; post Magnates, cæteri Nobiles viri insident scamno. Regis sedes velamine tegitur, quod assidente Rege, tollitur. ab Officiali quodam ad id muneris deputato, quem vocant *Reposseiro-Mor*, quique stat prope Regem, dum sit res divina. Est in Aula Magnus Eleemosynarius *Esímolero-Mor*, sacculum deferens ad stipem erogandam. Est & Magnus Capellanus *Capelão-Mor*, qui Ecclesias Regem adeuntem adspersit aqua benedicta. Cæterum in Capella Regia, non is, sed Patriarcha sacris operatur, utpote quia Capella Palatina est etiam Patriarchalis, & quidem in præcipuis festis, & magna cum pompa, ad instar Pontificiæ Capellæ. Quamobrem, non nisi Patriarcha imminet Canonicis, & numerofo illius Ecclesiæ Clero, & rem divinam in Capella Regis moderatur.

X. Olim Duces Comitescque habuisse in Comitatu suo Capellani, & coetum Clericorum, notat Altaferra de Ducibus lib. 3. cap. 8. Omnium vero præclarissima fuit Capella Divionensis Ducum Burgundiæ, quam anno 1172. fundavit Hugo III. Dux Bur-



Burgundiæ, uti ex præcepto fundationis constat edito ab Aurberto Mirago. Meminit hujus Capellæ, & Canonicorum ei deservientium Innocentius III. in Cap. *Cum Capella*, de Privilegiis. Atque ibi originem duxit amplissimus Ordo Equestris velleris aurei; ibi etiam quotannis habebantur Comititia societatis, & S. Andræ Apostoli tutelaris solemnia agebantur. Nunc vero temporis, insignis est Ducum Sabaudia Capella, quam in Aula sua habuisse, antequam Sardinia Regno potirentur, colligitur ex Francisco Ranchino in Europa descriptione inter Geographica Opera Davity. Scribit enim, Sabaudia Ducibus suam esse Capellam, iisdem donatam privilegiis, quibus Capellæ Regiæ fruuntur, & ex Magno Eleemosynario, quatuor inferioribus Eleemosynariis, pluribusque Capellanis, Clericis, & Cantoribus constatam. Sane sub Philiberto Sabaudia Duce, Gaspar Caprius, electus Astensis Episcopus anno 1550., egerat Eleemosynarium & Cancellarium magni Ordinis Sabaudia, uti testatur Ughellius. Qui idem in Episcopis Nicientibus recenset Joannem Baptistam Provanam, creatum anno 1548. Nicientem Præfulem, ex Magno Eleemosynario Ducis Sabaudia, & Canonico Taurinensi. Et Joannes Franciscus de Sales Episcopus Chalcedonenfis, S. Francisci Salesii frater, successorque in Sede Genevensi, fuit Eleemosynarius, & Magnus dicti Ordinis Cancellarius, apud Carolum Emanuele Ducem, uti referunt Sammarthani to. 2. Gallia Christiana. Verum paucis abhinc annis, plurimum ornamenti & splendoris accessit Capellæ Ducum Sabaudia, qui & Sardinia Reges, ineunte hoc sæculo, dici cœperunt. Palatinam quippe Capellam auxit Victorius Amedæus anno 1729., favente Benedicto XIII. Parochiali dignitate, quæ Aulam, Aulicosque complecteretur: mox eandem, anno 1745, pluribus cumulavit privilegiis suo loco adducendis, gloriosissimus Pontifex BENEDICTUS XIV., quem diu nobis Deus incolumem servet. Clerus Capellæ Regum Sardinia constat ex Magno Eleemosynario, qui sacris rebus in Aula præest, ut alibi dicendum erit; quatuor inferioribus Eleemosynariis, quorum unus vicarias partes agit Magni Eleemosynarii; eorum singuli, alternis vicibus, spatium trium mensium in Aula ministrant, nempe Regias benedi-

dicunt dapes, stipem erogant, Regem adeuntem Ecclesias adspargunt sacris aquis: sex Capellani, qui Sacrum faciunt in Capella: tribus aliis Capellanis, qui curæ animarum incumbunt, unde Vice-Parochi dicuntur: tribus Capellanis Honorariis: duobus Clericis, & altero super numerum. Habet præterea Rex in villaribus & rusticanis Domibus Regiis ad delicias & voluptatem extructis Capellas plures; præsertim vero in Palatio Veneriæ, cui contigua est insignis Ecclesia, eaque est Aula, & Aulicorum Parochia: quæ omnes, & illarum Clerici, & Vice-Parochi, tamquam membra sunt urbanæ Palatinæ Capellæ. In earum quoque numero est recensenda Ecclesia Supergæ, tribus millibus passuum a Taurino dissita, quam ad tumulanda Sabaudorum Principum corpora incepit Victorius Amedæus, perfecit vero anno 1731. Carolus Emanuel gloriosissimus Princeps. Ibi Divina perfolvantur Officia a duodecim Presbyterorum Collegio, qui inter Capellanos Regios Honorarios adscribuntur, & nonnisi Magno Eleemosynario, uti etiam alii ejusdem Ecclesiæ Clerici, subiecti sunt.

XI. Jam vero adeunda nobis est Aula Regum Siciliæ primæ stirpis, seu Nortmannorum; ubi Palatina occurrit Ecclesia, vetustate ævi, operis excellentia, sacrarum rerum cultu, Canonico cœtu, ministrorum copia, Parochiali dignitate, Regum beneficiis, Sanctorum denique Reliquiis, omnium præstantissima. Neque enim in iis, quæ ad pietatem, & ad rem divinam spectant, Siciliæ Reges ullis umquam Regibus concessere. Sane apud Nortmannos Duces, qui pulsis Longobardis & Sarracenis eximia virtute Apuliam, Siciliamque occuparunt, receptum fuisse morem habendi Capellas suas, suadent monumenta illa, in quibus eorum Capellani memorantur, quæ nos alibi proferemus. In illorum numero Robertus Guiscardus, ejectis anno 1071. Panormo Sarracenis, recepta Urbe, restitutis sacris rebus, constructis mœnibus, in arce ipsa Palatina, ubi suum erat domicilium, Sacellum musivo & vermiculato opere ædificavit, quod Hierusalem dicebatur. De qua re Fazellus Rer. Sicul. Decad. 2. lib. 7. cap. 1. scribit: *Igitur in pristinum Christianitatis statum, cum summa celebritate omnia rediere. Tempia, Fana, ac Aedes Chri-*

Christo & Divis excitata, supplicationes Deo decretæ publicæ, privatimque gratulationes cum effusa lætitiâ factæ His rite patratis urbem Robertus & Rogerius firmis manibus ac præfidiis, duplici arce, altera ad mare, a quo adhuc cognomen habet, altera ad Occidentem, Adæque sacra musæo ac vermiculato opere ab Hierusalem cognominata, erectis, mirifice exornarunt. Verum Palatinæ illius nobilissimæ Ecclesiæ, quæ ad hæc usque tempora extat in Aula Panormitana, auctor fuit Rogerius Primus Siciliæ Rex, post composita Regni negotia, post res plurimas feliciter gestas, Regisque dignitatem sibi assertam, & vindicam. Hunc clarissimum & piissimum Principem, inter alia plurima Tempia, quæ Deo & Divis consecraverat, excitasse in Palatio suo miræ structuræ Ecclesiam D. Petro Apostolo sacram, narrat his verbis Fazellus Rer. Sicul. Decad. 1. lib. 8. cap. un. describens Aulam Panormitanam: Arcem ipsam ingredientibus Sacellum musæo a Roberto Guiscardo structum, Hierusalem nuncupatum, a fronte occurrebat. Quod deformatum mea ætate ad profanos mutatum, est usus. Sed & ad dexteram hodie in vestibulo Templum est D. Petro Apostolorum Principi sacrum a Rogerio Siciliæ Rege a fundamentis erectum: prout Petrus Archiepiscopus Panormitanus & Canonici, eorum diplomate dato Panormi an. sal. 1132., ejusdem Rogerii regni anno secundo, testantur, & ipsius Rogerii Regis privilegio dato Panormi mense Martio an. sal. 1142. & sui Regni 12. constat. In eo diplomate Rogerius, post enumerata divina erga se beneficia, se eam ædificasse Ecclesiam, opibus, & privilegiis pluribus donasse dicit, quibus nemini fas esset oblitere: Aspirante itaque nobis septiformi Salvatoris gratia, cuius misericordia, nostra prosperantur in melius, in honorem B. Virginis Mariæ, omniumque Sanctorum, & titulo B. Petri Apostolorum Principis intra nostrum Regale Palatium, quod est in Urbe Panormi, Ecclesiam summa cum devotione fabricari fecimus. Id Sacellum sua pulchritudine, & rerum pretiosissimarum apparatu cæteris, quæ in Italia nunc usque extant, seu veteribus, seu novis longe præstare, jure merito asserit Fazellus, singulas illius partes describens. At vero nedum operis magnificentia cæteris Capel-

pellis Palatinis Principum præfertur; sed etiam sacrarum rerum dignitate. Nam primò Ecclesiam hanc Palatinam, in gratiam Rogerii Regis, Petrus Archiepiscopus Panormitanus, anno 1132., Parochialem constituit Ecclesiam Regii Palatii. Refert diploma Roccus Pirrus tom. 2. Siciliae sacræ, novissimæ editionis, in notitia hujus Ecclesiæ: *Rex benignissime vestris postulationibus devotis annuentes Capellam vestram in honorem S. Petri Apostolorum Principis infra Castellum superius Panormitanum fundatam exaltare, & Parochiali dignitate, irrefragabiliter munire decernimus; præsertim cum jam dicta Capella tam Canonicali honore, quam etiam reliquis beneficiis per vestram majestatis munificentiam decorata realiter resplendeat. Nos igitur voluntati vestræ sinceræ providentes, Canonicorum nostrorum, & Capituli communi consensu, concedimus, & præsentis privilegii auctoritate firmamus, supranominatæ Capellæ vestræ Ecclesiam S. Andree, quæ sita est juxta murum Panormi cum cæmeterio sufficienti habendam illi, ac possidendam, & ejusdem Capellæ Canonicis per hujus traditionis paginam, jure perpetuo. Adjicimus quoque ei in Parochiam totum Castellum Panormitanum cum universo Regali Palatio, ac omnibus in ea degentibus Capellanis, Clericis omnibus Capellæ, & servientibus Capellæ domesticis suis. Solemnis hujus Ecclesiæ dedicatio peracta fuit anno 1140. die 18. Aprilis decimo anno Regis Rogerii, pluribusque Indulgentiis cumolata: cujus rei diploma subscriptum a Latinis Græcisque Sacerdotibus, qui rei sacræ interfuere, narrat Pirrus. Eodem anno pingues redditus a Rogerio concessi sunt Capellæ suæ: & in concessionis tabulis memoratur Capella Alviræ Reginae, ejus conjugis; undè patet, Reginam quoque Clericos suos habuisse ad rem divinam faciendam. Sed & numerosum insignemque Clerum piissimus Rex adscripsit Palatinæ Ecclesiæ, qui divino inculcasset ministerio. Ut enim refert Pirrus: *In prima fundatione constituti sunt, Magister, seu Capellanus Major; duæ Dignitates, Cantor, & Thesaurarius, duodecim Canonici, tres Personatus, Subcantor, Magister scholarum, & Terminator, & duodecim Sacerdotes, quos Chorodatos vocamus, duo Sacristæ, & quatuor Clerici.* Denique*

que, ut Divinis persolvendis Officiis in Palatina Capella accuratius fieret satis, curavit Rogerius Horologium ibi constitui, quo designarentur horarum singulae, ad agenda Divina Officia statuta. Id indicat vetus inscriptio in ea Capella, quam referunt Pirrus, & Fazzellus: *Hoc opus Horologii præcepit fieri Dominus & Magnus Rex Rogerius an. Incarn. Domin. MXXIII. mense Martio Ind. 5. anno Regni ejus XIII. feliciter.* Tum Graecis & Saracenis litteris additur: *Ospectaculum novum. Fortis Dominus Rogerius Rex ex Deo sceptrum tenens, luxum frenat fluentis substantiae, cognitionem distribuens a peccato immunem horarum temporis.* Jam vero nil addi potuisse videtur, ad illius Ecclesiae Palatinae dignitatem, & ornamentum. Atqui tamen successores Normanni Reges, novis eam beneficiis cumularunt. Præ cæteris Willelmus I. Rogerii filius, de quo scribit. Romualdus Guarna Archiepiscopus Salernitanus, auctor coævus, & qui in Aula aderat, in Chronico: *Divino Officio extitit multum intentus, & personas est ecclesiasticas multum veneratus. Capellam S. Petri, quæ erat in Palatio, mirabilis musibilib fecit pictura depingi, ac ejus parietes pretiosi marmoris varietate vestivit, & eam ornamentis aureis, & argenteis, & vestimentis pretiosis ditavit plurimum, & ornavit. Clericos in ea multos, & præbendas instituit, & Divinum in illa Officium decenter, & tractatim, & cum Dei reverentia & timore celebrari disposuit.* Videas, quam in ipso sui exordio, Capella Palatina nostrorum Regum privilegiis, opibus, ornamentis, & Divino ministerio effulserit.

XII. Suevi Reges Normannis succedere, qui cum Romano Imperio simul præessent, Capellæ Imperialis dignitatem eidem Ecclesiae contulerunt. Ab iisdem novo donata sunt robore privilegia omnia a Normannis Regibus Palatinae Capellæ concessa, uti ab Henrico anno 1195, & a Friderico II. anno 1225, Imperatoribus ac Regibus Siciliae, factum esse Pirrus testatur. Et ab Henrico statutum est, ut inibi singulis annis, defunctorum Regum primæ stirpis Rogerii, Willelmi I, & Willelmi II dies anniversarii celebrarentur. Verum turbulenta & ærumnosa horum Principum tempora; frequentia insuper illorum in Apuliam, Germaniam, Palæstinam, & varias Italiae

regiones itinera, ac expeditiones, impedimento fuisse videntur, quominus novis honoribus, & ornamentis Capellam Palatinam augerent. In eam rem propensissimum fuisse Mamfredum Regem, etsi turbis gravissimis commotum imperium administraret, indicat datum ab eo diploma anno 1256, Foggia, die 4. Aprilis, quo immunes voluit Capellanos suos ab iis exactionibus, quæ collectarum nomine a cæteris solvebantur. Exstat hoc diploma to. 2. Sicilia sacra, novissimæ editionis: *Ecclesiam Capellæ sacri Palatii nostri Panormitani volentes amplius honorare; quod Prædecessorum nostrorum, & nostra reputetur Camera spiritualis: Capitulum, & Clericos omnes ipsius Capellæ, tam illos, qui residentiam faciunt, Domino serviendo, quam alios de gremio ipsius Ecclesiæ, qui nostram sequendo Curiam, deputati sunt Capellæ nostræ servitiis, a collectis, & exactionibus gratiose eximimus, & volumus esse immunes.* Capella Palatina in hisce Mamfredi litteris *Camera spiritualis* Regum nuncupatur; ex eo fortasse, quod ad instar Camera, ubi thesaurus Regis servabatur, spiritualium rerum copiam Regibus suppeditaret. Camera enim dicta est conclavis ad Regios thesauros asservandos designatus; quo sensu in Capitularibus Caroli M. tit. 21. cap. 14. *Pensam argenti, quam ex Camera nostra accepit;* & in Testamento Caroli M. apud Eginhardum: *Quidquid in Camera atque vestiario ejus eo die fuisset inventum;* unde & fiscus Imperatoris, aut Regis, Camera dicebatur; qua notione passim occurrit hæc vox apud Scriptores mediæ ævi. Qua de re, cum Sacramenta, & alias spirituales opes in Capella Palatina Reges perciperent; hinc non immerito ea dici potuit illorum Camera spiritualis. Vel potius eo sensu Camera appellatur, quod Regis propria esset, illique subjecta. Nam olim Camera dictæ sunt Provinciæ, Urbes, Ecclesiæ, quæ immediate Principi suberant, & fisci propriæ erant. Hoc sensu Matthæus Paris anno 1242. de Urbe Sintonensi dicit: *Quia ab antiquo jure specialis proprietas Regis Angliæ esse dignoscitur & Camera;* & in vita Benedicti XII. apud Bosquetum Cameracensis civitas dicitur Camera Imperii. Sed & in Chronico Casauriensi lib. 4. de Lothario Imperatore legitur: *Cum cognovisset, quod ipsa Abbatia* (Ca-

faurienſis) *ab antiquo fuiſſet Imperialis Camera, promiſit ſe cum D. Auguſta venire ad Monafterium, & ei reſtituere omnia jura ſua*: rurſumque alio in loco de Willelmo Rege Sicilia: *Mandavit, ut dimitteret quietam Abbatiam S. Clementis, Cameram ſuam propriam, beneficio cumulatam ſui genitoris*. Ita Rigordus anno 1185. Monafterium S. Dionyſii *propriam Cameram* Regis Francia: vocat: & ita quoque Petrus de Vineis lib. 5. ep. 82. lib. 6. cp. 9. Goldaſtus to. 1. Conſtit. Imper. pag. 265. Petrus Diaconus lib. 4. Chronici Caſinenſis, alique paſſim hanc vocem uſurpant. Itaque Cameram ſuam appellat Mamfredus Palatinam Eccleſiam, quod propria eſſet Regis Eccleſia. Hujus Eccleſiæ Clerici aliqui, quum Regi alio migrandum erat, Aulam, & caſtra ſequebantur, ut ſacra miniſtrarent. Hinc duplex erat Regibus Capella, una quidem in Palatio fixa, cui Clerici plurimi deſerviebant; altera portatilis & caſtrenſis, cui etiam a pluribus Clericis ſacrum miniſterium exhibebatur; ſicuti jam de Conſtantino diximus habuiſſe Oratorium Palatinum, & Oratorium Caſtrenſe; Clericos itidem, qui in Palatio, & qui in caſtris facerent rem divinam. Denique in Mamfredi litteris Palatium noſtrorum Regum dicitur Sacrum: quod ex antiquiſſimo more, noſtris Principibus ſolemne fuit. Nam Palatia Longobardorum Principum Beneventi, & Salerni, paſſim inſcribuntur Sacra, & Sacraſſima, in plurimis illorum privilegiis, quæ exhibet Ughellius.

XIII. Manfredo in Beneventano prælio ſuperato, & extincto, Carolus Andegavenſis, favente Clemente IV, imperio potitus eſt: qui etſi Neapoli ſtatuſſet Regium domicilium; attamen Capellam Palatinam Panormitanam ſuis etiam complexus eſt beneficiis. Nam dato Neapoli diplomate, anno 1270, die 19. Octobris, alteroque Panormi, anno ſequenti; rata habuit, confirmavitque privilegia, & jura omnia a prædeceſſoribus Regibus illi Eccleſiæ conceſſa. Mox occupata ab Aragoniis Sicilia ultra Pharum, excuſſoque Andegavenſium jugo, famoſa clade Veſperarum ſicularum: qui deinceps Aragones Principes illic imperarunt, nedum vetera jura Capellæ Regiæ Palatinæ illaſa ſervarunt, ſed & nova addiderunt. Præ cæteris Rex Martinus anno 1361, die 25 Junii,

pe-

petente Bernardo de Figuera Magistro Capellano, rata habuit privilegia omnia, & donationes, quibus prædecessores Reges Ecclesiam S. Petri de Palatio cumulaverant; quam insuper amplissimis ditavit proventibus. Atque ita, tot, tantisque, a Siciliæ Regibus beneficiis acceptis, diu multumque excelluit Palatina Ecclesia, Divini cultus assiduitate, Ministrorum numero & dignitate, opibus & privilegiis: quo usque extincta Aragonum Regum progenie, illius Regni imperium ad Austriacos pervenit Hispaniæ Principes. Eo siquidem temporis, tum ob Regum absentiam ab Aula Panormitana, tum ob seditionem Claramontanorum, tum ob injuriam temporum, tantam subiit calamitatem, ut nulli jam ei essent annui redditus, nullæ Canonorum præbendæ, non ibi Divina perfolverentur Officia, pauci superessent Canonici nomine potius quam officio, utpote qui nonnisi quater in anno ad sacra faciendâ accederent, ac denique unus esset Capellanus, qui Palatinis administraret Sacramenta. Hæc erat illius Ecclesiæ facies anno 1582, cum Franciscus de Puteo Visitatorem egit Regni, auctoritate Regis: hos enim Visitatores statuunt Siciliæ Reges, ut olim Missi Dominici a Francorum Regibus in Provincias ablegabantur, qui una cum Episcopis consulerent rei ecclesiasticæ. Ille vero mente revolvens Ecclesiam hanc Palatinam obligationis vinculo, tituloque oneroso, ob beneficia a Deo accepta, & ad expiationem manium defunctorum Regum, a Normannis constructam, & ditatam; auctor fuit Philippo II. Hispaniarum Regi, & Marco Antonio Columnæ Proregi, ut eam ad pristinum revocaret statum, designatisque Ministris ad sacra munia obeunda, congruis etiam præbendis eisdem constitutis, Ecclesiam Palatinam splendori pristino restitueret. Quare anno 1584 mandato Regis, Proregisque cura, statuti sunt sacri Ministri, qui in ea Ecclesia inservirent, statuti & eorum annui proventus ex fructibus & spolio Ecclesiarum suis Pastoribus viduatarum. Eodem anno Gregorius XIII. privilegiatum altare, & Indulgentias plures eidem Ecclesiæ concessit: quam deinde successores Hispaniæ Reges novis pluribusque beneficiis cumularunt. Ea leguntur to. 2. Siciliæ sacræ, in notitia hujus Ecclesiæ, quam a

Boc-

Rocco Pirro elucubratam, aliis auctam monumentis edidit rerum Sicularum peritissimus Canonicus Mongitore. Ibi & leguntur litteræ Victorii Amedei Ducis Sabaudia datæ anno 1714. ad ejusdem Palatinæ Capellæ dignitatem fovendam. Is enim cum Sicilia Regno potitus est anno 1713, eam frequentare consuevit, ibique plurima pietatis protulit argumenta. Anno 1634. confirmatum ei fuerat jus Parochiale, quod a primæva institutione illi inerat, a Cardinali Jannettino Doria Archiepiscopo Panormitano: cujus rei tabulas refert Marcus Serius in Bulla Clementis VIII. pro Parochiis Panormitanis; simul advertens jus illud extra Palatii limites minime porrigi. Est itaque Capella Palatina Panormitana, Ecclesia Parochialis, Ædes Regias complectens; numerosum & insignem habet Clerum, de quo dicemus Capite sequenti. Habet & plures Ecclesias suffraganeas, quarum index legitur citato to. 2. Siciliae sacræ, Habet plurimas & insignes Christi Domini, Apostolorum, plurimumque Sanctorum Reliquias, quas magna ex parte ex Palæstina advectas verisimile est. Nam frequentissima fuere Normannorum & Sicularum in Palæstinam itinera ad rem Christianam adjuvandam. Willelmus II. illuc quadraginta triremes ad Saladinum ab obsidione Tyri amovendum milit, ut narrat Fazellus dec. 2. lib. 7. cap. 5. Henricus Imperator & Rex Siciliae pariter validissimam classem, Asiam versus navigare jussit, ad Joppen, aliaque oppida Christianis vindicanda. Et Fridericus successor, Gregorii IX. minis excitatus, Brundisio solvens anno 1228. in Syriam venit, ubi Hierosolymam & alia oppida suæ ditioni subjecit. Sed longum esset singulas in Palæstinam expeditiones recensere. Præterea non semel Siciliae Reges mutua conjugia cum Hierosolymorum Regibus inivere. Ex his itaque crebris Sicularum in Palæstinam navigationibus, facile fuit, in Capellam Palatinam, tot & tantas, uti ex illarum longo indice to. 2. Siciliae sacræ colligitur, sacras Reliquias adportari. Ac videas morem apud Orientales Imperatores, & Francorum Reges usitatum, asservandi in Oratorio suo Palatino sacras Reliquias Sanctorum, etiam in Aula Regum Siciliae viguisse.

XIV. Redeundum nobis est ad Andegavenses Principes,
qui

qui Neapoli Regiam sedem collocarunt. Hi sane, nedum sua erga Divinum cultum religione, qua plurimum valere; non exemplis tantum prædecessorum Sicilia Regum primæ & secundæ stirpis; sed & exemplo Regum Francorum, quibus sanguine conjuncti erant, hunc servarunt morem habendi in Aula sua Oratorii. Id quidem Carolus Andegavensis a S. Ludovici Galliarum Regis fratris sui Aula, ubi & inigne exstabat Oratorium, & numerosus alebatur Clerus, & Divinum ministerium egregie peragebatur, in Neapolitanam transfudisse Aulam, uti & alia plurima Francorum instituta, verosimillimum est. Fuit itaque Andegavensibus Regibus Palatina Capella, suere & Capellani plurimi ad rem divinam, ut alibi dicemus: idque indicant litteræ quædam Roberti Regis, a Wadingo in Annalibus FF. Minorum ad annum 1338. prolata. Ibi enim mentio fit cujusdam Oratorii a Regiis Aëdibus non longe distiti, sub titulo S. Mariæ ad Crucem, quod Robertus Rex anno 1328. Capellæ Palatinæ adgregavit. Quo in loco deinde a Sincia Regina piissima, Roberti conjuge, constructum est Clarissarum Cænobium sub invocatione S. Mariæ de Cruce. Roberti Diploma ita se habet: *Universis presentes litteras inspecturis, tam presentibus, quam futuris. In Majestatis eternæ laudem & gloriam, & præcelsum Divinitatis Mysterium dignanter offerimus, & pro summa reverentia Virginis, quam debemus præcipue devotionis instinctu ad ipsam Virginem gloriosam, cujus merito & dignatione filii vivimus, & nostris populis feliciter præsidemus, novum Oratorium, sive locum S. Mariæ ad Crucem situm intra mœnia, prope pontem, loco, qui dicitur Miraculorum, cujus signa potentia sunt evidenter, & notoria, & manifesta, ut eo potius crescat in illo cæptæ jam populi devotionis affectus, quo successive fiunt favores nostri culminis cum oblationibus, fructibus, obventionibus, redditibus, & proventibus ejus omnibus, si qui sunt, & utcumque in antea fuerint, Capellæ Regiæ Domus nostræ, in perpetuum ex nunc in antea de certa nostra scientia tenore præsentium condimus. Ita quod Oratorium ipsum, seu locus quomodoque fieri, vel edificari contingeret, per omnia, tanquam unum de specialibus membris dictæ Capellæ Regiæ habeatur de*

cæ

cætero, ac etiam censeatur, declarantes tenore præsentium, ac etiam decernentes, quod Capellani & Clerici prædictæ Capellæ Regiæ, nobis, vel hæredibus, & successoribus nostris in Neapolitana Civitate morantibus, & nunc in antea, singulis annis, in eodem Oratorio, sive loco, quolibet festo ipsius Virginis gloriose ad Divinum Officium celebrandum, tam in Missa, quam Vesperis solemniter teneantur, quodque fructus, redditus, oblationes, ac proventus omnes, & singuli prædicti Oratorii, sive loci, percepti jam, & sicut antea percipi successively contingat, conferantur, & distribuantur, inter Magistrum prædictæ Capellæ, aliosque Capellanos & Clericos ejus, pro rata, & portione debita, unumquemque ipsorum rationabiliter contingente, sicut de oblationibus & obventionibus aliis jam dictæ Capellæ nostræ est nunc usque servatum, & in antea nos, ac ipsi hæredes & successores nostri providemus observandum. In cujus rei fidem perpetuamque memoriam, præsentis nostras litteras fieri, & pendenti sigillo Majestatis nostræ munimus. Datum Neapoli per manus Juris Civilis Professoris Vicemgerentis Protonotarii Regni Siciliae. Anno Domini MCCCXXVIII, die prima Janii, undecimæ Indictionis, Regnorum nostrorum anno vigesimo. Erat itaque in Regiis Aedibus Capella, cui plurimi Capellani & Clerici deserviebant; erat & Magister Capellæ, qui cæteris præminebat. Huic Capellæ adgregabantur alie Ecclesiæ, ita ut illius essent veluti membra: & ad eas Capellani Palatini quandoque accedebant, ut Divina persolverent Officia. Habebat Capella Domus Regiæ suos proventus, qui inter Magistrum Capellæ, cæterosque Clericos distribuebantur. At vero præter Ecclesiam Palatinam erat Roberto Regi piissimo Oratorium privatum, ubi noctu diuque Divina persolvebantur Officia, quibus ipse sæpissime intererat, a Franciscanis Cœnobitis, quibus erat addictissimus. Rem narrat Wadingus in Annalibus ad annum 1343. postquam retulisset, cogitasse Robertum Regem de abdicando imperio, & Minorum Instituto fuscipiendo; plura tamen obtituisse, quominus voti compos fieret: *U* vero, pergit, aliquo modo suo potiretur desiderio, intra Palatium Sacellum amplum in interiori recessu constituit, in quo duodecim Minoritæ Divinum persolvebant pen-

pensum, cum quibus ille sapissime conveniebat, & nocte media ad Matutinum surgebat, Minoritico habitu indutus. Aliquoties cum consorte Sancia accessit ad magnificum S. Clare Monasterium ab ipsis constructum, & ille Fratribus in suo refectorio habitu Minorum indutus, illa Monialibus in earumdem triclinio & veste inservierit.... Oëtiduo ante mortem, quod ante oëstennium voluit, sed non potuit, habitum Minorum suscepit ex manibus Ministri Terræ Laboris, & coram eo in infirmitate decumbens solemnem emisit professionem. Egregia sane hæc sunt pietatis argumenta: & merito de Roberto Neapolitanorum Rege dici posset, quod de Theodolio juniore a Socrate dictum retulimus; Palatium nempe suum sic instituisse, ut a Monasterio non multum discreparet. Neque Religiosos dumtaxat viros suis in Ædibus alebat; sed & Moniales, quæ Joannam Neptem sanctè & piè instituerent. Ita refert Tristannus Caracciolus in vita Joannæ I. quam inter Scriptores Italicarum rerum edidit Muratorius: Aderant & Moniales, quas Sanctimoniales nunc vocamus; eas ad hoc Rex, impetrata a Pontificibus venia, e claustris evocaverat, ut essent, quæ Divinis Officiis, Christianisque ceremoniis caste pureque Neptem instruerent. Tanto optimi Principis studio erga res sacras, tantaque Sanciæ conjugis in Deum pietate, fieri non potuit, quin in Aula Neapolitana Divinus Cultus plurimum effloresceret, & Ecclesiastica omnia Officia religiosissimè tractarentur. Ad eam rem asservabatur etiam in Oratorio Palatino Divina Eucharistia, uti colligitur ex epistola quadam Sanciæ Reginae, anno 1331. scripta Ministro Generali Ordinis Minorum, cæterisque fratribus Franciscanæ familiæ Perpîniani congregatis ad Comititia celebranda. Cum enim in his Comititiis ageretur de Franciscanæ vitæ severitate leniendâ, Sancia Franciscani Instituti amantissima, cujus filiam, matrem, servamque se passim inscribebat, gravissimam conscripsit epistolam, ne quidquam veteri severitati derogaretur. Exhibet hæcse litteras Wadingus ad annum 1331. ibique inter alia sic dicitur: Cum ego sim peccatrix, & insufficiens, & illiterata, & loqui litteraliter nesciam, nisi ex gratia Dei & consuetudine, & nihil confidam de me, die Jovis xviii. Aprilis, intravi Capellam parvam juxta Cameram

meram meam in Castro novo de Neapoli, ubi bene per tres candelas ante diem, clausa porta, sola cum corpore Christi, quod erat super Altari, recommendavi me sibi, & postea incæpi scribere, sicut Dominus ipse ministravit mihi, sine alicujus consilio humano vel terreno. Divina igitur Eucharistia aservabatur in Capella Palatina, regnantibus Andegavensibus, eaque Regio cubiculo erat contigua: perfolvebantur & ibi Divina Officia, quibus Reges ipsi sæpissime aderant. Ita quoque rem se habuisse, imperantibus cæteris Regibus ejusdem stirpis, colligitur tum ex litteris Joannæ II. datis anno 1422. Gentili de Sancto Angelo de Fasanello Magistro Regalis Capellæ suæ, quibus constituit, ut Capellani octo Divinis celebrandis Officiis in Capella Palatina vacarent, tum ex aliis monumentis sequenti Capite profereudis.

XV. Aragonios itidem Reges, qui in Neapolitano Regno imperarunt, habuisse in Aula sua Capellam, & cœtum Clericorum, qui Divina agerent Officia, disertissime testantur litteræ datæ ab Alphonso I. anno 1445. die 29. Junii, Prælati, & Magistratibus Regni, ut Dominicum de Xachis Aragonem, Majoremque suum Capellanum, Oratorio Palatino præficeret. Eas exhibet Chioccarellus to. 2. MSS. *Us temporibus nostris, & sub felici nostro regimine Divinus Cultus in nostra Regali Capella resplendeat, & bonorum Retributor omnium, debitis orationum suffragiis honoretur; Venerabilem in Christo Patrem Fratrem Dominicum de Xachis de Aragonia, Majorem Capellanum nostram, in Magistrum prædictæ Regalis Capellæ nostræ ordinavimus; ac quamplures Capellanos, tam in dicta nostra Regali Capella commorantes, quam alibi fecimus, & per nostras litteras statuimus, ut dicti Capellani ad requisitionem dicti Magistri Capellæ nostræ servire in eadem nostra Regali Capella, & vacare in celebratione Missarum, & Divinorum Officiorum possint temporibus opportunis.* Inde patet, in Capella Palatina Aragonum nostrorum Regum, Sacra, Mysteria, & Divina Officia, summa religione, celebrari consuevisse. Ut vero nil deesset, quod ad sacrarum rerum in Aula celebrationem, & Divini Cultus splendorem augendum spectaret; splendidissima sacra suppellectile Rex Alphonfus Capell-

pellam suam adornavit. Pontanus enim, qui diu in Aragonum Regum Aula egit epistolarum Magistrum, in libro de Apparatu cap. 4. scribit Alphonsum Regem ornaſſe & Regiam, in qua habitabat, & Templum, ubi ſacra faciebat, vario & nobiliſſimo ornamentorum genere. Rurſumque in lib. de Magnific. cap. 13. laudat Alphoñſi magnificentiã in agendis ſacris ſolemnibus, atque in omni ſacrarum rerum instrumento: *Suis temporibus Rex Alphoñſus vicit omnes ætatis illius Reges, tum in iis comparandis, atque exhibendis, quæ ad Sacrificiorum apparatus, & Sacerdotum ſpectarens ornatum, tum in Decorum ac Dearum ſtatuis, quas plurimas, & in iis duodecim Apoſtolorum ex argento conſatas habuit; nihil ætas illa aut ſacris ſolemnibus, aut publicis ludis ab eo editis vidit magnificentiũs.* Atque ex inſigni hac, & pretioſiſſima ſuppelleſtile, quæ Sacerdotalia indumenta, ſacra vaſa ad rem divinam faciendam, ſimulacra Sanctorum magno in numero, magnique pretii complectebatur, conſpicere licet, quam regnantibus Aragoniis efulſerit Capella Palatina. Neque in Aula ſolum, ſed & in caſtris etiam Alphoñſo Regi fuit Capella, fuere & Capellani ad divinum miniſterium peragendum. Cujus rei teſtis eſt Panormita lib. 3. de reb. geſt. Alph. n. 50. *Erat Rex in vico Juliano rem divinam ſolemniter & devotiſſime de more rituque agens rei divinæ cultum, gloriæ, ac vitæ præponens, non prius, quam peractis ſacrificiis, capere arma contra hoſtes juſſit.* Qui idem libi 2. n. 25. narrat Alphoñſum Regem ſtatim ab accepta victoria in Samnio, jejunum, defatigatum, armatum, ſacræ rei celebrationem imperaſſe: unde patet ſacros Miniſtros, aramque portatilem ad caſtra deſerre conſueviſſe. Succellores Reges iſſdem exemplis adhære: ſiquidem conſtat ex Diariis manuſcriptis Joannis Brocharti Præfeſti cœremoniæ ſub Alexandro VI. inferius exhibendis, in Capella Palatina Alphoñſi II. Regis rem divinam celebratam fuiſſe ſolemni ritu, cum cantu, mulicique inſtrumentis. Et ibi ad Liturgiæ ſolemnis celebrationem, una cum Rege, interfuſiſſe tres Cardinales Legatos Romani Pontificis Agrienſem, de Aragonia, & Montereſgalenſem. Ibi etiam nuptiæ inter Sanciam Alphoñſi II. filiam, & Joſſredum Borgiam Papæ conſanguineum bene-

diſtione Eccleſiæ conciliatæ fuerunt . Ibi quoque Joſſredus Borgia Magnus Protonotarius Regni , & Virginius Urſinus Magnus Comellaſtulus , Officii ſui inſignia acceperunt .

XVI. Porro noſtrorum Regum Eccleſia Palatina in Arce Nova , ubi Andegavenſium , & Aragonum Regum fuit domicilium , ſita erat . Arcem illam excitavit Carolus Andegavenſis anno 1283. quam novis deinde munivit propugnaculis Alphoſus I. Ibi Eccleſia eſt operis Gothici , Deiparæ in Cælum aſſumptæ , D. Sebaſtiano , & D. Barbaræ conſecrata : eaque eſt Parochia complectens Arcem ipſam , Regias Œdes , & Stationem Navium ac Triremium . Selectiſſimis ornatur picturis , quas inter eminent Caroli Andegavenſis , & filiorum ejus , in Abſide Eccleſiæ , effigies depictæ . Prope erat Regum domicilium , quocum Eccleſia conjugitur ſcala in orbem aſcendente . Hanc olim fuiſſe Regum Capellam Palatinam , patet ex Diariis Joannis Brocharti , ubi hæc ipſa Eccleſia indigitatur . Scribit enim , peracta cœremonia benedictionis nuptiarum Sanciæ filiæ Alphoſi II. , & Joſſredi Borgia in Capella Palatina , Regem , Legatum , & conjuges , cum univerſo comitatu Aulico aſcendiſſe per eam ſcalam ad Regias Œdes : *Deſcendit deinde Legatus , & Rex de thalamo , & ſponſam inter ſe recipientes ; ſponſo , & aliis , ordine ſuperius dicto , incedentibus , aſcenderunt Caſtrum per lumacham prope Altare conſtitutam , ubi Legatus permansit illa die* . In his Regiis Œdibus Cæleſtinus V. Sanctiſſimus Pontifex , anno 1294. , hoſpitio exceptus eſt a Carolo II. Rege : ibi plures in Cardinalium Ordinem adſcivit , atque in eorum numero Willelmum Pongo Bergomatem Regis Cancellarium : ibi tandem , inaudito exemplo , abdicavit ſe ſupremo Eccleſiæ Episcopatu . Hunc proinde Pontificem pluries in Capella Regis ſacris operatum fuiſſe veroliſſimum eſt . In his etiam Regiis Œdibus , S. Franciſcus Paulanus Ferdinandum I. Regem graviter admonuit , ne nimis exactionibus ſubditos premeret ; in cujus facti memoriam extat Sacellum . Sed præter hanc Eccleſiam Regio domicilio conjunctam ; alteram habuere Neapolitani Reges Eccleſiam veluti Palatinam , Œdibus ſuis proximam , ſub titulo S. Mariæ Coronatæ . Eo in loco Carolus II. Andegavenſis Œdes conſtruxerat Magiſtratibus ad
jus

jus dicendum: at cum anno 1331. die 21. Maii, quæ sacra
 erat Pentecostes, ibi a Cardinale Bracarenſi Clementis VII.
 Legato, Joanna I. & Ludovicus Tarentinus ejus conjux inuncti
 fuerint Reges; in hujus celebritatis memoriam, Joanna eas
 Aedes in Eccleſiam Spineæ Chriſti Coronæ dicatam, cujus fru-
 ſtulum ibi aſſervabatur, & eximiis Giotti picturis adornatam,
 opibus etiam plurimis ditatam, commutavit. Meminit hujus Ec-
 cleſiæ Franciſcus Petrarca in epiſtola quadam dicens: *Si terram*
exceas, Capellam Regis intrare non omiſeris, in qua conterra-
neus olim meus Giottus Picſor noſtri ævi Princeps magna reli-
quit manus & ingeniî monumenta. Meminit & Pontanus lib.
 de Conviv. cap. 1. ubi refert Neapolitanos Reges conſueviſſe,
 quotannis in hiſce Aedibus ſplendidum convivium exhibere.
 Atque in hac Eccleſia frequenter Regum noſtrorum Coronatio-
 nes & Conjugia, uti dicendum erit, celebrari conſueverunt.
 Nunc vero temporis ſpectat ea Eccleſia ad Carthuſianos Mo-
 nachos, quorum vice plures Sacerdotes, & nonnulli Clerici
 in ea miniſtrant. Ibi in Paraſceve fruſtulum Spineæ Chriſti
 Coronæ publicæ adorationi exponitur. Altera inſuper fuit Ca-
 pella Palatina Andegavenſium in Caſtro Lucullano, ſeu Arce
 Ovi ſita, ubi inſignem Spiritus Sancti Societatem Equiſtrem
 conſcripſit Ludovicus Tarentinus: ubi & quotannis Socii con-
 veniebant, ad agenda Comitia & ſolemnia Societatis. Sed de
 hac re alibi. Quoad Eccleſiam in Arce Nova poſitam, hanc,
 regnantibus Auſtriacis, Clemens VII. nonnullis privilegiis or-
 navit. Nam Bulla edita anno 1526 die 21. Novembris, ad-
 probavit Conſratriam quamdam ei Eccleſiæ addictam: Cleri-
 cos ejusdem Eccleſiæ auxit facultate adminiſtrandi Sacramenta
 Conſratribus etiam extra Arcem degentibus, eoſdemque vi-
 ra functos deducendi conſueto ritu, etſi extra Arcem, ad
 ſepulturam: Arcem, Arciſque Eccleſiam, generali Interdi-
 cti ſententia, minime adſtringi declaravit: fideles quolibet
 Sabbato, religionis cauſa erga Deiparam adeuntes Eccleſiam,
 centum dierum Indulgentia, & Plenaria in feſto S. Sebaſtiani,
 cumulavit. Rurſum ab eodem Pontifice die 23. Decembris,
 eodem anno, inſtante Ludovico Icart Arcis Præſecto, confir-
 mata ſunt privilegia hæc omnia: illud etiam additum, ut cui-
 libet

libet Sodali fas esset, usque ad numero ducentos, quemlibet Presbyterum ex utroque Clero a Confessionibus habere, & ab eo absolvi etiam quoad crimina, quorum absolutio esset reservata: Episcopis vero Consentino, Surrentino, & Stabienſi delegata est cura hujus Pontificiæ concessionis vindicandæ. Extant hæ Pontificis litteræ e publico Tabulario desumptæ tom. 2. MSS. Chioccarelli, ubi etiam leguntur litteræ Ugonis Moncadæ Proregis, ut Pontificiam concessionem custodirent universi. Hucusque igitur illa Ecclesia fuerat Palatina Regibus, & Proregibus. At anno 1540. jubente Petro Toletō Regni supremo Moderatore, constructæ sunt extra Arcem Ædes ad Proregum domicilium; quas deinde Palatium vetustum dixerunt: ibique Palatina fuit Capella, eo loci, ubi ad nostram usque tempora debebant Scribæ Regii Ærarii. Hanc magnifice splendideque adornavit Joannes Zunica Petreperſiensium Princeps, & anno 1579. Neapolitani Regni Prorex, litteras insuper obtinuit a Gregorio XIII. datas anno 1581. die 15. Martii, quibus in Proreges, ejusque consanguineos, & domesticos, eam adeuntes Capellam singulis Quadragesimæ diebus, Indulgentias Stationarias tranſtulit easdem, quas ii consequuntur, qui ad Urbis Basilicas diebus Stationum accedunt. Refert hoc Pontificium Diploma Parrinus in Theatro Proreg. Neapol. tom. 1. pag. 327. Verum, anno 1602. novæ æque amplissimæ & nobilissimæ Ædes Regiæ, opera Dominici Fontanæ Architecturæ peritissimi, jubente Ferdinando de Castro Lemosensium Comite, qui Regnum moderabatur, construi cœperunt; in iisque novis Ædibus Regiis novam excitarunt Palatinam Ecclesiam Proreges, si successe: eamque a Medinensium Duce inchoatam, perfecit anno 1646. Rodricus Ponz de Leon Dux de Arcos: picturis denique & marmoratis ornavit anno 1546. Gaspar de Haro Castrilliensium Comes. Itaque ex inveterato more nunquam intermisso, Regibus, & Proregibus in id operam suam conferentibus, habuit Aula Neapolitana Capellam suam: & eam quidem præclarissimam, sive Regum spectes pietatem, sive Divini cultus frequentiam, sive Ministrorum copiam, sive sacrorum ornamentorum elegantiam, sive denique alia quæcumque Capellæ Regiæ dignitatem extollunt. Nunc

vero temporis longe præclariorem, quod CAROLUS BORBONIUS & MARIA AMALIA omnium retro Principum gloriosissimi, Regnum administrant. Quemadmodum enim ex illorum imperio suavissimo, & sapientissimo, Neapolitanæ Aulæ, & Reipublicæ; ita ex illorum pietate, ac religione, Capellæ Palatinæ, & Divino Cultui, plurimum accessit, acceditque in diem splendoris, dignitatis, & ornamenti.

C A P U T II.

DE CLERO PALATINO.

Capellani unde dicti. II. De Clero Imperatorum Orientis. III. De Clero Palatino Regum Francorum primæ & secundæ stirpis. IV. Et tertiæ stirpis. V. De Capellanis Regum Hispaniæ. VI. De Clero Palatino Normannorum Siciliæ Regum. VII. Et Sævorum. VIII. Et Aragonum. IX. De Clero Palatino Regum Neapolitanorum Andegavensium. X. Aragonum. XI. Et Austriacorum. XII. De Confessario Regis. XIII. De ejusdem Elemosynario. XIV. Et Concionatore.



Lerici, qui in Oratoriis Palatinis Principum sacris rebus vacabant, Capellani dicti sunt; quod Capam S. Martini in Palatio custodirent, & in Castris deferrent. Hanc illius vocis originem tradunt Valafridus Strabo lib. de Reb. Eccles. cap. 31., Honorius in Gemma animæ cap. 128. Durandus in Rationali lib. 2. cap. 10. quibus consentiunt Auctores recentiores. Atque ab hujusmodi sacrarum Reliquiarum cura, quæ eis incumberebat, Custodes quoque nomine Capellanorum nuncupati fuere. Anastasius enim in vita Leonis I. ait: *Hic constituit super sepulcra Apostolorum Custodes, qui dicuntur Capellani ex Clero Romano*: idest, qui ex officio sibi injuncto Apostolorum Corpora custodirent. Qui iidem Martyrarii, & Custodes Martyrum dicebantur. In nonnullis tamen Anastasii editionibus illi appellantur Cubicularii: verum idem fuisse munus Cubiculariorum & Custodum, ostendit in Glof-

Glossario doctissimus Cangius . Idque totum firmatur ex Hincmaro in libello de Ordine Palatii cap. 16. ubi Capellanum vocat Custodem Palatii : non quod illi commissæ esset Palatii custodia, quo munere laici fungebantur ; sed quia Custos esset Palatinæ Capellæ, & sacrarum Reliquiarum, quæ ibi asservabantur . Neque tamen hoc unum erat Capellanorum officium : siquidem & Divina persolvebant Officia in Oratorio Palatino, & in Aula, & in Castris Divinum ministerium peragebant . Utrumque hoc illorum munus indicant Synodus Liptinensis anno 742. cap.2. & Carolus M. lib.5. Capitul. cap. 2. ubi statuunt, ut non alii pergerent ad bella Clerici, quam qui designati essent *propter Divinum ministerium, Missarum scilicet solemniam adimplenda, & Sanctorum Patrocinia portanda* . Verum enimvero præter sacrarum Reliquiarum custodiam, & Divinarum rerum celebrationem, Capellani sæpissime temporalia negotia in Aula administrarunt . Nam agebant sæpissime Principum, Cancellarios, Notarios, Consiliarios, Legatos, supremos quoque Regni moderatores . Quinimo olim Cancellarii dicebantur Capellani, quod plerumque Capellanis id muneris committeretur : & quod Cancellaria olim dicta fuerit Capella, quia mos erat asservandi in Capella, Regia diplomata, & monumenta . Hoc sensu Monachus Sangallensis lib. 1. de Carolo M. cap. 4. refert hunc Imperatorem adscivisse in Capellam suam Clericum quemdam, qui optime noverat dictare, ac scribere . Hinc etiam innumera leguntur privilegia a veteribus Regibus concessa, quibus Capellani subscribunt . Ita legitur apud Pirrum in notitia Panormitanæ Ecclesiæ, concessio illi a Rogerio Duce, filio Roberti Guiscardi facta anno 1086., & signata, *per manum Raynaldi Capellani mei* . Similia exempla passim apud Veteres occurrunt . Clerici igitur Palatini, quos Capellanos dixere, sacra, & temporalia implebant sæpissime : & hinc non exiguus erat illorum in Aula numerus, nec exigua dignitas, & auctoritas .

II. Ita quidem res se habuit in Aula Constantinî Imperatoris, cui plures adhæsisse Episcopos, Presbyteros, Diaconos ad sacra obeunda, jam diximus ex Eusebii, Sozomeni, & Socratis testimonio . At vero illorum opera piissimus Imperator

tor

tor non ad sacra dumtaxat munia utebatur. Nam Eusebius in illius vita lib. 4. cap. 18. eum scribit sacros Ministros omnibus ornatos virtutibus constituisse totius Domus Custodes. Et cap. 56. refert in bellicis expeditionibus, Episcoporum nedum preces, sed & consilia implorasse: *Constantinus militares Ordines eduxit, & de expeditione cum Episcopis, quos secum habebat, communicabat, existimans oportere ex his aliquos ad pietatis officia maxime idoneos perpetuo sibi adesse. Illi vero libenter quidem se secuturos, nec vestigiū ab eo discessuros, sed una militiam obituros, & apud Deum supplicibus votis se pugnaturos excipiebant. Hac ille voluntatum & studiorum professione vehementer delectatus, totius expeditionis quasi vestigiis expressit.* Constantini exemplo, qui succedere Imperatores, adhæserē. Frequens enim apud Græcos Scriptores mentio occurrit Clericorum, qui Divinis persolvendis Officiis in Palatio vacabant: & Palladius memorat Presbyterum Palatii oppressum in tumultu contra S. Joannem Chrysostomum excitato. Hi Clerici ante Leonis Armenii tempora, extra Palatium degabant, in Ædibus quisque suis; & tertia noctis vigilia ad Palatium conveniebant, ut Matutina Officia decantarent. Verum cum contigisset, ut illis permitti liceret in Imperatoris necem conjurati, Aulam noctu ingressi, Leonem in Oratorio Palatino hymnum præcinentem interfecerint; impetu primum factō in Phnascum, seu Cleri Magistrum, qui Imperatori similis erat facie, statura, & capitis tegumento: ea causa fuit constituendi in Aula ipsa domicilium Cleri Imperatorii, & quidem non longe ab Imperatoris cubiculo. Rem narrant Cedrenus & Zonaras in Leone Armenio. Nec exiguus erat illorum in Aula numerus, ut ex Codino constat in libro de Officiis Ecclesiæ, & Aulæ Constantinopolitanæ. Præcipui tamen fuere, Protopsaltes, quem dicit Exarchum Cleri Imperatorii: Domesticus, quem dicit Exarchum Cleri Imperatricis: Protopapas, qui sæpe unus erat in Ecclesia, & in Aula: Magister, Canonarchas ita dictus a decantandis quibusdam hymnis: Lampadarius, cujus erat Imperatori lampadem præferre; Archidiaconus denique, quem non habebat Ecclesia, sed Aula. Ab eo Clero præcipui festi dies magna cum pompa in Palatio ce-

lebrabantur; quandoque etiam in magna Ecclesia, si ad eam se contulisset Imperator. Ad Protopapam spectabat Imperatorem singulis mensibus inungere, ejusdem mensam in magnis solemnibus benedicere; & aquam in Epiphania consecrare, si non alessset Patriarcha. Archidiacono quoque, aliisque primoribus Cleri Imperatorii sua erant officia propria, quæ apud Codinum legi possunt. Qui idem cap. 6. & 7. indigitat illorum indumenta, nempe camisiam, seu tunicam lineam cæteris vestibus superinjectam; ita tamen ut Protopsaltæ & Domesticus candidis uterentur camiliis; Lampadarius, Magister, & Cantores purpureas vestes induerent. Illud etiam ex Codino colligitur, Imperatricem scilicet suum habuisse Clerum, cujus princeps dicebatur Domesticus. Jam vero nedum in Aula Clerus Imperatorius sacra peragebat, sed etiam in castris. Nam illorum munus erat, deferre ad castra sacras Reliquias, & Imagines; quod Græcis solemne fuisse tradit Lupus in Dissertatione de antiqua disciplina Christianæ militiæ. Inter eas præcipua fuit Imago Christi ad Abagarum missa, quam Philippicum Mauritii Imperatoris Ducem adversus Persas, & Heraclium adversus Chrosroen detulisse referunt Cedrenus & Theophanes. Vel celebrem quandam Beatæ Mariæ Virginis Imaginem deferrebant, quam quotannis summa religione in Palatio expositam in Magna Hebdomada, narrat Codinus cap. 12. Hanc contra Balduinum, Flandriæ Comitem detulit Alexius Imperator, ut refert Nice-tas: & ad eandem veluti ad asylum confugit Anna Imperatrix Andronici vidua, cum a Joanne Cantacuzeno timuit in ordinem redigi, ut ipsæmet scribit Cantacuzenus. Præterea Clerus Imperatorius, ante prælium incundum, solemni ritu vexilla consecrabit: cujus rei testis est Leo Imperator in Tacticis, seu libro de re militari cap. 13. & 19. Hunc vero Clerum magnæ dignitatis & auctoritatis in Aula fuisse, non obscuris colligitur argumentis. Archidiaconus enim Palatii, etli principem inter eos locum miuime occuparet, attamen seligebatur ex amplissimo ordine Exocatacoelorum, seu quorundam Diaconorum, qui una cum Patriarchis sedebant in Synodis, & eorum unus Charophylax dictus, primus erat post Patriarcham Clericus. Proinde selectissimi Clerici adscisciebantur in Clerum Imperatorium.

Id,

Idque diserte testatur Nicephorus Gregoras in sua Historia, scribens, solitos fuisse Imperatores adgregare Clero Palatii sui doctos & pios viros, quos deinde Ecclesiis præficerent. Nam frequentissime e Clero Imperatorio creatos Patriarchas, & Episcopos, observat Thomassinus p. 1. lib. 2. cap. 111. de Beneficiis. Idem apud Imperatores plurimum valebant gratia & auctoritate. Hinc Photius, ut gratiam sibi conciliaret Basilii Imperatoris, adhibuit operam Theophanis Clerici Palatini, postea Cæsariensis Episcopi, uti narrat Nicetas in vita Ignatii. Nec minore polluit auctoritate apud Leonem Armenum Protopsaltas Palatii, utpote qui illum incitavit, teste Zonara, contra sacrarum Imaginum cultum. Et Nicephorus lib. 5. cap. 6. memorat tres Clericos Palatinos, qui Michaelis Paleologo imperante, una cum Beco Patriarcha omnia Imperii negotia administrarunt. Ex his perspicuum est, Clerum Imperatorum in Oriente in magno honore, ac existimatione fuisse.

III. Jam ex iis, quæ dicta sunt de Oratorio Palatino Regum Francorum primæ stirpis, & de Capa S. Martini eo loci aservata, consequens est, plures illis Regibus in Aula adhæsisse Clericos ad sacra facienda. In illorum numero recensendi sunt Aptonius e Capellano Clodovæi I. Episcopus Inculisimensis; Fortunatus e Clerico Radegundis Reginæ, Episcopus Pictaviensis, & alii plures, quos e Palatio Dagoberti II. ad regendas Ecclesias prodiisse, scribit in vita S. Modoaldi Episcopi Trevirensis apud Surium, die 12. Maii, Stephanus Leodientis. Clericos Fredegundæ Reginæ memorat Gregorius Turonensis lib. 8. Hist. cap. 29. & lib. 7. cap. 7. Ac verosimile est, Syagrium Episcopum Augustodunensem fuisse a sacris domesticis Brunehildis Reginæ. Nam Gregorius M. lib. 7. ep. 115. huic scribens, dicit, se curam convocandæ Synodi commisisse Syagrio *quem vestrum proprium novimus*. Hujusmodi Regum & Reginarum Clerici, qui deinde Capellani dicti sunt, potuere tum sacra Oratorii, tum profana Aulae munia obire. Sane piissima Bathildis Regina utebatur S. Genesii postea Lugdunenlis Antistitis opera ad plurima pietatis officia; uti legitur in illius vita apud Surium, die 26. Januarii. Ex his videas, illius stirpis Reges consuevisse sibi præclarissimos Clericos in Aulam adsci-

scere, quos deinde Ecclesiis præficiebant. Idque adeo familiare erat, ut cum Clotarius II. restituit electionum a Clero & populo faciendarum libertatem, attamen sibi reservaverit jus nominandi aliquem ex Palatinis. Ita refert Petrus de Marca lib. 8. cap. 5. de Concor. Sacerd. & Imperii. Verum sub secunda Regum Francorum stirpe longe major fuit Cleri Palatini numerus, dignitas, & auctoritas. Adgregabantur Capellæ Regiæ Clerici ex quolibet ordine; & alii quidem Regis, alii Reginæ obsequio addicti erant. Unde inter Hincmari epistolæ legitur una inscripta: *Presbyteris, Diaconis, Subdiaconis, & cæteris Clericis, in Palatio Domino nostro Regi, & Domine Reginæ, ac illorum fidelibus Ecclesiastico ministerio consulentibus.* Et hinc Concilium Moguntinum anno 813. can. 22. in tres classes distinxit universos Clericos; alios nempe sub Episcopi cura degentes; alios Abbatibus subiectos; alios *in servitio Domini Regis* constitutos. Quoniam vero ex hac Clericorum in Aula frequentia, fieri facile poterat, ut improbi illuc confugerent, vel qui a sacris Ordinibus dejecti essent, illic ministrarent; hinc Concilia Meldense anno 845. can. 58. & Aquisgranense II. anno 836. lib. 2. cap. 2. a Regibus exoptarunt, ne ulli in Capellam Regiam admitterentur sine sui Episcopi approbatione; sicque & Capellæ Regiæ dignitati, & disciplinæ Ecclesiasticæ consulebatur. Neque ex solis Clericis conflatus erat Clerus Palatinus; imo etiam ex plurimis Monachis. Ut enim observat Thomassinus p. 1. lib. 2. cap. 111. de Benef. cum Monasteria præstantissimis pietate & doctrina viris adfluerent, adigebantur quodammodo Reges, ut illorum aliquos in Aulam accerferent. Hincmarus & Ludovicus e Monasterio Sandionysiano, Benedictus Abbas Ananiæ, Adelardus & Vala Abbates Corbeienfes, diu versati sunt in Palatio Ludovici Pii, & Caroli Calvi. Idipsum tradit Peiratius lib. 1. cap. 10. de Orat. Reg. Gall. ubi inter Monachos Palatinos recenset S. Anbertum sub Theodorico, Alcuinum sub Carolo Magno, Hilduinum & Amalarium sub Ludovico Pio, Ansegisum sub Lothario Ludovici filio. Addit, Regibus tertiæ stirpis etiam plures Monachos adhasisse; ut colligitur ex Bullis Nicolai III., Clementis V., & Clementis VI., quibus Confessario Regis fit po-

potestas permittendi esum carniū Monachis Aulicis. Jam vero perspicuum sit, Clerum Palatinum sub secunda stirpe viris undequaque doctissimis claruisse. Hujusmodi fuere sub Carolo Magno Alcuinus ejus magister, Adelardus, Angilbertus, Eginhardus; & sub Ludovico Pio Hilduinus, Helisacharus, Rabanus Maurus; & sub Carolo Calvo Æneas, Parisiensis postea Episcopus, alique. Horum quippe nomina ob editos libros præclarissima habentur. Quin etiam viris pietate præstantissimis Clerus Palatinus adfluebat. Nam in Aula aliquandiu versati sunt sanctissimi Episcopi plures, uti S. Vedastus sub Clodovæo; S. Germanus sub Childeberto; S. Medardus sub Clotario; S. Modoaldus sub Dagoberto; S. Ludgerus sub Carolo Magno; & alii plures, quos laudat Peiratus lib. 1. cap. 26. & 27. Atqui tamen nedum doctrina, nedum pietate effulgebant Clerici Palatini, sed etiam generis nobilitate. Hoc nomine Peiratus lib. 1. c. 30. laudat Sanctum Romanum Clericum Clotarii II., SS. Vandogefilum, Audoenum, Ansbertum Clericos Regis Dagoberti; Nithardum, Hincmarum, Fulconem Remenses Antistites, & Ebroinum Episcopum Pictaviensem, Clericos Ludovici Pii & Caroli Calvi, ex amplissimo genere procreatos. Imo Regiæ stirpis Clerici, ut Arnulphus Episcopus Metensis, Modoaldus Trevirensis, Fulradus, Drogo cooptati sunt in Clerum Palatinum. Cum igitur tot tantisque titulis emereret, hinc habebatur uti primum præcipuumque in tota Gallia Clericorum Collegium. Observat Peiratus lib. 1. cap. 24. ex antiquis nonnullorum Regum monumentis, olim Capellanos Regum subsignasse horum Diplomata, quod non exigui honoris est argumentum, Archiepiscopos inter Episcoposque. Hinc quos voluissent Reges magno honore prosequi, hos declarabant suos Capellanos. Ita Pipinus, cum superatis Longobardis, adiit Cassinense Monasterium, honoris causa Monachos constituit suos Capellanos, uti legitur lib. 4. cap. 113. Chronici Cassinensis. Pariter Carolus M. eodem honoris titulo ornavit illius Monasterii Abbatem, uti legitur ibidem lib. 4. cap. 109. Verum non solis honorum titulis clarebat Capellanorum dignitas: cum amplissima Regni & Aulæ officia iisdem committerentur. Frequentissime enim fuere a Consilio Principis

cipis, ita ut Adelardus in libro de Ordine Palatii asserat, Consilium Principis conflatum esse ex Clericis laicisque. Fusc de Clericis Consiliariis Principum agit Thomassinus de Benef. p. 3. lib. 3. cap. 24. Frequentissime etiam agebant in Aula Cancellarios, Notarios, epistolarum Magistros, quæ munia a Carolo M. ævo usque ad sæculum decimumquintum, non in Gallia solum, sed ubique fere, ut tradit Thomassinus, Clerici ut plurimum administrabant. Hinc in vita Hadriani I. apud Anastasium, donatio facta a Carolo M. Romanæ Sedi, dicitur exarata *per Ætherium religiosissimum ac prudentissimum Capellanum & Notarium suum*. Et passim leguntur antiqua Regum Diplomata a Capellanis Clericisque subscripta. Ita privilegiis Longobardorum Principum Beneventi, quæ exhibet Ughellius, subscribunt Clerici Scribæ Sacri Palatii. Nec raro Clericis Aulicis amplissimæ Legationes demandabantur. Id probat Peiratius lib. 1. cap. 57. adductis exemplis Rodigandi & Fulradi, quos Pipinus Legatos ablegavit ad Romanum Pontificem, quocum agerent de Longobardico bello: & Alcuini, qui Legatum egit apud Leonem III. & Offam Anglorum Regem: Amalarii, & Valæ quos Carolus M. & Ludovicus Pius Romanam misere, ut Romanam Liturgiam in Galliam transferrent. Fusc Thomassinus p. 2. lib. 3. cap. 37. tradit quam crebras, quam graves Regni Legationes obierint Clerici. Legatis adjuncti sunt Missi Dominici, quos in varias Provincias ablegabant Francorum Reges, ut una cum Episcopis consulerent, ne quid disciplina Ecclesiastica detrimenti caperet: hi enim non raro e Clero ipso Palatino seligebantur. Tandem plurimum facit ad hujus Cleri dignitatem, quod ex eo coetu omnes fere Episcopi crearentur. Idque adeo usitatum erat Francorum Regibus, ut cum Carolus Calvus in Concilio Tullensi Ecclesiam Senonensem contulisset Ganeloni Clerico Capellæ suæ, dixit, se id fecisse *juxta consuetudinem prædecessorum meorum Regum*. Hunc morem a primis Galliæ Regibus derivatum ad sua usque tempora probat Peiratius lib. 1. cap. 34. & 35. ita ut Clerus Palatinus ad instar fuerit Seminarii, e quo innumeri, & præclarissimi ad regendas Ecclesias educerentur Episcopi: etsi quandoque Episcopi Galliæ, præsertim Hincmarus Remensis, in
has

has frequentissimas Palatinorum promotiones insurgabant, quod convellerent electionum libertatem, & aliquando indignos obtruderent tanto ministerio.

IV. Sub tertia Regum Francorum stirpe, neque tanta fuit Clericorum in Aula copia, neque dignitas tanta. Quamvis enim Roberto Regi piissimo Clerici supra centum, ut scribit Helgaldus, in Capella ministraverint; attamen successoribus Regibus longe inferiores numero in Aula adhæserunt. Ex his vero adhuc nonnulli occurrunt, qui dignitate vel doctrina præstarent. Nam Helgaldus in vita Roberti Regis recenset inter illius Capellanos Theodonem Regis consanguineum. Et Peiratus lib. 1. cap. 5. testatur Diplomata quædam Henrici I. & Philippi I. subsignata legi ab Episcopis, Capellanisque. Is idem censet, Sugerium Abbatem Sandionysianum, qui supremum egit Regni moderatorem, & Ludovici Grossi vitam literis consignavit, e Capella prodiiisse Ludovici VI. & VII. utpote quia ab his Regibus, titulo fidelis ac familiaris donabatur. Rigordus Scriptor rerum a Philippo II. gestarum, & Guillelmus Brito, fuere ejusdem Regis Capellani: sicuti Guillelmus Carnotensis Capellanus S. Ludovici, & Scriptor illius vitæ. Pariter Carolum V. & VI. nonnullos doctos viros in suam Capellam adscivisse, testatur Peiratus, qui ipse Eleemosynarium egit in Aula Henrici IV. & Ludovici XIII. Regum Francorum. Verum nonnisi Francisco I. imperante, Capella Regum Galliarum, non modo pristino restituta est splendori, sed etiam novis honoribus aucta, & in eo honorificentiarum gradu collocata, quo nunc temporis effulget. Ille enim (præter Magnum Eleemosynarium, de quo alibi dicendum est) duo Capellæ Regiæ addidit amplissima officia, anno 1523. nempe Primi Eleemosynarii, & Magistri Oratorii. Primus Eleemosynarius vicarias agit partes Magni Eleemosynarii eo absente, hinc illius Vicarius natus dicitur a nonnullis. Hinc etiam illius officium magno in honore habetur, & plerumque Episcopis, non semel Cardinalibus committi consuevit. Magister Oratorii tertium a Magno & Primo Eleemosynariis locum obtinet magnæ quoque dignitatis, quam præclarissimi Episcopi, vel Cardinales occuparunt. Præest Oratorio Regis conflato ex uno Capellano

or-

ordinario : octo Capellanis in orbem deservientibus : octo Clericis Oratorii in orbem pariter deservientibus : duobus Vecturariis dictis *Sommiers* a ferendis faumis seu sarcinis. Capellanorum munus est, singulis diebus Sacrum facere submissa voce, Rege præsente : si illi delint, id muneris spectat ad Capellanum ordinarium. Clericis vero Oratorii incumbit cura præparandi quicquid spectat ad Sacrum coram Rege celebrandum, sedem & pulvinaria Regi apponendi, sacramque suppellectilem custodiendi. Illorum unus summo mane adest in salutorio Regis cubiculo, ut illic ab Eleemosynario audiat qua hora, quo in loco Rex accedat ad Sacrum audiendum. Vecturariis denique imminet cura adsportandi omne instrumentum ad eum locum, quo Rex se confert ad rem divinam faciendam. Sunt & alii Capellani ad Sacrum peragendum coram Aulicis, quos S. Rocci vocant, quod grassante lue, Aulici hos sibi Clericos constitui a Rege petiissent. Hi etiam dicuntur Eleemosynarii *du commun*, vel *de la maison*, quia nonnullas largitiones distribuunt; illi tamen minime sunt de Capella Regis. In hac vero insignem honoris gradum occupant octo Eleemosynarii dicti *servans*, aut *de quartier*, quia per orbem Regi adhærent, & ministrant in rebus divinis. Horum originem repetit Peiratus lib. 1. cap. 76. a Caroli VIII. ævo. Nam prædecessoribus Regibus unus fuit Eleemosynarius, & unus itidem Sub-Eleemosynarius, seu Clericus eleemosynæ: cumque Carolo VIII. imperante, ille Magnus Eleemosynarius dici cœperit, hinc aliis Clericis antiquum Eleemosynarii titulum communicarunt. Horum plures in Aula sua habuisse leguntur Ludovicus XII, Franciscus I, Henricus II, Carolus IX. Verum ab Henrico IV, & successoribus Regibus nonnisi octo ad id muneris adscisci in more fuit. Ad hos itaque spectat, absentibus Magno & Primo Eleemosynariis, omnia illorum munia obire, sive in Capella Palatina, sive in alia Ecclesia, quo Rex accedat, sive in Liturgia, sive in Coronatione Regis, sive in aliis omnibus sacris caeremoniis. Quamobrem, surgente de lecto Rege, adesse debet Eleemosynariorum unus, qui supposito illius genibus pulvinari, flectens & ipse genua prope Regem, recitet preces matutinas; tum audito, qua hora, quo

quo in loco sit Sacrum faciendum, id Clerico Oratorii significat, ut omnia præsto sint. In Ecclesia, is etiam adhæret Regi a dextris, illius servat pileum, & chirothecas, eidem porrigit libellum precum, vel Psalmos alternatim cum Rege recitat, & ad Missæ finem eundem adspersit aqua benedicta. Is etiam ad Regis prandium, coenamque, benedictionem, & gratiarum actionem pronuntiat; aliisque apud Regem officiis fungitur, uti perspicuum fiet ex iis, quæ dicemus de Liturgia, & sacris cæremoniis Palatinis. In diebus solemnibus Rochetto & Mantelletta induti adsunt rei divinæ, & uti refert Dumontius in Cærem. Galliæ lib. 3. cap. 1. §. 6. titulo ornantur Consiliarios Regis. Ob hæc vero præstantissima illorum apud Regem munia habentur veluti Clerici de latere Regis, ut ajunt: & hinc cum in Henrici IV funere, sibi deberi post Episcopos primum locum, Regio cadaveri propinquiorem contenderent Abbates præ Eleemosynariis; sententia Cardinalis Perronii Magni Eleemosynarii, locum post Episcopos honoratiorem Eleemosynariis ordinariis adjudicatum fuisse testatur Peiratus lib. 1. cap. 76. Alii sunt, qui honoris causa Eleemosynarii Regis dicuntur, sed qui solo fruuntur titulo, nullam vero operam in Aula præstant. Olim de Capella Regis fuit coetus Clericorum dictus *Chapelle de plein chant*, qui lingulis diebus Divina Officia perfolverent, quibus præerat Magister, seu *Maître de Chapelle de plein chant*, hocque officium etiam Franciscus I. constituerat. Verum sub Henrico III. id institutum deliit. Non ita tamen de Musicorum coetu, *Chapelle de Musique*, quem etiam Franciscus I. Capellæ Regis, anno 1543, adgregaverat, cui qui præest, Magister Cantorum, seu *Maître de la Chapelle de Musique* appellatur. Huic subfunt duo Sub-Magistri, sex pueri, seu Scholares artis Mulicæ, duo istorum Præceptores, aliique plures usque ad numero quinquaginta Psalterii & Cantores. Cæterum longe ante Francisci tempora, viguit res musica in Aula Regum Francorum. Viguit enim in Aula Clodovæi; utpote qui Citharædum sibi ad hanc rem mitti curavit a Theodorico Rege Gothorum, uti constat ex epistola quadam Theodorici ad illum data apud Cassiodorum lib. 1. var. ep. 41. Et in vita S. Ansberti

G

apud

apud Suriun, mense Febuario, legitur, quod is in Aula musicis instrumentis pie delectabatur. Viguit in Aula Pipini, & Caroli Magni: & a Stephano Papa inventam scribit Strabo lib. de exord. rer. Eccles. cap. 25. *Cantilenæ perfectiorem scientiam, quam pene jam tota Francia diligit*. Et Carolus M. ab Adriano Papa petiit, obtinuitque Cantores, qui Galliarum Ecclesias Romano cantu instituerent. Merito proinde Peiratus affirmat lib. 1. cap. 23. a Capella Regis ad cæteras Galliarum Ecclesias rem musicam profluxisse. Hanc itaque in Aula obsoletam Franciscus I. restituit. Jam vero ex his omnibus habeas, Capellani Regum Galliarum hos complecti sub Magni Eleemosynarii auctoritate, Primum Eleemosynarium, Magistrum Oratorii, Confessarium Regis, octo Eleemosynarios, Confessarium, quem vocant *du commun*, octo Concionatores, Capellani ordinarii, octo Capellanos, octo Clericos Oratorii, Vecturarios duos, Magistrum Cantorum, duos Sub-Magistros, sex adolescentulos, Præceptores duos, & plures Psaltrios & Cantores. Quoad privilegia Capellanorum Regum Galliarum, hæc alibi expendemus.

V. Pergimus ad Aulam Hispanam, cujus Capellani quanto olim studio, quanto delectu essent constituendi, indicat Lex Hispana jussu Alphonsi IX. edita, lib. 3. tit. 9. p. 2, statuens, neminem ad eum gradum cooptandum, qui non doctrina, prudentia, pietate, fide, & rerum ecclesiasticarum notitia polleret: *El Capellan deve ser mui letrado, e de buen seso, e leal, e de buena vida, e sabedor de uso de Iglesia*. Quibus eximiis animi dotibus cum nil addi posse videatur, ad summas quasque Ecclesiarum dignitates assequendas, non obscuro conficitur argumento, jam tum Capellanorum Ordinem magno in honore, atque existimatione fuisse. Sane idipsum suadent disertissime præclara illa munia, quæ Lex Hispana Capellanis adscribit. Addit enim, illum non mediocri litterarum scientia ornatum esse oportere, qua valeat in iis, quæ ad Scripturarum & spiritualium rerum cognitionem spectant, Regem instruere: *El letrado es menester sea para que entienda bien las horas, e las esferituras, e las saga entender al Rei, e le sepa dar consejo de su anima quando se le confessere*. Postremis

mis hisce verbis illud etiam innuitur; Capellanus Regi ministrasse non in Divinis tantum recitandis Officiis, aut Scripturarum sensibus aperiendis, verum etiam in sacris Confessionibus excipiendis. Hinc & secreti tenacem, fidumque, quod arcana nosceret Regis, illum esse oportebat: *Eotro si debe ser de buen seso, e leal, por que entiendo bien como le debe tener poridad de lo que dixere en su confesion*. Nec frustra cautum id est Hispana Lege, quod in Aula Jacobi I. Regis Aragonum contigisse narrat Mariana lib. 13. de reb. Hisp. cap. 6. Nam Gerundensis Episcopus Regis Confessarius, Theresiam Reginam non servata a Rege conjugalis fidei, quod sacra Confessione noverat, consciam reddidit; quare violati arcani poenas gravissimas luit. Neque satis erat, si doctrina, si prudentia, si fidelitate Capellanus polleret: adjungenda enim erat his omnibus ea morum innocentia, quæ Sacerdotem decet sacra Mysteria conficientem, & quæ, ut ait Lex Hispana, Regi, Aulicisque exemplo esse possit. Tandem rituum ecclesiasticorum peritum Capellanus Lex eadem esse jubet; quod ejus muneris sit, & Divina Officia apud Regem persolvere, & ut ab aliis, qua decet religione, persolvantur, incumbere. Sive igitur legem de cooptandis Capellanis, sive illorum officii spectes, fieri non potuit, quominus selectissimi Clerici ad id muneris accerferentur, iidemque in amplissimo honoris gradu haberentur. Observat vero Turturetus de Sacell. Hisp. cap. 5. Lege quidem Hispanica ad cooptandos Sacellanos nil de generis nobilitate decerni; attamen Gregorium Lupum ejusdem Legis Glossographum disertis verbis asserere, debere Aulæ Regiæ Sacellanus inter nobiles viros recenseri: & Hispaniæ Reges, etsi quandoque ad hunc honoris gradum aliquos assument insigniores virtute quam genere, consuevisse tamen primariæ nobilitatis viros in Clerum suum cooptare. Idem Turturetus testis est, non olim dumtaxat, sed sua quoque ætate Capellanos Aulicos magno in honore haberi. Cujus rei non unum est argumentum, quod nempe sedeant in Capella, præsentente Rege, e Magnatum regione, & capita operiunt, induti vestes lineas, quæ superpellicæ vocantur: quod in publicis supplicationibus, in quibus Rex adest (nam si abesset, neque

ipsi adessent) medii incedunt inter Regios Senatores: quod inter Canonicos amplissimæ Ecclesiæ Toletanæ sedeant, si Rex eam adierit Ecclesiam, ad sacra facienda: quod non temere eligantur; sed Magnus Capellanus referat ad Regem, vel Senatus Aragonicus, aut Italicus, cum de creandis harum regionum Capellanis agitur: neque ullus ex illegitimo conjugio, aut ex atavis Judæis, vel Hæreticis potest in hunc Clerum cooptari. Sed uberiora sunt illorum dignitatis argumenta: siquidem certum est, Hispanos Reges consuevisse gravissimis viris hunc honorem conferre, eisdem sæpe Legationes, aut alia, Aula officia committere, & amplissimis Ecclesiis eosdem præficere. Illorum aliquot memorat Turturetus, nempe Joannem de Tordesillas Capellanum Henrici I, & Joannis II, eorumque apud Romanum Pontificem Legatum, & Segobiensem Episcopum: Rodericum Sancium Capellanum Henrici IV, ejusque Oratorem apud Paulum II. Pontificem, tum Ærarii Pontificii supremum Præfectum, & Episcopum Palentinum, plurium librorum auctorem: Didacum Henricum a Castello Capellanum ejusdem Regis, Consiliarium, & Historiographum: Clementem Cajetanum Caroli V. Capellanum, & Philippo filio a secretis in supremo Italicarum rerum Senatu: Lucium Marinæum Siculum Capellanum Ferdinandi, & Caroli V. & Historiographum: Cæsarem Marullum e Capellano Philippi II. Archiepiscopum Panormitanum: Ariam Montanum virum doctissimum, Philippi II. Capellanum: Joannem Baptistam Azevedum ejusdem Regis Capellanum, Indiarum Patriarcham, Episcopum Vallisoletanum, Supremum Fidei Quæsitorem, & Castellæ Præsidentem. Sed omnium præclarissimus pietate, doctrina, dignitate in Capella Caroli V. & Ferdinandi Catholici ministravit Joannes Petrus Carafa Neapolitanus, Archiepiscopus Teatinus, & Teatinæ Familiæ una cum S. Cajetano Thienæo Institutor, deinde Cardinalis & Archiepiscopus Neapolitanus, tandem supremus Ecclesiæ Pontifex Paulus IV. Neque silentio prætereundi sunt Hieronymus Cardinalis Seripandus, & Archiepiscopus Salernitanus, & Marcus Antonius Columna ejusdem Ecclesiæ Antistes, e Capellanis Philippi II: itidem Fabricius Antinorus Capellanus Philippi III. Archiepiscopus Ache-

run-

runtinus. Nam frequenter Capellanis collata Sacerdotia testatur Turturetus: & ex Pirro in notitiis Ecclesiarum Siciliensium, atque Ughellio in Episcopis Regni Neapolitani comperitum est, regnantibus Austriacis, innumeros fere e Capellanis Aulæ Hispanæ creatos Episcopos, Abbatesque. Quoad Capellanos distinctionem spectat, tradit Turturetus, alios dici Capellanos *de Honor*, seu *de Banco*, alios Capellanos *de Altar*, seu Cantores. Horum primi magno in honore habentur, uti dictum est; & in Capella Palatina, quoties Rex sacris rebus adest solemnī pompa, sedent in scamno e regione Magnatum: rem divinam faciunt in privatis Aulæ Sacristiis, ubi Rex vel Regina adlīnt, vel qui sunt de cognatione Regia: benediciunt Regiam mensam: Regis itinera, & expeditiones sequuntur quotquot destinati fuerint a Magno Capellano: comitantur Regia funera, & proximum locum Regio cadaveri occupant: ministrant Prælati, qui in magnis solemnibus, Sacris operantur coram Rege, aut in Capella Palatina, aut in aliis Ecclesiis. Hinc patet, hos Capellanos, etsi Honorarii dicantur, tamen non ex illorum esse numero, qui honoris causa tantum, hoc titulo donantur; siquidem reipsa operam suam in Aulæ præstant, ac vere sunt Regis familiares, & domestici. Capellani vero *de Altar*, seu Cantores nuncupantur, qui in Capella Palatina, Divina Officia persolvunt. Denique præter Capellanos hosce, spectant ad Capellam Regis, Præfectus Regiis cortinis, Receptor Capellæ, Juridicus, Concionatores, Musici, & Psalterii plures.

VI. Quæ hætenus diximus de Clero Palatino in Oriente, in Gallia, in Hispania; iis consona sunt, quæ de nostrorum Regum Aulicis Clericis dicturi sumus. Enimvero Normannis Principibus ex antiquo more Capellanos plures, & honoratissimo apud eos loco, adhæsisse, suadent privilegia plurima ab illis concessa, quibus inter Episcopos, Procuresque, Capellani subscribunt. Tassonus in libro de Antefato exhibet donationem S. Brunoni factam a Comite Rogerio, ubi Fulco nominatur Comitis Capellanus: & Pirrus in notitia Ecclesiæ Pactensis profert diploma ab eodem Comite datum anno 1094 in gratiam Liparitani Cænobii, quod exaratum dicitur *in præsentia*
Gof-

Goffridi Militensis Episcopi, & Fulconis Medici & Capellani, qui hanc chartam manu propria scripsit. Proinde Fulco triplici munere apud Rogerium fungebatur, Capellani nempe, Scribæ, & Medici: quod ea tempestate viri amplissimi rei medicæ operam dabant; hinc & Romualdus Guarna Archiepiscopus Salernitanus, & Berardinus Caracciolus Archiepiscopus Neapolitanus medendi artem novisse leguntur. Aliud ejusdem Comitis privilegium in favorem Monasterii S. Lucie de Montaneis subscribitur a Guillelmo, & Guanna illius Capellani. Pariter diplomati foundationis Monasterii Cisterciensis S. M. Roccamatoris prope Messanam a Bartholomæo Comite Paternionis constructi anno 1193. subscribunt tres Presbyteri Capellani Domini Comitis. Monachos etiam Capellanorum coetui adgregatos, indicant duo diplomata Hugonis Messanenſis Episcopi, data anno 1131, imperante Rogerio, apud Pirrum in notitia Messanenſis Ecclesiæ, quibus subscribit: *Ego R. Monachus Capellanus Domini Regis.* Etiam Græcis Magnatibus familiare erat ea tempestate Capellanos sibi a Monachis accersere, uti testatur Balsamon in comm. ad can. 4. Conc. Constantin. addens non inde violari canones, quod non cupiditati, sed charitati illi famularentur; quamobrem a Patriarcha Luca factam Monacho Sacerdoti potestatem, ut perpetuo versaretur cum Logotheta Cursus (idem fuit ac Cancellarius) & scribæ officio apud illum fungeretur: majorem vero adesse rationem Regibus, ut Clericos aut Monachos sibi adjungant ad ministeria, quæ serviunt publicæ utilitati. Hæc Balsamon de Græcorum moribus, quæ similes apud Normannos obtinere. Nam Capellani non raro fungebantur officio Cancellarii, Notarii, & Scribæ, uti evincunt privilegia plurima a Capellanis conscripta. Hujusmodi est diploma quoddam Rogerii Ducis anno 1086. in gratiam Panormitanæ Ecclesiæ apud Pirrum, exaratum *per manum Raynaldi Capellani mei:* & diploma aliud Rogerii Regis anno 1139. in gratiam Monasterii S. Philippi de Agyrio scriptum *per manum Gualterii nostri Capellani.* Quibus omnibus perspicuum fit, plures in Normannorum Comitatu adfuisse Capellanos, hosque tanto in honore, ut Episcopos inter & Proceres subſignarent illorum diplomata; vel ea ipsi-

ipſimet exararent , quod Cancellarii munere præſtantiffimo fungerentur . Nil mirum proinde ſi quandoque Capellaniſ ſuis munus Magni Cancellarii Regni , Normanni Reges conceſſere . Ita Robertus de Urbe Capellanus Comitſ Rogerii anno 1093 , fuit & Magnus Regni Cancellarius , ut teſtis eſt Pirrus in Chronologia Regum Siciliae . Cui adjungendi ſunt Richardus Palmeri Anglus , genere & virtute præclariffimus , electus Antiſtes Syracuſanus , Cancellarius , & Conſiliarius Willelmi II , & Orator apud Henricum Anglorum Regem : Bartholomæus Ophamilius Anglus ſummo loco natus , Willelmi II. familiaris & Vicecancellarius , Oratorque apud Imperatorem Byzantinum , & Epifcopus Agrigentinus : Stephanus dictus Cancellarius ab eo munere , quo functus eſt ſub Willelmo II. cujus erat familiaris , Archiepiſcopus Panormitanus . Hi ampliſſimi viri , de quibus plura habet Pirrus in notitia Eccleſiarum Sicilienſium , & Clero Palatino Regum Normannorum prodire . Uti etiam Robaldus Archiepiſcopus Amalphitanus e Capellano Willelmi Regis ; & Sergius Freccia Archiepiſcopus Sipontinus , fuerat a ſecretis Regis Rogerii , quos memorat Ughellius . Neque ſilentio prætereundum eſt , Clericos Palatinos quandoque vicario nomine imperium adminiſtraſſe . Ita ſub Willelmo I. Henricus Ariſtippus Archidiaconus Catanenſis , & Richardus electus Syracuſanus : & ſub Willelmo II. Romualdus Guarna Archiepiſcopus Salernitanus , vir doctiſſimus , ſcriptor rerum a Normanniſ geſtarum , magnæque apud Margaritam Reginam , & Willelmum II. filium auctoritatis . Aderant quoque in Aula Clerici plurimi , qui Sacra facerent in Eccleſia Palatina . Diximus enim , a Rogerio Rege in prima Eccleſiæ Palatinæ fundatione conſtitutos Magiſtrum Capellæ , ſeu Magnum Capellanium , Cantorem , Theſaurarium , duodecim Canonicos , Subcantorem , Magiſtrum Scholarum , Terminatorem , duodecim Sacerdotes Chorodatos dictos , (ſeu Choriſtas , Chorales , Chorarior) duos Sacriſtas , Clericos quatuor . Et de Willelmo II. reſert in Chronico Romualdus Guarna , adornafſe illum Palatinam Eccleſiam , & Divinum Cultum ſummopere fovifſe : *Clericos in ea multos , & præbendas inſtituit , & Divinum in illa Officium decenter , & tractatum , & cum Dei reverentia & ti-*

ma-

more celebrari disposuit. Testis est Pirrus in notitia Regiæ Capellæ S. Petri, regnante Willemo II. Canonicos dictos fuisse Regis Familiares. Sane in illorum numero fuit Gualterius ille Anglus, cui scripsit Petrus Blesensis, & qui Præceptorem, Cancellarium, Consiliarium egit Willemi II. tum Panormitanam sedem conscendit, de quo redibit sermo, cum de Magno agemus Capellano. Tandem inter Palatinos Clericos Normannorum Regum merito recensendus est Petrus Blesensis Archidiaconus Bathoniensis in Anglia, utpote qui Willemum II. puerum instituit litteris & pietate, ut ipsemet testatur in litteris ad Gualterium datis: ob cuius e Sicilia discessu, Willemus *abjectis libris ad otium se contulit Palatinum*, ut ipse scribit ep. 66. & 90. Qui idem librum edidit *de Institutione Episcoporum*, ut Siculos Antilitas, quod neglectis Ecclesiis suis in Aula versabantur, ad meliorem frugem revocaret. Sed hæc satis de Cleri Palatini sub Normannis Principibus numero, officio, & dignitate.

VII. Sub Suevis Regibus, iisdemque Imperatoribus, Clero Palatino non potuit is dignitatis & honoris locus denegari; quem jamdiu obtinebat apud Germanos Imperatores. Compertum enim est, Germanis Imperatoribus plures adhæsisse Capellanorum nomine Clericos, genere & virtute ornatissimos, eo præsertim, quod vigentibus investituris, Sacerdotia amplissima consequerentur. Id diserte testantur Wilhelmus Tyrius lib. 1. Hist. cap. 13. & Auctor vitæ S. Ottonis Episcopi Bambergensis, Apostoli Pomeranorum, apud Surium die 2. Julii, his verbis: *Multi nobiles, & præstantes viri, cognati, & filii Principum, Imperatoris aulam sequebantur, Capellanorum ei ministerium exhibentes spe alicujus Episcopatus obtinendi.* In horum numero fuere S. Otto Capellanus Henrici IV, S. Anno Archiepiscopus Colonienfis & Capellano Henrici V, Willigifus & Capellano & Consiliario Ottonis II. Archiepiscopus Moguntinus, aliique plures. Augebatur Capellanorum dignitas, quod plerumque ii agerent Imperatorum Cancellarios, ita ut Archicapellanus esset simul Archicancellarius, inferioresque Capellani essent Cancellarii. Hinc ab Henrici VI. Imperatoris, & Siciliæ Regis Capella prodijt Gualterius de Pa-

Palena, sive de Paleariis, Episcopus primum Trojæ in Apulia, deinde Panormitanus, consanguineus Imperatoris, ejusque in Regno Siciliæ Magnus Cancellarius; cui Innocentius III Friderici II pueri tutelam delegavit. Plura de eo Pirrus innotit. Eccl. Panor. & Catanensis. E Capella etiam Svevorum Principum prodiit Philippus Matera Consentinus, Consiliarius, & Cancellarius Friderici II Imperatoris, variisque functus legationibus, tandem Episcopus Marturanensis, uti testatur Ughellius in Episcopis Marturanensibus. Ibi donationem exhibet factam Richerio Episcopo Melphienſi anno 1220. cui Philippus de Matera *Scriniarius* subscribit: hoc enim donabantur nomine, qui publica scripturarum scrinia curabant, epistolas scribebant, instrumenta conficiebant, præsertim in Ecclesia Romana, cujus plures erant scriniarii. Sed & Magnum Siciliæ Cancellarium egisse Philippum evincunt alia monumenta ab Ughellio relata. Alium Friderici II Imperatoris Capellanum, Rogerium nempe Porcastellum memorat Fazellus Decad. 2. lib. 8. cap. 2. cujus opera concitatum in se Pontificem emollire, ejusque gratiam sibi conciliare studuit Imperator. Ita enim Fazellus: *Cum tandem Fridericus per Berardum Panormitanum Archiepiscopum, Florentinum, & Rheginum Episcopos, & Thaddeum Sueſſanum magnæ Regiæ Curie Judicem, & Rogerium Porcastellum Capellanum frustra Pontifici omnia ejus acta & improbanti & execranti reconciliari studet, contemptis omnibus divitis, ac religione ipsa neglecta, obvius intra Romanæ Urbis portas utriusque ordinis cruce signatos in crucem adegit, discerpſitque, ac jam opprimendi etiam ipsius Pontificis consilio Romam proxime castra admovit. Adhærebant quippe Regibus in expeditionibus Capellani, quorum pietate & sapientia non raro ad pacem conciliandam utebantur. Hinc cum Manfredus immunes voluit a solvendis vestigalibus Clericos Capellæ suæ, eos quoque complexus est, qui castra sequerentur: Capitulum & Clericos omnes ipsius Capellæ, tam illos, qui residentiam faciunt, Domino serviendo, quam alios de gremio ipsius Ecclesiæ, qui nostram sequendo Curiam deputati sunt Capellæ nostræ servitiis, a collectis & exactionibus gratiose eximimus, & volumus esse immunes. Ut proinde unum*

H

idem-

idemque haberetur Cleri Palatini Collegium, e quo alii in Capella Palatina, alii in castris sacrum ministerium exhiberent. Cœtum hunc Clericorum Svevos Reges plurimum fecisse indicant privilegia multa ab Henrico, Friderico, Manfredo concessa; quæ tom. 2. Siciliæ sacræ legi possunt, in notitia Regiæ, & Imperialis Capellæ S. Petri: ibi & litteræ quædam leguntur Friderici Imperatoris, ex quibus colligitur, Palatinos Clericos e claro genere eligi consuevisse.

VIII. Brevi eo tempore, quo Carolus Andegavensis imperium tenuit Siciliæ ultra Pharum, duo occurrunt Capellani Regii, idemque Magni Siciliæ Cancellarii, Joannes Masnelius Cantor Capellæ Panormitanæ, de quo alibi dicturi sumus, & Magister Guillelmus de Forumvilla, Decanus ejusdem Capellæ, & anno 1274 Regni Siciliæ Vicecancellarius. At longum esset recensere Aragonum Siciliæ Regum Capellanos, qui virtute & dignitate excelluerunt. Horum plurimi e Cœnobiis accersiebantur, quod ibi potissimum pietatis & doctrinæ ornamenta splenderent, quæ Capellani, Confessarii, Elemosynarii, Præceptores summorum Principum in Aulam primum, tum in Ecclesias, quibus non raro præficiebantur, transfunderent. Cephaloditanus Episcopus Juncta Capellanum egerat Petri Siciliæ Regis, & eo quidem honoris titulo gloriabatur, uti constat ex quadam illius Charta anni 1285 apud Pirrum in notit. Eccles. Cephaled. *Nos Juncta permissione divina Cephaludensis Episcopus, ac ejusdem Regis Capellanus, & familiaris.* In illum graviter exaruit Honorius IV, quod Jacobum Petri filium, una cum Philippo Squillacensi, & Tancredo Neocastrensi Episcopis, Regem inunxerint. Iacobus de Narnia, ejusdem Ecclesiæ Episcopus, fuerat etiam a sacris Friderici II Regis: illique in Episcopatu successit Rogerius de Sancto Joanne, & ipse Friderici II. & Petri II. Capellanus. Gregorius, qui anno 1353 Mazariensem sedem conscendit, fuerat a sacris & a consiliis Friderici II Regis; & illius successor Franciscus de Catania, eodem functus est munere in Aula Ludovici Regis: a quo una cum Jacobo de Lamia Præfecto Domus Regiæ, & Roberto de Bonone Patrono Regiæ Curiz designatus est ad pacis fœdera inter Siciliæ Regulos concilianda. Eo e vivis sublato

blato Fr. Rogerius Ordinis Minorum Capellanus Ludovici III Mazariensis Ecclesiæ præficitur. Catanensi Sacerdotio claruit Fr. Simeon de Puteo Ordinis Prædicatorum e Capella & Consilio Friderici III, quem Gregorius XI. constituerat supremum in Regno Siciliæ Vindicem Fidei, uti refert Pirrus in notitia, Catanensis Ecclesiæ. Ibidem memoratur Henricus Regius Capellanus, & Apocrisiarius Pontificius in Sicilia, cui ad Melphitanum Episcopatum evecto, Urbanus VI Simeonem Catanensem Antistitem in eo Apocrisarii munere subrogavit. Apud eundem Fridericum Regem, functus est Capellani, atque Elemosynarii munere Fr. Nicolaus Papalla Ordinis Minorum, deinde Melitensis Episcopus, cuius mentionem faciunt Wadingus ad annum 1372, & Pirrus in notitia Ecclesiæ Melitensis. Capellani itaque Regum frequentissime ad Episcopales sedes promovebantur; cum enim nonnisi gravissimi & religiosissimi viri in eum gradum cooptarentur, huius non potuit, quin iisdem Ecclesiæ Cathedralibus regendæ sæpe committerentur. Hac etiam de causa e Canonorum Palatinæ Capellæ Collegio non raro creabantur Antistites: uti Philippus Sanchius, & Ogerius de Verzolo e Cantoribus illius Capellæ, Antistites Syracusani: & Franciscus de Vitale e Cantore pariter Regiæ Capellæ, Episcopus Mazariensis, cui Fridericus III, anno 1370, omnimodam potestatem concessit in civilibus & criminalibus negotiis, quoad Clericos omnes Regiæ Capellæ: & Bernardus de Figuera, Martini Regis Elemosynarius, Capellanus, Cantor Ecclesiæ Palatinæ, tum Episcopus Pactensis; ad cuius preces Rex Martinus & Maria conjux omnia privilegia a prædecessoribus Regibus concessa Clero Palatino confirmarunt, & nova addiderunt. Translato deinde Siciliæ imperio ad Hispaniæ Reges, desiisse Cleri Capellæ Regiæ splendorem, dignitatem, & numerum ad annum usque 1586, quo temporis Philippus II Rex Hispaniæ restituit Capellæ Palatinæ Canonicos, Clericos, ministrosque, iisque annuos constituit proventus ex spoliis Beneficiariorum, jam alibi diximus. Tum a Philippo III anno 1612, Philippo IV anno 1639, Carolo II anno 1668, & Victorio Amedeo anno 1714 aucti sunt proventus Cleri Palatini ex fructibus vacantium Ecclesiarum, & ex

pensione perpetua a Catanensibus Episcopis solvenda, perci-
 piendi. Capella itaque Palatina Panormitana habet triginta,
 octo Ministros, Cantorem nempe, qui primum occupat di-
 gnitatis locum, omnibus præest, geritque curam animarum
 per Capellanum ad id inuneris designatum: duodecim Cano-
 nicos, quatuor majores, quatuor minores, totidemque infe-
 riores, optione inter eos servata: Personatus duos, Subcan-
 torem nempe & Magistrum scholæ: octo Chorodatos, seu
 Choro addictos: sex Diaconos, totidem Clericos, Sacristas
 duos, Musicos triginta. Hi omnes Judici Regiæ Monarchiæ
 subjiuntur, & exempti sunt a collectis, spoliisque, quæ in
 Sicilia, Regi, cujus patronatus sunt omnia Regni Sacerdotia,
 debentur. Canonicis Palatinis concessit Urbanus VIII anno
 1633 Mozzettam & Rocchettum, ad instar Canonicorum Me-
 tropolitaniæ Ecclesiæ, quibus eadem insignia Paulus V anno
 1609. permiserat. Cum hisce Canonicis in pari honoris ac di-
 gnitatis loco habentur Palatini, quos Pirrus similes facit
 Capellanis de honore Aulæ Hispanæ. Chorodatos vero com-
 parat Capellanis de cantu in Aula Hispana, quia Divinis per-
 solvendis Officiis addicti sunt; hique utuntur Almutio nigri
 coloris, quo antea Canonici utebantur. Ad hæc Beneficia om-
 nia, primum Reges, deinde Proreges præsentare consueve-
 runt; præsentatos vero primum Archiepiscopus Panormitanus
 deinde Major Capellanus instituebat. At Philippi II. Hispania-
 rum Regis jussu anno 1591. statutum est, ut Proregi nonnisi
 Thesaurarium, Sacristas, Organistam, Musicos fas esset con-
 stituere: quoad vero illorum institutionem, ea ab anno 1582
 spectat ad Archiepiscopum Panormitanum. Tandem in Cleri
 Palatini coetum, imperantibus Austriacis, viri ornatissimi
 adsciti sunt. Nam Roccus Pirrus Abbas Netinus, & Silvester
 Maurolicus, rerum Sicularum scriptores gravissimi, de quibus
 videndus Mongitore in Bibliotheca Sicula, e Clero Palatino
 fuere. E quo etiam prodiit Ludovicus Idelphonsus de los Ca-
 meros, olim a sacris cæremoniis Proregis Ducis Alcalesiensis, tum
 Cantor Ecclesiæ Palatinæ, Inquisitor in Regno Siciliæ, Ju-
 dex Regiæ Monarchiæ, Episcopus Pactensis, deinde Monte-
 regalensis, tandem Valentinus. Cæterum præter hos Clericos
 sunt

sunt & alii Capellani Regii, qui honoris causa eo fruuntur titulo, sed nullum exhibent ministerium in Capella Palatina, eisque imminet Judex Regiæ Monarchiæ.

IX. In Aula Neapolitanorum Regum Andegavensium insignis Clericorum numerus versabatur, ad Aulæ Regniq̃ue munia gerenda, ad Legationes obeundas, ad Regum filios erudiendos, ad sacra facienda. Ex his omnibus, etsi diversum distinctumque agerent ministerium, Clerus Palatinus coalescebat, eo præsertim, quia sæpissime iidem erant a sacris, & a temporalibus negotiis administrandis. Ita Regum Confessarius, & Regalis Capellæ Magister in Consilium Principis adsciti erant: ita quoque sedebant in Consilio Regum Capellani quamplures. Qua de re spectant ad Andegavensium Regum Capellam, Clerumque Palatinum, qui, illis imperantibus, Cancellarios egerunt. Utroque munere Cancellarii, & Consiliarii functi sunt, Guillelmus de Godonio Gallus apud Carolum Calabriae Ducem, antequam anno 1297. Salernitanæ Ecclesiæ præficeretur: Petrus Episcopus Caputaquensis, anno 1286. e vivis sublatus: Petrus Episcopus Litterensis, & suprenus Moderator Neapolitani Gymnasii sub Carolo II. Raymundus de Maufaco Ordinis Minorum, Episcopus Teatinus, apud Carolum Calabriae Ducem Roberti Regis filium & Vicarium. Clericis quoque Magni Cancellarii munus, quod unum est e septem præcipuis Regni officiis, non raro committebatur. Nam in Chronico Cavenlis Monasterii, quod publici juris fecit Ughellus, duo occurrunt Monachi Guicardus & Maynerius, medio fere decimo quarto sæculo, Regum Consiliarii & Magni Cancellarii. Quo etiam munere claruere, Roberto Rege imperante, Ingilramnus Stella e Capellano & Consiliario Regis, Archiepiscopus Capuanus, Neapolitanæ Academiæ supremus Præfectus: regnante Ladislao, Frater Petrus de Pennis, Dominicanæ Familiæ, Scalensis Antistes: & in Aula Joannæ I. Philippus Episcopus Cabillonensis. Cancellariis adjungendi sunt Protonotarii, cujusmodi floruerunt in Aula Joannæ I. Rogerius Archiepiscopus Barensis: & Landolphus Caracciolus, Franciscano Instituto Amalphiitanus Antistes, quem Joannæ Legatum in Siciliam misit, ut pacem cum Joanne Randatti Duce

Duce Ludovici Regis patruo, Regnique moderatore conciliaret; & rebus bene gestis, constituit Regni Logothetam, Protonotariumque. Nam Andegavensibus Regibus familiare fuit, Clericis suis Legationes committere. Harum plures obiit Matthæus Philamarinus sub Carolo II. & Roberto Regibus, quorum fuit Consiliarius & familiaris, Custos Regii sigilli, Neapolitani Gymnasii Præses, & electus Archiepiscopus Neapolitanus. Philippum Minutulum, Canonicum Neapolitanum, familiarem Clericum Caroli II. apud Pisanos Legationem obiisse, antequam Neapolitano Sacerdotio donaretur, testis est Chioccarellus. Nicolaum Tranensem Præsulem, Legatum ablegavit Carolus I. ad nuptias conciliandas inter Carolum II. filium & Mariam filiam Regis Pannoniæ: Joannem Capuanum, & Gysium Brundisium Archiepiscopos, Ludovicus Tarentinus, & Joanna conjux apud Romanum Pontificem Oratores miserunt: & Joanna II. Manfredum Acheruntinum Pontificem, misit Oratorem ad Concilium Constantiense. Quandoque a Cœnobiis Legati seligebantur: siquidem Annales Fratrum Minorum memorant Antonium a Tassia, quem Joanna Regina ad Ferdinandum Aragoniæ Regem misit, ob nuptias cum Joanne filio ineundas; & Antonium Valentinum Oratorem Roberti Regis ad Pontificem. Et Toppius laudat Joannem Grillo Monachum Carthusianum, virum doctissimum, Consiliarium, & Legatum Joannæ I. ad Urbanum VI. Pontificem. Exploratum, persuasumque fuit Regibus, gravissima quæque Reipublicæ negotia, amplissimos honores, Clericorum, & Cœnobarum peritiæ, probitati, ac fidei tuto committi posse. Hinc eorundem opera sæpe utebantur ad instituendam Regiam subolem litteris & pietate. In horum numero fuit Bertholdus Urfinus Prior S. Nicolai Barenfis, Consiliarius Roberti Regis, deinde Neapolitanus Antistes, cui demandata est institutio Caroli Calabriæ Ducis. Hinc etiam iidem Principes adgregabant Consilio Regio Clericos suos, Capellanosque. Hujusmodi leguntur in Italia sacra Ughelli, Stephanus Episcopus Lucerinus, & Bartholomeus Episcopus Vigiliensis, Capellani & Consiliarii Caroli Regis: Simon Episcopus Draconariæ, & Andreas de Alaneo Episcopus Minorensis, Capellani & Consiliarii Regis Roberti: Bartholomæus de Pazur-

pazurris, Ordinis Prædicatorum, Teatinus Antistes, Capellanus & Consiliarius Joannæ I. & Ludovici Tarentini: Gentilis de Monte Capellanus Joannæ II. & Episcopus Molfettæ. Et alii plurimi Clerici, aut Episcopi, quos longum esset recensere, Consilio Regum Andegavensium interfuere. Nec ab eo arcebantur Cœnobitæ: nam Wadingus ad annum 1321. laudat Franciscum Asculanum Regis Consiliarium; & ad annum 1329. testatur Robertum Regem in rebus arduis usum esse opera Antonii Valentini; Joannam I. adhibuisse Veliandum Ronlandum deinde Capuanum Pontificem, ad Regni negotia difficillima. Ab eodem Wadingo ad annum 1287. memoratur Fr. Petrus e Capellano Reginæ Mariæ Archiepiscopus Spalatenis. Et Turretus cap. 4. e MSS. Petri Vincentii refert Odonem de Sala Episcopum Pisanum, a Roberto Rege; & Episcopum Trojanum a Ladislao, in Capellanorum numerum cooptatos. Idem auctor est cap. 4. n. 30. Carolum Andegavensem, dum Romæ degeret, plures e Pontificio famulatio donasse titulo sui Consiliarii & Capellani; præsertim Benedictum Cajetanum, qui postea sub Bonifacii VIII. nomine Pontificatum tenuit. Ex his vero omnibus compertum est, sæpe ex Episcopis Capellanos Regum, sæpe etiam e Capellanis Regum Episcopos adlectos fuisse, hos sedisse in Consilio Principis, hos præcipua Auræ munia gessisse. Quæ quidem cum sint præstantissima, haud tamen omnia sunt, quæ de Capellanis Andegavensium Regum dici possunt; cum & in illum cœtum viri doctissimi fuerint adscripti. Hujus ordinis primus occurrit Blasius de Morcone, celeberrimus illius ævi jurisconsultus, scriptor commentariorum in Leges Longobardicas, & Constitutiones Regni, Judex Magnæ Curiae Vicariæ, quem Robertus Rex, anno 1338. e Præposito S. Mariæ de Atino, constituit suum Consiliarium, familiarem, & Capellanum, uti testatur Toppius in Bibliotheca Neapolitana. Huic addendus est Franciscus Petrarca, Poeta excellentissimus, quem Joanna I. anno 1344. in suum Capellanum adscivit, uti scribit Summontius in Historia Neapolitana. Raphael Maffæus, Ordinis Prædicatorum, vir doctissimus, fuit a sacris Caroli III. et ut Regem a schismate revocaret, librum edidit de vera Urbani VI. electione, etsi infelici eventu, uti

nar-

narrat Mongitore in Bibliotheca Sicula . Fratrem Dominicum de Stellopardis e Prædicatorum Ordine, magni nominis Theologum, & Concionatorem, Inquisitorem in Neapolitano Regno, & Clementis VII. Pseudo-Pontificis oppugnatorem, Caroli III. & Ladislai Capellanum, laudant Fontana in Theatro Dominicano, & Toppius in Bibliotheca Neapolitana. Idem memorant Fratrem Leonardum de Neapoli ex eodem Ordine, virum gravissimum, in utraque Sicilia Fidei Vindicem, Caroli III. Capellanum, & Consiliarium. Tandem a Joanna I. inter Capellanos suos adscriptus est Petrus de Aquila, Franciscanus, qui Inquisitorem egerat Florentiæ, vir amplissimus, uti testatur Wadingus ad annum 1344. ubi exhibet Joannæ litteras hujuscemodi: *Si persæpe Princeps in familiaritatis, & obsecutionis officium, ad aliorum testimonium, sibi jungit ignotos, decet eum per amplius illos assumere, quos experientia certa, propriaque scientia dignos novit. Cum igitur profunda donâ scientiæ, discretorum actus morum laudabiles, & alia gratiosa virtutum merita Religiosi viri Fr. Petri de Aquila Ord. Min. sacræ paginæ professoris, nobis, devotionis & fidei sinceritate præclareant, ipsum in Capellanum & familiarem nostrum providimus, & duximus retinendum; volentes, & jubentes expresse, quod illis de cætero privilegiis, favoribus, honoribus, prærogativis, & gratiis potiatur, & gaudeat, quibus Capellani, & familiares nostri cæteri potiuntur. In cujus rei testimonium præsentem litteras fieri, & pendenti sigillo nostro, quo utimur, jussimus communiri. Datum Neapoli anno Domini MCCCXLIV. die XXI I. Januarii XXI I. Indictione.* In hisce litteris, nedum indigitatur quanto delectu Capellani crearentur, verum etiam innuuntur plurima privilegia, pluresque prærogativæ, quibus illi fruerentur. Harum una fuit, quod Clericis Palatinis permitterentur suorum Beneficiorum proventus, etsi in suis Ecclesiis minime residerent. Id in gratiam Caroli II. Regis indulsit Bonifacius VIII. cujus litteras Ananias datas anno primo Pontificatu, e publicis Tabulariis erutas ad ann. 1293. exhibet tom. 2. MSS. Chioccarellus. Ibi Pontifex ob præclara Regis in Ecclesiam merita annuit, *ut octo Clerici tui, qui tuis ad præsens insistant obsequiis, vel in futurum insistent, quos-*
que

que ad hoc duxeris nominandos, fructus, redditus, & proven-
tus Beneficiorum suorum Ecclesiasticorum, etiam si Dignitates,
vel Personatus existant, aut curam habeant animarum, quæ
nunc obtinent, & quæ ipsos obtinere contigerit in futurum, cum
ea integritate percipere valeant, quotidianis distributionibus
dumtaxat exceptis, cum qua illos perciperent, si in Ecclesiis,
in quibus eadem existunt Beneficia, vel existent, personaliter
residerent. Idem privilegium, iisdemque clausulis, eidem
Regi confirmavit anno 1304. Benedictus XI. ita tamen ut duo-
decim Clericos familiares, domesticos, commensales Regis
complecteretur, & ad decennium usque vim haberet. Rur-
sum a Clemente V circa annum 1310. & a Joanne XXII. an-
no decimo septimo Pontificatus, renovatum confirmatumque
est in gratiam Roberti Regis id privilegium, ita ut ei deroga-
tum minime pensandum esset, nisi specialis illius mentio habe-
retur. Extant hæc monumenta to. 2. MSS. Chioccarelli. Jam
vero etsi octo vel duodecim Clerici Palatini, hoc beneficio
donati essent, non inde fit, ex hisce dumtaxat Clericis coa-
luisse, regnantibus Andegavensibus, Clerum omnem Palati-
num. Nam ex iis, quæ dicta sunt, & ex publicis Tabulariis
conficitur Clericos longe plures in familiarium & domesticorum
loco Regibus adhæsisse. Cæterum cum ex his plurimi vel Cœ-
nobitæ essent, vel nullis fruerentur Beneficiis, hinc satis su-
perque fuit, si immunitas illa residendi ad duodecim Clericos
porrigeretur. Illud vero ex allatis monumentis compertum
est, privilegia hæc non ad illos tantum referri Clericos, qui
Divina Officia in Aula persolvebant; sed ad illos quoque, qui
Aulæ vel Regni munia gerebant. Id indicant Bonifacii VIII
litteræ, & clarius Benedicti XI. his verbis: *quamdiu obse-*
quis tuis insisterint, vel cum ipsos ad aliqua tua negotia duxe-
ris transmittendos, dum in executione negotiorum hujusmodi
fuerint, eundo, redeundo, morando. Liberum itaque Regi-
bus fuit nominandi, designandique quos vellent e Clericis
suis, qui a residendi necessitate absolverentur, sive ii sacro
ministerio, sive Reipublicæ negotiis operam darent. Verum
tamen est, in Andegavensium Regum Capella octo Clericos
Divina Officia persolvisse, & hæc causa fuit, cur hosce solos

indigitari illis privilegiis nonnulli putaverint. Hunc Clericorum numerum constituit Joanna II. litteris datis anno 1422. Gentili de Sancto Angelo de Fasanello Magistro Regalis Capellæ, apud Chiocciellum, quibus ait: *Revolventes, ac intendentes, quod in nostra Regali Capella honorifice, & decenter Divina Officia celebrentur, & quod celebratores habeant, unde victum percipiant condecens, servireque propterea, & vacare possint in dicta nostra Regali Capella circa celebrationem Divinorum Officiorum prædictorum, scire te volumus, quod noviter deliberavimus, quod in nostra Regali Capella retinere, debeas Capellanos octo inter Cantores, & Phenoristas, & quod tu una cum dictis octo Capellanis habeatis pro vestro victu uncias centum de carolenis argenti ponderis generalis per annum, videlicet tu tamquam Magister Reginalis Capellæ pro persona tua uncias viginti; & quilibet dictorum octo Capellanorum uncias decem per annum. Ad hos vero annuos proventus tot statuit Beneficia juris patronatus Regii, quot eam summam conficiant. Fortasse Amanuensium errore irreperit Phenoristas, cum legendum sit Paraphonistas. Hi autem fuere præcantatores, seu qui præcinebant Antiphonas, quorum mentio fit in Ordine Romano de schola Cantorum, & apud Monachum Sangallensem lib. 1. c. 8. exhibentem in Capella Caroli M. Paraphonistam, qui cantum moderabatur. Ad rem nostram quod attinet, numerus ille Clericorum in Capella Palatina Divina Officia persolventium, tunc primum constitutus videtur, quemadmodum & certa illorum stipendia. Attamen longe antea, nimirum Roberto regnante, plures Capellani Clericique sacro ministerio in Capella Regis vacabant, & stipendia percipiebant. Nam constat ex Regestis Roberti Regis anni 1317. soluta fuisse stipendia Palatinis Clericis: *pro gagiis & expensis eorum, & famulorum suorum ad rationem de uncia una, tarenis novem, pro quolibet dictorum Capellanorum & de uncia una, tarenis septem, & gravis decem pro quolibet dictorum Clericorum per mensem.* Constat etiam ex eisdem Regestis pecuniam numeratam: *Magistro Capellæ Regalis, Elemosynario Regio, & aliis Capellanis, Clericis, & dimidiis Clericis, ejusdem Capellæ Regalis pro stallagio equorum eorum, ad ratio-**

tionem de sarceno uno, & granis decem, pro quolibet eorum, per mensem. Præter hæc stipendia, immunes fuere Clerici Palatini ex Roberti Regis beneficio, anno 1339. ab iis solutionibus, quæ debebantur: ratione juris sigilli Regii pro quibusque litteris propriis eorum, factis, & in antea faciendis, gratiam vel iustitiam continentibus. Constat insuper ex Regestis Caroli I & II olim in Regiæ Domus tabulis adnotari consuevisse, N. N. receptus fuit in Capellanum, Clericum, familiarem, & de hospitio Domini Regis; & a Cancellario Regni datas fuisse ad hanc rem litteras: Domino Senescallo & omnibus aliis Officialibus de hospitio Domini Regis, ut id noscerent universi. Itaque in Palatinum Clerum Regum Andegavensium, confluebant Episcopi, Clerici, Cœnobitæ pietate & doctrina clarissimi; & ad instar Cleri Palatini Regum Francorum, præsertim Carolovingiæ stirpis, illorum nonnullis summa Aulae munera, aliis Legationes amplissimæ demandabantur; pluribus locus erat in Consilio Principis, quibusdam Regiæ prolis institutio erat commissa, denique alii sacris rebus celebrandis operam dabant. Non ita tamen, ut non iidem sæpissime utrumque ministerium sacrum profanumve exhiberent.

X. Eodem fere modo res se habuit sub Aragoniis Regibus, qui succedere. Alphonsus, ejusque posteros consuevisse in Consilium suum Episcopos, Clericosque accersere, ex eo patet disertissime, quod conscripto tunc primum supremo Senatu S. Claræ, huic ille præfecerit Antonium Borgiam Episcopum Valentinum, familiarem suum, cujus opera in administrando imperio plurimum utebatur, quique sub Callisti III nomine Romanam sedem conscendit, & huic in illo munere alii plures subrogati fuere Episcopi, Gaspar de Diano Neapolitanus Præsul, Arnaldus de Rogerio Patriarcha Alexandrinus, Oliverius Carafa Cardinalis & Archiepiscopus, Joannes de Aragonia Cardinalis & Pontifex Tarentinus. Atque hi quidem in supremo Aragonum Regum Consilio principem occuparunt locum; in quo etiam alii sederunt Clerici, uti Michael Cofal e Monacho Cisterciensi Episcopus Isclanus, Nicolaus de Miraballis e Consiliario Ferdinandi I. Antistes Amalphitanus, Bernardus & Pirrus e Caracciolorum gente ambo Episcopi Cosen-

tini, alique. Et Summontius in Historia Neapolitana refert, morienti Alphonso I. tres adfuisse Episcopos, ejus Consiliarios, & testes supremæ voluntatis, Joannem Majoricensem, Joannem Soler Barcinonensem, & Joannem Ferdinandum electum Neapolitanum. Sed & illorum Regum Confessarii, atque Eleemosynarii plerumque fuerunt ab eorumdem Consilio. His adjungendi sunt Cancellarii, & Scribæ, quos non semel e Clericorum numero adlectos, & Ecclesiis deinde Episcopos datos reperies, uti Bartholomæus Gattula e Secretario Alphonfi I. Archiepiscopus Rhegiensis, tum Messanensis; Andreas de Cuncto e Regio Scriba Ferdinandi I. Episcopus primum Minorenensis, deinde Amalphitanus; Thomas Ciprianus e Cancellario & Consiliario Alphonfi Ducis Calabria Episcopus Marficani, cujus meminit Toppius in Bibliotheca Neapolitana; & Thomas Rhegalanus e secretis Ferdinandi II. Antistes Amalphitanus. Adjungendi quoque sunt e Clericorum numero Regiæ sobolis Præceptores. Nam Alexius Celadonius peritissimus Græci & Latini sermonis, insignis Orator, & Cardinalis Bessarionis discipulus, instituit litteris Alphonsum, & Fridericum Ferdinandi filios, antequam Gallipolitanæ primum, deinde Melphitenæ Ecclesiæ præffet. Et Frater Petrus Ranzanus Ordinis Prædicatorum, vir doctissimus, eodem officio functus est in Aula Ferdinandi I. tum Lucerino Episcopatu auctus, Legationem obiit in Galliam primum, deinde ad Matthiam Pannoniæ Regem, ubi librum scripsit de rebus Hungaricis, de quo plura habet Mongitore in Bibliotheca Sicula. Nam etiam Legationibus persæpe Clerici fungebantur. Ita Colantonius Valignanus Episcopus Teatinus Oratorem egit Alphonfi Regis apud Venetos: Antonius Fanensis ex Ordine Minorum illius Confessarius, apud Martinum V. Pontificem: Bartholomæus de Michaelibus Episcopus Nucerinus, apud Senensium Rempublicam: Franciscus Bertinus Episcopus Caputaquensis ad Burgundiæ Ducem; & Ludovicus Flonoblet Præsul Anglonensis ad Romanum Pontificem, nomine Ferdinandi Regis Legationem obiere. Quamvis ab hisce Episcopis, Clericisve Palatinis tractarentur Aulæ vel Regni officia; nil tamen vetuit, quominus iidem sacra munia in Aula, vel Capella admi-

ni-

nistrarent. Sane in ea solemnī Liturgia Palatina, qnam regnante Alphonso II. describit in suis Diariis Joannes Brochartus, de qua alibi dicemus, Magnus Capellanus adstabat prope Regem Solio insidentem, Sacris vero operabatur Matthæus de Aquino Episcopus Gravinensis, familiaris Regis, ad Licientem sedem deinde translatus. Atque ita sæpe contigiſſe colligitur ex eo, quod cum in solemnī Liturgia Capellæ Palatinæ, Magnus Capellanus adesse debuerit prope Regem, ut singulas Miſſæ partes coram eo recitaret; hinc Sacrum faciendum fuit ab aliquo alio Episcopo, vel Clerico Palatino, & quideme dignioribus Aulæ. Qua de re pro comperto habendum est, Clericos Palatinos Divinis, & humanis rebus in Aula gerendis operam dedisse. Cæterum plurimos Clericos sacro ministerio Capellæ suæ Alphonſus I. addixerat, quorum aliqui actu defervirent, aliis vero fas eſſet ibidem deferviendi. Ita enim in litteris datis anno 1445. quibus constituit Dominicum de Xachis Magistrum Capellæ suæ, apud Chioccarellum to. 2. MSS. Rex ait: *Quamplures Capellanos tam in dicta nostra Regali Capella, quam alibi fecimus, & per nostras litteras statuimus, ut dicti Capellani ad requisitionem dicti Magistri Capellæ nostræ servire in eadem nostra Regali Capella, & vacare in celebratione Miſſarum, & Divinorum Officiorum possint temporibus opportunis.* Ibidem exhibet Chioccarellus litteras ab eodem Alphonſo Rege datas, anno 1452. universis Magistratibus, & Prælatiſ, quibus declaravit, Nicolaum de Raynaldo de Carriſſio Diœceſis Vicanensis, suos inter Capellanos adſcitum, omnibusque donatum privilegiis, quibus cæteri Capellani fruebantur, etſi in Regali Capella actu non deferviret. Et e Regiis Tabulariis conſtat, ab Alphonſo I. anno 1445. iisdem formulis creatum Capellanum Joannem de Valentino Barulensem Presbyterum; uti etiam a Ferdinando I. anno 1468. Marcum Figulum; & ab Alphonſo hujus filio anno 1475. Leonardum Biſone Caſertanæ Diœceſis, ita ut quamvis actu in Capella Regis haud ministrarent; omnibus tamen juribus privilegiisſque fruerentur, quibus donati erant Regum Capellani. Inter hæc privilegia fuiſſe exemptionem a ſolvendis decimis, quæ a cæteris Beneficiariis debebantur, indicant litteræ Ferdi-

dinandi Regis datæ anno 1474. Episcopo Averfano Magno Capellano, ut ne sineret Matthæum de Lauro Regium Capellanum adigi ad eas decimas persolvendas. Hujusmodi decimæ fuerunt extraordinaria quædam sublidia a Clericis præsertim, expressa ad sacras expeditiones peragendas, ad Albigenes profligandos, ad subjugandum Byzantium, ad Turcas propulsandos, ad Ecclesiam juvandam flagrante schismate Avenionensi. Quare cum novæ in dies emergerent causæ eas imperandi, jam annuæ & ordinariæ evaserant, nec raro in alios usus distrahebantur, unde plurimæ Episcoporum querelæ in Concilio Constantiensi, de qua re fuse agit Thomassinus part. 3. lib. 1. cap. 44. de Beneficiis. In Neapolitano Regno tertia pars illarum decimarum Regi concedebatur, cujus rei plurima monumenta exhibet tom. 11. MSS. Chioccarellus: quemadmodum Hispaniæ Reges, annuente Alexandro VI. tertiam decimarum partem sibi vindicabant, uti refert Gonzalez cap. 19. de Decimis. Itaque Clerici Palatini his exactionibus minime adstringebantur. Tandem in Capellanos Regum Aragonum doctissimi, & gravissimi Clerici, aut Cœnobitæ assumebantur. Horum unus fuit doctrina & pietate insignis Frater Andreas de Monopoli ex Ordine Minorum, quem Ferdinandus I. Capellanis suis adgregavit, die 16. Decembris, anno 1472. his litteris a Toppio relatis in Bibliotheca Neapolitana: *Illos in Capellanos nostros, & in Regali nostra Capella libere recipimus, numeroque, & consortio nostrorum Capellanorum admittimus, & adgregamus, quos clara virtus illustrat, moresque, & vita integra, & opera laudanda commendant. Sane igitur attendentes animi virtutes, mores, & integram vitam, ac laudanda opera Venerabilis viri fidelis nostri dilecti fratris Andree de Civitate Monopolis Ordinis Minorum, in aliquod testimonium suarum virtutum, & gratitudinis nostræ erga illum, tenore præsentium de certa nostra scientia, motuque proprio, consulto, & deliberate, eundem fratrem Andream Capellanum, & de nostra Regali Capella creamus, constituimus, & ordinamus. Ex his vero conjiciis, quam spectatissimis viris dignitas Capellani Regii deferretur. Eadem quoque dignitate apud Joannam Aragoniam Reginam, Ferdinandi I. conjugem,*

gem, claruit Frater Antonius Bonitus de Cuccharo, Franciscanus magnæ doctrinæ, ut ejus libri, quos Toppius recenset, testantur, deinde Episcopus Montis-Marani. Huic adjungendus est Benedictus Micheli de Laureto, rerum Theologicarum peritissimus, qui a sacris Confessionibus fuit Ferdinandi I. Regis. Cum itaque tam clarissimis viris Clerus Palatinus abundaret, inde consentaneum fuit, ut optimi Episcopi præficerentur Ecclesiis. Atque in hoc numero, præter eos, quos jam memoravimus, & qui recensendi sunt, cum de Confessariis, & Eleemosynariis Regum agemus, fuere Antonius Jacconia e Capellano Ferdinandi I. Episcopus Puteolanus, & Quirius Longus e Capellano Regio Episcopus Lavellensis, alique.

XI. Progredimur ad Austriacos Hispaniæ Reges, qui a sæculi decimi sexti initiis, usque ad hujus sæculi exordia, Proregibus illorum vices agentibus, Neapolitanum imperium tenuerunt. Jam vero cum nulli essent in hac Aula Reges, nulli quoque fuere Palatini Clerici, qui Aulæ, & Regni muneribus implicarentur. At Clero Capellæ Palatinæ servata est dignitas, & auctoritas. Namque primo ex eo coetu Episcopi plurimi educebantur, uti Jacobus Conchilles ex Episcopo Hieracensi, Antistes Cataoensis; Carolus Catalanus Episcopus Cotroniensis, Joannes Jacobus Macedonius Episcopus Monopolitanus; Achilles Brancia Episcopus Bovenis, Scipio Salernitanus Præsul Accerrarum; Petrus Antonius de Capua Archiepiscopus Hydruntinus, alique plurimi ad nostra usque tempora, qui in Italia sacra Ughelli cum additionibus Coleti occurrunt legenti. Tum nobiles doctique viri in eum coetum cooptabantur. Nam Decius Caracciolus a Toppio laudatus in Bibliotheca Neapolitana, fuit Capellanus Regius sub Philippo II. in cujus obitu orationem habuit funebrem, typis editam. Idem Toppius memorat alium Capellanum Regium, ex iis, qui Honorarii dicti sunt, Domincium Diez Aversanum, Protonotarium Apostolicum, & causarum Patronum in foro Archiepiscopali, Juris peritissimum, auctoremque libri, cui titulus: *Emblema legale variorum thematum practicabilium, cum brevissima inspektione in ordine judiciali, & praxi civili, sicut in foris Parthenopeis observatur*. Carolus Maranta Venulinus, Theologus & Ju-

Jurifconsultus doctissimus, ut constat ex pluribus libris ab eo editis, *Controversiarum Juris utriusque Responsionum in Foro causarum Ecclesiastico præsertim discussarum, & ad pias causas*, fuerat ex Capellanis Honorariis Aulae Neapolitanæ, antequam Juvenacensi Sacerdotio donaretur. Et nostris hiæce temporibus ex eodem Capellanorum cœtu prodiit vir amplissimus dignitate & doctrina Vincentius Petra Patritius Neapolitanus, cujus ob eximia erga Romanam Apostolicam Sedem merita, & erga rem litterariam, editis Commentariis in Constitutiones Pontificias, a Benedicto XIII. Pontifice Max. in Cardinalem Ordinem adscitus, diu multumque meruit de Apostolica sede, & octogenario major e vivis sublatus est anno 1747. cum Episcopatum regeret Prænestinum, & Summus esset Ecclesiæ Poenitentiarius. Servata etiam fuerunt Capellanis Regiis antiqua jura, & privilegia, præsertim vero immunitas a decimis persolvendis; cum ab Adriano VI. & Clemente VII. annis 1524. & 1527. a Paulo III anno 1546. a Julio III anno 1552. & a Pio V anno 1569. hujusmodi decimæ indictæ fuerunt. Nam regnante Carolo V. & Prorege Petro de Toledo constat ex monumentis relatis a Chioccarello to. 2. MSS. hanc exemptionem illis conservatam fuisse, quam antiqua consuetudine inniti testatus est Magnus Capellanus in quadam Consultatione anno 1533. ad Proregem data. Et Romani Pontifices huic illorum favebant exemptioni, dummodo non ita excreceret eorum numerus, ut in damnum cederet aliorum, qui his persolvendis decimis tenebantur. Hinc a Paulo III. edita Constitutione, *Intelligentes*, die 26. Septembris, anno 1537. declaratum fuit, *neminem ex dictis privilegio alicujus exemptionis uti posse, nisi Capellanum Majorem, & alios, qui dictæ Capellæ personaliter inserviunt*. Hinc etiam huic Pontificio decreto obtemperandum protinus voluere Carolus V. datis ad Marchionem Villefrancæ Proregem litteris anno 1540. & Philippus II. litteris datis anno 1577. ad Nuntium Pontificium. Monebantur proinde decimarum Collectores a Proregibus, ut illasam servarent Capellanis Regiis hanc exemptionem, quemadmodum a Petro de Toledo anno 1539. & a Cardinali de Cueva anno 1559. Regni Proregibus factum legitur tom. 2 Chioc-

Chioccarelli . Ibi & libellus supplex occurrit Archiepiscopi Hydruntini anno 1573. quo Proregem interpellat , ut sibi tamquam Capellanorum uni, hoc privilegium vindicaret . Denique cum anno 1601. Clemens VIII. nonnullas decimas imperaverit, Capellani Regii ad Proregem recurrerunt , ut sua illis jura custodiret , cui rei nedum suffragatus est Magnus Capellanus , sed & Cardinalis Aldrobandinus Magnus Romanæ Ecclesiæ Camerarius , datis litteris die 22. Februarii anno 1603. ne decimarum Collectores eas repeterent a Capellanis Regiis . Quod vero spectat distinctionem , numerumque Capellanorum Aula Neapolitanæ , alii dicuntur Capellani de Honore , alii Capellani Ordinarii . Capellani Honorarii , numero viginti quatuor , nulla percipiunt stipendia , nec quotidianum ministerium in Aula præstant , communia tamen habent jura & privilegia cum ceteris Clericis Capellæ Regiæ . Iidem sunt Prototonarii Apostolici , & in magnis solemnibus induti Rocchetto , & Mantelletta adesse debent Liturgiæ Palatinæ , sedent in scamno sine fulcro dorsuali , & ministrant Magno Capellano rem Divinam facienti . Qua de re non ex illorum numero habendi sunt , qui nudo honoris & dignitatis titulo perfruuntur , cum re ipsa statis festis diebus sacro Palatino ministerio interesse debeant . Creantur a Principe , datis litteris *in forma Regiæ Cancellariæ* , atque collatæ dignitatis possessionem ineunt in Capella Palatina , præsentibus Sacrista Majore , & cœremoniæ præfectis , tum rem gestam conscribente Magni Capellani Tabellione , vulgo actorum Magistro . Capellani Ordinarii , numero octo , sacris rebus in Aula peragendis quotidie operam præstant , siquidem singulis diebus Sacrum faciunt in Oratorio privato Regis , tum in omnibus sacris functionibus Capellæ Palatinæ , induti Superpelliceis sine manicis inserviunt sacro ministerio , Regis itinera sequuntur , quo temporis , præter consueta stipendia , donantur symbola , uti ceteri familiares Regis , quæ dicitur *mensilia* . Cum aliquis a Rege in hunc cœtum assumitur , is , qui est a summis imperii negotiis , dat Magno Capellano litteras , quibus eum hujus rei conscium facit ; aliisque litteris idipsum significat illis Regii ærarii Officialibus , a quibus stipendia persolvuntur . Absente Magno Ca-

K

pel-

pellano sacris operatur in Palatina Capella, vel senior e Capellanis Honorariis, vel Major Sacrista, vel aliquis e Capellanis Ordinariis, isque etiam adspersit Regem aqua benedicta, eidemque exhibet Evangeliorum librum, & osculum pacis. Præter Capellanos hosce additi sunt obsequio Capellæ Palatinæ Major Sacrista, duo cœremoniarum Præfecti, nonnulli Clerici, & Scholares, Musici, & Psalterii quamplures ad rem Divinam modis musicis faciendam. Scholarium Capellæ Regiæ extat mentio ab Aragonum Regum ætate: siquidem in Alphonsi Regis litteris ad Episcopum Acernensem anno 1443. memoratur Jannicus de Campania Diaconus, & scholaris Regiæ Capellæ; & in litteris Friderici Regis anno 1498. ad Episcopum Calvensensem Matthæus Gallus ejusdem Capellæ Scholaris nominatur. Eo donabantur nomine Clerici, qui operam dabant Scholæ Cantorum, quam Gregorius M. instituerat, quamque Pipinus & Carolus M. in Capellam Palatinam, & in Galliam, Germaniamque invexerant. Unde Ledradus Archiepiscopus Lugdunensis scribebat Carolo M. constitutas a se in Lugdunensi Ecclesia Scholas Cantorum, & psallendi ordinem *juxta ritum Sacri Palatii*. Ad instar itaque Capellæ Caroli Magni, Neapolitani Reges Capellam Palatinam instructam voluerunt Schola Cantorum.

XII. Inter Clericos Palatinos magno sunt in loco Confessarii Regum, qui olim ab Episcopis dabantur, deinde a Romanis Pontificibus, facta Regibus potestate adsciscendi sibi quemcumque vellent Confessarium, cujus rei plurima exempla affert Thomassinus part. 1. lib. 2. cap. 102. nu. 8. & alibi. Illorum antiquior mentio occurrit in vita S. Ansberti Episcopi Rotomagensis sub Theodorico Francorum Rege, cujus dicitur Confessor, Cancellarius, & Custos Regii sigilli. Et Baronius ad annum 631. laudat Vironem Episcopum Scotum, quem Pipinus senior sibi esse voluit a Confessionibus, & quocumque graviora negotia communicabat. Verum enimvero nonnisi sub tertia Regum Francorum stirpe præclarissimum fuit in Aula, Confessarii munus, cui domicilium erat in ipso Palatio, quique sacramenta fidelitatis Regi debita excipiebat, & Regem monebat de conferendis Beneficiis, deque subsignandis litteris

Pon-

Pontificiis circa collationem Beneficiorum, quæ proinde signabantur *ad relationem Confessoris ex parte Domini Regis*. Tradit Peiratus lib. 1. cap. 54. & 55. a Philippo Augusto usque ad Carolum VIII. Confessarium Regis præfuisse Oratorio Regio, digniorem præ Eleemosynario obtinuisse locum, amplissima auctoritate a Romanis Pontificibus instructum fuisse, ut plurimum ex insigni Prædicatorum Ordine eligi consuevisse, sæpe etiam Episcopali, vel Cardinalitia dignitate effulxisse. Et Thomassinus loco citato auctor est, Galliarum Regibus usque ad annum 1385. Confessarios fuisse e Dominicanis: at cum Joannes de Montefonio ejusdem Ordinis, quædam de Conceptione Deiparæ vulgasset, quæ censura conixa sunt, quæque etiam Confessarius Regis ex eodem Ordine Episcopus Ebriocensis retractare jussus est, eo summo ab audiendis Regis Confessionibus, nulli deinde ex eo Ordine ad id muneris adsciti sunt. In Aula Hispana olim Capellanus idem erat, ac Regis Confessarius: deinde cum Henricus Castellæ Rex Dominicana veste induisse jussit, & ita tumulo inferri, ut narrat Mariana ad annum 1379. invaluit mos accersendi ex eo amplissimo Ordine Regum Confessarios. Pariter in Anglia, uti colligitur ex Walinghamo in Chronicis, Confessarii Regum plerumque e Dominicanis seligebantur, & in hoc numero fuisse Joannes de Berlington Confessarius Henrici III. & Thomas Rushok Richardi II. Regis. Quod Aulam spectat nostrorum Regum, horum Confessarii, vel ex Franciscana Familia, vel ex Dominicanorum Ordine assumebantur, iidemque sæpe Episcopali fulgebant dignitate, sæpe etiam in Consilio Principis adscripti erant, & non semel eorum Legationibusungebantur. Andegavenses Principes, præsertim Robertus & Sancia conjux, Franciscanos ut plurimum a Confessionibus habuere, quorum Ordini erant addictissimi, ita ut Sancia in quadam epistola ad Michaellem Cæsenatem supremum Ordinis Moderatorem, relata a Wadingo, testata sit: *Anima nostra magis est in ipso Ordine, quem amat justissime, quam in nostro corpore, quod animat, & informat*. Hinc in eorum Aula plurimi, ex eo Ordine amplissimo versabantur, de qua re Wadingus ad annum 1343. *Plurimum usi sunt etiam Minorum opera tum in*

Consiliis, tum in conscientiis dirigendis Reges Neapolitani. Invenio enim circa hæc tempora plerosque ex eis in Aulam adscitos: Fr. Franciscum Episcopum Gajetanum, prius Caroli Ducis Calabriae Confessarium: Fr. Hugonem Sueffanum Episcopum eidem Regi a Confessionibus: F. Guillelmum Scalensem Episcopum, Reginae Sanctae a sacris arcanis conscientiae: Fr. Guillelmum Episcopum Puteolanum Reginae Joannae hujus nominis primae Confessarium, vivente adhuc avo Roberto: Fr. Matthæum Telesinum Episcopum Confessarium & Consiliarium ejusdem Reginae, & ante assumptionem ad Episcopatum Regii Sacelli Magistrum: Fr. Andreæ de Valle Regia, & Fr. Petrum de Aquila ejusdem Reginae Capellanos, familiares, & fideles. Et sæpe Magistri Regalis Capellae, erant & Regum Confessarii, de qua re alibi. Fuit etiam a Confessionibus Sanctae Reginae Philippus ab Aqueriis Franciscanus, cujus consilio piissima Regina insigne construxit Monasterium S. Mariae Magdalenaë ad excipiendas mulieres ad meliorem frugem redeuntes. De qua re Wadingus idem ad an. 1324. Inchoantem hoc anno insigne Monasterium S. M. Magdalenaë haud longe a Castro Capuano per Sanctiam Reginam pro recipiendis & alendis mulierculis propositis, a peccato resipiscenibus. Harum lucrandarum tantus fuit piissimae Reginae zelus, ut simul cum suo Confessario Philippo ab Aqueriis illarum domos penetraret, verbis, lacrymis, & muneribus ad meliorem vitam alliceret, atque ad sacrum a se preparatum asylum invitaret. Egregiam sane Reginae pietatem, & memoratu dignam! Hisce Regum Confessariis a Wadingo laudatis addendi sunt, Joannes Episcopus Monopolitanus, & Joannes Episcopus Gravinensis, uterque Franciscanus, uterque a Confessionibus Joannae I. Fr. Matthæus de Capua, ejusdem Instituti, Antistes Surrentinus, Confessarius Caroli Ducis Calabriae, filii Roberti, & eustos supremæ illius voluntatis: Fr. Petrus Episcopus Rapollanus a Confessionibus Roberti Calabriae Ducis: Fr. Dominicus Joannes Confessarius Ladislai Regis, & Episcopus Gajetanus, Legatus Regis ad Gregorium Papam: Joannes a Turre Confessarius Joannae II. cujus meminit Wadingus ad annum 1487. Aragoniis vero Regibus Confessarii fuisse ple-
rum-

rumque ex Dominicanorum Ordine. Ita Fr. Philippus Gambacurta fuit ab Alphonſi I. Confeſſionibus, tum anno 1422. Eccleſiæ Cephaludenſis Adminiſtrator, uti narrat Pirrus. Nicolaus de Terranova ex eodem Ordine, vir doctiſſimus, de quo plura habet Mongitore in Bibliotheca Sicula, eodem munere functus eſt apud Alphonſum Regem: uti etiam Bernardus Maja, Concionator eximius, cujus ibidem meminit Mongitore. Et Pius in libro de vir. illuſtr. Ordin. Prædic. laudat Bernardum de Michaeli Hiſpanum, Epiſcopum Ucellenſem, Conſiliarium Alphonſi Regis, & Confeſſarium Ducis Calabria. Ferdinandus I. Alphonſi filius habuit a ſacris Confeſſionibus & a Conſilio Henricum Lungardum ex eodem Ordine, Policaſtrenſem Præſulem, tum Acheruntinum: & Fr. Petrum ejuſdem Inſtituti, Epiſcopum Montis-Viridis, quos laudant Ughellius, Mongitore, Fontana, aliique. A Mongitore memoratur etiam Salvus Caſetta & ipſe Dominicanus, eodem munere functus apud Ferdinandum Regem. Antonius Ponticorona Dominicanus Confeſſarium egit Ferdinandi I. Quaſitorem Fidei in Sicilia, Oratorem Alphonſi Regis ad Concilium Conſtantieneſe, Epiſcopum Cephaledenſem, deinde Agriſgentinum, uti Pirrus teſtatur. Qui idem in Epiſcopis Catanenſibus recenſet Bernardum Margarit Benediſtinum & Confeſſario Ferdinandi Regis Epiſcopum Catanenſem. Denique in Diariis manuſcriptis Joannis Brocharti nominatur Joannes Franciſcus de Miraballis Monachus Olivetanus Confeſſarius Alphonſi II. Regis, qui in coronationis Regiæ coereſmonia, adſtabat prope Regem. Nunc vero piſſimus Rex CAROLUS habet a ſacris Confeſſionibus N. de Boulagnos Franciſcanum Epiſcopum Titularem; Regina vero MARIA AMALIA, Joannem Hildebrand Societatis Jeſu, religioſiſſimos viros. Ex eadem inſigni Societate Joſeph Barba, vir doctus, agit Inſtitutorem Regiæ prolis.

XIII. Speſtant etiam ad Clerum Palatinum Eleemoſynarii Regum, quos memorat Carolus Calvus in ſuis Capitularibus, eis cominendans, ut poſt obitum ſuum erogent in pauperes, quod ipſe præceperat: *Si nos in Dei, Sanctorumque ipſius ſerviſſio mors præoccupaverit, Eleemoſynarii noſtri ſe-*

secundum quod illis commendatum habemus, de eleemosyna nostra decertent. Observat tamen Thomassinus p. 1. lib. 2. cap. 111. ex iisdem Capitularibus colligi Episcoporum quoque, & Abbatum, Comitum, & Nobilium proprios fuisse Eleemosynarios, atque hosce nonnisi Testamentarios executores fuisse. Sine sub secunda Regum Francorum stirpe, nullus legitur in Aula addictus præcipue huic officio stipis erogandæ: quamvis Carolus Magnus, teste Eghinardo, *circa pauperes sustentandos, & gratuitam liberalitatem, quam Græci eleemosynam vocant, devotissimus erat, ut qui non in patria sua solum, & in suo Regno, eam facere curaverit, verum trans maria in Syriam & Ægyptum, atque Africam, Hierosolymas, Alexandriam, atque Carthaginem, ubi Christianos in paupertate vivere compererat.* Et Ludovicus Pius, teste Thegino, *quotidie ante cibum eleemosynarum largitionem exhibuit, & ubicumque erat, Xenodochia secum habebat.* Atque adeo rebus pauperum adjuvandis Reges studebant, ut ipsi, eorumve Ministri diem indixerint tribuendæ audientiæ viduis, orphanis, cæterisque indigentibus. Hinc hujusmodi Audientia dicebatur, *Eleemosyna Regis*, cujus mentio fit in Concilio Veronenſi sub Pipino anno 756. cap. 6. ubi statutum est, ut Episcopi opem serant Monasteriis recurrendo ad Regem, *ut in sua Eleemosyna hoc emendare faciat.* Ubi etiam sancitum fuit, *ut Comites, vel Judices ad eorum placita, primo viduarum, orphanorum, vel Ecclesiarum causas audiant, & definiant in Eleemosyna Domini Regis, & postea alias causas cum justitia judicent.* Et Patres Concilii Remensis anno 813. cap. 42. decreverunt exorandum Imperatorem, *ut in sua Eleemosyna firmiter statuatur, ne quilibet in suum pergentibus servitium, ullatenus prohibere audeat mansionem, neque aliis, quibus necessitas incumbit.* Nonnisi tamen sub tertia Regum Francorum stirpe prodiit in Aula stipis Distributor, seu Eleemosynarius, circa Ludovici VII. tempora, cujus muneris fuit, nedum Regis eleemosynas erogare, sed & Regi in Capella ministrare, atque mensæ Regiæ benedictionem impertiri. Tradit Peiratius lib. 1. cap. 58. usque ad Caroli VIII. imperium, Eleemosynarium nec fuisse primum Aulae Capellanum, nec Regis Confes-

fessarium dignitate superasse, neque semper Presbyteratu initiatum fuisse, illique subditum fuisse Clericum, qui Sub-eleemosynarius, vel Clericus Eleemosynæ dicebatur. Attamen Eleemosynarii munus magno in honore fuit, ut colligitur ex monumentis a Tilletio relatis, tandemque sub Carolo VIII. ad eam excrevit dignitatis amplitudinem, qua nunc temporis effulget. In Hispania Major Capellanus, est idem Regis Magnus Eleemosynarius, ut testis est Turturetus. Reges Angliæ, Lusitanæ, Sardinæ habent itidem suos in Aula Eleemosynarios, uti jam diximus. Fuere & Siciliæ Regibus Eleemosynarii; plerumque iidem ac Magni Capellani. Nam Pirrus in notitia Ecclesiarum Siciliensium testis est, Nicolaum de Papalla Franciscanum egisse Eleemosynarium, & Capellanum Frederici III., & Confessarium, ac Magistrum Capellanum Mariæ Frederici III. filiæ, tum Episcopatum inivisse Melitensem: Fr. Joannem Pino Franciscanum, & Philippum Ferrario Carmelitani, utrunque Eleemosynarium & Magistrum Capellanum Martini Regis, utrumque Episcopum Agrigentinum. Idem Pirrus memorat Bernardum de Figuera a sacris eleemosynis Martini Regis, Cantorem Capellæ Palatinæ, tum Episcopum Paetensem: Franciscum de Velletta Eleemosynarium, & Capellanum ejusdem Regis, & Archidiaconum Agrigentinum: Andream quoque de Argento, ejusdem Ecclesiæ Archidiaconum, eodemque perfunctum munere apud Regem Martinum. Quidni Neapolitani Reges Andegaveses & Aragonii, quorum in extruendis ditandisque Ecclesiis ac Monasteriis, in rebus pauperum & viduarum adjuvandis, eximia fuit munificentia, præsertim vero Roberti & Sancie conjugis, habuissent in Aula religiosissimos Clericos ad id muneris designatos? Imo eorum Aulam, uti de Regibus Francorum Carolovingiæ stirpis dictum fuit, audiendis, sublevandisque miserabilium personarum rebus patuisse, testantur nostrarum rerum Scriptores. Ad hanc rem Carolus Dux Calabria, Roberti Regis filius, Vicariusque, memoriæ numquam interitura, ne ullis hominum intercluderetur ad Principem aditus, sonitu tintinnabuli ad Palatii fores appoliti, præsto erat cuique petenti. Habuere itaque Neapolitani Principes, qui elargiendæ stipi incumbere,

& sæ-

& saepe a Coenobitarum numero. In quodam Instrumento a Wadingo relato, quo Sancia Roberti Regis conjux, Clarissarum Instituto nomen datura, plura statuit anno 1344 circa suorum bonorum distributionem, subscribit: *Petrus Eleemosynarius Reginalis, & Magister Capelle*. Toppius in Bibliotheca Neapolitana laudat Joannem Marinum Varanum, Aprutinum Magnum Eleemosynarium Ferdinandi I. Regis: & Petrum Hospitalarium Eleemosynarium Caroli I. ejusque Legatum ad Venetos, ut Balduino Imperatori Orientis opem ferrent, & ad Regem Hungariae pro conciliandis nuptiis inter Carolum II. filium, & Mariam illius filiam. In Annalibus Fratrum Minorum, & in Italia sacra Ughelli occurrit Antonius Bonitus a Caccharo Franciscanus, Eleemosynarius Alphonſi, & Ferdinandi I. tum Episcopus Montis-Marani, deinde Acernensis. Wadingus etiam in Ann. Min. ad annum 1487. laudat Fr. Michaellem de Neapoli, Eleemosynariam Ducis Calabriae, ejusque comitem individuum. In Diariis manuscriptis Joannis Brocharti adest prope Alphonsum II. Regem, coronandum, Fr. Michael de Neapoli ejus Eleemosynarius, una cum Confessario, & Magno Capellano. Tandem in quodam marmore Ecclesiae S. Joannis Majoris relato ab Engenio legitur: *Franciscus Ciminius hujus sacrae Aedis Rector, Prototonotarius Apostolicus Federici Aragonii Regis Eleemosynarius*. Cui praedecessorum Regum exemplo adhærens CAROLUS BORBONIUS omnium antehac Principum Clementissimus, habet in Aula Magnum Eleemosynarium Josephum Beza de Castro-monte Hispanum, summo loco natum, virumque ornatissimum, olim Regis Oratorem ad Venetos, & inter Socios Regalis Ordinis S. Januarii adscriptum.

XIV. Tandem de Concionatoribus Aulicis dicendum est, quod hi quoque referantur in Clerum Palatinum. Censet Peiratius lib. 1. de Orat. Reg. Galliae ex antiquissimo more Reges Francorum concionibus interfuisse. Nam Childebertum I. frequenter conciones audivisse S. Germani Parisiensis Episcopi, colligitur ex quadam illius Charta data in favorem Parisiensis Ecclesiae, ubi ait: *Domnus & Pater noster Germanus Parisiacae Urbis Episcopus, nobis innotuit praedicatione sua,*

sua, quia dum in hoc seculo habitamus, semper de futuro cogitare debemus, & admonuit nos, ut sanctarum Ecclesiarum memoriam habcremus, & semper bonis illarum potiora adderemus, ut in augmentum nobis proficeret, admonens etiam eleemosynarum largitionem non omittere, ut consuetudo illius erat. Præsertim vero audiendis crebris concionibus S. Ludovicus addictus erat, quas alte animo infigebat, ita ut non semel easdem repeteret, quemadmodum scribit Gaufridus de Bello-loco in illius vita. Hinc in navi ipsa, qua e Palestina, in Galliam redux vehebatur, ter singulis hebdomadis conciones haberi iussit. Hinc etiam inter ea, quorum monuit filium Regnique hæredem, illud addidit, teste Gaguino: *Sermones, qui sunt de Deo publice & privatim audias.* Successoribus itidem Regibus eundem morem fuisse colligitur ex Bullis Romanorum Pontificum a Tilletio relatis. Nam Nicolaus IV. in gratiam Philippi Pulchri Regis concessit, ut qui cum Rege audiendis concionibus adessent, centum dierum Indulgentias consequerentur. Et Clemens VII. anno uno Indulgentiarum eos donavit, qui conciones audivissent, quæ præsentibus Carolo VII. vel ejus conjuge haberentur. Carolus IX. & Henricus III. habuere a sacris concionibus Arnaldum Sorbinum, deinde Episcopum Nivernensem. Gaspar Dinetius e Minimorum Ordine, & Nicolaus Coeffetau e Dominicana Familia eodem munere functi sunt apud Henricum IV. Galliarum Regem. Exinde Capella Regis Galliarum habuit octo Concionatores stipendia percipientes, & ad Magnum Eleemosynarium spectat Regi exhibere nomina illorum, qui ad hoc munus sunt accersendi. In Hispania Concionatores Regii recensentur inter Clericos Palatinos, uti testatur Turturetus cap. 4. *In primis etiam sacræ hujus sodalitatis Palatina pars censentur Regii Concionatores, qui sedendi jus habent in scamno Capellanorum. Atque omnium fere Religiosorum Ordinum lumina agunt in Sacello Aulae Hispanæ Christianos vere & egregios Oratores.* Addit ibidem, Capellanos & Concionatores Regios in eadem dignitate esse, atque adeo in eodem scamno sedere, & alternis se mutuo succedere, eundemque ordinem in supplicationibus servari. Quod Aulam nostrorum Regum spectat, fuere olim jam ab Aragonum

L

Re-

Regum ætate Concionatores Aulici. Nam Placidus Campus Messanensis, Ordinis S. Benedicti, eo munere functus videtur apud Alphonsum Regem. De eo scribit Mongitore in Bibliotheca Sicula: *Ob eximiam prudentiam, doctrinam, eruditionem, ac virtutum omnium splendorem Alphonso Regi gratissimus fuit: eoque præsentè nonnullos dixit e suggestu sermones.* Idem Mongitore in additionibus ad Bibliothecam Siculam laudat Bernardum Mija Ordinis Prædicatorum, Theologum doctissimum, & Alphonsi Regis Confessarium, atque Oratorem, tandemque Episcopum Dolensem in Gallia. Fr. Simeon de Leontino ex eodem Prædicatorum Ordine fuit a Confessionibus & a concionibus Friderici III. Siciliæ Regis, ut idem scribit Mongitore. Cæterum cum Andegavenlibus & Aragoniis Regibus tot adhæserint in Aula Canobitæ doctissimi, verisimile est, eorundem opera sæpe Reges usos esse ad conciones habendas. Serenissimus Rex CAROLUS BORBONIUS sibi ad id munus exercendum in Capella sua Palatina adscivit Fr. Philippum Jacobum Gatti Augustinianæ Familiæ, doctum virum, & Theologiæ Professore in Neapolitano Gymnasio. Nuper vero huic e vivis sublato successit in eodem munere Concinatoris Aulici P. D. Dominicus Andreas Cavalcante Teatinus, eximius Concinator, qui in præcipuis Italiæ Urbibus, summo cum plausu conciones habuit.



C A P U T III.

DE MAGNO CAPELLANO.

1. *De Protopapa Palatii Imperatorum Orientis*. II. *De Abbate Oratorii Palatini Regum Francorum primæ stirpis*. III. *De Archicapellano Regum secundæ stirpis*. IV. *De Magno Eleemosynario Franciæ*. V. *De Magno Capellano Regum Hispaniæ*. VI. *De Magno Eleemosynario Regum Sardinia*. VII. *De Magno Capellano sub Normannis*. VIII. *Suevis*. IX. *Aragoniis*. X. *Æ Austriacis Sicilia Regibus*. XI. *De Magno Capellano sub Andegavensibus*. XII. *Aragoniis*. XIII. *Æ Austriacis Neapolitanis Regibus*. XIV. *De variis Magni Capellani titulis*.



Ostquam de Capellis, Clericisque Palatinis egimus, ipso rerum ordine ad illum ducimur, qui cæteris omnibus inuinet, quique sacrum ministerium in Aula moderatur, Magnum scilicet Capellanum. In Aula Imperatorum Orientis præerat Clero Imperatorio Protopapas Palatii, seu primus Palatii Presbyter, cujus meminit Codinus in libro de Officiis Ecclesiæ, & Aulæ Constantinopolitanæ. Ibi etiam memorat Magnum & Minorem Sacellarium: is tamen non a Sacello, seu Oratorio Principis ita dicebatur, sed a sacculo, quod esset ærario præfectus, ut notat Gretserus in commentariis ad Codinum. Quo sensu apud Latinos quoque vox Sacellarii usurpata fuit: siquidem Gregorius M. lib. 4. ep. 34. se nominat Sacellarium Romanum, hoc est Thesaurarium, quod sacculo pecuniarum præffet. Attamen apud Græcos Magnus Sacellarius præter ærarii curam alia obivit munera: etenim, ut ipse scribit Codinus, illi incumbere cura Monasteriorum omnium, tam virorum, quam mulierum. Non is itaque fuit Cleri Imperatorii primus; sed neque Protopsaltes Palatii, seu primus Cantorum, quem Codinus dicit Exarchum Cleri Imperatorii, uti Domesticum dicit Exarchum Cleri Imperatricis, & hinc nonnulli putarunt Protopsaltem omnibus

Clericis Aulicis præfuisse. At Exarchus idem erat ac Locumtenens, quare Exarchii dicti sunt, qui ab Imperatoribus Constantinopolitanis Ravennam mittebantur, ut vice sua Italiam administrarent. Præerat igitur Clero Imperatorio Protopapas Palatii, cujus munus fuit, benedicere mensam Imperatoris, eundem singulis mensibus inungere oleo sanctificato; absente Patriarcha consecrationem aquæ peragere in die Epiphaniæ, Evangelium legere in lotionem pedum, & ad ejus lectionem tradere Imperatori lampadem, uti tradit Codinus. Verum in magnis solemnibus non is, sed Patriarcha, vel e Patriarcharum numero aliquis, coram Imperatore Sacris operabatur; & si Patriarcha abesset, ejus vices Protopapas implebat. Constat insuper ex Cedreno, Protopapam Palatii venisse quandoque ad exercitum cum venerandæ Crucis ligno, quod in Oratorio Palatino asservabatur, ut juramento milites omnes adstringeret ad Religionem, ad Imperium sanguinis impendio defendendum. Idem Cedrenus narrat Patriarcham Polyeuctum remisisse aliquid de eo zelo, quo communionem suam interdixerat Nicéphoro Imperatori, quod commatrem suam spiritualement duxisset, postquam juravit, pejeravitque Stylianus Protopapas Palatii, nihil umquam affinitatis inter Imperatorem, & Imperatricem intercessisse. Cæterum præter sacrum ministerium, non constat aliquod Aulae, vel Regni officium Protopapæ Palatii additum fuisse. Non ita tamen in Aula Imperatorum Occidentis e Caroli M. stirpe, ubi diu vixit Archicapellani munus; & is idem erat Archicancellarius Imperii, idoque vetera omnia Imperatorum diplomata ab Archicapellano subscripta leguntur. Translato deinde a Francis ad Germanos Imperio, perduravit adhuc Archicapellani Imperatorii dignitas, tandemque hoc donati fuerunt titulo Abbates Fuldenses: eoque nomine, anno 1184. in die Pentecostes, in Ecclesia Moguntina, quum Fridericus I. Imperator creavit Equitem, & Regem Henricum I. filium, noluit Abbas Fuldenensis Archiepiscopo Colonienfi primas concedere, quod nempe perpetuo jure esset Summus Capellanus Imperatoris, uti narrat Munsterus in Cosinographia agens de Ecclesia Moguntina.

II. In Aula Regum Francorum a Clodovæi tempore semper

per Episcopum aliquem, sub Apocrisarii nomine obiisse munus Magni Capellani, scribit Adelardus in libro de ordine Palatii, cujus libri fragmenta quædam ad nos transmisit Hincmarus in epistola tertia ad Episcopos Franciæ. Cum enim Adelardi ævo Archicapellanus gereret omnia ecclesiastica Regni negotia apud Principem; cumque jamdiu apud Imperatores Orientis, Clerici quidem Apocrisariorum, seu Responsalium nomine incumberent negotiis gerendis Ecclesiarum, & Episcoporum; hinc a veteribus illis Apocrisariis duxit Adelardus originem Archicapellanorum. Atqui tamen non leve inter utroque intercedebat discrimen, quod Apocrisarii ab Episcopis eligendi, mittendi, revocandique essent; neque unus esset communis omnibus; neque singuli singulos haberent in Urbe Regia: e contra Archicapellanus a Rege deligebatur, & a Rege commissa ei erant negotia omnia ecclesiastica Regni. In Adelardi sententiam it Peiratus lib. 1. cap. 41. asserens sub prima Regum Francorum stirpe principem Cleri Palatini dictum fuisse Apocrisarium: cujusmodi fuit S. Audoenus Episcopus Rotomagensis, regnante Dagoberto, ut in illius vita apud Surium die 24. Augusti; & in vita S. Austremonii Episcopi Claromontani memoratur Joseph Regis Apocrisarius: tum etiam inter veteres epistolas Regum Francorum exstat una Childeberti II. inscripta Honorato Apocrisario. E contra Thomassino suspecta est fidei Adelardi narratio; eo quia Gregorius Turonensis rem tanti ponderis intactam minime præterisset; sed in decurrendis tot Principum annalibus aliquid commemorasset de Episcopis illis, qui in Palatio Regum huic officio vacarent. Ille tamen nullibi hujus rei meminit. Præterea Honoratus ille Apocrisarius, cui scribebat Childebertus, eoungebatur munere nomine Romani Pontificis apud Imperatores Orientis, haud vero in Aula Regum Francorum. Si qui vero Episcopi dicti sunt Apocrisarii Regum primæ stirpis, non inde fuit, quod sacris rebus in Aula ministrandis, & Palatino Oratorio incumberent, sed quod Regum Legationes, & aliqua Regni negotia obiissent. Sane, qui sub prima illorum Principum dynastia, sacra munia in Aula administrarunt, Abbates dicebantur Palatini Oratorii. In vita S. Desiderii Episcopi Cadur-

cen-

census, Rusticus ejus frater, & successor in ea Sede, gessisse
 dicitur Abbatiam Palatini Oratorii, & Archidiaconatus offi-
 cium. Bertharius postea Carnutensium Episcopus, qui floruit
 sub Clotario II. dicitur in ejus vita Abbas Palatini Oratorii.
 Et ex vita S. Sulpitii Episcopi Bituricensis constat Clotarium
 Regem ad id muneris illum adscivisse: *Illico Episcopum poscit,*
ut pro salute sua, ac exercitus sui licentia daretur, ut vir bea-
tus in suis castris Abbatis officio potiretur. Quibus verbis in-
 digitatur, officio Abbatis Regii Oratorii administrationem sa-
 crarum rerum demandatam fuisse. Idque ex eo comprobari
 potest, quod non facile Reges tulissent sibi Episcopum ali-
 quem, cujus non satis probata esset fides, sacra ministrare.
 Narrat enim Gregorius Turon. lib. 8. Hist. Franc. cap. 7. Gun-
 tramnum Regem, quadam die Dominica, in Ecclesia gravi-
 ter commotum, quod Palladius Episcopus, qui illi intensus
 erat, Sacris operaretur; ac voluisse quidem e vestigio Ecclesia
 abire, nisi Episcopi, qui aderant, illum his verbis leniissent:
Vidimus eum convivio tuo adesse, ac de ejus manu te benedictio-
nem accipere, & cur eum Rex aspernatur? Si enim scissemus
tibi exosum, declinavissemus utique ad alium, qui hæc agere
debuisset, nunc si permittis, celebret, quæ capit, impofterum
autem si aliquid opposueris, Canonica sanctionis censura fi-
niatur: jam enim Palladius in Sacrarium cum grandi humili-
tate discesserat. Tunc Rex jussit eum revocari, & sic quæ age-
re cæperat expedivit. Ne itaque Antistes aliquis ipsis invisus
 sacrum ministerium eis præstaret; facile Reges ad Divina fa-
 cienda usi sunt opera Abbatis Oratorii sui Palatini. Sed & alii
 memorantur, qui apud Reges Francorum primæ stirpis hoc
 munere functi sunt; quos subsequens ætas Archicapellanos
 nuncupavit. Nam in actis S. Aigliber i Episcopi Cenomanen-
 sis, quæ protulit in suis Analectis Mabillonius, dicitur Aigli-
 bertus nedum Archiepiscopus, quod honore Pallii donatus es-
 set, sed & Archicapellanus, tum princeps Episcoporum, &
 Magister totius Regni cunctorum Episcoporum. Floruit vero
 ille regnantibus Childerico, & Theodorico filiis Clodovæi.
 Et Ricolfus, alias Ricolinus sub Dagoberto, in hujus Regis
 diplomate quodam Moguntia dato, quod lib. 1. Dipl. Belg.

exhibet Miræus, nominatur Regis Archicapellanus. Pro comperto itaque habendum est, jam a primis Francorum Regibus fuisse in Aula, qui Capellis, Clericisque Palatinis, & sacro ministerio præesset.

III. Is vero sub secunda Regum Francorum stirpe, nomine Archicapellani, præstantissimum in Aula & Regno dignitatis, & auctoritatis locum occupabat. Ut enim in laudato libello de Ordine Palatii testatur Adelardus, qui floruit in Aula Caroli Magni, duo erant in Palatio præcipui Ministri, Summus Capellanus, & Comes Palatii: *E quibus præcipue duo, idest Apocrisarius, qui vocatur apud nos Capellanus, vel Palatii Custos, de omnibus negotiis ecclesiasticis, vel ministris Ecclesiæ; & Comes Palatii de omnibus secularibus causis, vel judiciis suscipiendis curam instanter habebant, ut nec Ecclesiastici, nec seculares prius Dominum Regem absque eorum consultu inquietare necesse haberent, quousque illi præviderent, si necessitas esset, ut causa ante Regem merito venire deberet.* Quemadmodum itaque Comes Palatii omnibus secularibus negotiis & ministris imminebat, ita Summus Capellanus omnibus negotiis & ministris ecclesiasticis. Et hinc post Reges, Regiique sanguinis Principes primum semper dignitatis locum obtinebat, ut idem testatur Adelardus. Hinc quoque Consilio Principis semper aderat: *Apocrisarius, inquit Adelardus, idest Capellanus, vel Palatii Custos, & Camerarius semper intererant; & idcirco cum summo studio tales eligebantur, aut electi instruebantur, qui merito interesse possent.* Quo sensu in vita S. Angilberti apud Bollandum, dicitur ille creatus a Carolo Magno Archicapellanus, & Silentarius, hoc est, Consiliarius; nam Principis Consilium dicebatur Silentium. Quæ vero essent ecclesiastica negotia Archicapellani curæ commissa, tradit idem Adelardus scribens, illum sollicitudinem habuisse, *de omni ecclesiastica religione, vel ordine, necnon etiam Canonica, vel Monastica altercatione.* Ut proinde omnia, quæ ad disciplinam Clericorum, & Monachorum spectarent, ad illum referenda fuerint, qui vel ea ipsemet definiebat, vel si gravioris essent momenti, defererebat ad Principem. Ita ex eodem Adelardo colligitur, agente eos omnes, qui Palatium ad-

ibant

ibant pro ecclesiasticis necessitatibus ad Summum Capellanum spectasse, ut in iis solum adirent Regem, *que sine illo plenius definiri non potuissent*. Cum itaque negotia omnia Ecclesiarum, & Episcoporum ad ipsum deferrentur, erat propterea veluti Agens, & Mediator omnium Regni Præfulum apud Principem; & hinc Adelardus unum eundemque existimavit Summum Capellanum sui temporis, & veterem Apocrisarium. Quamobrem Patres Concilii Carisiacensis, uti apud Flodoardum legitur lib. 3. Hist. cap. 24. Hilduinum Archicapellanum interpellarunt, ut assentiretur electioni cujusdam Clerici in Episcopum Lingonensem, eandemque curaret firmari Regis consensu. Et Ecclesia Senonensis suo viduata Pastore pariter ad Hilduinum confugit, ut electionis faciendæ potestatem a Principe impetraret, & ut electioni jam factæ accederet Regis suffragium. Cum Frotarius Episcopus Tullensis eximi se cuperet a quibusdam ministeriis exhibendis circa Aedes Regias, scripsit ad eundem Hilduinum, ut vel illum ea cura absolveret, vel sineret Episcopatu abire. Agobardus Lugdunensis Episcopus, ejusdem Hilduini auctoritatem imploravit, ut rescinderetur a Principe Edictum quoddam latum in gratiam Judæorum. Denique cum Bonifacius Moguntinus vellet sibi Coepiscopum, & successorem Lullum designari, scripsit Fulrado Abbati, & Archicapellano Pipini, ut ejus opera, & consensu id assequeretur. Quin & a Romanis Pontificibus quandoque Archicapellanus constitutus est eorum apud Principem Apocrisarius. Nam ex quadam epistola Caroli Calvi ad Nicolaum Papam, quam refert Thomassinus de Benef. p. 1. lib. 2. cap. 110. colligitur, Angilramnum uno eodemque tempore fuisse & Caroli Magni Archicapellanum, & Apocrisarium Sedis Apostolicæ in Galliis, uti etiam Drogonem Metensem sub Ludovico Pio. Ob hæc præstantissima Archicapellani munia, Agilbertus dictus est *Magister, & princeps Episcoporum totius Regni*: & Hilduino scribebat Ecclesia Senonensis: *Vere sanctissimo sacris negotiis a Deo prælato*: cui eidem Lupus Ferrariensis ep. 110. dedit hos titulos: *Nobilitatis, dignitatis, & moderationis apice conspicuo Hilduino Ecclesiasticorum Magistro*. Et in vita S. Ansharii Drogo Metensis, qui sub Ludovico Pio

hoc

hoc gessit officium, dicitur *summa, sanctæque dignitatis Archicapellanus*. Imo tanta fuit Archicapellani dignitas, ut ipsum quandoque Episcopi consulerent de negotiis ecclesiasticis, quæ minime ad Principem spectarent. Ita in actis Episcoporum Cenomanensium prolatis a Mabillonio, Merolus Episcopus legitur interpellasse Angilramum Metensem Antistitem, & Archicapellanium, an valide ordinatus esset Episcopus. Nil proinde mirum, si inter Episcopos in Synodis, primum occuparet locum Archicapellanus. Ita Hildeboldus Colonienfis Archiepiscopus, & Archicapellanus subscripsit primus Moguntino Concilio sub Carolo Magno, etsi præsens adesset Ricolphus Moguntinæ Sedis Antistes. Hallierius tamen lib. 4. de Eccles. Hier. denegat Archicapellano primum in Synodis locum, quem illi concessum fatentur Peiratius, Sirmondus, Mabillonius, Baluzius. Et licet subscripserit primus omnium Moguntino Concilio Hildeboldus, non quod Archicapellanus esset, sed quod antiquior esset Episcopus, vel Delegatus Apostolicæ Sedis, uti censet Hallierius: attamen in testamento Caroli Magni apud Eginhardum, idem Hildeboldus primus subscribit ante Ricolphum Moguntinum, & Leidradum Lugdunensem Archiepiscopos. Ebroinus Pictaviensis Pontifex præfuit Concilio Vernensi anno 844. uti colligitur ex hujus Synodi præfatione, nonnisi quia Archicapellanus erat Caroli Calvi. Grimoldus quoque Abbas S. Galli præponitur Salomoni, & Theodorico Episcopis in Actis de indulgentia Ludovici Regis Germaniæ, quod esset Regis Summus Capellanus, uti observat Baluzius. In Concilio Ticinensi sub Ludovico II. ante alios Episcopos nominatur Joseph Archicapellanus. In Synodo Ingelesheimensi anno 840. sub Lothario ad restituendum Ebbonem Sedi Remensi, primus omnium subscripsit Drogo Metensis; qui etiam primum obtinuit locum in Synodo apud Teodonis-villam anno 845, non quod e Regia esset stirpe, siquidem Hincmaro teste ep. 6. Episcopi Galliæ numquam id juris Drogoni permisere, sed quod Ludovici Pii esset Summus Capellanus. Huic igitur tanquam vices Principis in Concilio agenti concedebatur primus dignitatis locus. Non tamen illius officium ad sola ecclesiastica negotia nomine Principis tractan-

M

da

da porrigebatur; cum & hujus muneris fuerit præesse Clericis Palatinis, & res sacras in Aula administrare. Adelardus enim in citato libello inter illius munia recenset, quod præesset Clero Palatino, quod Aulicorum spirituales curam gereret, quod eos a pravis operibus, vel erroribus revocaret, afflictos bono animo esse juberet, & supellestili divino ministerio necessariæ consulere. Eapropter Hilduinus dicebatur Antistes sacri Palatii ab Agobardo Lugdunensi in quadam epistola ad ipsum data; & Drogo Metensis appellatur Archipalatinus Præsul in apologetico Ebbonis; & Hildeboldus nuncupatur Archiepiscopus sacri Palatii in præfatione Concilii Moguntini; denique Angilramus dictus est ab Alcuino Poemate 164. Pontificalis apex, Pastor, Patriarcha, Sacerdos. Administrabantur ab Archicapellano Regibus Sacramenta: siquidem Carolus Magnus morti proximum ab Hildebaldo accepisse Eucharistiam, scribit Theganus in libro de gestis Domini Ludovici: *Dominum Imperatorem accepit febris post balneum, cumque per singulos dies laboribus ingravesceret, nihil comedens, neque bibens, nisi modicum, atque ad recreationem corporis, septimo die postquam laborare cepit, iussit familiarissimum Pontificem suum Hildeboldum venire ad se, ut Sacramenta Domini Corporis & Sanguinis tribueret, & exitum suum confirmaret.* Ludovicum etiam filium apud Drogonem Archicapellanium peccata sua confiteri solitum, testatur Aimoinus lib. 1. cap. 19. *Sed & aderat Drogo frater Domini Imperatoris, Metensis Episcopus, necnon sacri Palatii Archicapellanus, per eum quotidie confessionis suæ munus, sacrificiumque spiritus contribulati, & cordis humiliati, quod Deus non despicit offerrebat iussit per manus ejus juxta morem, communionem suam sibi dari.* Spectabat quoque ad Archicapellanium benedictio Regiæ mensæ. Nam Theodulphus Aurelianensis describens illius officium, ait: *Stet benedicturus Regis potumque, cibumque.* Duplex proinde fuit Archicapellani officium, quorum unum spectabat ad ecclesiastica, & temporalia Regni negotia gerenda, alterum ad Sacra ministranda; utrumque verò præstantissimum. Et hinc amplissimis viris id muneris demandabatur, aut e Regia stirpe natis, uti fuere

Hil-

Hilduinus & Drogo; aut insignium Ecclesiarum Episcopis, uti fuere Hildebaldus Coloniensis, Guntharius itidem Coloniensis, Angilramus Metensis; aut Abbatibus præclarissimis, uti Fulradus, Angilbertus, Grimoaldus, quorum catalogum exhibet Cangius in Glossario.

IV. Regibus tertiæ stirpis nullos fuisse Archicapellanos, plurimi putant. At memoratur a Peiratio lib. 1. cap. 53. Balduinus, qui in quibusdam monumentis sub Roberto Rege, & Henrico I. dicitur sacri Palatii Apocrisarius, Cancellarius, & Archicapellanus Regis. Tum etiam in privilegio quodam, concessio anno 1055. Abbatæ Sandionysianæ ab Helinando Episcopo Laudunensi, regnante Henrico I. subscribit inter alios Alardus Cancellarius, & Archicapellanus. Deinde Archicapellani dignitatem Abbatibus Monasterii S. Maglorii, quod Hugo Capetus extruxerat, concessam fuisse sub Philippo I. & Ludovico ejus filio censet Peiratus. In quodam enim privilegio ei Ecclesiæ a Ludovico Rege dato anno 1159. dicitur: *Et quia Abbas S. Maglorii antiquitus Capellanus Regum constitutus est*, ubi Capellanus Regum interpretatur eundem ac Archicapellanus; additque, eo officio Abbates illos functos usque ad Philippi III. & Philippi Pulchri ætatem. Idem Peiratus cap. 47. & 48. pluribus probat, neque Abbati Monasterii S. Germani Parisiensis, neque Abbati Monasterii Sandionysiani, collatam a Regibus, uti nonnulli affirmarunt, Magni Capellani dignitatem. Sunt qui Episcopum Sylvanectensem hoc munus aliquando gessisse existimant, quod in quadam Bonifacii VIII. Bulla a Tilletio relata, illi Antistiti commissæ est cura inquirendi, & vindicandi crimina Capellanorum Regis. At delegari potuit Sylvanectensi Præsuli ea potestas a Romano Pontifice, quin esset Regis Summus Capellanus. Certe in Aula Regum Francorum tertiæ stirpis non ulla se prodit, uti sub Regibus Carolo-vingiæ stirpis, Magni Capellani eximia dignitas: & regnantibus Philippo III. Philippo Pulchro, & Philippo Longo, nonnisi duo erant in Aula, & in magno honore Ecclesiastica officia, Confessarii nempe Regis, & Eleemosynarii. Ita ex monumentis pluribus illorum Regum affirmat Tilletius. Confessarius Regis Eleemosy-

nario præstabat dignitate & auctoritate; illique Romani Pontifices Bonifacius VIII. Clemens V. Clemens VI. quorum Bullas exhibet Tilletius, facultatem fecere absolvendi Regem, a criminibus, & censuris reservatis, audiendi Confessiones Aulicorum omnium, atque relaxandi jejuniorum obligationem. Præterea, ut testis est Peiratus lib. 1. cap. 54. Beneficia omnia Regii juris, non antea a Rege conferebantur, quam Confessarius Regis sententiam dixisset, sive de collatione, sive de permutatione, sive de resignatione ageretur: & hinc diplomata Regis ad hanc rem signabantur *per Dominum Regem ad relationem Confessoris*. Is etiam excipiebat sacramenta fidelitatis, quæ in Gallia ex antiquissimo more a Prælatiis statim post ordinationem suam Regi exhibentur. Sed regnante Carolo VIII. Eleemosynarius dici cœpit Magnus Eleemosynarius, atque tunc primum ducta sunt initia amplissimæ illius dignitatis, qua omnium primi donati fuere Joannes de Rely Episcopus Andegavenfis, & Gottofredus de Pompadour Episcopus Petragoricensis. Hi tamen dicti sunt Magni Eleemosynarii Regis: nam titulo Magni Eleemosynarii Franciæ, primus omnium sub Francisco I. anno 1543. dictus est Cardinalis de Meudon, seu Antonius Sanguinus Archiepiscopus Tolosanus. Exinde Magnus Eleemosynarius præfuit Capellæ Regis, Clericisque Palatinis, atque in Archicapellani locum successit. Nedum enim ei commissum est sacrum Aulae ministerium, verum etiam plurima Regni negotia. Primo namque Beneficia omnia totius Regni, quæ sunt juris patronatus Regii, vel quorum collatio aliquo modo ad Regem spectaret, prævio Magni Eleemosynarii suffragio conferebantur, uti refert Peiratus lib. 1. cap. 61. Sunt qui putant, olim Magnum Eleemosynarium nominasse ad Beneficia Regii juris: verum pluribus ostendit Peiratus cap. 66. nonnisi illum ad officia Capellæ Regis facultatem habuisse designandi ministros. Nullæ a Rege vel pauperibus, vel locis piis, vel Cœnobiis conceduntur largitiones, eleemosynæ, beneficia, nisi de Magni Eleemosynarii sententia, & auctoritate: Is etiam sacramenta fidelitatis, quæ ab Episcopis, & Prælatiis Regni persolvuntur Regi, & quæ a Capellanis, Clericisque Palatinis dantur, excipit.

Cum

Cum aliquis in amplissimam Equëstre[m] Societatem Spiritus Sancti est cooptandus, Magnus Eleemosynarius inquit, ac discutit illius vitam, moresque, & Regem ejus rei conscium facit. In magnis solemnibus, vel in primo Regis ingressu in aliquam Civitatem subactam, solet Rex Christianissimus captivis nonnullis veniam facere, & hujus rei cura spectat ad Magnum Eleemosynarium. Is quoque imminet pluribus Collegiis Regni, præsertim Collegio Navarræ, cui olim præerat Confessarius Regis: itidem Collegio Bajocensi ex Edicto Caroli V. Regis; & ad eorum regimen potest Ministros, legesque constituere. Quin & Nosocomia, Orphanotrophia, & alia hujusmodi loca pia omnia Regni totius, jam diu, uti tradit Peiratus cap. 70. & 71. commissa sunt curæ & auctoritati Magni Eleemosynarii; ita ut in ejus sit potestate ea omnia, visitare, reformare, corrigere, si quæ reparanda sunt, imperare, rationes administrationis proventuum discutere, leges ad eorum regimen, & disciplinam ferre, & quicquid ad ea spectat, ordinare, quemadmodum Franciscus I. anno 1535. & Henricus II. anno 1545. decreverunt. Neque hæc illius potestas complectitur ea dumtaxat Hospitalia, quæ Reges, sed etiam quæ privati homines excitarunt. Præsertim vero incumbit Magno Eleemosynario cura Hospitalis Parisiensis quingviginti cæcorum a S. Ludovico constructi; & ex Bulla Joannis XXIII. data an. 1414. & relata a Chopino lib. 2. Monast. tit. 1. prædictum Hospitale, illiusque Capellæ, Capellani, Clericique exempti sunt ab Episcopi Parisiensis jurisdictione, & nonnisi Magno Eleemosynario subiecti, dummodo is in aliquo sacro Ordine sit constitutus, sin minus, jurisdictioni Primi Capellani Regis subjiçuntur. Præterea testis est Peiratus lib. 1. cap. 58. a Francisco I. Rege Magnum Eleemosynarium constitutum esse supremum Moderatorem Academiæ Parisiensis, ita ut ad ejus munus spectaret Lectores designare, qui docendis disciplinis operam narent: & hac auctoritate Cardinalis Perronius Magnus Eleemosynarius Franciæ sub Henrico IV. addidit Sorbonico Gymnasio lectiones Theologiæ Scholasticæ, & Moralis. Ita vero hoc ipsum Magni Eleemosynarii officium describit Petrus Gallandus in vita Petri Castellani

lani Matifconensis Episcopi & Magni Eleemosynarii : *Est is honoris gradus omnium Ecclesiasticorum in Gallia facile princeps; quo qui donatus est, Regi somno excitato inter primos salutatores adesse solet, & de eo cognoscere, quo in loco, & tempore rem sacram peragi velit: Aula totius unicus Episcopus est: quocumque in loco per totum Regnum Rex versetur, ab eo Sacramenta petere solet: Sacello Regis ordinando, Cantoribus ejusdem, & Sacerdotibus omnibus Aulam sequentibus praeest: dispensatio Regiae in pauperos beneficentiae, & pauperum omnium curatio, ejus unius propria est: ad ejus etiam curam pertinet per universum Regnum iis omnibus pauperum peregrinorum domiciliis, quae tum Ptochodochia, tum Xenodochia appellant, atque etiam iis, quae lepra infectis olim a Regibus attributa sunt, administratores idoneos praeficere, praepositos, & multos loco movere. Quae sicut etiam ab aliis quam Regibus condita primum, in eundem finem, & censu donata sunt, & praeter Conditorum, & Institutorum mentem, contraque equum & bonum, quid in iis geratur, ejusdem est omnem animadversionem ad se revocare, numerum leproforum, aut aliorum miserorum explorare; ad referendas rationes omnes Procuratorum & Administratorum genus cogere; corrupte, infideliter, aut socorditer in suo munere versatos corripere, aliosque in eorum locum subrogare: omnia quoque Sacerdotia, quae Regiae potestatis sunt, praeter Episcopatus, & Abbantias donare, & conservare. Ad ejus quoque officium pertinet primo quoque Regis ingressu in oppida maleficos carceribus inclusos, Regiae venia eis concessa laxare, & liberos impune remittere. Hunc Petrum Castellanum Thuanus in Historia dicit virum doctum & probitate praclarissimum, atque sub Francisco I. perfunctum munere Magni Eleemosynarii: alii tamen censent sub Henrico II. hoc officium gessisse. Quod vero spectat ad sacrum ministerium a Magno Eleemosynario in Aula praestandum, is in Liturgia Regem adspersit aqua benedicta, & Regi exhibet Evangeliorum librum, & osculum pacis, & hinc in Liturgia solemni sedet prope Regem, uti etiam in publicis supplicationibus proximus Regi incedit. In die Cinerum Regium Caput cinere adspersit; & feria quinta Ma-*
gna

gnæ Hebdomadæ indutus Pontificalibus ornamentis pauperes, quibus lavandi sunt pedes, a peccatis absolvit. Sacramenta Regi administrat, uti etiam sacris aquis abluit Regiam prolem. Benedicit Regias dapes, & absoluta mensa gratias agit. Cum a Rege aliquod jurandum est foedus, exhibet Regi Evangeliorum librum. Denique in Coronatione, Conjugio, & Funere Regum suas habet partes, uti compertum erit, cum de singulis hisce cæremoniis Palatinis agemus. Jam vero perspicuum exploratumque est, officium Magni Eleemosynarii solis sacris rebus in Aula ministrandis haud coerceri; sed etiam ad plurima Regni negotia porrigi, etsi non in eam potestatis munerisque amplitudinem, qua olim pollebat Archicapellanus. Nihilominus Magni Eleemosynarii dignitas inter primas præcipuasque Regni dignitates habetur, ita ut a Dumontio in Cæremoniali Galliæ dicatur *Solstitium honorum*; & a Thomassino aliisque reputatur *Officium Coronæ*, quo nomine, & honore gaudent paucissimæ, eoque omnium toto Regno amplissimæ dignitates. Sane ad hunc honoris gradum non veniunt, nisi qui vel meritis longe clarissimi, vel generis nobilitate, vel Cardinalitia dignitate fulgent, uti videre est in catalogo Eleemosynariorum Franciæ, quem exhibent Gangius in Glossario, Morerius in Dictionario, & Peiratus in libro de Oratorio Regis Galliæ. Denique prætereundum non est, Reginas quoque Galliæ suum habuisse Magnum Eleemosynarium. Reginas quidem primæ & secundæ stirpis suum habuisse Magnum Capellanum non constat, etsi compertum sit, eas proprium Clerum habuisse. Imo Adelardus de uno eodemque Archicapellano dicit, *qui omnem Clerum Palatii sub cura & dispositione sua regebat*. Neque sub tertia Regum stirpe id moris obtinuit usque ad Carolum VIII. quo imperante legitur Nicolaus de Dicastillo Magnus Eleemosynarius Annæ Reginæ. Deinde apud Catharinam Medicæam Galliæ Reginam hoc officio functus est Cardinalis Salviati Episcopus Claromontanus; & apud Mariam Medicæam Cardinalis Bonzius Episcopus Biterrensis. Cum inter Angliæ Regem, & Mariam Ludovici XIII. Regis Galliæ sororem, initum est conjugium; cautum fuit, ut Reginæ fas esset Oratorium

torium in Aula habere, ubi plures Clerici sacra facerent, eisque immineret Episcopus aliquis Catholicus, qui Reginae diceretur Magnus Eleemosynarius.

V. In Aula Hispana possent vetustissima indigitari exordia muneris Magni Capellani. Cum enim Concilium Lucense, uti dictum fuit, subiecisset familiam Regiam Episcopo Dumienſi, jam is egit in Aula Magnum Capellanum. Verum nonnisi post annum Christi millesimum maxime conspicua fuit hæc dignitas in Aula Regum Hispaniæ, cum nempe Alphonsus VI. pietatis & religionis causa erga S. Jacobum Apostolum, Hispaniæ tutelarem, ut magno honore afficeret Archiepiscopum Compostellanum, in cujus Diocesi quiescunt Beatissimi Apostoli Reliquiæ, illum constituit perpetuo jure Magnum Regis Capellanum, & Legionensis Regni Cancellarium, dato diplomate anno 1140. & anno 1141. quod asservatur in Archivo Compostellano. Hanc eundem prærogativam illi confirmavit Ferdinandus II. qui se Vexilliferum inscribebat B. Jacobi Apostoli, editis ad eam rem privilegiis anno 1176. & 1178. Tum eadem jura Antistiti Compostellano collata, probavit, ac rata habuit Innocentius III. in epistola quadam ad Petrum illius Ecclesiæ Archiepiscopum, in qua ei confirmavit *Regalem Capellaniam, & Cancellariam, quavim bonæ memoriæ Alphonsus illustrissimus Hispaniæ Rex Ecclesiæ vestræ concessit, & scripti sui pagina roboravit.* Quod sane nec leve, nec obscurum est indicium, quanti jam tum temporis fieret dignitas Magni Capellani; utpote quia eo munere, Hispani Reges præclarissimum Regni Archiepiscopum, religionis causa erga Beatum Apostolum, loco non vulgaris beneficii exornarunt. Imo cum Antistes ille duplici dignitate frueretur, Summi nempe Capellani, & Cancellarii Regni; hinc eo nomine censet Turturetus, Archicapellano præstitisse. Atqui tamen Archicapellano conjuncta fuit utplurimum dignitas Magni Cancellarii, uti tradunt Cangius in Glossario, & Peiratius, adductis exemplis Hilduini Archiepiscopi sacri Palatii, & Notarii Summi sub Lothario; Balduini Henrici I. Franciæ Regis Cancellarii, & Archicapellani; Eginhardi Archicapellani, & Notarii Imperatoris Caroli, & aliorum. *Quamvis*

vis enim Adelardus innuere videatur, utrumque munus distinctum fuisse, his verbis: *Archicapellano sociabatur Summus Cancellarius, qui a secretis olim appellabatur*; attamen hæc ipsa verba hunc sensum referre possunt, nempe sociam conjunctamque fuisse dignitatem Summi Cancellarii cum dignitate Archicapellani. Illud certum est, sæpissime Archicapellanos hoc officio functos esse, ut innumera veterum Imperatorum diplomata evincunt. Sed ad Aulam Hispanam redeundum nobis est. Cum Archiepiscopus Compostellanus residentia legibus adstringeretur, alium sibi Reges consueverunt in Aula adsciscere, qui vicario veluti nomine, hoc munus administraret. Et leges Hispanæ, quas Alphonsus IX. colligi edique jussit, hujus muneris excellentiam disertissime testantur. Dicitur enim lib. 3. tit. 2. par. 9. *el Capellan Mayor del Rei ha da ser de los mas honrados i mejores Perlados de su tierra*. Voluere igitur non quoslibet Antistites, sed insigniores totius Regni ad hunc honoris gradum evehendo esse. Ibidem primus dignitatis locus in Aula conceditur Summo Capellano, secundus Cancellario. *Chanceler es el segundo oficial de Casa del Rei de aquellos que tienen oficio de poridad. Ca bien assi como el Capellan entre Dios, è el Rei en fecho de su anima. Otro si lo es el Chanceler entre el, e los omes, quanto en las cosas temporales*. Qua de re jam diu quotquot apud Hispanos Reges hoc officio functi sunt ad nostra usque tempora amplissimi fuere viri, & genere, & doctrina, & dignitate, ut plurimum Episcopi, & sæpe etiam Patriarchæ, nec raro Cardinales, ut patet ex illorum catalogo, quem exhibet Turturetus. Inter eos eminent, regnante Philippo II. Joannes Martinus Siliceus Episcopus Carthaginienfis, deinde Toletanus, & Cardinalis; & doctissimus ille Garfias Loaisa, & ipse Toletanus Antistes, a quo Concilia Hispaniæ commentariis illustrata fuere. Imperante Philippo IV. Didacus Gusmanius Patriarcha Indorum, Archiepiscopus Hispanensis, & Cardinalis; Alphonsus Peresius, itidem Indiarum Patriarcha, eo munere functi sunt; quibus succedere alii genere, dignitate, & virtute æque præclarissimi. Quod vero spectat officium Magni Capellani Regis Hispaniæ, is jurisdictionem omnem Episcopalem exercet in Aula, ubicumque

locorum Rex fuerit, & quoad Aulicos omnes, & Capellanos Regis, uti ex pluribus privilegiis Romanorum Pontificum sequenti Capite adducendis, compertum est. In solemnī Liturgia Palatina recitat prope Regem singulas Missæ partes, atque sacras omnes caeremonias Aulæ moderatur, quas alibi opportuniore loco expendemus.

VI. Non in Aula solum Regum Galliæ, aut Hispaniæ olim Summus Capellanus aderat, sed & in Aula omnium fere Christianorum Principum. In eo enim Archicapellanorum indice, quem exhibet Cangius, leguntur Fridebustus Episcopus Pictaviensis Archicapellanus Pipini Regis Aquitaniæ; Remigius Archiepiscopus Lugdunensis Summus Capellanus Palatii Caroli Ducis Burgundiæ; Adventus Episcopus Metensis Archicapellanus Lotharii Regis Lotharingiæ; & Gozbalduus sacri Palatii Summus Capellanus sub Ludovico Rege Bajoariæ. Quin & Duces, Comitesque suum etiam Magnum Capellanum habuere, uti notat Altaferra lib. 3. cap. 8. de Ducibus. Memoratur enim ab Orderico Vitali lib. 6. Hist. Herluinus Cancellarius Hugonis Magni Ducis Francorum, & Capellæ Ducis Capellanorum maximus. Bertulfum Archicapellanum & Cancellarium Comitis Flandrensis memorat Gualterus Taryanensis in vita S. Caroli Comitis Flandrensis. Et in notitia Ecclesiarum Belgicarum apud Goldastum occurrit anno 889. Theotmarus Archicapellanus Arnulphi Ducis Lotharingiæ. Ex hoc antiquissimo more Duces Sabaudie itidem suum Magnum Eleemosynarium habuere. Nuperis tamen abhinc annis Magnus Eleemosynarius Sabaudorum Principum amplissimum consecutus est honoris & dignitatis locum; cum nempe a Gloriosissimo Carolo Emmanuele Rege ad id muneris designatus est anno 1747. Clarissimus Cardinalis Victorius Amedeus delle Lanze genere, & virtute, non minus quam dignitate præstantissimus. Hac occasione, cum is esset Episcopus ordinandus, Sanctissimus Pontifex BENEDICTUS XIV. pro ea summa, qua pollet rerum ecclesiasticarum scientia, cujus testes sunt tot editi ab eo libri in reipublicæ litterariæ, & Ecclesiæ commodum, eruditissimam dedit ad eundem Cardinalem epistolam, typis editam, ut ostenderet, nil obflare, quominus

munus Cardinalis aliquis jam suæ Ecclesiæ Titulo alligatus, alligaretur etiam vinculo Episcopalis Ecclesiæ, quæ sita esset in partibus Infidelium. In ea epistola præfatur doctissimus Pontifex, collatum a Rege munus Magni Elemosynarii laudato Cardinali, quod cum ab Episcopo administrari debeat, ideo eundem esse Episcopum consecrandum. Id vero ecclesiasticæ disciplinæ minime repugnare; siquidem etsi olim ea viguerit disciplina, ut neque Episcopi ad Cardinalium, neque Cardinales ad Episcoporum Ordinem facile promoverentur, ne violarentur residentiæ leges, cum Episcopos suis in Ecclesiis, Cardinales in Romana Curia adhaerere necesse sit; tamen jam diu defuisse eam disciplinam, quod aucto Cardinalium numero, possint jam ex iis nonnulli in Ecclesiis sibi commissis residere, quin ex illorum absentia, Romanus Pontifex, aut Romana Ecclesia aliquid detrimenti capiat. Jam vero si Cardinalibus passim committuntur regendæ Ecclesiæ Episcopales, quibus conjuncta est actualis residentia, quidni eis committi poterunt Episcopales Ecclesiæ, quæ cum subiectæ sint Infidelium imperio, nullo actualis residentia vinculo Pastorem adstringunt? Cardinalium quidem dignitatem Episcopali dignitati præstare, quod illi Romani Pontificis lateri adhæreant: at ratione Ordinis, Episcopos Cardinalibus præire, atque adeo hos ad Episcoporum Ordinem adscitos, e superiori gradu ad inferiorem minime descendere. Addit, exemplo non uno id totum evincit: siquidem nedum subacta a Turcis Constantinopoli, Cardinales plures donati fuere Patriarchali titulo illius Ecclesiæ, verum etiam anno 1599. cum Cardinalis Ferdinandus de Guevara, constitutus esset a Rege Supremus in Hispania Fidei Inquisitor, illum Clemens VIII. creavit, consecravique Episcopum Ecclesiæ titularis Philippenis. Eo exemplo Pontifex laudatum Cardinalem delle Lanze constituit & unxit Archiepiscopum Nicolsensem. Ex hac doctissimi & sapientissimi Pontificis epistola duo emergunt, quæ Magni Capellani dignitatem insigniter extollunt. Horum primum illud est, Magnum nempe Capellanum agere Antistitem Aulæ: *La carica*, ait Pontifex, *di Grand' Elemosiniere o sia di Capellano Maggiore della Regia Cappella, porta seco il Carattere Vescovile*; adducitque mox

Petri Gallandii verba in vita Petri Castellani: *Aula totius Regiæ unicus Episcopus est; quocumque in loco per totum Regnum Rex versetur, ab eo Sacramenta petere solet.* Addit, ex Eleemosynariorum indice edito a Cangio colligi, Episcopis semper id munus collatum; & in Brevis dato 11. Augusti 1745. se decrevisse, ut Magnus Eleemosynarius Regis Sardiniae Episcopali ornatus esset dignitate. Sane nedum Magni Eleemosynarii Regum Galliae tertiae stirpis, sed etiam Archicapellani Regum secundae stirpis ex Episcoporum numero plerumque selecti fuere. Et hi absolvebantur a residentiae legibus, ut non uni, sed omnibus Ecclesiis Regni in Aula deservirent. Proinde ubi Carolus M. petiit a Patribus Concilii Francofordiensis, ut sibi integrum esset retinere in Palatio Hildeboldum Coloniensem Antistitem, uti legitur can. 55. *Omnis Synodus consensit, & placuit ei, eum in Palatio esse debere propter utilitates ecclesiasticas.* Imo Patres Concilii Carisiacensis an. 858. cap. 7. a Rege Ludovico petierunt, ut constitueret in Palatio, qui Ecclesiarum, & Episcoporum negotiis apud Principem gerendis vacaret. Fulse ostendit doctissimus Thomassinus par. 2. lib. 3. cap. 36. commemorationem in Aula Regia jussu Principis, semper legitimam fuisse causam Episcopo non residendi. Hinc Capellani, Consilarii, Cancellarii, Legati plurimi ex Episcoporum Ordine in Aula versabantur. Ne vero Ecclesiis sibi commissis deessent, consueverunt illarum curam alicui delegare: uti ab Aigliberto Episcopo Cenomanensi, & Archicapellano factum, legitur in ejus actis editis a Mabillonio; illi enim adjutor, & Chorepiscopus datus est Petrus, *ut quando ipse praecipue in servitio Regali erat, praedictus Chorepiscopus ei adjutorium procuraret aliquod, quantum a praedicto Domino Aigliberto licite & canonice ei concedebatur.* Itaque Episcopis ut plurimum Archicapellani officium demandabatur; quandoque tamen Abbatibus Presbyteris, in quorum numero fuere Fulradus, Hilduinus, Grimoaldus, alique plures. An etiam Diaconis, uti affirmat Adelardus in libello de Ordine Palatii, merito in dubium revocamus. Nam id potius veteres Apocrisarios spectat, quos ille eosdem facit ac Magnos Capellanos. Apocrisarii quidem sapissime e Diaconorum numero

ro fuere, utpote quia a Sardicensi Concilio statutum fuit, ne Episcopi ipsi peterent Urbem Regiam, sed Diaconos suos eo mitterent ad Ecclesiarum negotia pertractanda. Et sane fedis atque honoris prærogativa supra Episcopos, prima sedes inter Palatii ministros, cura & administratio summa causarum ecclesiasticarum, mira Episcoporum erga Archicapellanos observantia, ejusmodi res sunt, quæ Episcopis, aut saltem præstantissimis Presbyteris convenient, non Diaconis. Neque facile invenias Diaconum, qui Archicapellani munus obierit; quamvis Mabillonius lib. 26. Ann. Bened. coniciat, Angilbertum Abbatem nonnisi Diaconum fuisse, levissimo ductus argumento, quod Alcuinus in multis ad eum epistolis, nunquam illum Presbyterum dicat. Denique alterum consequitur ex laudata Sanctissimi Papæ epistola, Cardinalibus nempe Magni Capellani munus convenire; eo ipso quod Cardinalem duxerit ordinandum Episcopum, ut hoc munere fungeretur. Et id quidem scitissime. Quamvis enim regnante Henrico IV. Francorum Rege, nonnullis visum fuerit id minime convenire; hos tamen Peiratus lib. 1. cap. 63. pluribus refellit, eo præsertim, quod Reges cæteris laicis haud sint comparandi, cum illorum summa, & sacra sit dignitas, atque persona, illorum etiam plurima & gravissima sint erga Romanam Ecclesiam merita. Addit hujus rei exempla non pauca, nec nova. Nam Cardinalis de Alliaco Eleemosynarium egit Caroli VI. & Cardinalis de Boisy Magnum Eleemosynarium Ludovici XII. Cardinales le Veneur, & de Meudon, eodem munere functi sunt apud Franciscum I. tum etiam Cardinales Salviati, & Bonzi apud Catharinam, & Mariam e Medicea familia Galliæ Reginas. Subdit nedum Magni Eleemosynarii gradum, qui omnium est amplissimus, Cardinales obtinuisse; sed & inferiores gradus. Siquidem Cardinalis le Veneur egit anno 1540. Magistrum Oratorii Francisci I. & Cardinalis de Tournon Magistrum Capellæ Cantorum: Cardinales Gondy, & Retz fuere Magistri Oratorii Regii, impetrantibus Henrico III. & Henrico IV. His exemplis alia addi possunt recentiora Cardinalium, Perronii, Rochefocaltii, Barberini, Richelii, Bullionii, Jansonii, qui Magni Elec-

mosy-

mosynarii officium gesserunt; & nunc temporis ab anno 1713. fungitur hoc munere in Gallia amplissimus Cardinalis Rohanius Episcopus Argeptoratenfis. Quodnam vero sit officium Magni Eleemosynarii prædicti Regis Sardinie, sequenti Capite perspectum erit.

VII. Normannis Principibus plures in Comitatu suo adhæsisse Clericos, Capellanosque, jam alibi diximus; consequens inde fuit unum aliquem cæteris præfuisse. Et ita rem se habuisse evincit diploma quoddam datum anno 1120. a Gaufrido Comitis Rogerii filio in gratiam Catanensis Ecclesie, quod exhibet Pirrus agens de Anserio illius civitatis Episcopo. Huic enim diplomati subscribunt inter alios duo Presbyteri Capellani Comitis, & Magister Capellanus, hoc est, qui cæteris Capellanis præerat: *Petrus Magister Capellanus ipsius, & Petrus alius Presbyter, & Stephanus alius Presbyter*. Magisterii enim vox præfecturam denotat, unde qui aliis præstabant, Magistri dicebantur. Proinde fatendum est, Majoris Capellani dignitatem in Aula nostrorum Principum, non Svevorum, aut Andegavensium dumtaxat, sed etiam Rogerii Regis ætate vetustiore. At alium Majorem Capellanum indicat alibi Pirrus Rogerio Rege antiquiorem. Is enim in notitia Ecclesie Agrigentinae, primum Episcopum hujus Civitatis post ejectos Saracenos S. Gerlandum, Normanorum Principum Roberti & Rogerii consanguineum, dicit Majorem egisse Capellanum Rogerii Comitis Siciliæ, & Calabriæ. Id vero colligit ex diplomate quodam anno 1092. ab eo Comite concessio Ecclesie Catanensi. Atqui tamen ibi Geraldus subscribit Capellanus: *Ego Geraldus Capellanus domini Rogerii Comitis similiter*. Potuit tamen Geraldus sive Gerlandus dici Capellanus, quamvis Capellanorum esset primus, præcipuusque. Ita Fulradus sæpe dictus est Pipini Capellanus; cujus tamen certum est Archicapellanum fuisse, & Archipresbyterum Franciæ. Quin sub tertia Regum Francorum stirpe, obsoleta jam veteris Archicapellani denominatione, qui Sacramenta Regibus administrabat, nonnisi Capellanus dicebatur. Geraldum vero, non simplicem Capellanum, sed ex Capellanis præcipuum fuisse, conici potest ex subscriptionis

nis loco, quod nempe statim post Archiepiscopos Tarentinum & Consentinum subscribat, ante ipsius Comitis filios Gaufridum, & Jordanum, ceterosque Aulae Magnates. Idipsum etiam suadet nobilissimum Geraldii genus, utpote quia Roberto, & Rogerio cognatione conjunctus erat. Sed an idem Geraldus hic Capellanus Rogerii, cujus extat mentio in diplomate Catanensis Ecclesiae, ac Gerlandus Episcopus Agrigentinus, uti Pirrus censet, non ita certum, exploratumque videtur. Illud tamen certum est, Rogerio primo Siciliae Regi suum adfuisse in Aula Magnum Capellanium, qui Magister Capellanus dicebatur. Cum enim excitasset ille Palatinam Ecclesiam, & numerosum Clerum addidisset sacro hujus Ecclesiae ministerio, eandemque etiam Parochiali jure donatam voluisset, constituendus sane erat, qui ceteris praesset, & qui rem sacram universam in Palatio moderaretur. Quare a prima illius Ecclesiae fundatione ordinatos Magistrum Capellanum, seu Capellanium Majorem, Canonicos, aliosque Capellanos, testatur Pirrus e publicis Tabulariis, in notitia Palatinae Capellae. Hoc officio Majoris Capellani donatus est anno 1148. a Rogerio Rege Joannes de Nusco Monachus Congregationis Montis Virginis, socius S. Guillelmi, & scriptor illius vitae. Rogerius enim, constructo prope Aulam Panormitanam insigni Monasterio, Guillelmum, cui erat adiectissimus, ejusque socios ex Apulia accerserat, ut illic Monasticam disciplinam inducerent; & ab his sanctis viris Monasterium illud dictum est S. Joannis de Eremitis. Hujus itaque Monasterii Abbatem, quam dignitatem primus gessit Joannes de Nusco, declaravit, constituitque suum Confessarium, Consiliarium, & Magnum Capellanium, dato diplomate, quod exhibet Pirrus in notitia Abbatiae S. Joannis de Eremitis. Ibi Rogerius ait: *Volentes Abbatem ipsius Monasterii inter ceteros Praelatos Regni nostri aequali speciali dignitatis privilegio gaudere; eundem, & omnes sibi succedentes canonice in officio Abbatis, Consiliarios, & familiares nostros eligimus; statuentes, ut idem Abbas semper in omnibus festis & sollemnibus tamquam Praecipuus Capellanus noster, quem nobis Patrem ordinavimus, & specialissimum Confessorem, ad celebrandum*

Divi-

Divina in Capella supradicta nostri Palatii Panormitani Prælati Regni nostri ceteris præponatur; ut qui Nobis in nostra Palatio majori vicinitate latatur, ampliori gaudere debeat prærogativa honoris, nec alius Prælati præter sui continentiam & consensum, vel eo invito in prædictis festivitatibus in Capella prædicta celebrare præsumat. Ut itaque Abbatem illum Rogerius summo honore prosequeretur, eumque ceteris Prælati Regni parem faceret, imo speciali prærogativa augeret, illi contulit Magni Capellani dignitatem, eundem quoque in Consilium suum adscivit. Quo perspicuum fit, Magnum Capellanum Regum nostrorum, in ipso rei initio, amplissimum obtinuisse locum honoris, & dignitatis. Illud etiam ex laudato diplomate colligitur, Prælatos scilicet Regni consuevisse in magnis solemnibus in Capella Regis facere rem Divinam, id vero proprio jure spectasse ad Magnum Capellanum, ita ut nemini fas esset, nisi eo permittente. Caterum in Aulam Regum Siciliae haud tunc primum Magni Capellani munus illatum fuerat. Nam eo fortasse functus est anno 1137. & 1140. Thomas quidam, cujus occurrit mentio in diplomate Rogerii Regis, in gratiam S. Guilielmi Fundatoris Montis-Virginis dato, quod legitur in ejusdem sancti Eremitæ vita a Joanne de Nusco ejus discipulo exarata, atque a Bollando edita die 25. Junii. Hoc enim diploma, cui subscribunt Guilielmus Princeps Taranti, filius Regis, aliique Proceres Aulici, dicitur: *Datum Panormi, per manum Magistri Thomæ Capellani Regis, octavo Kalen. Septembris, Indictione XV. Incarnationis Dominicæ anno MCXXXVII.* Similia leguntur in alio diplomate dato anno 1140. Verisimile est, hunc Thomam utroque officio, & Magistri Capellani, seu Capellani Majoris, & Cancellarii functum esse; cum hæc duo officia sæpissime copularentur. Nec a vero plurimum distat, Robertum illum de Urbe Capellanum Rogerii Regis, & Magnum Siciliae Cancellarium, cujus meminit Pirrus in Chronologia Regum Siciliae, Magnum fuisse Regis Capellanum. Jam enim adnotavimus, Summos Capellanos, quandoque simplici Capellanorum titulo nuncupari. Sane Gualterius ille, qui ex Anglia Siciliam venit una cum Joanna filia Henrici Regis

gis Anglorum nuptura Willelmo II. Sicilia Regi, Magni Capellani officium gessit, etsi a Petro Blefensi in ep. 10. ad eum data, nonnisi Capellanus Regis dicatur. Quæ enim illi scripsit Blefensis, hujusmodi sunt, quæ Magno Capellano conveniunt. Agebatur de Ecclesiæ Agrigentinae Sacerdotio, quo Rex donare proposuerat fratrem Comitis Loritelli imparem, tanto ministerio. Ne itaque tantam Ecclesia illa subiret calamitatem, & ne Rex tanti criminis reatu innodaretur, Blefensis gravem conscripsit epistolam Gualterio Capellano, ut pro ea qua apud Regem valebat auctoritate, officio suo faceret satis, Regemque a proposito removeret. Ita ille: *Si non annuntiaveris impio impietatem suam, ipse in impietate sua morietur, & ejus anima de tuis manibus requiretur. Ovis tua est, & in periculum tuum, ipse custodiam suscepisti. Vide, ne alios imiteris, qui lac, & lanam querunt de ovibus, non salutem. Periculosum est tibi, si in tonsoris officium conversas ministerium Pastorale.* Gualterius itaque exercebat ministerium Pastorale, Rex erat illius ovis, ad illum spectabat cura animæ Regis, illius partes erant Regem ab impietate prohibere, cui officio si ille defuisset, poenas daturus erat. Atqui hæc omnia compertum est non simplici Capellano, sed Magno Capellano convenire: atque adeo id muneris gessit Gualterius, ejusque partes fuerunt, non modo Sacris operari in Capella Regis, sed insuper exercere ministerium Pastorale. Is vero genere nobilissimus, utpote quem nonnulli asserunt consanguineum Henrici Regis Anglorum, plurimum valuit gratia apud Willelmum Regem, magnisque honoribus auctus est. Nam Regis Institutor fuit; cujus rei meminit idem Petrus Blefensis ep. 66. ad ipsum data: *Scitis, quod Dominus Rex Sicilia per annum discipulus meus fuit, qui & a vobis versificatoricæ, atque literatoricæ artis primitias habuerat, per industriam & sollicitudinem meam beneficium scientiæ plenioris obtinuit.* Fuit & Regis Consiliarius, ejusdem etiam Cancellarius, pluribusque donatus Sacerdotiis, ac tandem Panormitanam sedem conscendit. Jam habes in Aula Normanorum Regum Magnos Capellanos genere, vel pietate præstantissimos, qui Consilio Principis intererant, aut Cancellarios

agebant, Sacris operabantur in Capella Regis, & gerebant Pastoris ministerium.

VIII. Quod Suevos attinet, in horum Principum Aula Magnum Capellanum extitisse, asserit Freccia in libro de Subseudis, agens de Officio Magni Cancellarii, ubi ait, observasse se in *processu quodam antiquo sub Federico II. Capellanum Majorem assistentem in Cancellaria, qui præstabat juramentum partibus, si quid ultra, quam esset taxatum, erogassent, aut promississent, & ubi in Cancellaria in expeditione literarum, pars opponebat, data copia, duo Judices Magistri Justiciariorum sedentes legebant, & si adprobabant, sigillabantur, & per sigillatorem assignabantur Capellano*. Et quidem prisca est instituti, ut coram Aulico Capellano sacramenta præstarentur, quæ Regibus debebantur. Res etiam fuit usitatissima, ut Capellanis Aulicis Cancellaria Principis committeretur. Ex hoc itaque receptissimo more Suevi Sicilia Reges, iidemque Imperatores Magno suo Capellano Cancellarii munus addiderunt. Sed an Gualterius ille de Palena, Episcopus Trojæ primum, deinde Catanensis, tum Panormitanus, cui Papa Innocentius III. Friderici pueri tutelam commendaverat, & qui sub Henrico IV. Imperatore, & Friderico filio egit Cancellarium Regni Sicilia, fuerit simul eorundem Principum Magnus Capellanus, haud satis est exploratum. Verisimile tamen est, ita se rem habuisse, quod apud Germanos Imperatores utrumque munus Archicapellani, & Archicancellarii conjungi, & ab eodem administrari consueverit, ut alibi diximus. Constat vero e Regiis Tabulariis Sicilia, uti legitur to. 2. Sicilia Sacræ in notitia Capellaniæ Majoris S. Lucie de Milacio, circa annum 1206. Gregorium Mustaccio Majorem fuisse Capellanum Friderici Imperatoris, ac Sicilia Regis; cui Imperator concessit oppidum S. Lucie de Milacio, quod antea juris erat Ecclesiæ Pactensis, quodque Imperator pro suis deliciis elegerat. Ecclesia itaque illius oppidi, quæ ante hæc tempora spectabat ad Dioecesim Episcopi Pactensis, exinde subiecta fuit jurisdictioni & curæ Majoris Regii Capellani; ita ut sequentibus sæculis ad nostram usque ætatem Abbas S. Lucie de Milacio simul esset Major Capellanus Regni Sicilia. Attamen
etli

etſi a Friderici Imperatoris ævo Major Capellanus addiſtus fuerit illi Eccleſiæ, non inde tamen excidit juridiſtione & cura Capellæ Palatinæ. Id enim contigit nonniſi circa annum 1580. cum a Regio Viſitatore Franciſco de Puteo declaratum fuit, Majorem Capellanum adſtringi reſidentię legibus in ſua Eccleſia S. Luciæ de Milacio; exinde tum ob Regum abſentiam, qui in Hiſpania imperium adminiſtrabant, tum ob ipſius Majoris Capellani abſentiam ab Aula Panormitana, factum eſt, ut animarum cura in Aula Cantori Capellæ Palatinæ; juridiſtione vero in Clericos Palatinos Judici Regiæ Monarchiæ adſcriberetur.

IX. Aragoniis imperantibus, quanti fecerint Reges Majores ſuos Capellanos facile conjici poteſt ex ampliſſimis muneribus, & Legationibus, quæ illis ſæpiſſime demandarunt. Damianus de Palicio Magiſter Capellanus Petri II. Siciliæ Regis, fuit & ejus Conſiliarius, Cancellarius, ac Regni Logotheta: uti conſtat e privilegio quodam Petri II. conſeſſo Eccleſiæ Catanenſi, quod datum dicitur anno 1337. *Per Venerabilem Damianum de Palicio de Meſſana Juris civilis Profeſſorem, Regni Siciliæ Logothetam, & Cancellarium, Capellæ noſtræ Magiſtrum Capellanum.* Extat apud Pirrum in notitia Catanenſis Eccleſiæ: qui idem in Episcopis Mazarienſibus narrat, Damianum de Palicio una cum Peregrino de Paſtis Ordinis Prædicatorum, Majore Capellano Friderici II. Regis, Oratorem miſſum ad Joannem XXII. Pontificem, ut convenientibus Sedis Apoſtolicæ Legatis, ſœdus initum inter Fridericum Siculum, & Robertum Neapolitanum Reges executioni mandaretur. Ubertinum Episcopum Paſtenſem, Magiſtrum Capellanum ſuum delegavit Fridericus III. cauſa tractandæ pacis cum Joanna Neapolitanorum Regina: itidem Dionyſius de Murcia, Antiſtes Meſſanenſis, & ejusdem Regis Major Capellanus varias obiit Legationes ad pacem inter Joannem, & Fridericum conciliandam. Cum Maria Friderici III. filia, Regniſque hæres, nupſiſſet Martino Aragonio, cui Urbanus VI. inſenſus erat, e contra favebat Pſeudo-Papa Clemens VII. cumque exhinc plurima, & diuturna diſſidia Regnum perturbaverint, tandem iis auctoritate Pontificiæ

componendis, Orator mittitur ad Bonifacium Papam Simeon de Puteo Episcopus Catanensis, & Aula Regiæ Major Capellanus. Conjici etiam potest hujus dignitatis amplitudo apud Aragonios Siciliae Reges, quod nonnisi amplissimis viris committeretur. Hi enim plerumque Episcopali dignitate, doctrina, pietate eminebant, uti Fr. Ubertinus de Corleone Franciscanus, Episcopus Paetensis, & Philippus Crispus Antistes Messanensis, Friderici III. Majores Capellani: Simeon de Puteo Dominicanus, Inquisitor generalis Fidei in Sicilia, Catanensis Pontifex, Major Capellanus Martini Regis: Philippus de Ferrario Carmelita magni nominis, Episcopus Paetensis, Major Capellanus Regis Martini: Dionysius de Murcia Augustinianus, vir doctissimus, Messanensis Archiepiscopus, Major Capellanus Friderici Regis, alique plures præstantissimi viri, quorum seriem dabimus in calce hujus Operis. Ex ea serie illud perspectum erit, Majores Capellanos Aragonum Siciliae Regum fere omnes e Coenobiis adlectos, hosque vel Episcopali jam donatos dignitate, vel mox ad Episcopatum evehendos, eosdem non raro fuisse a Regum Consilio, quandoque etiam ab eorumdem Confessionibus audiendis. Neque desuit in Sicilia id amplissimum munus, quum e vivis sublato Martino II. nulla superflite prole, imperii jura ad Ferdinandum Aragoniæ Regem, qui defuncto Regi proximior erat, quique Cæsaraugusta degebat, pervenerunt. Immo cum anno 1413. Legationem obiret apud Ferdinandum Regem Philippus Ferrarius, Paetensis Episcopus, & Regni Magister Capellanus; cumque interim a Rege id muneris obtinuisset Thomas Chrysaphi Messanensium Antistes, declaratum a Rege fuit, noluisse se Paetensis Præsulis juri derogare in litteris, quas exhibet Pirrus de Episcopis Messanensibus: *Per Venerabilem in Christo Patrem, Oratorem, & Consiliarium nostrum dilectum Episcopum Paetensem fuit Majestati nostræ nuper humiliter supplicatum, atque expositione narratum: ipso tenente & pacifice possidente, & quiete ab annis duodecim circa, vigore Regiæ concessionis Illustrissimi Principis Domini Regis Martini nostri consobriini celebris memoriæ, officium Magistri Capellanatus Regni Siciliae ad vitam ipsius exponen-*

ponentis cursum, facta pridem nobis instantia pro parte Reverendi in Christo Patris Archiepiscopi Messanenſis, qualiter dictum officium Magistri Capellanus jam vacabat, nulla facta mentione de possessione & titulo exponentis ejusdem: Archiepiscopus tacita veritate, nostri rescripti provisionem obtinuit a nostra Majestate, non sine gravi præjudicio juris ipsius Episcopi, & possessoris ejusdem. Ideo pro supplicante prædicto declaramus, & vobis dicimus, quod nostræ intensionis numquam fuit de dicto officio alicui providere cum juris alieni præjudicio. Ex his vero colligitur, quandoque hoc munus perpetuo alicui addictum fuisse. Jam vero Majori Capellano incumberebatur sacrarum rerum in Aula administratio. Ad hanc rem Gregorius XI. has litteras Avenione dedit anno 1372. in gratiam Majoris Capellani Friderici Regis Siciliae, quas exhibet Wadingus in Annalibus Fratrum Minorum: *Dilecto filio Ubertino de Coriolano, Ordinis Fratrum Minorum Professore, sacrae Theologiae Magistro, Capellano nostro. Devotionis tuae sinceritas promeruit, ut votis tuis, illis praesertim, quae ad tuam, aliorumque Christi fidelium animarum salutem cedere valeant, quantum cum Deo possumus, favorabiliter annuamus. Tuis itaque supplicationibus inclinatus, ut dilecto filio Magnifico viro Friderico de Aragonia Insulam Siciliae regenti, cujus tu, ut asseris, Magister Capellanus es, omnibus de genere suo, & familiaribus continuis commensalibus, & Clericis dictae Capellae dicti Friderici in ea continue servientibus, quolibet Ecclesiae Sacramenta libere ministrare valeas, Rectoris Parochialis Ecclesiae, infra cujus Parochiam dicta Capella existit, vel cujuscumque alterius licentia ad hoc minime requisita, devotioni tuae, tenore praesentium, auctoritate Apostolica, de speciali gratia indulgemus. Unde patet, consuevisse Reges a Magnis suis Capellanis Sacramenta percipere. Idem præerant Clericis Palatinis. Pirrus enim in Episcopis Panormitanis refert, Bartholomæum Antiochenum, summo loco natum, Magistrum Capellanum Friderici II. Siciliae Regis, diremisſe litteras inter Guarinum Renda Canonicum, & Rainerum Clericum Capellae Regiae: & in notitia Mazariensis Ecclesiae narrat, Fratri Peregrino de Paetis Majori Capellano Friderici Regis,*

gis, & Episcopo Mazariensi, duos fuisse Vicarios Generales, unum regendæ Mazariensi Ecclesiæ, alterum definiendis negotiis Canonicorum, & Clericorum Regiæ Capellæ. Atque id juris Magistro Capellano vindicavit Rex Martinus datis litteris Catanæ anno 1406. Joanni de Procida Archiepiscopo Panormitano relatis a Pirro in notitia Capellæ Regiæ S. Petri, & in notitia Panormitanæ Ecclesiæ. In his litteris testatur Rex, ex antiqua consuetudine & privilegiis prædecessorum Regum, Magistrum Capellanum Clericis Palatinis imminere, & proinde: *Vos Reverendum electum Panormitanum Antistitem, & alios quoscumque Prælatos requirimus, & hortamur, quatenus eundem Michaelem unum ex duodecim Canonicis dictæ Capellæ nostræ pro quibusvis causis, & domandis contra eum motis, & de cætero movendis ad petitionem alicujus coram vobis convenire nullatenus præsumatis, sed cum ad dictum nostrum Magistrum Capellanum, vel ejus Locumtenentem, quem propterea in dicta nostra Urbe Panormi ordinare volumus, & jubemus, protinus remittetis.* Erant quoque Magistro Capellano subiecta Monasteria Regii patronatus. Hinc Archiepiscopo Messanensi, quod jurisdictionem suam explicaret in Monasterium quoddam Monialium dictum de Basico, scripsit Rex Ludovicus, *ne Regii Capellani Majoris jura violaret, cujus scilicet potestati ex Pontificio diplomate subiectum erat Monasterium illud de Basico, ac Templum S. Mariæ de Castro ad mare.* Eidem scripsit in eandem rem Elisabeth Ludovici mater, anno 1345. his plano-verbis. *Cum ad audientiam nostram perveneris, quod vos Monasterium Monialium, quæ fuerunt de Basico, constructum nuper in nobili civitate Messanæ per Majestatem nostram, quod ad Capellam Regiam spectare dignoscitur, nitimini vestræ jurisdictioni submittere, & de hoc non modicum admirati, vos expresse requirimus, ut de dicto Monasterio, & ejus Monialibus ibi per nostram Excellenciam constitutis, vos nequaquam intromittere debeat. Refert has litteras Pirrus in notitia Messanensis Ecclesiæ. Denique Major Capellanus Regum Siciliæ neque solum sacrum monasterium in Aula exhibebat, neque præerat duntaxat Clericis, & Monasteriis Regiis, sed etiam plurima gerebat ecclesiastica*

stica Regni negotia. Cum enim Siciliae Reges fungerentur legatione Apostolicæ Sedis, quam Urbanus II. illis addiderat, & quam nuper eisdem confirmavit Benedictus XIII. hinc eo nomine plurima ecclesiastica Regni negotia ad ipsos deferabantur, quæ ad Monachos, Moniales, Clericos, Ecclesiasticque spectabant. Hæc vero negotia, uti e publicis monumentis testatum facit Pirrus in notitia Ecclesiæ Troinensis, Siculi Reges absolvebant per Summos Aulae Regiæ Capellanos, vel per alios quandoque Præsules, aut utriusque Juris Doctores. Absentibus vero e Sicilia Regibus, consueverunt Proreges ecclesiasticas hæc quæstiones in causis appellationum, plerumque viris in ecclesiastica dignitate constitutis demandare. Tandem circa annum 1570. rem promovente Pio V. sanctissimo Pontifice per Cardinalem Alexandrinum, quem Legatum ablegaverat in Hispaniam, constitutus est Judex Ordinarius, quem vocant Judicem Regiæ Monarchiæ, a Rege diligendus, & ecclesiastica dignitate conspicuus, cui in Sicilia commissa sunt negotia ecclesiastica nomine Regis expedienda, quod olim muneris erit Majoris Capellani. Is itaque, imperantibus Aragoniis, magno in honore erat, plerumque ex Episcoporum numero; atque res sacras, Clerum Palatinum, Monasteria Regia, negotia plurima ecclesiastica moderabatur.

X. Ab Aragoniis ad Austriacos Hispaniæ Reges, & in Hispania commorantes, devolutum est Sicularum imperium. Adhuc majori Capellano servabatur jurisdictio in Capellam Regiam, & Capellanos Palatinos, cum Ferdinandus Rex Aragoniæ Siculo Regno potitus est: siquidem in litteris datis anno 1479. ut Franciscum de Vitale Cantorem Capellæ Palatinæ in Abbatem S. Lucæ de Milacio, & Majorem Capellanium promoveret, quæ leguntur to. 2. Siciliae sacræ, in notitia Capellæ Regiæ, asserit Canonicos Palatinos illius jurisditioni subjectos. Excidit tamen hæc jurisditione Major Capellanus anno 1580. cum a Regio Visitatore Francisco de Puteco declaratum fuit, obligari illum ad residentiam in sua Ecclesia S. Lucæ: ex eo enim temporis, Aulicorum spiritualis cura adscripta est Cantori Capellæ Palatinæ, quam gerit per Capellanium ad id muneris designatum; jurisdictio vero in Capel-

Capellanos omnes Regios adscripta est Judici Regiæ Monarchiæ. Tum etiam in Capella Palatina coram Proregibus rem Divinam faciunt in magnis solemnibus aut Cantor, aut Judex Regiæ Monarchiæ. At non semel Majores Capellani, seu Abbates S. Lucie de Milacio sua sibi jura vindicarunt, præsertim ubi Reges, vel Regii sanguinis Principes Siciliam adiissent. Quo casu sibi deberi sacrarum rerum celebrationem, & Regiæ mensæ benedictionem contenderunt, & obtinuerunt. Ita cum anno 1535. victor a Tunetana expeditione Carolus V. Imperator Siciliam appulisset; Hieronymus Zafferana Capellanus Major Regni, & Abbas S. Lucie, munia officii sui obivit Missas celebrando coram Imperatore, & Regias dapes benedicens, ut legitur to. 2. Siciliæ sacræ in notitia Abbatie S. Lucie de Milacio. Anno 1650. Regnum Siciliæ moderante, nomine Philippi IV. Regis, Joanne Austriaco ejus filio; Martinus la Farina Major Capellanus institit apud eundem, ut sibi fas esset officio suo fungi: id enim nedum ad Reges, sed etiam ad Regii sanguinis Principes extendi, quemadmodum in Regnis Lusitanie, Neapolitano, & Belgio cum Mantuanorum Ducissa, & Serenissimo Cardinale Infante actum, fuisse probabat. Re delata ad Benedictum de Trelles Consultorem Regni, ut sententiam diceret, is hoc suffragium tulit die 20. Maji 1651. *Abbatia S. Lucie, & Capellania Major hujus Siciliæ Regni ab anno 1250. a Friderico Imperatore, ac Siciliæ Rege unitæ, antiquis temporibus ob Regum in eodem Regno præsentiam Prælati, Episcopis, Archiepiscopis conferebantur, qui Regibus eo in munere inservientes, Majoris Capellani vices gerebant, usquedum Siciliæ Regno Aragonio annexo, Regibus ut plurimum absentibus, passim id munus prius excideret honore; ex quo quidem tempore Abbatibus conferri consuevit, quorum primus Joannes de Stefano Parci Abbas Ordinis Cisterciensis circa an. 1424. enumeratur. Exinde igitur variis Abbatibus, virisque Ecclesiasticis, Majoris Capellani dignitas, ac S. Lucie Abbatia collata legitur, qui nedum munia Capellani obibant, sed & judicium in alios Regiæ Capellæ Ministros fibrant usque ad annum 1587. quo assumpto ad idem munus, atque Abbatiam D. Hieronymo Riggio,*

gio, atque ad residentiam in propria Ecclesia coacto, jurisdictione in Capellanos Regiæ Capellæ S. Petri Judicibus Regiæ Monarchiæ cessit, ac Magistri ceremoniarum munus pro libitu a Proregibus fuit collatum. Constat id ex variis Chirographis a Comitibus de Alba, & Olivares Proregibus an. 1590. & 1595. emanatis; hinc regulariter Domini Proreges ceremoniarum Magistros sibi deligebant, jurisdictione in Regiam Capellam, ejusque Ministros per Judices Regiæ Monarchiæ exercebatur, atque S. Lucie Abbates Majores Regni Capellani propriæ Ecclesiæ regimini addicti ab exequendis sue dignitatis muniis abstinere. Ex hac itaque serie, atque enarratione apparet, quæ sint officia Majoris Capellani propriæ, ea quidem omnia, quibus in Belgio, Hispania, & Neapoli Majores Capellani fruuntur. Sed Serenissimi Proregis discessu, rem adhuc suspensam definivit ejus successor Dux de Infantado, sequenti Chirographo anni 1655. quo Majori Capellano restituta sunt vetera jura circa res sacras: *S. E. me manda dezir a V. S. que en todas las funciones publicas, en que se allera S. E. assiste, como Capellan Mayor y Abad de S. Lucia; advertiendo, que en qualquier Iglesia, o parte, que S. E. haga funciones publicas se entienda es Capella Real; y tiene por bien que V. S. goze de todas las prebeminencias y prerogativas, que por esta razon le pertenezca.* Hinc cum Siciliam adiit anno 1714. Serenissimus Rex Victorius Amedeus Dux Sabaudie, Franciscus Barbara, qui tunc temporis præerat Abbatie S. Lucie, & Major erat Regni Capellanus, Sacris operatus est coram Principe, hujus mensam benedictione donavit, cæterasque officii sui partes implevit. Cæterum Abbas S. Lucie tamquam Major Capellanus in generalibus Regni Comitibus, quæ Parliamentum dicuntur, sedet undecimo loco, nempe post novem Regni Episcopos, & Archimandritam Messanensem; tum inter Episcopos numeratur, unde titulo donatur eodem, quo cæteri Episcopi, sicuti Regiis Edictis statutum est. Jurisdictionem quasi Episcopalem exercet in Ecclesia, & oppido S. Lucie, aliisque sibi subjectis, ubi Pontificalia agit, censuras infligit, jus dicit in civilibus, & criminalibus causis, Confessarios adprobat, litteras dimissoriales conscribit, dispensat in interstitiis, Beni-

neficiarios instituit, benedixit sacra instrumenta non consecranda, & violaceis vestibus tam ibi, quam alibi utitur.

XL. Haud facile Andegavenses Neapolitani Reges illum neglexissent morem, qui nedum obtinuerat apud prædecessores Siciliæ Reges Normannos, Suevosque; verum etiam solemnitas erat Francorum Regibus, a quibus originem duxerant. Quemadmodum itaque illorum Regum exemplo habuere Capellam Palatinam, & Capellanos plures, ita & Capellanorum primum, qui sacro ministerio præesset. Is vero dicebatur Magister Regalis Capellæ, uti in Sicilia Magistrum Capellanum nuncuparunt, qui sacras res in Aula moderabatur. Idque potuit ab Aula Regum Francorum ad nos traduci: siquidem, S. Ludovicus Galliarum Rex, Caroli Andegavensis Neapolitani Regis frater, excitaverat circa annum 1248. Sanctam Capellam Parisiensem, in honorem Spineæ Christi Coronæ, quam a Balduino Imperatore Orientis acceperat, Capellanos quoque conscripserat, qui ibidem sacra ministrarent, horumque primus, uti testatur Peiratus lib. 1. cap. 22. dicebatur Magister Capellanus Sanctæ Capellæ. Atqui tamen, regnante Carolo Andegavensi, occurrit in Regiis Tabulariis Joannes Masnelius Protocapellanus Regis; quem sane verisimile est eo donatum titulo, quod non solis præesset Clericis Oratorii Regis, sed Clericis omnibus Palatinis, & Cancellarius esset Regni. Hujus sæpe meminit Pirrus tum in Chronologia Regum Siciliæ, tum in notitia Panormitanæ Ecclesiæ, & in notitia Capellæ Regiæ S. Petri. Fuit enim Masnelius Magnus Regni Cancellarius, Consiliarius Regis, Cantor Capellæ Palatinæ Panormitanæ, Archidiaconus, tandemque Panormitanus Archiepiscopus. Ceterum sub successoribus Regibus stirpis Andegavensis, qui præerant Capellæ Regiæ dicti sunt Magistri Regalis Capellæ; & hi plerumque ex Coenobiis accersiebantur, quod hi nimirum præ cæteris pietate, doctrina, & sacrarum rerum peritia præstarent, quæ necessaria sunt ad id munus exercendum. Ita Joannes de Gallinario, Andreas de Valle Regia, Matthæus de Acquaputida e Franciscana Familia hoc munere functi sunt apud Joannam Reginam; qui deinde ad Episcopales insulas promovebantur. Nec raro iidem erant Regum

gum a Confessionibus audiendis . Nam Fr. Matthæus de Acquaputida , fuit Joannæ I. Confessarius , & Regalis Capellæ Magister . Joannes quoque a Gallinario , utroque officio apud eandem Reginam functus legitur : & Fr. Franciscus de Arpino , ejusdem Instituti , tum Confessarium , tum Magistrum Capellæ egit Ladislai Regis . Quod usitatum etiam Francorum Regibus tertiæ stirpis jam diximus : illorum enim Confessarii , & hi ut plurimum ex Ordinibus Mendicantium adlecti , præfuerunt Oratorio Regis a Philippi Augusti ætate usque ad Carolum VIII. Neque dubitandum est , quin sæpe Magistri Regalis Capellæ interfuerint Consilio Regum . Jam enim diximus , pluribus Capellanis Regum Andegavensium fuisse in Consilio locum ; diximus etiam Andegavenses Principes non semel Cœnobitas in Consilium suum adscivisse . Illud quoque adnotavimus , Confessarios Regum nostrorum sæpe eorumdem etiam fuisse Consiliarios . Ita Fr. Petrus Episcopus Rapollanus Confessarius , & Consiliarius Roberti Ducis Calabria : Guillelmus Episcopus Scalensis a Confessionibus , & a Consilio Sanciæ Reginæ : Fr. Joannes & ipse Franciscanus Confessarius Mariæ Ducis Calabria , & Regi Roberto a Consiliis , alii-que plures . Jam vero si Capellani , si Confessarii , si Cœnobitæ frequenter adgregabantur Consilio Principis , quidni & Regalis Capellæ Magistri ? Sane Ubertinus Paëtensis & Liparenensis Episcopus , ac Magister Capellæ Ladislai Regis , in quibusdam litteris datis Gajetæ die 18. Junii , anno 1392. quas exhibet to. 2. Chioccarellus , dicitur ejus Consiliarius . Et Wadingus ad annum 1343. auctor est , Fr. Matthæum Telesinum Episcopum , fuisse Confessarium , & Consiliarium Sanciæ Reginæ , atque Regiæ Capellæ Magistrum antequam Episcopus fieret . Is idem refert privilegium concessum anno 1347. die 9. Februarii , a Joanna I. Fratri Matthæo Telesino Antistiti , signatum manu Rogerii Archiepiscopi Barenensis , Logothetæ , & Protonotarii Regni , ubi laudatus Episcopus nominatur Confessor , & Consiliarius Reginæ . Quapropter tria hæc officia præstantissima Confessarii , Consilarii , & Magistri Regalis Capellæ sæpe conjuncta simul fuisse perspectum est . Nec mirum tot Cœnobitas adgregatos Capellæ Regum nostrorum ,

nam & Romanis Pontificibus familiare erat plurimos e Franciscano Instituto in Capellanos suos assumere; quorum numerus adeo excreverat, ut cum ex eorum privilegiis, & exemptionibus disciplina regularis enervaretur, declaravit Gregorius XI. dato-diplomate an. 1373. quod refert Wadingus, hos omnes Pontificios Capellanos adhuc subesse suorum Prælatorum jurisdictioni. Præterea summa fuit religio Andegavensium, præsertim Roberti, & Sancia, erga Franciscanorum Institutum; & tandem facilius Coenobia iis adfluebant virtutum meritis, quæ Magistro Capellæ suæ inesse Reges exoptabant. Nam nonnisi probatissimos viros ad id muneris designabant; uti colligitur ex litteris Joannæ I. anno 1344. relatis a Chioccarello, & Wadingo, ut Fratrem Andreæ de Valle Regia præficeret Capellæ suæ: *Tenore præsentium*, ait, *notum facimus universis earum seriem inspecturis, tam præsentibus, quam futuris, quod nos attendentes honestatem morum, conversationis, vitæ suavitatem placidam, devotionis promptitudinem, nec minus & probatam in Divino cultu peritiam, quæ in persona Religiosi viri Fratris Andreæ de Valle Regia Ordinis Fratrum Minorum Capellani, familiaris, & fidelis nostri ab ipso quasi nostræ infantie tempore, certa nos experientia docente, concurrere novimus, & vigere: suadentibus quoque servitiorum suorum laudabilibus meritis, quæ nos ad hoc excitant, pariter & inducunt, eundem Fratrem Andreæ Magistrum Sacratæ Capellæ nostræ harum serie, de certa nostra scientia duximus ordinandum: volentes, & ordinantes expresse, per ipsius Capellæ Capellanos, & Clericos dicto Fratri Andreæ tamquam illius, eorumque Magistro in omnibus, quæ ad hujusmodi Magisterium spectare noscuntur, intendi de cætero efficaciter & pareri. Nos igitur litteras nostras magno pendente sigillo nostro munitas, in hujus rei testimonium, & cautelam sibi duximus concedendas. Datum Neapoli per Adinulfum Cumanum de Neapoli Juris Civilis professorem, Vice-Protonotarium Regni Sicilia, anno Domini MCCCXLIV. die vi. Jan. Regnorum nostrorum anno primo. Similes litteræ datæ sunt Gajetæ anno 1393. die 18. Junii a Ladislao Rege: Nobili viro Fratri Francisco de Arpino Confessori,*

feſſori, Capellano, & Oratori, & ſideli noſtro dilecto, quibus illum conſtituit Vicarium, Locumtenentem, & Subſtitutum Ubertini Paſtenſis, & Liparenſis Episcopī, Magiſtri Capellæ noſtræ, noſtrique Conſiliarii, & ſidelis dilecti a noſtra Curia abſentis, cum plena poteſtate in iis, quæ ſpectant ad ipſam Capellam, & cum omnibus prærogativis, ac privilegiis, auctoritate, & poteſtate, quibus potiretur ipſe Episcopus, ſi præſens eſſet, & alii Regiæ Capellæ Magiſtri, vel ipſorum Locumtenentes, & Subſtituti ſoliti ſunt potiri. Ex hiſce litteris colligitur, Magiſtrum Regalis Capellæ præſuiſſe ſacro Aulæ miniſterio, Clericisque huic miniſterio additis, atque pluribus privilegiis, & prærogativis, plenaque poteſtate donatum fuiſſe. Quapropter Capellani Regii ad illius juridiſtioneſpectabant, uti evincunt litteræ ejuſdem Ladislai Regis datæ anno 1409, quibus declaravit Fr. Leonardum de Stephano Carmelitam, Capellanum, & familiarem ſuum, iisquæ omnibus privilegiis, exemptionibus, prærogativis donatum, quibus cæteri Capellani Regii fruuntur; juſſitque, hæc jura ſervari a Regalis Capellæ Magiſtris, a Superioribus Ordinis ſui, a Prælatiſ omnibus, & a Regiis Magiſtratibus. Pariter Joanna II. Ladislai ſoror die 10. Maji an. 1431. aggregavit Capellanis ſuis Fratrem Dominicum de Montecamelo Reatinum, Ordinis Minorum, ſtatuens, ut ne de quibuſcumque negotiis, coram alio Judice conveniendus eſſet, quam coram Magiſtro Regalis Capellæ. An vero ſub primis Regibus Andegavenſibus hæc in Capellanos Regios juridiſtictio Cancellario potius, quam Magiſtro Regalis Capellæ adſcripta eſſet, plurimi dubitarunt. Nam Marinus Freccia, cui alii e Neapolitanarum rerum Scriptoriſ ſuffragantur, in libro de Subfeudis, agens de Magno Cancellario, huic ſubjectos olim fuiſſe Clericos Palatinoſ ſcribit, & nonniſi circa Alphonſi Regis tempora eam juridiſtictionem in Majores Capellanoſ tranſfuſam. Cum vero Magnos Cancellarioſ e laicorum numero adlectoſ crediderit, hinc eiſ juridiſtictionem in Clericoſ demandatam a Regibus aſſeruit, vel ex conceſſione Pontificia, vel ex Delegatione Apoſtolica, quam Neapolitani Reges ſimul cum Regno obtinuerant. Verum enimvero olim

Can-

Cancellarii e Clericorum Ordine fuerunt; uti sub Carolo II, Petrus de Ferrariis Archiepiscopus Arelatenſis, & Adamus de Duſſiaco Archiepiscopus Conſentinus; & ſub Roberto Inſigilramus Stella Archiepiscopus Capuanus; & ſub Joana I. Philippus Episcopus Cabillonensis. Quamobrem potuit Cancellario hæc jurisdictio in Clericos Palatinos adſcribi: atque ita rem ſe habuiſſe ſub primis Regibus Andegavenſibus, inſinuant citatæ mox litteræ Joannæ I. in quibus Capellani Regii ſubjiciuntur Magiſtro Capellæ *in omnibus, quæ ad hujusmodi Magiſterium ſpectare noſcuntur*. In eo tamen recedendum eſt a Frecciz ſententia, quod is aſſerat, ſub Aragoniis primum jurisdictionem illam ad Majores Capellanos tranſlatam; cum tamen, regnantibus Regibus Dyrrachinis, & ante Aragonios, Capellani Regii ſoro Magiſtri Regalis Capellæ fuerint addiſti. Denique præter ſacrum miniſterium in Aula peragendum, plurima eccleſiaſtica Regni negotia conſueviſſe Reges Magiſtris Capellæ ſuæ demandare, veriſimillimum eſt. Fuerunt enim & Regum Conſiliarii. Tum etiam in more fuit apud Andegavenſes, ut Episcopis, Clericisque, quorum probata eſſet fides, & peritia, negotia nonnulla expedienda committerent. Cujus rei plurima adduci poſſent exempla, plurima etiam legi poſſunt apud Chioccarellum in Episcopis Neapolitanis. Quidni ſæpe ad res eccleſiaſticas pertractandas, & finiendas adhibuerint operam Magiſtri Regalis Capellæ ſuæ, cujus ampliſſimus erat in Aula locus, & ſpectatiſſima virtus? Hujus itaque ſuffragio, & ſententia, negotia eccleſiaſtica Regni, quæ ad Principem deſerebantur, diſcuſſa, & abſoluta fuiſſe, nullus ibit inſicias.

XII. Qui ſub Andegavenſium imperio Magiſtri Regalis Capellæ dicebantur, hi ſub Aragoniis Majores diſti ſunt Capellani; quod in Hiſpania, & in Sicilia jam iſtitulus invaluerat, quodque jam Capellanis omnibus Regiis illi præeſſent. Alphonſus I. luic gerendo muneri præfecit Dominicum de Xaracti, ſeu de Xarth, quem Ciſterciensẽ Monachum, & circa annum 1451. Episcopum fuiſſe Agrigentinum, colligitur ex Pirro in Episcopis Agrigentinis. Alphonſi litteras datas anno 1445. die 2. Junii exhibet to. 2. MSS. Chioccarellus. *Ut temporibus noſtris, & ſub felici noſtro regimine Divinus cultus in*

in nostra Regali Capella resplendeat; atque honorum Retributor omnium debitis orationum suffragiis honoretur, Venerabilem in Christo Patrem Fratrem Dominicum de Xarach de Aragonia Majorem Capellanum nostrum, in Magistrum Capellæ nostræ Regalis prædictæ ordinavimus, & quamplures Capellanos tam in dicta nostra Regali Capella, quam alibi fecimus, & per nostras litteras statuimus, ut dicti Capellani ad requisitionem dicti Magistri Capellæ nostræ servire in eadem nostra Regali Capella, & vacare in celebratione Missarum, & Divinorum Officiorum possint temporibus opportunis, ideoque volentes ipsos Capellanos nostros, tam illos actu servientes in ipsa nostra Regali Capella, quam alios non servientes actu, supponere, & aggregare jurisdictioni dicti Magistri Capellæ nostræ, qui debet de omnibus nostris Capellanis cognoscere, & videre, & de eis justitiam ministrare, sicut semper extitit consuetum: Vos omnes Ecclesiarum Prælatos, & Rectores, & alios supranominatos stricte requirimus; vobisque Principibus, & aliis superius nominatis expresse mandamus sub pena unciarum quinquaginta per quemlibet nostro Fisco applicandam, toties quoties per eos fuerit contra factum, ac sub nostræ iræ, & indignationis incursu, quatenus ex nunc in antea de omnibus & singulis Capellanis nostris, tam de illis, qui actu non serviunt, sed sunt tantum ad dictas nostras litteras ordinati Capellani nostri, nullatenus intromittatis, neque impediat aliquid prætextu, sed ipsos, & unumquemque ipsorum, pro quibuscumque causis ad dictum Magistrum Capellæ nostræ, tamquam eorum Judicem competentem singulis vicibus remittatis. Perspicuum fit ex illis verbis, sicut semper extitit consuetum, antequam Aragonii Regno potirentur, Magistrum Regalis Capellæ in negotiis Capellanorum omnium Regionum jus dixisse. Hancque illi jurisdictionem Aragonii Reges illatam, incolumemque servarunt. Nam idem Rex Alphonsus in litteris datis anno 1452. ut Nicolaum de Rainaldo inter suos Capellanos cooptaret, etsi Capellæ Palatinæ actu non deserviret, hortatur Prælatos omnes, ne ipsum pro quacumque mota, vel movenda causa ad cuiusvis instantiam cogant, nec compellant; quinimo ad Capellanum nostrum Ma-

jo.

jorem, qui nunc est, & pro tempore fuerit, quem eidem Judicem competentem damus, & assignamus, illico remittant, qui de eo omnibus ministrabit justitiæ complementum. Tum Magno Justitiario, aliisque Regiis Ministris dat in mandatis, ut curent hæc jura Capellani Regiis vindicare. Pariter cum Joannem Valentinum ad Capellani Regii dignitatem evexit die 4. Aprilis, anno 1445. declaravit hunc Majoris Capellani foro addictum, *quamvis actu, & personaliter nobis non serviat, neque nostram Curiam continuo sequatur*. Et litteris etiam datis die 2. Julii, anno 1443. hortatus est Acernensem Episcopum, ne in causa cujusdam Capellani Regii, cui nomen Jacobus de Jannico, Magistri Regalis Capellæ jura violaret. Similes litteras conscripsit Umbriaticensi Episcopo Ferdinandus Alphonfi filius die 3. Decembris, anno 1473. ut Carolus de Pycita Capellanum Regium sineret judicio sisti Episcopi Aversani Majoris Capellani. In eandem rem scripsit die 19. Februarii, anno 1465. Episcopo Teanensi; & die 8. Junii, anno 1476. Episcopo Telesino. Ferdinandi filius Alphonfus, Calabriæ Dux, anno 1473. Capellanis suis adgregavit Donatum Emitrium Martinensem, & Andream Strevatium Squillacensem, declarans hos Majori Capellano subiectos. Tandem Fridericus, postremus ex Aragoniis Neapolitanis Regibus, tum in litteris datis die 30. Januarii, anno 1497, tum in aliis etiam litteris die 23. Aprilis, 1498. declaravit, nonnisi Majorem Capellanum imminere iis, quos ipse in Capellanos Regios adsciverat. Itaque Major Capellanus potestatem habebat juris dicendi in Capellanos omnes Regios; habebat quoque potestatem ordinandi res sacras in Aula, & Divinum cultum moderandi. Hinc in Coronatione Alphonfi II. Regis Juliano Episcopo Tropejensi Majori Capellano demandata est cura, ut una cum Pontificio caeremoniarum Præfesto, & nonnullis Proceribus Aulæ, sacram rem omnem ordinaret, Episcopos Regni convocaret, sacram suppellestem, & instrumentum omne præsto esse curaret, Regique adhæreret ad sacram caeremoniam peragendam. Quamobrem ille proximus erat Regi Solio insidenti, una cum Elemosynario, & Confessario, & aliquot Aulæ Magnatibus, tota Coronationis ca-

re-

remonia, Regemque a Solio ad Altare progredientem semper comitabatur. Idem ille Major Capellanus benedictione & precibus Ecclesiæ sanctificavit Sponsalia & Conjugium Sanciae Aragoniæ filia Alphonsi Regis cum Joñredo Borgia Alexandri VI. consanguineo: & in solempni Liturgia Capellæ Palatinæ prope Regem recitabat singulas Missæ partes, quam solempni ritu celebrabat Episcopus Gravinensis. Eo temporisungebatur hoc officio Julianus Mirtus Frangipanus Episcopus Tropejensis Regius Consiliarius, & Supremus Moderator Neapolitani Gymnasii; isque subrogatus fuerat in locum Petri Brufca Episcopi Averfani. Nam imperantibus Aragoniis, sæpe Episcopi hoc munus administrarunt, quin Episcopatu cedent, quod in Ecclesiis suis, sed in Aula illis esset commorandum. Ita quoque in Aula Regum Francorum secundæ, & tertiæ stirpis, Archicapellanos, & Magnos Eleemosynarios egerunt amplissimarum Ecclesiarum Episcopi, quin earum regimine se se abdicarent. Cujus rei causa fuit, quam fusc tractat Thomassinus, legitimam esse exceptionem non residendi, quum Episcopi in Aula versantur, ut Regi, ut Regno, ut Ecclesiis omnibus famulentur. Hinc in Aulis fere omnium Principum Episcopos adnotavimus, actualis residentia vinculo annexos, Capellanos, Cancellarios, Consiliarios, Legatosque. Quandoque tamen in Aula nostrorum Principum Majores Capellani Episcopatu aucti, illo munere abierunt: idque præsertim contigit, regnantibus Andegavensibus. Nam ex Regiis Regestis constat sub Joanna I. brevi temporis spatio, ab anno nempe 1343. ad annum usque 1345. functos esse munere Magistri Regalis Capellæ Episcopum Marsicanum, Fratrem Joannem a Gallinario, Fratrem Andream de Valle Regia, & Fratrem Matthæum de Acquaputida. Neque ex his alii, aliis vita functis succedere: siquidem Andream de Valle Regia, creatum anno 1344. Episcopum Larinensem, obiisse anno 1365. testantur Wadingus, & Ughellius: & Matthæum de Acquaputida electum Telesinum Antistitem anno 1345. & vivis excessisse anno 1348. idem scribit Ughellius. Idipsum, imperantibus Aragoniis, colligi potest ex Albo Majorum Capellanorum in hujus Operis calce. Dicendum itaque est, to-

Q

tum

tum hoc negotium nulla ineluctabili lege definitum fuisse, ita ut neque Magistro Regalis Capellæ necesse erat suo se abdicare munere, si ad Episcopatum promoveretur; neque Episcopus adigebatur Ecclesiæ suæ cura discedere, si Magisterio Capellæ Regalis donaretur: sed juxta rerum, personarum, ac temporum circumstantias, vel promoti ad Episcopales infulas eo abibant munere, vel eodem adhuc Episcopi fungebantur. In Gallia olim Archicapellani munus, non fuisse perpetuo alicui addictum, infert Baluzius in notis ad Petrum de Marca, lib. 4. cap. 7. ex epistola 97. Lupi Ferrariensis, data ad Hilduinum Archicapellanium, qua asserit brevem, & incertam, eam dignitatem. E contra Thomassino videtur Archicapellani munus minime temporarium fuisse; & quoad Lupi Ferrariensis epistolam, hac censet ille, designari incertissimam horam certissimæ mortis, non vero revocabilem nutu Principis dignitatem.

XIII. Progredimur ad ea tempora, quum a Gallis, Hispanisque occupato Neapolitano Regno, dissectoque in partes duas, ejecto Friderico Aragonum Principum ultimo, postquam diu illi de totius Regni imperio decertaverint, tandem Ferdinandus Catholicus, & successores Hispaniæ Reges summa rerum potiti sunt. Qui cum remotissime degerent ab Aula Neapolitana, & Proregum opera uterentur ad imperium administrandum, jam plurima Aulae Officia, quæ imperantibus Regibus summo in honore habebantur, vel desiere penitus, vel nudo, soloque dignitatis nomine perdurarunt. Non ita tamen res se habuit quoad Majoris Capellani Officium, quod cum præstantissimum haberetur in Aula Hispana, hinc causa fuit, ut Magno Capellano Neapolitani Regni, major accesserit honoris cumulus, eo nomine, quod simul esset Major Capellanus Regis Hispaniæ. Quamobrem præclarissimi Episcopi hoc munere functi sunt, uti Joannes Pudericus Archiepiscopus Nazarenus, tum Tarentinus; Joannes Russo Archiepiscopus Consentinus; Thomas Caracciolo Antistes Triventinus, deinde Capuanus; Vincentius Spinelli Episcopus Oppidensis, aliique. Et ut Hispanis, Neapolitanisque commune esset præclarissimum hujusmodi Officium, decrevit Ca-

rolus V. Imperator anno 1554. Capitul. 5. alternis vicibus ex indigenis, & exteris Magnos Capellanos seligendos. Quanta vero fuerit regnantibus Austriacis hujus dignitatis amplitudo, facile colligi potest ex singulis partibus ejus ministerii. Primo namque Major Capellanus imminabat sacris rebus in Aula tractandis, Capellis, Capellanisque omnibus Regiis, Musicis, & Cantoribus Capellæ Palatinæ, uti non semel declararunt Proreges Comes Lemosensium die 27. Februarii, anno 1614. Cardinalis Zapata die 2. Novembris 1622. Dux Albæ die 30. Decembris 1624. Hinc Aloysius Riccius in Praxi rerum ecclesiasticarum Resol. 499. & sequentibus tradit, Capellanos Regios in causis tam civilibus, quam criminalibus coram Magno Capellano conveniendos; itidem Palatinos Cantores illi subiectos, qui cum inserviant Capellæ Palatinæ, dicuntur de familia Regis, aut Proregis. Similia tradunt Revertera Decis. 495. Curte lib. 2. Jur. Feud. cap. 2. n. 178. Carolus Maranta Controv. Jur. p. 3. resp. 17. alique nostrates Scriptores. Tum Magno Capellano incumberebat suffragium, ferre de concedendo Placito Regio, quod in Neapolitano Regno dicitur *Regium Exequatur*. Exstant to. 4. MSS. Chioccarelli, litteræ Philippi II. Regis Hispaniæ ad Alcalaensem Ducem, Proregem Regni, anno 1569, die 17. Julii, ut e medio sublati ambagibus omnibus, quæ in concedendo Placito interponebantur, negotium istud absolveretur prævio suffragio Majoris Capellani: & Proregis litteræ datæ Majori Capellano, quibus ordo præscribitur concedendi Placiti Regii, quod ne aliqua avaritiæ labe adspargatur, statutum est, ut jura Majori Capellano, ejusque Ministris ex ea re debita, e Regio deinde arario solverentur. Ibidem plurima occurrunt suffragia a Majoribus Capellanis lata, ut Proreges consulerent, an Placitum Regium esset nec ne concedendum: quo ipso de omnibus fere ecclesiasticis Regni negotiis, & de Regiis juribus vindicandis sententiam dicebant. Beneficia omnia, Regii juris commissa fuerunt curæ Majoris Capellani. Huic enim Princeps Petrepersiæ Prorex Regni dedit in mandatis anno 1509. die 7. Januarii, ut inquireret, operamque omnem impenderet ad vindicanda Regi Beneficia illa, quæ tem-

porum calamitate perierant, & describendos eorum omnium annuos proventus: & ut facilius hoc fungeretur officio, Magistratibus omnibus Regni præcepit, ut Archiepiscopo Nazarenno Majori Capellano in hac re opem, præsidiumque conferrent. Rursum anno 1559. Dux Alcalensium Moderator Regni Majorem Capellanum interpellavit, ut Beneficia omnia Regii juris describeret. Protulit hæc monumenta to. 6. MSS. Chioccarellus; ubi etiam plures leguntur relationes a Magno Capellano datæ, ut vindicaret Regi quædam Beneficia, quorum memoria perierat. Præterea, si quæ circa eadem Beneficia excitatæ sunt quæstiones, an essent Regii juris, an Regiæ collationis, vel præsentationis, hæc definiebantur prævio Majoris Capellani suffragio. Neque permutationes, vel resignationes hujusmodi Beneficiorum absoluebantur sine Majoris Capellani suffragio; sique de Jurepatronatu Regio erat pronuntiandum, illius sententia præmittebatur. Et ita semper usitatum fuisse, dicitur in quadam Consultatione, quam de hac re ad Proregem dedit Consiliarius de Curtis Majoris Capellani Consultor, anno 1567. & ita quoque faciendum, Decreto Regis anno 1569. sancitum est, uti legitur to. 17. MSS. Chioccarelli. Tum in aliis quibusvis negotiis ad Ecclesias Regias spectantibus, consueverunt Proreges Majoris Capellani sententiam expetere. Ut cum anno 1587. Episcopus Puteolanus contenderet sibi decimas deberi sulphuris, quod e Puteolanis fodinis percipiébant Moderatores insignis Nosocomii sub titulo SS. Annuntiata. Et cum Ecclesiæ Episcopales Regiæ nominationis Brundusina, & Uritana ab uno, eodemque Episcopo administrarentur; moxque Uritani a Philippo II. Rege enixe petiissent, ut sibi proprius daretur Episcopus; id demum a Rege impetrarunt, explorato prius Majoris Capellani suffragio. Sed & Ecclesiæ Regii juris suis Rectoribus viduatæ, illius curæ incumbabant. Si quid enim in iis refarciendum, restituendum, renovandum erat, Majoris Capellani mandato absoluebatur. Et in quibusdam litteris Proregis Ducis Alcalensium anno 1568, quas exhibet to. 3. Chioccarellus, ad Regem datis, dicitur ex vetustissimo more fructus vacantium Ecclesiarum Regii juris administrari ab eo, quem Prorex designa-

gna-

gnaverit, atque de Majoris Capellani sententia in ipsarum Ecclesiarum usum expendi. Ex Ecclesiis vero Regiis peculiari ratione subest Majori Capellano Ecclesia S. Nicolai Barenfis, quam circa undecimi sæculi finem a nonnullis Barenfibus mercatoribus constructam, & Sancti Episcopi Reliquiis illuc advestis ditatam, ab Urbano II. & Patribus Melphitani Concilii consecratam, a Paschale II., & a Normannis Principibus pluribus privilegiis auctam, Carolus II. Andegavenfis uberioribus cumulavit beneficiis, Capellæ Regiæ dignitate decoravit, Canonicorum itidem Collegio, quorum unum sese constituit, ob summam ejus erga Beatum Episcopum pietatem, quod maritimo prælio victus, & captus ad illius opem confugisset. Insigni huic Ecclesiæ, & ejus Clero præest Antistes (is nunc est vir genere, & virtute amplissimus Petrus Carafa Teatinus) a cujus foro datur provocatio ad Majorem Capellanum. Is proinde Judicem agit illius Cleri in causa appellationis. Is etiam illorum nomina, & merita perscrutabatur, qui a Rege promovendi essent ad Ecclesias Episcopales Regiæ nominationis. Tum vigilabat, ne ulli ederentur libri, qui Regiis juribus, aut tranquillitati Reipublicæ adversarentur, cujus rei plurima exstant exempla to. 17. MSS. Chioccarelli. Ibi plura leguntur Edicta a Proregibus lata, ne ulli promulgarentur libri sine Regis consensu; quem ipsi concedebant, explorato antea Majoris Capellani suffragio. Et quoad libros alibi editos, si quid Reipublicæ tranquillitati adversarentur, excubabat vir aliquis doctus, ne ab exteris regionibus Neapolim adveherentur. Præterea in aliis quibusdam ecclesiasticis negotiis, quæ ad Principem deferuntur ab iis, qui ejus opem, & protectionem implorant, consueverunt Proreges Majoris Capellani suffragium expetere. Ut enim statutum est olim legibus Regni editis a Roberto Rege, quæ dicuntur Capitula, atque inscribuntur, *Ad Regale fastigium: Conservatorium pro laico contra Clericum: Conservatorium pro Clerico contra Clericum: De Spoliatis pro laico contra Clericum*, Neapolitani Principes protectionem suam impendunt Clericis, laicisque, ad eos confugientibus, ne suis juribus deturbentur. Hujusmodi negotia ad Principem delata, olim sub Aragoniis a Supremo Se-

natu Regis seu Consilio S. Claræ remittebantur ad Magnam
 Curiam Vicariam, cum hac formula, *servata forma Capitulorum Regni*. Sed imperantibus Austriacis remitti consueverunt ad Magnum Capellanum, uti constat plurimis exemplis to. 13. Chioccarelli, cum ea formula, *ut provideat servata forma Capitulorum Regni*. Denique hujus muneris pars præstantissima censenda est administratio Neapolitani Gymnasii, quod a Friderico II. Imperatore excitatum, Carolus I. Andegavensis pluribus collatis beneficiis, pristina restituit dignitati. Qui ut majoribus privilegiis magis incenderet adolefcentes ad scientiam comparandam, Magistratum constituit, quem Justitiarium Scholarium dixere, ad jus dicendum in illorum negotiis sive civilibus, sive criminalibus: facultate insuper facta adeundi Neapolitanum Antistitem, si remotis forensibus tractis, vellent sua negotia componi. Plures, qui sub Andegavensibus hoc munere functi sunt, memorat Summontius in Historia Neapolitana. Ille tamen incumbere juri reddendo: siquidem rei literariæ præerat Rector Academiæ, qui unus erat e Gymnasii Magistris. At supremam Gymnasii ejusdem administrationem Magno Cancellario demandari consuevisse, colligitur ex Roberti Regis litteris, quibus anno 1311. præfecit Neapolitano Gymnasio Matthæum Filomarinum, Custodem Regii Sigilli, deinde Neapolitanum Antistitem. In his enim litteris, quas exhibet Chioccarellus in Episcopis Neapolitanis, dicitur, *quia nunc Cancellarium Regni nostri, ad quem ipsius studii cura, regimen, & ordinatio pertinet, non habemus, de tua circumspectione, ac fide confisi, ejusdem Studii gubernationem, ordinationem, dispositionem, & curam, prout ad dictum Cancellarium pertinere noscitur, tibi præsentium tenore committimus, usque ad nostræ beneplacitum Majestatis*. Hinc Ingilramus Stella Regius Capellanus & Consiliarius, Magnus Regni Cancellarius, & Archiepiscopus Capuanus, supremus fuit Moderator Neapolitani Gymnasii. Deinde a Joanna II. huic addita sunt Collegia Doctorum utriusque Juris, & Philosophiæ, ac Medicinæ, eaque etiam Magno Cancellario subjecta, uti legitur in illius diplomate apud Tapiam lib. 1. Jur. Reg. de Officio Magni Cancellarii.

larii. At sub Aragoniis Regibus quandoque Major Capellanus Scholas publicas moderabatur, uti Julianus Mirtus Frangipanus, Episcopus Cajacensis, deinde Tropejensis, Major Capellanus Ferdinandi I. Regis. Ita quoque sub Austriacis; nam Antonius Lauro Episcopus Stabienlis, Majorque Capellanus regnante Philippo II. præfuit Neapolitanæ Academiæ. Et hanc administrationem Majori Capellano confirmavit Comes Lemosensium Prorex Regni anno 1616. cum amplissimas extruxit ædes scholis habendis, & sapientissimas condidit leges ad illarum dignitatem fovendam, augendamque. Rursumque id confirmatum est ab ejus successore Duce Ossunæ, lata Constitutione die 22. Novembris, ejusdem anni, quæ inscribitur, *de Regimine Studiorum*, qua Majori Capellano committitur cura Gymnasii publici, & auctoritas in Scholares omnes quarumvis scientiarum. Alia deinde Constitutione edita die 31. Novembris 1629. statutum est, neminem consequi posse Doctoris gradum, sine prævia Majoris Capellani adprobatione. Atque hæc sunt partes præclarissimi hujus Officii; ad easque implendas habet Major Capellanus suum Forum, & ministros ad jus dicendum requisitos, Consultorem quoque Juris peritum, & Consiliariis Consilii S. Claræ, quem Rex statuit e tribus a Majore Capellano exhibitis. Nostris vero hisce temporibus, quum huic Aulæ, & huic Regno, post diuturnam suorum Principum absentiam, Deus Optimus Maximus CAROLUM BORBONIUM REGEM præfecit, longe major accessit Magno Capellano dignitas, & auctoritas. Is igitur in Aula Gloriosissimi Principis, & ubicumque locorum Rex fuerit, Sacris operatur, Sacramenta Ecclesiæ aut per se, aut per alios administrat, & curam gerit animarum in Aula. Præest nedum Capellæ Palatinæ, ejusque Clero, sed & Capellis, seu Ecclesiis intra Arces constructis, earumque Capellanis; quin etiam Capellanis militum terra marique, & rei sacræ sive in castris, sive in navibus Regiis peragendæ: benedicit Regiam mensam, Regemque aduentem Ecclesias adspersit aqua benedicta: refert ad Regem de concedendo nec ne Placito Regio: inquirit nomina, & merita eorum, qui a Rege donandi sunt Sacerdotiis sui juris, quorum tres Regi proponit: vacante aliqua.

Ec-

Ecclesia Regiæ collationis, Principem ejus rei conscium facit, proponitque Œconomum, qui illius Ecclesiæ proventus administraret. Invigilat edendis libris, statuitque eos, quorum censuræ subjiciendi sunt, antequam typis committantur: denique insigne, & celeberrimum Neapolitanum Gymnasium, ubi tot doctissimi viri tradendis disciplinis, ac rei litterariæ illustrandæ operam navant, moderatur. Jam vero ex iis omnibus, quæ dicta sunt, constat disertissime, quanta sit affinitas inter veterem Archicapellannum Regum Francorum, & Majorem Capellannum Regni Neapolitani, eo præsertim nomine, quod plurima ecclesiastica negotia ad Principem delata, Majoris Capellani suffragio absolvantur. In eo tamen is & veteri Archicapellano, & Magnis Capellanis aliorum Principum præstat, quod ejus curæ, & jurisdictioni subdantur Capellæ, & Capellani Arcium totius Regni, Capellani itidem castrenses, & maritimi, tum milites, qui terra, marique Regiis stipendiis aluntur, uti ex dicendis compertum erit.

XIV. Antequam huic Capiti finem imponamus, varii recensendi sunt tituli, quibus variis in Regnis Magnos Capellanos donarunt. In Aula Regum Francorum primæ stirpis dicti sunt Abbates Palatini Oratorii, quia instar Abbatum præerant Ecclesiæ Palatinæ, ejusque Clericis. Tum sub secunda stirpe, Archicapellani vocabantur, quod Capellanis omnibus imminerent; & hinc quandoque Summi, & Magni Capellani nuncupati fuere. Nam in epistola Concilii Carisiacensis ad Ludovicum Fulradus nominatur Summus Capellanus Regis Pipini: & Guntharius dicitur ab Hincmaro Remensi Magnus Capellanus Regis Lotharii. Is idem in Concilio Aquigranensi nominatur Archicapellanus Sacri Palatii. Angilbertus appellatur Abbas, & Minister Capellæ ab Hadriano Papa in epistola ad Carolum Magnum. Hilduinus dictus est Antistes Sacri Palatii ab Agobardo Lugdunensi in quadam epistola ad ipsum data: & Drogo Metensis Episcopus, Archipalatinus Præsul in apologetico Ebbonis; & alibi Senior Capellanus. Primicerii quoque titulus Magnis Capellanis datus legitur, ut Angilberto, & Angilramo. Archipresbyterum Franciæ appellat Fulradum Hadrianus I. in epistola quadam a Flodoardo

re-

relata. In præfatione Concilii Moguntini anno 813. legitur Hildeboldus Sacri Palatii Archiepiscopus. Censet tamen Fiesacus in lib. de sacr. Episc. auctor. cap. 9. §. 15. pro Archiepiscopo legendum esse Archicapellatum. Sed potuit ille Archiepiscopus vocari, quod honoris causa eo esset ornatus titulo; nam in vita Leonis III. scripta ab Anastasio, ille idem nominatur Archiepiscopus, & Capellanus. Angilramus quoque, etsi Metensis esset Episcopus, tamen Archiepiscopus dicitur can. 55. Concilii Francofordiensis; non quod Archicapellatus esset, siquidem ejus prædecessor Grodegangus dictus est etiam Archiepiscopus ab Alcuino, sed quod titulo Archiepiscopali, & Pallio donatus esset. Consueverunt enim Romani Pontifices honoris causa quibusdam Episcopis Pallium, & Archiepiscopalem titulum conferre; uti Gregorius Magnus Siagrio Augustodunensi, in gratiam Brunehildis Reginae. Et hæc etiam causa esse potuit, cur Aiglibertus Episcopus Cenomanensis, nuncupatur quandoque Archiepiscopus. Sub tertia stirpe Regum Galliae, qui hoc munus gerebat Capellanus, & Eleemosynarius, deinde Magnus Eleemosynarius dictus est. In Hispania, uti etiam in Lusitania, Majoris Capellani nomine hoc officium exprimebatur. In Aula nostrorum Principum, olim Magistri Capellani, & Magistri Regalis Capellae appellabantur, qui hoc munere donati erant: quemadmodum Magistri Justitiarum dicebantur, qui præerant juribus reddendis; Magistri Rationales, qui imminabant Regio ærario; Magistri Tabellariorum, qui præfati erant iis, qui commutatis equis celeriter itinera conficiunt. Quin etiam in Gallia Magistri titulus legitur datus Magno Capellano. Nam Lupus Ferrariensis ep. 110. vocat Hilduinum Ecclesiasticorum Magistrum. Et Grimoldus sub Ludovico Rege filio Ludovici Pii, dicitur Magister a Walafrido, cui is nuncupavit Poemata de Re Hortensi. Sub tertia vero Regum dynastia Episcopum Sylvanectensem, qui circa annum 1285. Capellam Regiam moderabatur, appellatum Magistrum Capellatum Regis, testatur Peiratus lib. 1. cap. 53. Is idem lib. 1. cap. 21. scribit, olim, qui præerat Clero Sanctæ Capellæ Parisiensis, nuncupatum fuisse Magistrum Capellatum Sanctæ Capellæ. Nunc etiam temporis in Aula.

R

Re-

Regum Galliae, qui imminet Oratorio Regis, dicitur Magister Oratorii, sicuti qui imminet Cantoribus, Magister Capellae Cantorum. At regnantibus Aragoniis Neapolitanis Regibus, invaluit Majoris Capellani titulus, quo ad hæc usque tempora amplissimum hoc munus donatur.

C A P U T IV.

DE PRIVILEGIIS CAPELLÆ REGIÆ, CLERI PALATINI, ET MAGNI CAPELLANI.

De origine, & progressu Privilegiorum. ii. De Privilegiis Capellarum, & Capellanorum Regum Angliæ. iii. Et Regum Galliae. iv. Hispaniæ. v. Lusitaniæ. vi. Privilegia concessa a Gloriosissimo Pontifice BENEDICTO XIV. Magno Eleemosynario Regum Sardiniae. vii. Dubia, & Declarationes circa eadem Privilegia. viii. Album exemptorum in Aula Regum Sardiniae. ix. Antiqua jura Majoris Capellani Neapolitani Regni. x. Privilegia eidem collata a laudato Pontifice Maximo BENEDICTO XIV.



Ecclesiæ disciplina, quemadmodum diversis temporibus juxta varias locorum, rerum, & personarum circumstantias, quibus accomodanda fuit, varias subiit mutationes, quoad innumera fere ecclesiasticæ rei capita, ut in ordinandis Clericis, eligendis Episcopis, convocandis Conciliis, injungendis poenitentiis, relaxandis canonibus; ita quoque in privilegiis, & exemptionibus concedendis. Has omnes mutationes complectitur doctissimus Thomassinus in notissimis libris de veteri, & nova Ecclesiæ disciplina, ubi illud frequenter inculcat, serviendum esse legibus, moribusque jam receptis; actum esse de pace publica, si omnia ad antiquatas legitima auctoritate regulas revocentur; & cuique laudandam, atque sequendam esse sui temporis Ecclesiæ disciplinam. Sane pristinis sæculis vix ulla dabantur Ecclesiis, aut Monasteriis, Clericis, sive Monachis privilegia, quæ plenissimam

simam libertatem ab omni spiritali Episcoporum jurisdictione involverent. Nam antiquissima privilegia sæculo sexto, & deinceps indulta Monasteriis, nonnisi respiciebant illorum bona temporalia, & liberam Abbatis electionem, quæ ab Episcopis turbabatur, utpote qui sibi vindicabant jura quædam in ordinatione Monachorum, benedictione Abbatum, consecratione Altarium, pro receptione Chrismatis, pro Synodico, & Cathedralico. Monasteria insuper magnis sumptibus in visitatione gravabant, sibi que adscribebant jus Abbates constituendi. Fusc ostendunt Thomassinus p. 1. lib. 3. & Vanespenius Jur. Canon. par. 3. tit. 12. alique, vetustissima privilegia non aliud sere complecti, quam exemptiones a juribus jam recensitis, liberam Abbatum electionem, & quæ ad conservandam Monasticam quietem, ac disciplinam conducere videbantur; salva tamen spiritali Episcoporum jurisdictione. Nonnulli quidem totalium exemptionum originem referunt ad tempora S. Gregorii Papæ, cui adscripta sunt privilegia quædam plenissimæ libertatis concessa Monasteriis Gallicanis S. Medardi, & S. Germani, & Xenodochio Augustodunensi: quæ tamen Launojus, alique eruditi inter supposititia recensent. Alii initium exemptionum repetunt a Synodo Carthaginensi anno 524. sub Bonifacio Episcopo; cujus mentio fit in alia Synodo Carthaginensi anno 534. sub Reparato, ibique dicitur, nil esse juris Episcopis in Monasteria, nisi quoad Clericorum ordinationem, & Altarium consecrationem. Illud tamen certum est, sæculis undecimo, & duodecimo omnimodas exemptiones Monasteriis, Ecclesiis, Capitulis, Clericorum Collegiis, Xenodochiis, Societatibus Equestribus indultas potissimum viguisse; easque majus incrementum accepisse flagrante schismate Avenionensi: & hinc graves querelæ Bernardi, Petri Blesensis, Petri Cantoris, Joannis Sarisberiensis; tum etiam Episcoporum in Conciliis Viennensi, Constantiensi, Lateranensi, ubi actum est de iisdem libertatibus revocandis, quæ penitus enervarent ecclesiasticam disciplinam. Neque olim a solis Romanis Pontificibus annuebantur privilegia exemptionum; sed etiam ab Episcopis, & Regibus, accedente Episcoporum consensu; uti fusc tradunt

plurimis allatis exemplis Thomassinus, & Vanespenius. Idque præsertim locum habuit, cum ab ipsis Ecclesiarum, aut Monasteriorum Fundatoribus hujusmodi immunitates efflagitabantur: siquidem pluribus evincit doctissimus Thomassinus par. 1. lib. 3. cap. 31. & 34. potuisse Ecclesiarum Fundatores eas ab Ordinariorum potestate subducere, & Apostolicæ Sedis immediate subjicere. Quemadmodum in Africa fuerunt plurima Monasteria in quacumque Diœcesi, vel Provincia fundata, quæ non Episcopi Diœcesani, sed illius Episcopi jurisdictioni suberant, cui illa subjicere voluissent eorum Fundatores, ut plurimum vero Episcopo Carthaginensi. Similiter in utroque Patriarchatu Orientis fas erat Monasteriorum Fundatoribus, in quacumque erigerentur Diœcesi, ea subjicere Patriarchæ in ipsa illorum fundatione; tunc Episcopo Diœcesano nulla erat potestas in illa Monasteria, ne Ordinum quidem conferendorum, aut Abbatis consecrandi, aut Missæ celebrandæ. Quin id quoque juris sibi tribuebant Metropolitæ, intra suam Provinciam, etsi iis non raro repugnabatur. In Neapolitano Regno ex antiquissimo more Episcopi, aut iis consentientibus, Principes libertatibus, atque exemptionibus donarunt Ecclesias, quas vel ipsi fundaverant, vel earum Fundatores privilegiis donari exoptaverant. Refert Ughellius in Episcopis Beneventanis Diploma Arechis Beneventi Ducis & Longobardorum gente, quo confirmat exemptionis privilegium latum a Joanne Episcopo in favorem Ecclesiæ S. Mariæ, & S. Martiani, quam Gardino Abbas fundaverat. Ibi dicitur: *Nostra quidem gloriosa potestas juxta membranam ipsius Joannis Episcopi in prædicta Ecclesia hoc nostrum absolutionis præceptum firmavit ea ratione, ut tantummodo ad nostrum sacrum Palatium audientiam habere debeat, sicut & cætera nostra Monasteria in nostra sint semper potestate, ordinandi in ipsa nostra Ecclesia, qualiter nostræ eximietati placuerit, & a nullo Episcopo hujus sanctæ sedis Ecclesiæ nostræ Beneventanæ, vel a quibuscumque Sacerdotibus, umquam requiratur in sua jurisdictione.* Datum est hoc privilegium circa annum 769. ex quo constat, fuisse ea ætate nonnullas Ecclesias, quæ Principes declarabant sui juris, quæque dicebantur pertinere ad Sa-

Sacrum Palatium. Simile privilegium exhibet ibidem Ughellius datum ab Atenulpho, & Landulpho Beneventanis Principibus in favorem Ecclesiæ S. Joannis: & in Episcopis Salernitanis, plura profert hujusmodi exemptionum privilegia, quæ Salernitani Episcopi, aut Principes Ecclesiis a se, vel ab aliis constructis concessere. Normannis deinde imperantibus, plurimæ Ecclesiæ exemptionibus donatæ sunt, quod essent juris Principum. Tassonius in lib. de Antef. ver. 4. obfer. 5. refert privilegium quoddam a Comite Rogerio anno 1094. S. Brunoni concessum, ubi dicitur, *quod Monasterium Arsaphiæ Capella mea erat exempta ab Episcopali jurisdictione per Sacrosanctam Romanam Ecclesiam*. Ecclesia quoque Barenfis S. Nicolai jam tum temporis exempta erat, uti colligitur ex privilegio Alexandri Comitis Copertini, jubente Rogerio, illi Ecclesiæ dato; & ex privilegio Paschalis II. dato anno 1106. Eustachio Abbati illius Ecclesiæ, petente Boemondo Antiochiæ Principe, & Domino Bari, quæ profert Ughellius. Hinc Bonifacius VIII. in Bulla data anno 1296. in gratiam Caroli II. Andegavenfis, dixit hanc Ecclesiam esse Sedi Apostolicæ subiectam, ut apud Beattillum, & Chioccarellum legitur. Pariter Ecclesiam Altamuræ Fridericus II. Imperator excitavit, & exemptionis privilegio donavit anno 1232. cui consensit Innocentius IV. dato diplomate anno 1248. Eodem modo res se habuit in Sicilia; ubi insigne Messanenſe Monasterium S. Salvatoris a Comite Rogerio fundatum, & Archimandritatus titulo more Græcorum insignitum, Rex Rogerius hoc auxit privilegio anno 1130. apud Pirrum in notitia illius Ecclesiæ: *Volumus præterea, idem nostrum Monasterium esse liberum, & exemptum ab Archiepiscopis, Episcopis, & similiter ab omni persona ecclesiastica, & seculari. Ejus Prælati, & sui successores, si forte acciderit dubitatio alicui ex aliquo, volumus, quod non respondeant, nisi coram nobis, & heredibus, & successoribus nostris*. In altero vero diplomate dato anno 1134. ita statuit Rogerius: *Ipsam Archimandritam ipsius Monasterii Salvatoris perpetuo confirmamus, & volumus habere dominationem, & propriam potestatem in omnibus dictis Monasteriis, & Grangiis subiectis, ac Abbatibus, & Mo-*

Monachis, & hominibus omnibus, Clericis, & laicis, tam in spiritualibus, quam in temporalibus, & diligenter examinare, & recte judicare, & ad finem causas perducere, sicut Pater Archimandrita, & successores ejus non judicentur ab aliqua persona, neque alicui respondeant, nisi nostræ soli Celsitudini, & successoribus nostris. Unde in quadam Sixti IV. Bulla data anno 1471. & ab eodem Pirro relata, dicitur: *Rogerus Rex antedictum Monasterium cum illud construxit, edificavit, fundavit, & Capitulo Ecclesiæ Messanensis ibidem presentibus, & volentibus, & consentientibus, ab omni eorum, & cujuslibet alterius Prælati, & Ordinarii superiorum exemptum esse voluerit.* Patet itaque, frequentissima exemptionum privilegia ab Episcopis, vel a Regibus de consensu Episcoporum indulta Ecclesiis, quarum ipsi Fundatores extiterant. Et hinc cum ab Episcoporum potestate Ecclesiæ illæ eximerentur, necesse erat illarum Rectoribus, aut Abbatibus similem jurisdictionem communicare. Ita Ecclesiæ S. Nicolai Barenis Priori, Ecclesiæ Altamuræ Archipresbytero, Monasterium Messanense S. Salvatoris Archimandritæ subiciebantur. Et Abbatibus passim concessa est Episcopalis jurisdictio, uti Abbati Cavensis Monasterii, quem Urbanus II. anno 1092. permisit omnia jura Episcopalia exercere, iis exceptis, quæ sunt Ordinis Episcopalis. Imo in nonnullis Monasteriis constituti sunt Episcopi Monasteriorum, qui nempe ea omnia ibi agebant, quæ Episcopale desiderant ministerium. Jam vero quis ibi inficias, studuisse Reges Capellis, Capellanisque suis ea privilegia accumulare, quæ sæpe conferebant, vel conferri procurabant in Monasteria, aliasve Ecclesias quamplures? Atque hæc quidem exemptiones eo æquius indulgebantur, quod non tam personas, aut loca, quam Reges ipsos respicerent. Ecclesiæ enim quovis sæculo in gratiam Summorum Principum consuevit aliquid remittere de receptis legibus, generalique disciplina, cujus rei plurima adduci possent exempla; illud vero potissimum, quod Episcopis, Clericisque veniam fecerit residendi, si Regibus, aut Regno famularentur. Hinc ubi nimis exemptionibus locorum, & personarum arctiores limites assignarunt Tridentini Patres; Capellis tamen, & Capellanis

Re-

Regum pristinam immunitatem conservarunt. Cum enim decrevisset Concilium sess. 22. cap. 8. Ecclesias omnes licet exemptas visitandas ab Episcopo, tum etiam alia loca pia omnia, addidit hanc exceptionem, *non tamen, quæ sub Regum immediata protectione sunt, sine eorum licentia*. Et quoad Capellanos Regios confirmavit sess. 24. cap. 11. Decretalem Innocentii III. relatum Cap. *Cum Capella de Privilegiis: Quoad Capellanos Regios*, ait Concilium, *juxta Constitutionem Innocentii III. Cum Capella, subiecti existant Episcopis tamquam Sedis Apostolicæ Delegatis*. Ea Decretalis, jubet servanda exemptionum privilegia Capellanis Principum data; qui tamen, si ab Episcopo præfecti sint Ecclesiis Parochialibus, quoad hanc curam animarum Episcopo subjiuntur.

II. Ambigendum itaque minime est, quin Capellæ, & Capellani Principum, pluribus olim privilegiis adfluxerint, juxta cujusque temporis disciplinam. Quod in Anglia præsertim contigisse auctor est Thomassinus p. 1. lib. 3. cap. 36. ubi ex antiquis Constitutionibus Regum Angliæ refert, Eduardum declarasse Capellas suas Regias immunes penitus ab omni ordinaria jurisdictione; Clericos earumdem ab Episcopo cogi non posse, quamdiu Regis immorantur obsequiis, vel in Ecclesiis ut resideant suis, vel ut sacris Ordinibus innectantur; eo jure semper usos esse Angliæ Reges, eisque fas esse, Clericos retinere suis devinctos obsequiis, quamdiu illis placuerit; concessisse Innocentium IV. diploma, quo Capellæ Regiæ Anglicanæ solvebantur a censuris ab Episcopo latis, & a procurationibus solvendis, Sedique Apostolicæ immediate subiciebantur. Cangius in Glossario verbo *Capellæ* indicat Chartas Henrici II, & Henrici III. Regum Angliæ, quæ declarant Capellas quasdam Regales nulli Ordinario, sed immediate Sedis Apostolicæ subiectas. In has exemptiones insurgabant quandoque Episcopi; quas tamen Reges tuebantur innixi consuetudine, quæ hominum memoriam excederet. Observat proinde doctissimus Thomassinus, in hisce privilegiis Anglicanis mentionem non haberi a Regibus de Bullis anterioribus ullis Pontificum: unum astrui exemptionis fundamentum, possessionem, cujus initii nulla usquam existat memoria: potuisse er-

go

go solam consuetudinem, & spontaneam Episcoporum consensionem, concessionemque his libertatibus dedisse initium, quas præscriptio postea roborasset: Capellas Regias subductas Dioecesani Episcopi potestati, alii subjectas fuisse Episcopo Regis Capellano; cumque semper essent Regibus Episcopi quidam obeuntes munus Capellani, poterat per istiusmodi Episcopos jurisdictio Episcopalis in has Capellas exerceri, & præscribi contra Dioecesanos. Ita ille disciplinæ ecclesiasticæ peritissimus. Caterum erat quoque Archiepiscopo Cantuariensi jus, ut in singulis Dioecesibus sibi subiectam haberet Ecclesiam, ubi omnia munia Episcopalia exerceret, nonnisi veteri consuetudine roboratum. Scribit quidem de hac re ad Wulstanum Episcopum Vorcestrensem Anselmus Cantuariensis lib. 3. ep. 19. *Testante omni genere hominum, qui sunt in Cantuariensi Dioecesi, & in aliis Episcopatibus, qui sunt circa eandem Dioecesim, semper Archiepiscopus Cantuariæ hanc habuit potestatem, & consuetudinem, ut intra cujusque Episcopi Dioecesis haberet Ecclesia Cantuariæ villam, aut Ecclesiam, quæ ejusdem Archiepiscopi proprii juris essent, quidquid de eadem villa, vel Ecclesia pertineret ad Episcopale officium, sive Dedicatio, sive aliquid aliud. Adhuc vivunt innumerabiles homines, qui viderunt Antecessorem meum Lanfrancum Archiepiscopum dedicare Ecclesias villarum suarum intra Dioeceses aliorum Episcoporum sine calumnia. Quod etiam S. Dunstanus, & alii prædecessores mei fecisse probantur, ipsis Ecclesiis, quas dedicarunt adhuc stantibus. Provocabat itaque ad veterem consuetudinem, ut sua jura vindicaret. Atque adeo facile fuit, ut privilegiis Capellarum, & Capellanorum Regum antiquo usu roboratis Episcopi consentirent. Cujus rei argumentum suggerit Concilium Londinense anno 1221. a Waltero Episcopo celebratum, quod cap. 6. vetans sub gravibus poenis, ne sine Episcopi Dioecesani licentia agerentur Missarum solemnitas in Oratoriis domesticis, exceptit tamen Sacerdotes illos, quos in Oratoriis, vel Capellis Regum, seu Reginarum Angliæ, seu Liberorum suorum crectis, vel erigendis Missas celebrare contigisset.*

III. Vetustissima indicari possunt, initia exemptionum, qui-

quibus Capellani, & Capellæ Regum Galliæ fruebantur. Ut enim testis est Adeldardus in libello de Ordine Palatii, seu Hincmarus ep. 3. ad Episcopos Franciæ, Clerus Palatinus Magno Capellano suberat: *Apocrisarius autem, quem Nostrates Capellanum, aut Palatii Custodem appellant, omnem Clerum Palatii sub cura, & dispositione sua regebat.* Et Concilium Moguntinum anno 813. celebratum can. 22. in tres classes distinxit Clericos universos, alios sub Episcopi cura, alios Abbatibus subjectos, alios in *servitio Domini Regis* constitutos: quo ipso innuit Clericos Palatinos subductos Episcoporum potestati. Hinc hujusmodi Clerici, plures sibi vindicarunt libertates, quæ cum ecclesiastica disciplina insigniter læderent, canonibus Conciliorum comprimebantur. Ex Concilio Francofordiensi can. 38. colligitur, illos id sibi juris asseruisse, ut communicarent cum Presbyteris, quos Episcopus communionem suam privaverat; & hanc disciplinæ relaxationem vetuit Concilium, cujus inducendæ nulla alia esse potuit causa, nisi illorum exemptio. Eodemque jure excipiebant Clericos aliarum Diocesium sine proprii Episcopi consensu: unde Concilium Aquifgranense anno 836. can. 23. decrevit: *De Presbyteris, qui in Palatio morantur, ut sine proprii Episcopi consensu, ibi locum consistendi non habeant, nec recipiantur.* Et Concilium Meldense anni 845. can. 58. statuit, ut ne Clericus aliquis adjungeretur Clero Capellæ Regiæ, in scio Episcopo suo: *Cum quilibet Canonorum ad Regiam venerit Majestatem, & suo se voluerit mancipare servitio, consensu Episcopi, ad cujus Diocesim pertinere dignoscitur, eum recipiat. Et si in Ordine Clericali eum promovere voluerit, manus ipsius impositione ad ecclesiasticum ordinem, si dignus fuerit, consecratur.* Nulli itaque Clerici, in scitis, vel invitis Episcopis suis, poterant in Capellam Regiam assumi; etsi hujus Clero adscripti, jam haberentur tamquam exempti, ideoque vocarentur *liberi Clerici*, quemadmodum Fauchetius in libro de Familia Caroli M. cap. 16. & Peiratius lib. 1. de Orat. Reg. Galliæ cap. 16. adnotarunt. Ea phrasis, qua exemptio Clericorum Aulicorum indicatur, occurrit in Concilio Tullensi anno 859. ubi Carolus Calvus agebat, se Episcopatum Senonensem contulisse

Weniloni Clerico meo in Capella mihi fervolenti, qui more liberi Clerici se mihi commendaverat, & fidelitatem sacramento promiserat. Neque sine consensu Episcopi excitabantur Palatinæ Capellæ, ut patet ex lib. 5. Capitul. Caroli M. cap. 182. *Ne Capellæ in nostro Palatio, vel alibi sine permissu Episcopi, in cujus Parochia sunt, fiant.* Et tamen eæ erant exemptæ: ideoque Concilium Pariliense an. 829. lib. 3. cap. 19. hortabatur Ludovicum Pium, ne sineret indignos in Regiis Capellis ministrare; & ut Aulici, saltem diebus festis, adessent Sacro. Sane cum summa esset in toto Regno Archicapellani dignitas, & auctoritas; summaque etiam esset Episcoporum in Archicapellanum observantia, dubitari vix potest, quin iis ultro consentientibus, Archicapellanus plenissima libertate, præfuerit sacro Aulæ ministerio, & Clericis Palatinis. Posterioribus sæculis Romani Pontifices Capellas, Capellanos, ipsosque Reges Galliæ plurimis privilegiis cumularunt; quæ collegit, ediditque Tilletius, quæque memorantur a Chopino, Thomassino, Peiratio, Degraffalio, aliisque. Honorius III. Philippo Augusto Regi fas esse decrevit audiendi Sacrum, & Divina Officia in locis interdictis. Alexander IV, & Clemens IV. in gratiam S. Ludovici Regis declararunt, neque Regem, neque Reginam, nec successores adstringi sententia excommunicationis, aut interdicti, sine expreso consensu Apostolicæ Sedis: quod & confirmavit Clemens VI, addiditque, nec Regias Capellas interdicto subiacere, nisi Sede Apostolica consentiente. Idem Clemens VI. Joanni Regi, ejusque successoribus potestatem dedit ingrediendi Monasteria tam virorum, quam mulierum, in iisque manendi, dummodo eorum Monasteriorum Præfules ne dissentirent. Ab eodem Pontifice, lata Bulla Kalendis Maji, anno nono Pontificatus, declaratum fuit, eos omnes, qui in Aula versabantur Joannis Regis, & successorum, nonnisi in casu necessitatis, & quod ecclesiastica Sacramenta subjici Parochiis, & Episcopis locorum, ubi Regium fuerit domicilium. Rursum eodem anno pluribus Bullis a Tilletio relatis Clemens VI. auxit Confessarium Regis potestate absolvendi Regem, Reginam, & successores a criminibus, quorum absolutio esset Ro-
ma-

manæ Sedi reservata ; tum etiam ab excommunicatione Canonis, dummodo non intervenerit sanguinis effusio in Clerici percussione: potestate itidem absolvendi Regem a juramentis, votisque, exceptis tamen votis peregrinationis Romanæ, Compostellanæ, & in Terram sanctam, ac voto Castitatis: audiendi insuper Confessiones eorum omnium, qui Regis, aut Reginae, & successorum Aulam comitentur: eosdem absolvendi ab omnibus criminibus Romano Pontifici haud reservatis, & ministrandi ipsis Ecclesiæ Sacramenta: permittendi quoque esum carnum iis omnibus, qui prædictos Reges in castris sequerentur, exceptis feria sexta, Quadragesima, Vigiliis Natalis Domini, Pentecostes, Omnium Sanctorum, Assumptionis Deiparæ Virginis, S. Joannis Baptistæ, & S. Laurentii; & dummodo non ullius voti religione abstinendi ab esu carnum obligarentur: Confessariis itidem Regis, Reginae, & successorum indulgit Pontifex carnum usum, etiam sui Instituti professione prohiberentur: tandem eisdem addidit facultatem concedendi Regi, Reginae, & successoribus Indulgentiam plenariam, morte imminente. Verum non Confessariis tantum, sed & cæteris Capellanis Regum Galliarum Romani Pontifices plurima privilegia contulerunt. Nam ex Bullis Clementis VI. a Tilletio editis, Capellani Regum Galliarum sive Clerici, sive Monachi in persolvendis Divinis Officiis, licite adhærere possunt Ritui Ecclesiæ Parisiensis, qui tum vigeat in Palatina Capella, neque obligantur servandis Ritibus suæ Diocesis, aut Monasterii: neque inviti subire coguntur Delegationes, aut Mandata eis ab Episcopis, vel Romana Sede commissa: licite quoque possunt a quocumque Episcopo ad Sacros Ordines promoveri: neque in excommunicationem incidunt communicando cum excommunicatis, nisi sint participes criminis: neque ab obsequio Regis divelli possunt, ut ab excommunicatione, si in eam inciderint, absolvantur. Et hinc putarunt nonnulli, Ministros Regum Galliarum haud excommunicatione innodari posse: quod tamen eo sensu intelligendum est, ut eis Romanam commigrandum non sit ad censuram relaxandam. Præterea ex ejusdem Pontificis Bulla data die 20. Aprilis, anno nono Pontificatus, Capel-

lani, Clericique Regum, & Reginarum Galliæ, licet lege residendi in suis Beneficiis eximantur, horum tamen proventus eis permittuntur. Et Tilletius testis est, Alexandrum IV. Martinum IV. Gregorium X. Joannem XX. eadem immunitate residendi donasse Clericos obsequiis addictos Regum Francorum. Illam Clementis VI. Bullam exhibent Carolus Degraffallius lib. 2. Regalium Franciæ, & Chopinus lib. 3. cap. 30. de Demanio Franciæ. Ibidem Chopinus profert Joannis XXII. Bullam, qua Pontifex Canonicis Palatinæ Capellæ Pariliensis nedum indulget exemptionem a residentia in suis Beneficiis, verum etiam ab auctoritate Episcopi Pariliensis, & Archiepiscopi Senonensis. Et Peiratius lib. 3. cap. 8. & 9. plurima adducit Regum Galliæ Ediçta, ut id juris Capellanis suis vindicarent, cum a Capitulis Cathedralibus ad residentiam compellebantur. Quamvis vero a Tridentino Concilio irritæ declaratæ sint dispensationes omnes perpetuæ residendi; attamen, ut observat Thomassinus p. 2. lib. 3. cap. 72. cum non Beneficiariis ipsis, sed Regibus privilegia hæc indulta fuerint, & de iis revocandis nulla expressa fuerit mentio facta, censendum non est, derogatum illis voluisse Patres Tridentinos. Observat etiam vir doctissimus, perpetuam non esse illam residentia relaxationem; siquidem coarctatur ad tempus, quo illi sunt in obsequio. Addit, decretis Henrici III. statutum esse, ut expleto suo ministerio, Capellani Regii suis adhæreant Ecclesiis; coarctatum quoque fuisse exemptorum numerum, cum ex illorum copia, Ecclesiæ suis destitutæ ministris conquererentur. Hanc autem residendi immunitatem porrigi etiam ad Clericos Consiliarios Senatus Regii censet Chopinus lib. 3. de sac. Polit. cap. 3. quod in Bulla Clementis VI. sermo sit nedum de Capellanis, sed & de Clericis Regum, atque adeo de Clericis Consiliariis; eo præsertim nomine, quod hi Regi, & Regno inservientes, censendi sint, ac si præsentés adessent Ecclesiis suis, ad inftar Canonicorum Episcopo inservientium, quos immunes fecit a residentia Alexander III. Cap. *Ad audientiam*, De Cler. non resid. *Cum absentes dici non debeant, sed præsentés, qui te-cum pro tuo, & ipsius Ecclesiæ servitio commorantur.* At mor-

gent

vent alii litem Consiliariis Clericis de hac immunitate, quorum momenta refert Thomassinus; & is re utrinque discussa, tutissimum sibi videri dicit, neutram in partem præcipitare sententiam, suæque illos sapientiæ, & conscientiæ permittere, quorum res agitur. Cæterum ea immunitate donandi fuerunt Capellani Regum, quod his plurima Regni Beneficia conferri mos erat. Ut enim tradit Peiratus lib. 3. cap. 9. & 10. tum Romani Pontifices, tum Reges, præsertim Carolus IX. Henricus III. Henricus IV. non pauca sui juris Sacerdotia reservata, & affecta Capellanis Regiis declararunt. Imo cum Galliæ Reges eo jure fruuntur, ut post suam inaugurationem, ad illorum collationem spectet prima quævis Præbenda vacatura in Ecclesia qualibet Cathedrali, vel Collegiata, de qua re agit Degraffalius lib. 2. Regalium Franciæ; tum etiam, ut Regiæ collationis sit post fidelitatis sacramentum ab Episcopo recentur ordinato. emissum, quæ omnium prima in hujus Ecclesia conferenda sit Præbenda; has Capellanis suis concedere Reges consueverunt. Plura de hac re habet Rhenatus Chopinus lib. 2. Monasticon tit. 3. n. 21. & lib. 2. de Demanio tit. 10. n. 16. & lib. 1. de sacr. Polit. tit. 7. n. 4. & 15. Denique Clerici Palatini Regum Galliæ, siue sint Capellani, siue aliis gerendis officiis Aulæ incumbant, judicem, & disceptatorem suarum litium, ac causarum habent Abbatem S. Genovefæ, ut tradit Rhenatus Chopinus lib. 2. de sacra Polit. tit. 5. n. 5. Tum etiam ex Bulla Alexandri IV, quam refert Tilletius, Abbas S. Dionysii constitutus est vindex privilegiorum, quæ Regibus, & eorum Clericis Romani Pontifices concessere. Quod Magnum Eleemosynarium spectat, Peiratus libro 1. cap. 62. fufe probat, ipsum esse Episcopum Aulæ, quod nempe successerit veteri Archicapellano, qui certe agebat Antistitem Aulæ; quod hæc sit plurium Auctorum sententia; quod etiam in Hispania Major Capellanus sit Episcopus Aulæ; quod ex Regestis annorum 1559. & 1560. constat, datam a Magno Eleemosynario facultatem Capellanis Regiis audiendi Confessiones, & administrandi Sacramenta Aulicis omnibus; quod Clemens VI. donaverit Eleemosynarios Regis, & Regine potestate absolvendi omnes illorum domesticos; quod apud
Re-

Regeni nonnisi ille Sacris operatur, nec ulli Prælato id fas sit, nisi eo permittente; quod denique primum inter omnes Episcopos obtinet locum, quum Rex sacris rebus incumbit. Optat tamen, ut ad hanc Magni Eleemosynarii spirituales jurisdictionem firmitus roborandam, Francorum Reges aliquam a Romanis Pontificibus Constitutionem impetrarent, ei similem, quam obtinuerunt Reges Hispaniæ. Si enim Monachis San-Dionysianis ab Episcopi Diocesani jurisdictione exemptis Stephanus III. Pontifex concessit, ut illorum unus esset loco Episcopi, tam in ipso Monasterio, quam in aliis Monasteriis eidem subjectis; quidni Regibus erit concedenda facultas nominandi Prælatum aliquem, qui Episcopale ministerium in Aula, exerceat? Et eodem lib. 1. cap. 20. probat contra Tilletium, Parisiensem Episcopum haud esse Parochum Aulæ, atque nullum hujus rei vestigium in Historia occurrere: *car l'Evesque de Paris n'a jamais eu autorité dans la Cour, s'il n'a esté pourveu de quelque dignité dans la Chapelle du Roy: comme le Cardinal de Gondy, quand il a esté honoré de la dignité de Maître de l'Oratoire du Roy, & le Cardinal de Retz son neveu, quand il a esté pourveu de la mesme dignité, & encore son frere Archevesque de Paris, qui exerce aujourduy la Charge de Maître de la Chapelle de Musique en la Chapelle du Roy. Nos Roys n'ont point d'autre Paroisse, que leur Chapelle, la quelle est par tout ou Sa Majesté oyt le service Divin, célébré par les Ecclesiastiques de sa maison.* Addit, nullis fas esse coram Rege Sacra ministrare, nisi vel ejus Capellanis, vel Magno Eleemosynario permittente: morem quidem vigere, ut in quocumque loco Rex fuerit, quotidiana oblatio Parocho illius loci concedatur; id tamen honoris causa fieri, non quia Rex sit illius Parochianus: Cardinalem Rochefocaltium Magnum Eleemosynarium anno 1625. in ipsa Cathedrali Parisiensi benedixisse nuptias inter Mariam Henrichettam Ludovici XIII. sororem, & Regem Angliæ: falso denique a Tilletio asseri, quod ad Episcopum Parisiensem spectat Regiæ funera moderari, cum id spectet ad Magnum Eleemosynarium, qui proinde ultimus post omnes Episcopos incedit, proximior Regio cadaveri. Peiratio suffragantur alii Scrip-

ptores. Nam Joannes Lomedus in tractatu privilegiorum scribit: *Aulicis exemptis Magnus Eleemosynarius est pro Episcopo*: & Petrus Gallandus in vita Petri Castellani: *Aulæ Regiæ unus Episcopus est; quocumque in loco per totum Regnum Rex vorsetur, ab eo Sacramenta petere solet*: & Rovillardus in libro de Magno Eleemosynario scribit, hunc esse Episcopum Regis; etsi ipse censeat, Antistitem Parisiensem esse Parochum Aulæ. Alii tamen ab hac sententia dissentiunt, uti Pontasius in Dictionario Casuum Moralium to. 3. tit. de Simonia cas. 47. ubi proposita questione, an sit simoniacum pretio assequi Eleemosynarii Regii munus; disputat in utramque partem, an M. Eleemosynarius sit Aulæ Episcopus. Tum Peiratii præcipua momenta convellit, quod nempe Archicapellanus olim ageret Episcopum, nonnisi ex Episcoporum consensu; quod jura ex privilegio Pauli V. concessa Majori Capellano Regis Hispaniæ, haud aliis communicari possint; quod denique Episcopi semper repugnaverint Magnis Eleemosynariis, si sibi Episcopalia jura vindicassent. Addit, ætate sua Episcopum Parisiensem Sacra fecisse coram Rege cum omnibus suæ dignitatis ornamentis; eoque etiam ritu alios Episcopos, in quorum Dioecesibus Regem morari contigisset.

IV. Capellanis, & Capellano Majori Regum Hispaniæ plurima, eaque amplissima privilegia concessere plures Romani Pontifices, Sixtus IV, Innocentius VIII, Alexander VI, Julius II. in gratiam Ferdinandi Catholici, & Elisabeth ejus conjugis, & Joannæ filiæ, ob præstantissima eorum in Ecclesiam merita. Ea omnia in Caroli V. gratiam confirmata fuere a Leone X. anno 1519. data Bulla, quæ incipit: *Alias felicitis recordationis*, quam e Regio Archivio desumptam exhibet to. 2. Chioccarellus. Hujus privilegii hæc est summa. Capellanus Major Regum Hispaniæ curam habet animarum eorum omnium, qui in Palatio degunt, quique Regum obsequio sunt addicti, Regis, Regiæque familiæ, quorum omnium Rector nuncupatur, ubicumque locorum Rex, & Aula fuerit, sive ad breve tempus, sive causa diutius ibi commorandi. Cum animarum curam habeat, potest Aulicis omnibus, vel per se, vel per alios ab ipso ad id muneris deputatos, Sacramenta admi-

ministrare, Eucharistiam etiam in Paschate eis porrigere, eorum Confessiones audire, eos absolvere etiam in casibus Episcopo reservatis, eosdem vita functos etiam Interdicti tempore tradere ecclesiasticæ sepulturæ. Potest vel per se, vel per alium, nuptiis benedictionem impertiri, quæ in Regum præsentia contrahuntur; ac itidem Baptisma conferre infantibus, Judæis, aut Saracenis, qui præsentibus ipsis Regibus sunt baptizandi. Potest & ducentos Indulgentiarum dies Regibus, eorumque domesticis elargiri. Itidem facultatem concedere Aulicis omnibus confitendi peccata sua cuilibet idoneo Sacerdoti, siue Regulari, siue Seculari. Aulicos quoque ab intestato decedentes, in quacumque Ecclesia sepulturæ mandare. Eorum omnium, qui Capellæ Regis sunt addicti, lites quasculumque, & controversias discutere, ac delinire. Hique omnes declarantur penitus exempti ab Ordinariorum potestate, nulla Ordinariis in eos jurisdictione concessa. Eosdem absolvere ab excommunicatione ob violentam injectionem manuum, citra tamen membrorum mutilationem, aut enormem læsionem; nec non ab irregularitate, si in eam inciderint, ob illicitam sacri ministerii executionem. Iisdem facultatem impertiri recipiendi sacros Ordines a quocumque Catholico Episcopo, statutis tamen a jure temporibus. Denique in Capella Regis fas esse, Divina omnia celebrari Officia, etiam absentibus Regibus; quin & iis præsentibus Sacrum fieri, hora una post meridiem. Hæc itaque jura Majori Capellano Regum Hispaniæ Leo X. concessit, quæ deinde subsequentes Romani Pontifices confirmarunt. Nam ea renovavit, confirmavitque Paulus III. Bulla, quæ incipit: *Præclaræ devotionis sinceritas* anno 1535, addiditque, ut in Capella Palatina, præsentibus Regibus, fas esset Sacrum celebrari circa diurnam lucem, utque in die natalitio Regis, Indulgentias lucrarentur, qui Regiam Capellam religionis causa adirent. Tum Pius V. edito Brevis die 7. Junii anno 1569. in gratiam Philippi II, quod incipit, *Inter cætera*, declaravit, fas esse Regi, ut in absentia Archiepiscopi Compostellani Majoris Capellani nominaret Presbyterum, qui durante absentia dicti Archiepiscopi, a dicta Curia, in quibuscunque Civitatibus, Oppidis, & locis, in quibus dictum

Philippum Regem, ejusque Curiam Regiam pro tempore residere contingeret, curam animarum familiæ ejusdem Philippi Regis, ac omnium, & singularum personarum, tam in ipsis Regnis, & Dominiis originem trahentium, quam extraneorum a quibusvis Orbis partibus ad ipsam Curiam confluentium, cujuscumque qualitatis, gradus, status, ordinis, vel conditionis, ac præminentie fuerint, Archiepiscopis tamen, & Episcopis exceptis, exercere, eosque visitare, corrigere, ac omnimodam jurisdictionem ordinariam, omniaque, & singula, quæ Archiepiscopi, & Episcopi, ac alii locorum Ordinarii in Diæcesibus suis de jure, vel consuetudine, vel alias quomodolibet facere, & exercere consueverunt, citra tamen exercitium Pontificalium, & Ordinum, & Beneficiorum collationem exercere libere, ac licite valeat. Quod omne renovatum, confirmatumque fuit a Gregorio XIII. emanato Brevi. Cum dudum die 7. Aprilis anni 1591, illudque insuper additum: ut Capellanus Major, seu is, qui ab eo ad animarum curam fuerit deputatus, cum Sacramenta Poenitentiae, Eucharistiae, Unctionis extremæ, atque Matrimonii administrare debeat Aulicis omnibus, si propriam non habeat Ecclesiam, ubi sacrum exerceat ministerium, possit in ea Parochiali Ecclesia Regio Palatio contigua, quam ipse maluerit, Sacramenta administrare, vel exinde Sacramentalia sumere ad infirmos sibi subditos deferenda; ac ibidem monitiones matrimonii prævias pro suis subditis promulgare; utque fas sit in Capella Palatina Eucharistiam, & Oleum infirmorum asservare. Confessarios quoque deputare audiendis Confessionibus Palatinorum, sive seculares Clericos, sive Regulares, eosque examine probare: iisdem facultatem concionandi, ac celebrandi in Capellis Regiis impertiri, vel ubicumque Rex præsens fuerit. Tandem, ut ei sit facultas constituendi ministros, & officiales, qui auctoritate Apostolica exerceant omnimodam jurisdictionem in Clericos, omnesque addictos sive Capellæ, sive Palatio Regis. Exhibet hæc Pontificia diplomata e Regio Tabulario Neapolitano desumpta Chioccarellus. His autem perspicuum sit jurisdictionem quasi Episcopalem in Aula, & Capella Palatina, Majori Capellano Regum Hispaniæ fuisse concessam.

T

Ex-

Excepit tamen Pius V. usum Pontificalium, & collationem sacrorum Ordinum, ac Beneficiorum; quod a simplici Presbytero, vicario nomine Archiepiscopi Compostellani, supponeret hoc officium administrari; nam eo Brevis declarat Pontifex posse Regem in absentia Compostellani Antistitis, Presbyterum aliquem ad id muneris deputare. Atqui simplici Presbytero usus Pontificalium, & Ordinum collatio jure denegatur. Cum vero hæc ipsa amplissima privilegia complecti viderentur Regum personas, quibus concessa sunt, non vero eorum successores: hinc, ut nullus superesset dubitationi locus, Philippus III. Romam ablegavit Petrum Fernandez de Navarette Capellanum suum, virum gravissimum; qui curaret renovari a Pontifice vetera privilegia Capellæ, & Capellani Majoris Regum Hispaniæ. Res cessit e voto: neque enim Regi de Ecclesia, ac de Sede Apostolica optime merito deneganda erant beneficia illa, quibus prædecessores Reges Romani Pontifices cumulaverant. Itaque Paulus V. die 17. Februarii anno 1614. Breve dedit, quod incipit: *Piis Catholicorum Regum votis*, quo Magni Capellani potestatem, antiquis, novisque privilegiis plurimum extulit. Exhibent hoc Pontificium Diploma Turturetus in libro de Sacello Hispano, & Peiratus in libro de Oratorio Regum Galliæ. Eo Brevis committitur Majori Capellano cura animarum Regiæ familiæ, eorumque omnium, qui ad Aulam spectant, ubicumque locorum Rex fuerit; & ordinaria jurisdictio, ut ea omnia vel per se, vel per suos ministros exercere licite possit, quæ Episcopi, & alii locorum Ordinarii in suis exercent Dioecelibus. Judicem illum declarat Pontifex Capellæ, Capellano- rum, omniumque ministrorum, qui Regi famulantur. Facultatem ei tribuit deputandi Capellanos in ruralibus Regiis domibus. Examinandi Clericos Regalis Capellæ ad audiendas Confessiones, ad Sacrum faciendum, ad divinum verbum prædicandum, eosque approbandi ad hæc sacra munera peragenda. Concionatores designandi sive Regulares, sive seculares, qui vel in Capella Regia, vel ubique locorum Rex fuerit, prædicare valeant divinum verbum, quin ab ullo Ordinario prohiberi possint. Confessarios quoque nominandi ad audien-
das

das Confessiones Aulicorum omnium, tum sæculares, tum Regulares, hos tamen de consensu suorum Superiorum. Absolvendi Capellanos, & cæteros Capellæ Ministros ab excommunicatione ob percussione[m] Clerici latam; & dispensandi cum iis in irregularitate proveniente ex illicita divinarum rerum celebratione. Administrandi Sacramenta Poenitentiae, Eucharistiae etiam in Paschate, & alia Sacramenta Regi, Aulicisque omnibus; ita ut ei fas sit, vel de viciniore Parochia ea sumere, vel in Capella Palatina Eucharistiam, & Oleum infirmorum asservare. Conferendi etiam sacrum Baptisma, aut benedictionem nuptialem iis omnibus, qui in praesentia Regis vel baptizantur, vel matrimonio copulantur. Audiendi vel per se, vel per alios Confessiones Aulicorum omnium, eosque absolvendi etiam a criminibus Episcopo reservatis, & vita sanctos tradere sepulturae, etiam vigente Interdicto. Tum exemptos declarat Pontifex Capellanos Regios ab Episcopi Dioecesani potestate: *ita ut quicumque locorum Dioecesani, & alii Ordinarii iudices in Capellanum Majorem, & Capellanos, & Cantores, & Scholares praedictos actu intervenientes, & consueta stipendia percipientes, quos ab illis prorsus, & omnino eximimus, & totaliter liberamus; & quoad Majorem, Sedi Apostolicae immediate, quoad alios vero Capellanos, Cantores, & Scholares huiusmodi dicto Capellano Majori subesse decernimus; nullam penitus superioritatem, dominium, & jurisdictionem exercere, nec se de illis quomodolibet intromittere valeant: sed praedicti Capellani, Cantores, & Scholares coram ipso Capellano Majori, seu Legatis, aut Delegatis dictae Sedis dumtaxat teneantur de iustitia respondere.* Annuit praeterea Pontifex, ut iidem Clerici Capellae Regiae sacris initientur Ordinibus a quocumque Catholico Episcopo, statutis tamen a jure temporibus. Palatinis deinde omnibus fas esse dicit, consentiente Majori Capellano, ut quemcumque Sacerdotem ex utroque Clero habeant ab audiendis Confessionibus, qui tamen Sacerdos, si Aulicus non sit, approbatus esse debet ab Ordinario. Tum etiam permittit in Capella Palatina, etiam absente Rege, omnia Divina Officia persolveri; & praesente Rege Sacrum fieri hora una antelucana,

& altera post meridiem. Excipit Pontificalium usum, collationem Ordinum, & Beneficiorum, a quibus Majorem Capellanum prohibet; quod nimirum supponat absente Compostellano Antistite, simplici Presbytero hoc munus demandari. Ita enim ait: *Atque hæc omnia, & singula moderno, & pro tempore existentis Archiepiscopo Compostellano, tanquam dictæ Capellæ Capellano Majori, quandiu, & quoties in dicta Curia personaliter resederit, & eo ab eadem Curia absente, seu in illa non residente, personæ in Presbyteratus ordine constitutæ per te toties, quoties tibi visum fuerit, nominandæ, & per suum Ordinariam adprobandæ, quæ Nos ex nunc, prout ex tunc, postquam per te nominata, & a suo Ordinario approbata fuerit, deputamus, & approbamus, quæ durante absentia dicti Archiepiscopi in Curia prædicta, in quibusvis civitatibus, oppidis, & locis, in quibus te, tuamque Curiam, Regiam pro tempore residere contigerit, omniaque, & singula alia, quæ Archiepiscopi, & Episcopi, ac alii locorum Ordinarii in Diocesis suis de jure, vel consuetudine, aut alias quomodolibet facere, & exercere consueverunt, citra tamen exercitium Pontificalium, & Ordinum, ac Beneficiorum collationem, exercere libere, ac licite, quodque omnibus, & singulis gratiis, favoribus, præeminentiis, & indultis, quibus dictus Archiepiscopus, dum in tua Curia residet, ratione dicti officii Capellani Majoris gaudet, fruitur, & utitur, ac gaudere, uti, & frui, quomodolibet potest, gaudere, uti, frui possit, & valeat pariformiter, & æque personaliter, ac tibi personam hujusmodi nominandi, & eligendi, plenam, & omnimodam facultatem Apostolica auctoritate tenore præsentium concedimus, & indulgemus.* Vides itaque sermonem, esse de persona in Presbyteratus Ordine constituta, cui vices committuntur Compostellani Præfulis. Cæterum cum Clericis Palatinis detur facultas recipiendi sacros Ordines a quocumque Catholico Episcopo, quidni ab eorum Antistite Majori Capellano, si is Episcopali dignitate fulgeret? Tum requirit Pontifex, ut approbatus sit ab Ordinario Presbyter, quem Majorem Capellanum Rex nominaverit. Huic vero posse Regem ad tempus, hoc munus demandare, colligitur ex illis
ver-

verbis: *per te toties, quoties tibi visum fuerit, nominanda.* Tandem complectitur Pontifex dumtaxat Capellanos, Cantores, Scholares actu inservientes, & consueti stipendia percipientes.

V. Refert Cabedus in libello de patronatu Regiæ coronæ cap. 43. aliqua Leonis X. Diplomata circa jurisdictionem Majoris Capellani Emmanuelis Regis Lusitanæ, ejusque successorum. Horum primum datum est anno 1505. quo Majori Capellano subjicit Capellanos, Cantores, Scholares Capellæ Regiæ actu servientes; ita ut eorum omnium causas quasque etiam beneficiales ipse discutiat, atque definiat; sitque eorum judex ordinarius, quin ulli locorum Ordinarii sibi aliquam in illos jurisdictionem vindicare valeant, a quorum potestate penitus eximit, & Capellano Majori immediate subjicit. Tum Majori Capellano facultatem indulget absolvendi eosdem ab excommunicatione Canonis; & ab irregularitate, si sacrum ministerium suspensi peregerint. Eosdem permittit a quocumque Catholico Antistite ad sacros Ordines promoveri: Divina Officia juxta Romanum ritum in Capella Regis persolvere, etiam si Regulares sint: fructus quoque suorum Beneficiorum percipere, licet minus resident: residentię legibus minime obligari: nec censuris compelli posse, nisi de his expressa fiat mentio. Capellanum vero Majorem permittit Pontifex Sacramenta Pœnitentiæ, Eucharistiæ, & alia Sacramenta Regi, & omnibus in Capella Regia servientibus, & residentibus administrare: eosdem etiam in casibus Episcopalibus absolvere, & vita functos sepulturæ tradere: infantes, Judæos, Saracenos, præsentem Rege sacris aquis abluere: nuptias in præsentia Regum initas benedicere: ducentos Indulgentiarum dies in Missarum solemnibus concedere. Alterum Pontificium Diploma datum est anno 1515. quo Pontifex constituit Majorem Capellanum ejusdem Regis, ac successorum, judicem causarum omnium tam civilium, quam criminalium, & Beneficialium Capellanorum, Clericorum, Religiosorum familiarium Regis, & Curialium, ubicumque existant, & ubicumque crimina ipsa per eos commissa, & perpetrata fuerint; quin alius judex vel ratione originis, aut domicilii,

aut

aut Beneficii, aut criminis, de iis cognoscere, ac judicare possit. Siqui jurisdictionem Majoris Capellani convellere præsumpserint, censuris coerceri possunt: liqui familiares, atque curiales Clerici ex aliqua causa extra Curiam morantur, stipendia tamen Regis percipiunt: sique de loco in locum Curia se conferat; nihilo tamen minus jurisdictioni Majoris Capellani subjiuntur. Qui si Episcopus fuerit, potest etiam matrimoniales causas familiarium, & Curialium Regis discutere, ac definire. Addit Cabedus, Emmanuelem Regem nonnulla declarasse circa hanc Majoris Capellani jurisdictionem, de quibus exstat Novella Regni p. 2. tit. 4. lib. 1. & sequentibus, ubi etiam fit mentio Bullarum, quas Clemens VII. Julius III. Pius IV. circa hanc jurisdictionem emanarunt; quibus ea jurisdictione in aliquibus casibus restricta est. Refert idem Cabedus aliam Leonis X. Bullam anni 1514. qua Major Capellanus Regis Lusitanie judex declaratur *de causis tam per ipsum Emmanuelem, & pro tempore existentem Regem super quibusvis Ecclesiis, & Beneficiis ecclesiasticis, in quibus jus præsentandi, vel nominandi, aut alias sibi competit, quam personas per eum præsentatas, aut nominatas ad Beneficia prædicta, seu eorumdem Beneficiorum possessores, aut alias quascumque personas activæ, & passivæ pro tempore motis, ac de causis tam civilibus, quam criminalibus, & Beneficialibus Capellano-rum, etiam Religiosorum, ac Clericorum etiam in minoribus Ordinibus constitutorum ejusdem Emmanuelis, ac pro tempore existentis Regis familiarium, & Curialium undecumque existentium, & ubicumque crimina ipsa commissæ, & perpetrata fuerint, cognoscere possit.* Nunc vero temporis Capella Regis est Ecclesia Cathedralis, & Patriarchalis, cui Patriarcha imminet, qui & ibi Sacra moderatur.

VI. Magnum Eleemosynarium Regis Sardinie paucis abhinc annis donavit amplissimis privilegiis Sanctissimus Pontifex BENEDICTUS XIV, cui longævam vitam, perpetuam felicitatem ad Ecclesie bonum, & Romanæ Sedis gloriam precantur universi; Brevi dato die 11. Augusti anno 1745. ad Carolum Emmanuelem Gloriosissimum Regem, quod ita habet.

BE-

BENEDICTUS PAPA XIV.

Charissime in Christo Fili noster Salutem, & Apostolicam
Benedictionem.

Plis Catholicorum Regum votis, per quæ Divinus cultus
augeri, & Ministrorum Ecclesiasticorum, præsertim Capellans
Regiarum servitio adscriptorum Status, ad Dei
gloriam tranquillè, & rectè, dirigi, & gubernari valeat, liben-
tèr annuimus, & aliàs disposuimus, prout conspiciamus in
Domino salubriter expedire. Itaque supplicationibus Majesta-
tis Tuæ nomine Nobis humiliter porrectis inclinati, eidem
Majestati Tuæ, ut Magnus Eleemosynarius, sive Capellanus
Major Capellæ Tuæ in Episcopali dignitate constitutus, in
quibusvis Civitatibus, Oppidis, & locis, in quibus Majesta-
tem Tuam prædictam, Tuamque Regiam Curiam pro tempore
residere contigerit continuò, vel ad tempus, curam animarum
Familie Tuæ, omniumque, & singularum personarum, tam
ex tuis Regno, & Dominiis originem habentium, quàm ex-
traneorum Curialium, & dictam Curiam sequentium, cujus-
cumque status, gradus, ordinis, & conditionis, ac præ-
minentie existentium, tam Ecclesiasticorum, quàm Secula-
rium (Archiepiscopis, & Episcopis exceptis) exercere, ea-
rumque Rector nuncupari, easque corrigere, & visitare, ac
in eisdem omnimodam jurisdictionem ordinariam, omniaque,
& singula alia, quæ Archiepiscopi, & Episcopi, ac alii lo-
corum Ordinarii in Diocesibus suis de jure, vel consuetudine,
aut aliàs quomodolibet facere, & exercere consueverunt, ac
per se, vel alios Ministros suam jurisdictionem ordinariam ex-
ercere, necnon Ministros, & Officiales necessarios ad exercen-
dam Apostolica auctoritate hujusmodi omnimodam jurisdic-
tionem, tam Curie Palatii, quàm uti Judex Capellæ hujusmo-
di, & aliorum prædictorum, qui ab eo, & ejus mandato
nominati exerceant eorum officia, & jurisdictionem suam tam
in causis familiarium, Capellanorum servientium Oratorii,
Capellæ Cantorum, & Ministrorum etiam Laicorum ejusdem
Capellæ, quàm aliarum personarum quarumcumque natio-
num

num Tibi *servientium*, ac *Personarum Regalium*, & *Regiæ Prolis*, in illos tantum, qui verè sunt *Curiales*, necnon *Capellanorum* in *ruralibus domibus*, seu *Palatiis tuis existentium* nominare, necnon per se, aut *Ministros suos Confessores Regulares*, de *licentia suorum Superiorum*, aut *seculares* pro *cura animarum dicti Palatii*, & *Curia* etiam nominare, ac *Capellanos*, & *Clericos servientes Tibi*, & *Domui Regali* in *dicta Capella*, & *Oratorio*, ad *celebrandum Missas*, & *Confessiones audiendas*, ac *verbum Dei prædicandum examinare*, seu *examinari facere*, & *eis id faciendi licentiam*, & *facultatem dare*, ac etiam *Prædicatores Regulares*, aut *seculares* in *dicta Curia*, vel *extra eam* ad *prædicandum verbum Dei* in *dicta Capella Regia*, & *Domo*, ubi Tu, & *tua Curia* eris, itaut nullus *Ordinarius loci*, in quo *dicta Curia*, seu Tu, aut *domus tua* erit, *sive cundo*, *sive stando*, *sive etiam recreationis causa*, *prædicationem verbi Dei impedire possit*, convocare. Insuper *prædictus Eleemosynarius*, seu *Capellanus Major*, *Cantores*, & *Scholares* in *dicta Capella* pro tempore *existentes* propter *injectionem manuum violentarum*, inter se ipsos, aut etiam in *Clericos* de *dicta Capella* non *existentes*, *citra tamen membrorum mutilationem*, aut *enormem lesionem*, *excommunicationis sententiam* *incurrentes*, ab eadem *sententia*, *prævia satisfactione*, & *injunctis injungendis absolvere*, ac cum ipsis *super irregularitate*, si quam *hujusmodi sententiis ligati*, *Missas*, & *alia Divina Officia*, non tamen in *contemptum Clavium celebrando*, aut illis se immiscendo *contraxerint*, *dispensare*, *omnemque inhabilitatis*, & *infamiæ maculam*, *sive notam* per eos *propterea contractam abolere*, ac *Infantes*, & *Turcas*, ac *Saracenos*, qui in *præsentia tua* ex *quavis causa* pro tempore *baptizabuntur*, *baptizare*, ac *Tibi*, & *tuis Filiis*, *reliquisque* in *Domo tua* pro tempore *servientibus*, & *residentibus*, aut *quacumque de causa*, & *qualitercumque* in *Regio tuo Palatio*, ac in *ædibus eidem Palatio annexis*, & *pro Familiæ*, & *Curialium prædictorum habitatione designatis*, *commerautibus*, aliisque *dictæ Curie Curialibus*, inter quos *habeantur quicumque Tui Sanguinis Principes*, etiam *legitimati*, *ipsorumque soboles*, & *fa-*

& familiares, seu servientes, & quos pro tempore alienigenas
 in Regio tuo Palatio, aut ipsorum Principum hospites haberi
 contigerit; Item Equites Torquati Supremi Ordinis Beatissimæ
 Virginis Annuntiatae, necnon Militum Copia, quæ Tuæ, Tuæ-
 que Regiæ Familiæ custodiæ perpetuo sunt addictæ quocumque
 nomine censeantur, & cum iis etiam Curiales illi, qui vel se-
 nio, vel alia iusta de causa à Regio tuo servitio excusantur, &
 generaliter eorum omnium Curialium, & hospitum Familiæ,
 atque servientes, qui in Regio tuo Palatio, vel Principum Tuæ
 Familiæ commorantur, Penitentia, & Eucharistia, ac alia
 Sacramenta etiam in Festo Resurrectionis Domini Nostri Jesu
 Christi, absque alicujus licentia ministrare, seu ministrari
 facere, necnon idem Eleemosynarius, seu Capellanus Major,
 Te, & omnes Curiales, & quoscumque alios Curiam sequen-
 tes Tuam, ab omnibus delictis, excessibus, & criminibus,
 etiam casibus Episcopalibus, injunctis injungendis absolvere,
 & Interdicti tempore Ecclesiasticæ sepulture tradere, quod-
 que pro se, & aliis Capellanis prædictis in quacumque Eccle-
 sia, etiam Ordinum Fratrum Minorum, ad quam Te pro tem-
 pore declinare contigerit, dummodo in ea ipsi Capellani, &
 Cantores Divina Officia celebrent, & cantent, oblationes et-
 iam si de manu Tuâ, Tuorumque Filiorum, seu Filiarum pro-
 cedant, prout in dicta Capella Regia recipere, necnon qua-
 cumque Matrimonia, quæ in præsentia tua contrahentur, so-
 lemnizare, ac prædictus Eleemosynarius, seu Capellanus Ma-
 jor in Episcopali dignitate constitutus tantum, ut præmittitur,
 omnibus, & singulis interessentibus Missarum solemniis, &
 verbi Dei prædicationi in Tua præsentia verè penitentibus;
 & confessis ducentos dies de injunctis eis penitentibus misericor-
 diter in Domino in forma Ecclesiæ consuetæ relaxare, utque
 omnium, & singulorum Christianifidelium in Curia Tua ubicum-
 que residebis, continuò, vel ad tempus pro tempore commoran-
 tium, & aliorum quorumcumque ad ipsas Regias Ecclesias,
 seu Capellas accedentium per se, vel alium, seu alios per eum
 ad id deputandos a suo, si Curiales non fuerint, Ordinario ap-
 probatos, Sacramentales Confessiones audire, eosque a pecca-
 tis absolvere, injunctis eisdem pro commissis penitentia salu-

tari, & aliis injungendis, necnon tam ipse, quàm ab eo deputatus Presbyter secularis, vel cujusvis ordinis de suorum, Superiorum licentia; & Regularis pariter a suo, si non fuerit Curialis, Ordinario approbatus, omnium, & singulorum in Hospitali Tue Curie existentium, aut aliter in ipso Tuo Palatio egrotantium Confessiones similiter audire, eisque Sacramenta Ecclesiastica ministrare, & in mortis articulo omnium peccatorum suorum absolutionem injunctis pariter Injungendis impendere, ac Parochialem Ecclesiam viciniorē Palatio, ubi Te pro tempore morari contigerit, & si fuerint due Parochiales Ecclesie æquē vicinæ dicto Palatio, alteram, quam malueris eligere, aut si qui Curiales in Palatio non degant, Parochialem Ecclesiam illorum habitationi viciniorē, in eaque tam Eleemosynarius, seu Capellanus Major, quàm persona ab eo ad animarum curam deputanda liberè ingredi, & exinde Sacramenta prædicta accipere, & sibi subditis ministrare, ac ad infirmos Tue Curie deferre, & Monitiones Matrimoniales suorum subditorum juxta decreta Concilii Tridentini publicari facere, eosque Matrimonio, sine tamen præjudicio Jurium Parochialium, conjungere. Præterea si eidem Eleemosynario, seu Capellano Majori videbitur, considerata decentia, & necessitate, Sanctissimum Eucharistiæ Sacramentum, & extremæ Unctionis in Capella Regia, ut ad Infirmos, & Infirmas in dicto Palatio existentes commodius deferratur, & multis incommodis, quæ aliis nasci possent, obvietur, reponere liberè, & licitè, & absque ullo conscientie scrupulo, aut Censurarum Ecclesiasticarum incurso valeat, licentiam, & facultatem auctoritate Apostolica tenore præsentium concedimus, & indulgemus. Ad hæc, ut quicumque locorum Diocesani, & alii Ordinarii Judices in Majorem, et Capellanos, Cantores, et Scholares prædictos actu inservientes, & consueta stipendia percipientes, quos ab illis prorsus, et omnino eximimus, et totaliter liberamus, et quoad Majorem Sedē Apostolicā immediatè, quò verò ad alios Capellanos, Cantores, et Scholares hujusmodi dicto Eleemosynario, seu Capellano Majori subesse decernimus, penitus, nullam superioritatem, dominium, et jurisdictionem exercere, nec se de illis quomodolibet intramitte-

sere valeant, sed præfati Capellani, Cantores, et Scholares coram ipso Eleemosynario, seu Capellano Majori, sive Legatis, aut Delegatis dictæ Sedis dumtaxat teneantur de iustitia respondere. Insuper ut Capellani, Cantores, et Scholares servientes præfati a quocumque, quem maluerint Catholico Antistite gratiam, et communionem Apostolicæ Sedis habente, Ordines sacros statutis ad id à jure temporibus, servatà tamen formà Constitutionis sel. rec. Innocentii Papæ XII. Prædecessoris nostri quoad litteras dimissoriales, quæ incipit: Speculatores &c. successive accipere, dictique Capellani etiam Religiosi, seu Regulares, Missas, horas Canonicas, et Divina Officia etiam Te absente, juxta tamen ritum Romanæ Curie etiam in dicta Capella, & in dicta Capella tantum, tam alii Capellani, Cantores, et Scholares dicere, recitare, et canere, easdemque horas Canonicas ex causa tamen; et infra diem terminum, ac privatim, non autem in ipsa Capella anticipare, et postponere, ac in Festo Sanctissimi Corporis Christi, et per ejus Octavam Sanctissimum Eucharistiæ Sacramentum in eadem Capella, debitis tamen cum honore, et reverentia tenere, ac in quinta, et sexta Majoris hebdomadæ Feriis idem Sanctissimum Eucharistiæ Sacramentum in dicta Capella, in Sacratio, seu Urna reponere, et ad morem Patriæ Monumentum, seu Tumulum nuncupatum cum laminaribus facere, et tenere, necnon coram Te Missas etiam antequam luceat dies, circa tamen diurnam lucem, et per unam horam post meridiem celebrare, quodque persona loco Eleemosynarii, seu Capellani Majoris, ut infra deputanda, nec non triginta ex Capellanis prædictis, non tamen Præbendas Theologales, et Pœnitentiales obtinentes, fructus, redditus, et proventus quorumcumque Beneficiorum suorum Ecclesiasticorum, etiamsi Canonicatus, et Præbende, Dignitates, Personatus, administrationes, vel Officia fuerint, cum ea integritate, distributionibus quotidianis exceptis, percipere possint, cum qua illos perciperent, si in eisdem Ecclesiis personaliter residerent, nec ad residendum interim in eisdem teneantur auctoritate, et tenore similibus etiam concedimus. Insuper, ut Christiani Curiales Tui de licencia ipsius Eleemosynarii, seu Capellani Majoris dumtaxat

quemcumque idoneum Presbyterum sæcularem, vel cujuscvis Ordinis Regularem approbatum ab Ordinario, si Curialis non fuerit, in suum possint eligere Confessarium, qui eorum Confessionibus diligenter auditis, eos a peccatis absolvere, et pro commissis penitentiam salutare, et alia injungenda injungere, et Sacramenta prædicta etiam in die festo Resurrectionis Dominicæ ministrare possit, utque Capellani, Cantores, et aliæ Ecclesiasticæ personæ deputandæ ad informationes faciendas super puritate Sanguinis admittendorum in Capella hujusmodi, Testes per censuras Ecclesiasticas compellere possint juxta sacrorum Canonum dispositionem, auctoritate, & tenore prædictis pariter indulgemus; utque hæc omnia, & singula moderno, & pro tempore existenti dictæ Capellæ Capellano Majori, seu Eleemosynario quandiu, & quoties in dicta Curia personaliter residerit, & eo ab eadem Curia absente, seu in illa non residente, aut viam universæ carnis ingressæ personæ in Presbyteratus ordine constitutæ per Te toties, quoties Tibi visum fuerit, nominandæ, & per suum Ordinarium approbandæ, quam Nos ex nunc, prout ex tunc, postquam per Te nominata, & a suo Ordinario approbata fuerit, deputamus, & approbamus, quæ durante absentia dicti Eleemosynarii, seu Capellani Majoris a Curia prædicta, aut quamdiu illi datus sit successsor, in quibusvis Civitatibus, Oppidis, & locis, in quibus Te, Tuamque Curiam Regiam pro tempore residere contigerit, omniæque, & singula alia, quæ Archiepiscopi, & Episcopi, ac alii locorum Ordinarii in Diocæsibus suis de jure, vel consuetudine, aut aliâs quomodolibet facere, & exercere consueverunt (citrà tamen exercitium Pontificalium, ac Ordinum, & Beneficiorum collationem) exercere libere, & licite, adeoque, si oportuerit Subditis suis etiam intra vacationis annum litteras dimissoriales pari modo concedere, ac ipse Capellanus Major, sicut præmissum est, concedere possit, quodque omnibus, & singulis gratiis, favoribus, præeminentiis, & indultis, quibus dictus Eleemosynarius, seu Capellanus Major, dum in tua Curia residet, ratione sui Officii gaudet, fruitur, & utitur, ac gaudere, frui, & uti quomodolibet potest, gaudere, frui, & uti possit, & valeat pariformi-

miter, & æquè principaliter, ac Tibi personam hujusmodi nominandi, & eligendi plenam, & omnimodam facultatem Apostolica auctoritate tenore præsentium concedimus, & indulgemus. Declarantes, jus funeris, & sepultura quorumcumque Curialium apud Curiam ubicumque decedentium (Archiepiscopis, & Episcopis in propria residentia decedentibus exceptis) ipsi quoque Capellano Majori, ejusque Vicario præ ceteris omnibus, & unicè competere, prout etiam quorumcumque in ipso Regio Palatio, & ei adnexis ædibus prædictis decedentium: Hoc insuper addito, ut si quandoque evenierit, Majestatem Tuam ab Urbe solita sedis abesse, nullo tempore intercadat, sed continuò exerceri debeat eadem jurisdictio erga Regiam Tuam Familiam, personasque prædictas omnes, quæ ibi permanserint, idemque servetur etiam in Ecclesiis ruralibus Regiis, ubi Vice-Parochi perpetuò resident ergà Curiales illos, qui etiam post Majestatis Tuae discessum ibi morantur, & utrobique eadem per biennium vigeat jurisdictio, ab ipso tuo obitu, quem Deus longè avertat, & ultra si Sedem Apostolicam vacare quoque contigerit, quo Realis successor commodius sibi, suæque Familiæ, & Curia consulere possit. Præsentibus quoque litteras de subreptionis, vel obreptionis vitio, aut intentionis nostræ, vel quopiam alio defectu notari, impugnari, vel invalidari nullatenus posse, sed illas validas, & efficaces existere, & fore, suosque plenarios, & integros effectus sortiri, & obtinere debere, sicque, & non aliter per quoscumque Judices quavis auctoritate fungentes, etiam Causarum Palatii Apostolici Auditores, & Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his a quocumque quavis auctoritate scienter, vel ignoranter contigerit attentari, decernimus. Quocirca Venerabilibus Fratribus Archiepiscopo Taurinensi, & Episcopo Vercellensi, ac dilecto Filio pro tempore existenti in Ducatu Sabaudia, & Principatu Pedemontis nostro, & Apostolica Sedis Nuncio per præsentem committimus, & mandamus, quatenus ipsi, vel duo, aut unus eorum per se, vel alium, seu alios, quoties pro parte Majesta-

tit

tis Tuæ, seu alicujus ex Capellanis, vel Cantoribus, & Schola-
 ribus prædictis fuerint requisiti, solemniter publicantes, Ti-
 bique, & illis in præmissis efficacis defensionis præsidio assisten-
 tes, faciant auctoritate nostra Majestatem Tuam, ac Capella-
 nos, & Cantores, ac Scholares prædictos præmissorum omnium,
 & singulorum effectu pacifice frui, & gaudere, non permit-
 tentes Majestatem Tuam, aut illos indebite molestari. Contra-
 dictores quoslibet, & rebelles per censuras, & pœnas, Eccle-
 siasticas, aliæque opportuna juris, et facti remedia, appella-
 tione postposita compescendo, invocato etiam ad hoc, si opus
 fuerit, auxilio brachii secularis; non obstantibus rec. mem. Bo-
 nifacii Papæ VIII. Prædecessoris itidem Nostri, qua caveatur,
 ne quis extra suam Civitatem, et Diœcesim, nisi in certis tunc
 expressis casibus, et in illis ultra unam Dietam a fine sue Diœ-
 cesis ad judicium evocetur, et de duabus Dietis in Concilio ge-
 nerali editis, dummodo ultra tres Dietas aliquis auctoritate,
 præsentium in judicium non trahatur, ac aliis Constitutioni-
 bus, et Ordinationibus Apostolicis, necnon quibusvis statutis,
 et consuetudinibus, etiam juramento, confirmatione Apostolica,
 vel quavis firmitate alia roboratis, privilegiis quoque, Indul-
 tiis, et litteris Apostolicis per quoscumque Romanos Pontifices,
 etiam Prædecessores nostros, et Nos, ac dictam Sedem, etiam
 per viam generalis legis, ac Statuti perpetui, ac motu pro-
 prio, et ex certa scientia, deque Apostolicæ potestatis plen-
 tudine, etiam cum quibusvis irritantibus, annullativis, cas-
 sativis, restitutivis, revocativis, præservativis, exceptivis,
 declarativis, mentis attestativis, ac derogatoriis derogato-
 riis, aliisque efficacioribus, et insolitis clausulis quomodolibet,
 etiam pluries concessis, confirmatis, et innovatis; *Qui-*
 bus omnibus, et singulis, etiam si pro sufficienti derogatione,
 de illis, eorumque totis tenoribus specialis, et individua, ac
 de verbo ad verbum, non autem per clausulas generales idem
 importantes mentio, seu quævis alia expressio habenda, aut
 exquisita forma servanda foret, et in eis caveatur expresse,
 quod illis nullatenus derogari possit, illorum omnium, et singu-
 lorum prædictorum tenores præsentibus pro sufficienter expref-
 sis, et ad verbum insertis, necnon modis, et formis ad id ser-
 van-

vandas pro individuo servatis habentes, hac vice dumtaxat, illis aliis in suo robore permanens, harum serie specialiter, et expresse derogamus, ceterisque contrariis quibuscumque. Volumus autem, quod presentium litterarum transumptis, seu exemplis, etiam impressis manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides adhibeatur ubique in Judicio, et extra illud, quæ presentibus adhiberetur, si forent exhibitæ, vel ostensæ. Dat. Romæ apud Sanctam Mariam Majorem sub annulo Piscatoris die xj. Augusti 1745. Pontificatus nostri anno quinto, subscript.

D. Cardinalis Passioneus.

VII. Quoniam vero ex hujus Pontificiæ concessionis varia interpretatione, varia emergebant dubia, quæ nisi diluerentur, facile perturbarent ecclesiasticam disciplinam; Archiepiscopus Taurinensis, cujus res agebatur, datis litteris ad Summum Pontificem, ut propositas explanaret quæstiones, suppliciter petiit. Cui rescripsit Pontifex rerum ecclesiasticarum, præsertim Juris Canonici peritissimus, Responsis sapientissimis per Archiepiscopum Athenarum Apocrisarium, Sedis Apostolicæ apud Sardinia Regem transmissis die 1. Novembris anno 1747. quæ communi bono edenda duximus, tum quia hujus libri argumentum insigniter illustrent, tum ne Oracula tanti Pontificis, quo doctior pluribus abhinc sæculis in Petri Cathedra nullus fedit, pereant posteritati. I. Vigilantissimus Antistes sciscitabatur, an Pontificium Diploma concederet Magno Eleemosynario jurisdictionem quasi Episcopalem, & an ea esset strictæ, vel latæ interpretationis? Cui Pontifex rescripsit: *Nulla opus esse declaratione*, utpote quia certum est, jurisdictionem quasi Episcopalem, & distinctum Territorium tribui Magno Eleemosynario intra limites tamen præfixos, & quoad personas in Brevis designatas. II. An Magnus Eleemosynarius, cujus foro plurimi addicti sunt, possit jus dicere extra proprium Territorium, seu in Ædibus suis a Palatio Regis, ejusque viciniis disitis? Rescripsit Pontifex:

Li-

*Licentiam in Brevis iam fuisse implicite concessam Magno Eleemosynario, seu Capellano Majori apertum retinendi Tribunal in domo propriæ habitationis; sed quatenus opus, & ad abundantiorē cautelam a Sanctitate Sua eadem licentia nunc pro semper conceditur retinendi Tribunal in domo habitationis suæ, & ubique locorum Regia Majestas se transferat, pro personis tantum Curialibus, & ejus servitio additis, & infra describendis, quæ tamen licentia expirare debeat, si umquam in Palatiis Regalibus assignaretur Magno Eleemosynario, seu Capellano Majori habitatio. Nam cum illi exercenda sit jurisdictio, cumque ejus domicilium sit extra Aedes Regias, sequitur, jus illi dicendum esse extra proprium Territorium: quemadmodum Archiepiscopus Ravennatensis Ferrariæ, & Episcopus Fesulanus Florentiæ jus administrant subditis suis. III. Circa facultatem conferendi Sacros Ordines Capellanis; & Clericis Capellæ Regiæ indultam Magno Eleemosynario, hæc quæstiones movebantur; an ei fas esset etiam Sacros conferre Ordines Clericis Palatinis, quorum domicilium est in Palatio, nullum vero ministerium exhibent in Capella Regis? an in Ordinatione illorum Clericorum, qui ministrant in Capella Regis, præquirantur litteræ testimoniales de natalibus, ætate, moribus dandæ ab Episcopis, quibus subiecti sunt ratione originis, vel domicilii, juxta Constitutionem Innocentii XII. Speculatores? an iidem rite ordinari possint, si non habeant Beneficium sufficiens eorum conservationi? an si amoveantur ministerio Capellæ Regis, suasque repetant Diœceses, illorum Episcopi inquirere possint, utrum juxta Tridentini Decreta, & Constitutionem Speculatores fuerint sacris Ordinibus initiati? Hisce quæstionibus Pontifex fecit satis declarando: *Posse Magnum Eleemosynarium, seu Capellanum Majorem, qui semper erit Episcopus, ordinare Capellanos, Cantores, et Scholares Regiæ Capellæ inservientes tantum, vel illis litteras dimissoriales dare, recognitis prius per ipsum causa necessitatis, et utilitatis Ecclesiæ, et titulo Beneficii, et patrimonii, quamvis in Taurinensi, vel alia Diœcesi positi, an sit securus, stabilis, perpetuusque, et sufficiens ad congruam ordinandi sustentationem, juxta taxam Diœcesis, nec**

non

*non habitis prius litteris testimonialibus proprii Episcopi originarii, vel domiciliarii, si tamen ordinandus discessit a Diocesi in etate, in qua potuerit canonicum impedimentum contrahere, & non alias: quod si testimoniales litteræ denegentur, nullaque iusta causa afferatur; tunc, et in eo casu post præmissam trinam monitionem adeundus erit Nuncius Apostolicus, vel Sancta Sedes, ad hoc ut iustis remediis vel cogantur Episcopi ad tradendas litteras testimoniales, vel ordinatio absque dictis litteris tuto, & impune fieri possit. Nec movere debet, quod Capellani Regis amoveri possint ab illius obsequio; cum & ordinati ab Episcopo ratione Beneficii possint Beneficio se se abdicare, vel eo alia ratione destitui. Cæterum de ordinandis a Magno Eleemosynario Principibus Regiæ stirpis nulla excitata est quæstio, cum hi re ipsa ratione originis Magno Eleemosynario subjiciantur. iv. An Magno Eleemosynario sit facultas absolvendi vel per se, vel per alios a criminibus, quorum absolutio est Episcopis reservata, etiam extra proprium Territorium? Cui quæstioni Pontifex respondit: *Possè Magnum Eleemosynarium, seu Capellanum Majorem, per se ipsum, vel alios Sacerdotes ab ipso approbandos, excipere omnium Christi fidelium Confessiones in Regiis Capellis, sed non possè absolvere a casibus Episcopis reservatis, nisi solos Curiales, & Curiam Regis sequentes.* Ni enim fas esset Sacerdotibus approbatis a Magno Eleemosynario audire in Capellis Regiis omnium Confessiones, non levis excitaretur rerum perturbatio, cum Capellas Regias nedum Aulici, sed & fideles omnes adeant, ut sacris rebus incumbant. Ne vero frustretur criminum reservatio ab Episcopis facta, hinc Sacerdotibus illis quoad solos Aulicos, seu jurisdictioni Magni Eleemosynarii subiectos, permittitur facultas hujusmodi crimina relaxandi. v. Cum in Pontificio Brevi mentio tantummodo fiat de infantibus Turcis, ac Saracenis a Magno Eleemosynario baptizandis, Rege præsentente; dubitatum fuit, an Hebræi, & Idololatæ, in præsentia Regis possint licite a Magno Eleemosynario sacris aquis abluï? Cui Pontifex: *Possè infantes, & Turcas, & Saracenos, ac Hebræos, ac alios quoslibet infideles, qui in præsentia**

Regis ex quavis causa pro tempore baptizabuntur, baptizare. Verba enim Pontificiæ concessionis non sunt *taxativa*, ut ajunt, sed *demonstrativa*, nempe exprimunt unam, vel alteram infidelium gentem. vi. An competat Pro-Eleemosynario facultas concedendi Indulgentias in Missa solemnī, & in concionibus, præsentē Rege? Et an hac facultate Magnus Eleemosynarius uti possit in Ecclesiis, quæ non sunt Capellæ Regiæ, & præsentibus Episcopis Diocesānis? Declaravit Pontifex: *Nullum jus competere Pro-Capellano benedicendi super populo, & concedendi, & publicandi Indulgentias biscentum dierum in Missis solemnibus, & concionibus habendis in præsentia Regis.* Hæc siquidem jura competunt Episcopis, in quorum numero hæc est Pro-Capellanus Regis. *Possē tamen Magnum Eleemosynarium benedicere super populo, publicare Indulgentias biscentum dierum in Missa solemniter celebrata etiam in præsentia Archiepiscopi, vel Episcopi Diocēsani, atque etiam benedictionem dare Concionatori concionanti tamen in præsentia Regis, aut in Regiis Capellis.* Nam Capellæ Regiæ sunt ei subiectæ, atque ipse Episcopali ornatus est dignitate. vii. Quænam Regia Palatia complectatur Magni Eleemosynarii jurisdicctio, an etiam ædes Regio Palatio proximas, præsertim cum in his ædibus plures degant, qui minime spectant ad Regis familiam? Declaratum fuit a Pontifice: *Omnia Palatia antiqua, et nova Majestatis sue, una cum aliis fabricis annexis, apothecis, & cubiculis, si quæ sint sub illis positis, & etiam si personis quibuscumque locatis, habenda fore, & esse de Territorio Majoris Eleemosynarii, seu Capellani Majoris; sicut etiam Majestatem suam, Regalem ejus subolem, vel familiam, ministros, milites, domesticos, & inservientes, eorumque familias, ut infra describendas, & denuum omnes in dictis Palatiis quocumque modo ibi habitantes etiam ex causa studiorum, vel alia accidentali ex causa apud eorum parentes commorantes, & apothecas, & cubicula forte conducentes, censendos fore, & esse jurisdictioni Magni Eleemosynarii, seu Capellani Majoris subiectos.* Quamvis enim in ædibus Regio Palatio finitimis plures commorari possint, ac commorentur, qui nullo modo spectant ad Regium famili-

tium; nihilo tamen minus, ad perturbationem omnem eliminandam, quæ facile emergeret, si in eadem domo, vel in eodem loco, nonnulli subderentur spirituali jurisdictioni Magni Eleemosynarii, alii vero nequaquam, idcirco eidem Magno Eleemosynario jus conceditur in omnes, qui vel hospitii, vel alia quacumque causa, habitant loca illius jurisdictioni subiecta. VIII. Quid juris, si Ædes Regiæ, earumque viciniae in posterum novis ædificiis amplientur? Respondit Pontifex: *Territorium Magni Eleemosynarii, seu Capellani Majoris nullo modo esse ampliandum, etsi ere Regio in futurum conducatur alia domus ad maiorem commoditatem, nedum Regalis familie, verum etiam hospitum, ministrorum, exterorum, & aliorum Curialium.* IX. An vero Palatii Regii nomine comprehendantur etiam Palatia ad delicias Regis excitata, & quæ sunt in aliis Civitatibus ditionis Sabaudorum Principum? Respondit Pontifex: *Sub nomine Palatiorum Regiorum ad effectum, de quo agitur, venire Palatium Veneriæ cum aliis domibus, & annexis nec non fabricam Superge.* X. An Palatia quoque Principum Regiæ stirpis, natalibus restitutorum, sive Taurini, sive aliis in locis existentia spectent ad jurisdictionem Magni Eleemosynarii? Itidem, an in iis locis fas sit Parochis, & Sacerdotibus approbatis ab Episcopo Sacramenta ministrare? Huic quæstioni responsum huiusmodi datum est: *Nullum Palatium Principum sanguinis legitimorum, aut legitimorum esse de Territorio Magni Eleemosynarii, seu Capellani Majoris; sed tantum dictos Principes, eorumque familias, & domesticos, & hospites fore, & esse jurisdictioni Magni Eleemosynarii, seu Capellani Majoris subiectos, & inter domesticos, & familiares dictorum Principum recenscantur uxor, filii, et nepotes ipsorum domesticorum, et familiarium, nec non famuli ipsorum familiarium, si tamen in Palatiis habitent, et non alias. Et quoad administrationem Sacramentorum Principibus Sanguinis, eorumque familiis faciendam, illam extra Curiam scilicet extra locum, ubi Regia Majestas, ejusque Curia non reperitur, spectare ad Parochum loci, excepto Matrimonio, ad quod contrahendum servetur forma sacrosancti Concilii Tridentini.* XI. An principibus Regiæ stirpis

licitum sit in qualibet Ecclesia accipere Sacramenta a Capellanis Regiis? Responsum fuit: *Nullum jus competere Principibus Sanguinis eligendi Ecclesiam extra Capellas Regias Taurini, et alibi positas.* XII. Quinam proprie loquendo dicendi sint Curiales, & Officiales Aulici? & an etiam familiares, domestici, atque hospites Aulicorum sint de jurisdictione Magni Eleemosynarii? Declaravit Pontifex: *Esse exemptas ab Archiepiscopo, et respectivo subjectas Magno Eleemosynario, seu Capellano Majori personas describendas in calce horum foliorum. Sub nomine Ministrorum, et Scholarium Regiæ Capellæ venire Capellanos, Clericos, Musicos, Sonatores, cæterosque alios, etsi Clericali charactere non insignitos ad Officia Divina peragenda, et Musicales concentus formandos, et servilia ministeria Ecclesiæ præstanda necessarios, et certa annua mercede conductos. Hospites vero sunt, qui nullum habentes domicilium Taurini, illuc aliqua ex causa temporanea se conferunt ad habitandum in Regiis Palatiis, vel in Palatiis Principum Sanguinis. Congruum fore, et esse, ut Ministri, et Officiales Ordinis SS. Annuntiationis æque ac Equites Torquati sint subjecti Magno Eleemosynario, seu Capellano Majori.* XIII. An qui ad jurisdictionem spectant Magni Eleemosynarii, si in locis, seu Ecclesiis versentur illi minime subjectis, licite possint Sacramenta accipere a Sacerdotibus approbatis ab Ordinariis locorum, haud requisito consensu Magni Eleemosynarii? Pariter, an Capellani, Clericique Capellæ Regiæ, qui extra Regias Ædes degunt, & consequenter in locis Episcopo Diocesano subjectis, itidemque alii Officiales Aulici, licite valeant Sacramenta percipere, uti Viaticum, & Pœnitentiam morte imminente, vel Eucharistiam in Paschate, a Sacerdotibus approbatis, & designatis ab Episcopo Diocesano ad Sacramenta ministranda, nullo expetito consensu Magni Eleemosynarii? Has quæstiones Pontifex his verbis definiuit: *Principes Sanguinis, Curiales, aliosque Regio servitio addictos, si intra Curiam sint, posse ex speciali favore Sanctitatis suæ in Ecclesiis extra Territorium Magni Eleemosynarii, seu Capellani Majoris absque ulla ipsius licentia a quocumque Sacerdote ab Ordinario approbato recipere sola Pœnitentiâ, et*

Eu-

Eucharistiæ Sacramenta: et cætera Sacramenta ultima infirmitatis, et Communionem Paschalem sumere debere a Magno Eleemosynario, seu Capellano Majore, aut alio Sacerdote de ipsius licentia, excepto solo Matrimonio, in quo observetur forma sacri Concilii Tridentini. Quod si prædicti permaneant extra Curiam, tunc, et eo casu administrationem omnium Sacramentorum spectare ad Parochum loci, præter illud Matrimonii, in quo pariter servetur forma sacri Concilii Tridentini. XIV. Ut nullus superesset dubitationi locus circa personas Regis obsequio addictas, & ne ulli adnumerarentur Curialibus, Aulicis, & familiæ Regis, qui revera in illorum numero minime essent recensendi; interpellavit Pontificem Taurinensis Antistes, ut indicem daret eorum omnium, qui Magni Eleemosynarii jurisdictioni subdebantur. Cui Pontifex fecit satis sequenti indice.

VIII. In albo exemptorum in Aula Regum Sardinie recensentur, Rex, ejusque liberi, filiave, eorumque posteri, Aulici omnes cujusvis famulatus generis, vel ipsi veterani, qui Italice *Glubilati* dicuntur, exceptis tamen iis, qui Regiæ Aulæ addicti sunt honoris titulo, Magnus Eleemosynarius, Supremus Præfectus Regiæ Domus, Magnus Cosmeta Regius, Supremus Præfectus Regii stabuli, Supremus Curator Regiæ venationis, Magnus Custos Regii vestiarii, Supremus Cæremoniarum Præfectus, Regius Educator, Rector, & Institutores Regiæ progeniei, eorumque Vicarii, Matronæ Aulicæ, Equites Honorarii, Præfecti equorum Regis, Regiæ, & Principum, & illorum ministri, Præfecti Domus Regiæ, Præceptores, Pædagogi, Magistri, Præfecti Bibliothecæ, qui Regis sunt a mensa, vulgo *Gentilomini di bocca*, qui sacras Confessiones excipiunt, stipis Distributores, seu Eleemosynarii; Parochi, eorumque Vicarii, Capellani, Clerici, Custos SS. Sindonis, Sacristæ, cæterique Capellæ Regiæ ministri, Clerici Ecclesiæ Regiæ Superghæ, Præfecti Mufices, organorum Modulatores, Mufici, Fidicines; Præfecti expensorum Domus Regiæ vulgo *Controlleur*, Pueri Aulici, eorumque Præceptores, Rectores, & Ludimagistri, Medici Aulici, Chirurghi, Pharmacopolæ, Tonsores, Cubicularii, Pisto-

Pictores Aulici, Artifices, & Curatores aulæorum, Sartores, cæterique quorum est cura arcæ vestiaræ, Janitores, Tympanistæ, Buccinatores, Servi a pedibus, Famuli, Cursores, Aurigæ, Curator Regiæ Domus, ejusque ministri, Servator Pinacothecæ, Præfectus ærarii, Custodes gemmarum, atque argentææ suppellectilis, Regis a libellis, vulgo *Auditore*, ejusque Vicarius, Venatores, Servatores prædarum venatione captarum, Custos gallorum Phasianorum, Cultores hortorum Regis, Abaci Custodes, Dulciarii, cæterique secundæ mensæ ministri; Præcedens Domum Regiam, vulgo *Foriero*, Pistorum Aulici, Custodes Corporis Regis, aliique milites prætoriani cum suis Ducibus, & qui omnes comitantur Regis itinera. Præterea in exemptorum numero sunt, Principes Regio sanguine orti, natalibus restituti, cum eorum familia, famulitio, tum etiam hospites habitantes illorum Principum domicilia; qui Regis est a summis imperii negotiis pacis bellicque, vulgo *Secretario di Stato*; qui Regis sunt ab epistolis; Equites Regalis Ordinis SS. Annuntiatiæ, & ejusdem Ordinis Officiales; Legati Principum apud Sardinia Regem; Curator Regii Tabularii, ejusque ministri.

IX. Quæ fuerint antiqua jura Majoris Capellani Regni Neapolitani, enarrat Sanctissimus, & Gloriosissimus Pontifex BENEDICTUS XIV. in sua Constitutione ad hanc rem data anno 1741. die 6. Julii. Ibi enim ait: *Sane dilectus filius noster Trojanus tituli S. Cecilie S. Romanæ Ecclesiæ Presbyter Cardinalis de Acquaviva nuncupatus pro parte carissimi in Christo filii nostri Caroli Sicilia, et Hierusalem cum tota terra citra Pharam Regis Illustris, et Hispaniarum Infantis Nobis nuper exposuit, quod a tempore, cujus memoria non extat, ad Capellam Regiæ Capellanum Majorem in toto Regno Neapolitano pro tempore existentem non solum cura spiritualis Regiæ familiæ, consanguineorum, affinium, ac omnium personarum in Curia, seu Aula Neapoli existente commemorantium, ipsamque Curiam sequentium pertinet: sed et in quibusvis Civitatibus, Oppidis, et locis, in quibus Rex pro tempore existens, Regiæque familia residere contigerit continue, vel ad tempus, curam animarum familiæ Regiæ, omniumque*
et sin-

et singularum personarum tam ex propriis Regnis, et Dominis originem habentium, quam extraneorum cujuscunque status, gradus, ordinis, et conditionis, et præ eminentiæ existentium, tam Ecclesiasticorum, quam secularium (Archiepiscopis, et Episcopis exceptis) et insuper omnium militum, et Officialium, aliarumque personarum cujuscunque ordinis, et gradus in castris, arcibus, seu fortalitiis, exercitiis, nec non in triremibus, navibus, ratibus, aliisque, hujusmodi maritimis lignis Regio famulatus inservientium, et militantium exercere, earumque Rector in spiritualibus nuncupari, easque corrigere, et visitare, ac in eisdem omnimodam jurisdictionem ordinariam, omnia et singula alia, quæ Archiepiscopi & Episcopi, ac alii locorum Ordinarii in Diocesibus suis de jure vel consuetudine, aut alias quomodolibet facere, & exercere consueverunt, idem Capellanus in prænominatas personas non solum in Regia Capella, & Palatio, sed in omnibus aliis supranominatis ac designatis locis exercere, vel per se, vel per alios Ministros, & Capellanos a se deputatos solet. Hujus consuetudinis, quæ omnem hominum memoriam excederet, plurima congestit monumenta e publicis Tabulariis eruta to. 2. MSS. Chioccarellus. Cujus quidem originem placuit nonnullis repetere ex eo, quod olim ab Episcopis ipsis, vel a Regibus de consensu Episcoporum, annuebantur privilegia & exemptiones Monasteriis, & Monachis, Capellis, Capellanisque, Nosocomiis, illorumque ministris. Et privilegia, quoque, quibus Capellæ, & Capellani Regum Angliæ fruebantur, non nisi veteri consuetudine firmata erant, unde reclamantibus Episcopis ad eam recurrebatur, uti apud Thomassinum legitur. Jus Archiepiscopi Cantuariensis, ut in qualibet Dioecesi haberet Ecclesiam sui juris, antiqua nitebatur consuetudine. Erat & Archiepiscopo Strigoniensi in Hungaria, plena jurisdictio in omnes Abbatias, & Præposituras Regales Regni totius antiquo usu roborata, quam plures Romani Pontifices ei confirmarunt, uti ad annum 1231. refert Rainaldus. Quin etiam jus illud Patriarcharum Orientalium, quo exempta erant ab Ordinariorum jurisdictione, solisque Patriarchis subiecta Monasteria illa, quorum in fundatione defixa fuerat

Crux

Crux Patriarchalis, profluebat ab antiquissima consuetudine, cui vim canonis inesse respondebatur Episcopis non raro contradicentibus, uti testatur Balsamon scribens in Can. 31. Apostolorum. Jure quoque Canonico addita est vis veteri consuetudini. Nam Innocentius III. in Cap. *Auditis*, de Præscript. ratam habuit jurium Episcopaliū præscriptionem in quibusdam Ecclesiis, quam Abbas Eveshamensis opponebat Episcopo Wigornienſi: *Verum*, inquit, *tanto tempore probantur per testes ab Abbatibus Eveshamensibus pleno jure posse, ut videantur in jus Episcopale legitime præscripsisse*. Et Cap. *Cum olim*, eodem Titulo, confirmat cuidam Abbati Episcopalia jura, quæ illi in Capellis plurimis competeabant ex vetustissima consuetudine: *quia prædictus Abbas sufficienter ostendit Monasterium suum super institutionibus, destitutionibus, ordinationibus Plebani, & Clericorum, Baptismo, & Pœnitentia, in levioribus culpis, sepultura, decimarum perceptione, ac Divinis Officiis celebrandis, tam in plebe, quam in Capellis etiam supradictis, in excommunicando, atque Interdicendo, & etiam absolvendo legitima præscriptione munitum, Abbatem ipsum ab impetitione tua super jam dictis articulis duximus absolvendum*. Estque evulgatum, probatumque inter Juris Canonici peritos axioma, consuetudine acquiri posse, quæ privilegio acquiruntur. Hæc attendens Sapientissimus Pontifex, cujus summa est in rebus ecclesiasticis peritia, attendens quoque celebrem illam sententiam Augustini ep. 118. cap. 5. *Ipsa mutatio consuetudinis, etiam, quæ adjuvat utilitate, novitate perturbat*, rata habuit, probavitque jura illa omnia Magni Capellani. Quemadmodum Cœlestinus III. Cap. *Quod dilectio*, de Confang. & Affin. maluit deferre antiquæ consuetudini, quam inducta novitate dissidiis causam præbere: *In hac parte consultius duximus multitudini, & observatæ consuetudini deferendum, quam aliud in dissensionem, & scandalum populi statuendum, quadam adbibita novitate*. Nam huic Majoris Capellani jurisdictioni sæpe Ordinarii locorum reluctabantur, ut idem refert Sanctissimus Pontifex: *Cum autem ex hujusmodi facultatum usu, & exercitio plura dubia, quæstiones, & dissidia inter Archiepiscopos, & Episcopos Regni Nea-*

Neapolitani, & prædictum Capellanum Majorem exorta fuerint, quæ adhuc vigent, & graviora in diem non sine fidelium scandalo timeri possunt, nomine prædicti Caroli Regis pro eximia sua pietate hujusmodi malo congrua adhibere remedia cupientis supplicavit, ut omnes, & singulas facultates, jura, & prærogativas in quascumque personas, & in quibusvis locis, Capellano Majori totius Regni Neapolitani pro tempore existenti ex antiqua & immemorabili consuetudine, vel etiam ex indulto, & privilegio Sedis Apostolicæ, vel alia quacumque ratione competentes, nostræ confirmationis robore commu-
nire. Ut his dissidiis finem imponeret jam olim Clemens VIII. anno 1603. litteras in forma Brevis ediderat, a Chioccarello relatas, quibus constituit, Majorem Capellanum curam gerere animarum eorum omnium, quorum est in Palatio domicilium; hisdemque per se, vel per alios Sacramenta administrare Pœnitentiæ, Eucharistiæ, Matrimonii, Unctionis extremæ; Clericos Palatinos absolvere in quibusdam casibus ab excommunicatione, & irregularitate; eorum causas discutere, in prima tamen instantia; & Sacris operari in quacumque Ecclesia Præfens præfens adesset. Memorat hoc Clementis VIII. Breve Pignatellus tom. 6. Consult. 80. ubi nonnulla profert Sacræ Congregationis Episcoporum, & Regularium Decreta in hac re, Pontificiis illis litteris consentanea, nempe in Tarentina die 3. Aprilis 1618. Neapolitana 4. Augusti, ejusdem anni, Brundusina die 5. Septembris 1607. Gravinensi 2. Maji 1615. Salernitana die 16. Februarii 1619. Neapolitana 11. Aprilis 1720. Verum enimvero, quod Pontificiæ litteræ non eam omnem Majori Capellano jurisdictionem permitterent, qua ab antiquissima consuetudine utebatur, Philippus III. Rex Hispaniæ, & Proreges Comes Lemosenfium, & Comes Beneventi, Pontificem exorarunt, ut ne Regiis juribus, & inveteratæ consuetudini vellet derogatum. Quamobrem annuerunt Romani Pontifices, nedum Clemens VIII. sed etiam successores, ut illarum litterarum executio suspenderetur. Illud tamen cautum voluit litteris suis Clemens VIII. ut si Neapolim adire contigisset Rex Hispaniæ, aut ejus successores, tunc Majori Capellano Neapolitani Regni omnia,

competere jura, quæ Magno Capellano Regis Hispaniæ: *Si contingat*, inquit Pontifex, *Majestatem tuam, & pro tempore existentes Hispaniarum, & utriusque Siciliae Catholicos Reges tuos successores ad prædictum Neapolitanum Regnum personaliter accedere, ibique personaliter residere, aut commorari: Capellanus Major tibi Regi, tuisque successoribus actu inserviens, etiamsi forte Capellanus ipse pro Regno Neapolitano constitutus, & deputatus existeret, omnibus privilegiis, facultatibus, & gratiis, indultis, & prærogativis per nos, aut Romanos Pontifices prædecessores nostros Capellano Majori Capellæ Regiæ in Hispaniarum Regno esistenti, etiam domum, & familiam Regiam sequentes concernentibus uti, frui, gaudere, illaque exercere etiam in prædicto Neapolitano Regno, quamdiu ibidem Reges moram trahens, juxta privilegiorum eorumdem formam, continentiam, & tenorem ultra præmissas gratias, facultates, privilegia, & indulta in præsentibus litteris comprehensa, libere, ac licite possit, & valeat, eorumdem tenore permittimus, concedimus, & pariter indulgemus. Æquum fane erat, & consentaneum, ut præsentibus in Aula Regibus uberiora privilegia Magno illorum Capellano conferrentur.*

X. Quid vero æquius, & convenientius, quam CAROLUM BORBONUM Gloriosissimum, & Clementissimum Regem utriusque Siciliae privilegiis pluribus prosequi, quæ illius Capellam, Capellanos, & Magnum Capellanum complecterentur? Illius enim plurima, & præclarissima sunt merita erga Romanam Sedem, & Ecclesiam universam; quæ ab atavis Regibus Galliarum, & Hispaniarum, a quibus originem ducit; quæque a prædecessoribus Neapolitanis Regibus, in quorum locum, ac dignitatem successit, magno in numero accumulata sunt. Neque enim est aliquis rerum anteaclarum adeo imperitus, qui ignoret, quam præclarissime quovis sæculo de Apostolica Sede, & omni Ecclesia, Neapolitani Reges Normanni, Andegavenfes, Aragonii meruerint. Quod nempe regiones hæc pulsis Saracenis, & Græcis, Catholicæ fidei, & Patriarchatui Romano vindicaverint; Ecclesias plurimas, Sacerdotia, Episcopatus excitaverint, ac ditaverint; Roma-

NORMAN

norum Pontificum leges, jura, dignitatem sanctissime colue-
 rint; eorum clientelæ se, suosque commiserint; Sedi Apo-
 stolicæ Regnum tributarium fecerint; Christianorum res in
 Palæstina copiis, & pecunia adjuverint; Romanis Pontifici-
 bus bello, aut schismate oppressis opem, & præsidium contu-
 lerint. Ita Willelmus II. Alexandro III. Pontifici armis Fri-
 derici I. Imperatoris exagitato: Robertus Clementi V. contra
 Henricum VII. & Joanni XXII. contra Ludovicum Bavarum
 Imperatores, Ghibellinosque: Joanna II. Martino V. contra
 Braccium infensissimum hostem Sedis Apostolicæ: Alphonsus
 Eugenio IV. ad reprimendum Franciscum Sfortiam, milite,
 pecunia, consilio, omnique opera subsidium validissimum præ-
 stiterit. Insignia quoque fuerunt merita Caroli III. erga Ur-
 banum VI. & Ladislai Regis erga Bonifacium IX. atque Gre-
 gorium XII. vigente schismate Avenionensi; nec non Ferdin-
 andi I. erga Pium II. Romanum Pontificem. Verum non
 ob sola prædecessorum Regum plurima, & maxima benefacta
 erga Romanam Sedem, CAROLUS BORBONIUS bene, insigniter-
 que de ea meruit; cum & nomine proprio, pluribusque titu-
 lis promeruerit a Romanis Pontificibus præstantissima benefi-
 cia. Quod nimirum summa sit ejus erga rem Divinam pietas;
 summa quoque religio erga Romanum Pontificem, & Eccle-
 siasticum Ordinem; cujus auctoritati ut ne derogaret, statim
 ab adepto imperio, curavit a Romano Pontifice limites de-
 scribi utriusque potestatis, editis Concordatis, quibus inter
 Sacerdotium & imperium pax firmaretur. Hisce itaque meri-
 tis Gloriosissimi Regis Sapientissimus Pontifex BENEDI-
 CTUS XIV. deferendum esse decrevit, pluribus collatis pri-
 vilegiis, ut in ipso Constitutionis exordio testatur: *Convenit*
providæ Apostolicæ Sedis benignitati facilem se, & liberalem
ostendere in gratiis, & favoribus elargiendis Christianis Prin-
cipibus, qui ex præclaris majorum suorum meritis, & sua-
rum virtutum ornamentis, pietate erga Deum, devotione, &
obsequio erga hanc Sanctam Sedem in conspectu omnium splen-
dere noscuntur. Quamobrem hujusmodi Pontificia Constitu-
tio recensenda est inter privilegia remuneratoria; quæ licet
in dubio censeantur personalia juxta L. 1. ff. de Constit. Princ.

ubi: *Quæ Princeps alicui ob merita indulſit, perſonam non egrediuntur*; attamen eſſe poſſunt, ac ſæpiſſime ſunt realia, cum nempe proxime, & directe conferuntur rei, & dignitati, conſequenter vero perſonis, quæ talem dignitatem obtinent, & perpetua ſunt, atque ad ſucceſſores tranſeunt. Ea Conſtitutio data eſt a doctiſſimo Pontifice die 6. Julii, anno 1741. Pontificatus ſui anno primo, quam in hujus Operis calce integram exhibemus: cui additum eſt, anno ſequenti, aliud Reſcriptum, quod *Motum proprium* dicunt, ut innuat, ex mera liberalitate, & ſpontanea conceſſione beneficia hujusmodi indulgeri, quo Reſcripto majora in Magnum Capellanum, transferuntur jura. 1. Igitur annuit Sanctiſſimus Pontifex, ut in Capella Palatina Neapolitani Regis, ad inſtar publicæ Eccleſiæ, omnia Divina Officia perſolvantur; Miſſæ celebrentur hora una ante diurnam lucem, & altera poſt meridiem; Sacra Euchariſtia publicæ adorationi exhibeatur, & in ſupplicationibus circumgeſtetur, atque in Altari aſſervetur; uti etiam Sacra Olea aſſerventur non modo in Capella Palatina, ſed etiam in Capellis omnibus Arcium, quinimo in Regiis triremibus, ac navibus bellicis, tempore navigationis. Et olim quidem aſſervatam Euchariſtiam in Capella Palatina noſtrorum Regum, & celebrata ſolemni ritu Divina Officia, ex iis, quæ dicta ſunt, & quæ Capite ſequenti dicemus, compertum eſt. Quoad Regias triremes, Gregorius XIII. anno 1576. petente Joanne Auſtriaco Supremo Claiſis Præſecto Breve edidit, *Ad Apoſtolice dignitatis apicem*, quo conceſſit, ut in ſingulis triremibus adeſſet Capellanus Presbyter, cui in quocumque loco triremes ſteterint fas eſſet mortuos ſepelire; ut Capellani a Vicario Generali dictæ Claiſis adprobati, licite poſſent Sacrum facere in qualibet Eccleſia, & hora una poſt meridiem; ut Claiſiariorum ſacras Confeſſiones audirent, eiſque Euchariſtiam miniſtrarent; iſdem annuerent facultatem comedendi ova in diebus jejunii; denique Indulgentiis nonnullis Claiſiarios donavit. Tum Paulus V. die 10. Septembris, anno 1614. datis litteris in forma Brevis, quæ incipiunt, *Spirituali militum*, conceſſit ad ſeptennium, ut Oleum Sanctum pro ungentis inſirmis aſſervaretur in Regiis triremibus, & deferretur.

tur. Aliisque litteris ejusdem anni, quæ incipiunt, *Imposuit nobis*, indulgit ad septennium, ut de viciniore Parochia deferretur Eucharistia ad triremes pro Viatico infirmorum in ipsis triremibus existentium. Urbanus VIII. anno 1624 die 17. Februarii, dato Brevi, *Spiritualium militum*, permisit ad septennium, ut Oleum Sanctum in ipsis triremibus aservaretur: & alio Brevi dato eodem die, & anno, pariter ad septennium annuit, ut Parochus e viciniore Parochia deferret Eucharistiam pro Viatico infirmorum in triremibus existentium; & ut Capellanis triremium fas esset in locis diffitis ab Ecclesiis Parochialibus celebrare super Ara portatili, atque deferre Eucharistiam ad infirmorum Viaticum. Extant hæ Pontificiæ concessionem tom. 2. MSS. Chioccarelli. II. Pontifex annuit Regi, ejusque successoribus facultatem eligendi Presbyterum aliquem sive Sæcularem, sive Regularem ab Episcopo suo approbatum, qui Majorem Capellanum agat in Neapolitano Regno, quem declarat exemptum ab omni ordinaria jurisdictione, & Prælatitiis insignibus uti posse. Tum Regi, ejusque successoribus, & Proregibus, aut Capellano Majori potestatem facit nominandi, & constituendi Capellanos, Clericosque, qui in Capella Regis, Arcibus, Castris, Classe incumbant sacro ministerio: quos tamen constet ex testimonialibus litteris suorum Ordinariorum, seu Superiorum, nullius criminis reos esse. Hos vero omnes prorsus eximit ab Ordinariorum jurisdictione, & Majori subjecit Capellano, ita ut ad hunc spectet illorum negotia sive civilia, sive criminalia, sive mixta discutere, ac definire, nec ulla sit provocatio a Majori Capellano ad Judicem alium. III. Ne exemptorum nimia multitudo Ordinariorum jurisdictionem convellat, Sapientissimus Pontifex constituit numerum Capellanorum, Clericorum, & Scholarium Capellæ Regiæ, & Arcium Neapolitanæ Urbis, non ultra centum a Majori Capellano conscribi posse; in Arcibus vero totius Regni, non ultra duos, aut tres in singulis Arcibus; denique in exercitu Regio terra, marique, nonnisi tot Capellanos constitui debere, quot actu inserviunt sacro ministerio. Regi tamen, ejusque successoribus liberum sit designandi Capellanos ultra præfixos limites, si ita
eis

eis expedire videbitur . Cæterum hujusmodi Capellani, Clericique Palatini, Arcium totius Regni, castrenses, maritimi exempti sunt, cum Regis obsequio actu sunt addicti. iv. Permittit Majori Capellano Pontificalium usum in Capella Regis, & in Ecclesia S. Sebastiani sita in Arce, quæ *Castel nuovo* dicitur. In aliis vero Ecclesiis, nonnisi præsentè Rege, aut Regina, aut Prorege; & dummodo Episcopus loci in eadem Ecclesia præsens non sit, qui Pontificalia agere velit. In Ecclesiis vero Cathedralibus, & Metropolitanis, præter præsentiam Regis, Reginæ, aut Proregis, requiritur consensus Episcopi illius Ecclesiæ. v. Concedit Majori Capellano facultatem agendi Rem Divinam per se, aut per alios ab ipso deputatos in quacumque Ecclesia, quam Rex, Regina, aut Prorex adierit. At in Ecclesiis Cathedralibus, aut Metropolitanis requiritur Episcopi consensus. vi. Præsentè Rege, vel Regina, aut Prorege in qualibet Ecclesia fas est Majori Capellano designare Concionatorem, cui ejus Superiores concionandi munus minime interdixerint. Idque illi fas est in Capella Regis, & Ecclesia S. Sebastiani, etiam si neque Rex, neque Regina, neque Prorex adessent. In aliis vero Ecclesiis ipsi subiectis, si Rex, Regina, aut Prorex minime præsentès sunt, potest quidem Concionatorem designare, sed qui a suis Superioribus juxta Tridentini decreta, concionandi facultatem obtinuerit. vii. Majori Capellano datur facultas conferendi Tonfuram Clericalem, minores, majoresque sacros Ordines Scholaribus Capellæ Regiæ, & Ecclesiæ Parochialis S. Sebastiani; aut eisdem concedendi litteras diniissoriales, ut ab eorum Ordinariis, vel aliis Episcopis promoveantur ad sacros Ordines. Tum absolvendi vel per se, vel per alios, nedum prædictos Scholares, sed etiam Capellanos, & Clericos Capellæ Regiæ ab excommunicatione Canonis, & ab irregularitate, in quam incidit excommunicatus, si Sacris operetur. viii. Majori Capellano committitur spiritualis cura Regum, Reginarum, Regiæ prolis, Aulicorum, omniumque Regibus actu inservientium, ubicumque Rex, aut Aula fuerit, etiam ruri recreationis causa. Insuper omnium, qui in Palatio Regis, & viridario, statione triremium, atque Arci-

Arcibus Neapolitanæ Civitatis commorantur. Ad horum omnium Confessiones excipiendas potest Confessarios adprobare, & constituere; qui tamen, si e Regularium cœtu sint, expectare debent suorum Superiorum consensum. At Regi, & Reginæ liberum est eligendi quem velint Presbyterum ex approbatis a Majori Capellano. Neque solum Pœnitentiæ Sacramentum, sed etiam alia Sacramenta, in ipso quoque mortis periculo, potest Major Capellanus vel per se, vel per alios Palatinis, cæterisque in locis ipsi subjectis existentibus ministrare; eisdem vita functos Ecclesiasticæ sepulturæ mandare vigente etiam Interdicto. Ex his sequitur, Rege Siciliam adeunte, adhuc ad Majorem Capellanum Neapolitani Regni spectare posse sacrum Aulae ministerium, & Sacramentorum administrationem; cum in Constitutione Pontificia id juris tribuatur Majori Capellano, *ubicumque Rex, aut Regia Curia, seu Aula fuerint, etiam ruri recreationis causa*. ix. Quoad matrimonia celebranda; si uterque contrahens degerit in locis subjectis jurisdictioni Majoris Capellani, ibi faciendæ sunt proclamationes, & conjugii benedictio danda est a Majori Capellano, vel Presbytero ab eo delegato. Si sponsæ domicilium alibi extiterit, proclamationes in utriusque sponsi Parochiis agenda sunt, conjugium vero celebrandum in Parochiali Ecclesia, ubi mulier habet domicilium. Exteris vero sponlis, lato decreto ab Ordinario loci de matrimonio licite inter eos contrahendo, potest Major Capellanus vel per se, vel per alios benedictionem nuptialem impendere. Pariter Major Capellanus licite potest Baptismum conferre nedum infantibus, qui ratione originis ei subjecti sunt, sed & Turcis, Judæisque, qui baptizandi sunt præsentem Regem, vel quos Rex e Baptismo suscipit. x. Majori Capellano sit potestas eligendi, ac statuendi Capellanos, seu Presbyteros, qui in expeditionibus, sive terrestribus, sive maritimis, ubicumque locorum Regis militares copię fuerint, eis Sacramenta Baptismi, Pœnitentiæ, Eucharistiæ, Matrimonii, & Unctionis extremæ, administrent. At si in statione, non in expeditione milites versentur, tunc hujusmodi Capellani debent de consensu Episcopi, vel Vicarii Generalis, vel Pa-

Parochi loci, Parochialia munia peragere; qui tamen consensus eis habentibus litteras testimoniales Capellani Majoris haud est denegandus. Quoad matrimonia militum in stationibus existentium, ea celebrari debent coram Parocho loci simul, & Capellano castrensi. Quoad cetera Parochialia officia, uti in benedicendis domibus, ducendis funeribus, & aliis hujusmodi, hæc a Parocho loci peragenda sunt; eo vero renuente, agi licite possunt a Capellano militum. Atque hæc circa milites stationarios constituta, locum etiam habent circa eos milites, qui in Arcibus Regni commorantur. xi. Milites Neapolitani Regis ex iis regionibus, ubi viget hæresis, possunt in actuali expeditione absolvi a crimine hæresis, aut apostasie a fide a Majori Capellano, vel Presbyteris ab eo delegatis. Extra Italiam vero, & Insulas adjacentes competit hæc facultas Majori Capellano quoad milites omnes Regis. xii. Iisdem militaribus copiis, imo etiam foeminis, omnibusque castra sequentibus, cum contra hostes arma moventur, potest Major Capellanus permittere usum carniū, ovorum, casei, & lacticiniorum, iis diebus, quibus nefas est hisce cibis uti. Verum nec in Hebdomada sancta, nec omnibus diebus Veneris, & Sabbati totius anni potest indulgere carnea cibaria. Olim Gregorius XIII. petente Joanne Zunica Principe Petreperse, & Regni Prorege, Brevi dato die 3. Martii, anno 1580. quod exhibet tom. 2. MSS. Chioccarellus, concesserat militibus tunc, & pro tempore existentibus in Præfidiis, & Arcibus Neapolitani Regni, ut Quadragesimæ tempore, ovis, & lacticiniis vesci licite possent. xiii. Benedictio triremium, ac navium, atque vexillorum, aliæque hujusmodi ecclesiasticæ Cæremoniæ, quæ ad Regis militiam spectant, adscribuntur Majori Capellano. xiv. Potest Major Capellanus permittere iis omnibus, qui ejus spiritali jurisdictioni subiecti sunt, nempe qui in Aula, viridario Regio, Arcibus, statione triremium, Hospitalibus militum degunt, tam maribus, quam foeminis, ut in diebus festis opus laboriosum agant, dummodo causa urgeat, & Sacrum audiant. Denique conceditur Majori Capellano omnimoda jurisdictio ordinaria quoad omnes ejus spiritali curæ subiectos, uti sunt Palatini, mili-

milites, classarii, & qui in Arcibus, Hospitalibus militum, statione triremium commorantur; ita ut ibi fas sit ea omnia agere, quæ Archiepiscopi, Episcopi, cæterique locorum Ordinarii agunt in suis Dioecibus, exceptis tamen, quæ sunt Ordinis Episcopalis. Eisdem omnes potest, vel per se, vel per alios absolvere ab omnibus peccatis; iis quoque, quorum absolutio est Episcopis, & locorum Ordinariis reservata. Quæ vero sunt Ordinis Episcopalis, hæc tantummodo in Regia Aula, ubi Rex, aut Regina, aut Prorex moratur, & in Ecclesia Parochiali S. Sebastiani, illi agenda permittuntur. xv. Præterea Motu proprio ejusdem Gloriosissimi Pontificis novis privilegiis aucta est facultas Majoris Capellani quoad militares copias, etiam auxiliares, dummodo sint in actuali expeditione; nempe auctoritate absolvendi omnes in exercitu Regio existentes a quibuscunque delictis, etiam Episcopis, locorum Ordinariis, aut Sedi Apostolicæ reservatis: commutandi, relaxandi, dispensandi, absolvendi illorum omnium vota, juramenta, irregularitates, & censuras ecclesiasticas, juxta tamen Canones, & Tridentini decreta: concedendi illis omnibus plenariam Indulgentiam, imminente morte, atque in Nativitate Domini, Paschate, & Assumptione B. Virginis; tum etiam concedendi Indulgentiam decem annorum illis omnibus, qui in diebus festis ad concionem audiendam accesserint: celebrandi Missam una hora ante auroram, & altera post meridiem, & in quocumque loco decenti, & in Altari portatili; quinimo, si gravissima urgeat necessitas, etiam bis in die: benedicendi sacra omnia instrumenta, exceptis iis, in quibus sacra unctio est adhibenda: reconciliandi Ecclesias, Capellas, & Cœmeteria, ac Oratoria quomodolibet polluta, in iis locis, ubi Regius exercitus steterit: denique celebrandi Missam pro expiandis Defunctis in quocumque Altari etiam portatili, quæ liberanda alicui animæ e Purgatorii poenis suffragetur. Cum igitur Aulicis, militibusque Major Capellanus immineat, hinc illorum spiritualia negotia ad ejus judicium remittuntur: quemadmodum Rescripto Summi Pontificis BENEDICTI XIV. anno elapso 1748. factum novimus; cum Alphonfus Carafa Dux Montisnigri, Tribu-

nus militum, seu Dux unius legionis peditum, quæ Comitatus Molisii dicitur, & Regis a cubiculo aurea clave donatus, datis supplicibus libellis petiisset a Romano Pontifice, ut sibi facultas concederetur legendi libros, quorum interdicta est lectio, atque ruri, & alibi habendi domestici Oratorii.

C A P U T V.

DE LITURGIA PALATINA.

De Liturgia in Oratorio Palatino Imperatorum Orientis. II. Ordo celebrandæ Liturgiæ in Capella Regum Gallie. III. Et in Capella Regum Hispaniæ. IV. Ac Regum Sardinie. V. De Liturgia in Aula Regum Siciliæ. VI. Et Regum Neapolitanorum. VII. Ordo Liturgiæ in Capella Palatina Neapolitana, regnantibus Aragoniis. VIII. Et subsequentibus sæculis, usque ad hæc tempora. IX. De Regia mensa in magnis solemnibus. X. Ritus olim observati in mensa Regum Neapolitanorum.



Apellæ Palatinæ Summorum Principum publicis Ecclesiis æquiparantur, ubi Divina Officia omnia solemniter ritu peraguntur a Clericis pluribus illarum obsequio addictis, quibus sæpe Reges adesse solent, non privatim tantummodo, sed Regia plane pompa, tuncque sacrum ipsum ministerium, vulgo dici solet, *Cappella Reale*. Id quidem jam diu in more fuit apud Imperatores Orientis, utpote qui insigniores anni festivitates Pascha, Magnam Hebdomadam, Nativitatem Domini, Festum Spiritus Sancti, Exaltationem Sanctæ Crucis in Oratorio Palatino celebrarunt solemniter pompa, ac splendido apparatu, uti refert Codinus in libro de Officiis Aulae, & Ecclesiæ Constantinopolitanæ. His diebus Imperator accedebat ad Ecclesiam Palatinam, Imperialibus indutus ornamentis, ferens dextra manu Crucem, sinistra lampadem: præibant Lampadarii præferens accensam lampadem, ut mos fuit Græcis Imperatoribus; nonnullique

Pro-

Proceres Aulae ferentes duodecim flammula, seu vexilla, in quibus expressae erant imagines Crucis, quorundam Sanctorum Pontificum, aut Martyrum. Imperatorem comitabantur Magnates Aulae, & Imperii, quorum quilibet sui Ordinis gerebat indumenta. Sed in festo Palmarum parabatur ambulacrum ab Imperatorio cubiculo usque ad Oratorium floribus, ramisque stratum. Despotae sua etiam habebant vexilla, suas itidem lampades. Ingrediente Imperatore Ecclesiam Palatinam, Cantores, Lectoresque acclamabant: *Diuturnum facias Deus imperium tuum*; & hujusmodi acclamationes frequentissimae erant in ipsa Liturgiae celebratione. Tum Imperator osculabatur Imagines, vel Crucem, aut Evangelium; atque Solio insidebat, in aedícula extra cancellos Bematis, quae dicebatur Solea, eique adhaerebat Magnus Domesticus tenens manu enssem Imperatorium. Proceres vero adstant, servato ordine suae dignitatis. Imperatrix, & coeterae Augustae consistebant in quibusdam aulis, seu cubiculis medio in Templo politis, quae dicebantur sedes Imperatricis, uti legitur apud Cangeium lib. 3. Constantinopolis Christianae. Sacris operabatur Patriarcha, aut Protopapa Palatii. In Paschate decantatis Matutinis, & inchoata Liturgia, ante Apostoli lectionem accedebant ad Imperatorem Solio insidentem Proceres cuncti, & illius osculabantur pedem, manum, & genam. Feria quinta Magnae Hebdomadae Patriarcha, Episcopi, caeterique Praefules adibant Palatium ad salutandum Imperatorem in sella Regia confidentem; quem Patriarcha thure adolebat, tum osculabatur; caeteri vero Praefules osculabantur Imperatoris manum, & genam. Eadem feria quinta, hoc ritu agebatur ab Imperatore lotio pedum, quem ita describit Codinus cap. 12. *Constituunt duodecim pauperes, eosque subuculis, sive tunicis, curtis braccis, seu caligis, & calceis vestiunt; & posita pelui in Imperatoris conclavi, Protopapa ad januam conficiens, recitat illud: Benedictus Deus notter, cum Trisagio. Deinde lecto per illum Evangelio, quando processit usque ad illa verba: Mittit aquam in peluim. Postea adducunt jam antea preparatos pauperes sigillatim quemlibet, quorum quivis manu cereum ardentem gestat; & hoc quidem sedente, Protopapa*

*autem Evangelium legente, illudque pronunciante: Cœpit lavare pedes discipulorum; idque sæpius, donec scilicet omnium pedes abluuntur; lavat Imperator dextrum cujusque pedem, lotumque sindone, qua præcinctus est, abstergit, & osculatur. Quo peracto, terminatur officium lotionis. Dantur autem cuilibet pauperi tria aurea numismata: postmodum inchoatur Liturgia, seu Missa. In magno Sabbato post Apostoli lectionem tres e Lectorum Ordine efferentes ex Ecclesia, lauros, eas spargebant ante Imperatorem. In Paschatis officio accipiebat Imperator a Protopapa lampadem, dum legebatur Evangelium, Procere vero a cæteris ministris cereos: sed circa vesperam adibat Ecclesiam S. Sophiæ ad audiendos Vespertinos Hymnos, ubi ipse, & singuli Procere thure colebantur a Patriarcha. Addit Codinus, olim morem viguisse, ut in his Vesperis ingrederetur Imperator Sanctuarium, & sanctam Mensam thure adoleret, tum etiam Clericis dono daret centum libras auri. Præter has solemnitates memorat Codinus cap. 9. Festum adorationis Crucis, quod Dominica quadam ad id designata in Palatio celebrabatur. Eo die Archidiaconus cum Cantoribus afferebat Crucem ex Ecclesia Palatina: cui Imperator, circumstante Aulico comitatu, obviam ibat usque ad januam, eamque semel, atque iterum adorabat, & osculabatur. Memorat etiam cap. 19. benedictionem quamdam singulis mensibus in Palatio faciendam, hoc ritu. Decantato Matutino, & Officio benedictionis, Protopapa accedebat ad Imperatorem medius inter Archidiaconum ferentem Crucem, & Protopsaltem ferentem urceolum, ubi sanctificationis materia continebatur. His obviam ibat Imperator; tunc Protopapa, acceptam ab Archidiacono Crucem imponebat fronti Imperatoris cum precibus, isque Crucem osculabatur, acclamantibus omnibus: *Ad multos annos*. His peractis, si quod in promptu erat Rescriptum a Principe subsignandum in alicujus gratiam, signabatur, omnibus pariter accinentibus: *Ad multos annos*. Fuit & alia insignis cæremonia Aulæ Constantinopolitanæ, quum singulis annis, desinente Quadragesima, ad Aulam defereretur e Monasterio, ubi asservabatur celeberrima, apud Græcos Imago SS. Virginis Victorix, seu Hodegetrix; quam*

quam summa religione Græci coluerunt, atque in bellicis expeditionibus deferre consueverunt. Atque hæc festa in Palatio agebantur, ut tradit Codinus, qui cap. 15. alia quædam recenset, quæ extra Palatium celebrabat Imperator, sive in Ecclesia S. Sophiæ, sive in aliis Ecclesiis, ad quas accedebat aut ad Vespertinum Officium, aut ad Liturgiam; præeuntibus nonnullis Imperatoriis ministris cum lampade, & vexillo Imperatorio, qui ibi Principem expectabant, usque ad Rei Divinæ finem. Et hinc patet, antiquum, usitatumque esse morem, ut in magnis solemnibus Principes Regia pompa adfuerint Rei Divinæ, quæ celebratur, ministrantibus Clericis suis in Ecclesia Palatina.

II. Olim Francorum Reges consuevisse in Aula sua insigniores solemnitates singulari cultu, & apparatu celebrare, non obscure colligitur ex antiquis Scriptoribus, qui adnotare solent loca, ubi Reges Pascha, vel Natale Domini celebrarunt, hac phrasi, *Tenuit Rex Natale*, qua indicatur, peculiari quadam ratione hæc solemnitas in Aula Regum peracta fuisse. Quibus vero ritibus Liturgia Palatina olim absolveretur minime constat, uti observavit Peiratius lib. 2. cap. 37. & sequentibus; neque enim aliud e veterum monumentis colligitur, nisi quod hisce festis diebus Principes Regalia induebant ornamenta, splendidis epulis Aulicos excipiebant, donis, ac beneficiis quosdam cumulabant, Comitibus, sive Placitis generalia agebant. Quod etiam Angliæ Regibus usitatum fuit; siquidem Anglicanarum rerum Scriptores frequentissime innuunt habita Placita generalia a Regibus in magnis solemnibus. Neque silentio prætereundum est, olim Episcopos Galliæ, instante Natalis Domini festo, consuevisse munuscula quædam ad Regem transmittere, eundemque per epistolas sciscitari, an bene valeret, ut pro illius valetudine preces apud Deum funderent, quarum litterarum formula exstat apud Marculphum lib. 2. cap. 44. & 45. In celebrandis vero Divinis Officiis tradit Peiratius lib. 2. cap. 10. servatum fuisse in Capella Palatina Regum Galliæ, primò ritum Gallicanum, tum sub Carolo M., & ejus stirpe ritum Romanum; at imperantibus Regibus tertiæ stirpis ritum Ecclesiæ Parisiensis; & hinc Guil-

lel-

Ielmus Carnotensis refert, S. Ludovicum Regem celebrasse Divina Officia *secundum morem Parisiensis Ecclesiæ*; hinc etiam Bullæ Clementis VI. a Tilletio relatæ permittunt Capellanis Regiis ritum Pariliensem; huncque viguisse usque ad Carolum IX. & Henricum III. quo temporis Romanus ritus in Capella Regum Galliæ obtinuit. In ea Capella is est ordo agendi solemnia, & Liturgiam, quem ex Dumontio, & Rouffetio libro 3. cap. 1. §. 6. Cæremonialis Galliæ, & ex Peiratio toto libro secundo de Oratorio Regis Galliæ, aliisque desumptimus. In magnis solemnibus quandoque Episcopus aliquis, quandoque aliquis Capellanus Regis Rem Divinam facit in Capella Regis. Nam in festis Pentecostes, Circumcisionis, & Purificationis, Sacrum facit Episcopus aliquis, qui amplissimæ Societati Equestri Spiritus Sancti sit adscriptus. In Paschate, Natali Domini, Festo omnium Sanctorum, pariter Antistes aliquis operatur Sacris, tum ad Missam, tum ad Vesperas, quæ iis diebus solemniter a Musicis Capellæ Regiæ decantantur. At in aliis festivis diebus, ut in Ascensione Domini, Assumptione Deiparæ Virginis, Dominica Palmarum, Feria quinta Coenæ Domini, Parasceve, Sabbato Sancto, aliisque festis, quibus Rex solemnibus Liturgiæ adesse vellet, Sacrum facit aliquis e Capellanis Regis. Is etiam agit sacrum ministerium in Vesperis: quæ olim decantabantur in Capella Palatina singulis Dominicis, & festis diebus; sed iussu Regis anno 1669. statutum est, ut nonnisi in recensitis solemnitatibus decantarentur. Pariter a Capellano aliquo Regis, cerei in die Purificationis, & rami olivarum in Dominica Palmarum benedicuntur; & Regi traduntur a Magno Eleemosynario, qui etiam initio Quadragesimæ, cinere adspersit Regium caput. Ad Capellanum quoque Regis spectat singulis diebus Sacrum facere coram Rege, & dum Missa celebratur, decantari solet a Musicis Palatinis aliquod Responsorium. In Capella Palatina Capellani Regis dextram occupant; Episcopi, Abbates, Capellani Regiæ, & Delphini sinistram: prope Regem adest Magnus Eleemosynarius, huic adhæret Primus Eleemosynarius; ex altera vero parte adest prope Regem ejus Confessarius. Locum inter Altare, & Regem oc-

cupant Eleemosynarii Regis Rocchetto, & Mantelletta indu-
ti; post hos consistunt Capellani, Clericique Capellæ Regiæ.
Quum vero Rex Christianissimus solemnî Liturgiæ adest, per-
git ad Palatinam Ecclesiam, præeuntibus militibus prætoria-
niis, sonitu tympanorum, ac tiliarum, & iis, qui Regis
sunt a cubiculo; sequentibus vero Magnatibus Aula, & So-
ciis Equestris Confratriæ Spiritus Sancti: tum, si Eucharistico
pane reficiendus est, ingreditur Oratorium, ubi Regem
expectat Confessarius, cui peccata sua confitetur. Interea si-
lent bellica instrumenta, atque sex milites agendis apud Re-
gem excubiis destinati, cum eorum Duce consistunt ad Ora-
torii fores. Sacra Confessione expleta, redit ad Ecclesiam,
ibique sub umbella, seu baldacchino consistit, supposito ge-
nibus pulvinari. Tum Episcopus, qui Sacris est operaturus,
salutato Rege, eundem adspersit aqua benedicta, & Sacrum
inchoat: quo incipiente, Rex Eleemosynario, qui ei pro-
ximus est, servandas tradit chirothecas, pileumque; ac a
Magno Eleemosynario, vel Primo Eleemosynario accipit li-
bellum precum, vel Divini Cursus. Decantato Evangelio,
Diaconus Sacrum Codicem porrigit Magno Eleemosynario,
qui illum præbet Regi deosculandum, his verbis: *Hæc sunt
verba sancta*, quibus Rex: *Credo, & confiteor*. Quandoque
tamen honoris causa alicui Episcopo, ex iis, qui adsunt, tra-
ditur Evangeliorum liber, ut ad Regem deferatur. Ad Of-
fertorium fit a Rege Oblatio. Et olim quidem, ut refert Pei-
ratus lib. 2. cap. 45. quotidie, ac bis in Missa Rex offerebat,
nempe ad Offertorium, & ad finem Liturgiæ: utraque tamen
Oblatio exigui fuit valoris, & nonnisi sub Ludovico VIII, &
Ludovico XI. aucta est ad aureos duos. At uberiores erant Ob-
lationes in Parasceve Domini ad adorationem Crucis, & in
aliis solemnitatibus, præsertim Epiphania, quo die Reges
consueverunt offerre aurum, thus, & myrrham. Hæ Obla-
tiones olim concedebantur Capellanis Regiis; sed jubente
Henrico II. anno 1548. concessæ fuerunt Parochis locorum,
ubi Rex degebat: & hinc mos invaluit, ut ubicumque Regium
fuerit domicilium, Parochus illius loci, singulis diebus num-
mum aureum accipiat nomine quotidianæ Regiæ Oblationis.

Nunc

Nunc vero temporis una tantum in Missa fit a Rege Oblatio unius nummi, sequenti ritu. E Clericis Regiæ Capellæ unus porrigit primo ex Principibus Regiæ stirpis, vel alicui Magnati ex illorum numero, quos vocant Officiales Coronæ, nummum offerendum: interea ab aliquo Eleemosynario Regis apponitur pulvinar ad infimum Altaris gradum, ac prope ipse sistit flexis genibus; ex altera vero parte sistit Magnus Eleemosynarius flexus & ipse genibus, tenens argenteam concham. Tum Rex ad Altare accedit, eumque sequuntur duo prætoriani milites cum eorum Duce, procumbit in genua, nummum accipit a Principe Regiæ stirpis, atque in concham injicit; deinde Patenam osculatur, & salutato Altari, redit ad locum unde discesserat. Ad elevationem sanctæ Hostiæ, Cantores Palatini decantant hos versiculos: *O salutaris Hostia: Quæ celi pandis ostium: Bella premunt hostilia: Da robur, serua liliū.* Hujus moris initia repetit Peiratius lib. 2. cap. 55. a Ludovici XII. ætate; quum anno 1512. plures Europæ Principes, inito foedere, illi bellum indixere. Ea occasione, Episcopi Gallicani pro Regis, Regniq̃ue incolumitate preces illas effundendas decrevere; quod nedum in Regia Capella; sed & in aliis quibusdam Gallicanis Ecclesiis observatur. Cum ad pacis osculum Sacerdos pervenit, Diaconus porrigit pacis instrumentum Magno Eleemosynario, vel digniori Episcopo præfenti, a quo defertur ad Regem. Si a Rege sumenda sit sacra Eucharistia, id hoc ritu peragitur. Antequam Sacerdos consecrandum panem offerat, Magnus Eleemosynarius accipit a Clerico aliquo Capellæ Regiæ capsulam argenteam serico velo tectam, & in argentea concha positam, in qua capsula plures continentur Hostiæ, illarumque unam tradit eidem Clerico prægustandam, ut periculum faciat, Rege præfente. Deinde reliquæ Hostiæ exhibentur Regi, ut illarum unam seligat, quam serico velo involutam deferunt ad Antistitem. Sacra facientem, consecrandam pro communionem Regis. Haurito ab Antistite Christi Domini Sanguine, apponuntur prope Altare pulvinaria duo, scabellum, ubi Rex genua flectit, & mappa, quam manibus suffulciunt duo Principes Regiæ stirpis, vel in horum absentia duo Proceres Regni, Magnus Eleemo-

mosynarius, & Primus Eleemosynarius. Tum Antistes Sacra faciens versus ad Regem, eundem paucis alloquitur ad rem, de qua agitur, & consueto mox Ecclesiæ ritu, illi Eucharistiam porrigit. Quo facto, Præfectus Domus Regiæ præbet eidem vinum hauriendum, ut facilius Eucharistiam deglutiat. Olim usque ad Henrici IV. tempora, Reges Galliæ utramque speciem sumebant; exinde mos invaluit, ut nonnisi in Coronatione sua, communionem utriusque speciei perciperent. Præterea in Liturgia Capellæ Palatinæ Regum Galliæ servatur mos vetustissimus Eulogias, seu panem benedictum distribuendi. Nam Clericus aliquis Regiæ Capellæ exhibet Antistiti celebranti panes nonnullos in argentea concha ab eodem benedicendos; tum iidem panes Magno Eleemosynario traduntur, qui accepto ex iis uno, dissectoque in partes duas, hæc prægustandas tradit Clerico, & Eleemosynariorum uni ad periculum faciendum. Prægustatione facta, Magnus Eleemosynarius deferret Eulogias ad Regem, Reginam, Regiamque prolem, ab iis, quas velint, seligendas: cæteris vero Principibus Regiæ stirpis, & Aulæ Magnatibus inferior Eleemosynarius Eulogias distribuit. Huic ritui similis est alter, quo in Parochia Regii Palatii benedicuntur panes Regio stemmate distincti, qui ab Aula ad Ecclesiam magna pompa deferuntur, Rege adstante Rei Divinæ sub umbella, atque ad Offertorium cereum offerente. Panes illi benedicti dicuntur Eulogiæ Regis. Atque hi sunt præcipui ritus in solemnī Liturgia Capellæ Palatinæ Regum Galliæ. Ibi solet Rex Christianissimus adesse Divinis Officiis in præcipuis solemnitatibus, præsertim vero in Magna Hebdomada, & feria quinta Coenæ Domini pauperum pedes abluere, hoc ordine. Die præcedenti, ab aliquo ex Eleemosynariis Regis, & a Medico, Chirurgo, Tonfore Aulicis, tredecim seliguntur pauperes, quos nulla lue, nulloque ulcere insectos probaverint, eorumque nomina describuntur. Hi sequenti die ad Ædes Regias ducuntur, ubi lotis eorum pedibus, amputatis unguibus, ac capillis, tunicam induunt rubei coloris ad genua usque demissam; tum ab eorum consanguineis deducuntur ad Aulam quamdam Domus Regiæ, ubi sacra cæremonia est per-

A a

agen-

agenda. Ibi sedent in scamno, e regione Antistitis, qui sella insidens brevem habet ad eos concionem, tum dicto Psalmó *Miserere*, eis absolutionem impertit. Quo facto, singulis Rex Christianissimus dextrum pedem abluit, & osculatur; Magno Eleemosynario pelvim, altero Eleemosynario pedem pauperis fulcientibus. Lotione expleta, ibidem accumbunt mensæ; singulis tredecim fercula apponuntur, Rege eis ministrante, Regemque adjuvantibus Principibus Regiæ stirpis, aut Magnatibus Aulæ. Singulis etiam tredecim nummi a Rege donantur. His omnibus peractis, Rex una cum Aulico comitatu pergit ad Liturgiam audiendam in Capella Palatina; tum ferens accensum cereum comitatur Sanctissimum Christi Corpus ad Monumentum. Eadem die, tredecim pauperum puellarum pedes a Regina abluuntur. In Parasceve, Rex Sanctam Crucem adoraturus accedit post Sacerdotem, Diaconum, ac Subdiaconum, atque offert tredecim nummos; Eucharistiam a Monumento ad Altare deferendam comitatur; & sacro ministerio peracto, accumbit mensæ, folisque herbis, ac leguminibus vescitur. Tum nonnullis alieno ære oppressis veniam facit, soluta pro eis pecunia; tandemque ad Matutinum Officium pergit. Pariter in Magno Sabbato, ac Paschate, Divinis Officiis in Capella sua interesse solet: quo die quandoque strumosis manus imponit, uti etiam in Pentecoste, Festo omnium Sanctorum, & Natali Domini. Num Christianissimi Galliæ Reges eam vim curandi strumas divinitus accepere; quam quidem a Clodovæo Rege, qui primus Christianæ Religioni nomen dedit, profluxisse nonnulli opinantur. Sed obstat silentium veterum, præsertim Gregorii Turonensis, qui nullos memorat Reges primæ, aut secundæ stirpis hac virtute præditos, quamvis horum facta accurate describat. Obstat etiam, quod illorum Regum plurimi, non unctione cælestis olei, sed elevatione super clypeo, ut olim moris erat, inaugurati fuerint Reges. Quin etiam leguntur nonnulli tertiæ stirpis Reges curasse strumas, qui tamen Remensi oleo e celo delapso ad Clodovæum ungendum, minime peruncti fuere. Prima hujus moris vestigia occurrunt in vita Roberti Regis, filii Hugonis Ca-

pe-

peti, quem Helgaldus scribit impositione manuum infirmos curasse: & de S. Ludovico disertius testantur Guillelmus Nan-
gius, atque Gaufridus de Belloloco, illum signo Crucis stru-
mosos sanasse. Exinde Gallie Reges ad hæc usque tempora
hunc morem servarunt, de quo plurā tradunt Galli Scripto-
res. Itaque instantibus præcipuis anni festivitatis, si Rex
velit strumosis manum imponere, Magnus Eleemosynarius
eum conscium facit quot, & qui curandi sint: notumque sit
universis, Regem, statutis die, & loco, curaturum strumosos,
quibus interea temporis eleemosyna e Regio arario concedi-
tur. Stata die, primo Medici, ac Chirurgi Aulae diligenter
explorant, an revera strumis laborant, qui curandi sunt;
tum hi flexis genibus Regem expectant, qui singulis manum
in fronte imponens, profert hæc verba: *Rex te tangit, Deus
te sanat*. Singulis deinde Magnus Eleemosynarius nummum
elargitur, inquiens: *Orate pro Rege*. Hanc strumarum cu-
rationem sibi quoque vindicant Angliæ Reges: de qua re
Polydorus Virgilius lib. 4. Hist. Angl. scribit: *Eduardus I. Rex
Anglorum, qui & sanctus appellatur, solebas divinitus solo
tactu sanare strumosos, quod quidem immortale munus jure,
quasi hereditario ad Reges posteriores manavit: nam Reges
Angliæ etiam nunc tactu, ac quibusdam hymnis, non sine cæ-
remoniis prius recitatis, strumosos sanant*. Et Petrus Blefen-
sis ep. 150. ad Clericos Aulae Regiæ probat ex hac ipsa virtute
sanctitatem Regiæ Majestatis: *Sanctus, & Christus Domini
est, nec in vanum accepit unctionis sacræ sacramentum, cu-
jus efficacia si nescitur, aut in dubium venit, fidem ejus ple-
nissimam faciet defectus inguinarie pestis, & curatio scrophu-
larum*. Hinc nunc temporis Angliæ Reges Catholici e Stuar-
da familia, de Ecclesia, & Fide Catholica præclarissime me-
riti, stans quibusdam diebus, post recitatum a Capellano suo
Evangelium, & quasdam preces, strumosis manum impo-
nunt; uti a Jacobo III. Principe religiosissimo factum novi-
mus. Hispanis vero Regibus cælestem vim inesse sanandi ve-
xatos Dæmone scribunt Borrellus in libro de præstantia Regis
Catholici, aliique. Denique in Capella Regum Gallie, ab-
soluta Liturgia, Episcopi recens promoti præstant fide-

litatis juramentum, de qua re alibi agendum erit.

III. Hispaniæ Reges in magnis solemnibus adesse solent Rei Divinæ in Capella sua Palatina, ad quam sese conferunt hoc ordine, uti apud Dumontium, & Rossuetium in Cæremionali Hispaniæ legitur. Præcedunt duo Officiales Aulae, quos *Alcaldos* vocant, virgas manu ferentes, sequuntur Adolescentes Aulici, Cubicularii, Præfecti Domus Regiæ, Magnates Hispaniæ, Rex, & Asturicensium Princeps, prope Regem Cardinales, ac Oratores Principum, post Regem Dux Prætorianorum militum. Ingredientem Regem Major Capellanus, aut Apocrisiarius Pontificius, vel aliquis Antistes adspergit aqua benedicta. In Capella locus Regis est prope Altare a dextra illius parte, seu cornu Evangelii, ubi in tabernaculo quodam velis obducto, quæ dicuntur *Regiæ Cortinæ* consistit; prope adest Præfectus Regiis Cortinis, cujus muneri incumbit vela obducere, atque referare. Olim in scamnulo prope Regem sedebat Supremus Præfectus Domus Regiæ; sed decreto Philippi V. Regis anno 1705. uti referunt Dumontius, & Rossuetius, ea sedes concessa est Duci Prætorianorum militum, vulgo *Capitano della Guardia del Corpo*: quare Supremus Præfectus Domus Regiæ sedet primo loco in scamno Magnatum Hispaniæ, etiam si ex illorum numero minime sit. Dextram quoque Altaris partem occupant Major Capellanus, & Antislites, si qui adsunt, sedentes prope Aram, tum Magnates Hispaniæ scamno insidentes. Ex altera vero parte, seu cornu Epistolæ consistunt Præfecti Domus Regiæ, Legati Principum, & Capellani Honorarii. Regina Hispaniarum intra ligneos cancellos adest in ædícula quadam, cui proximus est locus Matronis Aulicis destinatus. Ita vero rem hanc describit Turretus in libro de Sacello Hispano cap. 4. *Prope Aram, & juxta Cornu Evangelii eriguntur Regiæ Cortinæ, ad quas per nullos gradus est ascensus, sed contigunt imum pavimentum. Sub iis Rex moratur, & confidet in sella. Proximus sequitur Præfectus Regiis Cortinis deducendis, & reducendis, qui semper adstat. Primus Magister, seu Majordomus Regiæ juxta sedet in sella humiliori, quam vocamus Hispanice Silla rafa. Subsequuntur cæteri, qui adsunt Hispaniæ Magnates capite oper-*

aperto, & affidentes in prælongo scamno, quod tantum vestie non inelegans tapetum. Adstant e regione Cortina Regia, & prope alterum Ara cornu cæteri Majores Domus Regia, suis baculis innixi, sed capitibus nudi. Hos excipiunt, sed sedentes in suo scamno, quod est vestitum serico villosa, & operiti capita, Legati Principum hoc ordine, Pontificius, Cæsareus, Gallus, Venetus. Cæteris Legatis jus sedendi coram Rege non est datum; unde in Sacello Regio non solent adesse. Legatis Principum sunt proximi Aula Capellani in suo etiam scamno soliti assidere (vulgo dicuntur de Honor, & e re, & sessione de Banco) superindusi supparo lineo, & tecti capita tegumento illo nigro, & quadrato, quod birretum appellatur, inter quos, ut etiam inter Magnates, nulla in sessione habetur ratio antiquitatis: modo Receptor, & Juridicus præcesserint, quem quisque inveneris locum, eum occupat in sedendo. Capellani etiam cum Concionatoribus Regiis ita convenit, ut sibi præferri patiantur ex Capellanis unum saltem, præter Receptorem, & Juridicum; qui deinde venerint, alternatim sedeant, adeo ut Capellani, & Concionatores sibi mutuo succedant. Idem ordo in publicis supplicationibus est servandus.

Quoties in Sacello concio habetur, portatile suggestum erigitur inter Legatos Principum, & Capellanos, adeo ut Concionator Regem alloquatur. Summus Capellanus, & si quis Antistes forte adest, sedens proximi Altari, & in cornu Evangelii, capitibus operitis. Cum vero contingit, adesse in Sacello Sanctæ Romanæ Ecclesiæ Purpuratum aliquem Patrem, penè æquatur in sessione cum ipsomet Rege, e cujus conspectu sedere solet, & habere præter sellam, Regiæ haud multum absimilem, pulvinar substrato pedibus tapete. In celebranda vero Liturgia hi præcipui ritus servantur. Si Sacrum facit Cardinalis aliquis, vel Antistes, aut Pontificius Apocrisiarius, tunc quidem ad Altare induit Pontificalia ornamenta, præsentem Regem; sed cum sandalia induit, pedes velamine obducuntur. Inchoata Missa, Major Capellanus, nisi Sacris operetur, medius inter Receptorem Capellæ Regiæ, aliumque Capellanum, monente Præfecto Cæremoniarum, accedit ad Regem, & prope recitat Introitum, atque Confessionem; duobus assi-

sten-

stentibus Capellanis provolutis in genua. Si vero Major Capellanus Sacris operatur, id muneris præstat Cardinalium, aut Episcoporum aliquis, ex iis, qui adsunt. Ubi Diaconus thure coluit Sacra facienteum deferit thuribulum ad Cardinalem, vel Antistitem aliquem, aut Apocrisiarium Pontificium, qui medius inter duos Capellanos Honorarios, accedit ad Regem, & Principem Asturicensem, quos thure colit, ter ducto thuribulo. Si nullus adlit Antistes, a Diacono Rex donandus est thure. Decantato Evangelio, Sacer Codex a Diacono porrigitur pariter Cardinali, aut Antistiti alicui, aut Pontificio Legato, ut ab eo deferatur ad Regem, Principemque Asturicensem osculandus; facto tamen prius periculo a Præfecto Regiarum Cortinarum, qui locum a Rege, & Principe deosculandum tergit velo quodam, quod mox suo ori admoveat. Si Rem Divinam facit aliquis e Cardinalium, vel Episcoporum ordine, tunc ei in lotionem manuum ministrant antiquiores duo Præfecti Domus Regiæ, vulgo *Maggiordomi*. Spectat ad Cæremoniæ Præfectum innuere Magnatibus, quum in Liturgia eis standum est, aut genua flectendum, sique inter eos aliqui adscripti sint Societati Velleris aurei, iidem in quibusdam solemnibus Torquem Societatis deferunt, uti etiam Rex, & Princeps Asturicensem. Et illi omnes, quibus ad Altare eundum, redeundumque est, salutato Altari, Regem, Reginam, Magnates, Oratores Principum eodem obsequio colunt. Absoluta Liturgia, sollemnis benedictio dari solet a Cardinali aliquo, vel Episcopo; si ex illorum numero minime sit, qui Sacris operatur. Qui vero festi dies in Capella Palatina Regum Hispaniæ præcipue colantur recenset Turretus cap. 6. ubi scribit, quolibet mense, feria quinta, & sabbato unius hebdomadæ in publico Aulae Sacello, Aram decenter exornari, & sanctissimam Eucharistiam publicæ adorationi exponi, a Sacellanis Psalmos poenitentiae Davidicæ alternis vicibus recitari, præsentem Regem intra ligneos cancellos, sollemni ritu peragi Missæ Sacrificium, ac eo finito, Sanctum Domini Corpus per Sacelli ambitum circumferri, deferentibus umbraculi, seu baldacchini hastas ipsismet Sacellanis, & sequentibus viris illustribus Palatinis. Addit, Regem Catholicum in pu-

publico Aulae Sacello, publicisque actionibus, semper primas concedere Collegio Ecclesiastico Palatino. Ita ceruum in festo Purificationis, cinerem initio Quadagesimae, post omnes Sacellanos Aulicos, & minores Clericos, qui Sacello interviunt, accipere consuevit. Itidem in Parasceve, postquam Antistes, qui Sacris operatur, & cæteri Sacerdotes Palatini adorarunt sanctissimam Crucem, tunc demum Rex ipse eandem flexis genibus adorat, progrediens ad Altaris gradus. At Crux ipsa, quam illi sunt deosculati, invertitur; & sublato operculo, frustulum sanctissimæ Crucis Rex osculatur. Tum flexus genibus ante eandem Crucem, reis quorundam criminum veniam facit, quos tamen puniendos urget dumtaxat Fiscus Patronus. Pro iisdem vero intercedit Magnus Capellanus, deponens ante Regem criminum tabulas, quas Forenses vocant processus. Ea die, nullus in Capella conspicitur Regius apparatus, nec Regiæ Cortinæ, nec tapetum Regiis pedibus substernitur, dumtaxat nigrum pulvinar genibus supponitur. Feria quinta in Coena Domini, post peracta in Capella Palatina Divina Officia, inde itur ad amplissimam aulam proximam Regiis cubiculis, præcedente sacra supplicatione, & viris Palatinis; Regem Oratoribus Principum subsequenibus. Ubi ad locum devotum est, decantatur Evangelium Joannis: *Ante diem festum Paschæ*; & simul atque ea verba proferuntur: *ponit vestimenta sua*, Rex ensen, & pallium deponit. Ad illa verba: *Cum accepisset linteam*, linteum præcingitur: tum flexis genibus progrediens, duodecim pauperum pedes abluit, abstergit, iisdemque pollicem, atque indicem in modum Crucis decussatos superimponit, & osculatur. Hoc peracto, instruuntur mensæ pauperibus ibidem, Regio apparatu; quibus Rex ipse fercula distribuit. Eisdem conceduntur vestes, nummi, & omnia mensæ utensilia, cibaria insuper, quorum magna est copia, quæ supersunt. Eodem die solet Rex plures adire Ecclesias adorandi causa Christi Corpus in Monumento positum: & spectat ad Magnum Capellanum tot aureos nummos in concham argenteam iniicere, quot sunt Regiæ familiæ Principes. Atque hi sunt insigniores ritus, quibus colitur magna Hebdomada ab Hispanis Regibus. Præterea in pervigiis

Na-

Natalis Dominici, & Epiphaniæ, Rex Catholicus Matutinis Officiis, quæ modis musicis decantantur, consuevit interesse, sed intra ligneos cancellos. In festo Epiphaniæ Sacrum facit solenni ritu, & Pontificali apparatu Antistes ex insignioribus, qui in Aula degunt, vel Apocrisiarius Pontificius, vel Magnus Capellanus: & ante oblationem Hostiæ, Rex e Cortinis Regiis ad Aram pergit, ibique procumbens in genua offert Antistiti celebranti tres calices argenteos, deauratosque. Is vero ad Regem conversus, utraque manu Patenam tenens, eandem Regi exhibet osculandam, postquam facto Crucis ligno, Regi pro oblato munere diurnam valetudinem, atque adfluentem rerum secundarum copiam fuerit a Deo precatus, pollicitusque illis verbis: *Centuplum accipies, & vitam eternam possidebis*. Calices vero ob festi mysterium continent, primus frustulum auri, alter grana thuris, tertius parum myrrhæ; iique donari deinde solent alicui Ecclesiæ, aut Monasterio, jubente Magno Eleemosynario: ex iis tamen unus singulis annis conceditur celebri Monasterio Escorialensi. In festo Corporis Christi Rex Catholicus e Palatio se confert ad Templum S. Mariæ, ubi postquam Antistes Rem Divinam solemniter fecerit, supplicatio instituitur. Præcedunt piæ sodalitates, & Regularium Ordines, Senatores Regii, Consilium Cruciatæ, Ordinum Equestrium, Regii ærarii, Italicum, Aragonicum, Quæstorum fidei, & Castellani. Sanctam Eucharistiam deferunt Sacerdotes sub umbraculo, quod suffulciunt Capellani Regis usque ad fores Templi, exinde vero Decuriones Civitatis. Sequitur Antistes, qui Sacris est operatus, & qui Capellani Regii illi ministrarunt. Tum Proceres Aulici, Magnates Hispaniæ, Regia soboles, Rex ipse gestans cereum accensum. Proximi Regi incedunt Cardinales, si qui adsunt. Sequuntur Legati Principum, Consilarii Status, Cubicularii, tandem claudunt agmen milites Prætoriani. Feria quarta infra octavam, Rex cum omni comitatu Aulico adest supplicationi, quæ fit intra Ecclesiæ ambitum in Cœnobio Monialium SS. Virginis Annuntiatiæ. Itidem in octava ejusdem festi, intervenit supplicationi in Regio Cœnobio Discalceatorum. Denique solet Rex Catholicus adire Ec-

Ecclesias Regularium, eo die, quem sacrum celebrant sui Ordinis fundatori.

IV. Solent etiam Sabaudiae Principes, sive Sardiniae Reges statis quibusdam festis diebus, solemnī pompa adesse celebrationi Liturgiae in Metropolitana Ecclesia, aut alibi: tum quidem se se ad Ecclesiam conferunt, pratorianis militibus stipati, tympanis, tibiisque resonantibus. Ad Ecclesiae ostium Magnus Eleemosynarius Regem adspersit aqua benedicta, quam Clericus Capellae Regiae in vasculo defert. At si in Ecclesiam Cathedralem pergit ad Templi fores Episcopus; hunc invitat Magnus Eleemosynarius, ut sacra aqua adspersat Regem. Cæterum in omnibus Ecclesiis, ad quas Rex se confert, id muneris spectat ad Magnum Eleemosynarium. In Ecclesia Solium paratur tribus gradibus ab humo erectum, ubi sella Regia basellae imposita, pulvinaria ad sedendum, & genua flectendum, ac similis quoque sella pro Regina apponuntur. Si adsint Principes Regiae sobolis, iis locus datur in eodem Solio, sed eorum sedilia carent dorsuali fulcro, & basi, ac pulvinaribus. Antistes Sacra faciens sedet in humili sella; neque enim præter Regium, aliud est in Ecclesia Solium. Prope Regis Thronum sedent Magnus Cancellarius, Consiliarii Status, Senatores, Magistratus; ex adverso vero, Equites Regalis Ordinis SS. Annuntiatae, & Aulici Magnates, suo quisque ordine. Tum e Sacratio, præeunte Capitulo, progreditur ad Altare Antistes celebraturus, Pontificalibus indutus ornamentis, & Sacrum incipit. Postquam thus dederit Altari, Præpositus Metropolitanae Ecclesiae, accepto thuribulo, accedit ad Regem, quem stantem thure colit, uti & Regis Principes, ter ducto thuribulo. Diaconus vero, reddito ei thuribulo, Canonicis thus offert: eodemque tempore Capellanus Aulicus Alba, & Tunicella indutus, e Sacratio prodiens, aliud ferens thuribulum, Equitibus Ordinis Sanctissimae Annuntiatae eundem honorem impendit, bis singulis ducto thuribulo. Decantato Evangelio, ab eodem Metropolitanæ Ecclesiae Præposito Evangeliorum liber defertur ad Regem, qui illum osculatur. Pariter idem Præpositus Metropolitanæ Ecclesiae pacis signum porrigit deosculandum Regi,

& Regiæ familiæ Principibus: Capellanus vero Aulicus, sacris indutus vestibus, idem præstat singulis Equitibus Ordinis SS. Annuntiæ. Si a Rege, & Regina sumenda sit sacra Eucharistia, Eleemosynarii manu tenent accensos cereos, mapulam vero suffulciunt Præfectus Domus Regiæ, & Aulica Matronæ; redeuntibus Rege, & Regina ad Solium, duo Cubicularii Regii pocula porrigunt aqua plena, flexo poplite, quam prægustaverant: deinde Magister Regiæ Domus, flexo etiam poplite, linteum præbet, quo os abstergatur. In die festi Corporis Domini, peracta solempni ritu Liturgia, de more cui Rex interfuit, supplicatione indicta, Rex, & Principes Regiæ familiæ deferunt umbraculi fulcimenta, seu baldacchini hastas, usque ad fores Ecclesiæ; ibi eas aliis tradunt, supplicationemque sequuntur. Si nulli adsint Regiæ cognationis Principes, hastas simul cum Rege efferunt antiquiores Equites Regalis Ordinis SS. Annuntiæ, Torque, & Vestimento Ordinis induti. Pariter feria quinta Majoris Hebdomadæ cum sanctissimum Christi Corpus ducitur ad Monumentum, Rex, Regii Principes, vel antiquiores dicti Ordinis Equites hastas ferunt. Quo die, in aula quadam amplissima Regiæ Domus, extructa Ara portatili, decantato Evangelio a Diacono, Rex præcinctus linteo, quod ei Magnus Eleemosynarius porrigit, tredecim pauperum pedes abluit, & osculatur. Tum hi accumbunt mensæ, singulis tredecim apponuntur fercula, quæ Regii Principes, & Magnates Aulici Regi præsentant, & is discumbentibus. Ea deinde inferiores Eleemosynarii e mensa auferunt, atque tradunt illorum consanguineis domum adsportanda. Singulos Magnus Eleemosynarius donat aureo nummo. Denique madido linteo a Cubiculario porrecto, Rex manus abstergit. Eodem ritu a Regina, cui ministrant Aulicæ Matronæ, lavantur pedes tredecim puellarum. Sed antea, Concionator Metropolitanæ Ecclesiæ brevem habet concionem. In Paschate solet Rex Vestimentum induere Ordinis SS. Mauritii & Lazari. Die septima Septembris, Nativitati B. M. Virginis sacra, Rex Vestimentum Ordinis SS. Annuntiæ, ac Torquem gestans, tum solempni Liturgiæ celebrationi, tum supplicationi, in qua circumfertur B. Virginis simulachrum in-

interesse solet: Regem sequuntur Principes, Equitesque ejusdem Ordinis, universi pileati, ac torquati. Tandem commemoranda omnino est insignis cæremonia Aula Regum Sardinia, cum singulis annis in Ædibus Regiis, publicæ adorationi, sanctam Sydonensem Taurinensem, qua involutum ferunt ipsum, Christi Corpus in Monumento, exponunt. Supplicatione indicta, Rex, Regii Principes, Equites Ordinis, Episcopi, Canonici Metropolitana Ecclesiæ, Clerici Capellæ Regiæ conveniunt: capsam ubi asservatur, quatuor Sacerdotes deferunt; umbellæ fulcra Rex & Regiæ cognationis Principes ab Altari usque ad Ecclesiæ fores, tum Equites Regalis Ordinis, ac alii aliis succedentes, ad locum usque publicæ adorationi statutum, deferunt. Ibi & concio habetur, & primus Regis Minister explorat, an integra sint Regia sigilla, quibus capsam obsignatur. Tandem eadem pompa ad Sacellum, ubi asservari solet, reducitur.

V. Quod in Aula Regum Sicilia, Divina Officia omnia, decentissime, & religiosissime persoluta fuerint, suadent insignis Ecclesia Palatina a Rogerio Rege constructa, Parochialis dignitas ei collata, numerosum Clericorum Collegium sacro illius ministerio addictum, summa Rogerii, & successorum, Regum erga res sacras religio. Constat vero ex Rogerii Regis litteris datis anno 1148. in gratiam Joannis de Nusco Abbatis Regii Monasterii S. Joannis de Eremitis, quas exhibet Pirrus in notitiâ hujus Abbatia, morem fuisse, ut in Capella Palatina in magnis solemnibus, vel Major Capellanus Regis, vel Episcopus aliquis, illo permittente, Sacris operaretur. Ita enim in illis litteris dicitur: *Statuentes, ut idem Abbas semper in omnibus festivitibus solemnibus tamquam Præcipuus Capellanus noster, quem nobis Patrem ordinavimus, & specialissimum Consecratorem ad celebrandum Divina in Capella supradicti nostri Palatii Panormi, Prælati Regni nostri cæteris præponatur; ut qui nobis in nostro Palatio majori vicinitate letatur, ampliori gaudere debeat prærogativa honoris, nec alius Prælatus præter sui continentiam, & consensum, vel eo invito, in prædictis festivitibus in Capella prædicta celebrare, præsumat.* Hinc patet in Capella Palatina præcipuos festos

dies solemnī ritu celebratos, Sacra faciente Episcopo aliquo : Rogerium vero decrevisse, ut illius Monasterii Abbas, tamquam primus Capellanus Regis ibi solemnīa ageret, vel Antistes aliquis, illo consentiente. Neque dubitandum, quin huic solemnī Liturgiæ Palatinæ, Reges adesse consueverint insigni pompa: hinc enim nonnisi a Magno Capellano Regis, vel ab Episcopo aliquo solemnīa celebranda erant; & hinc quoque idipsum habebatur loco honoris, & privilegiū. Paterno instituto adhæsisse Guillelmum filium probatur testimonio Romualdi Guarnæ Archiepiscopi Salernitani, auctoris cœvi scriptis de Guillelmo in Chronico edito primum ab Antonio Carracciolo Teatinæ familiæ ornamēto, tum inter Scriptores Itacos a Clarissimo Muratorio: *Divino Officio*, ait ille, *existit multum intentus, & personas est ecclesiasticas multum veneratus. Capellam S. Petri, quæ erat in Palatio, mirabilis musibii fecit pictura depingi, ac ejus parietes pretiosi marmoris varietate vestivit, & eam ornamentis aureis, & argenteis, & vestimentis pretiosis ditavit plurimum, & ornavit. Clericos in ea multos, & præbendas instituit, & Divinum in illa Officium decenter, & tractatum, & cum Dei reverentia, & timore celebrari disposuit.* Verisimillimum est, a Rege Divinis Officiis addictissimo, præcipuas anni festivitates Regia pompa, & splendido apparatu in Capella sua coli consuevisse; & ad illarum nobiliorem celebritatem ornamenta aurea, & argentea, suppellectilem omnem pretiosissimam, in Capellam suam contulisse. Quem etiam Sacro adesse solitum singulis diebus, indicat idem Romualdus, quum narrat conjuratos in Regem seditionem inchoasse, prima feria quinta Quadragesimæ, dum Rex ad audiendam Missam pergeret. Pariter, regnante Guillelmo II. conjurati in Stephanum Regis Cancellarium consilium iniere de interficiendo homine, Dominica Palmarum, cum Rex e Palatio, juxta morem egrederetur: quod de supplicatione, quæ eo die celebrari solet, & quam Reges Siculi comitabantur intelligendum videtur. Quamobrem pro comperto habendum est, Normannos Siciliæ Reges, & privatim, & publice Divinis Officiis in Capella sua adfuisse. Verum non adfuere tantum, cum & iis rite, decenterque celebrandis

omnem operam contulerint. In quodam rerum Liturgicarum Codice MS. Panormitanæ Ecclesiæ, ut refert Canonicus de Joanne in libro de Divinis Siculorum Officiis cap. 14. num. 9. legitur, *Kyrie Regis Guillelmi*. Conjicit vir doctus nomen Guillelmi præfatis *Kyrie* affixum, nihil aliud præferre, quam iterum in Ecclesiis Siculis decantari cœpisse, Guillelmo Rege promovente, non quidem Guillelmo I. sed Guillelmo II. quandoquidem in Missali quodam Gallo-Siculo Ecclesiæ Panormitanæ, quod Normannorum ætatem sapit, nullum omnino vestigium *Kyrie* apparet: hac fortasse ratione, quod Guillelmi ætatem, Codicis ætas præcesserit. Potuit tamen hujusmodi institutio Guillelmo I. adscribi, utpote quem Romualdus Guarna ordinandis, ac celebrandis Divinis Officiis plurimum studuisse testatur. Et verisimile est eandem institutionem a Capella Palatina ad cæteras Ecclesias Siculas derivasse. Illud sane certum est, quod pluribus momentis evincit in laudato libro Clarissimus Auctor, a Normannis nempe Principibus, abrogato Græcorum ritu, inventum fuisse in Ecclesiis Siculas ritum Gallicanum, cui Siculi patrias nonnullas cæremonias addiderunt, & hinc originem sumpsit Liturgia Gallo-Sicula, quam ille accurate describit, quæque viguit in Sicilia usque ad Concilii Tridentini, & Pii V. ætatem. Jam vero consequitur Normannos Principes præsertim in Capella sua Gallicanum Ordinem induxisse, hunc ibi potissimum viguisse, & a Capella Palatina ad cæteras profluxisse Ecclesias; plane ut de Ordine Romano diximus a Capella Caroli M. ad reliquas Galliæ Ecclesias traducto. In eo Ordine Gallo-Siculo occurrit ritus acclamationum Regi factarum in Liturgia post Collectam. De veteri acclamationum ritu plura tradunt Bona lib. 2. Rer. Liturg. cap. 5. Mabillonius Tom. 2. Vet. Analect. Catalanus in Com. ad Conc. Œcum. & Pontificale Romanum. In Sicilia vero hujusmodi acclamationes fiebant Regi, dicta oratione post Hymnum Angelicum, atque his verbis exprimebantur, uti legitur in antiquo Codice membranaceo Panormitanæ Ecclesiæ, teste eodem de Joanne lib. de Divin. Sicul. Offic. cap. 14. num. 14. *Acclamationes Regis Friderici. Christus vincit, Christus regnat, Christus imperat*: Chorus

respondebat: *Exaudi Christe. Domino nostro Regi Friderico, Magnifico, & Triumphatori, ac Inuictissimo vita perpetua:* Choro respondente: *Exaudi Christe. Saluator Mundi, Redemptor Mundi, Sancta Trinitas, S. Maria, S. Michael, S. Gabriel, S. Raphael, S. Joannes Baptista:* Choro respondente singulis vicibus: *Tu illum adjuua. Regi nostro Friderico, Glorioso, & Triumphatori pax sempiterno:* Chorus reponerebat: *Exaudi. S. Petre, S. Paule, S. Stephane, S. Laurenti:* Chorus reponerebat: *Tu illum adjuua. Pacifico Reitori, & piissimo Gubernatori Regi nostro Friderico lux indeficiens, & pax aeterna:* Choro respondente: *Exaudi. S. Sylvester, S. Maria Magdalena, S. Cristina, S. Agatha:* Choro respondente: *Tu illum adjuua.* Tum repetebatur Antiphona: *Christus vincit.* Hunc Fridericum Regem Siciliae, fuisse hujus nominis tertium, censet vir doctus. Quin etiam in antiquo Codice Capellae Palatinae, ut tradit Amatus, legitur Collecta pro Guillelmo I. Rege. Deinde decreto Synodi Montisfregalensis sub Cardinali Farnesio celebratae tit. 9. cap. 26. omnibus diebus Dominicis precandum erat in solemnibus Missis, nedum pro Civitate, populo, sed & pro Papa, Rege, & Episcopo, eorum post ultimam Collectam, etiam in Postcommunione additis nominibus. Et Synodus quoque Panormitana sub Archiepiscopo Jacobo de Palafox p. 3. cap. 1. num. 8. sanxit in Missa solemnibus Collectam recitandam esse pro Rege. Hodie hic mos viget dumtaxat in Ecclesia Palatina S. Petri: quinimo in quacunque Ecclesia Rex, aut Prorex Siciliae solemnibus pompa adest Liturgiae, additur Collecta pro Rege. Praeterea in Metropolitana Ecclesia Panormitana, nomen Regis additur in Canone, & preces pro Rege funduntur ad Liturgiae finem. De qua re ita scribit laudatus Canonicus de Joanne cap. 52. n. 2. *Panormitana haec Urbs, reliquis Siciliensibus illustrior, utpote quae Prima Sedes, Corona Regni, & Regni Caput praefiscine nominaretur, & esset, Regi proprio benedictionem a Deo precatur quotidie. Sane in Missae Canone, post Summi Pontificis nomen, illud quoque Regis ponitur; pro quo, in argumentum amoris, & observantiae in Missa tum solemnibus, tum privatam Collectam haberi, in Dioecessana Synodo sua-*
san-

sancti Archiepiscopus Jacobus de Palafox; imo dicente Sacerdote Evangelium S. Joannis: In principio erat Verbum, alternatim canit Chorus Psalmum 19. Exaudiat te Dominus; inde Sacerdos stans ante Altare, respondensibus more Romano Ministris, preces cum competenti oratione subjungit. Ritus iste presenti hoc sæculo antiquior non est: institutus enim fuit post solemnissimam Coronationem Victorii Amadei olim Siciliae Regis, auctore D. Mamillano Cajetano Cozio, Cathedralis nostræ Canonico, & ad Regem Oratore. Nova hæc institutio veteri non caret exemplo: apud enim eosdem Panormitanos jam inde ab antiquis temporibus usus invaluit, docētis cælum precibus fatigare, ut proprio Principi indulgens foret, atque propitium. Sane in excerptis ex pervetusto Codice in charta membrana S. Petri Palatii Panormitani pro Rege Guilielmo I. publicas supplicationes fieri, observat Panormitanæ eruditionis indagator diligentissimus Johannes Maria Amato lib. 23. capite 1. de Principe Templo Panormitano. In Codice membranaceo Cathedralis nostræ, cui inscriptio: Cantus diversi ad usum S. Panormitanæ Ecclesiæ, adsunt piæ obsecrationes, publicarum instar Litaniarum pro Friderico Siciliae Rege. Ex his patet olim sub Normannis in Liturgia Capellæ Palatinæ preces effusas esse pro Rege, videm in Liturgia Ecclesiæ Panormitanæ: & hujus antiqui instituti vestigia superesse, tum in Capella Palatina, ubi Collecta recitatur pro Rege, tum in Metropolitana Ecclesia, ubi nomen Regis additur Canonis, atque pro eo preces recitantur ad Liturgiæ finem. Jam vero hunc morem precandi in Liturgia pro Rege, ab Apostolo Paulo in 1. ad Timotheum cap. 2. inductum, atque a vetustissimis Christianis observatum, a Conciliis quoque Emeritenſi cap. 3. Toletano XVI. cap. 8. Remensi I. cap. 40. imperatum, Normanni Principes a Gallicano Ordine hauerunt. Nam in antiqua Liturgia Gallicana Sacerdos his verbis precabatur: *Suscipe S. Trinitas hanc oblationem, quam tibi offerimus pro Rege nostro, & sua venerabili prole, & statu Regni, & pro omni populo Christiano.* Et ut ad hanc rem Fideles magis impellerent Romani Pontifices, Indulgentiis eos donarunt qui pro Rege, & Regno Deum exorarent, uti ab Innocen-

tio

tio IV. & Clemente V. factum esse refert Joannes Feraultius in tractatu de juribus, & privilegiis Regni Franciæ. In Anglia etiam nunc temporis viget hujusmodi antiquissima consuetudo: siquidem in Ecclesia Westmonasterienli contigua Regio Palatio, ubi tumulantur Regum defunctorum corpora, Canonicus ad hoc munus ordinatus; singulis diebus, stata hora se confert ad Regiam Capellam, ibique cunctos monet, ut pro Regibus, Reginis, eorumque filiis vita functis precentur. Sed ad Svevos Siciliæ Reges progrediamur. Hos etiam consuevisse magna solemnia agere in Aula sua, Regio apparatu, indicant veteres rerum Sicularum Scriptores, dum adnotant loca, ubi præcipuos festos dies illi celebrarunt: uti jam de antiquis Scriptoribus, & Regibus Galliæ diximus. Ita Matthæus Spinellius Juvenacentis, scriptor illius ævi, in suis Diariis, quæ edidit to. 7. Script. Ital. Clarissimus Muratorius, loquens de Manfredo Rege, ad annum 1255. Eodem anno, ait, *Natalem Dominicum celebravit Teate, & per omnia Oppida Aprutii creavit Equites*. Et rursus de eodem Manfredo refert: *Secunda Decembris venit Barlettam, & multis ibi mensibus subsistit, celebravit etiam ibidem Natalem Dominicum magno cum triumpho. Quotidie agebantur choreæ, & omnis conditionis mulieres speciosissimæ eo confluerant, quibus Rex largiebatur munera equaliter omnibus, sic ut sciri nequirit, quænam eis præ cæteris placuisset*. Idemque notat celebratum a Manfredo S. Martini festum, & ad hanc celebritatem invitatos Neapolitanos quamplures. Quidam igitur festi dies in Aula nostrorum Principum solenni pompa, agebantur. Nec silentio prætereundum est, quod idem narrat Spinellius, scilicet Manfredo ingredienti Barulum, obviam ivisse cives ferentes manibus palmas, atque accinentes: *Benedictus, qui venit in nomine Domini*. Erat tunc temporis usitatum hisce honoris, ac lætitiæ signis Principes excipere. Hinc & Carolum Andegavensem Romani obviam euntes excepere canendo: *Hosanna pium*, uti refert Nicolaus de Jamfilla in Hist. Ber. Sic. to. 8. Script. Ital. Muratori. Rogerium quoque Comitum, Saracenis bellum inferentem Troynenses cives, qui Græci erant, Grecorum more exceperunt cum Cruce,

Cruce, thuribulis, ac thure, uti scribit Fazellus lib. 7. cap. 1. Sed ad rem nostram redeamus. Subsequentibus Siciliæ Reges, statis quibusdam solemnitatibus, splendido apparatu in Capella sua Divinis Officiis adfuisse verisimillimum est. Et id de Martino Rege Catanæ degente colligitur ex diplomate ab eo dato in gratiam Capellæ Regiæ Catanensis S. M. de Eleemosyna, tom. 2. Siciliæ Sacræ. Ibi enim Rex ait, se hanc Capellam beneficiis prosequi, quod Divina Officia, & Sacramenta in ea administrantur, & nos sæpe sæpius illuc accedimus in ordinariis nostris functionibus ecclesiasticis, uti nostra Capella. Erant itaque Regibus quædam functiones ecclesiasticæ, quas in Capella sua agebant. Præsertim vero sub Joanne Rege Siciliæ, & Aragoniæ, Alphonsi Neapolitani Regis fratre, & Ferdinandi Catholici parente, viguisse Liturgiam Palatinam, indicat Fazelli lib. 9. cap. 10. de eo testimonium: *Princeps hic Christianæ religionis fuit longe omnium studiosissimus. Quotidie Sacris intererat. Divorum omnium, ac Deiparæ Virginis sacra stata caste, ac jejuniis, Quadragesimam præterea a vigesimo ætatis anno ad septuagesimum usque jejuniis, & abstinentia celebrabat. Festos dies, ac Dei cultum revereri ab omnibus inviolabili lege sancivit, a Saracenis imperio subiectis Mahometi nomen invocari vetuit, indignum ac sacrilegum prope facinus existimans in Christianorum Principatu, hominis perditissimi falsum nomen venerationi esse. Christi Corpus cum per vicos, & in festo suo die, & item alias (ut sit) deferrebat, non modo a Christianis, verum a Judæis quoque, & Saracenis, detecto capite, ac genuflexo adorari sub multa constituit. Quod a sanctissimo Rege Joanne factum refert Fazellus, id nostris hæc temporibus præstitit quoque religiosissimus Princeps CAROLUS BORBONIUS Rex utriusque Siciliæ. Nam edita Constitutione, hoc ipso anno 1749. Festos dies, ac Dei cultum revereri ab omnibus inviolabili lege sancivit: æmulatus pietatem nedum Constantini Magni, Theodosii, Leonis, & Anthemii, quorum leges de observandis festis extant in Codice; sed & Caroli Magni in Capitulari Aquifgranensi anno 789. cap. 79. relato lib. 1. Capitul. cap. 75. ubi statutum est, ut diebus Dominicis nulla opera servilia nec*

ruralia, nec textilia, nec venationes agantur; & aliorum Regum Francorum lib. 6. Capitul. cap. 205. jubentium, ut Dominicis diebus, pietati, Divinis Officiis, & concionibus vacent univerſi. Tum Ferdinandus I. Neapolitanus Rex, ut populorum querelis ob nimium feriarum numerum faceret fatiſ, Pragmaticam dedit die 1. Martii anno 1476. relataſ a Topio par. 3. de Orig. Tribun. qua ſuffragantibus Archiepiſcopo, & Regio Conſilio, dies ſtatuit, in quibus eſſet ab operibus ſervilibus, & a jure dicendo feriandum. Conſtitutionem illam edidit religioſiſſimus CAROLUS arrepta occaſione, quod a Summo Pontifice BENEDICTO XIV. ſtatutum fuit, ut in Ditionibus illius imperio ſubjectis, exceptis diebus Dominicis, ac feſtivitibus Chriſti Domini, Deiparæ Virginis, nonnullisque aliis; cæteris feſtis diebus ſas eſſet opera ſervilia agere, dummodo Sacrum audiretur. Hanc eandem diſciplinam olim viguiſſe in Sicilia indicant nonnulli veteres feſtorum indices, quos exhibet Canonicus de Joanne in libro de Divinis Sicularum Officiis cap. 37. Illorum primus ſpectat ad Dioceſim Panormitanam, cujus Archiepiſcopi auctoritate, conſentientibus Prorege, & Senatu editus eſt anno 1425. atque complectitur Nativitatem Domini cum duabus diebus ſequentibus, Epiphaniam, Reſurrectionem Domini cum duabus diebus ſequentibus, Pentecoſten, feſtum Corporis Chriſti, feſta Conceptionis, Nativitatis, Annunciationis, Purificationis, & Aſſumptionis B. M. Virginis, feſta Apoſtolorum, & S. Joannis Baptiſtæ, atque omnes dies Dominicas. Alter ſpectat ad Syracuſanam Dioceſim, cujus Synodi auctoritate prodiit anno 1553. ſub Epifcopo Hieronymo de Bononia, atque præter recensitas feſtivities, excepta Conceptione Deiparæ Virginis, enumerat feſta Innocentium, Circumciſionis, duas dies ſubſequentes Pentecoſten, ac feſta Inventionis S. Crucis, Dedicationis S. Michaelis, S. Lucæ, S. Laurentii, omnium Sanctorum, Patroni cujuſque civitatis intra ipſius civitatis ambitum, additque: *In cæteris autem feſtivities quacumque ratione vel inſtitutis, vel receptis, & quæ ſub præcepto celebrari debeant, permiſſimus, liberumque cuique facimus, ut Miſſa audita (de qua ſuam cujuſque one-*

ramus conscientiam) ad operas suas, quibus suam, & suorum alimoniam querere cogitur, redire possit, nisi aliter ex sanctæ Apostolicæ Sedis præcepto, esset observandum. Tertius festorum index a Synodo Ecclesiæ Montis Regalis sub Alexandro Cardinali Farnesio anno 1554. editus recenset præter festos dies memoratos in indice Syracusano festa S. Mariæ Magdalenæ, S. Lucæ, S. Martini, S. Silvestri, Transfigurationis Domini, Conceptionis B. M. Virginis, Commemorationis omnium Defunctorum durantibus dumtaxat Missis, S. Marci durantibus pariter Missis, S. Castrensis in Civitate tantum; additque pariter: *In cæteris festis quacumque ratione vel institutis, vel receptis, liberum unicuique facimus, ut, audita Missa, ad operas suas, quibus suam, suorumque alimoniam querere cogitur, redire possit.* Inde patet, disciplinam permittendi opera servilia in quibusdam diebus festis, urgente adhuc præcepto audiendi Sacrum, & manente ritu dici festi, ante annos biscentum in illis regionibus obtinuisse. Jam vero rem nostram repetamus. In Capella Palatina Panormitana Proreges Siciliæ, cum toto Regio Consilio, Senatu Panormitano, Proceribus Regni, quos Titulatos vocant, statis quibusdam festis, Solio insidentes adesse solent Rei Divinæ, præsertim in Dominicis Adventus, & Tempore Quadragesimæ ad sermones audiendos. Ibi nulli licet nisi Proregi, vel Cardinalibus uti sericis sedibus, ac cervicalibus: sed anno 1629. Prorege Duce Alburquerque permissa est Petro de Neyla Judici Regiæ Monarchiæ solemniter celebranti sedes serica cum tapete, sicque etiam suis successoribus. Præterea in quibusdam solemnitatibus Proreges ad Metropolitanam Ecclesiam, vel Ecclesias Monialium, aut Regularium (uti in festo S. Joseph ad Ecclesiam Teatinorum) se conferunt magna cum pompa ad audiendam solemnem Liturgiam. Solium Proregis pluribus gradibus sublime excitatur in cornu Evangelii, & prope Proregem sedentem astat Tribunus Celerum vulgo *Capitano della Guardia del Corpo*; sedent vero in ipsius Solii gradibus, qui in negotiis tum civilibus, tum criminalibus jus dicunt, Curatores ærarii Regii vulgo *Procuratori del Fisco*, & Protonotarius, & Secretarii Regni. Inter Altare

& Solium Proregis insident sedibus tres Supremi Magistratus quos Præsidēs vocant, & Assessor Proregis, quem Consul-torem nuncupant; hos sequuntur in scamno Magistratus, qui administrant Regium Patrimonium: ex altera vero Solii parte contidet in fede primus e Dynastis vulgo Titulatis Regni, & hunc excipiunt scamno insidentes Magistratus, quos appellant Consistorii. E regione Solii assident scamno Magister Justitiarius Civitatis, seu *Capitano*, Prætor, & Patres conscripti, seu Senatores Panormitani. Ad Introitum Missæ, Diaconus, qui ad Altare ministrat, ad Proregem accedens prope eum recitat Introitum, atque Confessionem; tum quoque tres Clerici, Diaconorum veste induti, idem præstant officium erga tres Supremos Præsides, Senatores, & primum Regni Dynastam. Pariter Diaconus in Altari ministrans thure colit Proregem, isque stans, opertoque capite, thus accipit. Evangeliorum librum dignior e Clero (uti in Capella Palatina Cantor, vel Judex Regiæ Monarchiæ) Pluviali amictus, præcedentibus Caduceatoribus, & Præfecto caeremoniarum defert ad Proregem, hujus osculo excipieundum. Si Liturgia celebretur in Metropolitana Ecclesia, præsentē Archiepiscopo, alter e dignioribus Cleri defert alterum sacrum Codicem ab Archiepiscopo deosculandum. Post Trisagium descendens e Solio Prorex, supposito genibus pulvinari procumbens adorat Sanctam Eucharistiam inter primum Dynastam Regni a dextra, & Prætorem civitatis a sinistra. In Solium reversus, osculatur pro pacis signo auream Deiparæ iconem a digniore Cleri advectam, quemadmodum Archiepiscopus aliam ab alio digniore delatam. Tum tres Clerici, Diaconorum indumento amicti, pacis osculum præbent Senatoribus, Dynastis, atque Magistratibus. In Metropolitana Ecclesia septies in anno Prorex solemnī pompa, præsentibus Archiepiscopo, & Senatu adesse solet Rei Divinæ; nempe in Epiphania, Die Cinerum, Dominica Palmarum, Paschate, Pentecoste, Inventionē S. Rosaliæ, & Nativitate Domini, ubi testatur Amatus lib. 7. de Principe Templo Panormitano cap. 3.

VI. Certum quoque illud est, in Capella Palatina Regum

gum Neapolitanorum Andegavensium Divina Officia persoluta fuisse, Eucharistiam asservatam, Oblationes factas, & Capellanos, atque Paraphonistas Divinum ministerium peregrisse, sacras res moderante Magistro Regalis Capellæ. Hæc enim satis perspecta sunt ex iis, quæ lucusque diximus. Verisimile, est ordinem ritumque Gallicanum, qui in Capella Regum Galliæ vigeat, Andegavenses Principes in Capellam suam transfudisse. Et quidem in benedicendis Regiis nuptiis Gallicanos ritus ibi observatos, dicendum erit alibi. Verisimile quoque est, a Carolo II. Rege omnem datam operam, ut sacrum ministerium in Aula decentissime ageretur; utpote quem Tristanus Caracciolus in vita Joannæ I. dicit nescire modestiam, & humanitatem, sed & pietatem, cæterisque virtutibus inter Christianos excellentissimum. Præsertim vero, imperante Roberto Rege sacris rebus addictissimo, Rem Divinam in Aula Neapolitana, pie, rite, solemniterque celebratam, nullus ibit inficias. Cujus tanta fuit in Deum pietas, tantumque studium erga Divina Officia, ut Minoritas plures ad ea persolvenda in Regiis Aedibus aleret, cum quibus una, noctu, diuque illis celebrandis vacaret; Moniales quoque e claustris educeret, quæ Joannam neptem Divinis Officiis, Christianisque cæremoniis imbuerent. Eoque egregii Principis exemplo pariter Joannam I. incubuisse, ut in Capella sua Divinus cultus effloresceret, conjicere fas est. Hinc peritissimos, & gravissimos viros adgregabat Clero Capellæ Regiæ, quorum opera Divinum ministerium ibi decentissime absolveretur. Jam tum consueverunt Neapolitani Principes in magnis quibusdam solemnibus, Regia pompa adesse Liturgiæ. Id enim a Carolo III. factum legitur anno 1383. cum Urbanus VI. Summus Pontifex, qui Neapolim adierat, & in Episcopio diversabatur, die prima Januarii Sacrum solenni ritu fecit in Ara principe Metropolitana Ecclesiæ, Rege præfente, ac vexillum manu tenente, quod Pontifex benedixit, creavitque Regem Vexilliferum, vulgo Confalonarium Romanæ Ecclesiæ, tum Aloysium Andegavensem æmulum Regni diris devovit. Et die secunda Februarii, quæ festiva est Hypapantes, pariter in eadem Metropolitana Ecclesia Rex,

& Re-

& Regina Regia pompa interfuerunt Rei Divinæ, Summo Pontifice Sacris operante, cereosque benedictos distribuento Regi, Reginæ, Cardinalibus, ac Nepoti suo; cæteris vero Magnatibus cereos exhibente Cardinali Ravennatenſi. Ladislaum quoque Neapolitanum Regem Romæ degentem anno 1393. ſolemni pompa in die Paſchatis adſuiſſe Liturgiæ a Summo Pontifice celebratæ, conſtat ex Ordine Romano XV. edito a Mabillonio to.2. Muſæi Italici, ubi ita legitur: *Anno Domini MCCCXCIII. die Sabbati, XVIII. Aprilis, in vigilia Paſchæ, Dominus Ladislaus Rex Neapolitanus Romam intravit, & in Sancto Paulo omnes Cardinales ſibi obviam ierunt. Romani vero cum pallio in porta prope metam eum cum pallio receperunt, ſub quo ſolus per totam urbem uſque ad gradus S. Petri equitavit. Duo vero Diaconi Cardinales, qui eum aſſociabant ante Banderenſes equitabant, & illi vexilliferi Romanorum immediate ante Regem equitabant: poſt Regem immediate Patriarcha Gradenſis, & poſt eum Comes Laurentil, & alii milites, & Prælati. Die vero Sanctæ Paſchæ in Miſſâ Rex ſemper ſervivit Papa de aqua, & ſemper ſedebat inter duos primos Episcopos Cardinales: deinde Patriarcha Conſtantinopolitanus poſt priorem Presbyterum Cardinalem, qui erat tertius in illa ſede, deinde Subprior, deinde Patriarcha Gradenſis, & ſic omnes alii. In prandio vero diſtus Rex in menſa etiam ſedebat inter duos primos Episcopos Cardinales. Regi itaque Neapolitano ſedes data eſt inter duos primos Episcopos Cardinales. At Friderico Aragonio Principi Altamuræ filio Ferdinandi Regis adeunti Romam anno 1492. ſub Alexandro VI. Pontifice, ut paterno nomine obedientiam Pontifici profiteretur, locus adſignatus eſt tum in Conſiſtorio, tum in ſolemni Miſſa, quam in die Nativitatis Domini Pontifex celebravit, tradito ei enſe benedicto, inter duos ultimos Diaconos Cardinales; quem locum etiam occupaverat, cum ſub Paulo II. Romam venerat. Ordinem totius rei geſtæ narrat Joannes Brochartus Præſectus caremoniarum Pontificiarum in ſuis Diariis manuſcriptis, quæ aſſervantur in Bibliothecis Vaticana, & Caſanatenni. Sub Aragoniis Regibus, quam ſplendida pompa, quam inſigni cultu in Aula Neapolitana Res Divina celebrata fue-*

fuerit, colligitur ex Alphonſi Regis ſumma circa ſacras res pietate, & munificentia. Cujus teſtis eſt præclariffimus Pontanus, qui diu in Aula Aragonum Regum operam ſuam præſtitit, ſcribens libro de Apparatu cap. 4. Alphonſum ornaſſe & Regiam, in qua habitabat, & Templum, ubi ſacra faciebat, vario, & nobiliſſimo ornamentorum genere; & libro de Magnific. cap. 13. referens ſacra ſolemnia ab eo peracta ſumptuoſiſſimo apparatu: *Suis temporibus*, ait, *Rex Alphonſus vicit omnes ætatis illius Reges, tum in iis comparandis, atque exhibendis, quæ ad ſacrificiorum apparatus, & Sacerdotum ſpectarent ornatum, tum in Deorum, ac Dearum ſtatuis, quas plurimas, & in iis duodecim Apoſtolorum ex argento conſtatas habuit, nihil ætas illa aut ſacris ſolemniſſimis, aut publicis ludis ab eo editis vidit magnificentius*. Et hi quoque ludi ad ſacras ſolemnitates ſpectabant. Nam idem Pontanus lib. de Magnific. cap. 14. memorat ludos publicos Neapoli agi ſolitos, cauſa honoris, & religionis erga Divinam Euchariftiam. De hiſ etiam ludis ab Alphonſo magnificentiffime editis ſcribit Panormita lib. 1. de dictis, & factis Alphonſi n. 3. *Ludos Chriſtianos magnificentiffimo apparatu quotannis edentem Alphonſum perſpectavimus, devotiſſima, ac ſolemni representatione*. Et Bartholomæus Facius lib. 9. de rebus geſtis Alphonſi Regis, ſacros illos ludos memorat, quos, Fridericus Imperator Neapoli degente, in Templo Regio S. Clare inſtituit Alphonſus: *Ludos imprimis Chriſtianos, inquit, magno apparatu (quibus ſacra myſteria obitus, & reſurrectionis Chriſti Dei noſtri referebantur, in quibus ceremoniis ſe ſemper magnificentiffimum præbuit) in Clare Templo auguſtiſſimo, ac maximo, iſdem ſpectantibus, per noctem edidit, tanta hominum frequentia, ut nonnulli inter turbam prope enecti fuerint*. Horum omnium teſtimonio habes Alphonſum Regem agendis ſacris ſolemniſſis, Chriſtianis celebritatibus, Eccleſiaſticis cœremoniis, Sacrificiorum apparatui, Sacerdotum ac Templi ornatui, additiſſimum. Atque adeo indubium eſt, Liturgiam Palatinam tunc temporis ſummo opere excelluiſſe; eo præſertim, quod Regis pietas reſponderet inſigni magnificentiæ. Nam & illud in more habuit, quod ſum-

mæ pietatis non leve est argumentum , ut non antea cum hoste arma conferret , quam Rem Divinam in castris peregisset ; pariterque statim ab accepta victoriâ , ante rem omnem sacris rebus incubuisset . Ita refert Panormita lib. 3. n. 50. *Erat Rex in vico Juliano Rem Divinam solemniter , & devotissime de more , rituque agens , Rei Divinæ cultum , gloria , ac vitæ præponens , non prius , quam peractis Sacrificiis capere arma contra hostes jussit* . Et lib. 2. n. 25. aliud insigne illius pietatis exemplum suggerit : *Accepta victoria in Samnio haud procul Boviano , non prius exarmari , aut pulverem extergit passus est , licet in mediis & æstatis , & diei , & Apuliæ caloribus , quam Rem Divinam fecerit , Jesuque gratias egerit jejunos , armatus , & prælio defatigatus* . Ad eam rem habebat secum in expeditionibus Regios. Sacerdotes ; quorum unum , uti narrat Facius lib. 8. in obsidione Catanfarii misit ad Antonium Centiliam , quocum de deditione ageret . Jam vero si in castris *solemniter , devotissime , de more , rituque , præsentē Rege , Sacrificia peragebantur , ipso urgente prælio ; quanta majori cum pompa , & religione , præsertim in magnis solemnibus , Res Divina celebranda fuit in Aula , & Capella , Rege præsentē* . In ea sane nil quod ad pietatem spectat sibi reliquum fecit Alphonsus . Nam & die Cœnæ Domini sacra , consuevit pauperum ad sexaginta usque , pedes ablucere , eisdemque discumbentibus ministrare ; uti refert Panormita lib. 4. n. 1. *Singulis annis per Quadragesimam pie & religiose facere consuevit ; quod die quidem Dominicæ Cœnæ ad vesperam linteo præcinctus sexaginta pauperibus mendicis sordidatis , humillime , & submisso suis manibus pedes lavat , atque extersos deosculatur . Post hæc discumbentibus illis propinat , atque ministrat , cœnatos vero omnes dimittit cum pecunia , & vestibus novis* . Eodem etiam teste lib. 1. n. 53. Regi in more fuit Domini nostri Jesu Christi Corpus pedibus comitari , quocumque deferretur . Cur a tanti parentis vestigiis recessisset Ferdinandus filius , tum præsertim , quod ad sacrarum rerum cultum excitabatur exemplis Isabellæ Claremontiæ religiosissimæ , atque ornatissimæ conjugis ? Quam vero hæc Divino cultui , & pietati studuerit , illud imprimis pro-

probat, quod superata ad *Ænariam* insulam hostium classe, qua victoria Ferdinandus ultimam bello Neapolitano manum imposuit; cum universi publice, privatimque lætarentur, quod mare liberum, quod navigatio secura, quod tandem pax terra marique omnino esset parata, choreas agerent, convivia pararent; Isabella, teste Pontano lib. 6. de bello Neapolitano, victoriam Deo acceptam referret, ipsa Mariæ aras, ipsa Sanctorum Tempia adiret, veneraretur, parvos liberos ante se ferret, cum iis ante illorum imagines procumberet, gratias ageret, vota solveret, supplicia pluribus diebus faceret: nihil civitas universa, nihil nobilis, ignobilis, Sacerdos omisit, quod ad declarandam lætitiā; nihil Isabella, quod ad gratum animum erga Deum, ac Sanctos testificandum pertineret. Regnante Alphonso II. in Capella Palatina celebrari consuevisse Liturgiam solemnī pompa, Rege folio insidente, cum universo Aulico comitatu, ex iis, quæ mox subdemus, perspectum erit. Ferdinandus II. & Fridericus nostrorum Regum postremi, brevi eo tempore, quo imperium irruentibus hostibus tenuerunt, non pauca suæ pietatis argumenta reliquerunt. Intererant sæpe Divinis Officiis in Ecclesia Montis Oliveti ab eorum parente pluribus beneficiis aucta, illiusque Monachis fuerunt addictissimi: Proregibus quoque, qui primi, pulsis Regibus Aragoniis, Neapolitanum Regnum vicario nomine administrarunt, mos fuit adeundi Ecclesiam illam in magnis solemnīs, præsertim in Hebdomada Sancta, uti refert Capaccius.

VII. Cum igitur Neapolitani Reges studiosissimi, ac amantissimi fuerint agendæ Rei Divinæ; illud expendendum est, quonam ritu Palatina Liturgia absolvebatur. Quod quidem a nostrarum rerum Scriptoribus omissum, impervium esset, nisi Joannes Brochartus Præfectus caeremoniarum Pontificiarum, qui sub Alexandro VI. Neapolim adiit anno 1494. ut omnem ordinem Coronationis Alphonsi II. a Cardinale Joanne Borgia Archiepiscopo Montis-Regalis peragendæ moderaretur, rem aperiret in suis Diariis manuscriptis Romæ asservatis in Bibliothecis Vaticana, Casanatensi, & S. Andreae de Valle. Narrat ille in hisce Diariis conjugium celebratum

D d

in

in Capella Palatina Arcis Novæ inter Sanciam Regis filiam, notham, & Joffredum Borgiam Alexandri VI. nepotem, tum solemnem describit Liturgiam, quæ in Palatina Æde, hac occasione peracta est. Itaque refert, die Dominica, quæ undecima erat mensis Maii, Regem, Legatum, D. Joffredum sponsum, D. Sanciam sponfam, una cum omnibus Dynastis, Proceribus, atque Regiæ cognationis Principibus adiisse Capellam Arcis Novæ: eis occurrisse ad Capellæ fores Episcopum Gravinensem Pontificalibus indutum ornamentis, ibique benedixisse anulum nuptialem: ea finita cœremonia (quam agentes de Regum conjugio enarraturi sumus) universos ingressos esse Ecclesiam, atque Missam inchoatam: *Legatus, & Rex, ait, fecerunt orationem ante Altare in faldistoriis ipsi ibidem preparatis, Legatus ad dextram Regis, finita oratione, deposita sunt ambo faldistoria, & portata ad thalamum, ibidem paratæ duæ sedes de broccato juxta murum, una versus Altare pro Legato, alia juxta illum versus portam Capellæ pro Rege. Rex ascendit thalamum ad sedem suam, ubi stetit: Legatus mansit apud Altare, & cum eo fecit Confessionem Episcopus celebraturus qui stetit ad sinistram Legati. Finita Confessione Legatus ascendit thalamum, cui occurrit Rex usque ad Presbyterium, quod tamen fuit præter cœremonias debitas, & præter veram ordinationem. Ibidem in thalamo in sede sua stans Legatus, ministrante Diacono naviculam, & me, in thuribulo imposuit incensum, Episcopus incensavit Altare, & ipse incensatus, & non Legatus, neque Rex; credo tamen, quod convenienter potuerunt ambo ipsi incensari, & sic male fuisset, quia nec Papa sine Pluviali, & Mitra existens incensatur, nisi post Offertorium. Subdiaconus dicta Epistola non est osculatus manum Legati, sed Celebrantis. Ad Evangelium Diaconus eidem Legato naviculam, & me thuribulum ministrante, imposuit incensum, & benedixit Diacono Evangelium dicturo. Post Evangelium Legatus, & Rex simul Evangelium sunt deosculati, tamen minus convenienter, quia Legatus primo debebat osculari, deinde Rex, Rege tamen prius invitato; & fuerunt per Diaconum ambo incensati, & male, ut supra dixi, post Legatum cuilibet ter dato thuribulo. Ad obla-*

oblationem Legatus benedixit aquam in sacrificium ponendam; & ministrante R. D. Juliano Episcopo Tropejensi, Regis Capellano Majore, qui itidem in thalamo mihi ad manus erat, naviculam, quod Diaconus in Altari erat præpeditus, & methuribulum, Legatus imposuit incensum, Celebrans incensavit oblata in Altari, & fuit incensatus ipse bis, Legatus & Rex ter eis in thuribulo ducto per Diaconum. Pergit deinde enarrans reliquum Liturgiæ ordinem, ritusque spectantes ad conjuges, qui præsentés aderant, quod nempe ad elevationem Hostiæ, hi tenuerint manibus cereos accensos; quod facta elevatione, quatuor Magnates umbraculum super sponfos expansum fulciverint; quod benedictionem, & pacem conjuges in Missa acceperint; sed notat, Regem, & Legatum non accepisse pacis osculum, quia ita dixerunt esse consuetum; quod expleta Missa sponfi obtulerint cereos, ac nummos; quod denique Legatus solemnem benedictionem dederit, ac Indulgentias, iisque peractis, universi ad ædes suas redierint. Hos ritus nuptiales alibi expendemus. Paulo post enarrat Brochartus idem, quem locum quisque Procerum in Capella, & Liturgia Palatina obtinuerit, & quo ritu ibidem decantatæ fuerint Vesperæ: In Capella bodierna, inquit, Prælati locum habuerunt in scamnis in opposito solii, sive thalami positæ; Barones vero ante, & juxta thalamum; Damicella vero & mulieres ante, & juxta scamna Prælatorum. Fuerunt Vesperæ in eadem Capella, quibus Legatus, & Rex interfuerunt, & Episcopus Gravinensis illas particulariter decantavit organis, qui triplices sunt (ita enim habet ille) in ipsa Capella, omnes prædicti, non tamen simul, sed modo unus, modo alius Psalmorum versus vicissim sonabant, unum versum cantabant Cantores, alium pulsabat organista, adeo quod Vesperæ hujusmodi ad duas horas duraverunt. Parati fuerunt in eadem Capella tunc duo thalami, unus pro Legato versus cornu Epistolæ, alius versus cornu Evangelii pro Rege, ad cuius Regis ordinationem non fuero vocatus, hoc videns dixi Regiæ Majestati non convenire, cum suus thalamus esset in digniore loco constitutus, neque etiam mutationem convenire, sed potius, quod simul ambo ipsi in eodem thalamo se locarent: Un-

de Rex statim descendens, Legatum secum duxit ad suum thalamum, cumque eo, mea sententia habita, ascendit, & inde sedes paravit, & faldistoria, prout superius dixi. Excusavit se Rex, & Major Capellanus suus, qui hoc ordinaverat, dicentes sic alias temporibus Cardinalium Agriensis, & de Aragonia, & aliorum fuisse observatum, quod si fuit, male fuit. Et finitis illis Vesperis, depositus fuit ille secundus thalamus versus cornu Epistolæ positus, & ibidem scamna pro Prælatiis posita, pro quibus prius nullus erat locus ordinatus in eisdem Vesperis. Episcopus habuit quatuor Capellanos omnes superpelliceis, & Pluvialibus indutos, quorum unus de Baculo, alius de Mitra, alius de Libro serviebat, & alius sibi assisibat. Dominus vobiscum, & Orationem dixit ad populum conversus; & Capitulum etiam ad populum conversus, distracta Mitra dixit ipse Episcopus, & incensum imposuit in medio Altaris, & cum Mitra Altare incensavit, de quibus omnibus, finitis Vesperis, ipse ego regulam dedi. Servierunt hoc mane in Missa D. Honufrius Nicolai, & Raphael Dimina Diaconus Capellæ S. D. N. Papæ, & in ea omnia alia fuerunt more Capellæ nostræ observata. Sedes Legati, & Regis erant camerales sine scabellis, & faldistoria erant sedilia Regalia cussinos habentia loco scabellorum. Hunc ordinem Liturgiæ Palatinæ, non quidem tunc primum occasione illius conjugii Brochartus ipse Pontificiarum cœremoniarum Præfectus statuerat; imo is nonnullas carpit cœremonias, quod nempe una simul Rex, & Legatus deosculati fuerint Evangeliorum librum, & thus acceperint. Quamobrem ordo ille agendæ solemnis Liturgiæ Palatinæ jam antea in Capella Regis obtinuerat; quod ipse indicat Brochartus referens nec Regem, neque Legatum donatos fuisse pacis osculo, *quia ita dixerunt esse consuetum*. Quinimo ianuit Brochartus, solemnem Liturgiam Palatinam celebratam pluries fuisse, cum nempe Cardinales Agriensis, de Aragonia, alique Neapolim adiere. Cardinalis ille Agriensis, quem nemorat Brochartus, fuit Gabriel Rangonus Minorita Veronensis, & Episcopus Agriensis in Hungaria, quem Xistus IV. anno 1477. in Cardinalium Ordinem cooptavit, quique in Neapolitano Regno functus est

est legatione Sedis Apostolicæ, ut ad arma capienda contra Turcas, fideles excitaret. Cardinalis vero de Aragonia ibidem memoratus Ferdinandum I. Regem, & Isabellam Claromontiam parentes habuit, atque anno 1478. Neapoli, in die Epiphaniæ accepit insignia Cardinalitiæ dignitatis, ei a Xisto IV. collatæ. Præter hos, alii Cardinales plures, variis temporibus Neapolim venerunt, ad Legationes obeundas; quos inter recensendus est Ludovicus Cardinalis Aquilejensis, qui Legatum egit apud Alphonsum Regem, ut illum cum Eugenio Papa conciliaret; cujus rei meminit lib. 8. Bartholomæus Facius. Itaque in Capella Palatina nostrorum Regum mos erat celebrandi solemnem Liturgiam, Rege præsentē; & hujus quidem Liturgiæ is erat ordo. Rex sedebat in sublimi Solio a cornu Evangelii; eique adhærebant Major Capellanus, ut Regi suggereret sacra facienda, vel pronuntianda. Hinc Sacris operabatur Episcopus aliquis Pontificali apparatu, cui Capellani plures ministrabant. Ex adverso Regii Solii insidebant scamnis Prælati, quos verisimile est fuisse e Clero Palatino Consiliarios, Cancellarios, Confessarios, Capellanosque Regis: tum etiam Aulicæ matronæ. At circa Regis solium assidebant pariter scamnis Reguli, seu Barones, & Magnates Aulæ. In Liturgia Rex deosculabatur Evangeliorum librum, & a Diacono thure colebatur, semel dicto Evangelio, iterumque peracto Offertorio. Denique tribus organis Officia Divina persolvebantur, ita ut unum post aliud pulsaretur, & unum versum Cantores, alterum Organista decantaret. Atque totum ordinem Palatinæ Liturgiæ Major Capellanus moderabatur: hinc illum incusat Brochartus, quod Legati Solium in cornu Epistolæ jusserit collocari. Organorum usus in Capella Palatina nostrorum Regum jam tum temporis obtinebat, uti in Capella Regum Galliæ; ubi ab antiquis temporibus, præsertim vero sub Pipino, cui Constantinus Orientis Imperator anno 766. pneumaticum Organum dono milit, viguisse musicam instrumentalem, & inde traductam esse ad reliquas Galliæ Ecclesias existimat Peiratus lib. 1. cap. 23. At nulla alia musica instrumenta præter Organum in celebrandis Divinis Officiis pulsabantur, quamvis tunc temporis plu-

plures in Aula nostrorum Regum essent Tibicines, & Fistulatores, uti compertum erit, ex dicendis de mensa solemnium Regum nostrorum. Et hanc quidem rationem persolvendi Divina Officia, gravem, religiosam, atque Ecclesiastico ritui consentaneam esse patet ex iis, quæ eruditissime circa hanc rem differuit Doctissimus Pontifex BÉNEDICTUS XIV. in epistola data die 19. Februarii, anno 1749. ad Episcopos Pontificiæ Ditionis, ubi admissio Organorum usu, reicit ab Ecclesiastico cantu Tibicines, Fistulatores, Citharistas, Tympanistas, ac Buccinatores.

VIII. Extincta Aragonum Principum stirpe, Proreges, qui Hispanorum Regum vice imperium administrarunt, statis quibusdam solemnitatibus consueverunt adesse Rei Divinæ solemnium pompa, in Capellâ sua Palatina, vel quandoque in aliis Ecclesiis. Et ne Capellâ Palatinâ aliquid deesset, quod ad illius splendorem spectaret, Petrus Antonius de Aragonia Prorex Regni anno 1668. curavit eam solemnium ritu consecrari, uti ex inscriptione illic posita, quam refert Parrinus in Theat. Proreg. Neapol. *Ædes hæc Regia, excellentissimi Domini D. Petri Antonii ab Aragonia Neapolitani Regni Proregis pietate, ac studio a Melpheisensi inauguratur Antislite. Admiranda plane egregii Principis Religio! Sacellum, quo regalius, eo & sacratius foret, & sacro reddidit sacratissimum. Die nono Aprilis A. D. MDCLXVIII.* Quo vero apparatu Proreges solemnium Liturgiæ aderant, breviter describit Parrinus to. 1. Theat. Proreg. Neapol. ubi postquam dixit, in Paschate, Nativitate Domini, diebus natalitibus Regis, & Reginæ, aut ob insignem aliquam victoriam de hostibus partam, vel faustum aliquem eventum, morem esse, ut omnes Neapolitani Ordines Proregi præstent urbana officia, addit: *Molte volte dopo simili complimenti fatti al Vicerè per cagion della Carica, suole egli tener Cappella Reale nel Regio Palagio, o in qualche altra Chiesa della Città al ribombo del Cannone delle Fortezze, e si fa Squadrone delle milizie, che si trovano in Napoli di guarnigione. A quest'effetto si dispone lo strato sul pavimento della Chiesa davanti all'Altar Maggiore, dove restano di guardia quattro Soldati Tedeschi. Il Vicerè vi si porta*

porta pomposamente, o in Carrozza servito da Titolati, o in Sedia, preceduto da una delle Compagnie di Cavallo delle sue guardie, da una Carrozza a sei Cavallo vacua, e da Soldati della guardia Alemanna armati d'alabarde, e disposti in due ale. Immantinente dopo marchia la Carrozza, o la Sedia con la persona del Vicerè, preceduta dalla turba degli Staffieri, e Lacchè, e seguitata da molte altre Carozze co' Paggi, e Gentiluomini della sua Casa, chiudendosi la retroguardia dall'altre Compagnie di Cavallo. Il Vicerè entra in Chiesa, preceduto dalla guardia de' Soldati Tedeschi, da tutta la servitù, così nobile, come bassa, ricevuto alla porta da tutti quei Titolati, che vi si trovano, e seguitato da Ministri de' Tribunali. Con questo accompagnamento va a porsi sopra lo strato (ove sta col capo coperto) a man destra del quale giace un banco con la spalliera per gli Eletti della Città, ed un'altro alla sinistra per i Titolati. Dietro la Sedia del Vicerè sta in piedi il Capitano delle guardie Alemanne, & in sua assenza il Camariero Maggiore (siccome avviene in tutte le funzioni pubbliche) & ivi poco appresso dirimpetto all'Altare vi è un altro banco con la spalliera per quei del Sagro Consiglio di Santa Chiara, del Tribunal della Camera, e della Gran Corte della Vicaria. Nel lato del Vangelo sta un banco con la spalliera per i Vescovi, il più antico de' quali dà la benedizione al fin della Messa. Dall'altra parte ve n'è un'altro simile per i Cappellani d'onore; e tutti detti banchi, ch'anno spalliere, sono coperti di panno verde con l'armi di S. M. Vi assiste il Cappellano Maggiore in una sedia di velluto senza spalliera posta alquanto da parte a man destra del Vicerè, e fa tutte le cerimonie della Messa, la quale si celebra da uno de' Cappellani della Cappella Reale. Il Maestro di Sala, e Paggi stanno appoggiati al muro fra l'Altare, & il banco de' Titoli, per prendere i torchi accesi nel tempo della Consecrazione, e Vangelo. Terminata la Messa, ritorna il Vicerè a Palagio col medesimo fasto. Nelle processioni solenni come è quella del Corpus Domini, nella quale il Vicerè porta il torchio lo riceve per mano del Cappellano Maggiore. E corteggiato dagli Eletti della Città, che gli fanno ala davanti; ed è servito da Mini-

Ministri de' Tribunali. L'aste del Palio si portano da' Deputati de' cinque Seggi Nobili, e di quello del Popolo, li quali si mutano a proporzione, che la processione entra nel territorio di ciascun Seggio. L'altre due del Re, e del Baronaggio le portano Personaggi Deputati dal Vicerè. Atque hac olim pompa Proreges Neapolitani solemnī Liturgiæ interfuerunt. Nunc vero temporis Serenissimus Rex CAROLUS BORBONIUS, cujus summa est erga Divinum Cultum religio, in magnis solemnīs adesse solet Divinis Officiis in Capella Palatina, privatim tamen in Sacello quodam ejusdem Capellæ, una cum Inclita Coniuge MARIA AMALIA, & Proceribus Aulæ, nulloque Regio apparatu. Magnus Capellanus prope eum locum confidet. In Parasceve, ad adorationem Crucis accedit Supremus Præfectus Regiæ Domus gregens Regis vices, una cum Magno Capellano ad ejus sinistram, ut nomine Regis veniam faciat tredecim ad triremes damnatis. Adest prope Magnum Capellanum Defensor pauperum vulgo *Avvocato de' poveri*, cui concessæ veniæ diplomata traduntur. Feria quinta Cœnæ Domini, Magno Capellano Sacris operante, ad illa Evangelii verba, *Capit lavare pedes Discipulorum*, Religiosissimus Princeps duodecim pauperum pedes abluit, & osculatur; tum eis mensæ accumbentibus ministrat, accipiens a Cubiculariis fercula, quæ Magno Capellano, isque aliis Capellanis Regiis porrigit; tandem iisdem pauperibus stipem distribuit. In communionem Regis, & Reginæ, Magnus Capellanus ad Introitum Missæ, prægustat unam ex Hostiis in Altari appositis, ut periculum faciat. In festo Corporis Christi solemnem supplicationem eo die agi solitam ad Sanctissimam Eucharistiam circumferendam Rex prosequitur a Templo S. Claræ usque ad Metropolitanam Ecclesiam: Regi adhærent Supremus Præfectus Domus Regiæ, Dux Prætorianorum militum, Supremus belli Dux, Præfectus Classis, atque Patres conscripti Neapolitanæ Civitatis veste Senatoria coccinei coloris induti; præuntibus, & una simul cum Capitulo Cathedralis Ecclesiæ incedentibus Magistratibus omnibus, & Cubiculariis Regis, quorum ii, qui adscripti sunt Regali Societati S. Januarii, Torquem aureum Societatis deferunt. Conciones in

Ca-

Capella Palatina olim habebantur singulis Dominicis, & feriis quartis Quadragesimæ: quibus solemnī pompa aderant Proreges una cum Magistratibus, Patribus conscriptis Neapolitanæ Civitatis, atque Optimatibus; ad eum sane modum, quo sollemnis Liturgia præsentibus ipsis Proregibus agebatur. Præterea, qualibet feria sexta post meridiem instituebatur concio in aliquem versiculum Psalmi *Miserere*, & finita concione, quam Prorex in ædícula audiebat, ille idem Psalmus a Palatinis Cantoribus decantabatur. Concionatores vero ex arbitrio Proregis, aut Capellani Majoris arcessebantur, ut plurimum ex insignioribus Civitatis; neque ullus erat addictus huic ministerio in Capella præstando. Nunc vero, regnante Serenissimo CAROLO BORBONIO, conciones habentur in Ecclesia Palatina feria quarta Cinerum, & singulis Dominicis Quadragesimæ, præsentibus Rege, & Regina; tum etiam qualibet feria sexta Quadragesimæ, quo die Rex gerendis Imperii negotiis incumbens, concioni minime intervenit. Ob summam vero, insignemque MARIE AMALIE Inclytæ Reginæ pietatem erga Deiparam Virginem, hujus festi dies in Capella Palatina magna religione coluntur; atque in illarum solemnitarum pervigilio, tum quoque novem diebus, quæ festa Nativitatis, & Conceptionis B. Mariæ Virginis præcedunt, conciones instituuntur, præsentē Regina. Concionatori suggestum excitatur prope Aram principem a cornu Epistolæ; qua parte conciones audiunt in ædícula crystallis obducta, Rex, & Regina sedibus assidentes, apposito ante eos scabello aulæis recto ad genua flectenda: proximi insident scamnulis Supremus Præfectus Domus Regis, & Supremus Præfectus Domus Reginæ, Prima Aulæ Matrona, aliæque Matronæ Aulicæ. Ad fores Regiæ ædiculæ duo milites custodes Corporis Regis consunt. Cæteri vero Aulici, ac Magistratus scamnis sine fulcro dorsuali confident in locis a Regio conspectu submotis; nam aliter eis standum esset. Si Magnus Capellanus adsit, ab eo benedicendus est Concionator antequam verba faciat. Denique præsentibus Rege & Regina conciones a Concionatore Aulico fieri solent; alioquin Oratores illi verba faciunt, quibus id Magnus Capellanus demandaverit.

IX. Consueverunt olim Reges in magnis solemnitiis, publice, solemniterque accumbere mensæ, præsertim vero in Coronatione sua, aut in Conjugiorum celebritate; quod cum spectet ad rationem celebrandi in Aula insigniores solemnitates, & ad officium Aulici Capellani, cui incumbit Regiæ mensæ benedictio, merito hic sibi locum vindicat. Et quidem Imperatores Orientis, teste Codino cap. 7. quinquies in anno, solemni pompa discumbebant, universis Aulæ Proceribus adstantibus, nempe in Nativitate Domini, Epiphania, Dominica Palmarum, Paschate, & Pentecoste. His diebus discumbenti Imperatori ministrabat Magnus Domesticus, a quo Proceres cuncti donabantur ferculis, Imperatori pluries acclamabatur, Cantores Palatini suis induti vestibus decantabant Canticum, tum primores singuli de Clero Imperatorio accipiebant fercula a Magno Domestico, huic vero Imperator ipse ferculum porrigebat: Sed antequam discumberet Imperator, benedicenda erat mensa a Protopapa Palatii: *Absoluta Liturgia*, ait Codinus, *Imperatore ad mensam præsentem, priusquam accubat, venit Protopapa, aut alius de Sacerdotum numero, & benedicenti Imperatoriam mensam, accepto pane, & ferculo, discedit*. Pariter Francorum Regibus in more fuisse, ut in præcipuis festis diebus convivia lautissima exhiberent, colligitur ex Eginhardo in vita Caroli Magni. Narrat enim, Carolum M. in quotidiana mensa frugalitatis amantissimum, attamen in festis solemnioribus splendidissime convivari solitum: *Convivabatur rarissime, & hoc præcipue tantum in festivitatis, tunc tamen cum magno hominum numero*. Notat Peiratius duo præsertim in mensa Regum Francorum olim usitata fuisse. Horum unum est, quod lectionem in mensa adhiberent: liquidem Carolus Magnus libros audiebat Augustini de Civitate Dei; successores vero Reges gloriosa Prædecessorum gesta; atque munus legendi in mensa Regis incumbere alicui Aulæ Magnati. Alterum fuit, quod Regio cibo Sacerdos benedictionem conferret; quem morem vetustissimum esse suadet Gregorius Turonensis lib. 8. Hist. Franc. cap. 2. narrans de Guntramno Rege: *Ablucis Rex manibus, accepta a Sacerdotibus benedictione, ad mensam recessit*.

sedit. Et sub secunda illorum Regum stirpe Archicapellanus benedixisse Regiam mensam indicat Theodulphus, relatus a Cangio in Glossario, describens Archicapellani officium, his verbis: *Stet benedicturus Regis potumque cibumque*. Nunc temporis etiam Reges Galliae in quibusdam solemnitatibus Regio apparatu, magnaue pompa accumbunt mensae, idque dicitur *A grand couvert*, quum vero privatim discumbunt dicitur *A petit-couvert*: praesertim vero in solemnibus Baptismo, aut Conjugio Regiae prolis, uti colligitur ex Rossuetio, & Dumontio in Coereemoniali Galliae. Itidem in Coronatione sua, quo die Rex indutus Regalibus ornamentis sub umbella discumbit in Episcopio Remensi una simul cum duodecim illis Proceribus, quos Pares Franciae vocant, Episcopis suffraganeis Ecclesiae Remensis, Oratoribus Principum, atque Magnatibus Aulæ. Et quidem sex Pares laici coronas, atque alia suae dignitatis indumenta gestant; sex vero Pares Ecclesiastici Pontificalibus insignibus, nempe Pluviali, & Mitra ornati accumbunt mensae, atque dextram partem occupant. Archiepiscopus Remensis, ad quem spectat praecipuum ministerium in Coronatione Regis, benedicit Regias dapes, vel qui illius vices gessit; uti in Coronatione Ludovici XIV. ab Archiepiscopo Remensi, & in Coronatione Ludovici XV. ab Episcopo Svesionensi factum constat ex monumentis relatis a Rossuetio: & prope Remensem Antistitem adstabant Clerici duo Superpelliceo induti, Crucem, atque Pedum illius tenentes. Episcopi Suffraganei Rocchetto, & Mantelletta induti accumbunt in alia mensa, & Oratores Principum itidem proximi Paribus Ecclesiasticis. At Magnatibus Aulæ mensa paratur prope Pares laicos. Fercula vero deferuntur tympanorum, & tibiarum sonitu, praecuntibus Fecialibus, Praefecto Domus Regiae, Praefecto Cæremoniarum, aliisque Officialibus Aulicis. Coeterum spectat ad Magnum Eleemosynarium, vel, eo absente, ad Eleemosynarium *de quartier* bene precari, & gratias agere sive ad prandium, sive ad coenam Regis, sive publice, sive privatim Rex discumbat. Ad illum quoque spectat referre capsulam quamdam argenteam, Navem dictam ab ejus forma, ubi mappula Regis continetur, quam

deinde Regi præbet unus e Principibus Regiæ stirpis, vel Magnatibus Aulae. Itaque Magnus Eleemosynarius, vel inferior Eleemosynarius benedictionem, & gratiarum actionem recitat in prandio, & coena Regis. Sed in præcipuis festis ad gratiarum actionem post prandium Regis, Rocchetto indutus, dicta oratione, quosdam Psalmorum versus præcinit, succinentibus Cantoribus Palatinis. Germanos Imperatores solenni pompa accumbere mensæ, statis quibusdam solemnitatibus; Capellanum Aulicum bene precari ad Imperatoriam mensam; a Musicis Palatinis carmen aliquod decantari; cibaria deferri tympanis, tibiisque sonantibus, referunt Dumontius, & Rousselius lib. 2. cap. 6. §. 2. Cæremonialis Imperii. In Aula Hispana, ut testis est Dumontius lib. 1. cap. 4. §. 17. Cærem. Hisp. expleto solenni prandio Regis, colliguntur a Majori Capellano reliquæ panis, & in argenteam concham iniiciuntur. Qui idem in quotidiana mensa Regis benedicit, & gratias agit; eo absente, id spectat ad Capellanum illum Honorarium, qui tunc operam suam in Aula præstat: attamen si adsit aliquis magnæ dignitatis Antistes, huic committi solet honoris causa munus benedicendi Regiam mensam. Pariter in Aula Regum Sardinie spectat ad Magnum Eleemosynarium, vel inferiorem Eleemosynarium bene precari, Rege discumbente; hujusmodi tamen officium alicui præsentis Antistiti exequendum permittitur.

X. Solemnia convivia olim a Neapolitanis Regibus exhibita memorat Pontanus lib. de Conviv. cap. 1. ubi ait: *Institutum fuit Regum Neapolitanorum, annis singulis, statis quibusdam diebus parare nobilitati epulum ad Aedem D. M. Coronatæ, adhibitis etiam matronis, quod ab Alphonso summo cum splendore servatum meminimus.* Nam Alphonsus, uti in omni magnificentiæ genere, ita & in parandis conviviis fuit magnificentissimus. Unde in nuptiis Helionoræ neptis cum Friderico III. Imperatore, ut idem scribit Pontanus lib. de Magnif. cap. 16. mensæ apparatus, in quibus supra triginta hominum millia discubuerunt, plurimique mortales onerati esculentis plurimorum dierum domum rediere. Et Bartholomæus Facius lib. 9. de Reb. gest. Alphonsi testatum reliquit,

liquit, quam splendido convivio eundem Imperatorem exceperit, & qui, eo finito, ludi equestres editi, quibus Ferdinandus filius, multique insignes adolescentes certaverunt. Pretiosissima erat Alphonso suppellex ad mensam instruendam; ut enim scribit Pontanus lib. de Splend. cap. 2. *Rex Alphonso & cados, & dolia, & stulas ex argento habuit, crateres etiam ex auro, toralia, & mappas e tela conquistissima. Itaque ejus mensis nihil splendidius.* Sed quod majorem longe Alphonso conciliat laudem, illud est, quod idem narrat Pontanus lib. de Conv. cap. 1. solitum nempe fuisse, uti colloquio doctorum virorum ad mensam: *Rex Alphonso statim post prandium, vel Antonium Panormitam, vel e doctis aliquem audiebat, ut qui dignum judicaret animum quoque cibo suo post pastum corporis reficiendum esse.* Et rursum cap. 6. *Attulit aliquando magnam laudem Alphonso huic, quod litteratos, quicumque Neapoli per id tempus essent, in hortos ad canam vocaverit, lautissimeque acceperit.* Et ab optimo Principe ad successores profluxit idem erga rem litterariam studium; ut proinde Aragonum Regum Aula doctissimos viros aluerit Panormitam, Pontanum, Facium, Albinum, Sannazzarium, alioque. Neque ab Alphonso magnificentia in parandis conviviis recesserunt successores. Memorat enim Pontanus lib. de Conviv. cap. 5. splendidum convivium ab Alphonso II. exhibitum Oratoribus Caroli Ducis Burgundionum: *in quo, ait, nihil non modo defuisse, sed ne desiderari quidem potuisse ab iis, qui affuere, judicatum est. Post plurimos rerum variarum, missus, tantumque apparatus, introducti mimi, editumque ad lychnos spectaculum, tandem magnificentissima illa comestantiuncula, quam collationem hodie vocari dixi, plurimis ferculis allata est, ac deinde inter adstantes diffusa, & passim jactata, ut omnibus ex ea esse liceret; ultimo donati Oratores splendidissimis muneribus.* Itaque Neapolitani Reges, statis quibusdam diebus, Regio apparatu cum Magnatibus Aulae, & Civitatis, mensae accumbabant: & verisimile est id in magnis solemnibus eos praestitisse. Quandoque cum Episcopis discubueret, uti colligitur e monumento quodam prolato a Chioccarello in Episcopis Neapolitanis, ad annum 1288. his verbis: *Die Domi-*

Dominica 14 Aprilis Neapoli. Ista die fuit consecratus Dominus Joannes Brito Episcopus Puteoli, & conederunt cum Domino Rege Archiepiscopus Neapolitanus, Dominus Cancellarius, plures alii Prælati, & Clerici. Porro quum Neapolitani Reges solemnī pompa discumbebant, mensa sub cœlo, & in area Regiī domicilii parabatur, Magnus Senescallus equo insidens associabat fercula usque ad mensam, tum ea prægustabat. Hoc illius munus describit Tristanus Caraccioli, vita Serzannis Caraccioli, quam edidit tom. 23. Script. Ital. Cl. Muratorius. Ita enim ait: Est Magni Senescalli toti Regiæ moderari, universæque familiæ, & una cum his negotia tractantibus jus dicere. Insuper cavere vigilanter, ne vascula, aut cibi, quos Princeps sumpturus est veneno aliquo inficiantur; solemnibus etiam Regalibus cœnis, atque epulis, equo insidere albo, veste serica, aureis laqueis circumplexa, dapes instructas ante prægustare: & cum ad mensam Regiam devenerit, equo descendere, lancemque a discophoro sumptam per se inferre, deinde degustando explorare; atque his peractis iterum equum conscendere, & eodem ministrorum comitatu, ad alia fercula importanda reverti. Hunc morem Magnus Senescallus servaturus semper est, etiam si centies novi cibi inferendi essent. Hujusmodi ritus exhibet Joannes Brochartus in suis Diariis manuscriptis, enarrans convivium ab Alphonso II. quarto post Coronationem die, instructum Cardinali Legato, his verbis: Feria secunda, duodecima diei mensis Maii, Rex fecit prandium publicum cum Legato in aula magna dicti Castri novi: mensa parata erat in medio aule juxta murum, ad dextram intrantis, habens gradus circiter quinque, vel sex; longa erat, & in medio sedebat Legatus ad dextram Regis, longitudinis duarum cannarum, vel circa, gradus duodecim habens, si recte memini, pulcherrimis vasis plena; in opposito ostii in loco alto in muro composito stabant, seu sedebant Tubicines, & Fistulatores Regis, qui ad introitum singulorum cibariorum, sive dapium sonabant. Magnificus Andreas Mattheus Marchio Martina, & Regius Major scaleus ad intrantium singulorum dapium dilationem in equo peregrinabat ab ostio usque ad scalam, qua ad mensam ad-

adscendebatur..... autem recta via ab ostio ad credentiam, a credentia recta via ad mensam, baculum album longum manu gestans, & vestes albas, equus albus etiam erat. Duo erant Dapiferi, unus ad dextram, qui erat Legati; alius, qui erat ad sinistram, Regis; & omnes alii in paribus vasis portabantur Legato, & Regi paribus copertis: copertas vero non numeravi, quia non fui a principio prandii, sed circa medium veni; Legatus etiam habebat scalcum, baculum longum manu gestantem, qui Regio scalco, ad gradus mensæ ex equo descendente, descendebat & ipse per gradus; & simul cum illo ascendebat, sequentibus ipsos Dapiferis. Legatus habuit scutiferum de potu sibi servientem, & Rex ad idem, alium sibi. Ipsi duo in mensa erant; finito prandio, Legatus cum Rege intravit cameram Regiam. Nihil mihi in hoc convivio singulari singulariter placuit præter credentiam, quæ pulcherrimis, & magnis vasis aureis, & argenteis ornata erat, quam estimavi ad circiter ducatos 60000. Eodem ritu Carolus VIII. Rex Galliarum Neapolim adiens accubuit mensæ, uti refert Octavianus de S. Gelasio loquens de illius expeditione Neapolitana: *Et souppa en la grant sale du dit Chasteau, ou l'on monte a plusieurs degrez de pierre, & fut servi par le grant Seneschal de Naples tout a cheval, habille tout de blanc en tous ses mets, & force trompetes, & clerons.* Alibi quoque mos obtinuit, ut Majores Senescalli equites ad mensam ministrarent. Nam in Charta Alphonsi Imper. an. 1258. pro Friderico Duce Lotharingæ, apud Hieron. Vignesium in familia Alsatica: *Et de infra scriptis dignitatibus, & feudis primum vexillum damus tibi pro Ducatu in feudum: in quo, & per quod, debes esse summus Senescallus in Aula nostra citra Rhenum, & debes nobis servire in annalibus festis de primo ferculo eques.* Sed & ex Bulla Caroli IV. Imperat. de elect. Reg. Rom. cap. 27. docemur, in solemnibus Imperatorum Curii Electores sæculares ad mensam equites ministrare solitos. In Gallia quoque spectabat ad Majorem Senescallum ubi Reges solemnibus apparatu ad mensam sedebant, ministrare; uti constat ex plurimis monumentis apud Cangium in Glossario mediæ & infimæ Latinitatis allatis.

CA-

C A P U T VI.

DE CORONATIONE REGUM.

Ordo coronandi Imperatores in Oriente. II. Et in Occidente. III. Et Imperatricem. IV. Regem Gallie. V. ac Reginam. VI. Ordo proclamandi Regem Hispanie. VII. Et Lusitanie. VIII. Ordo coronandi Regem Poloniae. IX. Anglie. X. Suecie. XI. Daniae. XII. Borussiae. XIII. Et Imperatorem Moschorum. XIV. De Coronatione Regum Siciliae. XV. Et Regum Neapolitanorum. XVI. De Regis insignibus Regum Neapolitanorum. XVII. Ordo Coronationis Alphonsi II. Neapolitani Regis. XVIII. Ordo Coronationis CAROLI BORBONIS Regis Siciliae.



Explicato ordine agenda Liturgiæ in Capellis Palatinis Summorum Principum, ad insigniores Aulicas cæremonias progredimur, quæ sacrum ministerium involvunt; initio ducto a Coronatione Regum, utpote quæ est omnium præstantissima. Prima hujus cæremoniæ vestigia occurrunt in Theodosio juniore, quem a Proclo Patriarcha coronatum fuisse testatur lib. 2. Theodorus Lector. Martianum quoque illius successorem ab Anatolio Patriarcha coronatum innuit Nicephorus lib. 14. Hist. cap. 58. eodemque teste lib. 15. cap. 15. Leo Martiani successor sacro Coronationis ritu imperium cepit. Zenonem, Anastasium, Justinum benedictos esse, cum ad Imperium pervenere, Scriptores testantur: & Justinum quidem semel a Joanne Patriarcha, iterumque a Joanne I. Romano Pontifice. Nicephorus Historiam suam Andronico Palæologo Imperatori nuncupans, illum laudat, quod ubi solus imperio potitus est, confestim copias suas pro ipso Deo, a quo unctus esset Imperator, in aciem produxerit. Et Zonaras ubi de Theophili imperio loquitur, eum ita Leonis prædecessoris sui interfectores alloquentem inducit: *Car, inquit, Unctio Domini sceleratas manus attulisti, neque homicidæ dumtaxat, sed & parricidæ exististi.* Denique

que Nicetas Choniates lib. 1. de Alexio Commeno Isaaci Angeli fratre loquens dicit, illum *de more* inunctum fuisse in Regem. Porro Imperatorum Coronatio non raro in Ecclesia Palatina peragebatur, præsertim vero in Oratorio S. Stephani, quod extruxerat Puleheria Augusta, & Sancti Protomartyris Reliquiis ditaverat: ibi enim coronatos Imperatores, eorumque liberos, & Augustas, passim legimus apud Theophanem, Cedrenum, aliosque. Ordinem hujus agendæ apud Græcos cæremoniæ fufe describunt Cantacuzenus lib. 1. cap. 41. Historiæ, Codinus cap. 17. de Officiis Constantinopolitanæ Ecclesiæ, Goarius in Euchologium, Habertus in Pontificale Græcorum, Martene lib. 2. cap. 9. de antiquis Ecclesiæ Ritibus. Atque hæc summa totius rei fuit. Antequam benedictione donarentur, solebant Fidei professionem voce, & scripto coram omnibus emitte; tum juxta vetustissimum morem in clypeos elevabantur; Liturgia celebrabatur, sedente Imperatore in Solio; ante Trifagium accedebat ad Patriarcham stantem in ambone; is recitata benedictionis prece, sacro oleo caput ejus perfundebat, cunctis ter acclamantibus, *Sanctus*; deinde ejus capiti Coronam imponebat, cunctis acclamantibus, *Dignus*; tum Imperator ipse Coronam imponebat conjugi, Patriarcha quasdam orationes pronunciante. Præterea Imperator thure sacram Mensam, & Patriarcham adolebat, & vicissim thure a Patriarcha colebatur; ad Symbolum, Orationem Dominicam, & Eucharistiæ Consecrationem stabat; ac tandem, depolita Corona, sumebat Christi Corpus, & Sanguinem, & hunc quidem non ex cochleari, sed ex Calice more Sacerdotum. Sequebantur publicæ populi circumstantis, acclamationes, ad quem non semel novus Imperator e Solio sermonem habuit; effundebantur quoque in populum numismata; denique solemnî pompa equitans, ad Palatium reducebatur. Atque hoc fere ritu res se habuit in Oriente.

II. In Occidente a Caroli Magni ævo, quem Leo III. Romæ coronavit, Imperatores inungi consueverunt. Ludovicum Pium Stephanus Papa IV. Lotharium Paschalis I. Carolum Calvum Joannes IX. uti etiam Ludovicum Balbum, & Carolum Crassum consecrarunt. Translato deinde a Francis ad

Ff

Ger-

Germanos Imperio idem mos adeo invaluit, ut non ulli dicerentur, atque haberentur veri Imperatores, qui a Romano Pontifice uncti minime essent. Sed olim triplici benedictione, triplicique corona donabantur Imperatores in Occidente. Primo enim Coronam argenteam, tamquam Reges Alemanniæ accipiebant Aquisgrani, quod & Carolus IV. famosa Constitutione Aurea decrevit. Hæc tamen benedictio, aliquando alibi peracta est: siquidem S. Henricus, Moguntia; Ferdinandus I. Ferdinandus II. Maximilianus II. Mathias, Francofurti; Rodolphus II. Ferdinandus III. Ferdinandus IV. Ratisbonæ uncti fuere. Et quod spectat ministrum hujus benedictionis, Archiepiscopus Moguntinus hoc jus sibi vindicat, quod inter Electores principem habeat locum: Colonienſis vero Antistes sibi hoc munus adſcribit, quod Aquisgranum spectet ad illius Dioecesim. Nuper vero, uti referunt Dumontius, & Rosſuetius in Cœremoniali Imperii, convenerunt, ut quisque sua in Dioceſi Imperatorem inungeret; si vero is in aliena Dioceſi eſſet inungendus, id munus alternis vicibus præstarent. Secunda Imperatorum benedictio olim fieri conſuevit Modoetia, ubi Imperatores donabantur ferrea Corona tamquam Reges Longobardorum. Sed decurſu temporis Mediolanenſes hoc sibi vindicarunt privilegium; unde Henricus VI. & Henricus VII. alique in Ecclesia Mediolanenſi unctionem accepere: nonnulli tamen in utraque Civitate coronati leguntur. Tertia tandem benedictio, quæ conſtituebat Imperatorem, peragenda erat a Romano Pontifice; quemadmodum Carolus M. a Leone III. Henricus V. a Paſchali II. Henricus VI. a Cæleſtino III. & Carolus V. Bononiæ anno 1530. a Clemente VII. donati ſunt aurea Corona. At aliquot abhinc ſæculis non jam Imperatores Italiam adeunt, ut Mediolani primum, deinde Romæ inungantur. Veteres ritus in hac cœremonia obſervatos exhibet Martene lib. 2. cap. 9. de antiquis Eccleſiæ Ritibus. De ſecunda Imperatorum benedictione legenda eſt Diſſertatio clariffimi Fontanini de Corona ferrea Longobardorum: deque tertia legendus eſt doctiffimus Catalanus in Commentariis ad Pontificale Romanum. Hic dumtaxat ordinem hodiernum peragenda primæ Coronationis

tionis in Germania, exhibebimus ex Goldasto, Rossuetio, Dumontio, aliisque desumptum. Itaque electo Imperatore, statisque loco ac die ad ipsum coronandum, Moguntinus Archiepiscopus hujus rei conscios facit Magistratus Norimbergæ, & Aquisgrani, ut ad designatum Coronationis locum Imperialia ornamenta transmittant. Nam Norimbergæ asservantur Corona aurea Caroli Magni, Anulus, Sceptrum, Pomum, Sandalia, Ensis, Cingulum, Alba, Stola, & Paludamentum: Aquisgrani vero asservantur Ensis Caroli Magni cum Balthæo, Liber Evangeliorum, & Protomartyris Stephani Sanguis. Stata die, Electores Ecclesiastici, una cum aliis Episcopis, & Præsulibus se se ad Ecclesiam conferunt; ubi Magistratus Aquisgranensis, & Norimbergenensis eis tradunt Imperialia insignia. Electores vero laici comitantur Imperatorem a Palatio ad Ecclesiam: & Elector quidem Baviaræ Pomum ferens medius incedit inter Brandenburgicum Electorem a dextris ferentem Sceptrum, & Electorem Palatinum a sinistris ferentem Coronam. Saxoniarum Elector denudatum Ensem gestans, immediate præit Imperatorem; illique proximus est Marescallus vaginam Ensis deferens. Quod si Electores absint, eorum Legati has partes implent. Ubi ad Ecclesiam ventum est, occurrunt Imperatori Electores Ecclesiastici induti Vestimento Ordinis Electoralis; Consecrator tamen, cæterique Antistites amicti Pontificalibus ornamentis. Tum dicta ad Ecclesiæ fores a Consecratore oratione quadam, alii duo Electores Ecclesiastici Imperatorem medium inter se ducunt ad Altare, ubi genua submittit; cæteri Electores, relictis Imperialibus ornamentis, in locum suum se recipiunt. Tunc Consecrator Rem Divinam inchoat usque ad Evangelium, quo temporis Imperator, deposito pallio, ascendit Altare medius inter duos Ecclesiasticos Electores, & ibi genibus flexis manet, donec Litanæ, & orationes decantentur. Quibus expletis, stantem Imperatorem Antistes Sacra faciens sciscitatur an Catholicam Fidem, Ecclesiam, Imperium, Imperii bona, subditorum res, præsertim vero pauperum servare velit, tueri, ac vindicare? His omnibus se se ita facturum respondit Imperator; quod & præstito juramento ad Evangeliorum librum confirmat.

mat . Post hæc Antistes multitudinem alloquitur , an in Regem suum illum velint habere , eidemque fidem servare ? Acclamantibus universis , rursus Imperator procumbit in genua , & Consecrator quasdam orationes recitat . Deinde ab Episcopis Suffraganeis deteguntur partes inungendæ ; & Consecrator solita verborum formula ungit Imperatoris caput , scapulas , collum , pectus , brachium dextrum , & dextram manum . Electores vero Ecclesiastici abstergunt lana mundissima partes inunctas : quod olim fuisse munus Capellanorum Regis colligitur ex antiquis Ritualibus editis a Martene . Peracta unctione , iidem Electores ducunt Imperatorem ad Sacellum quoddam , ubi Sandalia , Albam , & Stolam induit decussatam in modum Crucis , more Sacerdotum ; atque ad Altare redit . Celebrans benedicit Ensem Caroli Magni super Altari positum , quo ab Ecclesiasticis Electoribus cingitur Imperator . Qui deinde ab Antistite Sacris operante donatur Anulo , Sceptro , & Pomo : hæcque duo postrema insignia laicis Electoribus deferenda traduntur . Tandem Magistratus Norimbergenses Imperatorem induunt Paludamento Imperiali . His peractis , tres Electores Ecclesiastici una simul Coronam de Altari acceptam , ejus capiti imponunt ; atque Imperator Germanico idiomate legit consueti juramenti formulam . Tum decantatur Evangelium , & Symbolum : ad Offertorium vero Imperator ferens Sceptrum , & Pomum , offert ad Altare numisma aureum . Quoties ad Altare accedit , Corona ab illius capite auferenda est ab Electore Palatino : quemadmodum ab aliis Electoribus laicis alia Imperialia ornamenta tolluntur . At spectat ad unum ex Ecclesiasticis Electoribus exhibere Imperatori Evangelium deosculandum , pacisque osculum , & thure illum colere . Absoluta Liturgia , sumptaque ab Imperatore Sacra Eucharistia , ducitur ab Ecclesiasticis Electoribus ad Solum , ibique collocatur , præcinente Antistite , qui Sacris est operatus , Hymnum , *Te Deum laudamus* . Quo decantato , Archiepiscopus Moguntinus nomine omnium Imperatori gratulatur ; ac Celebrans exiit in Diaconico Pontificalia ornamenta , induitque Vestimentum Electorale . Interea creantur ab Imperatore Equites nonnulli , percutiendo illo-

rum

rum humeros Ense Caroli Magni. Descendenti e Solio occurrit unus e Canonicis Aquisgranensibus, illumque exorat, ut juxta morem prædecessorum Imperatorum se se inter Aquisgranenses Canonicos adscribat; cui rei annuit Imperator, præstitoque sacramento promittit servaturum se illius Ecclesiæ jura.

III. Imperatrix quandoque una simul cum Imperatore inungitur; quandoque vero distinctis diebus: uti contigit anno 1612. cum Matthias Imperator a Moguntino Antistite consecratus est Francofurti. Nam Anna Austriaca illius conjux, altero die inuncta fuit hoc ordine, quem describit Goldastus Polit. Imper. par. 1. *Reginæ Coronatio postero statim Luna die fieri debebat, verum propter incidentia forte impedi-
menta ad sequentem diem Martis 26. nempe Junii dilata fuit. Ea igitur die, æque ut præterita Solis die, signum campanis majoribus, a quinta ad septimam matutinam horam, aliquoties datum est. Post auditam septimam Electores duo Ecclesiastici Trevirensis nempe & Coloniensis habitu Electorali induti ad Templum profecti sunt, Chorumque ingressi, habitu isto deposito, vestimenta Episcopalia, sive Pontificalia, quemadmodum Moguntinus etiam, qui paulo tempestivius in Templum venerat, induerunt. Ponebantur autem in Altare Sceptrum, Orbiculus, Anulus, & Corona, Imperii nempe insignia; & in Palatio sive Aula Regis, sæculares septemviri, Principes, item Comites, Barones, & alii Proceres frequentes conveniebant. Post horam octavam ad S. Bartholomæi Templum tali ordine processum est. Principio Consilarii, Nobiles, aliique Officarii, cum multis Comitibus, Baronibus, Proceribus aliis, pedites præcesserunt; secuti sunt eos, equis veſti Principes Francofurti tum præſentes, Caduceatores item quatuor, eodem quo tempore Coronationis Regiæ ordine, & habitu ornati, caduceos albos præferentes. Postmodum Electores equis itidem adveſti inceſſerunt, Palatinus nempe Administrator habitu Electorali indutus, Orbiculumque Imperialem gestans ad dextram, Legatus Bramdeburgicus in medio, & Mareſcallus Bramdeburgicus cum aureo Sceptro ad ſiniſtram equitans. Hos pedes ſecutus hæreditarius Imperii Mareſcallus a*
Pap.

Pappenheim, vaginam gladio vacuum manibus gestavit. Successit solus equo adveſtus Saxoniae Elector habitu Electorali indutus, gladiumque evaginatum geſtans, quem ſolus itidem Rex Corona & habitu Caſareo condecoratus, equo inſidens ſecutus eſt. Poſtmodum Regina curru preſtiſſimo adveſta ſola inceſſit, Gynecaeſo ejus, principibusque, & nobilibus ſeminis aliis, cum viginti & amplius curribus eam comitantibus. Poſtquam in Templum ventum eſt, Electores quidem Eccleſiaſtici Pontificalibus induti e Choro obviam eis ad Altare proceſſerunt, Rex vero in peculiarem quamdam ſedem, quae a dextris juxta illam, in qua tempore Coronationis ſederat, conceſſit. At Regina in ſedem precatoriam abducta eſt; moxque Suffraganeus Moguntinus, loco Electoris, qui male habere ceperat, ad celebrandam Miſſam ſe paravit, quae ex Sacello Caſareo preſtanti Muſica ad Evangelium uſque continuata eſt. Poſtquam Epistoſta & ſequentia lecta eſſent, Suffraganeus ab Altari diſceſſit, Episcopuſ vero Moguntinus impoſita in caput Inſula, acceptoque in manus Episcopali baculo ad Altare proceſſit; cumque ad Reginam facie converſus conſiſſet, Rex Corona Regia ornatus, Sceptrumque dextra, & Orbiculum Imperialem ſiniſtra tenens, ad Altare itidem acceſſit, conceptiſque verbis conjugem uti ſuam, in Reginam Romanorum Moguntinus coronaret, rogavit. Interea ſedes Reginae precatoria propius aliquanto ad Altare promotaeſt; Rege igitur ad Solum ſuum concedente, Regina a Trevirenſi, & Coloniensī ad ſedem iſtam precatoriam deducta eſt, ubi una cum Suffraganeis aſſiſtentibus, & Electore Moguntino Conſecratore ipſomet, in genua procidit, preceſque ad Deum fudit. Finitis precibus, & Letania ſuper eam, eodem quo in Coronatione Regis modo lecta, Moguntinus ſurgens eam interrogabat, numquid Romanorum Regina ſalutari, & coronari cuperet, cumque cupere ſe reſpondiſſet, preceſ iterum habitaſ ſunt, & Moguntinus quicquid ad populum converſus, precatiunculam quamdam pronuntiavit. Poſtmodum Regina circa collum a Gynecaei Magiſtra nudata, & oleo a Conſecratore in cervice primum, & poſtmodum in dextro brachio, addita brevi precatiuncula, inuncta eſt. Hoc faſto, Trevirenſis eam, & Colo-

Coloniensis terra levatam in Chorum ab luxerunt, duobus Suffraganeis adfissentibus, & quibusdam ex Gyneco ejus eam comitantibus. Ibi pretiosissimo Regio habitu ex panno aurato constante, & sirmate longo admodum, quod virgines quædam nobiles gestabant conspicuo, absterfo primum oleo, induit: est: cumque ex Choro iterum ad sedem precatoriam reversa coram Altari in genua procidisset, Electores Ecclesiastici omnes novam Coronam ab Altari levatam, capiti ejus, additis quibusdam verbis, imposuerunt. Consecrator vero solus Anulum ei induit, Sceptrumque in dextram, & Globulum Imperii in sinistram ei tradidit: quæ Imperialibus istis insignibus ornata postmodum facta benedictione in Solium Regium, in quo Rex Coronationis tempore confederat, a duobus Electoribus, & Suffraganeis abducta est; ubi Trevirensis quidem Sceptrum, Coloniensis vero Orbiculum Imperialem ab ea accepta in Altare iterum deposuerunt. Interea Consecrator ab Altari discessit, Suffraganeus vero Moguntinus Missam continuare cepit. Sub Offertorio autem Regina a duobus Electoribus Ecclesiasticis ad Altare & Sacrificium ducta est, cumque Agnus Dei canendo finitus, & ablutio facta esset, Suffraganeo Moguntino recedente, Archiepiscopus Consecrator ad Altare iterum accessit, ubi reliqui duo Electores Ecclesiastici, Coronam capite Regine levatam, præsentibus Legatis Fuldensibus tenendam tradiderunt: ipsa autem ad Altare producta, pulvinaria ibi disposita removit, inque terram flexis genibus procidens, magna humilitate, & devotione Sacramentum Cane ex manu Consecratoris accepit; quo facto, Electores eam terra levatam in Solium Regium abduxerunt, & Coronam capiti ejus iterum imposuerunt, quam virgines quædam ex Gyneco ejus accedentes, ne dimoveretur amplius, capiti alligarunt. Postea Suffraganeus Moguntinus ad Altare iterum accessit, lectaque finali precatiuncula Sacrum absolvit: quo finito, Cantores Regii Hymnum Te Deum laudamus decantare cæperunt, cantusque suavitate omnium aures, ut & per totum Coronationis actum, mirifice oblectarunt.

IV. Tardius in Galliis, uti notat Martene lib. 2. cap. 10. de antiq. Eccl. rit. Reges solemnem Episcoporum benedictionem

nem suscipere coeperunt : quippe ante Pipinum , qui Sveffione primum a Moguntino Antistite Bonifacio , tum a Stephano Papa unctus est in Regem , nullus ab Episcopis benedictus legitur ; sed omnes , ut Regni imperium adepti erant , a populis clypeo evecti , Reges salutabantur . Itaque Francorum Reges secundæ stirpis sacro Ecclesiæ ritu ad imperium regendum coeperunt inaugurari : qua vero cæremonia id olim fieret , constat ex nonnullis Ordinibus editis a Martene . Ex antiquissimo more spectat ad Archiepiscopum Remensem inuñus coronandi Regem ; imo & in Ecclesia Remensi peragenda est Coronatio , & quidem oleo cælitus delapso , cum B. Remigius unxit , baptizavitque Clodoveum Regem . Ordo Coronationis is est , quem exhibent Dumontius , & Rollietius in Cæremoniali Galliæ , & Hubertus Morus in libello de sacris unctionibus . Primo ex Abbazia S. Dionysii Parisiis proxima , adportantur Remos ornamenta Regalia , nempe Corona , Ensis , Calcaria aurea , Sceptrum , Virga eburnea , quæ a manu similitudine , quam habet in culmine , vulgo Justitiæ manus dici solet , & Ocreæ sericæ hyacinthini coloris , totæ . Intertextæ liliis aureis , Tunica similis Diaconali Dalmaticæ , & Paludamentum seu Chlamys similis cappæ , quam Soccum vocant , prorsus cum Tunica ejusdem operis , & coloris . Rex solemnī pompa Remos ingreditur , & recta ad Ecclesiam pergit , ubi Altare osculatur , preces fundit , munus offert , Vespertino Officio adest . Illucescente die ad benedicendum Regem constituta , nonnulli nobiles viri , Rege jubente , adeunt celebre Remense Monasterium S. Remigii , ubi sacra Ampulla olei cælestis asservatur , eamque dari exposcunt ad inungendum Regem , suamque fidem adstringunt , se se , absoluta cæremonia , eamdem Monasterio reddituros . Interea duodecim illi Proceres Regni , quos Pares Franciæ vocant , quique in Coronatione Regis primas partes habent , ad Ecclesiam se conferunt . Illorum Procerum sex sunt ex Ecclesiasticorum , sex vero e laicorum numero ; itidem sex Duces , totidemque Comites : & quidem ex Ecclesiastico Ordine sunt Episcopi Remensis , Lingonensis , Laudunensis , Bellovacensis , Noviodunensis , & Catalaunensis ; ex laicis olim erant Duces Bur-

gun-

gundiæ, Normandiæ, Aquitaniæ, Comitessque Flandriæ, Tolosæ, & Campaniæ: nunc vero a Rege nominantur, qui istorum partes impleant. Postquam Pares ad Ecclesiam convenere, illorum duo, nempe Episcopi Laudunensis, & Bellovacensis, una cum Remensis Canonicis, supplicatione indicta, se conferunt ab Ecclesia ad Ædes Regis. Ubi ad Regium cubiculum pervenere, Episcopus Laudunensis semel, atque iterum pulsato ostio, interroganti Præfecto Domus Regiæ quid petat, coronandum Regem mox ille petere se respondet; tandem tertio ostium referatur. Tum duo præfati Episcopi accedunt ad Regem lecto incubantem, domestica veste indutum, eoque salutato, Laudunensis precem quamdam recitat: deinde uterque surgentem de lecto adjuvat, & præeunte supplicatione, canentibus Canonicis Antiphonas quasdam, itur ad Ecclesiam. Magnus Regni Comestabulus, seu qui illius vicem gerit, ferens denudatum enssem anteit Regem: sequuntur Præfectus Domus Regiæ, Magnus Cosmeta Regius, alique Magnates Aulæ. In Ecclesia Antistes Remensis sedet prope Altare; e regione Antistitis, & Altaris, collocatur sedes Regis; post Regis sedem, insident scabellis Magnus Comestabulus, Præfectus Domus Regiæ, Magnus Cosmeta, Præfectus cæremoniarum, & primus Cubicularius Regis. Ad dextrum Altaris cornu assident in scamnis Pares Ecclesiastici, Cardinales, Episcopi, & Cubicularii Regis; ibidem duo excitantur tabulata pro Regina, & Matronis Aulicis. In sinistra Altaris parte confident Pares laici, Principes Regiæ cognitionis, Equites Regalis Ordinis Spiritus Sancti; at Legati Principum, & nobiles foeminae in tabulatis ibidem extructis adsunt sacre cæremoniæ. Si quis adesset Pontificius Legatus *a latere*, huic locus princeps concederetur in scamno Cardinalium: si quis vero adesset Rex, primum occuparet locum inter Pares laicos. Sedentibus itaque cunctis, quos Antistes Sacra faciens post recitatam quamdam precem aspergit aqua benedicta, decantatur Tertia, donec sacra Ampulla ab Abbate Monasterii S. Remigii equo insidente sub umbella, præeunte supplicatione, deferatur ad Ecclesiam. Huic venienti occurrit Remensis Præsul ad fores Ecclesiæ cum suis suffraganeis,

& Canonicis, ibique sacrum oleum ab Abbate accipit, postquam illud eidem redditurum promiserit; acceptamque Ampullam collocat super Altare, ubi etiam cœtera ornamenta Regalia collocantur. Et Abbas quidem S. Remigii sistit prope Altare, a dextra parte; quemadmodum Abbas S. Dionysii sistit a sinistra Altaris parte, quod illi sacræ Ampullæ, huic Regalium insignium custodia sit commissa. His peractis, Remensis Antistes induit in Vestiario Pontificalia ad Sacrum celebrandum, illique ministrant duo suffraganei Episcopi in officio Diaconi, & Subdiaconi; itidemque duodecim Canonici Diaconorum & Subdiaconorum indumentis amicti. Accedit ad Altare, tum ad Regem, a quo salutatur, Regemque exorat, ut suarum Ecclesiarum jura tueatur, quod facturum se se Princeps promittit. Tunc duo Episcopi, Laudunensis, & Bellovacensis multitudinem sciscitantur, an sibi hunc Regem præfici velint? Postquam universi acclamaverint, *volumus*, Rex, tactis Evangeliiis, sacramento promittit jus suum cuique redditurum, & profligandis hæreticis operam daturum. Præstito hoc juramento, nonnullisque precibus ab Antistite fufis, atque benedictis Regiis insignibus, Pares laici Ocreis Regem induunt, atque Calcaria imponunt, quæ statim remouentur, ne impedimento sint. Ad hæc Archiepiscopus enssem vagina testum benedicit, de Altari sumit, eo Regem, cingit, & vagina eductum porrigit Regi, quem Rex tamdiu erectum manu tenet, quamdiu Chorus Antiphonam decantaverit, & Antistes orationem subjunxerit: qua expleta, a Rege flexis genibus offertur ad Altare, ac super eo collocatur; sed Archiepiscopus enssem rursus de Altari sumit, ac Regi restituit, Rex Magno Comestabulo tradit deferendum, tota coronationis cæremonia. Archiepiscopus deinde quibusdam recitatis precibus, sacram Ampullam aperiens, cuspidem aureæ aciculæ extrahit tantillum cælestis olei, quod misceat cum Chrismate super Patenam Calicis aurei B. Remigii; Choro interim decantante Antiphonam. Deinde Rex, & Archiepiscopus procumbunt super stragulum, duoque Episcopi Litaniam inchoant, in qua bis invocatur B. Remigius; & ad versum illum, *ut præsentem famulum tuum N. in Regem coronan-*

ronandum benedicere digneris, surgit Antistes, ac Regem benedicit. Finitis Litanis, postquam Antistes diu multumque super ipsum Regem precatus fuerit, sedens ungit Regem in genua provolutum, primo in vertice, secundo in pectore, tertio inter scapulas, quarto in ipsis scapulis, quinto in brachiorum compagibus, proferens in singulis unctionibus consueta verba, & Choro Antiphonam decantante. Rursum orat, tuncque Magnus Cosmeta, vulgo, *Gran Ciamberlano*, induit Regem Tunica hyacinthina, & Chlamydem superiniicit. Mox ab Antistite inunguntur Regiæ manus, benedicuntur chirothecæ, quibus illæ involvuntur; Regique porriguntur quadam verborum formula Anulus, Sceptrum, & Virga. Ad hæc Cancellarius Franciæ accedit ad Altare, & singulos accerlit Pares Regni, primo Laicos, deinde Clericos. Quibus vocatis, Antistes Regiam Coronam de Altari sumit, & eam solus manu tenens precatur, tum solus eam imponit Regio capiti; sed illico Pares omnes manum apponunt, & eam undique suffulciunt. Postquam vero plures orationes ad benedicendum Regem Antistes pronunciaverit, eundem coronatum manu ducit ad Solium in medio Ecclesiæ excitatum, præeunte Magno Comestabulo cum ense denudato, sequentibus reliquis Paribus, & Magnatibus Aulicis; ibi Regem collocat consueta verborum formula, Hymnumque præcinit gratiarum actionis. Hymnum excipiunt consuetae preces, hisque dictis, Archiepiscopus, deposita Mitra, Regem sedentem salutat, & osculatur inquitens, *vivat Rex in æternum*. Hoc idem præstant reliqui Franciæ Pares suo ordine, primo Clerici, deinde Laici: interim aurea numismata in populum effunduntur. Sequitur Liturgia, quam solemni ritu celebrat Remensis Antistes; at unus ex Eleemosynariis Regis, submissa voce Sacrum facit in Altari prope Solium excitato. Rex ad Liturgiam deponit Sceptrum, ac Virgam; atque ad Evangelium Coronam, quam unus e laicis Paribus accipit. Evangeliorum librum, & pacis osculum exhibent Regi, vel Episcopus Diaconum agens, vel aliquis Cardinalis, vel Magnus Eleemosynarius: uti in Coronatione Ludovici XIII. die 17. Octobris, anno 1610. Cardinalis Gondi: in Coronatione Ludovici XIV.

die 7. Junii, anno 1654. Cardinalis Grimaldus vices gerens Cardinalis Antonii Barberini Magni Eleemosynarii: & in Coronatione Ludovici XV. die 25. Octobris, anno 1722. Cardinalis Rohanus hoc officium præstiterunt. Ad Offertorium, Regiis ornatus insignibus accedit ad Altare, eumque sequuntur Pares omnes, Magnates Aulici, & quatuor Proceres, quorum unus deferret vasculum vini, alter panem aureum, tertius panem argenteum, postremus tredecim aureos nummos, qui olim dicebantur Bisantii, pro oblatione Regis. Hæc ubi Princeps obtulerit ad Altare, redit ad Solium. Antequam vero Antistes Pacem precetur, recitat benedictionem quamdam super Regem, & populum. Pacis osculum præbet Regi Magnus Eleemosynarius, Rex vero cæteris Paribus. Sequitur benedictio Regii Vexilli, quod vulgo Guidonem vocant. Ad Communionem, postquam Rex sub tentorio quodam ad id parato confessus est peccata sua, adit Altare, & Eucharistiam sumit sub utraque specie: & quidem haurit Christi Sanguinem e Calice B. Remigii, in quo Antistes Sacra Mysteria consecravit. Absoluta Liturgia, sub tentorio exiit sacras vestes, aliasque induit; sed Regis indusium chrismate delibutum traditur Magno Eleemosynario comburendum; atque Archiepiscopus ablata a Regio capite Corona, leviolem Coronam illius capiti imponit. Tandem reverso Rege ad Ædes suas, solenni pompa sub umbella accumbit mensæ, una cum Paribus, Cardinalibus, Episcopis, Legatis, & Proceribus Regni: atque supra mensam collocantur Sceptum, Virga, & Corona major. Ludovicus XIV. altera die a coronatione sua accepit insignia Societatis Equestris Spiritus Sancti ab Episcopo Sveslionensi, a quo fuerat inunctus; & sequenti die, in Remensi Ecclesia audito Sacro, strumosis manus imposuit. Pariter Ludovicus XV. Rex pace, belloque gloriosissimus, die altera ab accepta unctione, donatus est in Cathedrali Remensi ab Archiepiscopo insignibus illius Societatis; quem deinde Solio assidentem cæteri Socii osculo manus supremum Moderatorem Ordinis salutarunt: tum subsequenti die in Ecclesia S. Remigii strumosos curavit. In hisce vero cæremoniis Magnus Eleemosynarius, & Primus Eleemosynarius de more Regi adhæserunt.

V. Re-

V. Reginarum Galliae unctionem antiquam esse probant veteres nonnulli Ordines ad benedicendam Reginam editi a Martene lib. 2. cap. 10. de antiq. Eccl. rit. & a Gothofredo in Cæremoniali Galliae. Verum non illae ex oleo caelesti, neque in Ecclesia Remensi inunguntur; sed ex alio oleo sanctificato, & ut plurimum in Ecclesia S. Dionysii, sæpe etiam in Sancta Capella Parisiensi. Et narrat Nangius in gestis Philippi III. Francorum Regis, Mariam Ducis Brabantiae filiam coronatam fuisse in Capella Regia Parisiensi ab Archiepiscopo Remensi; idque ægre tulisse Gillonem Senonensem Archiepiscopum, & apud Romani Pontificis Legatum conquestum esse, quod Remensis Antistes in aliena Dioecesi id sibi juris usurparet: *Sed ex parte Regis sic allegatum fuit, quod non erat unde posset conquiri Senonensis Archiepiscopus, quoniam Capella Regis Parisiis exempta erat, & ideo ratione loci ad ipsum inunctio non spectabat.* His vero ritibus Regina Galliae coronatur, quibus Maria Medicea conjux Henrici IV. inuncta fuit, die 13. Maii, anno 1610. in Ecclesia S. Dionysii a Cardinali Gioiosa, ut ex Dumontio Caremon. Gall. lib. 2. cap. 2. §. 5. & 6. Primo ab Aëdibus Regiis ad Ecclesiam deducta est a Cardinalibus Gondi, & Sourdis, inter eos media, præeunte omni comitatu Aulico, Equitibus torquatis Spiritus Sancti, Principibus Regiae cognationis; sequentibus Matronis Regiae stirpis, aliisque illius obsequio addictis. Ubi ad Altare pervenit, in genua procubuit, Celebrans, recitata prece, ei deosculandas obtulit Sanctorum Reliquias. Solum deinde conscendit, stipata undique Principibus & Matronis Regiae cognationis, & Proceribus Aulae. Rursum a duobus Cardinalibus ad Altare ducta, procumbens oravit, mox fusis ab Antistite nonnullis precibus peruncta fuit ex sacro oleo super Patenam posito, primo in capite, secundo in pectore; quas partes Matronae duae Regiae stirpis denudarunt. Post unctionem ab Antistite accepit Anulum, Sceptrum, & Virgam. Tum Episcopus Parisiensis (quod in aliis Reginarum benedictionibus praestitit Magnus Eleemosynarius) accepta Corona, eandem suspensam tenuit supra Reginae caput, duobus Principibus Regiae stirpis illam suffulcientibus, donec consueta verba pronuncia-

ren-

rentur; quibus dictis, leviori Corona caput Reginae cinxit. Quae deinde traditis Sceptro, & Virga duobus Principibus, coronata rediit ad Solum, ibique sedens, accepto a Matronis Aulicis libello precum, auditit Sacrum, quod Antistes statim inchoavit. Ad Evangelii lectionem, Cardinalis Gondi medius inter Diaconos, & Subdiaconos ministrantes ad Altare, accessit ad Solum, atque Evangeliorum librum obtulit deosculandum Reginae, quae in genua procubuit. Ad Offertorium, a duobus praedictis Cardinalibus ducta est ad Altare, praeruntibus Principibus Regia insignia gestantibus, sequentibus vero tribus Matronis Regiae familiae deferentibus oblationem Reginae. Ad Altare obtulit panem, vinum, cereumque, cui affixa erant tredecim aurea numismata. Reversa ad Solum, flexis genibus auditit reliquum Liturgiae ordinem: flexis quoque genibus accepit a Cardinale Gondi osculum pacis. Tum rursus ad Altare se contulit, ut Divinam Eucharistiam sumeret sub unica tamen specie. Denique rediit ad Solum, donec Liturgia absolveretur, qua expleta, plura projecta sunt in populum aurea numismata, Feciali, sive Heraldo conclamante, *Largeffe*.

VI. Hispanos Reges antiquis Ecclesiae saeculis solemnibus ritibus ungi consuevisse, indicant Concilium Toletanum VI. can. 3. ubi mentio fit sacramenti de conservanda Catholica fide a Rege praestiti in ipsius inauguratione; & Concilium Toletanum XII. can. 1. asserens Heruigium Wambae successorem per sacrosanctam unctionem accepisse potestatem regnandi. Julianus quoque Toletanus Episcopus in historia Wambae Regis, hunc unctionem fuisse scribit ante Altare ab Episcopo Quirico, edito juramento de servanda Fide, & aequitate. Et in more fuisse apud Gothos Hispaniae Reges, ut in Toletana Ecclesia unctionem acciperent, colligitur ex exhortatione Patrum Ecclesiae ad Principes, quam inter Toletana Concilia edidit Garfias Loayza. Verumtamen non ante Leuvigildum vestis, folioque Regali uti solebant Hispani Reges. Ille siquidem, teste Isidoro in historia Gothorum, primus inter suos Regali veste opertus folio refedit: nam ante eum, & habitus, & confectus communis, ut genti, ita & Regibus erat. Post Gothos Reges idem mos viguit: etenim Alphonfus VII. & Alphon-

phonfus VIII. ab Archiepiscopo Compostellano uncti leguntur. Idem dicendum de Regibus Aragoniæ, & Navarræ, quos unctionem accepisse, pluribus testimoniis probat Valdesius in libro de præstantia Regis Catholici. In illorum numero Petrus II. Rex Aragonum ab Innocentio III. Romæ in Monasterio S. Pancratii Regium accepit Diadema, & potestatem, ut successores Reges coronarentur Cæsaraugustæ ab Archiepiscopo Tarraconensi, uti legitur in gestis Innocentii III. editis a Bosqueto. Aliquot tamen ab hinc sæculis Hispaniæ Reges accipiendæ unctionis consuetudinem omiserunt, cujus rei plurimæ adducuntur causæ a Valdesio. Itaque nonnisi proclamari solent sequenti ritu. Die ad proclamandum Regem constituto, Vexillarius Regni Castellæ magna pompa & comitatu ad Ædes publicas se confert, ubi Optimates Civitatis convenire. Ibi a Prætor Civitatis, quem nuncupant *Corregidor*, vexillum accipit Regni Castellæ, suamque fidem scripto adstringit, se se, absoluta cæremonia, vexillum redditurum. Inde equitatione solemni ordinata, præeunte milite, sequentibus Magistratibus, eorumque ministris, longo ordine, itur ad aream quamdam Civitatis, ubi in eminenti tabulato ad id constructo exposita est conspectui omnium sub umbella Regis effigies. Signifer, Prætor, Proclamatores, seu Heraldici tabulatum conscendunt; Caduceatores, sive Mazzerii in gradibus consistunt. Tunc Proclamatores in singulis tabulati angulis ter silentium indicunt, terque cunctos monent, ut aures arrigant. Quo facto, Vexillarius accedens ad Regis effigiem, ter clamat: *Castilla y Legio ha por el Rey Catholico N. N. nuestro Sennor, que Dios guarde*. Quæ verba ubi protulerit, vexillum utrinque agit. Universi singulas proclamationes excipiunt plausu; & hunc plausum Notarii tabulis consignant, veluti quoddam præstiti hominii signum. Eadem proclamatio fit in aliis Civitatis locis, tandemque in Ædibus publicis, ubi Vexillarius, reddito vexillo, totius rei gesta tabulas conscriptas accipit. Atque hoc ritu Philippus Dux Andegavenfis CAROLI Regis nostri gloriosissimus parens die 24. Novembris, anno 1700. proclamatus est Rex Hispaniæ.

VII. Simili fere ritu Lusitani Reges inaugurantur; neque

que enim ungi consueverunt, illamque cæremoniam vocant Exaltationem. Hinc Oforius lib. 1. de rebus gestis Emmanue-
lis Regis Lusitanie, dicit, hunc, mortuo Joanne Rege, in Op-
pido Salatie, ubi degebat, more, & inituito majorum fuisse
Regem declaratum. Ritus hujus inaugurationis describit
Hieronymus Conestaggius lib. 2. de conjunctione Castellæ, &
Portugallie, enarrans, ut Sebastiano Regi in Africano bello
extincto successerit Henricus Cardinalis, ejus patruus: *Inau-
guratio*, ait, *ad hunc modum facta fuit. Die 18. Augusti,*
Templum Hospitalis omnium Sanctorum aulaeis sericis exorna-
runt, & pegmate quodam extructo, in eo sellam tela aurea
suffultam, collocarunt. Eo ascendit Rex tempore antemeridi-
diano, habitu Cardinalis indutus: egredientem e Palatio octo
tympana ænea, & novem præcones equites, & chlamydis,
quibus insignia Regia inserta erant, amicti præcedebant. Se-
quebantur pedites fere omnes ministri Aulici, Camerales, &
alii Magistratus: hos itidem sequebatur Dux Bragancie, equo
insidens, capite aperto, & manu ensen vagina deaurata insi-
gnem, tamquam Comestabilis gestans. Paulo post sequebatur
Cardinalis, insidens mule, ejus habenam tenebat Alvarus
Sylvius Comes de Portalegre, Magnus Aulae Magister: in ex-
tremo agmine sequebantur multi Proceres, & nobiles Equites,
& ingens caterva pedes. Cardinalis ingenti multitudine sti-
patus, ad gradus Hospitalis descendit, & ingressus in Tem-
plum, cum sacris, & precibus operam aliquamdiu dedisset,
conscenso pegmate sedem sibi præparatam occupavit, statim-
que Franciscus Sada unus ex Gubernatoribus Sceptrum ipsi
tradidit: Michael vero Morus Secretarius, in loco nonnihil a
sede Regia remoto, clara voce ex scripto legens, dicebat, Hen-
ricum Regem, mortuo Rege Sebastiano, in Regno succedere, &
eam ob causam Sceptrum ipsi tradi, eumque paratum esse,
præstare solitum juramentum, de conservandis privilegiis,
immunitatibus, & conventionibus, quæ vel toti populo, vel
singulis a majoribus concessæ, aut cum iis interpositæ fuissent.
His dictis, in genua ante Regem cum libro aperto procubuit,
cumque Rex manu libro imposita se superiora omnia sancte ob-
servaturum esse jurasset, tympana magnum strepitum edere
cæ-

cæperunt, tota multitudine clamante: Vivat, vivat Henricus Rex Portugalliae: Quibus verbis auditis, Rex ab iisdem, quibus ante comitatus, Sceptrumque manu tenens, ad Palatium, tympanis sonantibus, & præconibus nonnumquam superiora verba repetentibus, reversus est. Et lib. 5. refert, mortuo Henrico, Antonium Priorem Cratensem proclamatum Regem, tradito ei vexillo civitatis. Eodem fere ritu Joannem V. religiosissimum Principem, die 1. Januarii, anno 1707. Ulyssipone, Regem salutarunt, uti constat ex monumentis editis a Rossuetio in Cærem. Lusit. cap. 2. §. 2. Verum non in Ecclesia, sed in area ante Regias Ædes, excitato sublimi tabulato, ubi eminebat Solium Regis, cæremonia peracta est. Sedente itaque Rege, unus e Magnatibus Regni proclamavit, regnandi jura ad illum traducta esse: mox eundem exoravit, ut de servandis Regni privilegiis, atque Statutis, fidem suam obligaret. Quod ubi a Rege præstitum est, lectaque a primo Regis Ministro sacramenti formula, nobiles viri, & Magistratus osculo manus illum Regem salutarunt, acclamante multitudine. Exinde Rex, & universi Ecclesiam Palatinam adiere, ut Hymno *Te Deum* agerent Deo grates. De inauguratione Joannis Ducis Bragantiæ in Lusitanorum Regem, excusso Austriacorum Hispaniæ Regum imperio, ita refert Cajetanus Passiarellus lib. 1. de Bello Lusitano. *Regi deinde solemniter coronando conditus dies intermedia Decembris est, qua porro in aula amplissima Regiæ, Bragantiæ Dux a populo traditam imperii coronam, Lusitano servato more, suscepit. Reliquos inde regalis auspicii ritus persecuturi ad Templum maximum pergunt. Chlamyde regia amictus, habituque oris, & corporis ad præsentem fortunam exulto, eques unus Bragantius ibat, ceteri pedites: mos enim erat, sive plebejos, sive magnates cum via pedestri, tum detecto semper capite consequi Regem, juramentum a subditis accepturum. Hoc summo splendore, auleque explicato magnifice luxu, posteaquam Templum ingressi sunt, inibi ad Aram maximam pro Lusitano Rege Joanne data jurejurando fides, acceptaque est.*

VIII. Poloniæ Reges ab Archiepiscopo Gnesnensi Primæ Regni solenni ritu unguntur, & coronantur: quod quidem

dem olim Gnesinæ faciendum erat; sed decreto Loctii Regis circa annum 1320. coronatio Regis agitur Cracoviæ. Itaque ubi electum collatis suffragiis Primas Regni, Magnus Marefcallus Poloniæ, & Magnus Marefcallus Lituaniæ renuntiaverint Regem; decantato Hymno gratiarum actionis in eodem campo prope Varfaviam, ubi sub cælo electio Regis fit a Polonis, ad Varfaviensem Ecclesiam S. Joannis pergunt universi. Ibi electus sacramentum edit de servandis juribus Regni: tum a Magno Marefcallo leguntur Pacta conventa, quæ ab Archiepiscopo Primite, post peractum Sacrificium, Regi exhibentur juranda. Præstito hoc juramento, traduntur Regi a Magno Cancellario tabulæ electionis suæ, quas Patres conscripti Polonorum subfignarunt. Ad unctionem vero accipiendam, itur Cracoviam, dieque sacram careremoniam præcedente, defuncto Regi iusta persolvuntur. Altera die Regem adeuntem Cathedralem Ecclesiam excipiunt Episcopi Cracoviæ, & Cujaviæ, ac ducunt ad Altare, ubi illum paucis alloquitur Archiepiscopus ad rem, de qua agitur. Præmissis deinde ab Antistite consuetis interrogationibus, Rex flexis genibus sacramento promittit se ita facturum, ac insuper jura, privilegia, consuetudines Regni servaturum; ita ut si huic ipse desit officio, jam nullo fidelitatis vinculo erga Regem servando subiecti populi adstringantur. Hanc juramenti formulam Magnus legit Cancellarius, quo incipiente verba, Rex sequitur; tandem Evangelia osculatur. Leguntur deinde Pacta conventa, quibus auditis, rursus confirmatur a Rege præstitum sacramentum. Ad hæc Archiepiscopus, recitatis benedictionis precibus, inungit illius dexteram manum, brachium, cubitos, & humeros. Quo peracto ducitur a præfatis duobus Episcopis ad Vestiarium, ubi Regalia induit vestimenta, atque præunte Vexillifero Regni Solium conscendit, & Rem Divinam audit. Ea expleta, accedit ad Altare, ubi antea collocata fuerant Regalia insignia, atque ab Antistite accipit Ensem, quem ille tradit Magnati Enlifero Regni, a quo rursus porrigitur Antistiti, is Regem Ense cingit, denique Rex eductum vagina ter in aerem vibrat. Corona deinde imponitur Regio capiti, illamque suffulciunt præfati duo Episcopi; tum Sceptrum, &

Pomum Regi porrigitur. His ornatus insignibus ducitur ab Antistite ad Solium, præeunte Magnate Enfigero Regni, qui tota cæremonia denudatum ensẽ coram Rege defert, collocatoque Rege in Solio, Hymnus gratiarum actionis decantatur. Quo finito, Rex ad Altare offert aureum numisma, Eucharistiam sumit, & benedictionem accipit ab Antistite. Magnus Marescallus Regni acclamat: *Vivat Rex*, multitudine itidem acclamante.

IX. Scotorum, & Anglorum Regum unctio antiquissima est. Nam de Edgara Rege Scotiæ filio S. Margaritæ, & Marcolmi Regis, anno 1013. scribit Joannes Leslæus Episcopus Rossensis lib. 6. de origine, moribus, & rebus gestis Scotorum, ipsum inunctum fuisse a Godrico Episcopo Sant-Andreano; atque S. Margaritam ab Urbano Pontifice obtinuisse, ut deinceps Reges ab illo Antistite ungerentur. Joannes XXII. confirmavit Episcopo Sant-Andreano jus inaugurandorum, Scotiæ Regum. Quod Anglos spectat Reges, Guillelmus ille, qui ob Angliam subactam Conquestor nuncupatur, sacro oleo ab Episcopis delibutus dicitur a Walsinghamo. Qui idem refert Richardum II. Eduardum I. aliosque Reges ab Archiepiscopo Cantuariensi inunctos; memoratque cæleste oleum, quod Divo Thomæ Cantuariensi, dum exul ageret, Sancta Deipara commisit, ut eo Reges Angliæ ungerentur, addita promissione, omnes fore Ecclesiæ defensores, quod cum in ampulla lapidea repertum esset, eodem cupiebat Richardus II. iterum consecrari, sed unicam sufficere unctionem Cantuariensis Antistes declaravit, adeoque non ipse, sed ipsius successor Henricus IV. illo unctus est. Sacram hanc cæremoniam etiam post schisma Angli retinuerunt, adeo ut Elizabetha inungi Reginam permiserit, etsi rem sacram irrideret, uti refert Sanderus in libro de schismate Anglicano. Quo vero ritu olim Angli Reges coronarentur, constat ex nonnullis Ordinibus editis a Martene, præsertim vero ex Ordine coronationis Richardi II. quem Rogerius de Hoveden, Ann. p. 2. describit. Hodiernum ungenti Regis morem hic damus, prout res se habuit in Coronatione Jacobi II. & Mariæ ejus conjugis, quam scripto tradidit Sandfortius. Primo ab aula Palatii Westmonasteriensis ad Ec-

clesiam longo agmine, & magna pompa progressi sunt Aulici, Magnates, Magistratus, Capellani Palatini, Episcopi. Proxime præibant Regi, & Reginae aliqui Magnates Regni, ferentes Regalia insignia. Porro insignia Reginae Anglorum, quæ fuscè describuntur a Dumontio, & Rossuetio sunt Virga eburnea, in cujus summitate est columba; Sceptrum, in cujus summitate Crux conspicitur; & Corona. Regis vero insignia sunt, Sceptrum, Virga, & Corona S. Eduardi, Calcaria, & tres Enses, quorum unus acumine carens dicitur *Curtana*; hisque ensibus denotatur clementia, & utraque potestas Regis. Regina incedebat media inter duos Episcopos; uti etiam Rex: uterque vero sub umbellis, seu baldacchinis delatis a quibusdam nobilibus viris, quibus id munus ex privilegio competit. At Regem anteibant tres Episcopi, quorum unus sacra Biblia, alter Patenam, tertius Calicem deferbat. Ad Ecclesiæ fores occurrerunt obviam Decanus, & Canonici Westmonasteriensis Psalmorum versus nonnullos decantantes. Ubi universi in Ecclesia steterè, Archiepiscopus Cantuariensis, comitantibus eum Magno Comestabulo, Magno Cancellario, Magno Cosmeta, atque Magno Marefcallo, circumivit Ecclesiam; & primo ad Orientem, secundo ad Meridiem, tertio ad Occidentem, quarto ad Septentrionem proclamavit Regem, simul populum percunctatus, an illi velit hominum præstare. Plaudentibus cunctis, Chori hos Psalmorum versus decantarunt: *Tuum brachium cum potentia. Firmetur manus tua &c.* Interea temporis Archiepiscopus, alique Episcopi sacras vestes ad Altare induebant. Has cum induissent, Rex, & Regina ad Altare accesserunt, ut auri libram offerrent, quam Antistes super sacra Mensa collocavit. Tum Cantuariensis Antistes accepit Regalia insignia a Magnatibus, a quibus delata fuerant; duoque Episcopi quasdam preces ad instar Litaniarum recitarunt, Rege, & Regina provolutis in genua. Postea Episcopus Eliensis ascenso ambone concionem habuit, sedentibus Regibus. Concione expleta, Cantuariensis sedens prope sacram Mensam, Regem sciscitabatur, an Angliæ mores, Ecclesiasticorum jura, Ecclesiæ, & populi tranquillitatem, esset servaturus, & jus suum cuique facturus; affirmante Rege ad singulas interroga-

tio-

tiones. Verum in coronatione Willielmi III. illud quoque additum fuit, an nempe Anglicanæ Ecclesiæ doctrinam esset conservaturus. Ad hæc Episcopus Glocestrensis, nomine omnium sui Ordinis, ex libello supplice Regem exoravit, ut Ecclesiæ, & Episcoporum statuta, ac jura custodiret, & vindicaret. Auniente Rege, accessit ad sacram Mensam, statutisque super eam manibus, sacramento fidem obligavit suam; & osculato Evangelio recessit, genua submisit, dum Hymnum invocationis Spiritus Sancti Chorus, & orationem Antistes pronuntiabat. His peractis, sedit in S. Eduardi sede. Est hæc sedes lignea, qua olim utebantur Scotorum Reges in solempni sua inauguratione, & quam Eduardus I. circa annum 1296. superato Scotorum Rege in Angliam detulit, & in Ecclesiæ Westmonasteriensi asservendam voluit. In ejus media parte appositus est lapis quadratus, quem illum eundem lapidem esse opinantur, in quo Jacob pergens in Mesopotamiam caput reclinavit. Mos est Regum Angliæ, ut in sua Coronatione assideant in ea sede. Rege itaque sedente, quatuor Socii Equestris Ordinis Periscelidis umbraculum super Regem expansum gestabant: & Archiepiscopus ex ampulla olei delata a Decano Westmonasteriensi inunxit Regis manus, pectus, humeros, brachia, & caput, abstergente Decano partes inunctas. Quæ dum agebantur, Chorus psallebat. Post unctionem, admota fuerunt Regi Calcaria, deinde Tunicam, quam *Colobium syndonis* vocant, & Chlamydem induit: tradito postea Ense, quo Magnus Cosmeta Regem cinxit, Rex illum ad sacram Mensam obtulit; & Pomum, Coronam, Anulum, Sceptrum, ac Virgam accepit. Mox, depositis Sceptro, & Corona obtulit aureum numisma, benedictusque est ab Antistite. Sedentem deinde in S. Eduardi sede, Cantuariensis, alique Episcopi, flexo poplite, osculoque manus salutarunt: Choro decantante Hymnum gratiarum actionis. Tum Solium conscendit, ubi Episcopi primum, tum Duces, Marchiones, Comites, Vicecomites, Barones in hominii argumentum, genam Regis sinistram sunt deosculati; primusque ex quolibet Ordine, nomine aliorum, fausta Regi precabatur. Præstito hominio, Duces, Marchiones, alique Proceres Regni,

gni, ascenso Solio, Coronam Regis manu tetigerunt, ut significarent, se ad illius imperium conservandum suam omnem operam daturos. Interea a Praefecto Regii ararii numismata aurea spargebantur in populum. Tandem sub utraque specie donatus est communione Eucharistica. Regina vero benedictio paucioribus ritibus absoluta est. Nam recitata ab Antistite oratione, oleo perfusa est in capite, & pectore; tum ei tradita fuere Regia insignia, cum quadam precum formula. Atque ad hunc fere modum subsequentes Angliæ Reges coronati fuere, uti constat ex Cæremoniali Angliæ apud Dumontium, & Rossuetium.

X. Pariter Sveciæ Reges, quamvis Lutheranae communionis, accipiendæ unctionis morem conservarunt. Ita Carolus Gustavus anno 1654. Carolus XI. anno 1676. Carolus XII. anno 1697. & Ulrica ejus soror anno 1719. in Ecclesia Upsalensi, ab illius Civitatis Archiepiscopo unctionem accepisse leguntur. Quod quidem his fere ritibus apud Suecos absolvitur. Primo Rex sub umbraculo a quibusdam Magnatibus suffulto equitat ab Aedibus Regiis ad Ecclesiam. Præeunt Patres conscripti, seu Senatores Regni gestantes Regalia ornamenta, nempe Clavem, Ensem, Pomum, Sceptrum, Coronam: & ipse Upsalensis Pastor ferens unctionis vasculum. Sequitur Regem unus e Proceribus Regni ferens Sveciæ vexillum. In Ecclesia post decantatum Psalmum, concio habetur ab Episcopo aliquo. Patres conscripti Regem induunt purpureis indumentis, quibus amictus præstat consuetum sacramentum de servandis juribus Regni, ungitur ab Antistite, & Regia accipit insignia, sed ipsemet Rex caput suum cingit Corona. Imo Carolus XII. Corona redimitus accessit ad Ecclesiam, & dum ungebatur, suis ipse manibus abstulit diadema, rursusque capiti aptavit. Præterea in ambone proclamatur Regis Coronatio. Tum Regi sedenti in Solio Patres conscripti præstant fidelitatis juramentum, juxta formulam, quæ legitur a Cancellario. In Coronatione Ulricæ Eleonoræ Principis de Hassia-Cassel res ita se habuit. Senatores Regni prætulerunt Regia ornamenta, atque super sacram Mensam collocarunt. Ingredienti Ecclesiam occurrerunt Archiepiscopus, alii-

aliique Episcopi illis verbis : *Benedictus qui venit in nomine Domini*. Regina Solio insidente habita est concio, & post concionem preces. Quibus dictis, procumbens ad sacram Mensam, tactis Evangeliiis, consuetum protulit sacramentum, præeunte verba Magno Cancellario. Postea induit Regalem vestem, rediitque ad Solum, ubi Archiepiscopus inunxit illius frontem, ac manuum compages. Qui rediens ad sacram Mensam, ex ea accepit Regalia insignia, & singula Reginae præbuit, tandemque Coronam illius capiti imposuit. Fortasse ita factum, quod defuncto Carolo XII. Proceres Regni voluerint committendum imperium Ulricæ Eleonoræ ejus sorori, non quidem jure hæreditariæ successionis, sed electionis, ut olim Sveciæ Reges constituebantur. Deinde ab Aulico Proclamatore renunciata fuit Svecorum Regina: tum, singuli Senatores accersiti, & omnium primus Princeps de Hassia-Cassel, conjux Reginae, tamquam supremus Imperator armorum, ut fidelitatis sacramentum persolverent: quod flexis genibus, osculo manuum, præeunte verba Magno Cancellario præstitum fuit.

XI. Danorum Reges, quanvis a Romana Ecclesia disjuncti, & ipsi inunguntur. Fridericus III. anno 1648. die 23. Novembris in Regia Metropoli Hafniæ his ritibus coronatus est. Præbant Proceres Regni insignia Regalia deferentes, & quidem Pomum a Supremo Præfecto rei maritimæ, Ensis a Supremo Duce belli, Sceptrum a Magno Cancellario, Corona a Magno Aulæ Magistro, gestabantur. Rex sub umbella, cujus fulcimenta commissa erant quibusdam Magnatibus, incedebat. Habita concione ab Episcopo Selandiæ, Magnus Aulæ Magister detulit ad Regem Statuta Regni, ut illum moneret ea esse servanda. Postea ab Antistite Corona Regio capiti imposita, & Sceptrum traditum, tum Ensis, quem Rex vagina eductum bis circa caput duxit. Quo facto, Consiliarii omnes Regni manus suas admoverunt Coronæ Regis, ut innuerent se ad tuendum, vindicandumque ejus imperium paratos esse. Die sequenti, Regina in eadem Ecclesia post concionem Episcopi coronata fuit. Verum in Coronatione Christiani IV. Regis, die 7. Junii, anno 1670. ritus paulo di-

diversi adhibiti fuere. Nam sumpta primum a Rege Eucharistia in Oratorio Palatino, ministrante suo Eleemosynario, progressus est ad Ecclesiam redinitus diademate, cinctus Ense, Sceptrum manu tenens, sub umbraculo a Magnatibus Regni delato, præeunte Magno Cosmeta cum Pomo. Ad Ecclesiæ fores obviam iverunt Regi Episcopi tres, nimirum, Hafniæ, Norvegiæ, & Cimbrorum vulgo *Jutland*; a quibus, benedictione accepta, ductus est ad Solium media in Ecclesia e regione sanctæ Mensæ excitatum. Sedente Rege, Episcopus Hafniæ concionem habuit de fidelitate a subjectis gentibus Regi servanda. Post concionem, nonnulli Psalmorum versus decantati fuere. Tum Episcopus idem de unctione, ejus significatione, & origine, verba fecit ad Regem. Concionem excepit lectio Statutorum Regni ab Episcopo Norvegiæ facta; qua lectione Rex monebatur, quid ipsi esset custodiendum. Postea Rex prope sacram Mensam, dejectis Regiis insignibus, unctus est ab Episcopo Hafniæ in vertice, pectore, & manu dextra. Redeunte Rege ad Solium, Hymnum gratiarum actionis decantarunt. Denique Episcopus primum, tum universi acclamarunt, *Vivat Rex*. Ita quoque res se habuit in Coronatione Friderici IV. & Ludovicæ Reginæ illius conjugis, anno 1700. die 15. Aprilis. Nam Rex Regalibus ornatus insignibus accessit ad Ecclesiam, uti etiam Regina. Ibi Solio insidentes concionantem Episcopum Selandiæ audierunt; concionem excepit Hymnus invocationis Spiritus Sancti. Quibus precibus absolutis, uterque ad sacram Mensam oleo perfusus est in vertice, pectore, & manu dextra.

XII. Cum itaque unctio Regum in more sit etiam apud Heterodoxos: hinc ubi Fridericus I. Marchio Brandenburgi, favente Leopoldo Imperatore, sibi Regis Borussiae titulum, dignitatemque asseruit, solenni ritu benedici, atque ungi voluit in Regionontis vulgo *Conigsbergh* civitate, quæ est Borussiae metropolis. Hæc cæremonia peracta fuit die 18. Januarii, anno 1701. in Ecclesia Palatina Regionontana ab Aulicis sacrorum Ministris tum Lutheranæ, tum Calvinianæ communionis; quod Princeps Calvinianorum partibus adhæreat, Borussia vero e Lutheranorum numero sint. Atque hi sacrorum

Mi-

Ministri agebant Episcoporum vices, utpote quia inter Calvinianos nullus est Episcoporum Ordo a Presbyteris distinctus. Itaque aliquot ante unctionem diebus, Proclamatores in insignioribus Civitatis locis Fridericum Borussia Regem renuntiarunt: die vero præcedenti sacram cæremoniam, conscripsit Princeps Equestrem Societatem Aquilæ nigræ, in quam plures adscivit e suis Aula Magnatibus. Stata die, induit in Ædibus Regiis vestimenta Regalia, atque suis ipso manibus Coronam capiti aptavit, & Sceptrum accepit, ut significaret, non aliis, quam sibi Regiam dignitatem acceptam referri. At cætera insignia, nempe Ensis, Pomum, Sigillum, Vexillum exhibita fuere nonnullis Magnatibus, ut ab iis gestarentur. Hoc ornatu pergens ad Conjugis cubiculum, eandem ipse Diademate cinxit. Uterque deinde Diademate redimitus Solium in aula quadam Palatii excitatum conscendit; ubi Proceres, Optimates, Consiliarii, omnesque Ordines fausta precati Regem salutarunt. His peractis, universi, longo agmine, Ecclesiam Palatinam, in qua Lutherani sacra faciunt, adiere. Ad Ecclesiæ fores occurrerunt Principi Antistites sacrorum, nempe primus Prædicator Aulicus Calvinista, & primus Prædicator Aulicus Lutheranus, quorum ille agebat Consecratorem, hic Assistentem. Præter hos aderant sex alii sacrarum rerum Ministri, quos Prædicatores vocant, tres e Calvinianorum numero, totidemque e Lutheranis: Hi omnes prope sacram Mensam steterunt, & prope Solium Magnates, quibus commissa erant Regia insignia, & Proceres Aulici. Tum Res Divina more Lutheranorum inchoata est: & Consecrator ex ambone concionem habuit in illa verba lib. 1. Reg. *Quicumque glorificavit me, glorificabo eum*. Post concionem Cantores Palatini quosdam Psalmorum versus, & Hymnum invocationis Spiritus Sancti decantarunt. Quo finito, præfati duo Antistites ad sacram Mensam ex ampulla olei, quam jubente Principe, Præfectus Regii Cubiculi tradidit Consecranti, quibusdam precibus unxerunt illius frontem, & brachia, abstergente inunctas partes Præfecto Regii Cubiculi. Dum vero unctio peragebatur, suis ipse manibus Princeps Coronam amovit capite, rursusque imposuit; tum rediit ad Solium, acclamante

multitudine. Postea pariter ad sacram Mensam oleo perfusa est Conjux, Præfesto Regii Cubiculi tradente ad imperium Principis vasculum olei Consecranti. Finita unctione, duo illi Antistites, cæterique sacrorum Ministri accedentes ad Solium faustis precationibus Principes salutarunt, Choro respondente, *Amen*. Tum plures ab Antistite recitatae preces, hymni quoque a Cantoribus dicti, tandem Hymno gratiarum actionis, & projectione numismatum, finem cæremoniæ imposuerunt. Paucos post dies a Coronatione sua, Princeps in eadem Lutheranorum Ecclesia Eucharistiam accepit.

XIII. Recentissima est Coronatio Magni Ducis Moschorum, quorum Fides, & Ecclesia consentit cum Græcis, a quibus vergente ad exitum sæculo nono, Fidem, & sacram disciplinam hausere. Nam primus omnium Petrus Alexiovitius, quem a rebus plurimis præclarissime gestis, Magnum cognominarunt, se se Imperatorem Moschorum dixit, eoque nomine jussit Catharinam conjugem in Cathedrali Moschæ, quæ est Imperii Metropolis, die 18. Maji, anno 1724. solemnî pompa coronari. Hujus Coronationis ordinem exhibent in Cæremoniali Moscoviæ Dumontius, & Rossuetius. Constituta ad sacram cæremoniam die, Episcopi, Clericique in Ecclesia, convenere, fulisque precibus pro salute Imperatoris, hujus adventum expectarunt. Mox Imperator, & ejus Conjux magno comitatu, & insigni pompa ad Ecclesiam se contulere. Imperialia ornamenta a nonnullis Magnatibus deferabantur, nempe Imperiale Paludamentum, Pomum, Sceptrum, Corona: quæ insignia ad fores Ecclesiæ ab Archiepiscopis Novogardensi, & Pleskovienſi thuris suffitu, & aquæ benedictæ adspersione donata fuere; tum in mensa quadam prope Imperatoris sedem collocata. Ingredientibus Imperatori, & Imperatrici Ecclesiam, Novogardensis Crucem deosculandam obtulit, Pleskovienſis eisdem sacra aqua adspersit. Canente Clero *Psalmum, Misericordiam, & judicium cantabo tibi Domine*, Imperator cum Coniuge in eminenti solio media in Ecclesia exstructo consedit; stantibus Magnatibus circa, & prope Solium; sedentibus vero Episcopis in scamnis hinc, inde, ab Altari ad Solium; Legatis vero Principum, & nobilibus

ma-

buit ; brevique oratione gratulatus est, quod imperium esset affecuta . Qui idem ad Sanctuarii vestibulum oleo perfudit Imperatricis frontem, oculos, nares, os, humeros, pectus, & manus ; proferens in singulis unctionibus hæc verba : *Hoc est signaculum Spiritus Sancti* . Tandem sumpta Eucharistia, & Liturgia absoluta, adiit Ecclesiam S. Michaelis Archangeli, fuisque ibi precibus, rediit ad Aulam ornata Imperialibus insignibus .

XIV. Siciliæ Regibus adeo usitata fuit unctio, ut plures scripserint, solos in Occidente Francorum, Hierosolymorum, Anglorum, & Siculorum Reges inungi . Ita Hostiensis, & Goffridus in Cap. un. de sacra Unctione, Chassanæus par. 5. oper. de Gloria Mundi, Campegius lib. 2. de Monarchia . Sane Rogerius, qui primus e Normannis Principibus sibi Regis Siciliæ titulum asseruit, sacro Ecclesiæ ritu ab Episcopis coronari constituit . Ea res ita describitur in Chronico quodam, MS. Sancti Stephani de Bosco in Calabria relato a Tutino, & Pirro in Chronologia Regum Siciliæ : *Ditionem habente Rogerio Apuliæ, Calabriæ, & Siciliæ, Sergium Ducem Neapolis in bello vicit, obtinuitque etiam Principatus Capuæ, & nihil faciens Ducalem titulum, consilio, & sententia Sarraporum, & Magistratus, Regis titulo nuncupari voluit, ad cuius actus celebritatem quamplures fuerunt acciti Archiepiscopi, & Episcopi, varii Comites, & Milites, cum quibus etiam Magister Radulphus a Crucifixo, Eremita Magister voluit tantæ interesse solemnitati, & decurrente anno MCXXIX. indiEt. VIII. Kal. Maii discessit una simul cum Episcopo Melitenensi, & Squillacino, & in navigatione ob tempus, & pluviam multa passi sunt incommoda, tandem ad Civitatem Mesfanæ appulerunt, ubi ab illius Civitatis Episcopo mira cunctis charitate recepti fuerunt : post tertium quoque diem iter habuerunt Panormum versus, ubi invenerunt apparatus quamplures, occasione tantæ solemnitatis, & Idibus Maii constituta die pro Rogerii coronatione, ipse comparuit suo in Palatio indutus Regali vestimento auro contexto, capite cooperto parvo sericeo bireto, catena aurea ad collum, multiplici gemmarum textura variata, & equo residens ad Majorem Ecclesiam,*

fiam, magna Prælatorum, & Procerum simul equitantium
coborte ductus fuit, ubi a Clero summo cum honore receptus
est. Erat quippe Templum pretiosissimo, ac nitidissimo appa-
ratu excultum: ita ut intuentium oculos summa admiratione
afficiebat, ibique tantus diversarum nationum concursus fuit,
ut vix ad Ecclesiam pateret aditus. Factis aliquibus cæremoniis a Prælati,
demum Beneventanus, Capuanus, Salerni-
tanus, & Panormitanus Regale Diadema variis contextum
gemmis Rogerii caput ornavit, eique sceptrum tradiderunt,
& Regis titulo ab omnibus fuit acclamatus, & Hymno dicto
pro gratiarum actione, omni genere musicorum, tubis, ci-
tatis, & symphoniis, (ipsis, & Rege equitantibus) asso-
ciatus fuit per urbem, & ad Regiam ductus. Enumerantur
deinde Episcopi, & Magnates, qui sacræ rei interfuere. At
eum huic illius coronationi obstaret Innocentius II. Pontifex,
ea causâ fuit, ut Rogerius Anacleto Pseudo-Pontifici adhæ-
rerit, a quo Regia dignitas illi confirmata est, dato diplo-
mate an. 1130. quod exhibent Baronius, & Pirrus, factâ
Regi potestate, ut per manus Archiepiscoporum terræ tuæ,
quos volueris, juxta tuam voluntatem, assistentibus aliis Epi-
scopis, quos volueris, tu, & tui heredes in Reges inunga-
mini, & in statutis temporibus coronemini. Hinc rursus,
Rogerius in Metropolitana Ecclesia Panormitana anno 1130.
Coronam accepit a Cardinali Comite Legato Anacleti. De
hac Rogerii inauguratione agit Alexander Abbas Telefinus
lib. 2. de gestis Rogerii, aitque peractam ipso die Natali Do-
mini, & incredibilem fuisse pompam in Palatii apparatu, &
conviviorum splendore. Cui consentit Chronicon Falconis
Beneventani, his verbis: Anno igitur ipso prædictus Ana-
cleus Cardinalem suum Comitem nomine ad Ducem illum di-
rexerit, quem die Nativitatis Domini in Civitate Palermisana
in Regem coronavit: Princeps vero Robertsus Capuanus coro-
nam in capite ejus posuit. Tandem Innocentius a Rogerio,
contra quem arma moverat, prælio victus, summaque reli-
gione exceptus, cum eo rediit in gratiam, ratamque habuit
Regiam illius dignitatem, ut patet ex Innocentii diplomate
anni 1139. relato a Pirro. Ibi Pontifex postquam dixerit
Ro-

Rogerium ab Honorio prædecessore suo magna complexum fuisse benevolentia, addit: *Nos ergo ejus vestigiis inherentes, & de potentia tua ad decorem, & utilitatem sanctæ Dei Ecclesiæ spem, atque fiduciam obtinentes; regnum Sicilia, quod utique (prout in antiquis refertur historiis) regnum fuisse non dubium est, tibi ab eodem antecessore nostro concessum, cum integritate bonis Regii, & dignitate Regibus pertinente, excellentia tua concedimus, & Apostolica auctoritate firmamus. Ducatum quoque Apuliæ tibi ab eodem collatum, & insuper Principatum Capuanum integre nihilominus nostri favoris robore communimus, tibi quoque concedimus.* Indictio annuo censu sexcentorum schifatorum; ita enim dicebantur aurei quidam nummi, quod cavi essent ad instar scyphi, uti opinatur Cangius. Jam vero ex iis Pontificis literis patet, qua potissimum causa Rogerius sibi Regiam dignitatem vindicaverit; quod nempe prisca temporibus Sicilia suos Reges habuerit; & ita quidem rem se habere, Scriptores Siculi pluribus argumentis evincunt. Et hanc causam asserendæ sibi Regiæ dignitatis indicat quoque Alexander Abbas Telesinus lib. 2. de gestis Rogerii scribens, Rogerio post late extensos ditionis suæ fines, cum pacatum imperium moderaretur, suggestisse non paucos, ut quoniam olim Sicilia suos habuit Reges, majori jure se eo donaret titulo, qui ultra Siciliam, pluribus gentibus imperaret: *Nam si regni solum in eadem, quondam civitate ad regendum tantum Siciliam certum est extitisse, & nunc ad ipsum per longum tempus defecisse videtur, valde dignum, & justum, ut in capite Rogerii diademate posito, regnum ipsum non solum ibi modo restitueretur, sed in cæteras etiam regiones, quibus dominari cernitur, dilatari debeat.* Quamobrem Regius titulus a Rogerio assumptus, quo etiam posteri Reges Normanni, Svevique insigniti fuerunt, ad Siciliam ultra Pharus referebatur, cujus metropolis præclarissima est Panormus, & ibi coronandi, & ungendi fuerunt Reges Sicilia. Neque enim tunc temporis Apulia dicebatur Regnum, sed Ducatus; neque Reges vocabantur utriusque Sicilia, sed Reges Sicilia, Duces Apuliæ, & Principes Capuæ. Attamen quandoque Rogerius se se inscrip-

psit

psit Regem Italiæ, ut hoc titulo complecteretur ditiones illas, quas ultra Siciliam obtinebat, quasque solo titulo Regis Siciliæ minime complectebatur. Idque more Græcorum, qui Italiæ nomine Apuliam nuncuparunt, quod olim magna Italiæ pars eorum subderetur imperio, uti notat Auctor Hist. civil. Regni Neapol. lib. 11. cap. 4 unde Catapanes Apuliæ a Græcis Scriptoribus dicti sunt Catapanes Italiæ; & Nicephorus Gregoras Carolum Andegavensem vocat Regem Italiæ; quin etiam Falco Beneventanus in Chronico juxta Græcorum morem Apuliam sæpe Italiam appellat. Quandoque etiam Rogerius se inscripsit Regem Siciliæ, & Apuliæ, uti constat ex pluribus ejus litteris apud Ughellium, & Pirrum; testisque est citatus Auctor, in Tabulario Cavenis Monasterii legi diploma Rogerii, an. 1130. hoc titulo: *Rogerus Dei gratia Sicilia, Apuliæ, Calabria Rex, Adjutor Christianorum, & Chlypeus*. Jam vero validum inde emergit argumentum, quo patet nostrum Apuliæ Regnum disjunctum, divisumque fuisse a Regno Siciliæ, neque ex regionibus ultra & citra Pharum positum, unum, idemque Siciliæ Regnum conflatum. Ecce enim se se Rogerius inscripsisset Regem Siciliæ, & Apuliæ, sive Regem Siciliæ, & Italiæ, si ditiones omnes illius imperio subjectas, unum, idemque Regnum Siciliæ complecteretur? Accedit, quod in utroque Regno diversæ leges obtinuerunt: siquidem Apulia jure Longobardico regebatur, quod nunquam in Sicilia vim habuit; & in qualibet Apuliæ Provincia imminabat Justitiarius, a cujus sententia nulla erat provocatio ad Magistratum aliquem supremum Regni Siciliæ. Atqui eodem jure, eodemque supremo Magistratu Siciliæ, administranda erat Apulia, si ex eodem Regno fuisset, illique, veluti pars corpori, adhæsisset. In Constitutionibus tamen, Friderici II. quas Petrus de Vineis collegit, non semel Siciliæ nomine, Apulia quoque indigitatur: non quod ex utraque regione unum coalesceret Regnum, sed quod utraque regio eidem Regi subderetur. Et hæc causa fuit, cur deinde Clemens IV. utramque dixerit Siciliam ultra & citra Pharum, ubi Carolo Andegavensi hoc imperium demandavit. Itaque Rogerius, & successores Normanni, Svevique, quod Siciliæ insu-

insulam Regio titulo tenuerint, Panormi, & a Panormitano Antistite ungebantur in Reges. Gratulatus est Rogerio Petrus Cluniacensis lib. 4. ep. 54. de Regia Corona, & Innocentii gratia illi conciliata: uti etiam S. Bernardus ep. 207. & 208. qui Monachos suos in Siciliam transiit, ut illius votis faceret satis. Guillelmus I. Rogerii filius anno 1154. die festo Paschatis ab Hugone Archiepiscopo Panormitano; & Guillelmus II. hujus filius, anno 1166. a Romualdo Guarna ejusdem Ecclesiæ Antistite uncti fuere. Memorat hanc Guillelmi II. unctionem, simulque exprimit illius vim Petrus Biesenlis in ep. 10. ad Gualterium Capellanum Regis, scribens: *Doleo, quod inter primis dominationis sue, & initia unctionis Regiæ hoc præsumit: virtus equidem consecrationis ab hujusmodi violentiis eum utinam temperasset: magna enim est hujus efficacia Sacramenti, nam de Davide postquam a Samuele unctus est, Scriptura testatur, quod directus est Spiritu Domini a die illa, & in reliquum. Saul quoque die illa, qua olet lenticula a Samuele perfusus est, mutatus est in virum alterum, & insiliente in eum Spiritu Domini, cum accessisset ad cuneum Prophetarum, cum eis prophetare cepit. Qui succedere Reges, Tancredus anno 1190. & Guillelmus III. anno 1194. ibidem Regium Diadema, & sacram unctionem acceperunt. Pariter Svevi Normannorum Regum successores: siquidem Henricus Imperator, & Constantia conjux anno 1195. a Bartholomæo Archiepiscopo; Fridericus Imperator, & Rex anno 1198. Mamfredus anno 1258. a Rainaldo Aquaviva Episcopo Agrigentino, assistentibus Episcopis Monterealenfi, Tarentino, & Salernitano, aliisque, in Panormitana Ecclesia inuncti leguntur. Idemque dicendum de Aragoniis Siciliæ Regibus, qui pulsus Andegavenfibus imperarunt, uti constat ex Fazello de rebus Siculis, Pirro in Chronologia Regum Siciliæ, Baronio de maiestate Panormitana, & Amato de principe Templo Panormitano. Et ineunte hoc sæculo, Victorius Amicus Dux Sabaudie, cui ex inito inter Europæ Principes fœdere, Regnum Siciliæ concessum fuerat, una cum Anna Borbonia conjuge, ibidem die 24. Decembris, anno 1713. a Josepho Gaschi Archiepiscopo unctus, coronatusque est. Nam Sicu-*

Siculis quoque Reginis usitata fuit unctio. Ita Joannam Reginam Henrici Anglorum Regis filiam, & Guillelmi II. conjugem in Ecclesia Palatina S. Petri coronatam, & desponsatam fuisse anno 1177. scribit Pirrus. Imperatrix Constantia Normanna, una cum Imperatore Henrico VI. ejus viro; & Regina Constantia Sveva Manfredi filia, una cum conjugē Petro Rege Aragoniæ, in Panormitana Ecclesia Coronam acceperunt. Itidem Antonia Baucia Neapolitana uxor Friderici III. Regis Siciliæ, die 12. Januarii, anno 1375. & Regina Maria Aragonea uxor Martini I. die 14. Aprilis, anno 1398. & Regina Anna Borbonia conjux Victorii Amedei Ducis Sabaudia, postea Sardinia Regis.

XV. A Longobardorum ætate, antiqua est Coronatio Principum, qui in hisce regionibus imperarunt, quas modo dicimus Regnum Neapolitanum. Nam de Arechi Beneventanorum Principe refert Leo Marlicanus in Chronico Cassinensi lib. 1. cap. 9. *Hic Aricbis primus Beneventi Principem se appellari jussit, cum usque ad istum, qui Benevento præfuerant, Duces appellarentur. Nam & ab Episcopis uncti se fecit, & Coronam sibi imposuit, atque in suis chartis scriptum in sacratissimo nostro Palatio fieri præcepit.* Siconem quoque Beneventanorum Principem Coronam gestasse, indicat MS. Codex Longobardicus de translatione S. Januarii editus a doctissimo Antonio Caracciolo Teatino in lib. de sacr. Eccl. Neap. mon. cap. 20. sect. 13. ubi ita ait: *Sacra vero corpora (nempe SS. Januarii, Festi, & Desiderii) in prædicto loco locata sunt, omnis civitas ad illam locationem confluit: etiam Excellentissimus Princeps Sico: qui coronam auro optimo, excellentemque gemmis pretiosissimis, de capite suis manibus deposuit, & super Altarium B. Januarii Martyris locavit. Quod ipse simul cum Præsule, auro optimo, gemmis pulcherrimis, figuris variis undique per totum fieri mandavit.* Sed & Normannos Duces, qui Longobardos excepere, sacra Episcoporum benedictione inauguratos fuisse, verisimillimum est: siquidem id eis in more fuit, uti tradit Martene lib. 2. de antiquis Eccl. Rit. cap. 11. & Andreas Chesnius edidit benedictionis preces in Coronatione Ducum Normannorum recitari solitas. Hanc au-

tem illorum Coronationem Bariî, tamquam Ducatus Apuliæ metropolis, & ubi Græci Catapanes, seu qui nomine Imperatorum Orientis administrabant has regiones Græco imperio subiectas, sedem habuere, peractam fuisse, scribit Beatillus in Hist. Bar. lib. 7. cap. 20. atque Rogerium, tum etiam Henricum VI. Imperatorem, & ejus conjugem Constantiam, Manfredum quoque, ibi, tamquam Apuliæ Principes, ferrea Corona redimitos fuisse; auream deinde Coronam, tamquam Siciliæ Reges, Panormi accepisse. Cujus instituti originem accersit Beatillus ex eo, quod olim Apuli suum habuerint Regem; ut enim scribit Marinus Freccia lib. 1. de antiquo statu Regni: *Apuli populis suis dabant Regem; Laconicus erat Principatus. Et Rex dabatur Regno, quia non erat Dominus omnium de suo Regno juxta ejus voluntatem, & durabat usque ad sui vitam, & non habebat heredem, ac, comortuo, alium eligebant provinciales. Bariî autem urbs fuit caput omnium civitatum Apuliæ, & Regia sedes, & totius regionis Princeps.* Sed quæ de Barenis Corona ferrea Regum Siciliæ Beatillus, & alique retulere, nullo sane valido testimonio innituntur; & hinc ea inter commentitia recenset Auctor Histor. civ. Regni Neapol. lib. 11. cap. 4. Potuere tamen Siciliæ Reges præter Panornitanam Coronationem, rursus benedici, & coronari tamquam Apuliæ sive Duces, sive Reges; tum quia id in more fuit Longobardis, atque Normannis Principibus tum quia Apuliæ Regnum disjunctum erat a Regno Siciliæ. Illud certum est, Carolum Andegavensem a Clemente IV. donatum fuisse Corona utriusque Siciliæ, ut patet ex Bulla Pontificiæ investituræ, quam exhibet tom. 1. MSS. Chioccarellus. Pariter successores Reges Andegavenses, etsi Neapolitano dumtaxat Regno imperarent, quod Sicilia ultra Pharam illorum excussisset imperium, attamen coronabantur Reges utriusque Siciliæ, quo titulo numquam se se abdicarunt. Imo in eo foedere, quod inter Carolum II. Neapolitanorum, & Fridericum II. Siculorum Reges sancitum est, anno 1302. convenire, ut Fridericus dum viveret, Rex Trinacriæ diceretur, essetque, post obitum vero, Regnum ad Caroli hæredes devolveretur, & censum Pontifici persolveret: & in alio foedere inter

inter Joannam Neapolitanam, & Fridericum III. Siculum Regem anno 1363. assentiente Gregorio XI. pariter sanctum, fuit, ut Fridericus absque juris præjudicio Rex Trinacriæ, & simul Joanna Regina Siciliæ appellaretur, eaque defuncta, ab omni onere solveretur, & Liparam insulam reciperet. Igitur Andegavenses etiam unum Neapolitano Regno leges darent, coronabantur tamen, & dicebantur Reges utriusque Siciliæ; & coronabantur vel a Romanis Pontificibus, vel ab eorum Legatis. Ita Carolum II. Nicolaus IV. Romæ, sive Perusii, uti sentiunt nonnulli; Robertum, & Sanciam Clemens V. Avinionæ; Carolum III. Urbanus VI. Romæ, sacro oleo perfuderunt. At Carolus I. in Ecclesia Lateranensi a Legato Clementis IV. Joanna I. a Cardinali Americo Legato Clementis VI. Ladislaus a Cardinali Acciajolo Legato Bonifacii IX. Joanna II. a Cardinali Petro Mauroceno unctionem accepit. Idem dicendum de Aragoniis Regibus: nam Cardinalis Latinus Ursinus Legatus Pii II. inunxit Ferdinandum I. Regem; Alphonsum II. & Fridericum Regio Diademate exornarunt Cardinales Joannes, & Cæsar Borgia Legati Alexandri VI. Ea vero ceremonia sæpe peracta est in Ecclesia Regia S. Mariæ Coronatæ prope Arcem, ubi Regum fuit domicilium, quam in honorem Spinæ Christi Coronæ Joanna I. excitaverat. Ibi Joanna I. & Ludovicus Tarentinus, sacra die Pentecostes inuncti fuerunt Reges ab Episcopo Bracarensi Legato Clementis VII. Ibi etiam Margaritam conjugem Caroli III. coronavit Cardinalis Gentilis de Sangro Urbani VI. Legatus: & Cardinalis Rodericus Borgia Joannam de Aragonia conjugem Ferdinandi I. Neapolitani Regis. Ibi quoque a Cardinali Oliverio Carafa, Archiepiscopo Neapolitano, Legato Pontificio celebrata fuit Coronatio Beatricis filiæ Ferdinandi I. desponsatæ Matthiæ Hungariæ Regi. At Joanna II. in ipsa Arce nova, quam Reges inhabitabant, coronata est anno 1419. a Cardinali Petro Mauroceno, uti indicant antiqua Diaria Neapolitana, quæ juris erant Hectoris Pignatelli Ducis Montisleonis, quæque edidit Clar. Muratorius. Jam vero ex his colligitur, nedum Neapolitanos Reges, verum etiam illorum conjuges Reginas ungi consuevisse. Ordo Coronationis Ro-

berti Regis, & Sanctæ conjugis a Clemente V. Pontifice, Avenione, anno 1309. peractæ, legitur apud Mabillonium in Museo Italico tom. 2. n. xiv. Ibi enim dicitur, quod ea rubrica fuit ordinata de mandato Domini Clementis Papæ V. per aliquot Cardinales, quibus hoc in Consistorio commissum fuit, cum Robertus Rex Sicilia, una cum sua conjugē peteret unctiōem, & coronationem apud Avenionem ubi tunc Romana Curia residebat. Nam nihil inveniebatur litteris traditum, qualiter Reges, & Reginae debent inungi, & coronari, eo quod in Pontificali Romano non habetur nisi de unctiōe & coronatione Imperatoris, & Imperatricis. Ordo ille paucos ritus complectitur, Regique datur communio Eucharistica sub utraque specie, Reginae vero sub unica tantum specie.

XVI. Olim insignia nostrorum Regum præter Coronam, ac Virgam fuere Anulus, Dalmatica, atque Sandalia. Hæc enim ornamenta Episcopalia Rogerio Regi concessit Lucius II. Romanus Pontifex, uti constat ex epistola quadam a Romanis scripta ad Conradum Imperatorem, relata ab Ottone Frisingensi lib. 1. cap. 27. & 28. in qua ajunt, Lucium Pontificem ob operam a Rogerio egregie navatam contra Arnaldum Brixientem, qui pristinam Senatus Romani dignitatem restituere conabatur, concessisse Rogerio Regi illa ornamenta: *Concordiam autem, inquit, inter Siculum & Papam hujusmodi esse accepimus. Papa concessit Siculo Virgam, & Anulum, & Dalmaticam, & Mitram, atque Sandalia, & ne ullum mittat in terram suam Legatum, nisi quem Siculus petierit: Et Siculus dedit ei multam pecuniam pro detrimento vestro, & Romani Imperii.* Hanc epistolam refert quoque Sigonius, et si concessionem illam Eugenio III. anno 1145. adscribat. Neque id mirum, neque novum. Nam priscis temporibus, uti notat doctissimus Thomassinus par. 1. lib. 2. cap. 52. de Benefic. Romani Pontifices non semel aliqua Sacerdotalia ornamenta laicis Principibus communicarunt. Et in antiquis Ordinibus ad benedicendum Regem editis a Martene, Reges amicti observantur Sandaliis, Tunica, & Dalmatica. Testis est Amatus de princ. Templo Panorni. lib. 10. cap. 1. Regiam vestem ex auro, & optimo serico contextam, sive

sive pretiosa lana, quam vulgo Pinolam appellant, qua Rex Rogerius utebatur, oblongam, & ad modum Dalmaticæ elaboratam, a Cephalæditanis in Cathedrali Ecclesia asservari. Tum Inveges lib. 3. hist. Panor. profert Guillelmi I. numisma, ubi Rex conspicitur Corona quatuor radiis distincta redimitus, Virga, Dalmatica, & Sandaliis indutus. Observat ibidem Amatus, Normannos Principes plurima Aulae officia, Regia ornamenta, ac titulos a Grecis Imperatoribus hausisse. Nam juxta Græcorum mores habuere in Aula Logothetas, Spatharios, aliosque hujusmodi officiales; & Crucem in castris sibi præferre faciebant; tum dicebantur Augusti, Imperatores, a Deo coronati, Divini, Divi, Sacri; & more Imperatorum rubeis litteris subscribebant nomina suas; & diplomata bullis aureis obsignabant. Atqui Dalmatica fuit usitatum Imperatorum vestimentum: unde de Carolo Magno legitur, dono dedisse Episcopis Anglis quasdam ex suis Dalmaticis, ut anima Hadriani Papæ, precibus eorum Deo commendaretur; & Annales Fuldenfes exhibent Carolum Calvum indutum Dalmatica, atque desuper accinctum baltheo, uti refert Thomassinus par. 1. lib. 2. cap. 49. de Beneficiis. Ostendit ibi vir doctissimus, olim Dalmaticas fuisse vestes civiles laicorum; Imperatores Orientis communicasse Imperialia indumenta Christianis Regibus, & Episcopis; Reges, Magnatesque perstitisse in vestibus oblongis diutius; sed eas tandem dimisisse; nec jam a tempore Caroli VI. Francorum Regis, eis usos esse, nisi in solemnioribus caeremoniis. Neque omittendum est, Siculos Reges in Coronatione sua accinctos fuisse ense Constantini, in Capella Palatina S. Petri asservato. Referunt enim Pirrus in Chronologia Regum Siciliæ, & Surita An. Arag. lib. 10. cap. 69. Martinum II. Aragoniæ Regem, patremque Martini I. coronandum Cæsaraugustæ, die 13. Aprilis, anno 1399. in Siciliam ablegasse Pontium Thaustum, Archidiaconum Cæsaraugustanum, ut a filio ensen Imperatoris Constantini in Sacello Regio S. Petri Panormi diu asservatum, pro suæ coronationis solemnitate exposceret. Neapolitanos quoque Reges Dalmaticam gestasse, indicant antiqua Diaria Ducis Montisleonis, cum referunt Carolum III. obviam ivisse Urbano VI. Pontifici,

tifici, Neapolim venienti, usque ad portam Civitatis, atque ibi illum expectasse, *vestito da Diacono, e con la corona in testa, e giglio da una mano, & il po'no dall'altra, affettato in sedia Regale*. Et Brochartus in suis Diariis manuscriptis describens Alphonſi II. Coronationem, refert Regem accessisse ad Ecclesiam, *cum veste ampla de broccato cremesino riccio hermelinis subdusta, super alia parva veste de setonino nigro cum monili ex tribus perlis, & lapidibus pretiosis, valoris forte, circa ducatorum 600. quod biretum non mutavit usque ad Coronæ receptionem*. Sed inchoata solemnī Liturgia, induisse Regem huiusmodi vestimenta: *Imponuntur Regi caligæ ex setonino cremesino, & sandalia ex damaschino albo recamata filis aureis, & argenteis sine perlis, & absque lapidibus pretiosis*. Surgit Rex, *& veste magna videlicet superiori exultur, induitur veste longa de cremesino taffeta suffulta cum manicis strictis, ac desuper stringitur: Rocchetto longo usque ad collum, pedis: Tunicella alba de broccatello plano zandato suffulta cum manicis strictis bottonatis: Stola rubea broccati auri ricci in transversum ab humero sinistro sub brachio dextro conjuncta: Manipulo de eodem broccato ad brachium sinistrum: Veste Regali in modum Dalmaticæ ex broccato auri ricci cremesino, fissuram habente ante, & retro quatuor palmarum, vel circa, longa usque ad collum pedis; circa collum manicas, & per fimbrias ad latitudinem quatuor digitorum, vel circa perlis ornatas. Collare ad latitudinem manus perlis ornatum*. Habet itaque Alphonsum II. Sandaliis, Caligis, Tunicella, Stola, Dalmatica indutum, quæ sane sunt Episcopalia ornamenta. Atque prædecessores Reges eadem adhibuisse indumenta ex eo patet, quod Capellanus Major Regis, cui hæc cura demandata fuerat, illarum vestium formam hauserat ab antiquis picturis Regum Neapolitanorum. Addit enim Brochartus: *Fuerunt superioribus diebus scriptus per me verba habita cum Episcopo Tropejensi Capellano Majori, & aliis, qui ordinationis Coronationis curam habebant de paramētis Regiis superius ordinatis, qui nullam in se rationem habebant, neque habent, & ego cognoveram ipsos, Episcopum, & alios non habere ordinem verum, quod Rex omnibus ipsis ornamentis parari deberet,*

beret, quia dictus Episcopus per Ecclesias perquirebat, ubi Reges sculpti, & depicti erant, & inde sumebat de paramenti exemplum; sed nulla eos ratione vincere potui, ut illa ad convenientiora mutarent. Aiebant enim Regem Ferdinandum defunctum similibus ornamentis in sua Coronatione fuisse usum, & per quoddam extractum nullius approbationis ostendebant, quod in hujusmodi ornamentis Reges Aragoniæ deberent coronari; nonnulli etiam asseruerunt, quod idem Rex Ferdinandus in sua Coronatione per beatæ memoriæ Latinum Cardinalem Ursinum sibi facta Evangelium Missæ publice decantasse, quod si factum fuit, inconvenientissime. At Summontius describens Coronationem Alphonsi II. refert hunc decantasse Evangelium, *Exist editum*. Id vero ex imperitia carpitur a Brocharto; siquidem usitatum fuit tum Regibus Aragoniæ, ut tradit Valdesius, tum Imperatoribus Occidentis, ut Diaconorum vestibus induti ministrarent Pontifici Sacra facienti, & Evangelium decantarent. Legitur apud Rainaldum ad annum 1414. Sigismundum Imperatorem venisse Constantiam in pervigilio Natalis Domini, affuisse Sacro a Romano Pontifice celebrato, recitasse Evangelium, & Diaconorum ornamenta gestasse. Pariter cum Fridericus Imperator, Romæ ageret festum Natalis Domini, Diaconorum indumento Evangelium legit in nocturnis Divinis Officiis, uti legitur ibidem ad annum 1468. Nam in more etiam fuit, ut in nocturnis Officiis Natalis Dominici Imperatores septimam lectionem decantarent. Quin, in die Coronationis suæ, aggregabantur cœtui Canonorum in Ecclesia S. Petri, vel S. Joannis Lateranensis, atque veste, & functione Diaconi, vel Subdiaconi utebantur, uti testatur Durandus lib. 2. Ration. cap. 8. Rainaldus ad annum 1311. alique. Et Sigonius lib. 7. de Regno Italiæ commemorat morem, quod Imperator Mediolani accepturus secundam Coronam, ministraret in vestibus Subdiaconorum Archiepiscopo Mediolanensi. Denique, uti observat doctissimus Thomassinus de Benef. lib. 3. cap. 64. n. 9. plurimæ Diaconorum, & Subdiaconorum vestes, olim propriæ fuerunt Imperatorum, atque ab his Sacerdotio communicatæ. Quamobrem nec mirum, neque novum videri debet, si indumenta Diaconis similima

lima Neapolitani Reges adhibuerint. Iidem adscripti erant Canonicorum coetui in Ecclesia S. Nicolai Barenſis; quo nomine, Clericorum veste amiſti aderant Divinis Officiis: quod a Ferdinando I. factum legitur in quodam monumento edito ab Ughellio, ubi Rex Ferdinandus indutus Alba, Stola, Dalmatica, Bireto interfuit ſolemni Liturgiæ, deinde Canonicorum ornamentiſ adfuit Divinis Officiis, ac quotidianam distributionem percepit. Cui prædeceſſorum Regum inſtituto adhærens Sereniſſimus Rex CAROLUS BORBONIUS, paucis ab hinc annis, cum Barium petiſſet religionis cauſa erga S. Nicolaum, in hujus Eccleſia, tamquam Canonicorum unus adfuit Divinis Officiis, accepta diſtributione quotidiana, agente Priorem illius Eccleſiæ Petro Carafa Teatino viro ornatiffimo. Ita Reges Francorum, & Comites Andegavenſes adſcripti erant Canonicis Eccleſiæ S. Martini Turonenſis, & ibi aderant ſacris rebus in veſte Canonicorum. Pariter Angliæ Reges, Duces Aurelianenſes, alique Principes Canonicis adnumerabantur alicujus Eccleſiæ, uti exemplis pluribus tradit citato loco Thomaffinus. Cætera Regum noſtrorum inſignia, nempe Coronam, Sceptrum, Orbiculum, Enſem, ita deſcribit Brochartus: *Ex Sacrifiſia Regis apportatur Corona Regis in uno bacili argenteo indorato, perlis, & lapidibus pretioſiſſimis ornata erat Corona, & biretum habebat conſutum ex damaschino albo, habens hinc, inde duas ſillas, quæ ſub mento, unico botono conjungebantur: ita quod Rex Coronam ipſam ſine alio bireto deferret. Enſis in ſua vagina, & perlis, & lapidibus pretioſis per totum ornata. Sceptrum argenteum in ſummitate habens liliū inauratum: erat autem Sceptrum ipſum in totum longitudinis palmorum duorum cum dimidio, & minoris groſſitudinis parvo medio digito; & Pomum argenteum inauratum, totum rotundum, quantitatis unius magni pomi; in ſummitate Crucem habebat parvam ereſtam argenteam inauratam, & in extremitate inferiori cum oppoſito Crucis malleum cum ſtringa ſericea ad ligandum ipſum in ſiniſtro digito Regis.* Nunc ad ipſum ordinem Coronationis Alphonſi II. Regis progredimur.

XVII. Is ordo deſcribitur a Summontio lib. 6. Hiſtoriæ Nea-

Neapolitanæ; sed fufius, accuratiusque a Brocharto Pontificiarum cæremoniarum Magiftro in fuis Diariis manuſcriptis, utpote qui Neapolim adiit an. 1494. una cum Cardinali Joanne Borgia Archiepiſcopo Montifregalis, Legato, & nepote Alexandri VI. ut ſacram cæremoniam moderaretur. Nomine vero Regis curabant omnia ad eam ſolemnitatem ſpectantia, Fridericus Princeps Altamuræ, Albericus Carafa, Joannes Antonius Carafa, & Julianus Epifcopus Tropejenſis Major Capellanus Regis. Horum cura convocati fuere ad Coronationem Regis omnes Epifcopi Regni, quorum indicem exhibet Brochartus, omneſque Reguli, & Proceres. Legato Neapolim venienti primum Præſules, tum Rex cum Proceribus, & Aulicis, Clerus, & Cœnobitæ obviam ivere. Ingenti Civitatis portam Archiepiſcopus Neapolitanus Crucem præbuit deoſculandam; Legatus vero Regi. Tum canente Clero Antiphonam, *Ecce Sacerdos magnus*, & Hymno *Te Deum*, ſub baldacchino a nobilibus viris delato, Rege equitante ad ejus ſiniſtram, ſequentibus Principibus Regiæ cognationis, Oratoribus, & Prælatiſ, ductus eſt ad Metropolitanam Eccleſiam: ad cujus fores, porrigente adſperſorium Archiepiſcopo Neapolitano, Legatus primo Regem, tum ſe, deinde alios adſperſit aqua benediſta. Mox, benediſto incenſo, illum Archiepiſcopus thure adolevit, non vero Regem, quia, ut ait Brochartus, *hujusmodi incenſatio fit Legato tamquam venienti*. Ad Altare Archiepiſcopus nonnullas recitavit preces, quibus finitis, data a Legato benediſtione, quiſque ad ædes ſuas ſe recepit. Dies agenda Coronationi conſtituta eſt octava Maji, quæ feſtiva erat Aſcenſionis Domini: ac parata fuere in Eccleſia Cathedrali amplum, & ſublime Solium pro Rege, ſaldiflorium, ſeu ſedes precatoria, ſcamna pro Regulis, & Epifcopis, & Oratoribus Principum, atque univerſa ſuppelleſ ad rem ſacram neceſſaria. At Capellano Majori, Confeſſario, & Eleemoſynario Regis, tum Principibus Regiæ ſtirpis, & Proceribus Regni locus datus eſt in ipſo Solio Regis; atque hi Principem comitari debuerunt, quoties a Solio ad Altare, vel ab Altari ad Solium progrediretur. Et duo Capellani Majores adhærebant Regi, ut apud ipſum ſingu-

las Missæ partes recitarent . Ita enim habet Brochartus : *Cu-
riales Regis sedebunt binc inde super gradibus quindecim in
Choro dictæ Ecclesiæ ordinatis . Barones erunt in scamnis in
plano magno corporis transversalis Ecclesiæ juxta locum Cantor-
um ordinatis . Oratores autem in banco cum postergali retro
scamna pro Prælati in Presbyterio ascenduntia positis . Cum
Serenissimo Rege in Thalamo suo erunt, & ipsum ubique associa-
bunt tam in Presbyterio, quam alibi D. Fridericus de Arago-
nia, Gentilis Virginius Ursinus, D. Joffredus Borgia, D. Al-
phonfus electus Teatinus, D. Aloysius de Aragonia frater con-
sobrinus Regis, D. Carolus de Aragonia Marchio Giracensis,
D. Julianus Episcopus, qui Regi super Thalamo genuflectenti,
a sinistris Regis erit genuflectus, & Frater Joannes de Medio-
lano Ordinis Montis Oliveti Capellanus Major Regis a dextris
Regis erit, ut supra genuflectus, & ambo de Missali Regi ser-
viant; D. Martinus de Aragonia nepos Regis ex Ferdinando
fratre bastardo in Castello novo incarcerato, Frater Joannes
Franciscus de Miroballis ejusdem Ordinis Confessor Regis, Fra-
ter Michael de Neapoli Ordinis Minorum de Observantia Elec-
mosynarius Regis, post Regem, ut supra, genuflectum, &
ipse genuflectus . Duo hic nominantur Capellani Majores, nem-
pe Julianus Episcopus Tropejensis, qui hoc officium gessit sub
Ferdinando I. & qui sæpe Capellanus Major nominatur a Bro-
charto, & præcipuas habuit partes in ordinanda Coronatione
Regis, & in celebrando conjugio Sanciæ filiæ Regis, & in om-
nibus sacris cæremoniis Palatinis; tum Fr. Joannes de Medio-
lano Monachus Montis Oliveti, qui fortasse, vel absente Epi-
scopo Tropejensi, vel cum Alphonfus Dux erat Calabriae, illo
munere fungebatur . Refert Brochartus Oratores Principum
ægre tulisse, quod secundum ab Episcopis locum occuparent;
etli illis satisfacere studuisset, quod Episcopi in ea sacra cære-
monia agerent una simul cum Antistite Consecratores . Sta-
ta ad Coronationem die, Cardinalis Legatus magno Episcopo-
rum comitatu, se ad Ecclesiam contulit, & Pontificalia induit,
uti etiam cæteri Episcopi . Regalia ornamenta super Altari
collocata fuere . Venienti ad Ecclesiam occurrerunt Archiepi-
scopi Neapolitanus, & Capuanus Pluviali, & Mitra induti,
& sa-*

& salutato Rege, eundem medium duxere ad Altare, ubi illum expectabat Legatus. Tunc Rege sedente in faldistorio ad infimum Altaris gradum, inter duos præfatos Antifites, sedentibus omnibus, lecta est a Notario Apostolico Bulla Romani Pontificis, qua Legato facultatem communicabat investendi Alphonsum de Regno, atque coronandi: eaque lecta, Rex, tactis Evangeliiis, juravit Sedi Apostolicæ fidelitatem. Mox Legatus eundem de Regno investivit, tradens Regi vexillum, quod de manibus Regis accepit Jacobus Caracciolus Comes Burgentæ, Cancellarius Regni. His peractis, Archiepiscopus Neapolitanus petiit a Consecratore, ut Alphonsum inungeret Regem: ille vero Regem monuit de officio Regis erga Ecclesiam, erga subditos; juravitque tunc Rex, se officio suo minime defuturum. Tum Rege humi prostrato dictæ sunt Litanie, aliæque preces, quibus expletis, illius brachium, & scapulas Legatus inunxit. Inchoata Liturgia, Rex in vestuario induit Regales vestes, ac tabulatum, ubi Solium excitatum erat conscendit, ubi una cum suis Capellanis Majoribus recitavit ex Missali Introitum, *Kirie*, *Gloria*, Orationem, & Epistolam. Dicta Epistola, ad Altare accessit, eique Legatus tradidit enssem, quem ter in aerem Rex vibravit, tum Hæctori Carafa Magno Cosmetæ præbuit, a quo delatus est ante Regem, tota Coronationis cæremonia. Tradito ense, Consecrator Regem donavit cæteris insignibus, nempe Corona, Sceptro, & Orbiculo. Quo factò, medius Rex inter Legatum, & Archiepiscopum Neapolitanum, præeuntibus Principibus Regiæ stirpis, & Magnatibus Aula; sequentibus vero Episcopis, ductus est ad Solium, ibique collocatus, populo acclamante, *viva il Re Alfonso*, Cantoribus cænantibus Hymnum *Te Deum laudamus*. Ad Evangelium deposuit Coronam, quam unus e Magnatibus Aula; abstulit a Regio capite. Ad Offertorium descendens de Solio, depositisque Regiis insignibus, obtulit Legato ad Altare duodecim aurea numismata, quodlibet valoris octo ducatorum. Hæc vero Episcopus Tropejensis Capellanus Major porrexit D. Friderico Principi Altamuræ, hic Regi. Et refert Brochartus hæc numismata cum in Coronatione Alphonso II. tum in Co-

ronatione Ferdinandi I. distributa Celebranti, ejusque Ministris, & care noniarum Præfecto. Oblationem Regis Legatus illis verbis excepit: *Unum dabis, & centum accipies*. Quoties Regia insignia a Rege auferenda, vel recipienda erant, id muneris spectabat ad D. Fridericum Principem Altamuræ. Post oblationem, Regi stanti in Solio Neapolitanus Archiepiscopus thus dedit; Diaconus vero Principibus Regiæ cognitionis, Capellanis Majoribus, Oratoribus, Episcopis. Deinde Rex, depositis Regalibus ornamentis, in genua procubuit usque ad Eucharistiæ consecrationem, & sumptionem. Quoniam vero inter Oratores Principum aderat Orator Imperatoris Turcarum, is, ad Præfationem Missæ, monente Præfecto cæremoniarum recessit ab Ecclesia. Pacem Regi exhibuit Alexander Carafa Archiepiscopus Neapolitanus; Rex Principibus Regiæ stirpis; alter vero Capellanus pacem præbuit Oratoribus, atque Episcopis. Ad communionem, Rex ad Altare procumbens Eucharisticum panem accepit, mox vinum non consecratum, seu purificationem; rediitque ad Solium, preces recitaturus pro gratiarum actione. Absoluta Liturgia, rursus ad Altare accessit, ubi Legatus ei præbuit deosculanda sacra Corporalia, quibus tetigit oculos, & frontem Regis, facto signo Crucis. Tandem nonnulli Milites a Rege creati fuere, nonnullique Proceres Regni: & ascenso equo, Regiis ornatus insignibus, magno comitatu Procerum, Regulorum, & Episcoporum per Civitatem, perque Sessiones Nobilium, equitavit.

XVIII. Alphonfus II. vix imperio potitus, eo se abdicavit sequenti anno 1495. quod in ipsum movisset arma Carolus VIII. Rex Galliæ, cui Andegavensium Principum jura competebant, quodque subjectis ipse populis invisus, insensensusque, impar omnino esset gerendo bello, atque tuendo imperio sibi, suisque. Huic itaque successit Ferdinandus II. filius, suavissimi ingenii Princeps; quem mox immatura morte ereptum excepit anno 1496. Fridericus, ejus patruus, Princeps Altamuræ: & hunc, inito foedere, Galli, Hispanique anno 1501. patria sede ejecerunt. Atque in hunc modum, pulsus deinde Gallis, Neapolitanum Regnum cessit Hispanis

Re-

Regibus, qui diu Regnum ipsum tenuere, ad hujus usque sæculi initia, quum extincto Carolo II. Hispaniæ Rege, nulla superstitite prole, sæviante bello longe lateque, tandem Austriaci Imperatores Germaniæ in hisce regionibus imperarunt. Sed anno 1734. rursus excitato inter Europæ Principes bello, CAROLUM BORBONIUM Hispaniarum Infantem, cui Hispani militis imperium, & recuperandi Neapolitani Regni curam Philippus V. gloriosissimus parens demandaverat, bello feliciter confecto, arcibus ad deditionem coactis, superatis hostibus, rebus publicis sapienter compositis, summa celeritate, parique virtute, quod in illum, quem imperio natum noverat, regnandi jura Augustissimus Parens transfulisset, Neapolitani ingenti gaudio, votisque publicis Regem salutarunt. Qui sequenti anno in Siciliam trajiciens, attritis undique, ac fuscis hostibus, Panormum amplissimam illius Regni metropolim adiens, solemni pompa, die tertia Julii in Cathedrali Ecclesia ab Archiepiscopo Panormitano Josepho Basile, antea Franciscanæ Familiæ supremo Præsule, unctus, coronatusque est Rex Siciliæ. Stata die, Ecclesia metropolitana insigniter adornata; Solium sublime, & amplum, cum scabello, & sede erectum, prope solium lignea ædícula aulaeis tecta pro vestiario Regis; mensa quoque, ubi apposita suppellex sacro ministerio inserviens; tum omnia ad eam solemnitatem celebrandam magnificentissime composita. Antistes sacris operaturus, Pontificalibus indutus ornamentis, medius inter Archidiaconum, Diaconum, Cantorem, præeuntibus Clericis, Canonicis, & Episcopis Regni, e Sacratio ad Aram principem accessit, in cujus extremo gradu, sedens in baldistorio, sedentibus etiam cunctis, Regem expectavit. Is e Palatio, Regia pompa, Ecclesiam petiit; ad cujus ostium a Magno Eleemosynario adpersus est aqua benedicta, tum recta pergit ad vestiarium, ubi solennes vestes induit. Preibant duo Proceres Aulici, a Regis cubiculo, aurea clave donati, quorum unus Coronam, & Sceptrum, alter Ensem, & Balthæum gerebat: eaque Regalia insignia Antistiti tradita, Archidiaconus super Altare collocavit. Regi solemnibus vestibus induto sine ense, & pileo, vestiario exeunti obviam occur-

currere Episcopi Catanensis, & Syracusanus, a quibus ductus est ad Altare, & salutato Antistite, ab eo benedictionem accepit. Adhaeserunt Regi in toto Coronationis officio Comes S. Stephani Magnus Aulae Magister, Bartholomaeus Corsinus Magnus Praefectus Regii stabuli, Lelius Carafa Dux Praetorianorum militum, Joseph Beza Magnus Eleemosynarius, nonnullique Regis Cubicularii. Ubi Rex Altari se sistit, Episcopus Catanensis petiit ab Antistite, ut Regem inungeret: mox ibidem sedente Rege medio inter duos Episcopos, lecta est ab Antistite admonitio, quae habetur in Pontificali Romano. Ea finita, Rex genua submittens coram Archiepiscopo, Fidei professionem edidit, deinde allato Evangeliorum libro, juravit his verbis: *Sic me Deus adjuvet, & haec sancta Evangelia*: & osculatus est Antistitis manum. Is vero stans orationem recitavit, quam & alii Episcopi, submissa voce, suo quisque loco recitarunt. Postea Altare ascendit, ibique sedens in faldistorio, Regis brachium & scapulas, quas unus e Regis Cubiculariis denudaverat, inunxit, adstantibus coeteris Episcopis. His peractis, uterque ad extremum Altaris gradum descendit; & Antistes quidem Sacrum inchoavit; Rex a cornu Evangelii flexis genibus, audivit a Magno Eleemosynario, qui prope aderat Missae Introitum & Confessionem. Tum ad vestiarium se contulit, ubi postquam Magnus Eleemosynarius scapulas, & brachium absterxit, induit Regalem Chlamidem, Solium conscendit, & submittens genua, audivit a Magno Eleemosynario reliquum Missae officium ad Epistolam usque. In Solio post Regis sedem Dux Praetorianae cohortis, & prope Regem Praefectus Domus Regiae steterunt. Dicta Epistola, illum praefati duo Episcopi ad Altare duxerunt, ubi accepto ab Antistite ense, quem quater vibravit, imposita est Regio capiti Corona, & Sceptrum ei traditum. Sed Praefectus Regii stabuli enssem a latere Regis sublatum, ac denudatum, toto Coronationis officio ante Regem tulit. Carolum itaque Regis insignibus ornatum, plaudentibus universis, Archiepiscopus Panormitanus, & Episcopus Catanensis, quos coeteri sequebantur Episcopi, ad Solium deduxerunt. Eoque in Throno collocato, Panormitanus Antistes praecinit hymnum *Te Deum*,

Dum, quem dum Musici decantarent, Antistes stetit ad Regis dextram; & hymno finito, preces, & orationem dixit, prout in Pontificali Romano. Mox rediit ad Altare, reliquam Liturgiæ partem celebraturus. Decantato Evangelio, Cantor Metropolitanæ Ecclesiæ detulit ad Regem Evangeliorum librum; Eleemosynarius serico velo deterlit locum, quem Rex erat deosculaturus. Ad Offertorium, Rex Altare adiit, ubi provolutus in genua, præbente Eleemosynario oblationem, obtulit Antistiti sacra facienti, osculata ejus manu, duodecim aurea numismata, quibus insculpta erat Regis ipsius effigies, & nummos aureos prope ducentos. Ad Solium reversus, stans accepit thus a Canonico Diacono, qui & thure coluit Episcopos adstantes. Instante consecratione Dominici Corporis, Dux Arionensium Regis Cubicularius ademittit Regalia insignia, Coronam, & Sceptrum. Pacis signum Episcopus Catanensis præbuit Regi deosculandum, quod prius Eleemosynarius detulerat. Ad communionem accedens ad Altare, sequente Regem Cubiculario, qui Regalia ferebat insignia, primo Sanctam Eucharistiam sumpsit; tum vinum ad purificationem in eodem Calice, in quo Antistes Christi Sanguinem hauserat. Mappulam coram Rege tenuerunt duo Regis Cubicularii; alter vero aliam præbuit ad os abstergendum. Tandem reversus ad Solium, rursus induit Regalia ornamenta, & Sacro peracto, Episcopali benedictione donatus, iisdem ornamentis indutus rediit ad Regias Aedes, cui diuturnum imperium, faustum, fortunatumque votis publicis precamur. Denique addere juvat Carolum VIII. Galliarum Regem, Neapoli hujus Regni Coronam accepisse, uti testatur Jacobus de Poirier Magister Hospitii Regii, qui præsens aderat, in Historia belli Italici edita a Martene to. 3. Anecd. Sub Austriacis vero, non sine quibusdam caeremoniis proclamabantur Principes, ubi ad imperium pervenerant. Nam Prorex, Procures Regni, Reguli Civitatem peregritabant, acclamante multitudine: & in inauguratione Caroli II. universi cum Prorege Card. Aragonio ad Arcem novam, cujus referatæ erant fores, accedere; petiitque Prorex a Præfecto Arcis, ut Carolo II. regnanti fores panderentur, quod refert Parrinus in Thea. Proreg. Neapol. CA-

C A P U T VII.

DE BAPTISMO REGUM.

In Palatiis Principum, Baptismus solemniter administrari potest. II. Ordo administrandi solemniter Baptismi in Aula Imperatorum Germanorum. III. Ordo solemniter Baptismi in Aula Regum Gallie. IV. Et in Aula Regum Hispanie. V. Ordo solemniter Baptismi Serenissimi Principis Philippi Borbonii filii CAROLI BORBONII, Regis utriusque Siciliae. VI. De titulo, quo donabantur primogeniti Regum nostrorum.



Autum fuit antiquissima Ecclesiae disciplina, ne in domibus, aut Oratoriis privatis, nulla urgente necessitate, Baptisma administraretur. Ad hanc rem Concilium Trullanum duos habet canones, quorum primus num. 31. statuit: *Clericos, qui in Oratoriis, quae sunt intra domos, sacra faciunt, vel baptizant, hoc illius loci Episcopi sententia facere decernimus. Quare si quis Clericus hoc non sic servaverit, deponatur: alter vero numero 49. ait: In Ede oratoria, quae est intra domum, Baptismus nequaquam peragatur, sed qui illuminatione ab omnibus sordibus aliena digni habendi sunt, ad Catholicas Ecclesias accedant, & hoc illic munere perfruantur. Si quis autem, quae a nobis constituta sunt, non servare convictus fuerit, si sit quidem Clericus, deponatur; si autem laicus segregetur.* Censet doctissimus Lupus in commentariis, causam hisce canonibus dedisse Severi Antiocheni aescelas; qui, ut legitur in libellis Agapeto Pontifici exhibitis, ac in Constantinopolitana Synodo Mennae Patriarchae lectis: *In ipsis propriis domibus, & suburbiiis Altaria, & Baptisteria erigunt in oppositum veri Altaris, & sancti fontis, & omnia simul contempserunt propter attributum eis patrocinium ab his, qui in Domo Domini, & aliquo alio modo potentes sint.* Justinianus quoque Augustus Novella 58. vetuit in domesticis Oratoriis sacra Mysteria celebrari: quamvis deinde Constitutione Leonis Sapientis

Impe-

Imperatoris id licitum fuerit, dummodo Episcopus loci ne dissentiret. Unde Balsamon in comm. ad can. 31. Trullanum scribit: *Si quis a Regionis Antislite sacrificare, vel baptizare in Oratorio prohibitus fuerit, is vero, qui tale quid fecerit, nec ei Novellæ proderunt. Is autem qui non est expresse prohibitus, videtur tacite ex Episcopi sententia hoc facere.* In Occidente Pelagius I. in epistola ad Eleuterium Episcopum, ea lege permisit quoddam Oratorium in honorem Beatæ Cantianæ Martyris consecrari, *ita tamen ut in eodem loco nec futuris temporibus Baptisterium construatur, nec Presbyterum constituas Cardinalem, sed quoties Missis ibi fieri forte maluerit, a Dilectione tua Presbyterum noverit postulandum, quatenus nihil tale a quolibet alio Sacerdote ullatenus presumatur.* Pariter Zacharias Pontifex in epistola ad Pipinum Regem Francorum mandat, nullum Oratorium, nisi prius dotatum, consecrari ab Episcopo loci, & nonnisi per Missas privatas; nec eis concedi Baptisterium, aut Presbyterum Cardinalem, sed ad Missas illic faciendas singulis vicibus Presbyterum ab Episcopo transmitti. Ratio hujus disciplinæ fuit, quod olim soli Episcopi Baptismum solemnem conferebant, & hinc in sola Ecclesia Cathedrali, seu Episcopali Baptisterium extabat. Multiplicato postmodum fidelium numero, etiam in una, eademque Civitate plura Baptisteria construi cœpere; non tamen nisi in principalioribus Ecclesiis, quas propterea Baptismales dixerunt, ad distinctionem earum Ecclesiarum etiam Parochialium, quæ carebant Baptisterio. Hinc Synodus Vernensis cap. 7. & Concilium Meldense cap. 48. relatam a Burchardo lib. 4. cap. 14. decreverunt, publicum Baptisterium in nulla Parochia esse debere, nisi ubi Episcopus constituerit; & nemini fas esse, Baptismum conferre, nisi in Ecclesiis Baptismalibus. At sequentibus sæculis, cum Parochi evaserint ordinarii ministri Baptismi, illudque ministerium, pene totum ad eos fuerit devolutum; tunc quoque contigit, ut omnes passim Parochiales Ecclesiæ Baptisteria acceperint. Nihilominus tamen minus vetita adhuc fuit administratio Baptismi in privatis domibus, aut Oratoriis. Quare uti ait Gatticus lib. de Orat. priv. cap. 18. opus erit speciali Episcoporum di-

M m

spen-

spensatione, ut infans in Oratorio privato salutaribus undis regeneretur: imo propria potestate abuteretur Parochus ipse, si in privato Oratorio baptizare auderet: cum etiam Parocho præscriptæ sint leges baptizandi in publico Baptisterio, nisi gravis necessitas, prætermisiss omnibus solemnitatibus, baptizare in privata domo infantem jubeat. Et Pontasius Casu 4. de Baptismo, reum censet gravis criminis Parochum, qui, nulla urgente necessitate, in privata domo baptizat. Verum Ecclesiæ legibus permixta est Baptismi administratio in Palatiis Summorum Principum. Ita quidem Clemens V. in Concilio generali Viennensi anno 1311. statuit decreto relato Clem. unic. de Bapt. *Præsenti prohibemus decreto, ne quis de cætero in aulis, vel cameris, aut aliis privatis domibus, sed dumtaxat in Ecclesiis, in quibus ad hoc Fontes specialiter sunt deputati, aliquos (nisi Regum, vel Principum, quibus valeat in hoc casu deferri, liberi extiterint; aut talis necessitas emergerit, propter quam nequeat ad Ecclesiam absque periculo propter hoc accessus haberi) audeat baptizare. Qui autem secus præsumperit, aut suam in hoc præsentiam exhibuerit, taliter per Episcopum suum castigetur, quod alii attentare similia non præsumant.* Huic decreto adhæserunt Concilia Coloniense II. anno 1549. & Burdigalense anno 1624. quorum legibus nonnisi Regum, aut Principum filiis fas est domi, non in Ecclesia, Baptismum conferre. Pariter Rituale Romanum jussu Pauli V. editum statuit: *In privatis locis nemo baptizari debet; nisi forte sint Regum, aut magnorum Principum filii, id ipsis depositentibus; dummodo id fiat in eorum Capellis, seu Oratoriis, & in aqua baptismali, de more benedicta.* Quod intelligi debet de Capellis, & Oratoriis privatis ipsorum Principum: siquidem ambigendum non est, quin in eorum Capellis seu Ecclesiis Palatinis, utpote quæ publicis Ecclesiis æquiparantur, & quandoque sunt Ecclesiæ Parochiales, possit Baptismus administrari.

II. Ordinem administrandi solemnisi Baptismi in Aula Viennensi Austriacorum Imperatorum exhibent Dumontius, & Rosuetius lib. 2. cap. 1. §. 1. 2. 3. 4. & 5. Cæremonialis Imperii: ubi describuntur solemnia Baptismata Archiducis filii

Jo-

Josephi Imperatoris, anno 1700. & alterius Archiducis filii Caroli VI. Imperatoris, anno 1716. tum etiam Archiducis Mariæ Terefiæ, anno 1717. ejusdem Caroli VI. Imperatoris filiæ. Ex monumentis itaque ibi relatis colligitur, hanc cæremoniã hisce ritibus absolutam fuisse; quod nempe in amplissima quadam aula Imperialis Palatii, excitato Altari, & Sanctorum Reliquiis, quas e cubiculo Imperatricis Capellani Aulici detulerant, ornato; prope Altare parata mensa aulæis, & pulvinaribus testâ, supra quam Regius Puer esset collocandus; paratis quoque sedibus, & scabellis ad genua flectendum pro Imperialibus personis; & Fonte Baptismali, in quem tantillum aquæ fluminis Jordanis solet infundi; stata hora, Aulici omnes e cubiculo Imperatricis ad aulam illam se conferebant, Regiumque Puerum a cubiculo Imperatricis usque ad ædes Imperatoris Educatrix, ab ædibus Imperatoriis ad aulam Baptismi Magnus Aulæ Magister ulnis suis complexum deferrebant, atque super mensam illam statuebant: tum ulnis exceptum Magnus Aulæ Magister, vel Regiæ prolis Educatrix exhibebant Antistiti ad Altare, Episcopo nempe Vienneusi, vel Apocrisiario Pontificio, a quo sacris aquis abluebatur, consueto Ecclesiæ ritu, Educatrice detegente partes inungendas, & Hymnus gratiarum actionis decantabatur a Musicis Palatinis. Verum Archiduci Leopoldo Caroli VI. Imperatoris filio, una simul, eodem die sacrum Baptisma, & Equestrem Ordinem Velleris aurei contulere: exemplo ducto a Philippo Burgundiæ Duce, fundatore illius amplissimæ Societatis, qui Carolum Audacem filium, statim post acceptum Baptisma, donavit insignibus illius Societatis. Dies natalitius Archiducis fuerat decimus tertius mensis Aprilis, anno 1716. dieque subsequenti, Imperator una cum omnibus Sociis Equestris Ordinis Velleris aurei, interfuit solempni Liturgiæ, & Vespertinis Officiis in Capella Palatina, sacris operante Episcopo Antuerpiæ. Tum ad ejusdem diei vesperam in aula Imperialis Palatii Apocrisiarius Pontificius, assistentibus pluribus Episcopis, Parocho, & Capellanis Aulicis, Regium Puerum sacro abluit lavacro. Eo se contulit Imperator, vestimento, & insignibus Societatis Velleris aurei amictus, una

cum cæteris Sociis ejusdem amplissimi Ordinis, medius inter Principem Eugenium Sabaudia, & Philippum Comitem de Dietrichstein, tamquam antiquiores Socios, & universo comitatu Aulico: & eo quoque Supremus Præfectus Aulae Imperialis Antonius Princeps de Lichtenstein, pariter medius inter duos Socios Velleris aurei, detulit Archiducem brachiis suis complexum, quem ex ædibus Imperatricis, usque ad cubacula Imperatoris detulerat Educatrix Comes de Starembergh, sequentibus Aulicis matronis. Ubi ad aulam ventum est, Supremus Aulae Præfectus Archiducem supra mensam prope Altare collocavit, quem mox Educatrix ulnis suis exceptum ad Altare admovit coram Antistite, a quo baptizatus est, sponforem agente Principe Maximiliano Hannoverensi, procuratorio nomine Regis Lusitaniae. Administrato Baptismo, Educatrix Regium Puerum Principi Eugenio Sabaudia, tamquam antiquiori Socio Velleris aurei tradidit; qui medius inter Comitem de Dietrichstein, & Principem Abellinensium, præeunte Feziali sive Heraldo Societatis, illum exhibuit Imperatori. Isque sedens, capite operto, accepto ense a Magno Aulae Marescallo, qui prope aderat cum ense denudato, semel, iterum, atque tertio tetigit ense humeros Archiducis, proferens hæc verba: *Efficiat te Deus bonum, & honorabilem. Equitem in nomine Domini nostri, & S. Andreae.* Quo facto, Torquem aureum Societatis, illius collo imposuit, legens ex Rituali hujusmodi verba: *Ipse te hic Ordo in sodalitatem amicabilem suam recipit, ejusque rei signum, Torquem, ego hunc tibi circumdo, faxit Deus, ut gestare eum diu possis, idque ut simul ad Divinam Gloriam, atque cultum, exaltationemque Ecclesiae cedat; simul etiam cum ad amplificationem, honoremque hujus ipsius Ordinis in Universum, tum ad tuam, privatam laudem, & promeritam famæ celebritatem, in nomine Patris, & Filii, & Spiritus Sancti. Amen.* Quibus dictis Puerum amplexus est; eundemque Princeps Eugenius Educatrici reddidit, a qua rursus super mensam collocatur; accedentesque singuli Socii, servato inter se antiquitatis ordine, flexo poplite, illius vestimentum sunt deosculati: dum interim præcinente Apocrisario Pontificio, Hymnus gra-

gratiarum actionis modis musicis decantabatur. Denique solemni benedictione Apocrisarii Pontificii cæremonia absoluta est. Neque hic silentio prætereundum est, Capellam Imperialem Viennensem exemptam esse ab Ordinarii potestate, atque ad Apocrisarii Pontificii jurisdictionem spectare, qui in ea solemni ritu sacris operatur, præsentè Imperatore, & sacrum omne ministerium, cui plures Capellani Aulici deserviunt, moderatur: quemadmodum accepimus ab amplissimo & clarissimo Cardinali Dominico Passioneo, qui diu in Aula Austriacorum Imperatorum, summa cum sui nominis laude egit Apocrisarium Apostolicæ Sedis. Quod vero de aqua Jordanis admista Fonti Baptismali innuimus; id ab antiquissima profluxit Christianorum pietate, qui in Jordane baptisari exoptarunt, quod illius aquæ sanctificandi virtutem ex Christi Baptismate accepissent, uti testatur Hieronymus in libro de locis Hebraicis. Præ cæteris, si vera narrant Eusebius lib. 4. de vita Constant. cap. 62. & Theodoretus lib. 1. Hist. Eccles. cap. 32. Constantinus Imperator, ad finem usque vitæ salutaribus undis tingi distulit, quod in Jordane ipso baptisari in votis habuisset. Et S. Basilio Magno idem insedisse desiderium suscipiendi in Jordane Baptismi, scribit cap. 4. Amphilochius, seu quisquis est auctor illius vitæ. Exinde Christiani aquas Jordanis veluti sacras, & Reliquiarum loco habuerunt; quibus in accipiendò Baptismo utebantur, præsertim quia mos erat asservandi Sanctorum Reliquias in Baptisterio, cujus rei sæpe meminit Gregorius Turonensis, uti in libro de Vit. Patr. cap. 7. ubi testatur plures Sanctorum Reliquias in Baptisterio Divionensi reconditas, & lib. 10. Hist. Franc. cap. 31. ubi refert constructum a se Baptisterium pluribus Sanctorum Reliquiis ditatum.

III. Mos est in Aula Regum Galliæ, ut cum primum nascuntur Regales Pueri sacris aquis illico abluantur; sed solemnes Baptismi cæremoniæ diu postea administrantur, una simul cum Sacramento Confirmationis, Regio apparatu, & insigni pompa. Ita Ludovicus XIII. Henrici IV. Regis filius, annis jam quinque natus, una cum duabus ejus sororibus, quarum una deinde nupsit Hispaniæ Regi, altera Duci Sabaudia, Ba-

Baptismi cæremonias anno 1606. die 14. Septembris percepit, solemnî ritu, in pago Fontisbellaquei, & quidem in area, Regii Palatii, quod Capella Palatina ob loci angustiam huic agendæ cæremoniæ satis non esset. Pariter solemnem Baptismum Delphini, filii Ludovici XIV. Regis, anno 1668. die 24. Martii in area quadam Regii Palatii San-Germanensis, quod Capella Palatina angustis terminaretur limitibus, administratum fuisse, constat ex monumentis allatis a Dumontio, Rossuetio, Gothofredo in Cæremoniali Gallia. Sed Anna Maria Ducis Aurelianensis filia, novem annis nata, iisdem initiata est cæremoniis anno 1636. in Reginae cubiculo, ab Episcopo Antisiodorensi, primo Eleemosynario Regis. Franciscus II. anno 1543. & Elisabetha ejus soror nata anno 1545. (quæ Philippo II. Hispaniæ Regi nuplit) in Capella Palatina Fontisbellaquei; & Ludovicus Dux Aurelianensis pariter Henrici II. filius, anno 1549. in Capella Palatina San-Germani a Cardinali Borbonio Archiepiscopo Senonensi Baptismi accepere. Porro in solemnî Ludovici XIII. Regis Baptismo, in area Palatii Fontisbellaquei, intra ligneum septum excitatum fuit amplum, ac sublime tabulatum, ubi Altare, Fons Baptifinalis, & Solium, conspiciebantur. Illuc ad vesperam illius diei, e Regiis cubiculis Aulici cereos accensos manu gestantes, ordinata supplicatione, se contulere, hoc quidem ordine: Helvetii milites Prætoriani, Equites Honorarii, Sodales Equestris Societatis Spiritus Sancti Torque aureo ad collum suspenso, sex Magnates Regni, quorum singulis commissa erant instrumenta rei sacræ inservientia, nempe vasculum salis, vas ad effundendam aquam, vas ad excipiendam aquam, mappa ad abstergendum, cereus, & Chrismale. Hos sequebatur Regius Puer baptifandus, quem manu ducebat unus e Principibus Regiæ stirpis; eumque excipiebat Cardinalis Gioiosa, qui nomine Pauli V. Romani Pontificis agebat patrinum; Matronæ Aulicæ, tandem Cardinalis Gondi Episcopus Parisiensis, alique plures Episcopi. Absoluto sacro ministerio juxta consuetum Ecclesiæ ritum, Feciales pluries acclamarunt, *Vivat Delphinus*. Eodem fere modo res se habuit in solemnî Baptismo Delphini filii Ludovici XIV.

vici XIV. anno 1668. quem in area Palatii San-Germanensis Pontificalibus indutus ornamentis ministravit Cardinalis Antonius Barberinus Magnus Eleemosynarius, assistentibus cæteris Eleemosynariis Regis Mantelletta, & Rocchetto indutis. Patrini fuere Cardinalis Vindocinensis nomine Romani Pontificis, & Princeps Contiæ nomine Reginæ Angliæ: qui statim post baptisandum incedebant, Cardinalis a dextris, illa vero a sinistris. Instrumenta Baptismi delata fuere a sex Principibus Regiæ stirpis: Regalem vero Puerum, ejus Educator comitabatur: & Palatini omnes cereis accensis ad cæremoniæ locum processere. Ludovicum XIV. gloriosissimum Galliæ Regem, natum die 5. Septembris, anno 1638. statim sacris Baptismi aquis adpersit Episcopus Metensis, Primus Eleemosynarius Regis, in eodem Reginæ cubiculo, ubi Altare excitatum fuerat, & ubi Sacrum fecerant, & preces effuderant tum ipse Metensis Antistes, tum Episcopi Bellovacensis, & Lexoniensis, ut parturienti Reginæ Divinam opem impetrarent. Mox in Capella Palatina San-Germanensis Palatii, præsentē Rege, & omni comitatu Aulico, Hymnum gratiarum actionis solemniter decantarunt. At nonnisi anno 1643. die 21. Aprilis, circa primam noctis vigiliam, additæ ei sunt solennes Baptismi cæremoniæ, unctusque est Sacramento Chrisnatis in eadem Capella San-Germanensis Palatii, ab Episcopo Metensi Primo Eleemosynario Regis, qui Pontificalibus indutus ornamentis, stipatusque quatuor Eleemosynariis Regis, sex Episcopis Rocchetto & Mantelletta indutis, Abbatibus pluribus, Clericisque Capellæ Regiæ, progressus e Sacratio ad Altare, & adorata Divina Eucharestia, quæ publicæ adorationi exposita erat, accessit ad sedem precatoriam Reginæ, quæ illi Delphinum filium exhibuit medium inter patrilos nempe Cardinalem Julium Mazarinum, & Principem Condatis: tum salutato Delphino, sacrum egit ministerium. Mos ille deferendi in Baptismo cereos accensos vetustissimam habet originem; siquidem legitur in epistola Marci Gazensis ad Arcadium Imperatorem de Baptismo Theodosii junioris apud Baronium, ad an. 401. *Baptisato juniori Theodosio, & ab Ecclesia egresso in Palatium, licebat rursus in-*

intueri decorem eorum, qui præerant multitudini, & vestem eorum refulgentem, erant enim omnes candidati, ut existimaretur multitudo esse nivæ repleta. Præcedebant autem Patricii illustres, & omnis dignitas cum ordinibus militari-
bus, omnes portantes cereos, ut putarentur astra cerni in terra. Unde colligit Martene lib. 1. cap. 1. art. 15. de antiq. Eccl. rit. in Regum, & Principum Baptismate non solum ipsos vestem albam, & cereum accepisse, sed omnes insuper Aulicos, & eorum milites. Albinus Flaccus, qui de Divinis Officiis sæculo octavo scripsit, agens de Magno Sabbato cap. 19. dicit cereos prælatos fuisse baptisandis: *Cereus præcedit catechumenos nostros, lumen ipsius Christum significat, quo præsens nox illuminetur, gratia scilicet resurrectionis, & catechumeni ad Baptismum venturi.* Et rursus: *Nostri baptisati,* ait, *ducuntur quotidie ad Ecclesiam columna cerei illuminata præcedente eos.* Similia habent Rabanus lib. 2. de Instit. Cleric. cap. 39. & Amalarius lib. 1. cap. 29. de Eccles. Officiis. Atque is ritus præferendi cereos accensos baptisatis, vel baptisandis, diversus sane fuit ab alio ritu pariter antiquissimo, quo, tempore ipsius Baptismi tradebantur cerei Neophytis, atque accendebantur: cujus rei sæpissime Veteres mentionem faciunt, & plurima illorum testimonia adducunt Martene, Vicecomes, alique. Imo nonnulli existimant Catechumenos tempore exorcismi etiam ardentem faciem manibus tenuisse, quod tamen Binghamus negat. Diximus in Baptismo solemnī Regum Galliæ deferri ab uno e Principibus Regiæ stirpis linteolum, quod nuncupant Chrismale. Olim mysticum velamen, quod baptisatorum capiti statim post unctiōnem imponebatur, vocarunt Cappam, Galeam, & Chrismale, uti constat ex Theodulpho Aurélianensi in tractatu de Baptismo, Rabano de Institutione Clericorum, & Alcuino in libro de Divinis Officiis. Illud ita describit Anonymus Turonensis in ms. speculo citatus a Martene: *Induitur deinde Chrismali Neophytus, scilicet alba veste, quæ instar cappæ lineæ caputium habet, quo caput, quasi quadam mitra operitur, & filo rubeo supersuitur.* Et Joannes Lanspergius in Dial. de Monast. cap. 3. testis est, ætate sua, nempe superiori sæculo,

in

in multis Germaniæ, & Italiæ Ecclesiis, infantes e sacro fonte eductos induere parvam interulam, cui annexum est capitium monastici cuculli. Tum Martene ex antiquo Pontificali Ecclesiæ Salisburgensis, & ex Ordine Romano vulgato a Mabillonio to. 2. Musæi Italici describit ritum imponendi Christum infanti ex sacro fonte levato, & uncto. Et hæc lintheamina veluti sacra habebantur; ut proinde Pipinus Rex Francorum dono miserit Paulo I. Pontifici sacra lintheamina, cum quibus suscepta de Baptismo fuerat ipsius filia, uti colligitur ex epistola Pontificis ad Pipinum data: *Præfatus nempe sodalitatæ vestræ illustris Missus pretiosissimum nobis supernæ gratiæ munus attulit, sabanum videlicet, in quo nostra dulcissima, & amantissima spiritalis filia sacratissimo lavacro abluta, suscepta est.* Quum vero Rex Christianissimus aliquem e sacro fonte suscipit, cæremonia etiam fieri solet in Capella Palatina, ad quam Rex accedit, præeuntibus militibus, Cubiculariis, Sociis Equestris Ordinis Spiritus Sancti, supremis belli Ducibus, seu Marecallis Franciæ, sex nobilibus viris deferentibus cereum, Christum, salinum, mullum, gutturnium, & mappam; hos sequuntur puer baptisandus, Rex, & prope Regem Cardinales, Principes Regiæ stirpis, Duces, militesque Prætoriani; quemadmodum apud Gothofredum to. 2. Cæremonialis Galliæ, ubi plurima occurrunt hujus rei exempla, legitur. Et ex Cæremoniali Dumontii, atque Rossuetii colligitur, hoc eodem fere ritu Regem Christianissimum anno 1695. egisse patrum filiam Oratoris Venetorum, quam in Capella Palatina Fontisbellaquei sacris aquis abluit Cardinalis Boullionius Magnus Eleemosynarius, assistente Parocho: & anno 1701. pariter Regem Christianissimum in Capella Palatina filium Venetorum Oratoris suscepisse e sacro fonte, ministrante cum assistentia Parochi Cardinali Coislino Magno Eleemosynario.

IV. In Aula Hispana spectat ad Magnum Capellanum Baptisma conferre tum Regiæ proli, tum Aulicis, tum iis omnibus, qui in præsentia Regis baptisantur, ex variis Romanorum Pontificum privilegiis cap. 4. hujus libri relatis. Spectat vero ad Magnum Aulæ Magistrum, accepto a Rege im-

N n

perio,

perio, Aulicos, Magnatesque certiores facere, quo die sacra
 cæremonia sit peragenda. Ea die in Capella Palatina, vel in
 Ecclesia, ubi Regius Infans est baptisandus, ad cornu Evan-
 gelii, prope Aram principem, in mensa quadam collocan-
 tur Pontificalia indumenta, & nonnulla aurea malluvia, quæ
 nomine oblationis conceduntur Antistiti sacra facienti; vestia-
 rium quoque accomodatur, ubi Princeps baptisandus vestes
 exuat: ad cornu autem Epistolæ in alia mensa locanda sunt
 instrumenta ad conferendum Baptisma, quæ a nonnullis Ma-
 gnatibus deferenda sunt, quibus id Rex demandaverit. In
 Fonte Baptifinali solet infundi tantillum sacræ illius aquæ, qua
 ajunt ablutum in Baptismo S. Dominicum Ordinis Prædicatorum
 Fundatorem, quæque in Dominicanorum Canobio Ca-
 ragnetæ civitatis Regni Castellæ asservatur, curante hanc
 rem Confessario Regis. Tum in salutorio Principis cubi-
 culo super mensam, & sub umbella statuuntur hæc instrumen-
 ta ad Baptisma accipiendum, nempe interula, cereus, mal-
 luvium, mappa, & salinum a Magnatibus gestanda. Stata
 die ad Regii Infantis regenerationem, Supremus Castellæ
 Præses, Magnus Capellanus, Consilarii Status in Ecclesia
 Principem expectant, qui hoc ordine illuc accedit. Præce-
 dunt Officiales quidam Aulici, quos Alcaldos nuncupant, se-
 quuntur Aulici adolescentes, tum qui Regis sunt a cubiculo,
 & a mensa, vulgo *Gentiluomini di Camera*, & *di bocca*, Præ-
 fecti Domus Principis, Caduceatores seu Mazzerii quatuor,
 Præfecti Domus Regina, Præfecti Domus Regis, virgas ma-
 nu gestantes, Magnates Hispaniæ, Feciales, Proceres defe-
 rentes instrumenta Baptismo inservientia, Regius Infans le-
 ctica, aut sede gestatoria advectus una cum ejus Educatrice,
 vel Principe Regiæ stirpis, aut Hispaniæ Magnate, tum
 Matronæ Aulicæ. At Rex solet adesse nulla pompa, seu, ut
 ajunt, *incognito*. Quod si Princeps baptisandus hæres Re-
 gni minime sit, nec Caduceatores, nec Feciales interveniunt
 cæremonia; neque ab Hispaniæ Magnatibus deferuntur in-
 strumenta Baptifini, sed a Præfectis Domus Regiæ. Orato-
 res Principum comitantur baptisandum Principem, si is pe-
 des ad Ecclesiam pergit: at si lectica, aut sede gestatoria adve-
 ctus,

ctus, illum in Ecclesia expectant. Ad hujus fores Antistes Pontificalibus ornamentis indutus illum excipit, exceptumque ducit ad Fontem, dum a Musicis Palatinis quædam Responsoria decantantur. Prima Aula Matrona denudat Infantem sacris aquis abluendum, illam adjuvantibus cæteris Matronis Aulicis. Denique administrato Baptismo juxta consuetum Ecclesiæ ritum, Episcopi, qui interfuere, exuti Pontificalibus indumentis, Principem comitantur usque ad Aedes Regias, inceduntque simul cum Aulicis Matronis; redeunti Principi Rex, & Regina obviam occurrunt. Hoc fere ordine Ludovicus Princeps Asturicensium, Philippi V. gloriosissimi Regis Hispaniæ, & Mariæ Adelaidis Sabaudæ filius solemnibus Baptismi cæremoniis initiatus est in Capella Palatina a Cardinali Portocarrero Archiepiscopo Toletano; sed jam sacro lavacro regeneratus fuerat a Carolo Borgia Archiepiscopo Trapezuntino, Magno Capellano, assistentibus Episcopis Gerundenſi, & Ovedano, statim ac in vitam venit anno 1707. Pariter in Capella Palatina sacro donata fuit Baptismate anno 1638. Maria Teresia Infans Hispaniæ, quæ postea Ludovico XIV. Galliæ Regi nupsit. In Aula Lusitana ordinem sollemnis Baptismi Petri Principis Brasiliensium, die 19. Octobris, anno 1713. in Ecclesia Palatina peracti a Cardinali Nunnez de Attaida Magno Regis Capellano, exhibent cap. 4. §. 2. Cæremonialis Lusitaniæ Dumontius, & Rossuetius. Huic cæremoniæ interfuere Equites Christi, S. Jacobi, & Aviliorum, Magistratus omnes laici, & ecclesiastici, Aulici, Magnates, Rex ipse; hosque sequebatur Regiæ Prolis Educator ferens ulnis suis complexum Regium Puerum, medius inter Magnum Aula Magistram, Magnum Cosmetam, Supremum Præfectum Regii Itabuli, & Ducem Prætoriani militis; tum Aulicæ Matronæ. Absoluto sacro ministerio Hymnum gratiarum actionis Cantores Palatini decantarunt. Ibidem legitur ordo Baptismi Mariæ Maddalenæ Regis filiæ, die 18. Decembris, anno 1711. quam ad Ecclesiam Palatinam detulit ulnis exceptam pariter Educator Regiæ prolis, ibique Aulicus Capellanus sacrum ministerium egit. Tum altero mense Regina solemnī pompa Ecclesiam adiit, obtulit-

que ad Altare filiam, quam Episcopus Helvarum super Altare statuit, donec Sacrum celebraretur.

V. Vix ulla supersunt monumenta, quæ compertum sit, quo loco, quoque ritu Siculi, Neapolitanive Reges ad sacrum regenerationis lavacrum accesserint. Joannes Paterione Archiepiscopus Panormitanus in allegationibus, quas edidit pro sua Ecclesia Panormitana, inter alia privilegia recenset, quod ibi Siculi Reges salutaribus aquis mergerentur. Cui adherens Amatus lib. 13. cap. 1. ait, non in Capella Palatina, sed in metropolitana Ecclesia Regios pueros ablutos, nullum a Pirro in notitia illius Capellæ indicari Regem, qui illic Baptismum acceperit, quos tamen in Cathedrali baptisatos colligitur ex veteribus monumentis; & in Chronico cujusdam Anonymi cap. 72. apud Martene to. 3. Anecd. legitur: *Anno a natiuitate Domini 1305. indic. 3. die Mercurii in mane dici 14. videlicet mensis Julii apud Parcum novum de tenimento Panormi natus fuit ex dicta Domina Alionora uxore dicti Domini Regis Friderici II. eidem Regi Friderico filius nomine Domp. Petrus, qui Domp. Petrus die Sabbati 24. ejusdem baptisatus fuit in Fonte majoris Panormitanæ Ecclesiæ.* At vero in Ecclesia Palatina non semel Regiis pueris collatum Baptisma verisimile est; tum quia Parochialis erat Ecclesia, eaque multiplici titulo præstantissima, tum quia Reges consueverunt in Ædibus suis Baptisma accipere, quod & illis privilegium concessit Viennense Concilium. Accedit, Siciliæ Reges in privilegiis bene multis Panormitanæ Ecclesiæ concessis, quæ exhibent Pirrus, Fazellus, Baronius de majestate Panormitana, & Amatus, non aliam commemorare causam suæ erga Ecclesiam illam munificentiæ, quam quod ibi Diadema Regni acceperint, ibi quoque prædecessorum Regum cadavera tumulata, jaceant. Ecce vero silentio præterissent, se ibi regeneratos esse, Christianæque religioni ibi nomen dedisse? Quoad Neapolitanos Reges, hos consuevisse in Capella Palatina magnis solemnibus celebrare Baptisinata Regiæ prolis, indicat in suis Diariis MSS. Silvester Guarinus relatus a Tutino in libro de septem supremis Officiis Regni, cum agit de Prospero Columna Magno Comestabulo Friderici Aragonii, Regis Neapoli-

politani. Scribit enim ille vernaculo idiomate: *Domenica Pasca Rosata* (nempe die Pentecostes) 19. Maii 1499. la Maestà del Re Federico fece battezzare lo suo figlio per mano dello Archiepiscopo Napolitano di Casa Carafa nella sala grande del Castello nuovo, dove li posero nome Alfonso, e fatto grande triunfo, e festa, e sua Maestà convidò tutti li Baruni, e le Donne di Napoli, che da gran tempo non si ricordano tanto gaudio, e con ipso delli balli, ed altro triunfo non si può narrare, lo Signore Prospero Colonna si fecero Compare con lo Re, e sua Maestà lo fece Contestabile, e lo Signor Fabrizio Colonna si fece Capitanio di gente d'arme, e tutti due fecero dono allo figliuolo da parte dell' altri Baruni. Hujus solemnis Baptisimi, uti testis est idem Tutinus, meminit quoque Jacobus Notarius in suis MSS. Annalibus, referens a Cardinali Oliverio Carafa Archiepiscopo Neapolitano celebratum, pluresque Regulos in patrinorum honorem adscitos fuisse. Sed Julianus Passarus in suis Diariis MSS. ab eodem Tutino relatis scribit, in Capella Palatina Arcis novæ baptisatum Alphonsum filium Friderici Regis, rem ita narrans: *La Regina Isabella moglie di Re Federico partorì un figliuolo mascolo, e subito mandarono un Cavallero al Re, e così se ne tornò da Puglia, e come fu junto in Napoli, ordinò di far lo Battefimo, quale lo fece dentro lo Castiello nuovo perche li nascio, dove si fece Compare lo Signor Duca di Melfe nominato Trojano Caracciolo, & anco se fece per Compare lo Principe de Bisignano de Casa Sanseverino, e lo Signor Prospero Colonna, & anco lo Ambasciador di Venezia, & a lo figliuolo posero nome D. Alfonso Ramir de Aragona, e questo fu alli 19. Maggio, lo dì de Pasqua Rosata con lo maggior triunfo dello Mundo, e lo ditto Battefimo fu fatto alla Capella dentro lo Castiello, ed anco se fece per Compare lo Signor Fabrizio Colonna, e lo Piscopo di Tarracona Catalano. Olini namque fas erat plures susceptores in Baptismo adhibere; sed deinde Concilium Tridentinum sess. 24. de refor. Matr. cap. 2. ne cognationis spiritualis impedimentum latius extenderetur, decrevit, ut unus tantum sive vir, sive mulier, juxta sacrorum Canonum instituta, vel ad summum unus, & una baptisatum*

fatum de Baptismo suscipiant. Hunc ipsum Fridericum Ferdinandi filium solemnī pompa baptisatum fuisse, patrum agente Friderico Imperatore, qui tunc Neapoli aderat, indicat Summontius lib. 5. Hist. Neap. his verbis: *A' 19. dell' istesso mese d' Aprile (come dice il Passaro) per complire l' universale allegrezza e festa, nacque al Duca di Calabria il secondo figliuolo, il quale fu tenuto al battesimo dall' Imperatore, e volse fuisse chiamato del suo nome (che poi succedendo al Regno fu nominato Federico Secondo) e levatosi l' Imperatore una collana, guarnita di pretiosissime gemme, stimata di gran prezzo, la pose sopra al bambino, per lo cui nascimento per molti giorni nella strada dell' Incoronata si fecero bellissime giostre mantenute dal Duca di Calabria*. Quod vero de plenitudinis epulis a Friderico Rege exhibitis occasione solemnīs Baptismi Alphonſi filii, id adhuc in more est in Aula Regum Galliæ: constat enim ex Cæremoniā Gilliæ Gothofredi, Dumontii, & Rosſuetii, in Baptismo Ludovici XIII. anno 1606. & in Baptismo Delphini anno 1668. aliisque Regiæ sobolis Baptismis, peracto sacro ministerio, quod ad vesperam fieri solet, opiparam coenam a Rege susceptoribus instructam fuisse. Cæterum regnantibus quoque Austriacis Hispaniæ Regibus, natalitia Regiæ sobolis celebrata sunt in Aula Neapolitana splendidissimo apparatu, choreis, ludis publicis, spectaculis, concessa pluribus reis venia, festivis ignibus, personatorum turbis, pugnis ludicris, & nobilissima indicta equitatione, qua Reguli, Optimates, & Prorex ipse, equites adibant Metropolitanam Ecclesiam, ut solemnī gratiarum actione acceptum beneficium compensarent: uti sub Proregibus Comite Beneventanorum, anno 1605. in natali Philippi IV. Regis; Duce Alcalensium, anno 1629. in natali Balthassaris Caroli, illius Regis filii; Comite Penarandæ, anno 1661. in natali Caroli II. factum refert Parrinus in Theatro Proregum Neapolitanorum. Qui idem agens de Prorege Comite Castrillensium describit solennia natalitia Philippi Prosperi filii Regis Philippi IV. quum & in Capella Palatina, & in Ecclesia Regia Carmelitarum grates Deo persolutæ fuere, sacris operante Joanne Salamanca Magno Capellano, editis plurimis,

rimis, atque sumtuosissimis publicæ lætitiæ signis. At nulla Neapolitanis illuxit felicior dies, quam ubi natus est e CAROLO BORBONIO Rege, & MARIA AMALIA de Saxonia Regina, gloriolissimis, ac clementissimis, Serenissimus Princeps Philippus Borbonius, hæres paterni imperii: cujus quidem natali felicitatem Neapolitani Regni perennandam, tranquillitatem Italiæ conservandam, paternam virtutem posteris Regibus communicandam, Neapolitanis rebus uberiores, ac diuturniorem gloriam, splendoremque addendum fore, spes est fidissima universis. Natum itaque Principem die 13. Junii anno 1747. & sacris aquis ablutum, ab amplissimo, & religiosissimo Cardinali Josepho Spinelli Neapolitano Archiepiscopo, solemnibus Baptismi cæremoniis initiandum, atque illius susceptrores fore Ferdinandum Hispaniæ Regem, & Mariam. Barbaram Hispaniæ Reginam, Regales Parentes decrevere. Ad eam rem Neapolim ablegavit Rex Catholicus Ducem Metinæ-coeli nobilissimum Hispaniæ Magnatem primi subfellii, qui ejus nomine, & vice patrinum ageret: a Regina vero Hispaniæ demandatæ fuerunt ejus vices in eodem explendo munere Catherinæ Carafæ, Principi Colubrani, Primæ Aulae Matronæ. Ubi igitur omnia ad tantam celebritatem agendam in promptu fuere, stata die 4. Februarii, anno 1748. Dux Mirandæ, Regis a cubiculo, aurea clave donatus, Curru Regio sex equis ducto advectus, ædes adiit, in quibus Hispanus Legatus diversabatur, ut eundem ad agendum cæremoniam deduceret. Uterque deinde Regium currum conscendit, ac præcedente magna famulorum copia, incedentibus a dextra, lævaque currus octo adolescentulis e famulitio ipsius Ducis, sequentibus sex ejusdem rhedis, quarum singulis alligati erant sex equi, tum pluribus aliis rhedis, quas honoris, & pompæ causa, Proceres Aulici eo miserant, sumptu, luxuque magnificentissimo ad Ædes Regias processere. In area amplissima Palatii Regii instructi fuere in acie milites Prætoriani Itali, Helvetiique: tum a dextra, lævaque scalarum, a Palatii atrio usque ad ædium Reginæ vestibulum, constitutus in acie miles hastatus. Ubi ad hoc vestibulum ventum est, Dux militis custodis corporis Regis, occurrit Hispano Legato, eumque ad inte-

interiores ædes duxit : ac interea temporis , eo quoque pervenit Princeps Colubrani Prima Aulæ Matrōna , quæ partes implebat Hispanæ Reginæ , media inter Januarium Carasam Roccellæ Principem , Regis a cubiculo , atque Socium Regalis Ordinis S. Januarii , & Principem Roccæ Aulicam Matrōnam , a quibus ex ædibus suis in ipso Palatio Regio positis , ad Reginæ ædes deducta est ; illamque hastatus miles consueto militari obsequio coluit , & Dux custodum corporis Regis excepit . Tum ex ædibus Reginæ hoc ordine ad Capellam Palatinam progressi sunt universi : præibat Magister Ostiarius Domus Regiæ , vulgo *Usciere Maggiore* , post hunc Feclialis seu *Re dell'armi* incedebat , cum quatuor Caduceatoribus seu *Mazzieri* ; sequebantur ii , qui Regis sunt a cubiculo aurea clave donati , tam qui honoris causâ sunt in illum coetum adsciti , quos vocant *Gentiluomini d'entrata* , quam ii qui operam suam in Aula præstant , dicti proinde , *Gentiluomini d'esercizio* ; hos excipiebat Eleonora Sfortia Cesarini Marchionissa S. Marci , & Educatrix Regiæ sobolis , deferens ulnis suis complexum Regalem Puerum sacris caremoniis initiandum , media inter Ducem Metinæ-coeli a dextra , & Principem Colubrani a sinistra incedentes ; denique claudebant agmen Matrōnæ Aulicæ . In Capella Palatina amplissimus , & emeritissimus Antistes Neapolitanus Joseph Cardinalis Spinelli , summis semper laudibus commendandus , ob insignem probitatem morum , studium conservandæ ecclesiasticæ disciplinæ , & fovendæ rei litterariæ , & plurima erga Ecclesiam suam benefacta , sacro functus est ministerio juxta consuetum Ecclesiæ ritum : eoque absoluto , Lelius Carasa Marchio Arienſis , Dux militum custodum corporis Regis , Socius Regalis Ordinis S. Januarii , tamquam Protonotarius Regni tabulas conscripsit , quibus testabatur solemnem illam caremoniam peractam fuisse ; adhibitis ad eam rem testibus Principe Aragonæ Supremo Præfecto Domus Regiæ , & Principe Hostiliani Supremo Regii stabuli Præfecto . Hisce itaque caremoniis Serenissimus Neapolitanus Princeps Philippus sacris ablatus est aquis . At Serenissimum Principem Carolum Antonium natum die 12. Novembris , elapso anno 1748. nulla

poni-

pompa, nullisque solemnibus sacro regeneravit lavacro in vil-
lari Domo Regia Porticensi idem amplissimus Cardinalis Ar-
chiepiscopus Neapolitanus. Deus Optimus Maximus Regiam
fobolem diu nobis, Europæ, & Ecclesiæ servet incolumem.

VI. Addere juvat titulos, quibus donati fuere nostro-
rum Regum liberi, ut moris est apud omnes fere Europæ Prin-
cipes. Normannos, qui Regio titulo in Sicilia, & in Apulia
imperarunt, jam diximus se inscripisse Reges Siciliæ, Du-
catus Apuliæ, & Principatus Capuæ: quod priscis tempori-
bus Sicilia suos habebat Reges, Apulia vero diceretur Du-
catus, Capua quoque sub Longobardis insignem Principatum
constitueret. Et hinc Lotharius Imperator Neapolitano Re-
gno potitus, uti scribit Diaconus lib. 4. cap. 26. Rainulphum
constituerat Ducem Apuliæ, & Robertum Principem Capuæ,
utrumque sui exercitus ducem, sibi addictissimum. Diximus
etiam Normannos Principes non semel se se Reges Siciliæ, &
Italiæ, vel Siciliæ, & Apuliæ dixisse: at consuetudo tamen,
titulo dicebantur Reges Siciliæ, Ducatus Apuliæ, & Princi-
patus Capuæ. Quamobrem illorum filii hisce titulis Ducatus,
& Principatus donati fuere: ita ut natus maximus, hæres Re-
gni diceretur Dux Apuliæ, secundo loco natus vocabatur Prin-
ceps Capuæ, tertius vero Princeps Tarenti. Ita Rogerius
filius natus maximus Rogerii I. Regis ex Albira uxore, consti-
tutus est anno 1130. Dux Apuliæ; tum anno 1139. Dux Nea-
polis, quod hæc amplissima Civitas a Rogerio subacta esset,
& e vivis excessisset Sergius Dux Neapolitanorum, uti legi-
tur in Chronico Falconis apud Caracciolum. Amphusium al-
terum Rogerii I. Regis filium nuncuparunt Capuæ Principem,
& extincto Rogerio fratre, Ducem Neapolis. Willelmum
eiusdem Rogerii I. filium, qui deinde præmortuis fratribus
in imperio successit, dixere Principem Capuæ. Præter hos,
duo alii memorantur a Scriptoribus filii Rogerii Regis, Tan-
credus nempe Princeps Barenis, & Henricus Princeps Ta-
renti. Pariter Rogerio primogenito Willelmi I. Regis ex
uxore Margarita, filia Regis Navarræ, datus est anno 1154.
titulus Ducis Apuliæ, quem novennem puerum excitata sedi-
tione Siculi Regem acclamarunt, sed gravi pedis ictu ab ira-

to parente percussus paulo post obiit. Henricus alter Wilhelmi I. filius, appellatus est Princeps Capuæ; & a nonnullis Scriptoribus memoratur Robertus ejusdem Regis filius, & ipse Principatus Capuani titulo donatus. Wilhelmo II. Regi nulli fuerunt liberi ex Joanna uxore, filia Henrici Regis Anglorum: quamobrem illi in imperio successit Tancredus Comes Licii filius nothus Rogerii Ducis Apuliæ, primogeniti filii Rogerii I. Regis. Tancredi quarti e Normannorum stirpe Regis Sicilia filius natu maximus Rogerius ex uxore Sybilla, Richardi Comitis Acerrarum filia, dictus est quoque Dux Apuliæ. Sed huic e vivis sublato, antequam regno potiretur, successit Wilhelmus hujus nominis III. quem, nulla ducta uxore, Henricus Imperator regno, oculis, & virilibus privavit immuni crudelitate. Patet itaque, sub Normannis Regibus, qui dicebantur Sicilia Reges, Ducatus Apuliæ, & Principatus Capuæ, primogenito filio, hæredi Regni collatum fuisse titulum Ducis Apuliæ, aliisque Regiis liberis titulos Principum Capuæ, & Tarenti. Atque hujusmodi tituli adeo Regiis filiis, nec ullis aliis convenire existimabantur, ut hoc prætextu Wilhelmus I. Tarentino Principatu privaverit Simonem nothum filium Rogerii I. Regis, cui parens Principatum illum ex testamento concesserat, quod nempe non nisi legitimi Regum filii dicendi essent vel Duces Apuliæ, vel Principes Capuæ, vel Principes Tarenti; nothis vero liberis non nisi Comitis titulus deberetur, uti narrat Falcandus in Chronico. Et quidem tunc temporis, præter Regios liberos, nulli vocabantur Principes, aut Duces, sed Comites, etsi Regia cognatione vel stirpe eminent. Normannis Regibus Svevi Imperatores successere Henricus VI. Fridericus II. Conradus, Manfredus, hique pariter inscribebantur Reges Sicilia; Ducatus Apuliæ, & Principatus Capuæ, tum etiam Reges Hierusalem, quod Jole filia Joannis de Brenna Regis Hierusalem, & uxor Friderici II. paterna in Hierosolymitanum imperium jura viro communicasset; qui proinde Hierosolymam adiens, ibi anno 1229. die Paschatis unctus, coronatusque est. At Svevorum Principum filii nec Ducatus Apuliæ, neque Principatus Capuæ, aut Tarenti titulis ornati leguntur; exco-

excepto Manfredo filio notho Friderici, cui Principatum Tarentinum contulit parens, quod illi simul essent Imperatores, Regesque Germaniæ, aliisque titulis liberos suos exornarent. Ita ex Friderici II. Imperatoris, Regisque Siciliæ filiis, Henricus dictus est Rex Germaniæ, Corradus dictus est Rex Romanorum, alter Henricus Rex Siciliæ: tum ex illius nothis, Entius Rex Sardinia, Fridericus Princeps Antiochiæ, Henricus Rex Corsicæ, Manfredus Princeps Tarenti, Richardus Comes Civita. Manfredum Svevorum Regum postremum Carolus Andegavenfis & imperio, & vita privavit, quum a Clemente IV. donatus est imperio Siciliæ citra & ultra Pharum, nonnullis statutis conditionibus, quæ tum apud nostrarum rerum Scriptores, tum in Anecdotis Martene, ubi etiam habetur Infeudatio facta a Pontifice, legi possunt. Sed invisum, insensumque Gallorum imperium Siculi anno 1271. excitata, famosa seditione, insigni Gallorum clade excusserunt, accersito ad Regnum occupandum Petro Rege Aragonum, qui Constantiam duxerat Manfredi Regis filiam; neque umquam vel Romanorum Pontificum censuris, vel Caroli, & successorum Regum Andegavensium armis, in horum potestatem, ditionemque redigi potuere. Itaque Siciliam ultra Pharum Aragonii Reges administrarunt: qui tamen nec ipsi, neque eorum liberi dicti sunt, vel dici poterant Duces, aut Reges Apuliæ, vel Principes Capuæ: bene vero sibi addidere titulos Ducis Athenarum, & Neopatriæ. Ita Rogerius Manfredus, Wilhelmus, Joannes filii Friderici II. Regis appellati fuere Athenarum Duces, tum Duces Neopatriæ, & Randacii. Et Fridericus III. filius Petri Regis, antequam imperio potiretur, vocabatur Dux Athenarum & Neopatriæ: & Martinus Rex se inscribebat Regem Siciliæ, Ducatum Athenarum, & Neopatriæ Dux, uti legitur apud Pirrum in Chronologia Regum Siciliæ. Imo Fridericus II. anno 1302. & Fridericus III. anno 1363. Reges Siciliæ ultra Pharum, inito foedere cum Carolo II. & Joanna I. Neapolitanis Regibus convenere, ut non ipsi dicerentur Siciliæ Reges, sed Trinacriæ, Neapolitanis vero Regibus Andegavensibus hæreret titulus Regis Siciliæ. Quamobrem Andegavenses Principes etsi solam Apuliam, seu

Neapolitanum Regnum administrarent, adhuc nuncupabantur Reges Siciliæ, Ducatus Apuliæ, & Principatus Capuæ, uti constat ex plurimis eorum litteris relatis, tum a Neapolitanis Scriptoribus, tum a Martene in Anecdotis. Sed & Comites Forcalquerii, Provinciæ, & aliarum in Gallia ditiorum vocabantur; uti in quibusdam litteris Caroli I. datis anno 1270. Baillivo Andegavenſi tom. 1. Anecd. Martene is titulus occurrit: *Carolus Rex Hierusalem, Siciliæ, Ducatus Apuliæ, Princeps Capuæ, Princeps Achajæ, Andegavii, Provinciæ, Forcalquerii, Tornodori Comes*: & in pacto matrimonii inter Carolum Regem Aragonum, & Margaritam, filiam Caroli II. Regis Siciliæ, anno 1290. apud eundem, Martene, is titulus legitur: *Carolus D. G. Rex Hierusalem, & Siciliæ, Ducatus Apuliæ, Principatus Capuæ, Andegaviæ, Provinciæ, & Forcalquerii Comes*. Porro Caroli I. Andegavenſis primogenitus filius Carolus, dictus est Salerni Princeps, isque defuncto patre, imperium tenuit sub nomine Caroli II. Hujus filius natu major, Carolus Martellus coronatus est Rex Hungariæ anno 1290. die 8. Septembris, quod defuncto Ladislao Hungariæ Rege, nulla superſtite prole, Regnum materno jure ad illum perveniſſet. Is tamen ſupremum obiit anno 1301. Robertum Caroli II. alterum filium, hæredem Regni, Ducem Calabriæ nominarunt, tum Philippum alterum filium Principem Tarenti, Trifanum Principem Salerni, Joannem Principem Achajæ, & Ducem Dyrrhachii, Petrum Gravinæ Comitem. Deinceps primogeniti filii, noſtrorum Principum, hæredes Regni, inſigniti fuere titulo Ducum Calabriæ; uti Carolus Roberti Regis filius natu major; & eo mortuo, Andreas filius Caroli Humberti Regis Hungariæ, filii Caroli Martelli; Ludovicus Tarentinus & Jacobus Aragonius ambo conjuges Joannæ I. Regina. At Ottotini Brunſuicenſi, cui quarto nupſit Joanna Regina, Tarentini Principatus titulum, ditionemque conceſſit. Quamobrem ubi Joanna I. Ludovicum Ducem Andegavenſem, adoptionis nomine ſibi filium ſucceſſoremque declaravit, eundem conſtituit Calabriæ Ducem, ut eo titulo hæredem Regni denotaret. Ita enim legitur in litteris adoptionis a Joanna I. datis

datis anno 1380. relatis tom. 1. Anecdotorum a Martene :
 Nos itaque dictum Dominum Ludovicum Ducem legitimum
 filium nostrum adoptivum , heredem , & successorem nostrum
 post tamen obitum nostrum , ut est dignum , quem intra nostra
 præcordia intensa , & interna dilectione amplectimur , totis
 cupientes studiis prosequi , privilegiis , libertatibus , titulis ,
 prærogativis , dominationibus , dignitatibus , honoribus , &
 præeminentiis , perinde ac si noster legitimus filius ex
 naturalis , Ducatum Calabriæ , quem semper primogeniti Re-
 gni Siciliæ , & futuri Reges habere consueverunt , & conti-
 nue de eodem Ducatu fuerunt intitulati , & ipsius Ducatus
 Duces nominati , & appellati in executionem , & demonstra-
 tionem clariorem , quod nos ipsum Dominum Ludovicum Du-
 cem ex nunc habemus , tenemus , & reputamus nostrum legi-
 timum adoptivum filium , & post nostrum obitum heredem ,
 & etiam successorem , eidem Domino Ludovico &c. Tum ita
 describitur a Martene sigillum , quo obsignatæ erant Joannæ
 litteræ : Scellé en las de soie cramoisi , & iaune en cire ver-
 meille représentant d'un côté la Reine Jehanne sur son thros-
 ne , la couronne en teste , tenant de la main droit un sceptre ,
 au haut duquel est une fleur de lis , & de la main gauche une
 boule : ledit sceau semé de Croix , est de fleurs de lis , & au-
 tour est écrit : Johanna Dei gratia Regina Hierusalem , &
 Siciliæ , Ducatus Apuliæ , & cæt. Et au contre-scel sont mar-
 qués cinq petits ecussons , un au milieu , un en haut , un en-
 bas , & deux aux costez , lesquels ecussons sont semblables , &
 sont mi-partis de Hierusalem , & de Sicilie , & dans le dit
 contre-scel pour garnir , sont plusieurs las , dans lesquels sont
 figurez de lions , & des oiseaux , & au tour est écrit : Prin-
 cipatus Capuæ , Provinciæ , Forcalquerii , ac Pedemontis
 Comitissa . Le sceau a plus de trois pouces de diametre . Joan-
 næ imperium , vitamque abstulit Carolus III. Dyrrhachinus ,
 & huic in Hungaria interfecto , quo regnandi causa se contu-
 lerat , succedere Ladislaus , & Joanna II. ejus filii ; his vero
 extinctis nulla edita prole , Neapolitanum Regnum cessit
 Alphonso Aragonum , & Siciliæ Regi , quem Joanna adopti-
 vum filium constituerat . Nec Alphonso ulli fuere liberi , præ-

ter

ter Ferdinandum ex illegitimo conjugio procreatum; quem Regni heredem, Ducemque Calabriae declaravit anno 1443. in Comitibus Regni, & cui Proceres, Regulique fidelitatis sacramentum, hominumque persolverunt. Ritus, quo Ferdinandus inauguratus est Dux Calabriae indicat Summontius lib. 5. Hist. Neap. his verbis: *Nel seguente giorno, che fu la Domenica a' tre dell'istesso (Marzo) il Re con il figliuolo dal Baronaggio accompagnato, conferitosi nella Chiesa delle Monache di S. Ligorio diede a D. Ferrante l'insegne del Ducato di Calabria, ponendoli il cerchio d'oro nel capo, e la spada guarnita di gioje nella man destra, confermandolo Duca di Calabria, e suo successor nel Regno, facendone celebrare publica instrumento.* Porro Rex Alphonsus hisce titulis se inscribebat: *Alphonfus Dei Gratia Rex Aragonum, Siciliae citra, & ultra Pharam, Valentiae, Hierusalem, Hungariae, Majoricarum, Sardiniae, Corsicae, Comes Barchionae, Dux Arbenarum, & Neopatriae, ac etiam Comes Rossilionis.* At Ferdinandus Alphonsi filius nuncupabatur Rex Siciliae, Hierusalem, & Hungariae: & Alphonsus illius filius natu major, dicebatur Dux Calabriae. Pariter hoc titulo donatus est Ferdinandus II. primogenitus Alphonsi Regis, illumque Pontifex Alexander VI. anno 1494. constituit Calabriae Ducem, tradito ense, & galero, uti narrat Summontius lib. 6. Hist. Neap. *Ma prima che il Papa desse licenza al Duca, avendo nella mattina di Natale celebrata la Messa nella sua Cappella, chiamò a se il Duca, e li pose in testa una biretta di velluto fodrata di vajo, con un rivolto dell'istesso vajo, e li cinse la spada investendolo del Ducato di Calabria per farlo legitimo successore del Regno.* Sed Brochartus in suis Diariis manuscriptis non meminit hujus concessae investiturae, etsi innuat enssem benedictum illi traditum; addit ab Urbe recessisse associatum ad portam usque a duobus Cardinalibus simul cum eo equitantibus, uti etiam Urbem adiens exceptus fuerat. Jam vero ex his patet, sub Normannis primogenitos nostrorum Regum filios dictos fuisse Duces Apuliae, at sub Andegavensibus, & Aragoniis Duces Calabriae; & hinc insignis Jurisconsultus Andreas Aeserniensis scribit: *Primogenitus Regis dicitur*

sur a Rege investitus de regione illa, & habere eam in feudum. Quamobrem Neapolitano Regno ad Hispanos Austriaeos Reges pervento, Principes Asturicensium dicebantur quoque Duces Calabriae, uti notat Auctor Historiae civilis Regni Neapolitani, quod Regni Siciliae haeredes essent, ac successores.

C A P U T VIII.

DE NUPTIIS REGUM.

Regum conjugia celebrari solent in Capella Palatina. II. Ordo benedicendi nuptias in Aula Imperatorum Germanorum. III. & in Aula Regum Galliae. IV. De nuptiis Regum Hispaniae. V. Ordo celebrandi conjugii in Aula Neapolitana, regnantibus Aragoniis. VI. De conjugio CAROLI BORBONII, & MARIAE AMALIAE de Saxonia Regum utriusque Siciliae.



Christianorum matrimonia publico in loco, & in Ecclesia, a primis Ecclesiae saeculis celebrata fuisse indicat Tertullianus in libro de Monogamia scribens, ea fieri debere *coram Episcopo, Presbyteris, Diaconis, interuentibus etiam in Ecclesia viduis*. Hinc vetusti Rituales libri, & antiqua Sacramentaria ad nuptias in-
eundas exhibent Missam pro sponso, & sponsa celebrandam, & benedictionem dandam in Ecclesia a proprio Sacerdote; quamvis in aedibus conjugum thalamo adstantium, quandoque solemnibus nuptiarum benedictio fuerit celebrata. Et notat eruditissimus Martene lib. 1. cap. 9. art. 5. de antiq. Eccl. rit. vetitum aliquando fuisse sub anathematis poena Matrimonium in privatis Oratoriis celebrare, uti constat ex Statutis Guillelmi majoris Episcopi Andegavenis, & Tristandi Archiepiscopi in Synodo Senonensi, quae exstant in Spicilegio Dacheriano. At ex antiquissimo more Conjugia Regum benedici consueverunt in eorum Oratoriis Palatinis. Ita Joannes Patriarcha Constantinopolitanus ab Imperatore Mauritio rogatus, ejus benedixit
nup-

nuptias in Palatio, uti testatur Theophilactus Simocata lib. 1. Hist. Mauricianæ: & Theophanes narrat in Domo Marinæ Augustæ celebratas fuisse nuptias Dementiæ filiæ Phocæ Imperatoris cum Prisco Patritio. Idem Theophanes lib. 4. n. 35. testis est, in Oratorio Palatino Deiparæ Phari a Michaelæ Imperatore constructo, sæpe sanctificata fuisse Imperialia conjugia. Eundem viguisse morem apud nostros Siciliæ Reges, indicat Romualdus Guarna Archiepiscopus Salernitanus, auctor coævus in Chronico rerum a Normannis gestarum edito tom. 1. Script. Ital. Muratorii, ubi narrat Guillelmo II. Siciliæ Regi desponsatam Joannam filiam Henrici Regis Anglorum in Capella Palatina Panormitana: *Convocatis autem*, ait, *Rex Guillelmus Proceribus Sicilia, & magna populi multitudine, prænominatam filiam Regis Angliæ in Capella sua desponsavit, & se, & eam gloriose coronari fecit, & solemnes de illa nuptias celebravit.* Non raro tamen in Ecclesiâ metropolitana Regales nuptiæ consecrabantur, quemadmodum de Blanca filia Caroli Regis Navarræ desponsata Regi Martino I. juniore constat ex monumento quodam edito ab Amato lib. 13. cap. 1. de princ. Temp. Pan. ubi: *Providus Notarius Urbanus de Simbaldinis testis juratus, & interrogatus dixit, quod cum Serenissima Regina Blanca bonæ memoriæ esset eques, induta regalibus, & solemnibus indumentis, ante januam cortilis hospiti. magni regii, olim de Claromonte, causa eundi ad majorem Panormitanam Ecclesiâ ad se desponsandam cum Serenissimo R. Martino felicitis memoriæ, olim Rege Sicilia, & ibidem convenissent, & essent nonnulli Nobiles tam felicitis Urbis Panormi, quam nobiles civitatis Messanæ, seu Ambaxiadores ipsius civitatis, orta esset inter eos disceptatio, & altercatio magna, quis eorum ducere debebat curdonem habennarum equitaturæ Domine Regine a parte dextera: insistebant enim Ambaxiatores civitatis Messanæ asserentes ad eos spectare partem dexteram: Officiales vero dicte urbis repugnabant, dicentes, ad eos dictam partem dexteram spectare ex eo quia representabant universitatem dicte urbis, tamquam caput regni Sicilia, & altercato per magnum spatium inter eos, fuit finaliter conclusum, & deliberatum per sa-*

crum

erum regium concilium dicti D. Regis Martini, quod Officiales universitatis dictæ urbis, quæ est caput regni, deberent ire ex parte dextera, & dicti nobiles Ambaxiadores Messanenses ex parte sinistra, & sic actum extitit. Inde patet, quæ pompa Siculæ Reginæ ad nuptias ducerentur. Pariter Neapolitanorum Regum conjugia, etsi aliquando in Ecclesia metropolitana, uti anno 1477. matrimonium Joannæ Aragoniæ cum Ferdinando I. Rege; aut in Ecclesia Sanctæ Mariæ Coronatæ, ubi Alphonfus Dux Calabriæ nupsit Hippolitæ Sfortiæ Mediolanensium Ducis filiæ; tamen sæpissime in Capella Palatina celebrata fuere. Jacobum enim Comitem Marchiensem in Arce nova, benedicto, traditoque anulo, uxorem duxisse Joannam II. Reginam, testantur Diaria Neapolitana to. 21. Script. Ital. Muratorii. Conjugium inter Sanciam Aragoniam Alphonfi II. filiam, & Joffredum Borgiam nepotem Alexandri VI. in Capella Palatina celebratum describit Brochartus in suis Diariis manuscriptis. Et ita rem ut plurimum se habuisse, indicant nostrarum rerum Scriptores, ubi referunt, in Arce nova, quæ fuit Regum domicilium, acta esse Regia conjugia. Quin & Principum Regiæ stirpis nuptiæ ibidem benedici consueverunt. Narrat enim Dominicus Gravinensis in Chronico rerum in Apulia gestarum tom. 11. Script. Ital. Muratorii, Joannam I. Reginam optasse, ut matrimonium inter Mariam sororem suam, & Carolum Ducem Dyrrhachii, quod Agnes Caroli mater, infcia Regina, spe assequendi Regni conciliaverat, in Capella Palatina Arcis novæ celebraretur; ut ea occasione conjugem Arcem ingressum in carcerem coniceret, infensasque nuptias irritas redderet: cujus rei Carolus confcius factus abstinuit ab Arcis ingressu, initoque in Capella sua conjugio, Reginæ insidias evasit. Porro haud est silentio obvoluendum, quanta olim magnificentia Neapolitanorum Regum nuptiæ celebrarentur. Pontanus enim lib. de magnific. cap. 16. ita scribit: *Neapolitanorum Rex Ferdinandus in Hippolitæ Mariæ nurus, & Alphonfi filii nuptiis, Principes, ac populos Italiæ omnes ad eas invitavit, missi ab iis Oratores singulari comitate accepti. Ludi pluribus diebus editi, orchestris, ac gradibus ad spectandum magnis sumptibus dispositis,*
P P *iisque*

iisque partim purpura, ac serico, partim variato panno in-
 tectis, equestris concurfiones magno apparatu hominum, at-
 que equorum factæ. Epulæ lautiffimæ, ac largiffimæ præbi-
 tæ. Quibus tamen quamvis nihil defuisse videtur, longe ta-
 men fpectationes fuere nuptiæ, quas Alphonsus pater fecit col-
 locata Helionora nepte Friderico III. Germanorum Imperatori,
 in quibus Imperator ipfe cum omni fere Germaniæ nobilitate
 affuit, compluribus item Hispaniæ Principibus, qui Heliono-
 ram ex Hispania deduxerunt. His in nuptiis, ut alia taceam
 venatio exhibitæ est quatuor millibus passuum a Neapoli, qui
 locus a Regibus venationi statutus est. Fixa tentoria in campis
 secundum Anguianam paludem, fontes e vario vini genere,
 passim ad littus facti: mensæ apparatus, in quibus supra tri-
 ginta hominum millia discubuerunt. Iluc accedit, quod qui spe-
 ctandi gratia convenerant, plurimi mortales, onerati escu-
 lentis plurimorum dierum domum rediere. Nesciam, an sol in
 hoc magnificentiæ genere quidquam viderit magnificentius. Et
 rursum lib. de splend. cap. 4. loquens de eodem Alphonso:
 Quo tempore, ait, Helionoræ neptis nuptias, de quibus di-
 ximus celebravit, Dii boni, non Regiam modo suam, non
 Friderici Augusti, non tot Procerum domos, sed pene urbem
 omnem luculentissime exornavit. Quin etiam miri operis ten-
 torium secundum Anguianam paludem statuit die venationis,
 quod magni etiam oppidi instar erat, quo die videre licuit non
 tentorium modo ipsum, sed paludis oram omnem splendere sa-
 petic aulæis, abacis scenicis, e frondibus, e pannis, e pan-
 nis, e variis etiam textis. Denique non abs re erit addere,
 Clementem IV. potestatem fecisse Carolo Andegavenfi, ut
 Regiæ prolis conjugia infra quartum cognationis gradum con-
 traherentur. Clementis litteras datas anno 1267. exhibet Mar-
 tene tom. I. Anecd. *Carissimo in Christo filio Carolo Regi Sici-
 liæ illustri. Etsi conjunctio copulæ conjugalis in quarto consan-
 guinitatis, & affinitatis gradu sacris sive canonibus interdicta,
 Apostolicæ tamen Sedis providentia rigorem mansuetudine,
 temperans super his dispensat interdum, & quod negat juris
 severitas, de gratia benignitatis indulget, præsertim cum
 necessitas exigit, & causa rationabilis id exposcit.* Cupientes
 igit-

igitur statum tuum ex omni latere stabiliri, & ut liberos tuos utriusque sexus quibuscumque personis matrimonialiter valeas copulare, etiamsi quarto affinitatis, vel consanguinitatis gradu invicem se contingat, dummodo aliquod canonicum non obstat, auctoritate tibi presentium duximus indulgendum.
Nulli ergo &c. Datum Viterbi v l l l. Idus Novemb. anno l l l.
 Nunc de ordine agendum est, quo in Aulis Principum, illorum conjugia celebrantur.

II. Constat ex monumentis a Dumontio, & Rossuetio prolatis in Cæremionali Imperii lib. 1. cap. 2. Apocrisarium Romani Pontificis anno 1673. nuptias benedixisse Leopoldi Imperatoris & Claudie Felicitæ Austriacæ in Ecclesia Jesuitarum Graciacensi: Episcopum vero Rhegiensem anno 1699. nuptialem benedictionem Josepho Regi Romanorum, & Wilhelminæ Amaliæ de Luneburgo in Capella Palatina Ducis Mutinensium contulisse: Cardinalem denique de Saxe-zeits anno 1708. in Schombrunensi Ecclesia Sanctæ Mariæ de Hit-zingen sacro eodem functum esse ministerio in conjugio Caroli Regis Romanorum, & Elisabethæ Crislinæ de Wolfembutel; quæ deinde Barcinonem adiens, ubi Carolus conjux morabatur, rursus benedictione Ecclesiæ donata est in Cathedrali Barcinonensi. At Maria Terefia Caroli VI. Imperatoris filia desponsata fuit Francisco II. Duci Lotharingæ in Imperiali Ecclesia Viennensi Augustinianorum Discalceatorum, die 12. Februarii, anno 1736. hoc quidem ritu. Ad vesperam illius diei, Imperator cum universo Aulico comitatu, sponsa media inter Imperatricem Amaliam de Luneburgo Josephi Imperatoris viduam, & Elisabetham de Wolfembutel Caroli VI. conjugem, ad Ecclesiam accessere; ad cujus fores ab Apocrisario Pontificio Crux illis est exhibita, ut eam oscularentur. Tum primo quidem ad Sacellum Sanctæ Mariæ Lauretanæ decantatis Litanis, mox ad Aram principem, sedentibus Imperatore, Imperatricibus, & sponsis, lectæ sunt a Parocho Aulæ Imperialis litteræ Pontificiæ: iisque lectis, consueto Ecclesiæ ritu, Apocrisarius Pontificius sponfos matrimonii vinculo conjunxit; tandemque Hymno gratiarum actionis solemniter a Musicis Aulæ Imperialis decantato, absoluta est cæ-

remonia. Sequenti vero die, Imperator, Imperatrices, conjugesque ad eandem Imperialem Ecclesiam rediere, ut Sacro adessent, quod ab eodem Apocritario Pontificio peractum est, assistentibus Parocho, & Capellanis omnibus Aulicis: dictoque Hymno *Gloria in excelsis*, Psalmum *Beati omnes* modis musicis Cantores Aulae Imperialis subjunxerunt. Ad Oblationem, uterque conjux, flexis ad Altare genibus, osculata sacra Patena ab Antistite porrecta, nummos quosdam aureos obtulit. Ad Orationem Dominicam, rursus accessere ad Altare, Antistesque super eos recitavit consuetam Ecclesiae orationem. Tandem ad Missae finem, denuo Altare aduentibus, recitata est ab Antistite oratio *Deus Abraham &c.* conjugesque adpersit aqua benedicta.

III. Describit Gothofredus in Cereemoniali Galliae ordinem, quo inita fuere conjugia anno 1558. Francisci Delphini filii Henrici II. Galliae Regis, cum Maria Stuarda Scottorum Regina; & eodem anno, Claudiae ejusdem Regis filiae, cum Carolo II. Duce Lotharingiae; tum anno 1559. Elisabethae pariter Henrici II. filiae, cum Philippo II. Hispaniae Rege; & anno 1572. Henrici IV. Galliae Regis, cum Margarita sorore Caroli IX. itidem Regis Francorum. Regias haec nuptias Cardinalis Borbonius Pontificalibus indutus insignibus conciliavit ad valvas Ecclesiae metropolitanae Parisiensis, excitato ibi amplo, & sublimi tabulato ad sacram cereemoniam peragendam; qua finita conjuges, Rex, cum magno Principum, Praefulum, Oratorum, atque Aulicorum comitatu Ecclesiam ingressi, Sacro adfuerunt celebrato ab Episcopo Parisiensi, dum interim Feciales, projectis in populum nummis, pluries acclamarent *Largeffe*. Nunc vero plerumque in Capella Palatina, Regia conjugia a Magno Eleemosynario benedicuntur, qui idem in cubiculo Regis adesse solet sponsalibus Regiis conciliandis. Ita in Capella Palatina Versaliarum, anno 1697. Cardinalis Coislinus Primus Eleemosynarius Regis benedixit Philippi Borbonii Ducis Burgundiae, Ludovici XIV. filii, cum Maria Adelaida Sabauda nuptias. Ibidem anno 1684. a Cardinali Buillonio Magno Eleemosynario Anna filia Ducis Aurelianensium nupta est Victorio

Amc-

Amedeo Duci Sabaudia, cujus vices agebat unus e Regia stirpis Principibus. Ibi etiam, anno 1698. Cardinalis Coislinus Primus Eleemosynarius sacrum egit ministerium, ut Leopoldi I. Ducis Lotharinga, & Carlotta Elisabetha Aurelianensis matrimonium conciliaret. Maria Ludovica filia Ducis Aurelianensis nupsit Carolo II. Hispania Regi, anno 1679. in Capella Palatina Fontis-bellaquei, Cardinali Bullionio Magno Eleemosynario sacris operante; qui primum benedixit anulum, tum tredecim nummos donandos sponsa, deinde Sacrum celebravit. Evangelii, & pacis osculum Episcopus Aurelianensis, Primus Eleemosynarius una cum Episcopo, qui ministrabat Antistiti Sacrum facienti, praeuere Regi, Regina Gallia, & Regina Hispania. Absoluto Sacro, accepta benedictione, osculatis sacris Corporalibus, subsignato libro, ubi reconferuntur inita conjugia, juratum fuit a Rege foedus Novionagi firmatum cum Hispanis, ultimo decantatus est Hymnus gratiarum actionis. Verum Ludovicus XIV. nupsit Mariae Teresia, filiae Hispania Regis in Ecclesia S. Joannis de Luz, quo se contulerat, ut conjugii ex Hispania venienti occurreret. Sacro functus est ministerio Episcopus Bajonensis; atque Cardinalis Mazarinus vices agens Magni Eleemosynarii exhibuit Regi ad Liturgiam Evangeliorum librum, & osculum pacis. Quandoque tamen Regum Gallia conjugia alibi per procuratorem celebrantur; sed ubi Regalis conjux Galliam, Regemque conjugem adierit, rursus precibus, & benedictione Ecclesia sanctificantur. Nam ex Gothofredo in Ceremoniali Gallia constat, Elisabetham filiam Maximiliani II. Imperatoris, anno 1570. in Cathedrali Spirensi ab Archiepiscopo Moguntino desponsatam Carolo IX. Gallia Regi; & Mariam Mediceam anno 1600. Florentia, a Cardinali Aldobrandino Legato Pontificio desponsatam Henrico IV. Gallia Regi, deinde in Gallia, simul cum conjugem, audita Liturgia, benedictionem nuptialem accepisse. Eodem modo res se habuit in nuptiis gloriosissimi Regis Ludovici XV. & Mariae Lenszinski filiae Stanislai Regis, quas describunt Dumontius, & Rossuetius in Ceremoniali Gallia. Siquidem primo in Cathedrali Argentoratensi, die 15. Augusti, anno 1725. Cardinalis

nalis Rohanus illius civitatis Episcopus, & Magnus Eleemosynarius hæc nuptias conciliavit, anulum benedixit, atque tredecim nummos juxta morem Gallorum, vices Regis agente Duce Aurelianensium. Postquam vero Regina ad Fontem-bellaqueum pervenit, nuptialem benedictionem accipere Regales conjuges in Capella Palatina ab eodem Magno Eleemosynario, & hoc quidem ritu. Capellam Palatinam Regales conjuges, præeunte universo Aulico comitatu, ingressi, Solium conscenderunt, ibique procubuerunt in genua; prope eos aderant Principes Regiæ stirpis, Magnates Regni, & Matronæ Aulicæ; adhærebat Regi ejus Confessarius: prope Aram aderant omnes Eleemosynarii Regii, & primo inter eos loco Episcopus Metensis Primus Eleemosynarius. Tum Magnus Eleemosynarius Pontificalibus indutus ornamentis, medius inter Episcopos Sueffionensem, & Vivariensem, qui Diaconi, & Subdiaconi munere fungebantur, e Sacratio progressus ad Altare, salutatisque Altari, Rege, & Regina, conscendit supremum Altaris gradum, stetitque versus ad Regem. Adhuc Regales conjuges, monente Magno cæremoniarum Præfecto, ad Altare accesserunt, comitantibus eos Principibus Regiæ stirpis. Ubi brevem ad eosdem habuit concionem, tum benedictionem contulit nuptialem. Quo factò, reversi sunt ad Solium, flexisque genibus, illuc una cum Ministris accessit Antistes, ut Regales conjuges adspiceret aqua benedicta. Inde Sacrum solemni ritu inchoavit; lectoque Evangelio, Episcopus Sueffionensis, qui Diaconum agebat, sacrum Codicem primo Celebranti, deinde una cum Episcopo Metensi Primo Eleemosynario præbuit Regi deosculandum. Ad Offertorium Rex primum, deinde Regina, flexis ad Altare genibus, singuli obtulere cereum, cui affixi erant viginti aurei nummi, vulgo *Luigi*; & quidem cereum Regis Princeps Regiæ stirpis, cereum Regina Matrona pariter Regiæ stirpis detulerant. Dicta Oratione Dominica, Regales conjuges, monente cæremoniarum Præfecto, rursus ad Altare procubuerunt, & dum ab Antistite consueta recitabantur preces ad benedicendas nuptias, Episcopus Metensis Primus Eleemosynarius Regis, & Episcopus Forojulienis Magnus Eleemosynarius Regiæ fulciebant velum super conjuges

ges expansum . Nam spectat ad Regios Eleemosynarios id munus in Regiis conjugii ; uti in nuptiis Ludovici XIV. ab Episcopo Lingonensi , & alio Eleemosynario ; & in nuptiis Delphini illius filii cum Maria Victoria Bavara , anno 1680. ab Episcopis Aurelianensi , & Condomenli ; & in aliis Regiis conjugii factum legitur apud Dumontium , & Rossetium . Pacem ad Liturgiam præbuere Regiis sponlis Episcopus Vivariensis Subdiaconum agens , & Episcopus Metensis Primus Eleemosynarius . Peracto Sacro , Antistes adpersit conjuges sacra aqua , eosdem donavit benedictione , tum sacra Corporalia illis obtulit deosculanda . Mox ad eos Solio insidentes accessit Parochus Fontisbellaquei librum deferens , ubi inita conjugia recensentur : hunc vero librum Magnus Eleemosynarius , & calamum sponlis porrexit , ut manu sua subsignarent : post Regem , & Reginam , omnes Principes Regiæ stirpis subsignarunt , præbente eis calamum uno ex Regiis Eleemosynariis . Dum vero hæc agerentur , distribuebantur a Fecialibus in populum numismata . Tandem habita ab Antistite brevi concione , decantatus est Hymnus gratiarum actionis a Cantoribus Capellæ Regalis . Itaque in Aula Regum Galliæ , primum Sponsalia in cubiculo Regis contrahuntur præsentem Magno Eleemosynario , tum in Capella Palatina ab eodem Pontificalibus induto ornamentis Sacrum celebratur , anulus , & tredecim aurei nummi benedicuntur sponsæ concedendi ; & nuptialis benedictio administratur ; Regales conjuges cereis affixos aureos nummos offerunt Antistiti , velo teguntur a duobus Eleemosynariis expanso , librum conjugatorum subsignant , & a Fecialibus numismata distribuuntur . Illud notandum est , Parochum nempe Versaliarum , vel Fontisbellaquei , aut illius loci , in quo hujusmodi Regia conjugia celebrantur , adesse stola Sacerdotali indutum , etli in Capella Palatina , & a Magno Eleemosynario sacrum agatur ministerium , uti referunt in Cæremoniali Galliæ lib. 2. cap. 3. Dumontius , & Rossetius . Et id quidem antea inusitatum , tunc primum obtinuit , cum in Capella Palatina Parisiensi , anno 1641. Cardinalis Richielius nepotem suum Ludovico Borbonio desponsavit ; veritus , ne ipso e vivis sublato , hujusmodi matrimonium irritum fieret prætextu

tu aliquo, eo præsertim, quod sine præsentia Parochi juxta Tridentini decreta fuisset celebratum. Hinc Parochum loci præsentem voluit sacræ ceremoniæ, etsi antea nulla fuisset Parocho jurisdictio in Capella Regis: exinde ille nos invaluit, ut frustra Cardinalis Antonius Barberinus Magnus Eleemosynarius illi abrogando operam dederit. Mos vero ille benedicendi tredecim aureos nummos simul cum anulo, qui sponsæ a sponso conceduntur, vetustissimam habet originem. Nam antiqui Galli per solidum & denarium secundum Legem Salicam sponsalia celebrabant. Hinc apud Fredegarium cap. 18. de missis ad Gundebaldum Burgundionum Regem pro petenda Chlodoveo Regi Clotilde uxore legitur: *Legati offerentes solidum & denarium, ut mos erat Francorum, eam partibus Chlodovei desponsant*. Et Martene testis est, adhuc pluribus in locis superesse vestigium antiquæ hujus consuetudinis, ubi sponsus contrahendo matrimonium aliquam pecuniæ summam sponsæ tribuit; atque in Rituali Remensi anno 1585. præscribi, ut Sacerdos anulum benedicturus, tredecim postulet denarios, quorum tres concedebantur sponsæ, simul cum anulo, in signum traditi ei domini corporis, & bonorum sponsi, reliqui vero decem Sacerdoti donabantur. Addit, denarios illos, non ex quavis communi moneta assumptos, sed ad hunc singularem usum præsertim cufos fuisse.

IV. In Aula Regum Hispaniæ Magnum Capellanum, vel per se, vel per alium, Regalibus nuptiis benedictionem Ecclesiæ impendere posse, probant privilegia plurima a Romanis Pontificibus concessa, quæ Capite primo hujus libri retulimus. Plerumque tamen Regales femina Hispaniæ Regibus, aut Principibus desponsatæ, sacra cæremonia matrimonio copulantur, antequam ad Hispaniam, Regiumque conjugem pervenerint. Ita Elisabetha filia Henrici II. Galliæ Regis, Philippo II. Hispaniæ Regi nuptui tradita, anno 1559. benedictionem nuptialem accepit Lutetiæ Parisiorum, ad valvas Metropolitanæ Ecclesiæ, vices Catholici Regis agente Duce Albano; cujus cæremoniæ ordinem, & pompam fusc describunt Gothofredus in Cæremoniali Galliæ, & Franciscus Modius to. 1. Pandectarum triumphalium. Pariter conjugium Ma-

Mariæ Ludovicæ filiæ Ducis Aurelianensium cum Carolo II. Hispaniæ Rege 1679. in Capella Palatina Fontisbellaquei celebratum est, Cardinali Buillonio Magno Eleemosynario sacrum ministerium, & Principe Contiæ vices Regis Catholici agentibus; & huic celebritati interfuere Cardinalis Bonzi Magnus Eleemosynarius Regiæ, Episcopus Aurelianensis Primus Eleemosynarius, cæterique Regii Eleemosynarii. Verum Philippus V. gloriosissimus Rex Hispaniæ, anno 1701. Mariam Adelaidam Sabaudam duxit uxorem in Barcinonensi Ecclesiâ Sanctæ Mariæ majoris, uti legitur in Cæremoniali Hispaniæ edito a Damontio, & Rossuetio. Ibidem describitur ordo, quo eidem Philippo V. Regi nupsit Inclita, & Clementissima Elisabetha Farnesiæ, anno 1714. die 16. Septembris, in Cathedrali Parmensi, vices Regis agente Duce Parmensium. Felicissimis hisce nuptiis, unde tot, & tanta, in nos, & Italian universam commoda derivarunt, e quibus nata soboles Carolus gloriosissimus Rex utriusque Siciliæ, Philippus Dux Parmæ, Ludovicus Cardinalis, Principes pietate, virtute, clementia præstantissimi, contulit benedictionem Ecclesiæ Cardinalis Gozzadinus Pontificius Legatus. Seditibus itaque in Solio Duce Parmensium procuratore Regis Catholici, & ad ejus sinistram Serenissima Sponsa, lætæ primum fuere a Ludovico Anguifola Vicelegato Urbini Pontificiæ literæ, quibus veniam faciebat Pontifex impedimenti cognationis, quod inter conjuges intercedebat, tum a Gerardo Giandemaria Vicelegato Ferrariæ lætæ sunt Catholici Regis literæ, quibus in ineundo conjugio vices suas demandabat Duci Parmensium. His lætis, Legatus Pontificius, consuetoritu, nuptias benedixit, tum Hymno gratiarum actionis Deo grates redditæ, quod tam faustum, dignumque matrimonium conciliasset. Tandem a Pontificio Legato donata est nomine Romani Pontificis Serenissima Sponsa Rosa aurea benedicta, quam illa eidem Ecclesiæ dono dedit. Matrimonium Serenissimi Principis Philippi Borbonii cum Ludovica Elisabetha Ludovici XV. gloriosissimi Galliæ Regis filia, die 25. Augusti, anno 1739. in Capella Palatina Versaliensi; hoc ritu peractum est, uti legitur in Historia illius anni, Amste-

Iodami, & Venetiis edita. Il dì 25. giorno destinato per la celebrazione degli Sponsali, andò il Marchese de las Minas (Orator Hispani Regis) al Palazzo del Duca d'Orleans, il quale nella cerimonia del Maritaggio rappresentar dovea l'Infante, D. Filippo, per procura mandatagli da questo Reale Sposo, & autenticata dal Re, e dalla Regina di Spagna. L'Ambasciadore, dopo aver fatto col Duca un breve complimento, pregollo di portarsi dal Re per gli Sponsali. Andando dal Re, il Duca d'Orleans camminava alla dritta dell'Ambasciadore: il Conte di Marsan era alla loro dritta, e l'Introduttore alla sinistra. Entrati nel Gabinetto, in cui trovavasi il Re con i Principi del Sangue, il Duca prese il suo posto appresso il Re, e l'Ambasciadore appresso i Principi. In tanto venne allo stesso Gabinetto la Regina, e dietro a lei la Madama Sposa accompagnata dalle Sorelle, e dalle Dame della Corte. Il Delfino porgeva alla Sposa la destra, e Madama Enrichetta teneva la coda del di lei manto, che era di ganzo d'oro. Allorché presero ciascuno de' Principi, e delle Principesse il suo posto, g'uni appresso il Re, e le altre appresso la Regina, il Segretario Amelon lesse ad alta voce il Contratto, che fu sottoscritto dal Re, dalla Regina, dal Delfino, dalla Sposa, dalle Madame, essendo stata presentata loro dal medesimo Segretario la penna. Indi sottoscrissero il Duca d'Orleans, e i Principi, e le Principesse del Sangue, tutti nella stessa colonna, come il Re. L'Ambasciadore Spagnuolo sottoscrisse solo nella seconda colonna dirimpetto al Duca d'Orleans. Dopo tale sottoscrizione l'Eminentissimo Cardinal di Roan in rocchetto e camaglio, accompagnato da due Limosnieri del Re, entro nel Gabinetto, e si pose vicino al tavolino, ch'era dinanzi al Re, & alla Regina. Quivi accostatasi la Sposa, & il Duca d'Orleans fattosi alla sua destra, fu fatta dal Cardinale la cerimonia degli Sponsali. Il dì 26. giorno del Maritaggio, il Re con tutta la sopraccennata comitiva portossi nella Cappella del Castello: dove si erano già riuniti gli Ambasciadori, e Ministri Esteri con le persone più riguardevoli della Corte. Quivi andò la Sposa ad inginocchiarsi sopra i gradini, pe' quali si sale al Santuario, & il Duca d'Orleans inginocchiossi alla sua dritta. Uscito allora dalla Sacrestia il medesimo Cardinale salì all'

all' Altare, al quale si avvicinarono il Re, la Regina, il Delfino, e le Madame Reali, con la Sposa, e col Duca d'Orleans, e vicino a questi restò ancora il Marchese de las Minas per esser testimonio del Maritaggio. Il Cardinale cominciò la funzione, con benedire tredici pezze d'oro, e un anello, consegnando e quelle, e questo al Duca d'Orleans, il quale pose l'anello nel quarto dito della mano sinistra di Madama la Sposa, e le diede le tredici pezze d'oro in fede del Maritaggio, a nome dell'Infante D. Filippo. Allorchè il Cardinale dimandò al Duca, se come Procuratore di D. Filippo Infante di Spagna prendeva per sua legittima consorte Madama Luisa Elisabetta di Francia, il Duca si volse dalla parte del Re, e chinossigli profondamente. La Sposa parimente non diè la risposta del suo assenso, se non dopo aver avuto permissione di rispondere dalla Regina. Compiute le formalità del Maritaggio, e ricevuta da Madama, e dal Duca la Nuzial benedizione, il Cardinal di Roan cominciò la Messa: Dopo l'Offertorio la Sposa andò all'offerta; e poscia il Duca. Alla fine del Pater due Limosinieri del Re distesero sopra la testa della Sposa, e del Duca un Velo di broccato d'argento, e non ne lo tolsero, se non dopo che furono dal Cardinale compiute le consuete Orazioni. Finita la Messa, il Cardinale avvicinatosi all'inginocchiatojo del Re, e della Regina, presentò loro i Registri de' maritaggi della Parrocchia, e fu sottoscritto questo di Madama dalla mano di S. Maestà

Li 24. d'Ottobre giunse in Guadaliara, ove fu ricevuta con tutta la tenerezza dalla Regina prima Vedova di Spagna, che ivi faceva la sua residenza. La mattina de 25. partì per Alcalà, ove s'era portato per attenderla il Re Cattolico con tutta la Reale famiglia. Madama entrata nella superba Carrozza, che il Re Suocero aveva fatto fare apposta per Lei, fu condotta al Palazzo di Alcalà, ove fu ricevuta dalle loro Maestà, dal Principe, dalla Principessa d'Asturies, dagli Infanti, e l'Infante, ch'erano andati incontro sino alla scala grande. Il Re fu il primo a baciarla; lo stesso fe la Regina, come anche il Principe, e la Principessa d'Asturies; indi dalla Regina fu presentata la Principessa all'Infante D. Filippo suo Sposò. Vennero poscia al bacio di Madama il Cardinale Infante, e le Principesse sue sorelle.

Dopo questi abbracciamenti passò tutta la Famiglia Reale alla Camera della Regina, ove si fe la ratifica del matrimonio alla presenza di Monsignor Nuncio, degl' Ambasciatori, e Ministri Elleri, e di tutta la Corte. Conjugium Mariæ Teresiæ Hispaniarum Infantis cum Delphino Ludovici XV. gloriosissimi Glliar Regis filio, anno 1745. die 18. Decembris, Matriti in Palatio Regio ad vesperam præsentibus Oratoribus Principum, Magnatibus Aulae, & vices Delphini agente Principe Asturicensium, sacro ritu Ecclesiæ conciliatum fuit: tum die 23. Februarii, in Capella Palatina Versalienfi, Cardinalis Rohanius Magnus Eleemosynarius Regales Conjuges rursum donavit Ecclesiæ benedictione.

V. Diximus jam quo in loco, & qua pompa in nostrorum Regum Aula nuptiæ celebrari consueverint: quamobrem de sacris ritibus in illarum celebritate observatis hic agendum erit. Summontius lib. 5. Hist. Neapol. enarrat conjugium Ferdinandi I. Neapolitani Regis cum Joanna Aragonia anno 1477. his verbis: *Alli 11. dell'istesso (Settembre) nel ricco ponte, per lei preparato nel molo grande fu ricevuta sotto il palio dalla Duchessa di Calabria e la Duchessa di Ferrara, ch'erano accompagnate con le principali Signore della Città, e dal Cardinal Rodorigo Borgia, che pochi dì prima era stato mandato dal Pontefice a coronarla. . . . Emeffi a cavallo, come il Duca seguito dal Passaro, il Cardinale, e la Regina andorno sotto il palio in processione per tutti i seggi, in ciascun de quali erano Donne ricchissimamente vestite, le quali uscivano a baciare la mano alla Regina. Gionti poi nel Duomo, & avendo fatta orazione il Cardinale benedisse la Regina, e ritornati a cavalcare nel modo tenuto andorno a sinontare nel Castello di Capuana, ove fu carissimamente ricevuta dal Re, il quale era con tutti li Baroni e Signori del Regno, e con gl' Ambasciatori di tutti i Principi d'Italia, e del Gran Soldano, del Re di Tunisi, e con le principali Signore della Città: vi erano 72. ben sonanti trombe con altri musici stromenti. La Domenica a 14. del detto mese ore 17. il Re ritornò con tutto il Baronaggio avanti la porta dell' Arcivescovato, ove poco appresso giunse la Regina accompagnata da gran numero di Signore, ove per il Cardinal predet-*

to si fe il sponsalizio. Poi entrati in Chiesa il Cardinale con l'assistenza di 40. Vescovi, celebrò la Messa dello Spirito Santo, e benedisse li Sposi, ove tennero il Pallio il Duca di Calabria, D. Federico suo fratello, D. Ferrante Principe di Capua, e D. Pietro figli del medesimo Duca. Poi a 16. del mese nella strada dell'Incoronata si fe la Coronazione di questa Regina con pompa grandissima, perciocche essendo ivi ordinato un bellissimo teatro con l'Altare, per celebrare la Messa, e due gran sedie con molta maestà, vi giunse il Re con la corona in testa, e la Regina in trezze sopra due cavalli bianchi coperti di broccato ricamato di gioje, e perle; il freno del cavallo della Regina era portato dal Duca d'Amalfi, con Giulio Antonio Acquaviva Conte di Conversano con le berrette in mano, e Francesco di Capua Conte d'Altavilla con molti Baroni gli venivano avanti a piedi. Dopo venne la Duchessa di Calabria con la Duchessa di Ferrara con quattro Carrette piene di gran Signore, e ritrovorno al teatro il Cardinal Borgia con molti Vescovi, il quale con bellissime cerimonie cominciò la Messa in pontificale, & a tempo, e luogo, coronò la Regina, ornandola dell'altr e insegne reali: e per la prima diegli l'oglio santo nella spalla destra doppo li pose la Dalmatica di drappo di seta bianca ricamata, appresso li coronò la testa della Real Corona, & assentata appresso al Re gli diede lo Scettro, quale fu condotto dal Prencipe di Salerno, & il Pomo d'oro, che li pose Pietro del Balzo Duca di Venosa. Compitasi la Messa, e data si la Pontifical benedizione, il Re fece 20. Cavalieri, e fatto buttare bona quantità di moneta d'argento di più sorte in mezzo la turba delle genti, calcarono ambi due li Sposi con le corone in testa, il Re alla destra della Regina, & il Cardinale alla sinistra, e passando per tutti i Seggi ritornarono nel Castello nuovo. Ex his colligitur Regales conjuges insigni pompa, & equitatione ad Ecclesiam deductos, ad cujus valvas, uti olim moris erat, matrimonium contrahebatur, tum in Ecclesia, celebrato Sacro, benedictio nuptialis concedebatur, quo tempore velum super conjuges expandebatur a Principibus Regiæ stirpis suffultum, effundebantur in multitudinem numismata, creabantur a Rege Milites, Equitesque, atque Regio conjugio nedum Pro-

Proceres, sed & Episcopi plures Regni intererant. Quæ omnia luculentissime exhibet Joannes Brochartus in suis Diariis MSS. ubi ordinem describit conjugii initi anno 1494. inter Sanciam Alphonſi II. Regis notham filiam, atque Joffredum Borgiam Alexandri VI. consanguineum. Ac primo quidem refert sponsalia in ipsis ædibus Regis inita hoc ritu. *Feria quinta, septima mensis Maii contractum fuit matrimonium per verba de præſenti inter Ill. D. Joffredum Borgia . . . S. D. N. Papæ Alexandri VI. & Ill. D. Sanciam de Aragonia filiam illegitimam Serenissimi Alphonſi II. Sicilia Regis, hoc ordine. R. D. Cardinali Montisregalis Legato Apostolico, & Serenissimo in quadam Camera Caſtri novi Neapolitani in duabus sedibus ſedentibus, & inter ipsos alia, & ad sinistram Regis quarta ſimilibus ſedibus vacuis, venit prædictus D. Joffredus a paucis nobilibus associatus, & ſedit ad sinistram Regis, parum poſt venit Sancia prædicta per Ill. D. Fidericum de Aragonia, fratrem Regis a ſiniſtris ejusdem ducta, & duodecim vel circa mulieribus ſive matronis associata, quæ locata ſuit inter Legatum, & Regem patrem ſuum a ſiniſtris, quibus ſiſſedentibus, venit R. Julianus Episcopus Tropejenſis præſenti Serenissimi Regis Capellanus Major amiſſu, alba, cingulo, ſiſſola, & mitra pretioſis paratus, Capellano ſuo ſuperpellico, & pluviali induto ante ipſum Baculum paſtorales deferente, qui coram Legato, & Rege conſtitutus, depoſita mitra pro reverentia ipſis facienda, in terram genuſſexit. Tum accepta mitra dixit Sponſæ: Ill. Madonna Sancia volete voi pigliare per voſtro legitimo Spoſo l'Ill. M. D. Joffredo Borgia qui preſente: ad quæ verba reſpondit ſine mora: Voglio. Quo ſaſto idem Episcopus ad virum reverſus dicit: Ill. D. Joffredo volete voi pigliare per voſtra legitima Spoſa, e moglie l'Ill. D. Sancia d' Aragona qui preſente: ad quæ verba ipſe etiam reſpondit ſine mora: Voglio. Et tunc idem D. Joffredus acceſſit ad ſponſam, & Episcopus accepta manu dextra Sanciae ſponſæ conjunxit eam dexterae manui Joffredi, & alter alterius manum ſic tenens, ipſe Episcopus dixit tres orationes, videlicet Deus Abraham, Deus Isaac, Deus Jacob &c. Benedicat vos Deus &c. Reſpice quæſumus Domine &c. in ordine Sponſalium poſitas: quibus di-*

dictis, producto super utroque signo Crucis, recessit, facta prius Legato, & Regi, ut prius, reverentia. Anulum sponsæ non imposuit, quia dicebat juxta consuetudinem Neapolitanam anulum sponsæ imponi in valvis Ecclesiæ ante inthronizationem sponsi, & sponsæ, non modo. His sic peractis, quidam Notarius Neapolitanus contractum matrimonii hujusmodi tempore claræ memoriæ Ferdinandi Siciliæ Regis stipulatum publice legit, cujus copiam D. Stephanus de Narnia Notarius Cameræ Apostolicæ in manibus habens diligenter cum alio originali, quod dictus Neapolitanus Notarius legebat, auscultabat. In quo quidem contractu inter alia dicto D. Joffredo promittebantur Principatus sex, & Comitatus, quatuor millia ducatorum singulis annis inferentes, & in eo continebatur, quod ipse D. Joffredus infra annum, quindecim millia ducatorum sponsæ tradere deberet, qui contractus fuit de novo stipulatus, & stipularunt D. Stephanus, & alius Notarius supradicti rogati. Quo peracto, apportata fuerunt quatuor petiæ broccati diversorum colorum pulcherrimæ, & nonnullæ aliæ de velluto, tres collanæ auræ cum diversis perlis, & manilia, multi anuli, & aliæ hujusmodi ornamenta muliebria valoris, ut a circumstantibus æstimabatur, octo millium ducatorum, vel circa, quæ omnia fuerunt sponsæ donata pro parte D. Joffredi prædicti. Hoc itaque ritu in ædibus Regis coram Magno Capellano Pontificalibus ornamentis induto contractum fuit matrimonium per verba de præsentī, seu inita fuere sponsalia, quæ olim, uti observat Martene lib. 1. de antiq. Eccl. rit. cap. 9. 3. fieri solebant publice, coram testibus, ac Pastore, qui ipsas matrimoniales tabulas subsignabat. Et juxta hunc antiquissimum morem in Aula Regum Galliæ nunc temporis Sponsalia in cubiculo Regis conciliantur coram Magno Eleemosynario Rocchetto induto, quemadmodum in nuptiis Mariæ Ludovicæ Aurelianensis cum Carolo II. Hispaniæ Rege anno 1679. & Carlottæ Elisabethæ pariter Aurelianensis, cum Leopoldo I. Duce Lotharingiæ, anno 1698. a Cardinali Coislino Magno Eleemosynario; & in nuptiis Annæ Aurelianensis cum Victorio Amadeo Duce Sabaudia, anno 1684. a Cardinali Bullonio Magno Eleemosynario factum referunt in Cæremoniali Galliæ Dumontius, & Ro-

Rossuetius. Narrat quoque Gothofredus in Cæremionali Galliarum, in nuptiis Catharinæ sororis Hentici IV. Galliarum Regis cum Henrico Duce Lotharingæ, anno 1599. Cardinalem Borbonium exoptasse, ut non in ædibus Regis, sed in Ecclesia sacra cærimonia absolveretur, affirmasse e contra Regem *que sa presence valoit bien une Eglise*. Tum etiam mos est in Gallia, ut Magnus Eleemosynarius peracto sacro ministerio, librum a Parocho delatum, ubi conjugia omnia recensentur, subscribat. Benedictionem vero anuli, & nuptiarum in solemniori Liturgia, & in Capella Palatina ita describit Brochartus: *Dominica, undecima mensis Maii, pluit mane per totum diem quasi incessanter, & copiosissime. In mane ejusdem diei circa horam 14. venit ad Capellam Castri novi Rev. D. Legatus cum Rege Alphonso a sinistris suis, mediaminter se ducentes, seu habentes D. Sanciam de Aragonia ejusdem Regis filiam illegitimam, sponsam D. Joffredi, præcedentibus Nobilibus, Baronibus, & Regalibus suo ordine. D. Joffredus præcessit proximus Regi & Legato a dextris D. Friderici fratris Regis; quibus ante portam Capellæ supradictæ constitutis, R. in Christo P. N. Episcopus Gravinensis D. Mattheus Missam in dicta Capella Pontificaliter celebraturus, qui omnibus paramentis Pontificalibus paratus mitra, & juxta ostium dictæ Capellæ cum Capellanis suis superpelliceis indutis, quorum unus baculum deferens pastorem pluviæ paratus erat, benedixit anulum, quem unus militum sponsi coram ipso Episcopo tenebat, & aqua benedicta adpersit. Tum Episcopus tradidit anulum sponso, qui digito sinistræ manus sponsæ infixit, & imposuit, quo imposito Episcopus adpersit sponsum & sponsam aqua benedicta, & ingressi sunt Capellam; eo ordine, prout prius. Benedictionem, & traditionem anuli olim factam esse ad Ecclesiæ valvas indicant plurimi antiqui Rituales libri editi a Martene loco citato, Redonensis, Lyrensis, Antisiodorensis, Lugdunensis, Leodiensis. Quin & in Græcorum Euchologio anulus nuptialis benedicatur ad Ecclesiæ fores. Expleta hac benedictione, inchoabatur Sacrum. Hinc ubi dissolvendum erat conjugium aliquod, detrahebatur anulus sponsæ pariter in Ecclesiæ atrio. Quod in celebri illa solutione matrimonii Lad-*

dislai Neapolitani Regis cum Constantia Claromontia, auctoritate Bonifacii IX. facta, legitur in Diariis Neapolitanis Ducis Montisleonis præstitisse Cardinalis Florentinus illius Pontificis Legatus. Cæterum in Sancia, & Joffredi nuptiis, non Capellanus Major, sed Episcopus Gravinensis sacro munere functus est, quod ille Regi adherere debuerit, dum Liturgia celebrabatur. Pergit Brochartus, benedicto, traditoque anulo, inchoatam fuisse solemnem Liturgiam, ritu jam alibi descripto; eaque durante: *Sponsus, & sponsa*, ait, *locum habuerunt in medio Presbyterii inter Altare & thalamum, Altari facies vertentes, ante se habentes quilibet cussinum broccati auri ad genuflectendum, & duos similes ad sedendum, & sedebant, quando sedebant Legatus, & Rex, & cum illis etiam stabant, & genuflectebant. Ad elevationem SS. Sacramenti, Sponsus, & Sponsa genuflexi tenuerunt quilibet unum cereum album pulchre elaboratum trium librarum, vel circa, decem ducatos infixos habentem illos tenentes usque ad finem Missæ, excepto eo tempore, quo eis pax dabatur, tunc Clericus Sacristiæ tenuit ambos cereos, & pace accepta, illos eis restituit. Facta elevatione SS. Sacramenti tentum fuit super Sponsum & Sponsam baldachinum cum quatuor baculis, quorum unum tenebat Ill. D. Joannes Piccolomineus de Aragonia, Marchio Licisti, frater Ducis Amalphitani, nepos Reverendissimi Cardinalis Senensis ex fratre; Mag. D. Carolus Comes Venastræ secundum; & tertium, & male, quia Religiosus non debet gravari in similibus; Religiosus D. Calcerandus Borgia Miles Ordinis S. Joannis Hierosolymitani frater R. D. Cardinalis Legati; & quartum Mag. Bartholomæus Serræ Miles, usque post communionem Celebrantis. Dicto per Celebrantem: Per omnia sæcula sæculorum, ante, Pax Domini, Celebrans posuit SS. Sacramentum super Patenam, videlicet illam particulam, quæ Sanguini erat commiscenda, & conversus ad sponsum, & sponsam in eorum loco permanentes, stans in medio Altaris dixit super eis Dominus vobiscum, sponso benedicens, Oremus propitiare Domine &c. quæ dicta conversus ad Altare Celebrans accepta particula dixit Pax Domini. Tum dicta oratione prima Domine Jesu Christe, Celebrans*

R r

de-

dedit pacem cum ore Diacono, & Diaconus cum ore sponso, & cum ore sponsus sponsa: Legatus, & Rex non habuerunt pacem, quia ita dixerunt esse consuetum. Facta communione administratum fuit buldaccbinum, & reposum in Sacristiam. Finita Missa sponsus & sponsa accesserunt ante Altare, & ibi in ultimo gradu super dictis duobus cussinis genuflexerunt, ad ipsos conuersus Celebrans cum mitra stans dixit: Accipe uxorem tuam, prout in Ordinario. Tum sponsus, deinde sponsa obtulerunt Celebranti cereos cum ducatis, manus ejus osculantes, de quibus tamen famula Regina duos ducatos publice extraxit, videlicet de quolibet cereo unum ducatum. Legatus, his peractis, stans in sede sua, & thalamo, Crucem suam Capellano suo extra thalamum ante ipsum tenente, dedit benedictionem dicens &c. Et concessis interessentibus Indulgentias septem annorum, quas publicauit Celebrans, descendit deinde Legatus, & Rex de thalamo, & sponsam inter se recipientes, sponso, & aliis ordine superius dicto incedentibus, ascenderunt Castrum per lumacham prope Altare constitutam, ubi Legatus permansit illa die, & usque circiter sextam horam noctis; fecit parum post ascensum in Castrum collationem in camera sibi assignata, deinde ad Regem rediit, qui sibi thesaurum suum ostendit. Prandium fecerunt ibi Legatus, Rex, sponsus, & sponsa, D. Fridericus, ad dextram D. Friderici Orator Regis Hispaniæ, ad sinistram Regis D. Joffredus sponsus, & ad sinistram D. Joffredi Gentilis Virginius. Incæptum fuit prandium circa horam secundam noctis, & durauit inter horam quintam, & sextam. Peractis prandio, sponsa a Legato, & a Rege associata fuit ad Palatium sponsi, quod erat immediate extra portam Castri noui, præcedente sponso, & aliis, ut hoc mane fecerunt. Ritus hi fere omnes occurrunt in pluribus Gallicanis Ordinibus ad benedicendas nuptias editis a Martene; hique facile ab Andegauenibus ad nos derivarunt: præsertim cæremonia illa fuit antiquissima, ut dum conjuges benedicebantur, super eos velum expanderetur in signum pudoris, quod ab Ambrosio lib. de Virg. cap. 11. dicitur flammeum nuptiale. Is ritus adhuc in Gallia viget, uti etiam ritus oblationis a sponsis faciendæ. Quod vero ex oblatione

tione a conjugibus facta Antistiti, duos abstulerit nummos Aulica Matrona, uti narrat Brochartus; id videtur derivatum ex veteri Gallorum more, qui in ineundis nuptiis denarios quosdam exhibebant, quorum aliqui tradebantur sponsæ in signum traditi domini bonorum, sicuti anulus datur in signum domini corporis, alii vero Sacerdoti rem sacram ministranti concedebantur, uti jam diximus.

VI. Faustum, fortunatumque conjugium CAROLI BORBONII gloriosissimi Regis utriusque Siciliae, & MARIAE AMALIAE de Saxoniam Augusti III. Poloniae Regis inclitae filiae, auspiciato initum est Dresdae, anno 1738. die 9. Maii, in Aedibus Regiis, vices Caroli Regis obeunte Principe Electorali Saxoniae, germano Serenissimae Sponsae. Ordinem totius rei gestae his verbis exhibet Historia illius anni, Amstelodami, Venetiisque edita: *Il Conte di Fuencelara, dopo aver concertate in Vienna coll'Imperadore le cose attinenti al medesimo Sponsalizio, ricevute da Spagna grosse rimesse con preziosi regali per la Sposa, e coll'Ordine del Toson d'oro per esso lui, portossi a Dresda, ove li 7. Maggio fece il suo publico ingresso con istraordinaria magnificenza. Il dì seguente il Conte di Fricse, Ministro di Stato, Consigliero intimo del Re Augusto, e Governadore di Dresda, andò a prendere l'Ambasciadore, e condurlo alla Corte. Uscito di Carrozza fu ricevuto abbasso della scala da quattro Gentiluomini della Camera. Quattro Camerlinghi gli andarono all'incontro al disopra della scala. Il Gran Maresciallo lo ricevette nella prima Anticamera, & il Gran Camerlingo nella seconda, da dove fu introdotto nella Camera del Re. Fatto quivi il solito complimento, dimandogli la Principessa Reale in sposa per il Re delle due Sicilie. Avuto dal Re di Polonia l'assenso passò all'udienza della Regina, introdottovi dal Conte di Uratislaw Gran Maestro di sua Maestà. La Regina avea presso di se la Principessa Reale, accompagnata da molte Dame. Dapoi che l'Ambasciadore parlò alla Regina, & ebbe dalla medesima favorevole la risposta, si rivolse alla Principessa, che similmente rispose in modo grazioso, come l'avevano ismuita. Allora l'Ambasciadore chiese alla Regina Madre la permissione di presentare alla Principessa il ri-*

tratto del Re delle due Sicilie. Annui la Regina, e l'Ambasciadore, fatto entrare uno de' suoi Gentiluomini che portava sopra un cuscinetto di velluto cremesi ricamato, e seminato di Gigli d'oro, il ritratto del Re Carlo arricchito di diamanti, lo prese, e presentò alla Regina, baciandole la mano. Dopo tal cerimonia fu l'Ambasciadore condotto all'udienza del Principe Reale, e degl'altri Principi, e Principesse, che in una medesima camera si trovarono: indi ritornò con tutto il corteggio al suo albergo. Li 9. di Maggio alle cinque ore dopo il mezzogiorno il Principe Reale, avendo seco la procura del Re Carlo, fece la funzione di sposare a nome di suo Cognato la Principessa sua sorella. Il Nunzio Apostolico, assistito da tre Vescovi Polacchi diè loro la benedizione nuzziale. Seguì la funzione in una gran Sala alla presenza delle loro Maestà, de' Principi, e Principesse della Casa Reale, e degl'Ambasciatori Cesarei, e di Spagna. V'intervennero ancora tutta la Nobiltà del paese, come pure gran numero di Signori Polacchi, & altri forastieri. Indi il Nunzio intonò il Te Deum, che fu cantato da Musici tra lo strepito di una triplice scarica de' cannoni, e della mofchettaria. Dopo la funzione il Re, la Regina, e tutta l'illustre adunanza accompagnarono la Real Sposa nel suo Appartamento. La sera vi fu un lauto convito. La novella Regina delle due Sicilie, il Re, e la Regina di Polonia, i Principi, e le Principesse del Sangue cenarono ad una tavola, in cui furono ammesse ancora la Principessa di Veissenfels, il Nunzio Apostolico, l'Ambasciadore Cesareo, e quello di Spagna, assisi alla dritta, & alla sinistra della Regia Famiglia. Vi furono inoltre sette tavole per i Cavalieri, e per le Dame. Dopo il pasto si cominciò il ballo, in cui danzò primo il Re di Polonia colla Regina di Napoli, e proseguirono gli altri la danza sino alla mezza notte. Li 10. dopo il mezzo giorno vi fu una Giostra magnifica nel bel Giardino di Luvinger. I Capi delle quattro Squadriglie, che in quelle armeggiarono erano il Re, il Principe d'Olstein, il Conte di Fries, e il Signor di Brul, Grande Scudiere del Re. La Regina delle due Sicilie, che rimirava da una loggia, distribuì li premi a quattro Cavalieri, che riportarono la vittoria. Li 11. fu cantato il Te Deum in tutte le

le Chiese di Dresda col suono delle campane, e con una scarica generale dell'artiglieria, cosa che offerossi pure in tutte le altre Città dell'Elettorado, tra le quali segnalossi la Città di Lipsia in rimostrare il suo giubilo per le nozze della Principessa. La sera fu in Dresda rappresentata una nuova Opera, & illuminossi la Torre del Castello, il Ponte, i Palazzi più nobili, e la Piramide, che i Magistrati della Città inalzarono nel mezzo della Piazza. Li 12. verso l'ora del mezzodì partì la novella Regina da Dresda con un seguito di cento e più Carrozze a sei. Arrivata in Pilnitz, ove s'erano trasferite le loro Maestà Polacche, fu rappresentata una Comedia Italiana. Indi la Corte, ch'era numerosissima cenò a più tavole. A mezza notte fu fatto un magnifico fuoco artificiale sulle sponde del fiume dirimpetto al Real Palazzo. Li 13. partì la Sposa di buon mattino da Pilnitz, e giunse accompagnata da Genitori sino a Zebissa, prima Posta. Fatta ivi una lauta collazione in casa del sopra mentovato Conte di Bruhl, la Regina Sposa ricevette la benedizione de Genitori, e congedata con teneri abbracciamenti proseguì il suo viaggio verso Napoli, e passando per la Slesia, e Boemia, e Austria, prese la via di Palma nuova prima Piazza Frontiera della Repubblica di Venezia. Ad hunc usque locum Serenissimus Coniux miserat Cajetanum Buoncompagni Soranorum Ducem, Supremum Praefectum Domus Reginae, Magnatem Hispaniae, nunc Plumbinensium Principem, Sociumque Velleris aurei, & Regalis Ordinis S. Januarii, & Catharinam Carasam Colubrani Principem, Primam Aulae Matronam, aliosque plures Aulicos, qui Conjugem Neapolim usque deducerent. Eam Veneti Patres insigni magnificentia, fastuque splendidissimo, in omnibus suis Ditioris locis exceperunt, constituto ad hanc rem Antonio Mocenigo, qui ipsius Senatus nomine, & vice curaret omnia, Reginaeque coleret consuetis officiis. Nam est in more positum apud amplissimos Patres illos summis honoribus prosequi Regales Principes, trajicientes Venetae Ditioris loca; quod olim etiam Beatrici Ferdinandi I. Neapolitanorum Regi Filiae, Mathiae Hungariae Regi desponsatae, atque in Pannoniam eunti praestitere magna pompa, quam describit Franciscus Mo.

Modius to. 1. Pandectarum triumphalium. Ubi vero Serenissima Coniux Pontificiam adiit Ditionem, Cardinalis Agapitus Mosca Legatus Romani Pontificis, ei Ferrariam venienti occurrit, gratulatus nomine Romani Pontificis de initis nuptiis, felicitque adventu. Tum qua pompa excepta fuerit Ferrariae, ita describitur in laudata Historia: *Entrata col suono delle campane, e colle salve dell'artiglieria in Ferrara, s'incammina verso il Duomo, dove per altra più breve strada era già pervenuto il Legato. Per onore di questa solenne funzione avevano i Canonici parata signorilmente la Cattedrale, e fuori della Porta vi avevano poste le Arme del Papa, tolte in mezzo alla destra da quelle della Regina, & alla sinistra da quelle del Legato. Il Capitolo de Canonici in abito di Coro coll' Arcidiacono in Rochetto e Piviale bianco stava fuori della Chiesa aspettando l'arrivo della Regina, che giunta alle catene del Tempio discese a terra, & accolta sotto un baldacchino irginocchieffo sopra un bel tappeto, e cuscino per baciare la Croce dell' Arcidiacono presentata; & i Musici intonarono il versetto: Ista est speciosa inter filias Hierusalem. Si avvì la Regina sotto del baldacchino sino alla Porta interiore del Duomo, andandole avanti processionalmente la Croce in asta, il Clero, e Capitolo a due a due. Ivi si trovò il Legato vestito in Cappa, e ricevuto l'asperforio dalle mani dell' Arcidiacono genuflesso, asperse la Regia Sposa, e pigliò luogo alla di lei sinistra. Fu subito cantato il Te Deum stando la Regina genuflessa dinanzi l'Altare finchè finirono le consuete preci. Allora data dal Legato la benedizione, fece la Regina ritorno alla Carrozza; e passò al Palazzo del Marchese Guido Bentivoglio destinato per alloggiamento. Il dopo pranzo portossi sulle ore 22. collo stesso treno il Legato alla visita della Regina, la quale si levò in piedi al primo ingresso del Cardinale, e venutagli incontro per tre, o quattro passi sopra il piano del Solio, lo ricevette sul medesimo, e fattosi un breve complimento sedettero entrambi dirimpetto su due consimili sedie, sopra il medesimo piano, e sotto lo stesso baldacchino. Il Cardinale presentolle il Ereve Pontificio del suo carattere di Legato, e di poi li sacri donativi ad essa lei dal Sommo Pontefice inviati, cioè il Corpo d'un*
San-

Santo Martire, Cere benedette, & una Corona di lapislazzuli. Pariter in omnibus locis Pontificiæ Ditionis, uti par erat magnis honoribus excepta est: & id quidem ex antiquissimo more; constat enim ex Francisco Modio to. 1. Pandectarum triumphalium, quam splendide, & magnifice excepta fuerit Romæ, anno 1473. Eleonora filia Ferdinandi I. Neapolitani Regis, nupta Herculi Estensi Ferrariæ Duci; hæcque nuptias Pontificem Xistum IV. sacra die Pentecostes benedixisse narrat Summontius. Denique ad Neapolitani Regni confinia prope Terracinam, excitato nobilissimo tentorio, Regales Conjuges magno Procerum comitatu sibi invicem occurrerunt; tum Gajetam primum, deinde Neapolim die 23. Junii, atque ad solemnem gratiarum actionem in Capella Palatina contulere. Nulla vero a Neapolitanis omissa publicæ lætitiæ signa, summique erga Regales Conjuges obsequii, & amoris argumenta; solennes gratiarum actiones in omnibus fere Ecclesiis habitæ; plurimi statuti festivi dies; facès noctu ubique ad lætitiæ accensæ; moles plurimæ triumphales miri operis erectæ; splendidi currus elaborati, quibus personatorum nobilium virorum, ac matronarum turba vehabatur; choreæ in Ædibus Regiis actæ; turris lignea magnæ molis, & nobilissimi operis in area Palatii Regii constructa; nundinæ ibidem institutæ quarumlibet mercium, eæque tandem plebis arbitrio permixtæ sunt; arx lignea amplissima ad quingentos passus a litore, mediis in aquis excitata, & rerum comestibilium copia onusta, quam plebs illuc ratibus advecta deprædabatur, mox festivum evomebat ignem; scenica plura spectacula edita; & alia plurima ad lætitiæ, & ad magnificentiam comparata. Neque Neapolitanos fefellit spes jam tum præconcepta, ex hisce nuptiis felicitatem Regni, & Italiæ, etiam atque etiam stabilendam fore. Vere namque Serenissima MARIA AMALIA Regina suavissimo imperio, præstantissima virtute, insigni clementia, edita prole, subjectarum sibi regionum felicitatem constituit, fovet, atque in dies auget.

C A P U T IX.

DE RITU CONFERENDI EQUESTRES ORDINES.

Ritus inaugurandi Equites Velleris aurei in Hispania. II. Et agendi festum diem S. Andreae Apostoli tutelaris Societatis. III. Ritus creandi Equites Regalis Ordinis Spiritus Sancti in Gallia. IV. Et ejus solemnia celebrandi. V. De Ordine Equestri Periscelidis in Anglia, & Aquila nigrae in Borussia. VI. Ritus armandi Milites olim apud Neapolitanos Reges institutus. VII. Societates Equestres a Neapolitanis Regibus conscriptae. VIII. Statuta Equestris Ordinis Spiritus Sancti, Ludovico Tarentino Neapolitanorum Rege auctore. IX. Ritus cooptandi Socios dell'Armellino sub Aragoniis Neapolitanis Regibus. X. Ritus inaugurandi septem Proceres Neapolitani Regni. XI. De Regali Ordine S. Januarii a Rege CAROLO BORBONIO instituto. XII. Ritus creandi Equites S. Januarii. XIII. Et Officiales ejusdem Societatis. XIV. Et agendi festum diem S. Januarii.



Egum coronationes, natalitia, conjugia plurimis in populum, nobiles, Magnatesque collatis beneficiis ad publicae laetitiae cumulum solent celebrari; praesertim vero quorumdam Procerum, qui de Rege, aut Republica sunt optime meriti, cooptatione in Equestrem Societatem aliquam, cujus ipsi Reges auctores sunt, datoresve. De harum Equestrium Societatum origine, institutione, diversitate Sanfovinus, aliique plures scripsere; quamobrem sacras hic dumtaxat caeremonias in cooptandis Sociis prosequemur, utpote quae spectant ad hujus libri institutum, cum hujusmodi cooptationes sacro absolvantur ministerio, & ut plurimum in Capellis Palatinis. In Hispania amplissimus est Equestris Ordo Velleris aurei, olim a Philippo Burgundiae Duce anno 1430. conscriptus in suis cum Elisabetha Joannis Lusitaniae Regis filia nuptiis; cujus Societatis supremum Magisterium

rum, una cum Ditionibus Ducum Burgundiæ, extincta horum Principum stirpe, hæreditario jure ad Hispanos Reges pervenit. Is Ordo tutelarem habet S. Andream Apostolum, cujus festum diem olim solemni pompa in Capella Ducum Burgundiæ celebrarunt Sodales; hique sequenti ritu in Societatem adsciscuntur. Primo, ubi Rex aliquem hoc honore afficiendum decrevit, illum Cancellarius Societatis instituit in iis, quæ agenda sunt, traditis ei Statutis Societatis, & formula juramenti ab eo præstandi: tum monentur Socii omnes, qua die, qua hora, cooptatio sit facienda. Stata die, conveniunt omnes in aula quadam Regii Palatii, ibique Rex in sede, Sodales in scamno, Officiales Societatis (Cancellarius, Thesaurarius, Secretarius) in alio scamno confident, & jubente Rege, Sodales capita operiunt. Post Regis sedem stant Supremus Præfectus Regii stabuli, & Primus Præfectus equorum; prope vero sedem Regis paratur mensula, super quam Crux, & Evangeliorum liber collocantur. Tunc, Rege innuente, Sodalium postremus, & Cancellarius adeunt Candidatum in anteriori manentem cubiculo, ut ab eo perscrutentur, an noverit Statuta Societatis, an eadem servare velit, & an armatus sit Miles. Quæ quidem ubi Percontator ad Regem retulerit, is Candidatum jubet accersiri, qui medius inter Cancellarium, & Percontatorem sistit se Regi, eoque salutato, illi quidem suis se restituant locis, ipse vero stans ante Regem, e scripto quodam a Feziali Societatis accepto grates plurimas agit Regi, & simul se exequendis Societatis legibus operam omnem daturum promittit. Cui, jubente Rege, Cancellarius accedens ad sedem Regis, hujus nomine respondet, eum nempe adscitum in Societatem ob præclara ejus merita, sperare Regem, ut officio suo sit satisfactorius; sed ante cooptationem, eum armandum esse Militem, atque juramentum ab eo præstandum. His a Cancellario dictis, Supremus Præfectus Regii stabuli porrigit Regi enses, quo a Rege ter percutiuntur humeri Candidati in genua provoluti, his verbis ter prolatis: *Quereis ser Cavallero*: Cui Candidatus: *Si quierro*: Rex vero subdit: *Dios vos haga buen Cavallero, y el Apostolo San Andres*: ultimo ensis manubrium, Regisque,

manum deosculatur. At si cooptandus in Societatem jam fuerit armatus Miles, omittitur hæc cæremonia. Sequitur juramentum, quod a Candidato persolvitur flexis genibus, manu dextra tangendo Crucem, sinistra Evangeliorum librum, juxta Societatis statuta, quæ a Cancellario leguntur. Juramenti summa est, se totis viribus supremum Societatis Magisterium Regi vindicaturum, ejus jussa facturum, omnem daturum operam ad Societatis gloriam, & incrementum, æquo animo laturum quæcumque adversa subeunda essent causa Societatis, hujus statuta servaturum, denique Torquem se redditurum, nec ultra se tanquam Socium habiturum, si ob crimen aliquod expunctus fuerit a Societate. Ubi hæc protulerit, Candidatum sciscitatur Cancellarius, an dictis se juramento adstringat; ille vero subdit: *Affi lo juro y prometto, affi me ayde Dios y todos los Santos*. Mox eundem provolutum in genua, Rex, accepto a Thesaurario Torque aureo, his verbis alloquitur: *La Orden os recibe en su amigable compañía, y en señal de ello os presenta este Collar, quiera Dios, que lo podais traer largo tiempo, a onra y servicio suyo en falfamiento de la santa Iglesia para onra y acrecentamiento de la Orden, y de vuestros meritos y buen renombre, en nombre del Padre, del Hijo, del Spirito Santo*: impositoque Torque ejus collo, is osculatur manum Regis, a quo ulnis excipitur. Tum cæteris Sociis mutuo amplexu salutatis, ultimo inter eos loco sedet, nisi Princeps sit Regiæ stirpis, cui primus conceditur locus; sedentem Rex jubet caput tegere. Surgunt deinde omnes, & cæremoniæ finis imponitur.

II. Festum diem S. Andreæ Apostoli tutelaræ Societatis solemnî ritu celebrant in Capella Palatina Regis Hispaniæ Confratres Velleris aurei. In pervigilio habentur Comitæ Societatis in aula quadam Palatii Regii, assidentibus Rege, & Sociis, operto capite, & foribus clausis. Cancellarius, accepto a Rege scripto, profert quid agendum sit in illis Comitibus; tum quisque suam dicit sententiam, antiquiores primi verba faciunt, nisi adsit Princeps aliquis Regiæ familiæ, cui ante omnes dicendum est. Actis Comitibus, universi adeunt Palatinam Ecclesiam ad Vespertina Officia, & hoc ordine incedunt:

dunt: Adolescentes Aulici, Magistri equorum, vulgo *Caval-
lerizzi*, Cubicularii, seu *Gentiluomini*, Caduceatores, vulgo
Mazzleri, Præfeti Domus Regiæ, seu *Maggiordomi*, Of-
ficiales Societatis, Socii operto capite, Principes Regiæ so-
bolis, Rex medius inter quatuor Feciales, vulgo *Re dell'armi*.
In Capella Rex & Principes consistunt sub Regiis Cortinis, &
prope has Feciales, Socii in scamno, Officiales in alio scamno,
Antistes Sacra faciens prope Altare in cornu Epistolæ, Magnus
Capellanus prope Altare in cornu Evangelii confident. Regi
thus datur a Magno Capellano, Principes vero Regiæ stirpis
thure coluntur ab alio Capellano Aulico. Sequenti die, eo-
dem ordine, adsunt universi Liturgiæ in Capella Palatina,
de qua re ita scribit Turturetus lib. de Sacel. Hisp. cap. 4.
*Consuevit Rex maximus, tamquam Dux Burgundiæ, & au-
rei Velleris summus Præfetus solemne festum S. Andrea Aposto-
li celebrare: in cuius Divi patrocinio is Ordo splendidissimus
fuit institutus; & quem Domus Burgundica habuit tutelarem.*
*In perovigilio Rex Catholicus Vespertinis Horis, quæ in publico
Aulæ Sacello modis musicis decantantur, præsens adest, sed
deductis Regiis Cortinis. Milites ipsi aurei Velleris operi ca-
pita confident in scamno, in quo assidere solent cæteris diebus
Hispaniæ Magnates, qui eo die non Interfunt: hos excepiunt
Cancellarius, & Secretarius ejusdem Ordinis, sed in sca-
mno distincto; assidentes caput etiam contegunt. Cum matu-
tinis horis Sacrum est peragendum Pontificali apparatu, Rex
Sacellum intrat, quem parum antecedunt Feciales (vulgo Re-
ges armorum) qui deinde se sistant paulo supra Regias Cor-
tinas. In Sacro, quod peragit solemniter Antistes aliquis
ex primariis, qui in Aula degunt, illud est notandum, post
oblatam Hostiam, Rex ad Altaris gradus progressus, & ge-
nuflexus Antistiti offert nummum aureum. Idem efficiunt cæ-
teri Committiones aurei Velleris suo ordine, quem antiquitas
demonstrat (ut & in sessione) necnon Cancellarius, & Secre-
tarius, ad suas quisque sedes deinde revertitur. Eo die Rex in
conspetu omnium sub umbella accumbit mensæ, & in alia
mensa discumbunt Sodales omnes. Ad vespertas ejusdem diei,
rursum adeunt omnes Palatinam Ecclesiam ad audienda Ve-*

spertina, & Matutina Officia, quæ pro expiandis manibus Sodalium defunctorum, modis musicis decantantur. Altero die Sacrum celebratur pro Sociis vita functis; & ad Offertorium, Rex solus, osculata Patena, offert aureum nummum. Sacro peracto, porriguntur Regi, & Principi Asturicensium cerei a Cancellario, cæteris vero Sociis cerei traduntur a Clerico aliquo Capellæ Regiæ; hisque accensis, fit Absolutio ad tumulum, qua finita, universi ad ædes suas se recipiunt.

III. In Gallia præstantissimus eminet Ordo Equestris Spiritus Sancti, cujus auctor fuit Henricus III. anno 1578. (exemplo hausto ab Aula Neapolitana, uti infra dicendum, erit) quod sacra die Pentecostes, tum Polonia, tum Gallicæ imperium fuerit assecutus. Is Ordo centenario Sociorum numero constat, recensitis Rege Christianissimo Supremo Moderatore, quatuor Cardinalibus, Episcopis quatuor, Magno Eleemosynario, Cancellario, Præfecto cæremoniarum, Thesaurario, & Secretario. Ut quis in hanc nobilissimam adsciscatur Societatem, constare debet illum Orthodoxa Fide, & optimis moribus inbutum, quod plerumque illius Episcopi testimonio comprobatur, ubi habet domicilium. Sed Orthodoxæ Fidei professio emittenda est coram Magno Eleemosynario. Debet etiam constare eundem ex claro esse genere, ejus rei conscius sit Rex a Cancellario, is vero a duobus Sociis, quibus hæc cura demandatur. Insigne Societatis, præter pallii n. holoserici liliorum floribus, flammis, aliisque ex auro, & argento intertextum, est Torques aureus ex hiliis flammæ congerie circumdatis (quibus Henricus IV. cassides, & alia belli trophæa addidit) elaboratus, cui Crux adhæret columbæ formam exhibens. Hæc tamen insignia nonnisi solemnæ inaugurationis die gestantur; cæteris namque diebus Crucem argentæam deferunt vestibus adfuturam; aliamque pendentem a fascia cærulea collo innexa. Cæremonia inaugurationis his fere ritibus absolvitur, uti referunt Dumontius & Rossetius lib. 3. cap. 1. Cæremonialis Galliæ. Candidatus a Præfecto cæremoniarum ducitur ante Regis Solum, ubi sedet Rex Christianissimus, & hinc inde cæteri Sodales; prom-

eumbens in genua sacramentum emittit, & propria manu sub-signat, ad Evangeliorum librum, quem supra Regis genua apertum exhibet Cancellarius. Dato juramento, Rex accepta a Præfecto cæremoniarum solenni veste Ordinis, ea Candidatum induit, ejus collo mox Torquem a Thesaurario porrectum imponit, his verbis : *Recevez de nostre main le Collier de notre Ordre du Benoit S. Esprit . Au nom du Pere, du Fils, du S. Esprit .* Qui vero huic Societati adscribitur, is etiam in Equestrem Confratriam S. Michaelis Archangeli, quæ fundatorem habuit Ludovicum XI. anno 1469. cooptari debet. Hæc cæremonia agi solet ad vespervas, uti contigit anno 1724. die sacra Pentecostes, cum a Rege Christianissimo in Capella Palatina Versaliensi, quinquaginta selectissimi Proceres, ac inter eos Cardinalis de Gesures, Archiepiscopi quoque Lugdunensis, Aquis, & Narbonensis in Equestrem Societatem Spiritus Sancti adsciti fuere. Ordinem totius rei gestæ describunt citato loco Dumontius, & Rosuetius, atque ita fere se habuit. In pervigilio Pentecostes primum in Ædibus Regiis adscripti sunt Candidati Equestri Confratriæ S. Michaelis, ense ter percussis a Rege humeris singulorum, his verbis : *De parte S. George & Saint Michel je vous fais Chevalier*, datoque singulis amplexu, quem Galli vocant *accolade*. Tum omnes Palatinam Capellam adiere, ubi decantato Hymno, *Veni Creator Spiritus*, & dicta oratione ab Episcopo Metensi Socio Ordinis, qui Sacra faciebat, Rex Solio insidens excepit sacramentum a præfatis Cardinali, & Archiepiscopis emissum, quos deinde donavit Societatis insignibus, fascia nempe cærulea a qua Crux pendet; siquidem Socii ex Ecclesiasticorum numero Torquem minime gestant. Et post decantatas Vespervas, in Societatem adscivit cæteros Candidatos, qui bini ad Solium accedebant, eos ducentibus Præfecto cæremoniarum, & Sponsore. Sequenti die, universi Sacro solenni ritu in Capella Palatina peracto interfuere.

IV. Olim Sodales Equestris Confratriæ S. Michaelis Archangeli a Ludovico XI. Galliarum Rege conscriptæ, singulis annis, die illi sacra, adesse debebant solenni Liturgiæ, & ad Offertorium singuli nummum offerebant. Altero die, Sacrum
age-

agebatur pro expiandis manibus defunctorum Sodalium, pariterque ad Offertorium cereus a singulis offerebatur. Ita ex Statutis illius refert lib. 2. cap. 45. Peiratus. Et erat olim Galliæ Regibus dies S. Michaelis Archangeli festivus, atque solemnus; imo Carolus VIII. Sancti Archangeli imagine Regia vexilla jussit exornari. Quod usitatum quoque fuit Græcis Imperatoribus, utpote quia, teste Codino, inter vexilla, quæ in magnis solemnibus præferebantur Imperatori, primum, præcipuumque fuit Archistrategum, ita dictum, quod in eo impressa esset effigies Principis cælestis militiæ, seu Michaelis Archangeli. Nunc vero temporis a Sociis nobilissimi Ordinis Spiritus Sancti, solemnia aguntur singulis annis, & quidem ultima anni die, primaque anni subsequens, quod pridie Kalendas Januarii in Parisiensi Augustinianorum Ecclesia Henricus III. splendidissimum illud Equestre Sodalitium conscripserit. Quandoque tamen ipsa sacra die Pentecostes, & inaugurantur Socii, & solemnia ab omnibus aguntur, uti contingit anno 1724. in cooptatione illa quinquaginta Sodalium, quam describunt Dumontius, & Rossuetius. Aderant Socii omnes Torque, & vestimento Ordinis induti, Rex insidebat Solio media in Ecclesia constructo, Regique adhærebant Magnus Eleemosynarius, & Primus Eleemosynarius, & Confessarius; post Regis sedem Dux militum custodum corporis Regis, & Præfectus Regii cubiculi, prope Solium quatuor Officiales Societatis totidem in subselliis; Socii hinc inde in scamnis assidebant, Antistites vero in alio scamno prope Aram in cornu Epistolæ. Antistes Metensis, Socius Ordinis Sacrum faciebat. Evangeliorum librum obtulit Regi deosculandum Archiepiscopus Lugdunensis e Sociorum Collegio antiquior, qui & pacis osculo Regem donavit. Ad Offertorium Magnus Eleemosynarius prægustavit unam ex Oblatis ad periculum faciendum pro communionem Regis. Tum inonente cæremoniarum Præfecto, Rex medius inter duos Principes Regiæ stirpis, manu ferens accensum cereum a Cancellario porrectum, præeuntibus Faciali, Caduceatore, & quatuor Officialibus Societatis, ad Altare accessit, ibique flexis genibus, osculato anulo Antistitis, primo cereum obtulit, deinde tot
au-

aureos nummos, quot vitæ annos egerat, a quodam Regiæ stirpis Principe ei traditos. Facta a Rege oblatione, Principes Regiæ stirpis singuli, Sodales vero cæteri bini, Cancellarius, tum Præfectus cæremoniarum medius inter Thesaurarium, & Secretarium adeuntes Altare, nummum aureum obtulere. Eodem ordine, Rex Christianissimus sumpturus Eucharistiam ad Altare accessit, duoque Eleemosynarii, duo itidem Principes Regiæ stirpis mappulam coram Rege expansam detulere. Tandem acceptis ab Eleemosynario Eulogiis, & ab Antistite benedictione, osculato sacro Corporali, rediit ad Regiæ Aedes. Sequenti die, in eadem Capella Palatina Versaliensi, eodem fere ritu, focis e vita sublati parentatum fuit. Rex violacea indumenta gerebat, siquidem violaceo colore in luctu Francorum Reges utuntur, cæteri Socii atrati interfuerunt.

V. Eduardus III. Anglorum Rex nobilissimam constituit sub S. Georgii patrocinio Equestrem Societatem Periscelidis, sive ob periscelidem suam in prælii, quod feliciter cesserat, tesseram datam, uti tradunt nonnulli; sive ob periscelidem Joannæ Comitissæ Sarisberiensis venustissimæ femina, quam illi choreas agenti delapsam Rex ex humo sustulit, addens futurum, ut brevi summus honor ejusmodi periscelidi haberetur. Socii cæruleo subligari aureis litteris inscripto: *Hony soit, qui mal y pense*, idest: *Male vertat ei, qui male cogitat* sinistram tibiā paulo infra genu substringunt aurea fibula. Solemnibus vero inaugurationis diebus Collare gestant ex eadem crurali fascia sæpius iterata & rosīs alternatim rubris, & albis, quod Lancastræ, & Eboracensis familiæ stegma extitit, conflatum; appensa effigie D. Georgii tutelaris. Hujus Societatis Antistitem agit Episcopus Vintoniensis, Cancellarium vero Episcopus Sarisberiensis, ac Secretarii munere fungitur Decanus Vindeforiensis. Insignes in hac Societate partes agit Garterius, qui primus, præcipuusque est e Londinensi Collegio Fecialium, vulgo *Re dell'armi*. Ad hunc enim spectat cæremonias omnes Ordinis moderari; Socios monere, quo die, qua hora, Vindforii conveniendum sit ad solemnia agenda, vel ad novos Socios adsciscendos; Sociorum insignia gen-

gentilitia, galeam, & scutum in Templo Vindforienti suspendere; eorum præclara gesta tabulis consignare, & obitum cæteris significare; ad absentes una cum Legato Regis insignia Societatis deferre; denique Regio funeri imminere. Nec sine multiplici ritu Garterius ordinatur; siquidem flexis genibus coram Magno Marefcallo, præstito juramento, osculatis Sacro Codice, & ense, dum Regis litteræ leguntur, vinum effunditur a Magno Marefcallo supra illius caput, tum donatur insignibus Societatis. Ad hunc quoque spectat amovere Templo Vindforienti gentilitia arma eorum, qui ob crimen aliquod Societate ejiciuntur. Porro inaugurantur Socii in Ecclesia Palatina Vindforienti D. Georgio tutelari Societatis sacra, ubi perpetuo aluntur viginti sex nobiles viri, inopes rerum familiarium, qui a Deo precentur Ordinis prosperitatem; eaque inauguratio fit multiplici ritu, & insigni pompa. Pariter in Aula Borussia Principum, etiam Calvinianæ communionis, Equites Aquilæ nigræ a Friderico Marchione Brandeburgi anno 1701. conscripti, tunc primum cum se Borussia Regem salutari, unguine jussit, multiplici sacra cæremonia coram Antistite Aulæ inaugurantur in Capella Palatina. Nam, uti legitur apud Dumontium, & Rosfuetium cap. 4. §. 3. Cæremonialis Borussia, primo Antistes Aulæ, (quem vocant Aulæ Episcopum, quia sacris rebus Calviniano more, in Aula præest) expectat Principem prope sacram Mensam; neque enim Calvinianis Altare dicitur, uti nec Sacrificium. Illuc Princeps Aulicis, Sociisque stipatus accedit, Solum conscendit, & silentibus mulicis bellicis instrumentis, Palatini Cantores Hymnum inchoant, *Veni Creator Spiritus*; huic subditur Oratio ab Antistite ad sacram Mensam prolata, qua Deo grates agit ob institutam a Principe Societatem, illumque deprecatur, ut suam effundat gratiam in Principem, Sociosque, qua officio suo faciant satis, & Christianam colant pietatem. Subjungitur hisce precibus Oratio Dominicæ; qua finita, nonnulli decantantur Psalmorum versus. Mox a Societatis Secretario leguntur Statuta; iisque lectis, Candidati a cæremoniarum Præfesto advocantur: quos Cancellarius conscios facit accepti a Principe beneficii, simulque mon-

net,

net, non antea cooptandos fore in Societatem, quam consuetum protulerint sacramentum. Hinc, præeunte Secretario verba, jurant Candidati servaturos se Statuta, quæ illis exhibentur. Adhæc Thesaurarius Cancellario, & is Principi porrigit Torquem Societatis, quo Candidati, flexis ante Principem genibus, & osculata ejus manu exornantur, dum interim pulsantur musica militaria instrumenta. Ad suam quitque sedem, monente Præfecto caeremoniarum, se recipit: atque Antistes singulorum nomina proferens, singulis fausta precatur, utque cedat eorum inauguratio in Dei, Fidei, Principis, & Societatis gloriam, juxta symbolum Societatis *Suum cuique*. Has faustas preces Chorus excipit respondendo *Amen*. Rursum Psalmorum versus a Cantoribus Palatinis, & Oratio gratiarum actionis ab Antistite, & Oratio Dominica, recitantur. Sequitur benedictio ab Antistite data, tum Hymnus, deinde Antiphona: *Esse fidelis usque ad mortem, & ego tibi dabo coronam gloriæ*. Denique singulorum, qui in Societatem adscripti sunt, oblationibus caeremonia absolvitur.

VI. Siculos, Neapolitanosque Reges consuevisse militari cingulo donare in magnis solemnibus, ut in eorum Coronatione, aut Conjugio, vel ob insignem aliquam victoriam, de hostibus partam, vel primo eorum in civitatem aliquam, ingressu, quosdam, qui rebus optime gestis, honorem illum meruerant, passim indicant nostrarum rerum Scriptores. Ita Rogerium I. Regem, Neapolim ingressum cum Innocentio II. duos ibi menses festos egisse, & centum quinquaginta, creasse Milites, enarrat Fazellus lib. 1. rerum Sicularum. Et de eodem Rogerio scribit lib. 4. cap. 5. Abbas Teslinus: *Ipse Rex Natalis Dominici subsequenti die adveniente duos liberos suos ad Militiam promovit Rogerium scilicet Ducem & Tancredum Barensem Principem, ad quorum videlicet laudem, & honorem quadraginta Equites cum eisdem ipsis militari cingulo decoravit*. Nam & Reges ipsi, & eorum filii, vel ab Episcopis, vel a Regibus militare accipiebant cingulum, uti pluribus exemplis constat apud eos, qui de hac re scripsere. De Manfredo Rege Spinellus in Diariis to. 1. Script. Ital. Muratorii, refert: *Rex Manfredus ingressus solemnī pompa Na-*

polim creavit ibi triginta tres Equites, iussitque eos bono animo esse, eo quod volebat bonam concordiam cum Papa, & esse filius obediens Ecclesie. Recordatus autem Archipresbyteri Caraccioli, qui fuerat pædagogus suus, quæsiuit, quinam ex ejus familia superessent Neapoli. Intelligens porro, duos superesse nepotes, accersitos ad se creavit Equites cum provisione unciarum quinquaginta. Ludovicus II. Andegavenlis, anno 1390. Neapolini solemnî pompa adiens, nonnullos suarum partium studiosos donavit eo die militari cingulo, uti lib. 4. Hist. Neap. narrat Summontius. Eodemque teste, Carolus Andegavenlis initis anno 1272. secundis nuptiis, plures constituit Milites. Carolus III. in die Natalis Domini anno 1383. Urbano VI. Pontifice Sacris operante in Metropolitana Ecclesia Neapolitana, Basilio Januensi contulit Militiæ gradum, cui ipse Rex ensen tradidit, nepos vero Pontificis admovit calcaria. Testis est Facius lib. 9. plures ab Alphonso Rege ordinatos Milites in gratiam Friderici Imperatoris, quem Neapoli magnificentissime exceperat: *Plerosque civium, ait, in honorem ejus (Helionoræ neptis) & Friderici ingressus Neapolim, Equestrî dignitate decoravit. Nonnulli etiam id postulantes a Friderico eam dignitatem dari æquo animo tulit.* Constat quoque, Alphonsum II. Neapolitanorum Regem decem & septem Milites; & Jacobum II. Siciliæ Regem quadringentos constituisse Milites in die coronationis suæ. Et ad hanc rem dabantur a Rege litteræ, cujusmodi sunt Friderici Siciliæ Regis datæ Perellode Cisarîo Panormitano, quæ leguntur in quodam antiquo Chronico Siciliæ to. 3. Anecd. Martene. *Satis decens, & honorabile fore discernitur, quod in solemnitatibus nuptiarum, quæ inter inclytum Dominum Petrum II. Illustrem Regem Siciliæ primogenitum nostrum, & Inclytam Dominam Elizabeth Filiam Illustris Regis Bohemiæ in Civitate Messanæ, in festo Nativitatis Domini proxime futuro sunt feliciter omnimode celebrandæ, certi fideles nostri honoris, & nominis nostri, & dicti Filii nostri avidi zelatores, & præcipue ad hoc apti, militari cingulo decorentur. Cumque tu, vel filius tuus ad suscipiendum dictum militiæ cingulum aptus, idoneus, & sufficiens*

ciens dignoscaris, nobis, & eidem nato nostro plurimum complacitis, si ad dicta solemnia decenter te, filium tuum, prapares ad decorandum vel te, vel cum honore militiae, ut expedierit accessurum. Tantoque sumptu olim Equestre cingulum accipiebant, ut ob eam rem fas esset Dynastis subsidia extraordinaria subditis suis imperare. Veterem ritum armandi Militem exhibent nonnulli antiqui Ordines editi a Martene p. 3. lib. 2. cap. 12. ubi Antistes benedicit ensem de Altari sumptum, eoque cingit Militem, recitatis quibusdam precibus, is vero evaginatum ensem ter vibrat; tum acceptis ab Episcopo osculo pacis, & alapa, & vexillo, calcaria ei a nobilibus viris imponuntur. Sed apud Neapolitanos Reges is fuit Ordo creandi Militem, quem describunt Summontius lib. 3. Hist. Neapol. & Tutinus in libro *de' Seggi di Napoli* cap. 14. Referunt namque, in Ecclesia excitato tabulato, ordinandum Militem sedisse in argentea sella, ibique examinatum, an iis praditus esset conditionibus, quæ Militi conveniunt; mox oblato ab Antistite Evangeliorum libro jurare debuisse, se Regi fidelem futurum, & adiuvandis miserorum rebus omnem daturum operam; deinde a duobus Equestris Ordinis viris ductum ad Regem, hunc illius caput, vel humeros ense tetigisse his verbis: *Iddio ti faccia buon Cavaliero*; postea a nonnullis Aulicis matronis ense cinctum, & a quatuor Militibus ei imposita calcaria aurata; quo facto, ductum ad nobiliorem sedem, medium confedissee inter Regem, & Reginam; tandem pretiosissima quædam ex saccharo condita, singulis distributa fuisse. Ambigendum haud est, quin sæpe hæc caremonia peracta fuerit in Capella Regis, & coram Magno Capellano. Neque enim semper Reges in Civitate principe, neque semper in Neapolitana Ecclesia Milites crearunt: sed sæpe in Aula, sæpissime in castris congressuri cum hostibus, aut statim a parta victoria. Tum vero & in Capella sua, & coram Magno suo Capellano cingulum militare contulerunt. Ita Petrum IV. Aragoniæ Regem in Capella Palatina Majoricensi nonnullos ad militiam ordinasse anno 1343. scribit Zurita Ann. Arag. p. 2. lib. 7. cap. 68. Et innumera sunt exempla eorum, etiam Principum, qui in castris militari cingulo donati sunt.

VII. Alii vero non ad militarem dumtaxat gradum ; sed ad Equestrem aliquam Confratriam , cujus Neapolitani Reges auctores fuerant , cooptabantur . Scriptores Neapolitanarum rerum memorant Confratriam quamdam a Ludovico Tarentino Joannæ I. Reginæ conjuge anno 1352. die sacra Pentecostes institutam , quæ Nodi nuncupata est : quod ejus Sodales sericum funiculum perlis ornatum , nexu quodam complicatum , & pectori admotum gererent . Atqui tamen hæc Confratria , sub invocatione & patrocinio Sancti Spiritus viguit : & ad hujus amplissimæ Societatis exemplar Henricus III. Gallorum Rex præclarissimum conscripsit Ordinem Spiritus Sancti in Gallia , ad hæc usque tempora insignem . Quod sane nostris Scriptoribus insecis , ex antiquo quodam monumento eruit D. Laboureur in addit. ad Com. D. de Castelnau , agens de Henrico III. & de instituta ab eo Societate , tom. 2. ait . *Cet Ordre n'est qu'une imitation d'une pareille Milice du S. Esprit, instituée l'an 1352. par Louis Anjou dit de Tarente, Roy de Hierusalem & de Sicile a cause de la Reine Jeanne sa femme , & sa consine ; de la quelle n'ayant point eu d'enfans, cet Ordre prit fin avec lui, & se perdit si bien dans le desordres, & les revolutions, qui arriverent au Royaume de Naples, qu'on l'avoit mesme ignoré ; sinon que l'original des Constitutions estant tombé au pouvoir de la Seigneurie de Venise, elle en fit present a Henri III. quand il y passa a son retour de Pologne. Il le trouva d'autant plus beau, qu'il lui convenoit parfaitement pour estre né le jour de la Pentecoste, & pour avoir esté le mesme jour couronné Roy en Pologne, & en France, aussi bien que ce Roy Louis son premier instituteur, qui receus a mesme jour les deux Couronnes de Sicile, & de Hierusalem. C'est pourquoy il le prit en augure, & resolut de se l'approprier, comme s'il eut esté de son invention, & après l'avoir copié, & commenté les Statuts, il donna ordre au S. de Chiverny de le bruler ; mais il fit conscience de faire perir un si rare monument, le quel outre le merite de son sujet, & de son antiquité, estoit encore fort estimable, pour les belles miniatures en velin, ou l'on voit l'histoire de ce qui est contenu en chaque canon, ou statut . A la premiere feuille est le mystere de la Trinité, représentée dans un ciel tout se-*

semé de fleurs de Lys au lieu d'estoiles , & accompagné de plusieurs Anges ; dont il y en a deux aux costez , qui portent chacun un rouleau , ou est escrit en lettres Gothiques spiritu plena . Devant cette Trinité sont representez prians le Roy Louis , & la Reine Jeanne , avec cette souscription : Dominus Ludovicus Rex , Domina Joanna Regina , & a costé est la figure du noud de l'Ordre , qui est en forme d'un double lacs d'amour . Au dessus de cette Image est escrit : Ludovicus Dei gratia Rex Hierusalem , & Sicilia , entre deux escussions l'un d'Anjou tout plein , & l'autre party d'Anjou , & de Sicile . Ce livre escheut depuis a Philippe Hurault Evêque de Chartres fils du S. de Chloerny , & appartient a present a M. René de Longueil S. de Maisons President au Parlement . Le S. de Sainte Marthe Conseiller en la Cour des Aydes m'en ayant communiqué la copie , je la donneray icy comme une piece digne de l'Histoire , & qui fera voir quelles doivent estre les qualitez de ceux , qui aspirent a l'honneur d'un si noble Chevalerie . Quo testimonio constat , Henricum III. Gallorum Regem & Polonia in Galliam reducem , a Venetis accepisse Statuta Societatis Spiritus Sancti a Ludovico Tarentino Neapolitanorum Rege conscriptæ , exinde hausisse exemplar similem Societatem in Gallia ordinandi , optasse tamen , ut Statuta illa igni traderentur , quæ tamen diu servata tandem a Domino Laboureur typis edita sunt . Ea sequenti exhibemus paragrapho , quod ad Capellæ Palatinæ cæremonias , ad Aulæ Neapolitanæ ornamentum , & ad antiquitatem illustrandam plurimum faciant . Carolus III. Dyrrachinus , qui Joannæ I. successit anno 1381. auctor fuit nobilissimæ Societatis sub S. Nicolai Myrensis Episcopi patrocinio , in cujus honorem Ecclesiam construxit , & solemnia quotannis agi voluit : cui , qui adscripti erant , Navem gestabant vestibus effigiatam , illam , qua Argonautas olim vectos in Colchidem , Jasone duce , Poetæ fabulati sunt . Sed & Renatus Dux Andegavensium , Rex Sicilia , in Divi Mauricii Ecclesia Civitatis Andegavensis Equestre instituit Sodalitium Lunæ Crescentis , seu corniculatæ ; quod Socii lunam corniculatam brachio subligatam gestarent , uti scribit Pontanus lib. 1. de bello Neapolitano . Memorat Pontanus adscitum

tum in hanc Societatem a Joanne Andegavenſi, qui contra Ferdinandum I. de Regni Neapolitani imperio decertavit, Robertum Sanſeverinum virum genere, dynaſtiis, & rebus geſtis ampliſſimum.

VIII. Statuta Societatis Spiritus Sancti a Ludovico Tarentino, & Joanna I. Neapolitanorum Regibus edita, & a D. Laboureur in additionibus ad monumenta D. Caſtelnaud, Gallico idiomate, quo exarata fuerunt, publici juris facta, hoc inſcribuntur titulo. *Ce ſont les Chapitres ſaincts & trouves par le Tres-excellent Prince Monſeigneur le Roy Loys par la Grace de Dieu Roy de Jeruſalem, & de Secille. Aſſ'honneur du S. Eſprit Trouveur, & Fondeur de la Tres-noble Compagnie du S. Eſprit au droit deſir, encommencee le jour de la Pentecoſte l'an de grace MCCCCLI. Nous Loys par la Grace de Dieu Roy de Jeruſalem, & de Secille. Aſſ'honneur du S. Eſprit, le quel jour par la grace nous fuſmes couronnez de nos Royaumes, en eſſaſſement de Chevalerie, & accroiſſement d'onneur, avons ordene de faire une Compagnie des Chevaliers, qui ſeront appelez les Chevaliers du S. Eſprit au droit deſir, & les dits Chevaliers ſeront en nombre de trois cens, des quels Nous comme Trouveur, & Fondeur de cette Compagnie ſerons Princeps: & auſſi doivent eſtre tous nous Succelleurs Roys de Jeruſalem, & de Secille. Et a tous ceux, qui nous avons eſleus, & eſliront a eſtre de la dite Compagnie faiſons a ſcavoir, que nous penſons a faire ſe Dieu plet la premiere feſte, au Chaſtel de Leuf enchante du merueilleux peril, le jour de la Pentecoſte prochain venant. Et pour ce tous les deſſudits Compagnons, qui bonnement pouveront, ſoient audit jour, audit lieu, en tel maniere, comme cy apres ſera deviſe: & adonques ſera plus a plain a tous les Compagnons parle de cette matiere. Ipſa Statuta hiſce Capitulis conſtata ſunt. I. Socio cuiſlibet jurandum eſt, daturum ſe omnem operam, ſive conſilio, ſive armis, ſive quovis alio modo, tum in exequendis, quæ Princeps imperaverit, tum in obſervandis Statutis Societatis. II. Singulis Sociis jugiter geſtandum eſt in veſte inſigne Societatis, nempe Nodus pectori admotus cum hoc ſymbolo; *ſi Deo placeat*: & qualibet ſeria ſexta in memoriam Dominice Paſ-*

Passionis deferenda sunt indumenta nec ornatu, nec colore conspicua, cum nigro capitis tegumento, quod Veteres cucullum dixere, Galli dicunt *Chaperon*. iii. Ei, qui egregium aliquod facinus in bello gesserit; dummodo non in Ecclesiam Romanam arma tulerit, fas est Nodum solvere, solutumque gerere, usquedum Hierosolymitanum Christi Domini monumentum adierit, ibique veluti trophæum collocaverit: exinde Nodum rursus complicatum deferet, sed cum hoc symbolo, *Deo placuit*, additisque circa Nodum flammulis, seu radiis, quæ vim Spiritus Sancti illapsam denotant. iv. Insigne Societatis, seu Nodus cum symbolo: *si Deo placet*, non in vestibus solum exprimi, sed & in manubrio ensis sculpi debet, additis nomine, cognomento, & galea scutaria illius, cujus est ensis. v. Socii jejunandum est qualibet feria quinta totius anni; sin minus, tres alendi sunt eo die inopes, vel eisdem stipes eroganda, quanta sufficit ad unius diei alimoniam. vi. Die sacra Pentecostes Socii omnes conveniant Neapolim ad agenda solemnia Societatis in Capella Arcis Lucullanæ, vulgo *Capel dell'Ovo*, quam in honorem Sancti Paracleti Princeps excitavit. Is vero Corona redimitus eo die Comitiam habet; Sociisque, quibus exiguæ sunt opes, ex ærario suo pecuniam subministrat, quantam itineris faciendi causa impenderint. vii. Eo die Socii omnes candidis induti vestibus, in quibus prope regionem cordis effigiata sint flammulæ Spiritus Sancti, manu gestantes enses erectum, adsint Liturgiæ in dicta Capella, ubi sua cuilibet est sedes, gentilitiis insignibus, galeæ scutaria, nomine, & cognomento cujuslibet distincta: absoluteque Sacro, universi flexis genibus Hymnum *Veni Creator Spiritus*, precesque recitent, ut in Societatem cælestia dona Spiritus Sanctus effundat. viii. Quo die Socii ad celebritatem conveniunt, eorum singuli tabulas deferant, ubi eorum præclara gesta recenseantur, hasque Clericis illius Capellæ tradant, ut ab eis Principi, ejusque Consilio exhibeantur: quæque Princeps cum Consilio suo memoratu digna existimaverit, hæc ab iisdem Clericis describenda sunt in libro ad hanc rem in Capella asservato, cui titulus: *Livre des advenemens aux Chevaliers de la Compagnie du S. Esprit au droit desir*. ix. Prin-

Principi in Palæstinam ad bellum Sarracenis inferendum, & sacra loca Christianis vindicanda trajicienti adesse debet qui-
libet e Sociorum numero; itidem & aliis omnibus in Palæsti-
nam expeditionibus, quas Romana Ecclesia, vel Christiani
Principes susceperint, ni impedimento aliquo prohibeantur.
x. Sociorum vexilla in gerendo bello, præsertim si pro Fide,
aut Principe decertaverint, tum alba sint, tum Spiritus San-
cti effigiem flammis radiantem præferant: atque eis in prælio
sit vocalis tessera, *Au droit desir*. xi. Qui segniter cum hoste
pugnaverit, haud candidis utatur vestibus in celebrandis so-
lemnibus Societatis, sed atratis; neque vestes ipsas flammulis
Spiritus Sancti insigniat, quinimo hæc litteras legendas in
iis exhibeat: *J'ay esperance au S. Esprit de ma grand bonte
amander*; spem nempe habeo, favente Divino Spiritu, quod
mihi probro datum est, diluturum. Neque eo die discumbat
una cum cæteris Sociis in eadem mensa: id vero usquequod
judicio Principis, ejusque Consilii inultam sibi infamiam no-
tam purgaverit. xii. Nulli ex Sociorum coetu fas est longa-
aggredi itinera, non antea impetrato Principis consensu;
tuncque in Comitiiis significanda est ratio suscepti itineris, ut
Socii absentiam intelligant universi. xiii. Si qui e Sociis
dum omnem navat operam, ut perpatrato insigni facinore,
Voti compos fiat, ob id in egestatem inciderit; re discussa,
& probata in Consilio, ei Princeps opem, subsidiumque
conferet. xiv. In Arce Lucullana, quo Socii ad agenda
Comitia conveniunt, mensa erit nuncupanda *la Table desfe-
ree*, quod in ea discumbendum sit illis, qui jam *Voti* com-
potes facti, insigne aliquod facinus in prælio gesserint, No-
dumque propterea solverint. Inter eos vero primi sedent,
qui pluries decertando meruerint; principe tamen loco con-
cesso ei, qui solum antea Nodum rursus complicaverit,
isque caput lauro cingit eo die, more veterum Romanorum.
XV. Ipso die Pentecostes, sacris rebus absolutis, Comitium
Societatis habenda sunt, atque singulis Sociis vi sacramenti
sui incumbit officium proferendi quicquid ad Societatis glo-
riam spectat & utilitatem. Quod quidem, si Patrum consi-
lio expedire visum fuerit, probatumque, addendum erit
Sta-

Statutis Societatis , curante hanc rem Principe . Si quæ de hujusmodi Statutis servandis emergunt dissidia , ea Patrum suffragio , & judicio in Comitibus sunt definienda . xvi. Qui in hanc Societatem est cooptandus , si jam antea alteri Societati Equestri nomen dederit , vel ea abire , vel hanc omnibus aliis præferre debet : cooptatus vero in Spiritus Sancti Societatem , neque hac ipsa abire , neque alteri nomen dare potest , inconsulto Principe , ejusque Consilio . xvii. Qui a Principe creantur Scutiferi Societatis , ii armandi sunt Milites , antequam ad agenda solemnia admittantur . xviii. Socius quilibet morti proximus curet , imperetque , ut ipso e vivis sublato , ensis in cujus manubrio sculpta sunt Societatis insignia ad Principem deferatur ; tum quoque Nodus omnium , quos habet nobilissimus ad Capellam Societatis transmittatur . xix. Princeps accepto ense defuncti Socii curet , imperetque , ut infra octo dies illius solemne funus in Capella Societatis agatur : cui funeri ipse , ceterique Socii , qui non ultra unius diei iter ab Aula dissi sunt , adsint ; tum ad Liturgiam , ensis offeratur ab aliquo defuncti consanguineo , vel amico ad Altare , comitantibus ensen offerendum cæteris Sociis , qui ad Altare flexis genibus pro illo preces effundant . xx. Ensis cujuslibet Socii vita functi suspendendus est in eadem Capella Societatis : ibi quoque excitandum est monumentum , & in marmore incidendum , quo die , quo loco Socius ille e vivis excesserit . xxi. At vero Sociis præclarissime meritis , ut qui solum antea Nodum rursus subligarunt , addendæ sunt in monumento flammulæ Spiritus Sancti , simulque litteris sculpendum est , illum officio suo functum esse , ac jam *Voti* competentem factum . xxii. Si Sociorum aliquo supremum obeunte , Princeps absit ab Aula , ei incumbit infra annum parentalia defuncto indicere , & agere . xxiii. Quilibet e Sociorum cœtu in alicujus Socii morte , septem Missas pro expiatione animæ celebrandas imperet infra mensem ab accepta notitia . xxiv. Nulli fas est Nodum suum solvere , nisi cum quinquaginta , vel pluribus Barbutis decertaverit , & ita se fortiter gesserit , ut vel primus in hostem irruperit , vel ho-

stem primus vulneraverit, vel vexillum ad terram usque projecerit, vel hostium Ducem coeperit, & ad finem usque pugnae rem insigniter egerit. xxv. Pariter ei fas est Nodum solvere, qui cum exigua suorum manu contra tercentos Barbutos arina contulerit, & primus impetum fecerit, vel vulnus injecerit, dummodo exitus pugnae ipsi feliciter cesserit, & egregie navatam operam Princeps probaverit. Atque haec sunt illius amplissimae Societatis Statuta, quibus constat, Societatis Insignia tum Nodum pectori admotum, tum Spiritus Sancti flammeos radios fuisse. Quoad Barbutos, qui ibi nominantur, horum nomine vel intelligendi sunt Brabeutae, ita dicti ab accipiendo Bravio, Italice *Campioni*; vel milites quidam ita nuncupati a tegminis aliqua specie, quo caput tangebant. Horum mentio fit in epistola quadam Innocentii VI. apud Martenium, to. 2. Anecdotorum, & in Chronico Veronenſi apud Muratorium, ubi: *Et ab alia parte Civitatis Verona versus portam S. Maximi jam equitaverat D. Bernabous de Vicecomitibus de Mediolano cum ostingentis Barbutis*. Censet doctissimus Cangius, illos olim Barbutas dictos, quos deinde Itali *Lances* seu *Lanciarios* appellarunt. Porro ex Menennio in libello de Ordinibus Militaribus constat, adscitos a Ludovico Tarentino in hanc Societatem Robertum Tarenti Principem ejus fratrem, Barnabam Vicecomitem Mediolani Principem, Thomam Sanseverinum Comitem Marfici, & Sancti Severini, Magnum Comestabulum; Robertum Urſinum Comitem Nolae, Magnum Justitiarium; Goffredum Martianum Comitem Squillacii Magnum Admiratum; Erricum Caraczolum Comitem Hiracii Magnum Camerarium; Nicolaum Acciajolum Magnum Senescallum; Honoratum Gaetanum Comitem Fundorum, Joannem Sanframundum Comitem Cerreti, Guglielmum Baucium Comitem Noyae, Raimundum Baucium Comitem Soleti, Loyſium Sanseverinum, Gualterium Caraczolum Viola, Philippum Caraczolum Viola, Franciscum de Loffredo, Robertum Siripannos, Guglielmum de Tocco, Jacobum Caraczolum, Joannem de Burgentia, Bartholomaeum Caraczolum Carafa, Ligorium Caraczolum Carafa, Joannellum Caraczolum Carafa, Joanel-

nellum Buzzutum, Matthæum Buccaplanula, & Christophorum de Costantio. Horum nomina Menennius testatur haussisse se e libello quodam Nicolai Agnelli Pacæ Neapolitani, cui titulus: *Ordines & Societates militares Regni*.

IX. Aragoniis deinde Regibus imperantibus, aliud a Ferdinando I. Rege conscriptum est anno 1463. Equestre Sodalitium, cujus insigne fuit pellis alpini muris, vulgo *Armellino*, cum hoc symbolo: *Malo mori, quam fœdari*. Quod nempe Marinum Martianum Sueffanorum Ducem, affinem suum, hostemque infensissimum, captum, & in carcerem conjectum noluisse morti dare: qui tamen antea in ipsius Regis vitam, dissimulato pacis tractandæ causa prope Teanum colloquio, fœdissime insidias paraverat. Huic Societati adscriptum Herculem Estensem Ferrariæ Ducem, misso illuc Joanne Antonio Carafa, qui Torquem Societatis deferret, scribit Pigna in Historia Estensis familiæ. Et Menennius incitat libello refert ex Pacca adlectos Alphonsum Calabriæ Ducem, Regis primogenitum, Herculem Estensem Ferrariæ Ducem, Galeatium Sfortiam Ducem Mediolani, Alexandrum Sfortiam Pisauri Principem, Robertum Sanseverinum Principem Salerni, Franciscum Baucium Ducem Andriæ Regis consanguineum, Julium Antonium Aquavivum Ducem Atriæ, Trojanum Caracciolum Ducem Melphiæ, Antonium Piccolomineum Amalphitanum Ducem Regis consanguineum, & Pii II. nepotem, Ursū Ursinum Nolæ Comitem, ac Asculi Ducem, Antonium de Rueré Ducem Soræ Sixti IV. nepotem, Petrum Guevara Magnum Senescallum, Marchionem Vastii, ac Regis consanguineum, Innocentium Avalos Comitem Camerarium, & Alphonsum ejus filium Piscariæ Marchionem, Honoratum Gaetanum Comitem Fundorum, Ferdinandum Guevara Comitem Belcastri, Alphonsum Guevara Comitem Archarum, Marinum Caraczolum Comitem Sancti Angeli, Jacobum Caraczolum Comitem Burgentia, Virginium Ursinum, & Joannem Jordanum ejus filium, Robertum Ursinum Tagliacotii, & Albæ Comitem, Diomedem Carafa Comitem Magdaloni, Scipionem Pandonum Comitem Venafræ, Andream de Capua Al-

tevilla Comitum filium, Matthæum de Capua Palenæ Comitem, Antonium Carafa Montisdragonis Dominum, Galeatium Caraczolum Vici Dominum, Domitium Caraczoli Ruodi Dominum, & Calabriæ Gubernatorem, Galeottum Carafa Foruli Dominum, & Regis consanguineum, Guevaram de Guevara Arpaiz Dominum, & Vallis Beneventanæ Gubernatorem, Loyfium de Aquino Castellioni Dominum, Albericum Carafa, & Jacobum Carafa de Spina Castriveteris Dominum. Ritum vero ab Aragoniis Regibus adhibitum & in armandis Militibus, & in cooptandis Sociis *dell' Armellino* exhibet Joannes Brochartus in suis Diariis manuscriptis, ubi post enarratam Alphonsi II. coronationem ait, *Rex coronatus ad Altare superius dictum, prius Corporali, & manibus Legati deosculatis, & signatis, juxta ordinem superius dictum ascendit, & sedit in faldistorio ibidem sibi parato, & Legatus ad Regis dextram, ut alias faldistorio, cappa indutus similiter sedit, quibus sic sedentibus, D. Joannes Pontanus Regis Secretarius ex quadam cedula quam manibus tenebat, stans ad sinistram Regis in gradu inferiori Altaris pronuntiavit de verbo ad verbum, & Heraldus Regis ad sinistram Pontani stans eadem verba successive proclamabat, ut ab omnibus intelligerentur. Sententia autem pronuntiationum, & proclamationum fuit: Rex creavit Ill. D. Joannem Borgiam Duce[m] Gandiæ, S. D. N. . . . Principem Tricaricensem, Comitem Clarimontis, Comitem Lauriæ, & Comitem Carinole. Item simili modo per aliam cedula[m], ut supra pronuntiata[m], & proclamata[m], Rex creavit, constituit Ill. D. Joffredum Borgiam ejusdem S. D. Nostri Alexandri Papæ etiam de domo Aragoniæ, & fecit ipsum Principem Squillaci, Comitem Cariati, & Regni Siciliæ citra Pharum Protonotarium, quo taliter pronunciato, idem D. Joffridus genuflexit coram Rege, qui imposuit sibi Elmettum, sive Galeam supra aurem sinistram, & creavit eum Militem dicens: Iddio e S. Giorgio ti facci buon Cavaliere. Deinde imposuit sibi Stolam albam, supra quam Stolam, ante impositionem juravit velle capitula illius observare. Tum recepto ab eo, & per ipsum D. Joffredum super collanam auri de Sociis Hermelli-*

lini, præstito juramento, quod belis capitula Societatis illius Harmellini observare: Rex eandem collanam humeris D. Joffredi imposuit, & ipsum Societati hujusmodi Hermellini aggregavit. Postmodum per aliam cedulam simili modo pronuntiatam & proclamatam Rex creavit, constituit Mag. D. Gentilem Virginium Urfinum de domo Aragonia, & Grandem, Constabilem Regni. Insignia autem tam D. Joffredo, quam Gentili Virginio Grandis Contestabulatus hujusmodi non dedit, quia illis receptis debebant per civitatem a Baronibus associari equitantes, quod hodie propter equitationem Regis fieri non potuit, sed ad alium diem hoc reservavit. Creavit post hæc idem Rex decem septem alios Milites, quorum cuilibet Galeam imposuit, & cum puncta ensis singulos inter aurem sinistram, & summitatem Galeæ tetigit dicens: Iddio S. Giorgio ti faccia buon Cavaliere. At illis, qui collanas offerebant, illis humeris eorum imposuit, sed nullum eorum de Societate Stola sive Harmellini fecit. Primus dictorum decem septem fuit Joannes de Sanguine Nobilis Neapolitanus Camerarius Regis, & ut credo, secundus Martinellus Regis Magister Justitiarius. Creatis Militibus hujusmodi surrexit Rex, & Legatus, qui ipsum Regem usque ad portas Ecclesie, extra portam a dextra Regis incedens associavit, sequentibus Prælati in eorum mantellis: Rex ibidem Legato præsentem ascendit equum, cujus frænum pectorale, & gropperam perlis in copioso numero ornaverant, & pallam per stringam suam digito annulari alligari sinistræ manus fecit, sceptrum in dextra ferens, sub baldacchino, quod Barones portabant, equitavit.

X. Memorat hoc loco Brochartus alteram insignem cæremoniam, qua creabantur septem Proceres Regni. Olin enim in Neapolitano Regno septem præcipua fuisse munera totidem Magnatibus commissa, qui proinde post Regem primum locum occupabant. Horum primus dicebatur Magnus Comestabulus, eratque Imperator militum, & supremus Dux belli; secundus Magnus Justitiarius, cui suberant Magistratus omnes, qui in negotiis tum civilibus, tum criminalibus jus dicunt; tertius Magnus Ammiratus, seu supremus classis, & rei maritimæ Præfectus: quartus M. Camerarius, qui

qui Regios proventus curabat; quintus M. Protonotarius servandis Chartis Regiis addictus; sextus M. Cancellarius, cui commissa erat custodia Regii sigilli; septimus denique M. Senescallus, seu supremus Domus Regiæ Prefectus. Hi septem Proceres in publicis, Regiisque cæremoniis assidebant una cum Rege purpureis induti vestibus, singulique habuere suæ dignitatis insigne, uti Magnus Comestabulus ensẽm, Magnus Justitiarius vexillum, Magnus Ammiratus facem, Magnus Cameraarius Coronam Regiam, Magnus Protonotarius librum, Magnus Cancellarius Doctoralem lauream, Magnus Senescallus truncum Unicornis animalis. De eorum origine, (quæ a Normannorum ætate repetenda est) officio, ac jurisdictione, Tutinus in libro de hac re edito, Freccia in libro de Subfeudis, aliique plures cum scripserint, hic cæremoniam in eorum inauguratione adhibitam dumtaxat tractabimus, utpote quæ sæpe in Capella Palatina, absoluto Sacro, peragebatur. Et ex Tutino quidem colligitur, Magnum Comestabulum flexis ante Regem genibus, ab eo accepisse ensẽm, cum his verbis: *Accipe sanctum gladium, in quo nostros adversarios dejicies*. Verum sæpe in Capella Palatina inaugurabantur hujusmodi Proceres Regni. Ita Alphonsus II. in die coronationis suæ, Joffredo Borgiæ consanguineo Alexandri VI. contulit gradum Magni Protonotarii, & Virginio Ursino Magni Comestabuli. Sed horum munerum insignia alio die ipsis tradidit in Ecclesia Palatina, quod acceptis insignibus debuissent statim Civitatem perequitare; id vero in die coronationis Regis fieri minime potuisset, cum ipsi Regi erat equitandum. Rem narrat Joannes Brochartus in suis Diariis manuscriptis, simulque describit Ordinem hujus cæremonia: *Feria sexta dicti mensis Maii ante meridiem, vel circa, in Castro novo Serenissimus Alphonsus Siciliae Rex dedit insignia Principalia D. Joffredo Borgia de Aragonia Principi Squillaci, videlicet circulum aureum rotundum simplicem in modum fili, seu cordæ, grossitudinis majoris digiti manus, quem capiti suo imposuit, & duo vexilla, sive stendarda, una cum armis suis, & Aragonum inquartata; quod assignatum fuit portandum. D. Calcerando Borgiæ Militi Ordinis S. Joannis Hierosolymita-*

tani, fratri Reverendissimi D. Cardinalis Montisregalis Legati; & aliud, campum habens glaucum, sive glaudum, & duos monticellos pares cum tertio illis superposito, & scalam auream ex passibus undecim aliquantulum per transversum tendentem in altum, quod fuit traditum D. Bartholomæo Serra Militi de familia dicti D. Joffredi portandum. Quibus insigniis receptis idem D. Joffredus equitavit per Neapolim, hoc ordine: præcesserunt Tibicines, & Fistulatores, quos sequebantur Nobiles, & Barones suo ordine, Mazzerii Regis, illi duo portatores vexillorum prædictorum, Hirdus Regis, a sinistris D. Joffredus, & ad ejus sinistram D. Fridericus frater Regis, quos sequebantur alii Barones post Regios: non perfecit circulum solitum, quia insigne aureum, quod in capite detecto gerebat, nimis eum premebat; rediit propterea ad Castrum novum, quod exuerat. Hæc ex consuetudine Neapolitana debebant heri facta fuisse; sed propter coronationem Regis, & ejus equitationem fuerunt in hodie prorogata. Paulo post describitur ab eodem Brocharto ritus, quo tradita fuerunt Gentili Virginio Ursino insignia Magni Comestabulatus, his verbis: Feria quinta, decima quinta Maii, Reverendus Episcopus Nicastrensis celebravit Missam solemnem Pontificali-ter, cui Serenissimus Alphonsus Siciliae Rex interfuit. Finita Missa, accessit ante Altare Capella in Castro novo, ubi Missa hujusmodi celebrata fuerat prædictus Rex, ubi eo in sede sedente, venit coram eo Magnificus Gentilis Virginus de Aragonia manto longo rosaceo paucis suffulto usque ad terram indutus, cujus pars ad dextram a brachio infra usque ad terram aperta erat, sinistra vero pars plicata erat super brachium sinistrum, super brachium dextrum habebat biebam, sive lecidium eisdem paucis subductum, & in capite biretum rosaceum parvum etiam paucis suffultum, cui ipse Rex donavit stendardum unum magnum armorum Regis, & Ursinorum aquartatum, & baculum unum argenteum, sive mazzirium in manu dextra, insignia Grandis Comestabilis Regni Siciliae, officii sibi pridem dati, cum quo, præcedenti stendardo a quodam Nobile portato, idem D. Gentilis Virginus a sinistris D. Joffredi equitavit per Civitatem Neapolitanam more solito

a No-

a *Nobilibus & Baronibus associatus*. Circulus aureus imponebatur, vexillum quoque tradebatur in signum investituræ Feudorum, iis, qui Reguli, seu Barones creabantur; quique mox, acceptis insignibus, Civitatem magna pompa peregritabant. Hujus rei sæpe occurrit mentio in Annalibus Neapolitanis Raimi to. 23. Script. Ital. a Muratorio evulgatis. Ibi anno 1443. Raymundus Ursinus Princeps Salerni, & Bernardus Aquino Marchio Piscariæ redimiti aureo circulo, & tribus præcedentibus vexillis per Civitatem equites incessisse leguntur. Hinc Joffredum Borgia circulo aureo, & duplici vexillo donatum a Rege exhibet Brochartus, quorum unum spectabat ad Principatum Squillacensem illi concessum, quare a Brocharto dicuntur *Principalia insignia*; alterum vero ad officium Magni Protonotarii. Et in Annalibus Rainii nuper laudatis, anno 1446. Dux Amalphitanorum, Pii II. Romani Pontificis nepos, creatus a Rege Magnus Justitiarius dicitur equitasse cum uno stendardo (& istud erat Ducatus insigne) & uno pennone, hoc est, vexilli quadam specie, quod Magno Justitiario præferebatur. Nunc vero temporis nonnisi nuda supersunt illorum septem Officiorum nomina, quæ honoris causa a Rege Magnatibus quibusdam conceduntur.

XI. At vero Equestres Ordines, quorum Neapolitani Reges auctores fuerant, deficientibus ipsis, defecerant, & hominum memoria fere exciderant; cum CAROLUS BORRONIUS, omnium antehac Regum, clementia erga subditos, animi magnitudine, & rerum gestarum gloria longe præclarissimus, imperium utriusque Siciliæ, non tam sibi ipse vindicavit, quam populorum votis, animis, benevolentia, plausu oblatum, exhibitumque accepit. Ne itaque rem aliquam missam faceret, quæ ad Aulæ Neapolitanæ splendorem, ad sui Nominis gloriam, & ad eorum remunerationem, qui de Rege, vel de Republica essent optime meriti, spectaret; in suis cum MARIA AMALIA Augusti III. Poloniæ Regis, & Saxoniæ Ducis filia nuptiis, amplissimum instituit die 3. Julii anno 1738. Equestrem Ordinem sub S. Januarii Episcopi & Martyris, præcipui Neapolitanorum patroni nomine, auspiciis, ac patrocinio. Hujus Equestris Sodalitii se, suosque succes-

fo-

fores , perpetuo jure , supremos fore Moderatores dixit ; cui , qui adscripti essent , hisce adstringerentur officiis defendendi nempe ac tuendi , omni studio , totisque viribus Catholicam Religionem : Magno Magistro fidem & obedientiam promittendi , ac servandi : si quæ inter Sodales geruntur inimicitia , his extinguendis omnem operam dandi : a singulari certamine sive offerendo , sive acceptando abstinendi ; imò ab aliis indicta pro viribus impediendi : singulis diebus Sanctum Missæ Sacrificium , & in Paschate , & die S. Januarii festo Eucharisticam communionem sumendi : vita functo e Confratribus aliquo , pro ejus expianda anima Officium Defunctorum recitandi , & Eucharistiam sumendi ; tum unius sollemnis Missæ celebrationem imperandi : denique interveniendi Rei Divinæ , quam in S. Januarii honorem , Magnus Ordinis Magister decreverit . Insignia vero quotidiana horum Sodalium statuit , fasciam rubeam undatam , ab humero dextro ad sinistrum latus protensam , e cujus parte extrema Crux pendet octagona , quatuor liliis ad quatuor angulos distincta , & in ipsius Crucis medio B. Januarii Episcopi imago Pontificalibus induti ornamentis , dextra manu benedicens , sinistra habentis Evangeliorum librum , & mirifici sanguinis ampullas ; aliam præterea Crucem argenteam superiori vesti consutam , cum hoc symbolo : *In sanguine factus* ; quo significatur arcifima & religiosissima ea esse foedera , quæ sanguine obsignantur . Insignia autem solemnia , præter recentia , decrevit , Torquem aureum egregio opere laboratum , liliis & Pontificalibus insignibus contextum , Crucem etiam in extrema parte habentem ; & pallium , sive talare vestimentum nobilissimum , coccineum , undatum , liliis aureis undique adpersum , aureo cingulo obstrictum , & anteriori parte complicatum . Ubi quis a Rege ad hanc Societatem cooptatur , bujus rei conscius fit a Secretario Ordinis , ad quem debet ille transmittere monumenta , quibus sui generis excellentia comprobetur . Id vero a Rege discutiendum demandatur duobus ejusdem Societatis Sodalibus , iique , re examinata , sententiam suam scripto tradunt a Secretario Ordinis , Regi exhibendam . Porro nonnisi viri præclarissimi vel genere ,

X x

vel

vel dignitate, in eam Societatem adscisci solent; Cardinales, Antistites, Magnates Aulici, belli Duces, Reguli amplissimi. Habet præterea hoc Equestre Sodalitium quatuor Officiales, Cancellarium ex Antistitem numero seligendum, Secretarium, Thesaurarium, & caeremoniarum Praefectum. Ad Cancellarium spectat Sacris operari, ad Secretarium Acta & diplomata Ordinis custodire, ad Thesaurarium insignia Ordinis asservare, denique Praefectus caeremoniarum quidquid ad ritus & caeremonias spectat, moderatur. Amplissimam hanc Societatem BENEDICTUS XIV. nedum ratam habuit, verum etiam nonnullis donavit privilegiis, edita Constitutione pridie kalendas Julii an. 1741. quæ incipit *Romana Ecclesiæ benignitas*. Nam primum indulgit, ut Cancellarius ipsius Societatis pro tempore existens in Episcopali, seu Archiepiscopali dignitate, prout in Statutis ejusdem Societatis continetur, constitutus, seu Presbyter ad audiendas Confessiones idoneus per ipsum tamen Cancellarium ad hoc deputandus, vel per ipsos Confratres, eosdemque Officiales extra fines dicti Regni utriusque Siciliae commorantes, ex approbatis tamen a locorum Ordinariis eligendus, ipsos, & eorum singulos, ab omnibus & singulis excommunicationis, suspensionis, & interdicti, aliisque ecclesiasticis sententiis, censuris, & penis a jure quavis occasione, vel causa lazis, inflictis, nec non ab omnibus eorum peccatis, criminibus, excessibus, & delictis, quantumcumque gravibus, & enormibus, etiam Apostolicæ Sedi qualitercumque reservatis (non tamen de reservatis locorum Ordinariis) de quibus ore confessi, & corde contriti fuerint; de reservatis autem qualitercumque Sedi Apostolicæ semel in vita, & in mortis articulo, etiamsi mors secuta non fuerit, de aliis vero eidem Sedi non reservatis, quoties opus fuerit, in foro conscientiae dumtaxat absolvere, ac eis, & eorum cuilibet pro commissis debitam absolutionem impendere, & penitentiam salutarem injungere: nec non vota pro tempore per eos emissæ (ultramarino, visitationis liminum Beatorum Apostolorum Petri & Pauli, ac S. Jacobi in Compostella, nec non castitatis, & religionis votis dumtaxat exceptis) in alia pietatis opera commutare; nec non in mortis articulo, etiamsi

mors

mors non subsequatur, plenariam omnium peccatorum suorum remissionem, & Indulgentiam, & Apostolicam nostram benedictionem per se ipsum, vel per alium quicumque idoneum Sacerdotem per singulos Fratres eligendum impendere possit, ac valeat. Præterea Cancellario, Confratribus, & Officialibus Ordinis concedit domesticum Oratorium ubicunque locorum fuerint, ubi singulis diebus semel peragatur Missæ Sacrificium, exceptis tamen Paschate, Pentecoste, Natali Domini, & aliis hujusmodi solemnitatibus; & quidem hora una ante auroram, & altera post meridiem. Si Confratres in locis interdictis morari contigerit, fas eis est Eucharistiam & cætera Sacramenta accipere; Missæ, & divinis Officii privatim celebrandis adesse, una cum suis domesticis, & consanguineis; dummodo non eorum causa latum sit interdictum, vel eorum culpa minime tollatur. Quin si in locis interdictis extremum obierint diem, tumulari in Ecclesia licite possunt. Quadragesimæ tempore, & aliis diebus anni, quibus interdictus est usus lacticiniorum, eis vesci integrum est. Denique diebus B. Januario sacris, nempe primo Sabbato mensis Maii, die decima nona Septembris, die decima sexta Decembris, ac singulis octavæ diebus, si pietatis causa aliquam adierint Ecclesiam, peccata etiam sua apud Sacerdotem confessi fuerint, Eucharisticum insuper panem sumpserint, plenariam Indulgentiam consequuntur. Atque hæc sunt hujus nobilissimæ Societatis initia, statuta, officia, & privilegia. Pergimus ad ritum quo inaugurantur Sodales.

XII. In Capella Palatina solenni ritu in hanc Societatem ii adfiscuntur, quos Rex statuit eo honore afficiendos. Ibi Rex Solio insidet, prope Regem sedent in scamno cæteri Sodales Ordinis; e regione vero quatuor Officiales, Cancellarius, Magister cæremoniarum, Thesaurarius, Secretarius. Cancellarius Sacrum facit, quo expleto, induit Pontificalia ornamenta, & sedet in faldistorio ad Altare. Tum, deposita mitra, benedicit equestria insignia, quæ illi exhibentur in argenteo bacili, pallium, torquem, ensen, cingulum, hac formula: *Adiutorium nostrum in nomine Domini. R. Qui fecit cælum & terram. V. Dominus vobiscum. R. Et*

cum spiritu tuo. Oremus. Deus invictæ virtutis Triumphator, & omnium rerum Creator, & Sanctificator, intende preces nostras, & hoc indumentum militaris gloriæ Ministro tuo ferendum, ore tuo proprio benedicere & sanctificare digneris, & hunc servum, qui ipso utetur, tibi devote & laudabiliter servientem, gratum efficere digneris. Per Dominum nostrum. Amen. Adhæc Tyro medius inter duos Sodales, qui sponforum vices gerunt, salutato Altari, ad Regis Solium accedit, ibique genua submittit: tum e sponforibus unus Regem illius nomine deprecatur, ut Tyronem donet torque & vestimento Societatis. Mox eundem Rex sciscitatur, an armatus sit Miles. Qui, si cingulo militari haud donatus fuerit, eo donatur a Rege, hoc ritu. Præfæctus Regii stabuli porrigit Regi ensẽ, quo Rex ter percutit humeros Tyronis, isque ensẽm deosculatur; mox ensẽ, & equestri cingulo a duobus sponforibus cingitur. Tum Præsul Sacra faciens, accedit ad Solium Regium, ac stans, hæc preces inchoat. *Accipe gladium hunc in nomine Patris, & Filii, & Spiritus Sancti, & utaris eo ad defensionem Sanctæ Ecclesiæ Romanæ, Regis nostri CAROLI BORBONII Supremi Principis, ac Magistri Ordinis, & tuam, ad confusionem inimicorum Crucis Christi, ac Fidei Christianæ, & quod maxime ferentis animi præstantia commendat, illo neminem injuste lædas, quod ipse præstare dignetur, qui cum Patre, & Spiritu Sancto vivit, & regnat Deus in sæcula sæculorum.* Tyrone respondente: *Amen.* Quod si Militare cingulum jam induerit, hæc ceremonia omittitur. Tum Secretarius Ordinis Tyronem sciscitatur, an jurare velit, servaturum se se Ordinis Statuta. Quo respondente, se paratissimum esse, deferitur a duobus sponforibus ad Antistitem sedentem in salsitorio ad Altare. Ibi flexis genibus, dextra manu tangens Evangeliorum Codicem, legit hanc juramenti formulam: *Io N. N. prometto a Dio Trino, & uno, alla sempre Vergine Maria, & a S. Gennaro d'esser fedele a sua Maestà, Capo, Sovrano, e Gran Maestro del Real Ordine di S. Gennaro, & a suoi Serenissimi Successori, che saranno Capi di quest'Ordine in tutte l'occasioni, nelle quali si tratterà dell'onore, vita, e stato di S. M. e dell'*
Or-

Ordine, facendo ciò che dee fare un buon Cavallero. Prometto di difendere sempre a tutto mio potere la Santa Fede Cattolica Romana, sollevare, e difendere le Vedove, i Pupilli, e le persone miserabili dall'oppressioni con parole, e con opere per quanto mi sarà permesso. Osservarò inviolabilmente tutte le leggi, e statuti dell'Ordine, così prescritte, come da prescriversi. Porterò di continuo la Croce dell'Ordine secondo dispongono li Statuti, e voi Santissima Trinità, Beata Vergine, e S. Gennaro udite questi miei voti, siate presenti al prosperire di questa mia ultima volontà. Præstito juramento, sistit se Regi, eumque provolutum in genua duo sponsores induunt Ordinis Vestimento, Rege quoque manum admovente. Interea Cancellarius ab Altari ad Regis Solium pergens, hæc pronuntiat verba: *Accipe hanc vestem immaculatam, quam securus perferas ante Tribunal Dei. Suscipe jugum Domini suave, & onus leve, quo non gravari, sed acquiescere animus debet.* Adhæc Thesaurarius Ordinis exhibet Regi Torquem; & Cancellarius ad Tyronem versus: *Credisne*, ait, *hoc esse vivificæ Crucis signum, in quo Christus pependit, ut sua morte nobis vitam conciliaret?* Cui Tyro: *Credo.* Rursus Præsul. *Et hoc*, inquit, *est Ordinis Beati Januarii signum, quod semper tuo pectori adhæreat.* His dictis Tyro Crucem, deosculatur; eique Rex Torquem imponit, Præfule dicente: *Accipe hoc signum in nomine SS. Trinitatis, Beate Mariæ Virginis, & Sancti Januarii Martyris, in Fidei, & Christiani nominis incrementum pectori tuo ideo Crucem commendamus, ut tuo sit cordi proximior; & dextera fortiter dimicans illam defendas, & defensam toto zelo reverearis.* Osculata deinde Regis manu, cum Rex amplexu excipit, qui surgens, salutato Rege, singulos Sodales amplectitur, & suo se sistit loco. Interea Præfule præcinente, decantant Musici Psalmum, *Magnus Dominus & laudabilis nimis*: quo finito sequuntur hæc preces: *Ps. Saluum fac servum tuum. R. Deus meus sperantem in te. Ps. Mitte ei Domine auxilium de sancto. R. Et de Sion tuere eum. Ps. Nihil proficiat inimicus in eo. R. Et Filius iniquitatis non apponat nocere ei. Ps. Et hoc Domine turris fortitudinis. R. A facie inimici. Ps. Domine.*

exau-

exaudi orationem meam . Bl. Et clamor meus ad te veniat . V. Dominus vobiscum . Bl. Et cum spiritu tuo . Oremus . Deus qui iustificas impium , & non vis mortem peccatoris , Majestatem tuam suppliciter deprecamur , ut hunc famulum tuum de tua misericordia confidentem caelesti protegas benignus auxilio , & assidua protectione conserves , ut tibi jugiter serviat , & nullis tentationibus a te separetur . Per Christum Dominum nostrum . Amen . Tandem sacram rem absolvit in gratiarum actionem Hymnus Te Deum .

XIII. Officiales Ordinis pariter in Capella Palatina inaugurantur , hoc ritu . Ubi Cancellarius Rem Divinam egerit , is qui promovendus est , medius inter duos Equites , salutato Altari , procumbit ad Regis Solium ; mox e sponforibus alter a Rege petit , ut illi Crucem Ordinis largiatur . Eundem Secretarius Ordinis interrogat , an interpolia juramenti religione , sit ea , quæ sui sunt muneris , facturus . Eo affirmante , ducitur ad Antistitem in Altari sedentem , Pontificalibus indutum ornamentis , tactisque Evangeliiis , flexis genibus , hoc sacramentum emittit : *Io N. N. giuro e prometto a Dio Trino & uno , alla Beatissima Vergine Maria , & al glorioso S. Gennaro di bene e fedelmente servire sua Maestà nel mio impiego , a cui s'è degnata di promuovermi . Sarò sempre fedele alla Maestà sua , Capo , Sovrano , e Gran Maestro , & a suoi Serenissimi Successori , che saranno Capi di quest'Ordine , in tutte l'occasioni , che si tratterà dell'onore , vita , e stato di S. M. Prometto di difender sempre la santa Fede Cattolica Romana , le vedove , i pupilli , e le persone miserabili dall'oppressioni con parole , & opere , per quanto mi sarà permesso , & in tutto il dappiù , che sta disposto nelle costituzioni rispetto alla mia carica , io complirò secondo l'obbligo di fedelissimo vassallo di S. M. Tum Antistes benedictionem pronuntiat , porrecta illi Cruce in argenteo bacili : *Benedic Domine Iesu Christe hanc Crucem tuam , per quam eripuisti Mundum a Daemonum potestate , & superasti passionem tuam suggestorem peccati , qui gaudebat in prævaricatione primi hominis per ligni vetiti sumptionem . Per Christum Dominum nostrum . Amen .* Accedit deinde Præsul ad Solium Regium , ubi stans , con-*

conversusque ad ordinandum genibus flexum, eum interrogat: *Credis, ne hoc esse vivificæ Crucis signum &c.* uti paragrapho antecedenti legitur. His dictis, ordinandus osculatur Crucem, quam illi Rex collo imponit, Præsule dicente: *Suscipe hoc signum &c.* Deinde Regis manum deosculatur, & ad suum se recipit locum. Tum Psalmus *Magnus Dominus*, preces, & tandem Hymnus *Te Deum* decantantur. Denique si qui absens a Neapolitana Aula in Societatem est cooptandus, id muneris a Rege alicui Antistiti, vel Socio Ordinis demandatur, isque alios designat, qui in ea cæremonia vices agant Cancellarii, & Secretarii Societatis; Sodales etiam, si qui illic sunt, monet, ut ad novi Socii inaugurationem peragendam conveniant.

XIV. Diximus tum a Sociis Velleris aurei in Hispania, festum S. Andræ Apostoli tutelaris, tum a Confratribus Ordinis Spiritus Sancti in Gallia, sacrum Divino Spiritui diem; & a Sodalibus Ordinis Periscelidis in Anglia, festivitatem S. Georgii Cappadocis solemnè ritu celebrari. Et quidem antiquo more receptum est in hisce Equestribus Sodalitiis, ut flata sint sacra, & dies solemnes indicti, quibus cuncti interesse debeant, quemadmodum olim a Sodalibus Equestribus Ordinis S. Michaelis Archangeli in Gallia, & Lunæ Crescentis apud Andegavenses Principes, & alibi passim usitatum constat. Sed & apud Neapolitanos Reges idem mos viguit: siquidem Confratres Equestris Societatis Navis a Carolo III. Rege conscriptæ sub S. Nicolai Episcopi patrocinio, singulis annis hujus solemnia agebant in Ecclesia ab eodem Rege in honorem Sancti Episcopi excitata; de qua re Beatillus in Historia Barensi. Pariter Equites Nodi, seu Spiritus Sancti, quos Ludovicus Tarentinus conscripserat, sacrum diem Pentecostes singulis annis celebrarunt solemnè pompa in Capella Arcis Lucullanæ, vulgo *Castello dell'ovo*. Ut enim constat ex Statutis illius Societatis supra relatis, conveniendum erat omnibus ad agenda Comitia, & solemnia Societatis, ex arario Regio subministrata pecunia illis, quibus esset inopia rei familiaris. Et in hisce agendis solemnibus candida gestabant indumenta, enses manu tenebant, auditaque Liturgia, Hymnum

mnium decantabant invocationis Spiritus Sancti, tum Comitia habebantur, omnesque eidem mensæ accumbabant. Ex receptissimo igitur hoc instituto decrevit Serenissimus Rex CAROLUS BORBONIUS singulis annis festum diem S. Januarii a Sociis hujus amplissimi Sodalitii in Capella Palatina celebrandum. Eo die Sodales solemnii vestimento Ordinis induti, & quatuor ejusdem Societatis Officiales adeunt saluatorium Regis cubiculum, ibique Principem expectant, quem mox comitantur ad Capellam Palatinam; ad cujus fores Cancellarius Ordinis Regem adspersit aqua benedicta. Tum Rex sedet in Solio a cornu Evangelii, & ad Regis latus insident scamno sine postergali Socii omnes, servato inter eos antiquitatis ordine; e regione vero assident in simili scamno Officiales Societatis. Rem Divinam facit Pontificali apparatu Cancellarius; qua expleta, Sodales pariter Regem comitantur ad ædes usque suas. Quandoque non in Capella Palatina, sed in nobilissima S. Januarii Capella, quæ adhæret Metropolitana Ecclesiæ, celebrantur solennia: tum vero Socii occurrunt venienti Regi usque ad fores Metropolitanæ Ecclesiæ, & discedentem pariter usque ad eas fores comitantur. Cardinales, & Episcopi, qui in hanc Societatem adsciti sunt, interfunt Rei Divinæ induti sui Ordinis ecclesiastico vestimento, sed simul gestantes Torquem Societatis.



CAPUT X.

DE RITU PRÆSTANDI SACRAMENTA.

Ritus, quo in Gallia Episcopi recens promoti jurant Regi fidelitatem. ii. De quibusdam aliis sacramentis, quæ in Aula Regum Galliæ præstantur. iii. Ritus jurandi a Galliæ Regibus inita fœdera. iv. Ritus præstandi hominii, & jurandæ fidelitatis Principi Asturicensium in Hispania. v. De sacramento edendo a Clericis Aula Hispanæ. vi. Et quo Reges Hispaniæ se obligant fœderibus custodiendis. vii. Ritus jurandi fidelitatem Regi Lusitanæ. viii. Et Regi Sardinie. ix. De juramento fidelitatis in Sicilia. x. Et in Neapolitano Regno. xi. Ritus hominii exhibendi apud Neapolitanos usitatus.



L Nignis est in Aula Principum cæremonia, qua subditi fidem suam eis obligant, interposita juramenti religionē; vel Principes ipsi sacramento promittunt servaturos se subditorum jura, aut inita fœdera ad Regni tranquillitatem. Et hæc quidem sacramenta, aut in ipsa

Regum inauguratione, aut in Regni Comitiiis, sæpe in Capella Palatina, & coram Magno Capellano præstari solent. Hujusmodi est in Gallia fidelitatis sacramentum Regi exhibendum ab Episcopis recens promotis, juxta vetustissimum illarum partium usum, de quo fufe agit p. 2. de Benef. lib. 2. cap. 47. doctissimus Thomassinus. Is ibi tradit, nulla quidem vetustioribus sæculis Episcopos Galliæ sacramenta edidisse; Carolum Magnum, & Ludovicum Pium justis adductos caulis ea cœpisse exigere, cujus rei diserte meminit anno 836. Concilium Aquisgranense II. can. 12. at non in Episcoporum consecratione, sed in Regni Comitiiis, una cum cæteris Ordinibus præstitum id obsequii; deinde Episcopos, præsertim Hincmarum Remensem hæc juramenta detrectasse, quod humanæ, & Divinæ leges eos a juramenti prohibe-

Y y

rent,

rent, & nefas esset manus sacro Chrismate delibutas, atque tractandis sacris rebus dicatas, juramentis, & hominiis sæcularibus profanare; hinc Reges inductos, ut a cæteris juramentum, ab Episcopis promissionem exprimerent. Verum posteriores Reges Carolinæ prosapiæ juramenta Episcopalia in integrum restituerunt; & quamvis rursus data esset opera, ut hæc hominia exploderentur, cum de proscribendis investituris actum fuit; ac Urbanus II. in Concilio Clavomontano, anno 1095. & Paschalis II. in Concilio Lateranensi a præstandis hominiis Clericos prohibuissent; deinde tamen acquievere Romani Pontifices, ut rejectis investituris, sacramenta, & hominia retinerentur: tum Innocentius III. in Concilio IV. Lateranensi unum id vetuit; ut ne laici a Clericis iis exigent fidei sacramentum, quibus nulla temporalia contulissent. Exinde in Gallia illis dumtaxat Episcopus incubuit necessitas hominii exhibendi, quorum Ecclesiæ aliquo Regio feudo donatæ essent, reliquis omnibus uno in Reges fidei sacramento desungentibus. Denique Franciscus I. hominii necessitate Gallos Episcopos absolvit, atque ad hæc usque tempora nonnisi fidelitatis juramentum ab ipsis exolvitur. Et olim quidem non Archiepiscopi, & Episcopi dumtaxat, sed etiam Abbates, & Abbatissæ hæc persolvebant sacramenta in Capella Regis, peracto Sacro, aut ad Vesperas, præsentè Regis Confessario, uti legitur apud Carolum Degraffalium lib. 2. Regalium Franciæ: deinde vero ad nostram usque ætatem, non jam Confessarius Regis, sed Magnus Eleemosynarius excepit hujusmodi sacramenta dumtaxat ab Episcopis emittenda. Veterem juramenti formulam exhibet Aimonius lib. 4. de gest. Franc. cap. 24. *Ego Hincmarus Laudunensis Ecclesiæ Episcopus, amodo, & deinceps Domino seniori meo Carolo Regi sic fidelis, & obediens secundum ministerium meum ero, sicut homo suo seniori, & Episcopus, per rectum suo Regi esse debet.* Juramentum ab Arnulpho Archiepiscopo Remensi exhibitum in Concilio Remensi anno 989. Hugoni Capetio Regi, & Roberto filio, in præsentia Regis, Episcoporum, Cleri, & populi, ita habet: *Ego Arnulphus gratia Dei præveniente Remorum Archiepiscopus,*
1 ro.

promitto Regibus Francorum Hugoni, & Roberto me fidem plenissimam servaturum, consilium, & auxilium secundum meum scire & posse, in omnibus negotiis præbiturum, inimicos eorum nec consilio, nec auxilio ad eorum infidelitatem scienter adiuturum; hæc in conspectu Divinæ Majestatis, & bonorum Spirituum, & totius Ecclesiæ existens promitto, pro bene servatis laturus præmia æternæ benedictionis. Si vero quod nolo, & absit, ab his deviavero, omnis benedictio mea convertatur in maledictionem, & fiant dies mei pauci, & Episcopatum meum accipiat alter, recedant a me amici mei, sineque perpetuo inimici. Ad confirmationem sacramenti manu tangebantur sacra Pignora, unde corporale dicebatur sacramentum, quod iniquo ferebant animo Episcopi Concilii Carisiacensis in epistola ad Ludovicum Germaniæ Regem, quasi Episcopali dignitati minime conveniret. Sed in hominibus præstandis manus supponebantur manibus Domini ad servitutum, subjectionemque denotandam, & hinc hominibus Ecclesiæ subinvisa fuere. Sæculo decimo tertio is erat ritus edendi ab Episcopis juramenti, quo usus est Willelmus Episcopus Andegavensis anno 1291. Fecimus Regi Philippo juramentum fidelitatis in hunc modum, videlicet quod stola nobis, ad col- lum posita in modum Crucis ante pectus, & manu ad pectus missa, libro Evangeliorum coram posito, dixit nobis de mandato Regis Dominus de Chambery Miles: Vos juratis Domino Regi fidem, & legalitatem, & filio ejus Regi Francorum post eum, & quod servabitis eisdem corpora, & membra, & vitam, & jura sua, & honorem suum temporalem; & si petat a vobis consilium bonum, & fidelis, sibi dabitis. Ita juratis. Et nos respondimus: Ita juro. Hodiernum vero hujus cæremoniæ ritum describit Peiratius lib. 2. de Orat. Reg. Gall. cap. 63. 64. 65. Antequam Episcopus recens consecratus ad jurandam Regi fidelitatem accedat, Bullas promotionis suæ Magno Eleemosynario exhibeat, necesse est; ut is inquirat, an Regiis juribus, & Regni statutis consentiant. Has ubi ille probaverit, diem constituit ad juramentum præstandum; quo die Episcopus Rocchetto, & Mantelletta indutus adesse debet Sacro, quod in Capella Regis, præsentem

Principe celebratur. Lecto Evangelio Sacerdos, qui Sacris operatur, sanctum Codicem tradit Clerico alicui, a quo defertur ad Episcopum. Is vero salutato Altari, & Rege, acceptoque libro, ad Regem accedit, flexisque genibus, librum præbet Regi deosculandum, mox tum ipse, tum Rex manus Evangelio superimponunt. Adhæc Magnus Eleemosynarius Antistitem illum sciscitatur, an velit promittere, & jurare Deo, & Regi super sancta Evangelia, se ditiones omnes suæ Dioecesis, oppida, arces in Regis fide servaturum, Regi se fidelem futurum, nil contra Principem moliturum, imo si quid in Principem moliri noverit, conscium ejus rei Principem facturum. Cui reponit Antistes, se se ita jurare, ac promittere Deo, & Regi; eique Rex subdit: *Dieu vous en fasse la grace*. Surgens deinde Episcopus, salutato Altari, & Rege, reddito libro, suo se loco restituit. Tum debet totius rei gestæ documentum propria manu, proprioque sigillo obsignatum exarare, atque Magno Eleemosynario tradere; qui etiam aliud documentum Episcopo exhibet, quo testatur, illum tali die, tali mense, & anno consuetum juramentum fidelitatis exolvisse. Neque enim Gallicæ Episcopis recens promotis conceditur bonorum temporalium suæ Ecclesiæ administratio ante præstitum hujusmodi sacramentum; ea quippe bona statim post Episcopi mortem, nomine Regis administrantur jure Regaliæ, de quo fusc agit Petrus de Marca lib. 8. de Conc. Sacerd. & Imperii. Olim præstito juramento, quadam pecuniæ summa solvenda erat ab Antistite Comiti Palatii, seu Senescallo Franciæ, quæ nubendis nobilibus puellis, quibus nullæ essent opes, concedebatur: sed Francisci I. Regis decreto anno 1526. hujus distribuendæ pecuniæ cura demandata est Magno Eleemosynario.

II. Sunt & alia sacramenta, quæ non in Capella Palatina, sed in adibus Regiis præstantur. Ita ii Proceres, quibus concredita sunt Aulæ, vel Regni primaria Officia, sedenti Regi in suo cubiculo, junctis cum Rege manibus, legente sacramenti formulam, qui est a summis imperii negotiis, jurant Regi fidelitatem. Quod si is est e suprenis belli
Du-

Ducibus, quos nuncupant Marefcallos Franciæ, huic a Rege traditur virga in signum collati imperii militaris: Duces vero Pretorianæ Legionis gentis Francorum, & Scotorum, ense cincti ad juramentum præstandum admittuntur, uti testatur in Cærem. Galliæ lib. 3. cap. 1. §. 1. Dumontius. Magnus quoque Eleemosynarius jurat Regi fidelitatem, ejusque juramentum, uti & aliorum Procerum Regni Rex ipse excipit; attamen juramenta, quæ a cæteris Clericis Capellæ Regiæ emittuntur, a Magno Eleemosynario excipiuntur. Nam Clerici antequam in Clerum Palatinum adsciscantur, fidos se Regi fore sacramento promittunt coram Magno Eleemosynario: quod jam in usu fuisse sæculo decimo sexto regnantibus Francisco II. Henrico II. & III. & Carolo IX. ex pluribus monumentis ostendit Peiratius lib. 1. cap. 16. Qui & ibi observat, illud esse discriminis inter Clericos Palatinos Regum Galliæ, & Regum Hispaniæ in hujusmodi exhibendo sacramento, quod nempe Clerici Aulae Hispanæ D. Petro, Ecclesiæ Romanæ, Romano Pontifici, Regi, Reginæ, Principi Asturicensium, & Magno Capellano fidelitatem promittunt; hanc vero soli Regi pollicentur Clerici Palatini Regum Galliæ. Cæterum mos est antiquissimus, ut Palatini Clerici sacramento fidem obligent suam. Id enim constat ex querelis, quas detulit Carolus Calvus in Concilio Tullensi ad Saponarias anno 850. de Ganelonis Archiepiscopi Senonensis perfidia, qui illi sacramento fidem suam devinxerat, ex quo fuerat Clericus Regiæ Capellæ: *Vacabat tunc Pastore Metropolis Senonensis, quam juxta consuetudinem prædecessorum meorum Regum, Weniloni tunc Clerico meo in Capella mihi servienti, qui more liberi Clerici se mihi commendaverat, & fidelitatem sacramento promiserat, ad gubernandum commisi.* Memoratur etiam a Carolo Calvo in proclamatione adversus Wenilonem Toutoldus Clericus Capellæ Regiæ, *qui mihi se commendavit & fidelitatem sacramento promissit.* Exinde propensissimos fuisse Reges in promovendis ad Episcopales sedes Clericis Palatinis existimat Thomassinus. Verum ubi promovebantur novo, se sacramento adstringebant, ut patet de Ganelone, quem præter editum sacramen-

tum,

tum, cum primum Regiæ addictus est Capellæ, tria alia protulisse sacramenta, cum nempe creatus est Archiepiscopus, tum quando imperium inter fratres Reges divisum fuit, ac denique ubi Carolus Calvus Regia exornatus est Corona, colligitur ex litteris Patrum Concilii Tullensis ad eundem datis.

III. At inita foedera jurantur a Galliæ Regibus solemniter in Ecclesia, ut plurimum Palatina. Refert Peiratus lib. 2. cap. 65. Regem Christianissimum anno 1559. in Metropolitana Ecclesia Parisiensi, celebrata Liturgia, solemniter sacramento fidem suam devinxisse custodiendis foederibus initis cum Hispaniæ Rege, & Angliæ Regina, præsentibus horum Principum Oratoribus. Ita etiam anno 1663. die 18. Novembris, uti refert Dumontius lib. 1. §. 37. Cæremonialis Galliæ, in Cathedrali Parisiensi Sacris operante Episcopo Carnotensi Suffraganeo Parisiensis Ecclesiæ, Rege sedente in Solio, præsentibus Oratoribus Principum, & Magnatibus Aulæ, absoluta Liturgia, sacramento firmatum fuit foedus inter Regem Christianissimum, & Helvetiorum Senatam, præbente Regi Evangeliorum librum Cardinali Antonio Barberino Magno Eleemosynario, & decantato postea Hymno gratiarum actionis. Attamen foedus inter Ludovicum XIII. Regem Galliæ, & Carolum I. Angliæ Regem sancitum, anno 1629. juratum fuit in Ecclesia Palatina Fontisbellaquei, & ad Vesperas, ut idem narrat Dumontius lib. 2. c. 6. Cæremonialis Galliæ. Decantatis namque Vesperis, Rex Solio insedit, & prope Regem tum Cardinalis Richelius, qui vires agebat Magni Eleemosynarii, tum cæteri adstabant Proceres Aulæ; adhæc a cæremoniarum Præfecto ductus est ad Solium Anglus Orator, isque Regi Christianissimo exhibuit tabulas initi foederis ab Anglorum Rege subsignatas. Interea ad Cardinalem Richelium delatus est a quodam Clerico Capellæ Regiæ sacer Evangeliorum Codex, quem ille obtulit Regi deosculandum, statutisque a Rege manibus super Sacrum Codicem, lectaque a Secretario juramenti formula, se ita facturum juravit, & propria manu tabulas subsignavit, tum Anglum Oratorem amplexu excepit. His peractis, Palatini Cantores quasdam Antiphonas decantarunt, tum a Fecia-

libus semel, iterum, atque tertio acclamatum fuit, *Vivat Rex*. Pariter in Capella Palatina Fontisbellaquei, anno 1679. celebrato conjugio inter filiam Ducis Aurelianensis, & Carolum II. Hispaniæ Regem, pactio Noviomagi inter Gallos Hispanosque constituta, sacramenti religione firmata est ad Evangeliorum librum, quem Regi præbuit Cardinalis Buillonius Magnus Eleemosynarius. Denique Ludovico XIII. e vivis sublato, hisce ritibus anno 1644. die 3. Julii; confirmatum esse foedus inter Gallos, Anglosque, narrant lib. 1. §. 78. Dumontius, & Rossetius. Rex eo die accubuit mensæ solemnī pompa, una simul cum Anglorum Oratore; tum solemnī quoque pompa ad Ecclesiam se contulit Palatinam, & Vespertina audivit Officia modis musicis decantata. His expletis ad Ecclesiam eandem deductus est a Præfesto cæremoniarum Angelus Orator, & salutato Rege, insedit scamno prope Solium Regis. Adhæc Episcopus Metensis Primus Eleemosynarius, Pontificalibus indutus ornamentis, ferens Evangeliorum librum, præeunte Clerico cum Pædo Pastoralī, Cancellarius quoque, & Secretarius ad Regis Solium accessere. Et primo quidem a Secretario lecta sunt pacta conventa, tum a Rege signata, mox jurata sunt, statutis super Sacrum Codicem ab eodem Antistite exhibitum manibus, tum a Rege, tum ab Anglo Oratore, & legente Secretario formulam juramenti. Hymnum deinde gratiarum actionis Cantores Palatini subjungere, quem excepit benedictio a Metensi Antistite lata, & iteratæ acclamationes a Fecialibus factæ.

IV. In Hispania vetustissima esse fidei sacramenta ab Episcopis, cunctisque Ordinibus Regi exhibita, probat canon 75. Concilii Toletani IV. anno 633. ubi execratis iis, qui *fidem sacramento promissam Regibus suis servare contemnunt, & juramenti professionem*, decretum fuit, constituendum esse Regem electione Episcoporum, & Optimatum, & anathemate feriendum illum ex Clero, & populo, qui *sacramentum fidei suæ, quod pro Patriæ, gentisque Gothorum statu, vel conservatione Regiæ salutis pollicitus est, temeraverit*. Innovatum est hoc decretum in Concilio Toletano V. can. 7. tum a Conciliis Toletanis VII. & X. gravissimæ additæ sunt pœ-

næ

næ Clericis reis violati hujus sacramenti: & hinc ob initam adversus Regem conjugationem ejectionis est sede sua Sisbertus Toleti Metropolitanus in Concilio Toletano XVI. anno 693. Inde perspicuum fit, olim in Hispania, vel in solemnī conventu Regiæ coronationis, vel in Comitibus Regni, Episcopos, cunctosque Ordines juramento fidem suam Regibus devinxisse. Deinde hæc juramenta præstari consueverunt, cum jubente Rege hæres, successorque imperii salutabatur. Ita anno 1498. contigit, regnante Ferdinando Rege, quum Emmanuel Rex Lusitaniæ, qui Isabellam Ferdinandi filiam duxerat, inauguratus est successor Regni Castellæ, indicto Concilio Regni totius. Ordinem rei gestæ ita describit Oforius lib. 1. de reb. gest. Emman. Reg. Lusit. *Die Dominica, quæ secuta est, Emmanuel, & Isabella in Templum deducti sunt; Dux Metimnensis, cujus paulo ante mentio facta est, pedibus ad Emmanuелиs latus incedens, habenam equi illius manu tenebat: a læva vero Friensis Dynasta simile officium Isabelle juniori præstabat. Hoc etiam modo Magnus equorum Magister a dextera, Dux Albanus a læva Ferdinandum, & majorem Isabellam deducebant. Archiepiscopus Toletanus Rem Divinam singulari cæremonia, atque sanctitate peregit. Religione rite procurata, Ferdinandus, & uxor assurgunt: ille, generum, illa vero filiam manu apprehendit; & utrumque in sellis in sublimi positus, & pulcherrime instratis collocant; ipsique in aliis sellis ad eorum latera confidunt. Civitatum procuratores in subselliis ordine jam a multis ætatibus in Hispania recepto disponuntur. Principes, ut forte cuique locus obvenerat, ita cum sine offensione cujusquam occupant silentio deinde facto, vir quidam juris civilis eruditione præstans, qui dicendi peritus habebatur, assurgit, orationemque luculentam habuit, qua pacis commoda, Hispaniæ totius etiam, & tranquillitatem, incrementum imperii, & reliquas utilitates, quæ ex Regnorum conjunctione sequi videbantur, exposuit. Hortatus deinde est Principes, & Civitates, ut Emmanuelem, & Isabellam, quos Regum suorum hæres esse videbant, certatim amarent, & colerent, summaque illis fide rebus in omnibus inservirent, sperarentque*
cos,

eos, quos jam sciebant esse Regiis virtutibus ornatissimos, similes futuros eorum Regum, quibus erant tempore a Deo constituto, successuri. Deinde ad Emmanuelem, & Isabellam conversus, eos admonuit, ut cernerent animo, quod eis munus imponeretur. Eorum namque officium esse, consulere populis, tueri innocentiam, coercere improbitatem, dare salutem, propulsare pericula, conservare, & bonis omnibus amplificare Rempublicam. Hæc ubi peroravit, quidam sacrorum Antistes assurrexit, & librum, qui Evangelia, & sacrorum rationem continebat, explicuit, & in medio illius Crucem auream imposuit; deinde cum libro ad Principes hæredes accessit, eisque dixit, ut manibus Crucem tangerent. Cum deinde is verbis præiret, ipsi se sanctissimo jurejurando constrinxerunt, fore, ut jura populis administrarent, libertatem Reipublicæ conservarent, omniumque salutis summa contentione prospicerent. Hoc facto, Magnus Equorum Magister librum e Patriarchæ manibus assumpsit, illumque tenens jurat, se Emmanuelem, & Isabellam pro veris, & legitimis suorum Regum hæredibus habiturum, eorumque imperio semper obedientem futurum, summaque fide pro eorum amplitudine, & dignitate pugnaturum. Deinde reliquos Principes, & civitatum Legatos eodem jurejurando constrinxit. Tum omnes ordines ad Principes, quibus fidem dederant, accedunt, eorumque manus osculantur. Nunc vero temporis, hac caeremonia (quæ est ex insignioribus Aulae Hispanæ) Principi Asturicensium, hæredi Regni fides juratur. In Ecclesia Regia S. Hieronymi *del Buen Ritiro* inter Aram principem, & Odeum excitatur tabulatum, ubi sub Cortinis consistunt Rex, Regina, & Regia proles; scamna etiam parantur Oratoribus Principum, Præsulibus, Dynastiis Castellæ, Consiliariis Castellæ, Delegatis Civitatum, & sedes Magno Cappellano. Stata die, universi ab Ædibus Regiis ad Ecclesiam hoc ordine se conferunt: Aulici adolescentes, Cubicularii, Dynastiæ, vulgo *Titulari* Castellæ, Delegati Curiarum vulgo *Procuratur des Cortes*, quatuor Caduceatores, Præfecti Domus Regiæ, Magnates Hispaniæ, & Magnus Aulae Magister, quatuor Feciales, Comes Oropefæ ferens Regis ensen, &

eo absente, supremus Præfectus Regii stabuli, Princeps Asturicensium medius inter alios Principes Regiæ prolis, si qui sunt; Rex, & Regina, ac tandem Matronæ Aulicæ. In Ecclesia Rex, Regina, & Regia soboles consistunt sub Cortinis, & prope adsunt duo supremi Præfecti Domus Regiæ; ante Regias Cortinas se sistit Ensigner Regius; Matronæ Aulicæ in tabulato; Feciales, & Caduceatores in tabulati gradibus, cæteri in scammis suo Ordini addictis. Ubi universi locum suum occuparunt, inchoatur Sacrum de Spiritu Sancto ab aliquo Antistite, & Collecta additur pro Rege; interea Magnus Capellanus recitat prope Regem Introitum, & cæteras Missæ partes, atque Evangelium, & osculum pacis exhibet Regi. Peracta Liturgia, Antistes sedet prope imum Altaris gradum, tuncque Fecialis ex ambone cunctos monet, ut audiant sacramentum fidei, hominii, & obedientiæ præstandum a Regiis Principibus, Præsulibus, Magnatibus, aliisque Ordinibus N. Principi Asturicensium, successori, & hæredi Regni, ita jubente Rege. Qua proclamatione facta, senior Castellæ Consiliariis legit e scripto quodam, adsistentes omnes convenisse, & consensisse ut N. Principem Asturicensium, vivente Rege, & eo mortuo, Regem colerent, atque illi fidelitatis juramentum integro, & libero animo præstarent. Tunc, monente ceremoniarum Præfecto, Magnus Capellanus Crucem, & Evangeliorum librum collocat super mensulam coram Antistite, ad hunc Principes Regiæ stirpis accedunt, in genua procumbunt, tactisque Cruce, & Evangelio, interroganti Antistiti, an jurare velint juxta ea, quæ lecta sunt, annuunt. Mox Regem adeuntes ad ei præstandum hominum, manus suas cum Regiis manibus implicant, petente pariter Rege an hominum velint præstare; denique Principem Asturicensium adeunt, illiusque manum osculantur, & ab eo amplexu excipiuntur. Præstito juramento a Principibus Regiæ stirpis, Fecialis Magnatem illum accersit, cui excipiendi hominii munus Rex demandaverit; isque salutato Altari, & Rege, sistit se detecto capite prope Altare in cornu Epistolæ. Tum alium Evangeliorum librum, Crucem quoque aliam ab ea, ad quam Principes Regii jurarunt, Cleri-

ricus Aulicus supra mensam statuit . Feialis vero Antistites accersit ad iuramentum præstandum ; & primo quidem Magnus Capellanus , vel dignior Antistes , monente cæremoniarum Præfecto , tum cæteri Præsules suo ordine , adeunt Pontificem illum , qui Sacris est operatus , flexisque genibus , interroganti , an jurare velint , affirmant ; deinde ad Magnatem illum accedentes , hominum exolvunt , complicatis cum eo manibus , ac stantes ; eosque ille sciscitatur , an semel , iterum , atque tertio velint hominum facere ; ultimo Regis , & Principis manus osculantur . Sequuntur , Feicali accersente , Magnates Hispaniæ ; hos excipiunt Dynastæ , seu Titulati Castellæ , Comites nempe , & Marchiones , qui e Magnatum classe minime sunt ; tum cæteri nobiles viri , Magnatum filii , Civitatum Oratores , Præfecti Domus Regiæ , Magnus Aulæ Magister , Regius Ensifer , tradito ense Supremo Præfecto Regii stabuli , eodem ritu , primo fidelitatem jurant coram Antistite , tum hominum præstant coram Magnate , denique Regem , & Principem colunt osculo manuum . Sed & a Magnate , cui accipiendi hominii munus demandatum fuit , sacramentum fidelitatis , hominumque coram Magno Aulæ Magistro emittitur . Ultimus omnium Antistes ipse , qui Sacrum fecit , quique aliorum sacramenta excepit , exutus Pontificalibus ornamentis fidelitatem sacramento promittit coram Magno Capellano , qui Pontificalia induit , & illius sedem occupat ; ac pariter Magnatem causâ faciendi hominii , Regem , & Principem ad manuum oscula petit . His omnibus peractis , Regem Secretarius Regi sciscitatur , an edito sacramento , præstitoque hominio factum sit satis , & an ei voluntas adsit jurandi servaturum se leges , consuetudines , & iura Regni . Affirmante Rege , tota cæremonia concluditur . Quoniam vero non omnes Regni Proceres , sive Clerici , sive laici , quibus iurandum est , eo conveniunt ; hinc ablegantur a Rege in Provincias , qui huiusmodi exprimant sacramenta .

V. Clerici Palatini Aulæ Hispanæ sacramento fidem obligant suam , cum primum obsequio Regis addiuntur . Et quidem , uti refert Turturetus lib. de Sacello Hisp. cap. 5. Magnus Aulæ Magister excipit nomine Regis sacramentum .

a Magno Capellano præstandum, is vero juramentum excipit Præfecti Regiarum Cortinarum; at cæteri Capellani Aulici jurant coram Receptore Sacelli, se officio suo minime defuturos. Carpit proinde hunc morem Peiratus lib. 1. cap. 16. quod ipsi Regi potius, quam alicui Aulæ Magnati convenientius sit Magnum Capellanum sacramentum exhibere, quemadmodum in Gallia Magnus Eleemosynarius ipsi Regi juramentum præstat; additque Capellanis Aulicis potius apud Magnum Capellanum, quam apud Sacelli Receptorem jurandum fore. Formula vero juramenti a Turtureto, & Peiratio relata, est hujusmodi: *Ego N. ab hac hora in antea fidelis ero S. Petro, sanctæque Romanæ Ecclesiæ, Dominoque nostro Papæ, ejusque successoribus canonice intrantibus: simili modo fidelis ero Regi N. Domino nostro, Regina, & Principi, pro tempore existentibus, eisque fideliter inservire curabo: Regis nostri Majestatem, auctoritatem, præminentias & regalias, ejusque Regiæ Capellæ, & domus, & quæ utilia erunt pro viribus defendam, tutaborque, & his contraria removebo, & si per me id præstare non potero, Capellano meo Majori Regio pandam, cui tamquam superiori meo Ordinario pro tempore esistenti obedientiam, reverentiam, & subiectionem, promitto, & quod mihi ab eo & suo nomine fuerit injunctum, omni mora postposita adimplebo, ejus honori, bono, & commodo Capellanorum, & Cantorum aliorumque Ministrorum, & ipsius Regiæ Capellæ consulam, & quæ commoda esse poterunt, procurabo: Capellæ Regiæ secreta, & quæ in ejus Congregationibus agentur, custodiam, ejusque Constitutiones, & Statuta, & tandem ea omnia observabo, quæ ad honorem, & decorem prædictæ Regiæ Capellæ concernere, & spectare intelligam. Sic me Deus adjuvet, & hæc sancta Evangelia.* Hac sacramenti formula plura indicantur officia Capellani Aulæ Hispanæ, nempe legibus Romani Pontificis, Regis, Regina, Principis successoris Regni morem gerere; Regis, & Regiæ Capellæ jura tueri; fidelem operam in suo exequendo munere navare; Magno Capellano tamquam Ordinario suo obedire; Palatini Clericorum Collegii statuta, & secreta custodire; ad ejus gloriam, & utilitatem confer-

re omnem operam, denique sui muneris partes incunctanter obire.

VI. Ratio autem faciendi foederis in Aula Hispana, hæc est. Cæremoniæ agendæ statuta est aula quædam Domus Regiæ, ubi paratur Solium Regis, & sedes Oratoris illius Principis, quocumq; foedus est sancendum. Adsunt, qui Regis sunt a Consilio, & a secretis; Feciales quoque, sive *Araldi*, & Caduceatores sive *Mazzieri*. Si quis e Cardinalium numero adscriptus sit Regis Consilio, huic sedes apponitur. Anno 1605. cum inter Hispanos, Anglosque pax firmata est, interfuere etiam cæremoniæ Magnus Præfectus Regii stabuli deferens Regium ensen, Magnus Aulae Magister, & Magnates Hispaniæ scamno insidentes. Stata hora, ducitur Orator Principis, quocumq; foedus est ineundum, ad cæremoniæ aulam, illique venienti occurrunt honoris causa Aulici; pauloque post, illuc se confert Rex Catholicus, Oratorem salutatur, sedet, innuitque ut ille etiam assideat. Mox a Secretario Regni legitur jurandi foederis formula; qua lecta, collocatur prope Regem mensula, supra quam Magnus Capellanus Crucem, & Evangeliorum librum statuit. Tum flexis genibus, detecto capite, manibus ad sacra illa admotis, Rex Catholicus affirmat, se in ea jurare verba. Surgit deinde, remotaque mensula, Orator pro inito foedere diuturnam amicitiam, felicitatem, & imperium Regi precatur. Cæterum & apud Romanos olim insignis, & sacra fuit cæremonia foederis sancienti, ut ex Livio lib. 1. cap. 24. aliisque constat: Nam, qui foedus facturi erant, quique interesse volebant, in publicum aliquem locum congregabantur, & Rege sedente, vel Consulibus, Fecialis rogabat Regem, aut Consulem, an juberet cum eo populo foedus ferire. Illo jubente, Fecialis ex arce Capitolina verbenam afferebat, seu sacram herbam, qua mos fuit coronandi Feciales, & Patres Patratos foedera facturos. Tunc utriusque populi Feciales scribebant leges in duabus tabulis, quarum una apud Populum Romanum, altera apud foederatos servaretur, & scriptas recitabant. Legibus recitatis ex utraque tabula, Feciales Populi Romani, præsentem Patre Patrato alterius populi tamquam ju-

ris-

risjurandi teste, pronunciabat juramentum, ut qui prius infringeret foedus, illum Jupiter sic feriret, *ut ego hunc porcum hodie feriam, tantoque magis ferito, quanto magis potes, pollesque*. Id ubi dixerat, porcum saxo filice percutiebat. Idem juramentum Fecialis alterius populi faciebat. Postremo Feciales, & Patres Patrati porcum Jovi immolabant. Progressu temporis deinde institutum est, ut foedus fieret jactu lapidis, quem Fecialis dextra projiciens agebat: *si sciens fallo, tum me Diespiter, salva urbe, arceque, bonis ejiciat, uti ego hunc lapidem*.

VII. Lusitani, vivente Rege, eoque jubente, fidelitatem sacramento promittunt successori, & hæredi, indicto Conventu generali Regni. Ita olim Michaeli infantulo Filio Emmanuelis Regis fides jurata est, uti narrat Oforius lib. 1. de Reb. gest. Emm. his verbis: *Emmanuel anno sequenti, qui fuit a Christo nato MCDXCIX. ad eam rem sine ulla mora peragendam concilium indixit. Omnes sine ulla recusatione conveniunt. Is ab omnibus postulat, ut fidem dent, se Michaeli ipsius unico filio tamquam successori legitimo, fore semper, postquam ille ad Regnum perveniret, obsequentes. Illi priusquam fidem darent, ab eo exposcularunt, ut nomine filii promitteret, idque juramento confirmaret, ut numquam neque jurisdictiones, neque vectigalium administrationes, neque arcium præfecturæ ad Portugallia ditionem pertinentes, sive citra, sive ultra mare altcui, qui non esset natura Portugalsensis, ullo tempore, aut condicione mandarentur. Quod Emmanuel facile concessit. Illi igitur fidem publice absenti Michaeli dederunt: & Emmanuel promissionis sue sædus propria ipsius manu consignatum jussit, ut publico testimonio ad memoriam sempiternam confirmaretur. Atque is mos apud Lusitanos sequentibus quoque sæculis viguit, uti constat ex Historia Regum Lusitania, quam decem Tomis distinctam nuper edidit Vir Clarissimus Antõnius Cajetanus Sousa Teatinus, ubi plurima leguntur exempla præstiti solemnisi juramenti Principibus successoribus Regni, pueris etiam, vel adolescentulis, Rege vivente. Ita Alphonso Principi, nato anno 1643. tamquam hæredi imperii jurata est fides anno 1653. & Petro II.*

filio

filio Regis Joannis IV. anno 1668. & Elisabethæ unicæ illius filię, anno 1674. Lusitani Ordines fidelitatem sacramento præstiterunt. Hanc cæremoniam agere solent in aula quadam Palatii Regii, Rege, & Principe Solio insidentibus, legente juramenti formulam Officiali quodam Aulico, quem vocant *Escrivano de Puridade*, tactis Cruce, & Evangeliiis a Magno Capellano delatis, & osculo manuum Regis, ac Principis successoris: & primo quidem Principes Regiæ stirpis, tum Magnates Regni, nullo inter eos servato ordine, Episcopi, Nobiles viri, Magistratus jurant. Hoc fere ritu Joannem V. nunc gloriosissimum Regem, tamquam successorem Regni, octo annis natum, vivente Petro II. Rege, illius parente, die 1. Decembris, anno 1697. consueto juramento Lusitani Ordines coluerunt. Et in ea cæremonia Infans D. Franciscus, vices agens Magni Comestabuli, detulit ensẽ Regium, primusque juravit, venia a Rege facta tenellæ ætatis, quæ satis non erat edendo sacramento. Ille vero, defuncto Petro II. anno 1706. imperium tenuit, atque Rex salutatus est anno 1707. die 1. Januarii, consueta Exaltationis cæremonia, quam fuscẽ describit to. 8. Historiæ Lusitanæ Clarissimus Sousa. Narrat is, in arca Palatii Regii insigniter adornata instructos fuisse in acie milites, & excitatum amplum tabulatum, ubi Solium Regis eminebat; hunc se eo contulisse Fecialium, Caduceatorum, & Aulicorum magno comitatu; præcedentibus ipsum proxime Infante D. Francisco cum Ense Regio, tamquam Magno Comestabulo, & Vexillifero cum vexillo Regni; adherentibus vero Regi Infantibus Antonio, & Emmanuele; sequentibus Regem Nuno de Ataide Episcopo Targensi Magno Capellano, aliisque Episcopis; Solium conscendisse, acceptoque aureo sceptro a Marchione de Marialuas porrecto, sedisse operto capite, stetisse vero omnes detecto capite, ut moris est in hac cæremonia; tum a Consiliario quodam Regio declaratum regnandi jura ad illum pervenisse; eundemque juraturum more prædecessorum Regum; statutisque super mensam a Magno Capellano Cruce, & Evangeliiis, Regem abjectis sceptro, & pileo, flexis genibus jurasse, servaturum se Regni, & subditorum jura, illique juranti adstitisse

VC-

veluti testes Capellanum Majorem, cæterosque Episcopos; præstitoque a Rege sacramento, Infantes primum, deinde Magnates omnes, nullo servato inter se dignitatis ordine, uti a Feciali monitum fuerat, Episcopos, cæterosque Ordines sacramentum fidelitatis exolvisse; denique universos adiiisse Capellam Palatinam, & ad ejus fores Magnum Capellanum Pontificalibus indutum ornamentis obtulisse Crucem deosculandam Regi provoluto in genua, huncque sub umbella a Capellanis Aulicis delata, præcedente Clero ductum ad Altare, habitamque solennem gratiarum actionem.

VIII. Sabaudis Ducibus, cum primum imperio potiuntur, subditi hoc ritu fidelitatis sacramentum persolvunt, quo Carolo Emmanueli gloriosissimo Duci Sabaudia, & Regi Sardinia, anno 1730. jurata est fides. Hæc cæremonia perfecta fuit in Cathedrali Ecclesia Taurinensi, sedente Rege in Solio, & prope Regem sedentibus Principibus Regiæ familiæ, Sociis Regalis Ordinis SS. Annuntiata, Magno Cancellario, operto capite. Aderant Senatores Civitatis, Magistratus, Professores Academia cum eorum Rectore, Oratores Provinciarum, & Civitatum, a quibus jurandum erat. In Ecclesiæ medio parata fuit mensa, & super mensam Crux, & Evangeliorum liber; prope sedebat Archiepiscopus Taurinensis Mitra, & Pluviali indutus, facie versus ad populum, medius inter duos Canonicos Tunicella indutos, atque in lingneis subselliis assidentes; ad Archiepiscopi latus stabat Marchio Ormeæ, qui a summis erat imperii negotiis, Italice, *Segretario di Stato*, detecto capite. Ac primo quidem decantatus est Hymnus a Cantoribus Palatinis, tum eo finito, dignior Magistratus, quem vocant primum Præsidentem Cameræ, salutatis Rege, & Principibus Regiæ familiæ, hos ad præstandum juramentum ut accederent, monebat. Illorum vero singuli, salutato Rege, accedebant ad mensam, flexisque genibus, quibus Aulicus Capellanus pulvinar supposit, manu Evangeliorum libro superimposita, Crucem eis exhibente Archiepiscopo, legebant sacramenti formulam a primo Regis Ministro eis porrectam; inde Regem adibant, a quo amplexu excipiebantur. Præstito juramento a Principibus

Re-

Regiæ familiæ, Marchio Sufæ primum, tum Mafferani Princeps jurarunt fidelitatem, cum hoc tamen discrimine, quod illi procumbenti in genua suppositum fuerit pulvinar a Clerico quodam Aulico, & quod a Magistratu quodam, non a Feciali fuerit ad juramentum edendum accersitus. Mox Socios Regalis Ordinis SS. Annuntiatae ad obligandam sacramento fidem suam Fecialis invitabat; horumque singuli, provoluti in genua, nullo supposito pulvinari, accepta juramenti formula a primo Regis Ministro, jurarunt, & amplexu a Principe donati sunt. His persolutis sacramentis, Fecialis e scripto quodam a primo Ministro ei tradito pronunciabat, quo ordine Provinciarum & Civitatum Oratores accederent ad juramentum faciendum; monebat insuper omnes, ut attentò audirent animo sacramenti formulam, quam mox alta voce recitavit Regis primus Minister. Ea lecta, Oratores Sabaudiae primum, tum Pedemontis, deinde aliarum ditionum Sabaudo Principi subjectarum, accersente singulos Feciali, flexis genibus, tactis Evangeliiis, jurarunt; & ad Regem accedentes, ab eo benigne excipiebantur, manu illorum humeris admota. Verum, qui e numero Oratorum, nec ex Equestri erant Ordine, neque ligii erant Regis, hi ad salutandum Regem minime accedebant, curante hoc discrimen Praefecto caeremoniarum. Tandem, dato ab omnibus juramento, Rex procubuit in genua, & decantato Psalmo, *Exaudiat*, Antistes Taurinensis benedictione Episcopali donavit universos.

IX. Meminit non semel Innocentius III. in suis epistolis sacramenti, quo Sicuti Ordines Regibus suis obligabantur. Cum enim Constantia Imperatrix, & Regina Siciliae, Friderici pueri ejus filii, & Regni tutelam Innocentio Pontifici commisisset; cumque in Fridericum, Regnumque movisset arma Marcovaldus, Senescallus olim Henrici Imperatoris, & Marchiae Anconitanæ Regulus, nil sibi reliquum fecit Pontifex, ut insensissimum hostem repelleret, & Siculos in officio contineret. Quamobrem datis litteris pluribus ad Episcopos, & Primores Siciliae, eos hortabatur, ut in fide, & obedientia permanerent, utque ab universis Ordinibus fidelitatis

sacramentum persolveretur, persolutum sanctissime servaretur. Porro hæc juramenta Siculis Regibus persolvebantur in illorum inauguratione, indictis Comitibus totius Regni, quæ vulgo Parlamenta dicuntur; eaque conflata sunt ex tribus Ordinibus, nempe Ecclesiastico Episcoporum, aliorumque Antistitum; Sæculari, Dynastarum scilicet, seu Baronum; ac Demaniali, seu civitatum, ac oppidorum Regii Demanii. Tum Reges ipsi juramento promittebant, servaturos se Regni privilegia, & consuetudines. Qui si a Sicilia Regno abessent, tunc alicui vices suas demandabant, qui indictis Comitibus Regni exprimeret hæc sacramenta. Ita sublato e vivis Martino II. Rege, cum anno 1412. ad Ferdinandum Regem Aragonum Cæsaraugustæ degentem pervenisset imperium; Siculi Ordines coram Regina Blanca ut illius Vicaria sacramentum fidei ediderunt. Exhibet hujus juramenti formulam ex MS. Codice Amatus lib. 8. de princ. Templo Pan. cap. 4. *Forma juramenti præstandi Regiæ Majestati per vassallos suos Regni Sicilia, ordinata per Reverendissimum, Dominum Archiepiscopum Panormitanum. Ego talis per me, successores, & posteros meos promitto, & etiam puro corde, & sincera mente juro per Crucem Domini nostri Jesu Christi, & Sancta Dei quatuor Evangelia, per me corporaliter tactu, quod semper, & perpetuo ero fidelis, & obediens, atque legalis subditus, & vassallus Illustrissimo, ac Serenissimo Principi, ac Domino meo, Domino Ferdinando, Dei Gratia, Aragonum, & Sicilia Regi, ipsumque in verum meum Principem, Regem, ac Dominum habeo, tenebo, nec non faciam, & servabo ea omnia, & singula, quæ bonus, legalis, & Fidelis subditus, & vassallus suo Regi, & Domino facere, servare, & jurare debet juxta formam constitutionum & capitulorum hujus Regni Sicilia, eaque omnia, & singula, ut supra promitto, & juro in posse, & manibus vestris etiam facio homagium ore, & manibus commendatum. Dominus Rex jurabit, & confirmabit tenere, & observare privilegia, libertates, & consuetudines, & capitula Baronum, Nobilium, prout & secundum per Serenissimos Reges Sicilia, ac per præteritos Illustrissimos Dominos Reges Mar-*

ti-

tinum, & Martinum ultimo decessos, eisdem confirmata, jurata, & rationabiliter fuerint observata. Homagium dicitur ore & manibus commendatum, quia vassallus, dum præstabat hominium, manus suas manibus Domini conjungebat, peractaque fidelitatis, & hominii præstatione, in fidei signum illum osculabatur; & hinc hujusmodi osculum dicebatur fidelitatis. Ita in Charta Jacobi Regis Aragonum anno 1231. apud Joannem Dametum in Historia Regni Balearici, legitur: *Ego Infans Domnus Petrus facio vobis homagium ore, & manibus;* & apud Marcam in Hist. Beneharn. lib. 6. cap. 1. legitur hominium *in osculo pacis, & veritatis.* Alia plurima hujus rei exempla congerit Cangius in Glossario, simulque notat, non omnes vassallos, sed nobiles solos ad osculum admissos fuisse. Nunc quoque temporis Angli in coronatione Regis hominium osculo præstant, uti jam diximus. Alphonfus Ferdinandi filius, quem Magnanimum nuncuparunt, imperio potitus anno 1416. demandavit Joanni fratri vices suas in administranda Sicilia obeunti, ut consuetum fidei sacramentum exciperet. Sed anno 1420. Siciliam adiens, die 12. Februarii, convocatis Episcopis, & Oratoribus civitatum, ab eis de more expressit fidei sacramentum, tum & ipse custodiendis juribus Regni sacramento se adstrinxit. Carolus V. victor ex Africa Siciliam adiens anno 1535. in metropolitana Ecclesia Panormitana juravit se consuetudines, & jura Regni e servaturum. Idem præstitum legitur a successoribus Regibus. Est itaque Siciliae mos, ut Reges servandis moribus, & juribus Regni; subditi vero servandæ illis fidelitati mutuo sacramento vicissim adstringantur. Idque hoc ritu peractum est anno 1735. die 30. Junii, in Cathedrali Panormitana, cum CAROLUS BORBONIUS Rex gloriosissimus imperio potitus est. Post solemnem Regis ingressum, & equitationem, post decantatum Hymnum gratiarum actionis, Rex Solium descendit, seditque aperto capite; tum ante eum apposita fuit mensula, supra quam Magnus Eleemosynarius Crucem, & Evangeliorum librum collocavit. Protonotarius Regni stans in gradibus Regii Solii, recitavit juramenti formulam; eaque lecta, Coadiutor Protonotarii singulos, a quibus jurandum erat,

A a a 2

accer-

accerſivìt, ſervato eorum ordine. Primus omnium Panormitanus Archiepiſcopus, tamquam Eccleſiaſtici Ordinis primus, acceſſit ad Regis ſedem flexis ante illum genibus, expanſis ſuper Evangelia manibus, interroganti Protonotario, an vellet Regi fidelitatem promittere juxta formulam nuper pronuntiatam, reſpondit, ſe ita velle, & ita jurare, atque in hujus rei ſignum Crucem, & Evangelia eſt oſculatus. Hunc ſequuti ſunt cæteri Epiſcopi, Præſulesque Regni; tum Ordo Militaris, ſeu Equeſtris, nempe Principes, Duces, alique Feudorum Domini; tandem Oratores Civitatum Regii Demanii. Quo facto, jubente Rege, ab eodem Protonotario recitata eſt formula juramenti ab ipſo Rege dandi de cuſtodiendis ſtatutis, atque privilegiis Regni. Mox Protonotarius, flexis genibus, Regem exoravit, ut juramentum præſtaret: Rex vero ſtans, deſecto capite, librum Evangeliorum manu tangens, juravit. Poſthæc Prætor Panormitanæ Civitatis pariter a Rege petiit, ut ſacramento promitteret ſervatum ſe jura, moreſque Civitatis; quod pariter, eodemque ritu, a Rege juratum fuit.

X. In Neapolitano Regno hæredibus, & ſucceſſoribus imperii perſoluta quandoque fuiſſe fidelitatis ſacramenta, ut reipublicæ, & familiæ Regiæ tranquillitati conſuleretur, indicat in ſua Hiſtoria Summontius. Narrat enim lib. 3. curafſe Robertum Regem longæva jam ætate ſenem, indiſtis anno 1340. Comitibus totius Regni, ut Joanna neptis, hæres imperii, duodecim annis nata, Andræ Hungarorum Regis filio minusculæ ætatis deſponſata, ab univerſis Regni Ordinibus, præſtito ſacramento, tamquam imperii hæres ſalutaretur, quod Andream ejus virum regimini adminiſtrando imparem exiſtimaret. Pariter Alphonſus I. convocatis totius Regni Comitibus, anno 1443. Ferdinandum filium conſtituit Calabriæ Ducem, ſucceſſoremque imperii, cui eo nomine hominium, & ſacramentum univerſi Ordines præſtitere: *Eſſendo tutto ciò, ait Summontius lib. 5. con ſodisfazione del Bar-ronaggio inteſo, ſupplificarono Sua Maestà, reſtaſſe contenta concederli per ſuo primogenito, ſucceſſor futuro, & erede del Reame D. Ferrante d' Aragona ſuo figliuolo con darli il titolo*
di

di Duca di Calabria, erede, e successor del Padre, nel Reame di Sicilia citra Pharum, e fu dagl'Ufficiali, e Baroni suddetti accettato per loro Signore, e Luogotenente generale, e succedente Re, e gli giurarono omaggio, e ligio di fedeltà, ore, & manibus, del che fu fatto publico instrumento per Giovanni Olzina Secretario, e Notaro del Re. Deinde sublato e vivis Alphonso, anno 1458. Ferdinandus, ordinata solenni equitatione ex Regni Proceribus, & Dynastis conflata, adiit Metropolitanam Ecclesiam, ibique dicto Hymno *Te Deum*, Archiepiscopo Sacris operante, Rex salutatus est; & rediens ad Aedes Regias, Arcein Novam ad ejus Praefecto recepit; tum celebrato Conventu Capuae, quod Neapoli lues grafsaretur; hominum, & fidei sacramentum ab univerſis Regni Proceribus illi est exhibitum, uti narrat lib. 5. Summontius. Nam in more fuit apud Neapolitanos, ut obeunte Rege, qui in imperio succedebat, statim per Civitatem, & Sessiones Nobilium equitaret magno Procerum comitatu, atque ad Metropolitanam Ecclesiam accederet, ubi suis precibus, ab Archiepiscopo Rex renuntiabatur; deinde statutis Comitibus, sacramenta, & hominia ei persolvebantur. Quod de Alphonso II. Ferdinando II. & Friderico referunt Neapolitanarum rerum Scriptores. Imperantibus vero Austriacis, qui in Hispania degebant, ei data fuere hujusmodi juramenta, cui Reges hoc munus demandarunt: uti cum Carolus V. Imperator, Rexque Siciliae, Philippo filio commisit Neapolitani Regni imperium, is Ferdinando Francisco Avolos Marchioni Piscariae vices suas in possessione Regni ineunda delegavit. Ordo hujus caeremoniae legitur apud Frecciam lib. 3. de Subfeudis, ubi: *Die autem Dominica 25. ejusdem mensis, sub festivitate S. Catherine Virginis, & Martyris, quae clarissima fuisse in Regio Palatio, prope Ecclesiam Sancti Spiritus, in quo residet Illustrissimus & Reverendissimus Dominus Cardinalis Seguntinus (Petrus Paceccus) Locumtenens generalis Serenissimi, & Potentissimi Domini nostri Regis Philippi, venerunt Illustrissimus Dominus Petrus Ansonius de Santo Severino Princeps Bisiniani, nobilis Plateae, seu Sediliis Nidi, & Syndicus hujus Incolae, & Fidelissima Urbis, una*

cum Dominis Electis omnium Platearum, cum Tribuno plebis, ornatis vestibus velluti carnosini cum albis equis pariter faleratis; & deinde venit Illustrissimus D. Franciscus Ferdinandus de Avolos de Aquino, sue etatis annorum viginti trium, Marchio Piscaria, Princeps Montis Herculis, & Francaville, Regni Siciliae Magnus Camerarius, Generalis Capitaneus, seu Legatus totius Cavallariae, seu Equitatus, deputatus per eundem Serenissimum Regem pro capienda fide, homagio, ac ligio juramento ab universis Regni subditis, & fidelibus ob refutationem Regni factam per Caesarem Majestatem dicto Serenissimo suo Filio, ut ex litteris huic Civitati directis, associatus siquidem dictus Dominus cum nonnullis Proceribus, & Illustrissimo Domino Duce Amalphiæ Magistro Justitiariorum ejus avunculo, ac Illustrissimo Domino Indico de Avolos Regni Magno Cancellario ejus fratre, equitarunt omnes cum mirabili comitatu omnium Procerum, & Nobilium, & omnium Officialium, & universo populo, Dominus Cardinalis in medio, a manu dextra dictus Dominus Marchio, & a manu sinistra Dominus Princeps Syndicus, & advenientes in Conventu S. Laurentii in loco solito, in altiori loco a manu sinistra sedit in quodam folio, seu sedia Dominus Cardinalis Locumtenens generalis, Dominus Dux Amalphiæ Magister Justitiarius in uno scamno, & ex alio Magnus Cancellarius, & omnes Domini Regentes, & nos Consilarii in pede scabelli cum aliis Officialibus, prout potuimus locum habere ob multitudinem, Dominus Princeps, ut Syndicus, in alio scabello juxta morem, & post cum omnes Electi, & post eos Proceres, & Barones Regni secundum determinationem Illustrissimi Domini Locumtenentis generalis, & Collateralis Consilii, ibidem existentibus pluribus Dominis, & Syndicis nonnullarum Universitatum. Dominus Marchio per Secretarium Consilii Collateralis legi fecit patentes Serenissimi Domini Regis sub data in Regia Domo, & paucis rebus rem absolvit pro executione sue delegationis. Syndicus nomine Urbis, Baronum, & Regni respondit, & sub quadam pagina explicavit intentum, & devotionem Civitatis: & Domini Electi, unus post alium venerunt hora 20. ad præstandum juramentum fidelitatis

tis sub forma consueta, prostrati ad pedes dicti Domini Marchionis, tactis Evangeliiis. Syndicus non juravit, quia forte non fuit ad hoc constitutus a Plateis. Post eos Magister Justitiarius, & Magnus Cancellarius, deinde Illustrissimus Dominus Antonius de Aragonia puer annorum circa decem, vel parum plus, Dux Montisalti, & dum deferretur ad præstandum juramentum Dominus Princeps Bisiniani non consentiendo fuit de hoc protestatus, & prætendens primo sibi deferri, & pro illa vice tantum, & citra præjudicium tam in petitorio, quam in possessorio, ex decreto Dominorum de Consilio Collaterali oretenus dato, primus omnium juravit, & ex ordine Princeps Sulmonæ, Duces, Marchiones, Comites, Barones, & inter alios ego etiam præstiti ligii homagii juramentum, & alii procuratores Dominorum, Sindici, & procuratores Universitatum. Et deinde equitantes præfati Domini ex eodem ordine per Plateas nobiles, magna fuit facta ob publicam lætitiā effusio pecuniæ aureæ, & argenteæ pro gloria, & triumpho dicti Serenissimi Domini nostri Regis, Ducis Mediolani, ac Angliæ, & Franciæ Regis, nostræ Catholicæ, atque Christianæ Fidei perpetui defensoris. Die lunæ sequenti, hora 17. venerunt prædicti Dominus Cardinalis, Dominus Marchio, Dominus Princeps Syndicus ordine supraposito cum Dominis Electis, & Dominis Baronibus sub eadem regula, & magna comitiva Nobilium in majori Ecclesia, Reverendus Episcopus Mottularum Vicarius Illustrissimi & Reverendissimi Domini Cardinalis Neapolitani, & in majori Altari solemnem Missam decantavit, assistentibus omnibus Dominis de nostro Consilio, & aliis Officialibus. Orationem fecit Dominus Episcopus Sancti Marci Secretarius Martiranus vir religiosissimus, ac doctissimus, quæ pro honore utriusque Cæsareæ Majestatis patris, & filii Dominorum nostrorum Regum, sub candido sermone, laudatissima habita est. Finito Te Deum laudamus, idem Dominus Secretarius legit patentes litteras dicti Domini nostri Regis confirmantis dicti Domini Illustrissimi Cardinalis in suo officio ad beneplacitum, quia confirmatio omnium officiorum venerat in ejus posse, assistentibus ibidem Dominis Electis, Dominus Joannes Bernardinus Carbo-

*bonus Electus Plateæ Capuanæ ab eodem confirmationem, & observantiam omnium Capitulorum Urbis humiliter expetiit, & detulit illi sacramentum, sub quo tactis Evangeliiis observare juravit, & recedentibus omnibus facta fuit pecuniarum auri, & argenti effusio pro gloria, & triumpho dicti Serenissimi Domini nostri Regis. At Clementissimo Regi CAROLO BORBONIO jurata est fides, hominumque præstitum, die 20. Junii, anno 1734. in Capella Palatina, & coram Magno Aula Capellano, a Patribus conscriptis Neapolitanæ Civitatis, quos Electos vulgo nuncupant, & hoc quidem ritu. Rex Gloriosissimus medius inter Patres conscriptos Neapolitanos, præeuntibus Aulicis, Capellam adiit Palatinam, ibique Sacrum audit, stantibus prope Regem Neapolitanis Patribus conscriptis. Peracto Sacro, Solium conscendit excitatum in cornu Evangelii, seditque operto capite; steterunt a dextra Solii parte Primus Regis Minister, Dux militum custodum corporis Regis, & Secretarius Regni juramenti formulam in manu tenens; a sinistra vero Solii Feciales, seu Reges armorum, virgas manu habentes, & Ostiarii, vulgo *Portieri di Camera*; aderant quoque Notarii Aulae, & Civitatis, qui rem tabulis consignarent. Tum Neapolitani Patres conscripti ante Solium Regis constiterunt, eoque innuente, capita operuerunt, tamquam Hispaniæ Magnates. Interea a Secretario lecta est juramenti formula, qua finita, accedentes ad Altare, ubi aderat Magnus Capellanus Pontificalibus indutus ornamentis, Evangeliorum librum in manibus habens, in genua procubuerunt. Eos vero Magnus Capellanus est percunctatus, an ita jurarent; singulique statutis super sacrum Codicem manibus affirmarunt, his verbis: *Così giuro, e prometto*. Dato juramento, mox ante Regem Solio insidentem genua submiserunt, eorum primus verba fecit, statutisque manibus intra manus Regis, a quo & amplexu exceptus est, hominum tum ipse, tum singuli eodem ritu præstiterunt, denique Regem ad ædes suas deduxerunt. Excipiendis vero sacramentis, hominibusque, quæ tum a Feudorum Dominis vulgo Baronibus, tum a Civitatibus, oppidisque Regii Demanii persolvenda erant, Rex delegavit Adrianum Ulloam*

Lau-

Lauriæ Ducem, Reglunq;ue Confiliarium; tum promulgatis ad hanc rem Regiis Ediſtis, imperatum eſt omnibus, a quibus jurandum eſt, ut ſtatis diebus, in Eccleſia Regia SS. Sacramenti, vel ipſi, vel eorum Delegati, ſi impedimento aliquo prohiberentur, convenirent. Ibi igitur aſſidente prope Aram in cornu Evangelii Delegato Regis, medio inter Magnum Capellanium Prælatiſis indutum veſtibus a ſiniſtra parte Evangeliorum librum in manibus habentem, & Secretarium Regni a dextra habentem juramenti formulam, utrumque ſtantem, & illum quidem nonnullis Clericis Aulicis, hunc quibuſdam Officialibus aſſociatum: ſtantibus quoque in cornu Epistolæ e regione ipſius Delegati Regis, tum Feciali Regio, tum quatuor Officialibus vulgo *Portieri di Camera*, tum etiam milite haſtato hinc inde inſtructo, Secretarius Regni proferens ſingulorum nomina, qui ad jurandum conveniant, recitavit juramenti formulam, qua CAROLO Regi, ejusque ſucceſſoribus fidem ſe ſervaturos, ejus juiſſa pace belloque facturos, arma contra eum nunquam laturos illi pollicebantur. Tum ſinguli flexis primo genibus ante Magnum Capellanium, ſtatutiſque manibus ſuper ſancta Evangelia, huic ſciſcitant an jurare vellent, ita jurare ſe affirmarunt; mox ante Regis Delegatum procumbentes, manibus intra hujus manus conjunctis, hominum præſtitere: eorumque nomina, exhibitumque ſacramentum a Tabellionibus in acta referebatur.

XI. Porro is ritus edendi coram Magno Capellano ſacramenti fidei Regibus debita, ſolemnique pompa, antiqui eſt inſtituti in Aula Neapolitana. Pontanus enim narrans lib. 2. de bello Neapolitano, Urſum Nolanum Comitẽ, Joannis Andegavenſis partibus adhærentem, opera Bartholomæi Cardinalis Rovarella, qui Beneventi Pontificias res curabat, in partes Ferdinandi I. Regis veniſſe, & huic fidem ſacramento promiſiſſe, ita deſcribit hujus cæremoniæ ritum: *Sedet Rex medius Regia in ſede, editiore loco conſtituta. Aſſident juxta primi Ordinis Optimates, ac Proceres. Stant inde purpuratorum frequentes Ordines, loco quiſque ſuo: Regis ad pedes, genibus innitens, a dextra procumbit parte epistolæ Ma-*

B b b

gi-

gister, qui nunc Secretarius dicitur: sinistra Antistes Evangeliorum libros Regio in sinu adstratos tenens. Horum medius genibus & ipse ille innisus procumbit, qui in verba jurat, utraque manu libris adaperitis imposita. Ibi epistolarum Magister verba praeit: quæ juraturus in verba, sequitur. Igitur posteaquam Ursus Regios ad pedes provolutus, palmam in Codice utramque expansam statuit, tum Magister præire verba hæc cepit; Ursusque ea est secutus: Ursus ego Ursinus Nola, & Atripaldi Comes, Asculi, Lauri, ac Ferini Dominus, illorumque, & agrorum, & finium, civium, atque popularium, tibi Ferdinando Regi, liberisque, successoribusque in Regno Neapolitana tui polliceor, promitto, spondeo pro liberis, successoribusque in hisce item urbibus, oppidis, agris, finibusque meis, fidem meque, illosque utique futuros, tuisque, illorumque imperiis ubique meque, illosque parituros, atque imperata facturos, cum hisce urbibus, oppidis, agris, finibus, popularibusque, perpetua cum constantia, & fide. Si quid vero adversum teve, illosve, parari fraudis, dolive, insidiarumve audiero, sciero, comperturnve, significatumve habuero, indicaturum illud e vestigio, ac facturum palam tibi,que, illisque: officia demum obiturum, meque, illosque omnia domi, forisque, pace, belloque adversum quoscumque, ac pro imperio, quæ probi, & fidelis subiecti jure, lege, natura, obeunda, ac præstanda sunt Regi. Deumque his Optimum Maximum testem invoco, perque hæc sacrosancta Evangelia sciens, volens, libensque verbis conceptis juro. Atque his dictis, manus ipse e libris sustulit. Tum Rex Urbi manus utriusque digiti pollicibus apprehensis, suosque intra pollices iis insertis devinxit illos suis, statuitque super Evangelia. Hic rursus Ursus, Magistro præeunte verba: Ego me, inquit, cum liberis, successoribusque meis, Ferdinandi Regis mei, Domini mei, liberorum, ac successorum ejus ligium hominem statuo, dedicoque, eumque me hic sisto. Hæc ubi dixit Regios osculatus est pollices, Rexque ore suo illius os excepit, moxque comiter appellatum dimisit. Is est usitatus jurandi mos in verba Regum Neapolitanorum, quique ligatos illorum se faciunt, ipsum hunc servant: dicti inde li-

gi,

gi, quod ligatis Reges pollicibus, illos fidei, imperiisque suis suis vinciant, atque obnoxios statuunt. Antistes ille, quem Evangeliorum libros in sinu Regis adstratos tenuisse refert Pontanus, non alius sane fuit, quam qui in Aula aderat, & sacro ibi fungebatur ministerio. Et vetustissimum fuisse morem alibi diximus, ut Aulici Capellani exciperent sacramenta Regibus persolvenda, ad Sanctorum Reliquias in Oratorio Palatino asservatas. Quod vero in faciendo hominio vassallus inter manus domini junctas manus immittat ad subjectionem denotandam, id usitatissimum ubique fuit, ac pluribus exemplis constat apud Cangium in Glossario, verbo *Hominium*. Non ita tamen de osculo pollicum, quod in Delphinatu a plebeis in faciendo hominio praestitum, non vero a nobilibus, qui anulum, vel manum Domini osculabantur, scribit Dionysius Salvaingus lib. de usu feud. cap. 4. & apud Provinciales quoque obtinuisse colligitur ex Charta homagii anno 1371. Galterio de Ulmeto Domino de Masalgiis praestiti a suis Vassallis apud Cangium: *Et pollices vestrarum manuum in signum vere submissionis & homagii devote osculavimus*. E contra receptissimum fuit, ut praestito hominio ad osculum Domini vassallus admitteretur. Hinc saepe apud veteres mentio fit homagii manuum & oris, quamvis solis nobilibus id permillum fuerit, uti colligitur ex Speculatore lib. 4. de Feudis §. *Quoniam* 2. n. 66. ubi: *Porro in Regno Francia facilius se expediunt, nam nobilis homo flexis genibus coram Rege, & immissis manibus junctis intra manus Regias sibi fidelitatem jurat, & homagium facit, & Rex illum recipit ad osculum; si vero sit ignobilis, licet habeat nobile feudum, non recipitur ad osculum*. Atque haec fuit antiqua forma hominii faciendi. Nunc vero temporis, etsi in inauguratione Regis sacramenta, & hominia, solenni ritu, in Ecclesia, & coram Magno Capellano persolvuntur; attamen ubi quis vel hereditario jure, vel emptione, aut alio titulo feudum consequitur, juramentum, & hominium praestat coram Ministro Regis ad hanc rem delegato, flexis genibus, positus super Evangeliorum librum apertum manibus, recitata juramenti formula, conjunctisque cum eo manibus, ac devinctis, & ab eo dona-

tur osculo. Formula vero juramenti his fere verbis constat:
Io N. N. utile Padrone della Terra N. in detto nome riconoscen-
do, e confessando il Serenissimo Signor D. Carlo per la Dio
Grazia Re di Napoli, e di Sicilia, Infante di Spagna esser
vero, legittimo, & indubitato Re di Napoli, e di Sicilia,
so solenne giuramento all'Onnipotente Dio per i suoi Santi Van-
geli corde & ore jurando & propriis manibus tangendo a voi
Signor Commissario, che essendo stato detto Signore su
qua, etiamdì da oggi avanti sarà buono, fedele, e Reale,
Vassallo, Suddito, e Feodatario della Maestà predetta, e de'
suoi predetti eredi e successori, e di qualsivisia loro Officiali, e
Ministri colla debita soggezzione, umiltà, e riverenza, e
procurerà fedelmente, & accortamente l'utile servizio, ono-
re, e salute della Maestà predetta, e de suoi Serenissimi ere-
di, e successori, esaltazione, & aumento de loro Stati, e
conservazione di questo Regno. Item se alcuna cosa di loro per-
fidia, infidia, o altro qualsivisia sinistro male intenderà, che
g'inimici, emoli e ribelli della Maestà predetta, altri con-
tro la sua Regal persona, e di detti suoi eredi machinassero,
trattassero, o tentassero, li disturberà, & impedirà subito,
e non potendo disturbarli, o impedirli, lo rivelerà subito a
Sua Maestà, e suoi predetti Serenissimi eredi, e successori e
loro Officiali, e Ministri, e contro li predetti emoli, e ribel-
li farà guerra, e tregua, siccome li sarà comandato, e g'amici,
aderenti, e seguaci di detta Maestà averà per amici, e
benevoli, e così per lo contrario averà per inimici li ribelli e
disobbedienti di detta Maestà, e finalmente osserverà, & ese-
guirà tutte le altre cose, e tutto quello, e quanto li buoni, fe-
deli, e leali vassalli, sudditi, e feodatarii sono tenuti, e
devono fare compiere, & osservare per lo loro Re e Signore na-
turale supremo, e diretto, quale esser confisso &c. . . . e così nel
nome suddetto giuro per li Santi Vangeli che tocco colle mie mani.
Item. Io N. N. mi fo uomo ligio della Maestà predetta, e de suoi
Serenissimi eredi, e successori promettendo fedeltà, lealtà, li-
gio, & omaggio in mano di voi Signor Commissario assistente in
questo atto per la detta Maestà contro ogni persona. Simile sacra-
mentum, hominumque ipsi feudi Domino perfolvunt subditi.

CA-

CAPUT XI.

DE SACRIS QUIBUSDAM ALIIS CÆREMONIIS
PALATINIS.

De Rosa aurea benedicta . II. Deque Ense, & Pileo Regibus a Romano Pontifice dono missis . III. Ordo, quo Cardinales recens promossi donantur insignibus suæ dignitatis in Aula Regum Gallie . IV. & Regum Hispaniæ . V. Atque Regum Lusitanie . VI. Ordo, quo Serenissimus Rex CAROLUS BORBONIUS contulit Cardinalatus insignia Dominico Ursino Grævinensium Duci .



Onsueverunt Summi Pontifices ab annis supra octingentis, uti colligitur ex Ordinibus Romanis editis a Mabillonio, quarta Dominica Quadragesimæ, in qua cantatur *Lætare Hierusalem*, in ipsius lætitiæ signum adeuntes Ecclesiam S. Crucis ad agendam Liturgiam, Rosam auream musco & balsamo inunctam equo insidentes deferre, atque ad eam rem sermonem in Liturgia habere, cujusmodi extat Innocentii III. sermo, tum eam Præfecto Urbis tradere, a quo magna pompa, & comitatu ad ædes suas deferrebat. Invaluit deinde (neque enim in Ordinibus Romanis istius benedictionis fit mentio) ut Rosam illam suo in cubiculo quibusdam precibus Romani Pontifices consecrarent, & consecratam deferrent, atque agentes Liturgiam super Altari statuerent, tandem insigni alicui Principi, qui præsens adesset, dono darent, vel ad absentes transmitterent: cujus quidem rei meminit Benedictus Canonicus Basilicæ Vaticanæ, auctor duodecimi sæculi in suo Cæremoniali. Ita eam Alexander III. anno 1163. Parisiis degens Ludovico VII. Gallie Regi dono dedit; & anno 1177. cum Venetiis moraretur, in eadem Dominica, *indutus sacris vestibus, & de consuetudine auream ferens Rosam cum Episcopis, & Cardinalibus ad Altare magis processit: Post Evangelicam lectionem, populo Dei ex diversis partibus congregato pastoraliter predicavit: Et comple-*
tis

*is Missarum officiis, Rosam, quam detulerat, Duci Venetiarum in signum gratiae Sedis Apostolicae contulit, ut habent Aëta ejusdem Pontificis apud Bironium. Eundemque morem subsequentes Romani Pontifices servarunt: siquidem Honorius III. Alphonsum Hispaniae Regem; Clemens VI. Ludovicum Regem Hungariae; Eugenius IV. Sigismundum Imperatorem; Callixtus III. Carolum Regem Galliae; Julius II. Emmanuelem Regem Lusitaniae, Urbanus VIII. Mariam Austriacam sororem Philippi IV. Neapoli degentem, aliique Romani Pontifices, alios Reges, Principesve, insignes quoque Proceres, illustres Ecclesias, uti constat ex indice a Carolo Cartario edito in opusculo de Rosa aurea, hoc sacro munere donarunt. Neapolitanis etiam Regibus non semel Rosam auream concessere. Nam Urbanus V. anno 1368. eam dono dedit Joannae Reginae, uti scribit his verbis Rainaldus: *Eodem mense (Martio) venerunt ad ipsum Romanam Joanna Regina Sicilia, & Petrus Rex Cypri superius nominati: & cum tunc occurreret Dominica Letare Hierusalem, in qua consuevit dari per Papam, Rosa aurea viro nobili, tunc in Curia existenti, dictam Rosam memoratae Joannae tanquam nobilitati, majori, & excellentiori, licet vir non existeret, dedit; Regi praedicto ipsam in hoc praefendo, quae more solito demum cum Cardinalibus, & aliis Nobilibus per Urbem equitavit.* Et Nicolaus V. misso Neapolim Michaeli Marliano Clerico Camerae Apostolicae, & Pontificio Cubiculario, deinde Episcopo Placentino, eandem ad Alphonsum Regem transmisit: cujus rei meminit Ughellius in Episcopis Placentinis, & Morigia de Nobilitate Mediolanensi. Helionora Alphonsi Neapolitani Regis neptis, Friderico III. Imperatori desponsata, Romamadiens, eodem sacro munere donata fuit anno 1451. a Nicolao V. Pontifice, uti narrat Ciacconius in hujus vita. Qui idem testis est Paulum II. anno 1470. Rosam auream Friderico Ferdinandi Neapolitani Regis filio concessisse: *Per id tempus, ait, Fridericus adolescens egregius, Ferdinandi filius, Mediolanum iturus ad duendam Francisci Sfortiae filiam, fratris uxorem in Regnum, Romam veniens, prodeunte obviam bene-*
*stiff-**

*stissimo quoque, & Roderico Vicecancellario, perbenigne, a Paulo suscipitur, ac Rosa donatur, quam Pontifices quomannis donare alicui ex Principibus Christianis consuevere. Paucis vero abhinc annis, nempe anno 1741. Serenissima MARIA AMALIA Regina utriusque Siciliae donata est sacro Rosae aureae munere in honoris, & benevolentiae argumentum a. Sanctissimo Papa BENEDICTO XIV. ablegato Neapolim ad eam deferendam Paschali Acquaviva, a Pontificis Cubiculo, nunc Vicelegato Avenionensi emeritissimo. Sed & Magnatibus Regni Neapolitani datam quandoque fuisse referunt Scriptores, uti Nicolao Acciajolo Senescallo Regis, & ejus apud Pontificem Oratore ab Innocentio VI. & Raymundo Urlino Comiti Nolae ab Urbano VI. Pontifice. Porro ipsum hoc munus, quod precibus, & benedictione Summi Pontificis sit consecratum, sacro quodam ritu dandum, transmittendum, excipiendumque praescribit Ceremoniale Romanum. Si enim praesens in Aula Romana sit, qui aurea Rosa est donandus, hunc jubet flexis genibus sacrum illud munus, absoluta Liturgia, vel in Capella, vel in cubiculo Pontificio, accipere a Pontifice, his verbis: *Accipe Rosam de manibus nostris, qui licet immeriti locum Dei in terris tenemus, per quam designatur gaudium utriusque Hierusalem triumphantis scilicet & militantis Ecclesiae, per quam omnibus Christi fidelibus manifestatur flos ipse speciosissimus, qui est gaudium, & corona Sanctorum omnium: Suscipe hanc tu, dilectissime fili, qui secundum seculum nobilis, potens, & multa virtute praeditus es, ut amplius omni virtute in Civislo nobiliteris, tamquam Rosa plantata super rivos aquarum multarum, quam gratiam ex sua uberanti clementia tibi concedere dignetur, qui est trinus, & unus in secula seculorum. Amen:* eundemque statuit, acceptam Rosam deferentem Urbem equitare, & quidem, si Rex sit, a Cardinalibus associatum. Ad absentes vero Reges transmittendam, quandoque illorum in Urbe Oratoribus Romani Pontifices eam committere; uti Alexander VI. Oratori Hispano, Julius II. Oratori Poloniae, & Leo X. Lusitanis Legatis. Quandoque aliquem e Pontificio famulatio ablegarunt, qui sacrum illud munus deferret, & vel*

vel ipse exhiberet Regibus, vel ab aliquo insigni Antistite, cui id Pontifex demandaverit, exhibendum curaret. Nec raro Cardinales Legati a latere hoc munere functi sunt: siquidem Cardinalis Franciscus Barberinus, anno 1625. auream Rosam præbuit Henrichettæ Borboniæ Anglorum Reginæ, Henrici IV. Galliarum Regis filiz; & Cardinalis Nicolaus Ludovicius, Legatus a latere Innocentii X. anno 1649. Mariæ Annæ Austriacæ Philippi IV. Hispaniarum Regis conjugii. Qua autem pompa, quoque ritu sacrum hocce munus sit Regibus porrigendum describit Paris Crassus in suo Cæremoniali; quod nempe venienti Pontificio Ablegato obviam a Rege mittantur nobiles viri, qui eandem Rosam palam in manibus gestantem deducant ad ædes, ubi ei est commemorandum; quod Dominica, vel festiva dies statuenda sit agendæ cæremoniæ, & in Ecclesia, in cuius Ara principe Rosa aurea est collocanda; quod antea Sacrum sit celebrandum, & ante benedictionem, Antistes, cui Pontifex injunxit officium Rosam auream tradendi, accepta Mitra sedeat in faldistorio facie versus ad Regem ante Altare sedentem, iisque sedentibus, legantur litteræ Romani Pontificis; quod lectis litteris, Antistes surgens Rosam de Altari sumptam præbeat Regi provoluto in genua, his verbis: *Accipe Rosam de manibus nostris, quam ex speciali commissione Sanctissimi in Christo Patris N. N. nobis facta tibi tradimus, per quam designatur gaudium utriusque Hierusalem, scilicet triumphantis, & militantis Ecclesiæ &c.* quod denique data ab Antistite benedictione, Rex auream Rosam manibus suis deferens ad Ædes Regias redeat, illamque in Capella sua custodiat. Atque ad hunc modum, anno 1579. Margaritæ Austriacæ Caroli V. Imperatoris filiz, Parmensium Duci; & anno 1584. Principi Eleonoræ filiz Ducis Hetruriæ porrigendam fuisse auream Rosam colligitur ex monumentis editis a Cartario in laudato Opusculo. Sed Margaritæ Austriacæ conjugii Philippi III. Hispaniarum Regis ipse Pontifex Clemens VIII. Ferrariæ degens anno 1598. sacram Rosam præbuit. In Cæremoniali Hispaniarum a Dumontio, & Rosuetio edito ritus describitur, quo Rosam auream a Gregorio XIV. Pontifice missam, die 24. Augusti,

an-

anno 1591. in Ecclesia Regia S. Laurentii ab Apocrisiario Pontificio accepit Catharina Infans Hispaniæ. Finitis nempe Vespertinis Horis, Apocrisarius Pontificius sacra induit ad Altare ornamenta, lectisque litteris Pontificiis ab Aulico Secretario, Infans pluribus matronis stipata ad Altare accessit, & genua submisit, cui Antistes consueta verborum formula Rosam præbuit, quam illa Magno Capellano Garfia Loaysa tradidit deferendam. Pariter cum Clemens VIII. anno 1595. Elisabethæ Hispaniarum Infanti Rosam auream dono milit, Apocrisarius Pontificius hoc munere functus est in Capella Palatina, idemque Magnus Capellanus Garfias Loaysa sacrum donum ante Serenissimam Principem detulit. Neque diverso modo res se habuit anno 1618. cum a Paulo V. Romano Pontifice Princeps Asturicensium (postea Philippus IV. Rex Hispaniæ) donatus est Ense, Pileoque, atque Elisabetha Borbonia ejus conjux donata est Rosa aurea. Hanc caeremoniam in Capella Palatina Franciscus Chirinus Patriarcha Hierosolymitanus, & Apocrisarius Pontificius absolvit, expleto Vespertino Officio; Rosam Serenissima Infans osculo excepit, præbuitque Magno Capellano, qui, redeunte ad ades suas Infante, illam præferebat. Ex his patet, sacram hanc caeremoniam in Capella Palatina agi solitam merito hic fuisse commemorandam.

II. Eadem causa agendum hic est de Ense, & Pileo, qui a Romanis Pontificibus ex antiquo more in die Natalis Domini quibusdam precibus sanctificantur, & Regibus, vel Principibus dono mittuntur; tum religionis causa, ut olim Principes, ac belli Duces congressuri cum hostibus ense benedicto ab Episcopis antea cingebantur, vexilloque utebantur precibus Ecclesiæ consecrato; tum causa symboli, ut nempe admoneantur de imperio sancte administrando, cum per Ensem Justitia; per Pileum superaddita Columbæ effigie, dona Spiritus Sancti indigentur. Testis est Theodoricus Urie in Historia Concilii Constantiensis, Joannem XXII. in die Natalis Domini Rem Divinam solemniter fecisse, & Imperatorem Sigisfundum decantasse Evangelium, *Exiit editum*; peractoque Sacro, Ensem de manu Pontificis accepit.

piſe, admonitumque de Eccleſia tuenda, ac defendenda, id ſe pro viribus facturum dato ſacramento promiſſiſſe. Mentio fit benedictionis Enſis & Pilei in libro de ſacris Romanæ Eccleſiæ cæremoniis ab Auguſtino Patricio Piccolomineo diligenter concinnato ſub Innocentio Papa VIII. & deinde edito a Chriſtophoro Marcello Archiepiſcopo Corcyrenſi, Pontificatum obtinente Leone X. Porro hæc militaria inſtrumenta largiri conſuevere Summi Pontifices Principibus de Eccleſia optime meritis, uti inter alios donarunt Callixtus III. Henrico IV. Caſtellæ Regi, quod Mauros Granatenſes ſubegiffet; Pius II. Friderico III. Imperatori; Pius V. Ferdinando de Toletto Duci Albaræ, ob res in Belgio contra Hæreticos optime geſtas; Sixtus V. Alexandro Farnelio ob vindicatas ab Hæreticis ditiones Colonienſis Archiepiſcopi; Innocentius XI. Joanni III. Polonorum Regi, quod ejus virtute Vienna Turcarum abſidione ſoluta fuiſſet; Alexander VIII. Franciſco Mauroceno Duci Venetorum ob ſubactam Venetorum imperio Coreyam; Clemens XI. Eugenio Sabaudo Principi ob expugnatum Temiſvarium; ac denique Sanctiſſimus Pontifex BENEDICTUS XIV. anno 1747. Emmanueli Pinto Magno Hieroſolymitani Ordinis Magiſtro. Quoad Neapolitanos Principes; quamvis Urbanus VI. anno 1383. Neapoli in Metropolitana Eccleſia in die Nativitatis Sacrum ſolemni ritu, præſente Carolo III. celebraverit; attamen Enſis vel Pilei benedicti, Regiſque traditi nulla mentio fit a noſtrarum rerum Scriptoris, qui tamen referunt, eundem Pontificem die prima Januarii, ibidem Rem Divinam ſolemni ritu feciſſe, benedictoſque vexillo, & Regi tradito, hunc declaraffe S. R. E. Vexilliferum, tum Aloyſium Andegavenſem ejus æmulum diris devoviſſe: quod argumento eſt, illam cæremoniam benedictionis Enſis, & Pilei in Nativitate Domini nondum invaluiſſe. At Alexander VI. anno 1492. Fridericum Aragonium Ferdinandi I. Neapolitani Regis filium, qui Roman adierat, ut paterno nomine coleret Romanum Pontificem, donavit Enſe, Pileoque benedictis ipſa die Natalis Dominici, uti narrat Joannes Brochartus in ſuis Diariis MSS. his verbis: *Finita Miſſa, Papa aſcendit Solium, ubi benedixit Enſem, non tamen ad-*

adpersit, quia non erat ibi aqua benedicta. Tum dedit eum Illustrissimo D. Friderico coram se genuflexo sub verbis annotatis, ut solent Romani Pontifices: expletis verbis, Papa recepit ipsum Principem ad osculum pedis, manus, & oris; ego dedi enssem suo Majori Domus, qui eum postea immediate ante ipsam Principem portavit. Papa sub porticu S. Petri dedit licentiam omnibus Cardinalibus, & voluit, quod ipsi Cardinales omnes collegialiter usque ad Palatium Apostolorum habitationis suæ associarent, quia sic fuerat nuper de ipsorum Cardinalium Consilio ordinatum, sicque factum est. Venimus per pontem S. Angeli via recta ad Campum Floræ, Domum de Maximis, Minervam, ad Apostolos. Interfuerunt 18. Cardinales, qui bini succedentes sibi mutuo equitarunt, inter Reverendissimos D. D. Senensem, & Camerarium in ultimo loco equitantes Princeps medius, & immediate ante ipsum Miles enssem cum Pileo gestans, more solito. Hi autem Cardinales interfuerunt, videlicet Neapolitanus, S. Petri ad Vincula, S. Angeli, Ulyssiponenfis, Rathanatenfis, S. Clementis, Januensis, Parmensis, Beneventanus, S. Anastasie, Montisfregalis, S. Severini, Afcanius, Ursinus, Columna, Sabellus, Camerarius, Senensis. Cum essent ante portam Palatii Apostolorum (ubi Princeps diversabatur) Cardinales ordine solito se locarunt, quibus ex more Princeps egit gratias, & recesserunt omnes. Ad primam lectionem dedit aquam manibus Leonus Orator Venetus; ad secundam Dux Gravinæ, Orator Regis Neapolitani, ut Orator, non ut Dux; ad tertiam Magn. D. Joannes della Serra Regis Orator Franciæ, & affinis Papæ; is debebat secundam dedisse, & dictus Dux tertiam, tamen sic voluit Pontifex; ad quartam Illustrissimus D. Fridericus. Narrat & ibi Brochartus, qua pompa, quove ordine Fridericus Aragonius Romæ exceptus fuerit, quod nempe ei venienti ad Ecclesiam usque Lateranensem obviam ivere tum Cardinalium famuli, tum nobiles plurimi viri, tum nomine Romani Pontificis Cardinales duo, nempe Montisfregalis & Presbyterorum Ordine consanguineus Papæ, & Afcanius ex Ordine Diaconorum, qui eundem inter eos medium receperunt; & ubi ad Capitolium ventum est, Pala-

tini eidem occurrerunt, verba faciente Bartholomæo Episcopo Segobienti, Præfecto Apostolici Palatii; quodque ei locus tum in Capella, tum in Concistorio datus inter duos ultimos Cardinales. Memorat & alios Oratores cum eo missos, nempe Vincentium Archiepiscopum Acheruntinum, Zenonem S. Marci Episcopum, Hieronymum Episcopum Policastrensem, Franciscum Ducem Gravina, Carolum Comitem Venafri, Lucium Comitem Concha, & Bartholomæum Comitem Palenæ; ornatumque Principis ita describit: *Princeps veste de velluto violaceo indusus erat, collanam habens ex perlis, & lapidibus æstimationis sex millium ducatorum, cingulum cum ense æstimationis ejusdem, frænum totum ex perlis, & pretiosis lapidibus compositum valoris trium millium ducatorum, ac totum equi sui fornimentum auratum ab ante, & retro gestans: præcedebant Familiam suam Salva 200. omnes coperta copertis rubeis; familiares vero ad numerum inter 700 & 800., quos tamen, ut audiui, ad eam summam non ascendere dicebatur.* Narrat quoque, die 21. Decembris, festo S. Thomæ, in Concistorio publico præstitisse paterno nomine Romano Pontifici obedientiam, a duobus ultimis Cardinalibus Diaconis, & a Palatinis associatum, exhibitis, lectisque Regis ejus parentis litteris, Episcopum S. Marci verba fecisse, ac tandem finito Concistorio Principem detulisse fimbrias posteriores Pluvialis Papæ. Illud vero haud est silentio prætereundum, quod nempe Pontifex in Matutinis Officiis Natalis Domini quintam lectionem canendam voluerit ab ipso Friderico Aragonio, cui Ensis benedictus tradendus erat. Ita enim addit Brochartus. *Antequam hoc mane secretam suam Cameram exiret S. D. N. intellectis autem tribus diversis ordinibus in dicendis lectionibus in Matutinis Natalis Domini diversis temporibus observatis, voluit, quod primam lectionem Accolitus, secundam Auditor, tertiam Subdiaconus, quartam Reverendissimus D. Cardinalis Montisregalis junior Presbyter, quintam Illustrissimus D. Fridericus Ensem habiturus, sextam Reverendissimus D. Cardinalis S. Anastasia, septimam Vicecancellarius, octavam Senensis, Diaconi Sanctitatis Suae Assistentes dicerent, & nonam Sanctitas Suae*

*Sua se dicturum dixit, quod voluit singulis per me intimari, prout tunc feci: tum describens Matutina Officia Natalis Dominici, refert quintam lectionem a D. Friderico decantatam fuisse: quintam, ait, Illustrissimus D. Fridericus indutus superpelliceo pluviati accinctus ense, observatis prius solitis caeremoniis. Eundem Pontificem anno 1494. in die Natalis Domini Ensem benedictum praeuisse Ferdinando Calabriae Duci, Alphonsi II. Neapolitani Regis filio, indicat in suis Diariis idem Brochartus; hinc investitum Ferdinandum de Calabriae Ducatu scripsit Summontius. At anno 1496. Alexander Pontifex Philippum Archiducem Austriae, Ducemque Burgundiae donavit Ense & Pileo; & anno 1497. Ducem Stetinensem Regiae stirpis Principem, qui Romae aderat, uti refert Brochartus: *Publicata Indulgentia plenaria, & Evangelio S. Joannis post Missam per Papam lecto, Papa ascendit ad Solium, ubi cum Mitra sedens donavit Ensem, quem hodie, antequam Cameram Pappagalli paratus exiret, publice benedixit sub verbis in Caeremoniali ad hoc ordinatis, Illustrissimo Duci Stetinensi supradicto coram se genuflexo, cujus nomine voluit Sanctitati Suae post ipsum Ensem sibi datum paucis verbis ad hoc aptis per me conceptis, gratias agere, sed Papa asserens, id consuetum non esse, negavit me audire, existimo ne haberet ex tempore respondere. Dux enssem cum Cappello habito consignavit uni ex suis nobilibus, qui ipsam continuo ante Ducem portavit, & descendit ipse Dux cum Ense ad planum Capellae. Sequenti vero anno, Ludovico XI. Francorum Regi transmittendum Pontifex decrevit: Anno a nativitate D. N. Jesu Christi, ait Brochartus, 1498. die Martis 25. dicti mensis Decembris S. D. N. circa horam 16. vel quamprimum venit ad Cameram Pappagalli, ubi receptis paramentiis, dempta Mitra, benedixit Ensem, aspersu, incensavit more solito, ipsum me tenente quousque D. Adrianus Clericus Camerae superpelliceo indueretur, qui ipsum deinde ante Crucem ad Basilicam praedictam portavit, & reportavit. Finita Missa more solito, Papa antequam exiret Cameram secretam convocatis ad se Cardinalibus decrevit Ensem cum Pileo mittere Illustrissimo D. Ludovico XI. Francorum Regi Christianissimo. Venit deinde**

ad

ad Basilicam prædictam processionaliter ordine consueto sub Thiara, sive Regno, & licet prædictus D. Adrianus etiam, Protonotarius, & Secretarius Apostolicus, ac habitum Protonotarii deferret, tamen quia enssem deferre spectabat ad Clericos Camerae, non autem ad Protonotarios, vel Secretarios, volui, quod in habitu Clerici Camerae, non Protonotarii, vel Secretarii, ut conveniebat, ipsum enssem portaret, prout factum est. Ex his patet, quo olim ritu Romani Pontifices Ensem Pileumque tradiderint, eosque Principes acceperint. Cum vero ad absentes Principes sacra hæc munera transmissa sunt, pariter non sine solempni, sacroque ritu exhibenda fuerunt. Ita cum ab Innocentio X. Rex Poloniæ donatus est Ense, & Pileo; & ejus conjux Rosa aurea, Archiepiscopo Andrinopolitano Apocrisiario Pontificio datum est in mandatis, ut in illorum munerum traditione hunc servaret ordinem relatum a Cartario in laudata Dissertatione. Ordo servandus in traditione Ensis, & Rosæ aureæ. Ad Illustriss. & Reverendiss. D. Archiepiscopum Andrinopolitanum apud Regem Poloniæ Apostolicæ Sedis Nuncium. Statim ac ad manus Dominationis vestræ Illustrissimæ pervenerint Rosa aurea, Ensis cum Galeo, & Brevia Sanctissimi Domini nostri Papæ, Serenissimis Regi, & Reginæ Sanctitatis Suae nomine presentanda, hoc idem ipse iisdem notum faciet; ab iisque diem presentationis celebrandæ statui curabit, & Brevia Regi, ac Reginæ consignabit; non tamen nisi in ipso Ensis, & Rosæ traditionis actu aperiendo. Qua die, Dominatio vestra Illustrissima (modo si commodè poterit) cum solempni equitatu Ecclesiarum designatam adibit, immediate ante Dominationem vestram Illustrissimam equitando præeuntibus duobus familiaribus, talari habitu indutis, altero Rosam auream, altero Ensem cum Galeo desuper appposito, deferentibus. In Ecclesia ponetur Rosa supra medium Altaris prope Crucem: Ensis vero cum Galeo a parte Epistolæ erectus sustinebitur. Cumque Dominatio vestra Illustrissima e sua habitatione discedet, Rex Regali induit clamide, una cum Regina Regis iisdem ornamentis amicta, e Regia discedet, ut simul ad eam hora in Ecclesia reperiri valeant. Statim ac pervenerit ad Ecclesiam Dominatio vestra Illustrissima

ma

ma induet Paramenta sacra prope faldistorium a parte Epistolæ collocandum; & Regem, ac Reginam advenientes capitis inclinatione reverebitur. Deinde Missam inchoabit, quam solemnem, vel non solemnem ritu, prout magis Regi placuerit, prosequetur. Responso autem, Deo gratias, ad versiculum, Ite Missa est, Dominatio vestra Illustrissima sedebit in Faldistorio ante medium Altaris, renibus eidem versis, cum Mitra. Rex mandabit legi Breve Sanctissimi Domini nostri, quo alta voce perlecto, Serenissimus Rex accedet ad Dominationem vestram Illustrissimam, cui ante se ipsam genuflexo Galerum super caput imponet: dicendo: Accipe, Serenissime Rex, Galerum hunc, quem tibi elargiendum Sanctissimus universalis Ecclesiæ Pastor ad nos transmisit, aureis Spiritus Sancti radiis micantem, ubi candentes uniones non rapacis Aquilæ crudelitatem, sed paciferæ Columbæ innocentiam effingunt; ut scias, bella tum demum iusta esse, cum non usurpandi imperii, aut opum rapiendarum cupidine geruntur; sed suscipiuntur, Spiritu Sancto admonente, ad propugnandam fidem, & ad stabiliendam pacem, quæ relicta Principibus terræ fuit hæreditas Christi in Cælum redeuntis; qui vivit, & regnat in sæcula sæculorum. Amen. Deinde Dominatio vestra Illustrissima Ensem e vagina eductum eidem Serenissimo Regi attribuet dicendo: Accipe insuper Mucronem Domini, & Gladium salutis; & fiat in dextra virtutis tuæ innocentium tutela, & impiorum flagellum, & ad gloriam Dei omnipotentis, & S. Matris Ecclesiæ illucescant coruscationes ejus Orbi terræ. Mox eodem Ense intus vaginam reposito Serenissimum Regem accinget, dicendo: Accingat te Gladio suo super femur tuum Potentissimus, qui superbis resistit, humilibus autem dat gratiam. Tu autem crebris victoriis cole Deum exercituum, & ultionum Dominum. In nomine Patris, & Filii, & Spiritus Sancti. Amen. ter supra Regem Crucis signum producendo. Tunc Rex dimisso Galero, manum Dominationis vestræ Illustrissimæ exosculabitur, & ad thalamum revertetur. His absolutis, Breve ad Serenissimam Reginam directum evulgabitur: eoque perlecto, Serenissima Regina ad Dominationem vestram Illustrissimam accedet, cui ante ipsam genuflexæ Rosam auream tra-

tra-

tradet dicendo: Accipe Rosam, quam tibi nomine Sanctissimi universalis Ecclesiæ Pastoris Innocentii Domini nostri largimur, per quam designantur gaudium utriusque Hierusalem, triumphantis scilicet, & militantis Ecclesiæ, & per quam omnibus Christi Fidelibus manifestatur flos ipse speciosissimus, qui est gaudium, & corona Sanctorum omnium. Suscipe hanc tu Serenissima Regina, quæ secundum sæculum nobilis, potens, & multa virtute prædita es, ut amplius omni virtute in Christo Domino nobiliteris, tanquam Rosa plantata super rivos aquarum multarum; quam gratiam ex sua uberanti clementia tibi concedere dignetur, qui est trinus, & unus in sæcula sæculorum. Amen. In nomine Patris, & Filii; & Spiritus Sancti: ter signum Crucis super Reginam, producendo. Serenissima Regina manum Dominationis vestre Illustrissima exosculabitur, & ad Sedem suam se recipiet. Tunc Dominatio vestra Illustrissima solemnem Benedictionem populo elargietur, & reliquam Missæ de more absolvet. Peracta Missa, solemniter ad Regiam redibit Rex Serenissimus cum Regina, ante se immediate equitantibus duobus Nobilibus Rosam auream, & Ensem cum Galero desuper appposito, deferentibus. Prædicta solemnitas decentius in digniori Ecclesia peragetur; verum si Serenissimo Regi magis placuerit, eadem in Sacello Palatii Regii celebrare, utique ibidem rite, ac perfecti poterit. Describunt Dumontius, & Roslucius in Cæremonialibus Hispaniæ lib. 1. cap. 4. §. 13. quo ordine in Ecclesia Regia S. Laurentii, die 24. Augusti, anno 1591. Philippus Princeps Asturicensium postea Philippus III. Rex Hispaniæ, ab Apocriliario Pontificio Ensem, Pileumque receperit a Gregorio XIV. transmissum. Narratur ibi, Pontificium Apocrisiarium Aulicis associatum, præeunte Prælato quodam sacra munera deferente, adiisse Ecclesiam, indutumque in Sacratio vestibus sacris accessisse ad Altare ad Rem Divinam faciendam, collocatis super eo sacris muneribus, præsentibus Rege, & Principe sub Regiis Cortinis; ad Missæ finem in baldistorio confedisse, lectisque a Secretario Regio litteris Pontificiis, stantem, recitatis quibusdam precibus, Ensem cinxisse Regem provolutum in genua, eductumque e vagina
ei

ei præbuisse, mox Pileum Regio capiti imposuisse, denique universos benedictione donasse. Philippi III. filius primogenitus Princeps Asturicensium, qui deinde Philippi IV. nomine imperium tenuit, & ipse donatus est Ense, Pileoque a Paulo V. Pontifice, simulque Rosa aurea donata est Elisabetha Borbonia illius conjux. Hanc cæremoniam Matrini in Capella Palatina peractam fuisse ab Apocrisario Pontificio Patriarcha Hierosolymitano, celebrato Sacro, præsentibus Rege, & Principe ornatis Torque Velleris aurei, Oratoribus Principum, Magnatibus Aulæ, die 25. Septembris, anno 1618. constat ex laudato Cæremoniali Dumontii, atque Rossuetii. Redeuntibus vero a Capella ad ædes suas Principibus, Supremus Præfectus Regii stabuli proximus incescit ante Principem deferens Ensem, Pileumque; Magnus vero Capellanus deferens Rosam auream proximus incescit ante Serenissimam Principem memorati Philippi uxorem.

III. Sacris hisce cæremoniis Capellæ Palatinæ addimus aliam, qua Cardinales recens in hunc cœtum adscitos, & in Aula præsentés, honoris causa, & nomine ipsius Summi Pontificis, Principes ipsi donant insignibus illius dignitatis. Cujus quidem moris prima vestigia non ultra sæculum decimum tertium repetenda esse, patet ex eo, quod tunc primum ab Innocentio IV. in Concilio Lugdunensi I. anno 1214. ut invitarentur ad amorem effundendi pro Ecclesia sanguinis, Cardinales decorati fuerint purpureo galero. Quibus ne tum temporis quidem purpurea indumenta peculiaria fuerunt, utpote quæ Legatorum propria erant, his enim, ut majorem auctoritatem Romani Pontifices conciliarent, purpurea sua vestimenta communicarunt. Compertum siquidem est, præcis illis temporibus Romanorum Pontificum purpureas fuisse vestes; & hinc Arnulphus Episcopus Aurelianensis in Synodo Remensi anno 991. cap. 28. indicat Romanum Pontificem *in sublimi solio residentem, veste purpurea, & aurea radiantem*; & Joannes Sarisberienſis lib. 6. de nugis Curial. cap. 24. eundem dicit non *modo purpuratum, sed deauratum* incedere; & Otto Frisingensis lib. 6. cap. 33. loquens de electione Leonis IX. scribit illum assumpsisse *purpuram Pontifici-*

sificalem; denique Leo Ostiensis lib. 3. cap. 65. agens de electione Urbani II. memorat cappam rubeam, quam Romani Pontifices induebant. Itaque, ut olim Vicariis Sedis Apostolicae concessum est Pallium, ita & Legatis purpureum indumentum; quamobrem apud Rainaldum ad annum 1213. legitur Legatus Constantinopolim missus calceis, & indumentis rubeis amictus; atque Matthæus Westmonasteriensis refert Joannem quemdam Rufum ab Innocentio in Hyberniam anno 1247. missum, quasi Legatum, non tamen rubris vestibus insignitum: hæcque Legatorum ornamenta vocantur ab Innocentio III. in Concilio Lateranensi *insignia Sedis Apostolicæ*. A Legatis ad Cardinales omnes profluxit illud vestimenti genus; iisdemque Paulus II. addidit rubrum galericulum, seu pileum, quem Biretum vocant, ut a Prælatiis cæteris fecerint possent in sacris cæremoniis, ubi galeri usus non est ullus. Ita tradit Cardinalis Papiensis lib. 2. *Comm. Cardinalibus, qui sacris induti vestibus a Prælatiis inferiorum ordinum præterquam loco non noscebantur, usum mitræ sericeæ Damasceni operis, rubraque capitia indulsit, quibus soli Antistites Romani antea utebantur*. Addit Platina in hujus Pontificis vita, prohibitum ab eo fuisse, ne quis præter Cardinales indumento illo purpureo caput tegeret. Deinde Gregorius XIV. anno 1591. Cardinalibus quoque e Cœnobitiis, vel Monasteriis adlectis rubrum pileum concessit: qua occasione Antonius Scappus de hac re libellum edidit. Consuetudo tamen mittendi pilei ad absentes, non admodum vetusta dici potest, uti notat Thomassinus par. 1. lib. 2. cap. 114. cum anno 1316. Joannes XXII. interpellatus a Galliæ Rege Philippo, ut recens creato Cardinali Gallo pileum mitteret, recusaverit, excusaveritque priscum morem, per quem id minus liceret: *Quia nec prædecessores nostri Romani Pontifices consueverunt extra Curiam hujusmodi pileos mittere*: & a temporibus B. Ludovici pileum Cardinalitum non esse missum, nisi ad duos Angliæ Nuncios, quorum necesse esset dignitatem exaggerari, ut hinc pondus, & autoritas accederet eorum statutis. Clemens VI. cum Cardinalibus adscripsisset Abbatem S. Dionysii pileum misit, concediditque tribus Episcopis cum episto-

la,

la, qua significabat, quamvis inolevisset mos, ut Romam proficiscerentur pileo donandi a Papa: *Licet imitanda servaret antiquitas, ut ad honorem Cardinalatus electus, non prius Capello rubeo uteretur, quam illum de manu Pontificis suscepisset*, missum tamen a se esse, quem a tribus acciperet Episcopis, quod certior factus esset, illum propter gravissima Regni negotia non posse a Rege divelli. Deinde invaluit mos, qui nunc temporis obtinet, ut rubrum galerum nulli absenti, nisi Principi Regiæ stirpis transmittatur, bene vero purpureum Biretum ad absentes ab aliquo e Pontificio famulatio deferatur. Sique Cardinalitiis insignibus donandus in alicujus Regis Aula commoratur, hunc solet Rex ipse honoris causa exornare insignibus collatæ ei dignitatis. Et id quidem Reges ut plurimum præstant in Capella sua Palatina. Sed in Aula Regum Galliæ sæpe in Capella, quandoque etiam in cubiculo Regis peractam testantur Dumontius, & Rossetius in Cæremoniali Galliæ; iique hunc cæremoniarum ordinem referunt. Abligatus Pontificius primo ad invisendum Regem, eique exhibendas Pontificis litteras ducitur ab Oratorum Receptore, salutatur a Rege detecto capite, & ubi Rex Pontificis litteras accipit, rursus caput in honoris signum detegit. A conspectu Regio ad Capellam pergens, ibi supra mensam rubrum Biretum in argentea concha a Capellano quodam porrecta collocat. Stata die, ad eandem Capellam se confert; quo etiam Receptor Oratorum curru Regio adventus Cardinalem ducit, ibi a Magno cæremoniarum Præfecto excipitur, atque dum Sacrum celebratur, consistit prope sedem precatoriam Regis a sinistra parte. Sacro peracto, Pontificius Abligatus rubrum Biretum e mensa sumptum Regi porrigit, qui illud capiti Cardinalis imponit, isque surgens Regi gratias agit. Tum alibi purpureas vestes induit, rursus ad Regem a Receptore Oratorum, & Magno cæremoniarum Præfecto ducitur; tum Reginam adit, venientique occurrit Aulica Matrona; ad Delphinum, tandem ceterosque Regiæ familiæ Principes salutandos pergit; quos alloquens sedet, detecto capite. Olim quidem, imperante Henrico III. mos fuit, ut qui a Rege accipiebant Cardinalatus in-

signe, sive exteri, sive subditi, eo die cum Rege discumbent. At imperante Henrico IV. desit mos ille, solique Apocrisiario in Gallia Pontificio ad Cardinalatum promotum servata est hujusmodi honoris prerogativa. Et hunc quidem Capellam aduentem ad accipienda Cardinalitia insignia, nedom Oratorum Receptor, sed & e Principum numero aliquis comitantur; militesque consueto militari obsequio colunt, ingredientem Capellam medium inter Principem a dextra, & Receptorem a sinistra, Magnus Praefectus caeremoniarum excipit. Acceptis insignibus, accumbit mensae una cum Rege, qui surgens detecto capite se in honorem, ac prosperitatem Romani Pontificis bibiturum enuntiat; tum sedens, opertoque capite bibit: at Cardinali standum est, & detecto capite, bibente Rege. Mox stans Cardinalis ipse in honorem, & obsequium Regis ebibit. Porro in eorum numero, qui a Rege acceperunt Cardinalatus insignia, fuere anno 1622. Lugduni, Armandus Richielius Episcopus Lucionensis, & anno 1634. in Capella Palatina Fontisbellaquei Alexander Bichius Apocrisiarius Pontificius: at Petrum Berullium ab Urbano VIII. in Collegium Cardinalium adscitum anno 1627. insignia illa accepisse a Maria Medicea Galliae Regina scribunt citato loco Dumontius, & Rosuetius.

IV. Eandem hanc caeremoniam Hispani Reges agere, etiam consueverunt in Capella Palatina. Ciacconius in vitis Romanorum Pontificum ordinem indigitat, quo Albertus Austriacus, Archidux Austriae, Maximiliani II. Imperatoris filius, anno 1577. rubrum Biretum, Galerumque a Gregorio XIII. Pontifice illi transmissum acceperit: *Laudavit, inquit, Gregorius Albertum in Senatu, & per Comitem Annibalem Pepulum patritium Bononensem, Cardinali S. Sixti conjunctum, & ab intimo ipsius Pontificis cubiculo, Alberto pileum, & galerum purpureum peculiari benignitate misit; Regina vero Hispaniarum Rosam auream Pontificia consecratione nobilissimam. Pervenit Madritum Pepulus Quadragesima pens exeunte, Nicolao Ormanetto Episcopo Patavino, Apostolico Internuncio adhuc superssiste, qui eum direxit, in Regioque Sacello extra Madritum Albertum tonsens Cleri-*
ca-

cali militiæ adscripsit, & rubeo bireto coram Rege, Reginaque honestavit: traditio tamen galeri, Regis voluntate in diem Pentecostes rejecta est. Tunc in celeberrimo S. Laurentii Templo apud Monachos Hieronymianos Ormanettus Sacrum, solemnii ritu celebravit, & galerum rubrum, amplissime dignitatis insigne, Rege, & Regio sanguine spectante, Alberti capiti imposuit, & hic jurejurando, ut receptum est more, se obstrinxit. Die sequenti, Internuncius idem solemne Sacrum peregit, sedensque, Regina, quæ sola ad Aram ascenderat, Pontificium aureæ Rosæ donum, Rege, Regiisque presentibus, tradidit, & illa religiose accepit. Namque Principibus Regiæ stirpis tum rubeum Biretum, tum Galerum consueverunt Romani Pontifices transmittere; etli quandoque alios etiam hac honoris prærogativa affecerint, uti Gregorius XIII. anno 1583. Rodericum de Castro, virum nobilissimum, de quo Ciacconius: *Philippus Hispaniarum Rex ab ipso Pontifice jampridem petierat, ut galerum dignitatis insigne Roderico absenti mitteret; ad hoc Gregorius non nisi post multos menses adduci potuit; non enim impedimentum agnoscebat, quod Rodericum ne Romam profisceretur, retardaret.* Et Pius IV. anno 1561. Stanislao Holio pileum & galerum Vienne usque transmisit, quæ ille accepit insignia ab Archiepiscopo Strigoniensi. Cæterum Alberto non Rex ipse, sed Apocrisiarius Pontificius contulit Cardinalatus insignia. At Serenissimum Infantem Ludovicum Borbonium Philippi V. Hispaniarum Regis, & Elisabethæ Farnesiæ filium, a Clemente XII. an. 1735. in Cardinalium Ordinem adscitum, ablegato in Hispaniam Joanne Constantio Caracciolo e Principibus Sancti Boni, viro nobilissimo, atque ornatissimo, tunc Pontificis a cubiculo, nunc Cameræ Apostolicæ Clerico, & supremo rerum maritimarum Præfecto, qui rubeum Biretum deferret, Rex ipse donavit insignibus collatæ Ecclesiasticæ dignitatis. Ea vero caremonia, nulla solemnii pompa, & in Oratorio privato Regis, die 11. Martii, anno 1736. peracta est, quod ruri, in loco Regiis deliciis addicto, quem *Pardo* nuncupant, Rex, & Regia familia recreationis causâ commoraretur. Ablegato tamen Pontificio Madriti degenti hospitium, mensa, vehicu-

la

la a Rege magnificentissime suppeditata, cui ille Pontificias exhibuerat litteras, quas stans Rex accepit. Stata ad cæremoniã agendam die, Pontificius Ablegatus rubrum Biretum in argentea concha positum super mensam prope Altare Capellæ Regis collocavit, tum ædes Cardinalis primum, deinde Regis ædes adiit, ut Regem, Regiosque Principes, una cum Hispaniæ Magnatibus, Oratoribus Principum, Aulicisque Capellam adeuntes associaret. Serenissimus Cardinalis Infans, quod ea die occurreret quarta Dominica Quadragesimæ, quæ dicitur *Letare*, non rosaceas, sed rubeas vestes induit. In Capella ob angustiam loci, Aulici, Oratores, Magnatesque nullo servato ordine constiterunt; Ablegatus Pontificius Altari proximus adhæsit; Rex, Regina, Cardinalis, Regiique Principes prope Altare in cornu Epistolæ, Sacrum a Patriarcha Indorum submissa voce celebratum audire. Sacro peracto, Ablegatus Pontificius primum exhibuit Regi litteras Pontificias, simulque eum paucis est allocutus, cui Rex paucis etiam respondit, gratum erga Romanum Pontificem animum, filialemque observantiam contestatus. Tum a Josepho Patigno, qui Regis erat a summis imperii negotiis, lectæ sunt Pontificiæ litteræ, iisque lectis, Ablegatus Pontificius rubrum Bireto Regi porrexit, quod is surgens accepit, ac capiti Serenissimi Filii imposuit. Quo facto, universi Regem ad ædes suas deduxere. Nullum tunc quidem a Serenissimo Cardinali præstitum juramentum, ut moris est, a Cardinalibus recens promotis emittendum; quod illud in rubei Galeæ ab Antonio Altovito delati traditione, ei esset persolvendum. Verum non Regiis tantum Principibus in Cardinalium albo relatis, sed & Apocrisariis in Hispania Pontificiis, aliisque ex nominatione Regia Cardinalatu auctis, rubra insignia Reges contulere. Ita anno 1747. cum a gloriosissimo Pontifice BENEDICTO XIV. Cardinalium Collegio adscriptus est, petente Rege, Alvarus Mendozza Patriarcha Indorum; ablegatusque in Hispaniam Gregorius Salviati nobilissimus adolescens, qui dignitatis insignia deferret. Nam die 16. Julii, in Hieronymitanorum Ecclesia (liquidem in rurali Palatio *del Esori Risiro* Rex diversabatur) Regi sedenti in Solio Pontificias

cias litteras in argenteo bacili supra mensam prope Altare positas Ablegatus Pontificius (qui locum, scamnumque a cornu Evangelii inter Altare, & Solium Regium obtinebat) brevi latina oratione exhibuit; quas ubi Receptor Regii Sacelli legit, rubrum Biretum pariter in argenteo bacili positum supra eandem mensam prope Altare in cornu Epistolæ præbuit Regi; simulque ad hujus Solium Patriarcha e loco suo inter Altare nempe & Pontificium Ablegatum (ubi scamnum cum tapete, quod Patriarchatu emineret, occupabat) accessit; ejus capiti surgens Rex Cardinalitium insigne imposuit, eundemque amplexu excepit. Quo facto, Cardinalis in Sacrario purpureas vestes induit, rediensque ad Ecclesiam, ut Liturgiæ celebrationi adesset, confedit e regione Solii Regii in sedæ serici villosi, substrato ejus pedibus tapeto cum pulvinari, uti Cardinalibus locus conceditur in Capella Regis Hispaniæ. Die hanc caeremoniam præcedenti, in Oratorio suo domestico, præsentibus Apocrisiario, & Ablegato Pontificiis consuetum sacramentum a Cardinalibus dandum, exoluerat.

V. Progredimur ad Aulam Regum Lusitaniæ, ubi etiam Cardinales recens promoti donantur a Rege ornamentis suæ amplissimæ dignitatis. Ita anno 1707. die 6. Januarii Michael Angelus Conti Apocrisiarius in Lusitania Pontificius, a Clemente XI. Pontifice Cardinalatu auctus, donatus est a Joanne V. Rege in Palatino Oratorio Bireto rubro, uti narrat Antonius Cajetanus Sousa Teatinus to. 8. lib. 7. cap. 6. pag. 28. Historiæ Regum Lusitaniæ. Is idem pag. 132. accurate describit, quo ritu ab eodem Joanne V. religiosissimo Lusitaniæ Rege acceperit anno 1712. Cardinalatus insignia Nunus da Cunha de Ataide, Episcopus Targensis, Magnus Regis Capellanus, & supremus in Lusitania Fidei Vindex, his verbis: *Na promoçãõ, que o Papa Clemente XI. fez neste mesmo anno de 1712. foy por nomina del Rey creado Cardeal Nuno da Cunha de Ataide, Bispo de Targa, do Conselho de Estado, Ministro do Despacho, Capellão mor, e Inquisidor Geral destes Reynos, em quem concorriaõ além de taõ grandes lugares, sangue illustre, virtudes, e lettras, que o fizeraõ benemerito da particular honra, com que el Rey o favorecia, e que elle nunca des-*
me-

mereceo. Chegou a noticia a Lisboa por hum Expresso a 15. de Julho do referido anno, e foy recebida com universal applauso da Corte. Tanto, que o Cardeal recebeo o aviso de Roma, passou a render as graças a el Rey, e a Rainha, que estavaõ de residencia em Pedrouços na Quinta do Duque de Cadaval. Trouxe-lhe o Barrete Monsenhor Marculini, Camereiro privado do Papa, e no dia 8. de Outubro em hum Sabbado determinou el Rey de lhe fazer a honra de lhe por com a sua Real mãõ o Barrete; e assim no referido dia, as onze horas da manhã, foy o Cardeal ao Paço em publico com hum luzido estado, composto ainda das vestes Episcopaes roxas, como andava, levando com si na liteira ao Prelado, que lhe trouxera o Barrete, sendo acompanhado de todos os Grandes, e Fidalgos da Corte, entrando no pateo da Capella, por ordem, que tiveraõ, o foraõ receber o Conde de Redondo Thomé de Sousa, Vedor da Casa del Rey, e Dom Filippe de Sousa, Capitão da Guarda Alemã, com a mesma guarda, que se poz em duas alas para elle passar: e sendo conduzido a huma sala do Paço da parte do Forte, estava nella hum Altar ricamente ornado, e da parte da Epistola hum bafete coberto com hum pano, e sobre elle huma bandeija dourada, em que estava o Barrete, que naquelle lugar puzera o Guarda de Tapeffaria Ioão de Leiros, coberto com hum tafetá encarnado: estava huma almofada de tela para el Rey, e outra hum pouco distante de veludo para o Cardeal. Sabio el Rey para ouvir Missa, e o Prelado lhe offereceo en huma salva a Bula do Papa, que el Rey tomou, e tornando-a a por na salva, a mandou ler pelo Prelado, que lida, a tornou a offerecer a el Rey, o qual lhe ordenou a desse ao Cardeal. Acabada a Missa tomou o Mestre das Ceremonias a salva, em que estava o Barrete, e dando-a a Monsenhor Marculini, apresentou a el Rey o Barrete: que tomando-o, o poz na cabeça do Cardeal. Acabada la cerimonia da imposição do Barrete, foy o Cardeal conduzido até huma casa, onde estava sobre hum bafete huma bandeija de prata, na qual estavaõ as Vestes Cardinalicias, e huma cadeira de veludo françada de ouro. Nesta casa, que se deputou para o Cardeal depor as vestiduras roxa, e tomar a purpura, não entraraõ mais, que os seus criados. Depois passou a

au-

audiencia del Rey acompanhado dos dous Conduutores . Os Grandes estavam cobertos no lugar , que lhe tocava , e os Officiaes da Casa Real , no que lhe pertencia . Entrou o Cardeal , e a primeira venia , que fez , tirou el Rey o chapeo , e o mesmo fez a segunda , e quando o Cardeal chegou , deu el Rey tres passos : o Cardeal com hum profundo respeito lhe fez huma reverencia , e logo Reposteiro trouxe huma cadeira de espaldas , e de veludo , e quando el Rey o mandou sentar , lhe chegou a cadeira o Porteiro da Camera Antonio Rebello da Fonseca ; e depois de se cobrir , mandou por o Barrete ao Cardeal , e coberto , rendeo a el Rey as graças por tão repetidas bonras , com que a sua innata benignidade o favorecia , e bonrava , attendendo a elle ser em tudo fatura da su Real grandeza , a que el Rey respondeo com palauras de estimação , e levantandose , assustou a cadeira o Porteiro da Camera , e a levou o Reposteiro , e o Cardeal foy acompanhando a el Rey de traz até a sua Camera : e passou logo a audiencia da Rainha , que estava assentada , e quando chegou quasi a ponta do eslrado , se levantou , dando tres passos , e mandando-o assentar na cadeira , que chegou o Porteiro da sua Camera , o mandou cobrir , e depois do Cardeal expressar a sua grande obrigação , se despedio , e como era Capellaõ mor , foy a Capella Real , acompanhado dos Conduutores , e de muitos Senhores , a fazer oração . Ex his habes cærimoniam illam in Capella Palatina peractam, Cardinalem a nonnullis Aulicis Officialibus exceptum , instructum in acie militem , nobilem sedem Cardinali concessam , lectas ab Ablegato Pontificis litteras , Sacrum celebratum , Biretum a Rege Cardinali impositum , denique a Rege , & Regina magnis honoribus exceptum , sedisse ante Regem capite operto .

VI. Narrat Ciaconius in vitis Romanorum Pontificum , & Cardinalium , Joannem Aragonium Ferdinandi Neapolitani Regis , & Isabellæ Claromontix filium , a Sixto IV. anno 1477. in Cardinalium Ordinem cooptatum , in Neapolitana Ecclesia principe , die Epiphaniæ , purpureum galenum a Francisco Scannasoficio delatum accepisse . Atque id præter morem , & ex privilegio illi indultum indicat Cardinalis Papiensis his verbis : *Cæsus jam dum is Cardinalis , et tribus post*

Ecc

men-

*mensibus solemniter more apud nos publicatus; pileus etiam contra veterum Patrum consuetudinem missus. Meminit ejusdem rei Summontius lib. 5. Hist. Neapol. scribens: Il Pontefice Sisto IV. avendo nelli 10. di Dicembre creato Cardinale Giovanni d' Aragona figliuolo del Re, tosto gli mandò il Cappello rosso fino a Napoli per Francesco Scannasorice Commissario della Sede Apostolica, il quale nel giorno dell' Epifania del 1478. con molta cerimonia nella Chiesa Cattedrale ce lo consegnò, nel qual atto celebrò la Messa solenne Giovan Paolo Vassallo Vescovo d' Aversa. Cardinalitia liquidem insignia ad absentes transmissa, in Ecclesia, & solemniter pompa recipiebantur, cujusmodi plura exempla apud Claeconium occurrunt. Ceterum extincta, hoc ipso saeculo decimoquinto, quo Paulus II. Cardinalibus addiderat purpurei pilei ornamentum, nostrorum Principum successione, jam nulli ex hac Aula, & ex hoc Regno occurrunt, quibus Neapolitani Reges purpureum pileum imposuerunt. Primus fortasse nostris hisce temporibus eo titulo contigit honestari spectatissimus genere, dignitate, ac virtute Neapolitani Regni Dynasta, Dominicus Ursinus Dux Gravinesium, Papæ Benedicti XIII. pronepos, Regis a cubiculo aurea clave donatus, Eques Torquatus Regalis Ordinis S. Januarii; quem Serenissimus Rex CAROLUS BORBONIUS exornavit insignibus collatæ ei a BENEDICTO XIV. Pontifice Optimo Maximo Cardinalitæ dignitatis. Ad eam rem Pontifex purpureum Biretum Neapolim deferendum, ut moris est, Philippo Pirellio Nobili Neapolitano, ex antiquis Castri Pirelli Dominis, intimo suo Cubiculario commisit; quem adhuc adolescentem ob summam in utroque Jure peritiam, in Collegium Advocatorum Aulae Consistorialis ex duodecim etiam diversarum Italiæ regionum doctis viris conflatum adsciverat, ut qui sedem in eo confessu Neapolitanis olim ab immortalis memoriæ Pontifice Innocentio XII. additam, & ipsius munificentia eisdem vindicam, firmatamque, meritissimo occuparet; datis in hanc rem hujusmodi litteris ad Patres conscriptos Neapolitanæ Civitatis. *Dilectis filiis Nobilibus Viris Electis Civitatis Neapolitanæ. BENEDICTUS PP. XIV. Dilecti Filii Nobiles viri salutem, &c. Per magni semper fecimus inebitam vestram Civitatem; egregia-**

giamque perpetuo apud Nos fuit opinio pietatis, atque observantiae, quibus Nobilitates Vestrae Pontificem Maximum, Romanamque Sedem debito cultu prosequantur, veram inesse sibi Religionem, hoc etiam documento palam ostendunt. Quae Nobis sum ante oculos obversarentur, vix dum ascendere in hanc supremam Ecclesiae Cathedram, Dei manifesto numine, iussu fuimus, vicem Vobis reddere benevolentiae nostrae, ubicumque res ita ferat, profecto constituimus. Quocirca Dilectum Filium Philippum Mariam Pirellium in illustre Advocatorum Consistorialium Collegium nominatione Vestra cooptari mandavimus, gratumque Nobis accidit, ei primum post longas difficultates locum redditum fuisse, Vestris Civibus in eodem Collegio assignatum. Illum siquidem novimus conspicua clarum nobilitate, virtute, bonisque literis instructum, & modo sedulam exhibet Nobis operam, studiumque suum inter Nostros intimos Cubicularios honorifice adscriptus. Vestro igitur non minus merito, quom benignitati nostrae referre debetis quicquid gestum a Nobis fuit pro restituendo uni ex Civibus vestris Consistorialis Advocacionis decore; persolutum idcirco Nobis obsequentissimis literis officium ab ea parte libenter inspeximus, qua Vestram, erga Nos voluntatem plenam singularis obsequii, religiosaeque venerationis officiosissime comprobavit. Et Nos quidem Apostolicam invicem Benedictionem Nobilitatibus Vestris, Dilecti Filii Nobiles Viri, peramanter impertimur. Datum Romae, & cæc. Die 4. Februarii 1741. Quibus sane literis tum clementissimam Pontificis erga Neapolitanos munificentiam, tum Neapolitanorum erga Pontificem observantiam, deque Sede Apostolica praeclara merita insigniter comprobantur. Hunc itaque, quem Regi, cunctisque Ordinibus acceptissimum fore noverat, ablegavit Pontifex ut sacrum insigne deferret, Graviensium Duci conferendum: isque die 10. Novembris, anno 1743. Neapolim adiit, facto antea ad extremam Paulilippi oram periculo suae valetudinis, quindecim fere dierum spatium, quod grassante in Sicilia, & Calabria lue, publicae incolumitati ita expediret. Tum praestito in Capella Archiepiscopalis Palatii a praefato Cardinali, consueto juramento a Cardinalibus cum primum inaugurantur emittendo; indicta est a Rege

dies 17. Decembris ad agendam cæremoniam : qua die, Pontificius Ablegatus, simulque Cardinalis, insigni pompa ad Ædes Regias pervenere; & ille quidem a Receptore Oratorum ductus, Regem stantem, detectum capite, ense cinctum, stipatumque Aula Magnatibus adiit, delegationis suæ causam aperuit, Pontificias hæc litteras exhibuit: *Carissimo in Christo Filio nostro CAROLO utriusque Siciliae, & Hierusalem Regi Illustri. BENEDICTUS PP. XIV. Carissime in Christo Fili noster salutem &c. Obversatur Nobis perpetuo ante oculos eximia Majestatis tuæ in Deum pietas, religiosa in hanc supremam Sedem observantiâ. Utraque vero Nos vehementer excitulat non modo ad reddendam tibi singularis paternæ caritatis vicem, sed ad eam ubicumque commoda ferat occasio, in tui memoriam redigendam, ut de gratissimo animo nostro tibi penitus persuasum sit. Cum igitur per dilectum Filium Philippum Mariam Pirellium intimum Familiarem nostrum Illustri Cardinali Ursino mittamus purpureum Biretum, ornamentum acceptæ dudum amplissimæ dignitatis, ei mandavimus, ut præsens Majestatem tuam humili obsequio veneretur, de nostroque flagrantissimo erga te animo, studio, voluntate certiore faciat. Quicquid eidem Ablegato Regiæ benignitatis commodare tibi placuerit, argumento nobis erit, te favere virtuti, quæ in illo non mediocris inest, & qua plurimam a nobis benevolentiam sibi conciliavit. Apostolicam interim Benedictionem, Carissime in Christo Fili noster, Majestati tuæ amantissime impertimur. Datum Romæ die 23. Septembris. 1743. Salutato Rege, Pontificius Ablegatus Serenissimæ Reginæ Matronis Aulicis stipatæ, ducente illum pariter Oratorum Receptore, idem præstitit officium, obsequiumque; porrectis Pontificiis literis hujuscemodi: *Carissimæ in Christo Filie Nostræ, Mariæ Amaliæ utriusque Siciliae, & Hierusalem Reginae Illustri. BENEDICTUS PP. XIV. Carissima in Christo Filia nostra salutem &c. Incredibile nobis gaudium offert eximia Majestatis tuæ virtus, & in hanc Sanctissimam Sedem reverentia, de qua plurimum celebraris. Hinc enim vero augebit quotidie magis paternus amor erga te noster, addictissimæque voluntas, quam palam tibi facere vehementer cupimus.**

Mo.

Modo saltem ipsam intelliges commemorari a dilecto Filio Philippo Maria Pirellio intimo nostro familiari, qui a nobis dimissus ad Cardinalem Ursinum cum purpureo Bireto indice acceptæ amplissimæ dignitatis, præcipuum mandatum habuit adeundæ Majestatis tuæ, ac renunciandi, Nos sollicito studio nuncupare assidua vota pro tua cumulatissima felicitate, quam scimus in bonum veræ Fidei te adhibituram. Ut Ablegatum nostrum generis nobilitate, & splendida virtutis ornamento Nobis præcipue gratum, perhumaniter Regia benignitate prosequaris, obsecratam te esse volumus, eademque tua benignitas, id ita fore sperare facit. Interea Majestati tuæ, Carissima in Christo Filia nostra Apostolicam Benedictionem amantissime impertimur. Datum Romæ &c. die 23. Septembris 1743. Scripserat quoque in eandem rem Pontifex Josepho Joachimo de Monteallegre, Duci de Salas, qui Regis erat a summis imperii negotiis, litteras hæc: Dilecto Filio Nobili Viro Duci de Salas utriusque Siciliæ Regis Secretario Status. BENEDICTUS PP. XIV. Dilecte Fili Nobilis vir salutem &c. Cum isthuc iter a Nobis aggrediatur Philippus Maria Pirellius purpureum Biretum suæ indicium dignitatis allaturus Dilecto Filio nostro Cardinali Ursino, officiose te convenire jussimus, ac renuntiare singularem nostram erga te, benevolentiam respondentem vicissim eximie tuæ in Apostolicam Sedem, ac nos ipsos venerationi, qua celebriorem redditus tuam pietatem, ac religionem. Propensa voluntatis nostræ si facere experimentum, libitum tibi crit, comperies vera dixisse Ablegatum nostrum. Huic autem intimo nostro Cubiculario, & sanguinis, morum, virtutum decore non leviter apud Nos commendato si plarium commodaveris benignitatis tuæ, magnam inibis a Nobis gratiam, cujus pignus Apostolicam Benedictionem tibi, Dilecte Fili, Nobilis vir, peramanter impertimur. Datum Romæ &c. die 23. Septembris 1743. His peractis, Ablegatus Pontificius violaceo vestimento, quo Cubicularii Pontificii utuntur, cappam rubeam superinduit, Regiamque Capellam in interioribus Regiis Aedibus positam petit: neque enim in publica Ecclesia Palatina, sed in interiori Sacello Regis; neque publice, sed privatim cæremonia, per-

peracta est. Eo loci Rex, Regina, Magnates Aulae, Cardinalis, Magnusque Capellanus se contulere; dumque Sacrum submissa voce ab Aulico Capellano agebatur, Regiis sedibus proximus a sinistra parte adhæsit Cardinalis Urvinus, & ipse donatus sede, scabelloque cum pulvinari, & tapete ad genua flectenda; hunc prope aderat Pontificius Ablegatus, & hunc excipiebant Oratores Principum, & Aulae Magnates. Absoluto Sacro, Serenissima Regina sedem alibi politam prope Sacelli fores a cornu Evangelii adiit, seditque: tunc Ablegatus Pontificius acceptis litteris Pontificiis, quas *Traditionis* vocant, ducente illum Magno Aulae Magistro Soranorum Duce, stetit ante Regem, eundemque his verbis disertissime est allocutus: *Illustrem Cardinalem Ursinum Gravinensum antea Ducem ornamentum acceptæ dudum amplissimæ dignitatis, Rex Serenissime, tua e manu habes hic expectantem; qui & ipsam dignitatem ultro tuæ erga se benevolentie acceptam potissimum referre debet. Pontificiæ hæc litteræ sunt, quibus mihi, BENEDICTI XIV. P. M. Optimi, & clementissimi Principis Cubiculario Intimo, & pro Neapolitana natione Sacri Consistorii Advocato, Biretum illud purpureum deferri mandatum est. Gratulandum est tibi, Rex invictissime, quod hoc splendidissimæ Romanæ Purpuræ indice Tibi contingat Alumnum tuum, insignire, Tuique in obsequiis nutritum, Juvenem Nobilissimum, qui excitari primum capit ad gloriam sub Te Principe; in quo ex majoribus Patreque Rege Hispana pietas religioque, Gallicum robur, & fortitudo, ex Matre Clarissima Italica omnis vetusta virtus ad immortalitatem Nominis cumulantur. Adhæc lectæ sunt Pontificiæ litteræ a Josepho Joachimo de Montallegre Regis a secretis imperii negotiis, sedentibus Rege, & Cardinali capite operto, iisque lectis, exhibitum Regi fuit a Pontificio Ablegato purpureum Biretum, & a Rege stante Cardinalis capiti impolitum; quod is statim capite suo amovit, acceptoque pileolo a Pontificio Ablegato, Regi pro collato beneficio gratias quamplurimas egit. Summa vero fuit Regia erga Pontificium Ablegatum de Sede Apostolica, deque Patria optime meritum munificentia; summa quoque Regis erga Pontificem observantia, cui hæc litteras rescripsit: *Mui*
S. Pa-*

S. Padre. D. Phelipe Maria Pirelli Camarero intimo de V. Santid. y su Ablegado para traer la Berreta al Cardenal Orsini me ha presentado el Breve, con que en esta ocasion me ha favorecido V. S. para recomendarme la persona del mismo Pirelli: he recibido con el respeto, y veneracion que profeso a la S. Sede, y a la sagrada Persona de V. B. este nuevo testimonio de su paternal afecto, en prueba de lo qual he manifestado al mismo Ablegado la gran distincion, que hago de todo lo que me viene de mano de V. S. la gratitud que me han merecido las benemeritas circunstancias de un Sujeto tam accepto a V. B. y tam parcial a mi Persona, y a los intereses de su Patria; y con mucho gusto me he assumido la ocasion de dar al Card. Orsini la Berreta, con que le ha decorado V. B. assí por la particular estimacion, que hago de un tam digno, y buen Vassallo mio, como por el afecto, que ha subido merecerme en los muchos annos, que ha estado en mi inmediato Servicio; y effectivamente executé la funcion el dia 17. de este mes, de que habrá individualmente informado a V. S. el referido Ablegado, y aun podrá serle testigo fiel de los sinceros sentimientos que conservo a V. B. ansioso de merecer sempre la continuacion de su paternal amor, y su Apostolica Benediccion, que imploro devotamente, rogando a N. S. guarde la Santa Persona de V. B. al prospero, y feliz regimiento de su universal Iglesia. Napol. a 30. de Diciembre 1743. Ablegatum Rex Serenissimus donavit insigni gemma, & annua pensione quingentorum aureorum Regni e Sacerdotis Regii juris percipienda; eundemque, die 14. Januarii ab Oratorum. Receptore ad ejus presentiam ductum, eodemque ritu exceptum benignissime dimisit. At antea se Beneventum contulerat, ubi die 5. Januarii, in Cathedrali Ecclesia, Sacrum solemni ritu faciente Dominico Manfredo Episcopo Bojanensi, purpureum insigne præbuerat Francisco Lando ornatissimo ac dignissimo illius Ecclesie Archiepiscopo.

CAPUT XII.

DE REGUM FUNERE.

Ordo Regii funeris in Aula Imperatorum Germanorum. II. Ordo Regii funeris in Aula Regum Galliae. III. Et in Aula Regum Hispaniae. IV. Atque Regum Lusitaniae. V. De Regii funeribus in Anglia, Suecia, Polonia, Moscovia, Borussia. VI. De Regum funere in Sicilia. VII. Et in Neapolitano Regno. VIII. Ordo funeris in Aula Neapolitana, regnante Serenissimo Rege CAROLO BORBONIO.



Ostremo loco funera Regum a nobis tractanda sunt, quod ea ad Cleri Palatini ministerium, sacrasque Aulae caeremonias spectare competum sit. Quo ritu olim Ethnicis Romanis Imperatoribus fuerit parentatum, fuse describit Franciscus Modius to. 1. Pandectarum triumphalium, neque id ad nostrum pertinet institutum. Apud Christianos vero illud ex antiquissimo more receptum fuit, ut quemadmodum Episcopi, Presbyteri, aliique Clerici congruis suis Ordinibus ornamentis sepeliebantur; ita etiam Imperatores imperialibus insignibus ornati, Reges regalibus, Milites militaribus terræ mandarentur. De Constantini funere hæc habet Eusebius in illius vita lib. 4. cap. 66. *Post hæc milites sublatum e lecto corpus in arca aurea deposuerunt, eamque purpurea cinctam veste Constantinopolim deportarunt, atque in præcipuo imperialis Palatii cubiculo sublimem collocaverunt. Dehinc aurea super candelabra luminibus undique accensis, admirabile spectaculum intuentibus præbebatur, & quale in nullo umquam mortalium ab ipso orbis conditu visum in terris fuerat. Quippe in medio conclavi regalis Palatii funus Imperatoris in arca aurea sublimi jacens regii insignibus, purpura scilicet, & diademate exornatum multi circumdantes nosse, atque interdum vigiles custodiebant. Imperiali quoque ornatu sepultum Honorium Imperatorem colligit Martene lib. 3. de antiq. Eccl. rit. cap. 12. ex epistola*
Bul-

Bullingeri ad Vadianum inter Philologicas a Goldasto editas, ubi illius Imperatoris, & duarum ejus conjugum cadavera in subterranea Vaticana Ecclesia inventa anno 1543. dicuntur palliis aureis involuta, ipsaque calvariae aureis diadematis cinctæ. Caroli Magni cadaver ita in sepulcro compositum exhibet Monachus Engolismensis in ejus vita cap. 24. *Corpus ejus aromatizatum est, & in sede aurea sedens positum est, in curvatura sepulcri; ense aureo accinctus, Evangelium aureum tenens in manibus, & genibus reclinatis humeris in cathedra, & capite honeste erecto, ligato aurea catena ad diadema. Et in diademate lignum Crucis positum est. Et repleverunt sepulcrum ejus aromatibus, pigmentis, & balsamo, & musco, & thesauris multis in auro. Vestitam est corpus ejus vestimentis Imperialibus, & sudario sub diademate facies ejus aperta est, cilicium ad carnem ejus positum est, quod secreto semper induebat, & super vestimentis Imperialibus pera peregrinalis aurea posita est, quam Romam portare solitus erat. Sceptrum aureum, & scutum aureum, quod Leo Papa consecraverat, ante eum posita sunt dependentia, & clausum, & sigillatum est sepulcrum ejus.* Quod vero de Constantini cadavere memorat Eusebius, illud nempe in sublimi lecto in conclavi quodam Regii Palatii positum, donec funus efferretur, ac interea noctu, diuque aliquos ibi excubasse; id usitatissimum fuit apud Veteres, qui mortua corpora aliquamdiu jaccere sinebant insepulta, ne, si quis forte vitalis spiritus adhuc superesset, per festinatam humationem penitus exstingueretur. Hac de causa nonnullis post obitum diebus mortui sepeliebantur, & interea ditiores in lectis, tenuis autem fortunæ homines in arcis seu loculis in vestibulo ædium ad januam ipsam collocari solebant: Judæi vero non arcis utebantur, sed vestibus sepulcralibus; quibus cadavera involvebant. Christiani itaque juxta hunc receptissimum morem vel septimo, vel quarto, vel tertio ab obitu die mortuos suos sepulturæ mandarunt, ac interea in loculis in interiori ædium parte, vel etiam in Ecclesia eos collocabant, vigilesque custodiebant. Atque id quidem privatis quoque hominibus vita functis commune fuit. Illud tamen Imperatoribus, ac Regibus privilegii loco con-

cedebatur, quod nempe, cum interdictum esset cæteris sepelire intra Civitates, & Ecclesias, ipsi in atrio, sive porticu, & exterioribus ædificiis Ecclesiæ tumulabantur; & nonnisi post sextum sæculum primo Episcopi, Abbates, dignioresque Clerici, vel laici, tum universi intra Civitates, & Ecclesias tumulari coeperunt. Nunc vero temporis, uti colligitur ex monumentis editis a Dumontio, & Rossuetio in Cæremoniali Imperii lib. 2. cap. 5. cadavera Imperatorum tribus diebus in aula quadam Imperialis Palatii, sublimi, & splendido in lecto collocata jacent, & ea prope ponuntur insignia Imperialia, Corona, & Sceptum, tum quoque Coronæ Regnorum Hungariæ, & Bohemiæ; Cubicularii, & Capellani Aulici funebrem lectum undique circumstant; tum pluribus in ea aula excitatis Aris Sacerdotes Sacra faciunt, vespertinis vero horis Cantores Imperialis Capellæ Psalmum *Miserere* modis musicis decantant. Deinde Regio cadavere in arca incluso, superimpositis arcæ Regiis insignibus, funus ducitur, præcedentibus Coenobitis, Magistratibus, Aulicis, Equitibus Torquatis Velleris aurei, Canonicis Cathedralis Ecclesiæ, Episcopis; Cubicularii arcam efferunt, eamque sequuntur primi quatuor Aulæ Magnates, nempe Magnus Præfectus Regii stabuli, Magnus Marefcallus, Magnus Aulæ Magister, & Magnus Cosmeta; hos excipiunt Imperiales Principes. Ubi ad Cappuccinorum Ecclesiam, quæ tumulandis Imperatoribus addicta est, funus pervenit; Magnus Cosmeta, referata arca, Regium cadaver Cappuccinorum Præsuli ostendit, simulque ei clavem unam tradit, alteram ipse sibi vindicat in Aula Imperiali servandam. Hoc fere ordine, Leopoldo Imperatori, anno 1705. & Josepho itidem Imperatori, anno 1711. & Eleonoræ Maddalenæ Imperatrici anno 1720. parentatum fuit; & quidem Leopoldi deducendo funeri interfuere Joseph Imperator filius, Torque ornatus Velleris aurei, Imperatrix ejus conjux, & defuncti Imperatoris filia; quemadmodum, etiam funus Josephi Imperatoris secuta sunt Imperiales scæminæ (nam Carolus frater, successorque Vienna aberat) denique in agendis exequiis Eleonoræ Imperatricis, Imperator, & Augustæ scæminæ interfuere. Hujus vero cadaver Matronæ
Au-

Aulicæ in arca collocarunt, quam deinde Cubicularii detulerunt: & a Parocho Aulico sacrum pro defunctis ministerium in Aula exhibitum; in Ecclesia vero ab Antistite Viennensi. Quandoque nulla pompa Imperiales Principes tumulantur; uti anno 1716. Leopoldus Archidux Caroli VI. Imperatoris filius, quem ab Educatrice in arca inclusum, & a Magno Aula Magistro, & Magno Cosmeta advectum curru, sequentibus Parocho, & Capellanis Aulicis in altero curru, sepulturæ mandarunt.

II. Dolet Peiratius lib. 2. de Orat. Reg. Gall. cap. 67. a veteribus Scriptoribus omisum, quo præcipue ritu Regibus Galliæ olim iusta persolverentur. Illud tamen a Veteribus traditum notat, successores nempe Reges adesse solitos funeri suorum prædecessorum; & ita factum legitur in exequiis Philippi Augusti, Philippi I. S. Ludovici, & aliorum. Imo Childebertus, & Clotarius I. deduxere Clotildis Reginae eorum matris cadaver ad Parisiensem usque Ecclesiam S. Genovefæ: & quatuor Clotarii filii paterno cadaveri in Sueffionensi Ecclesia, S. Medardi tumulando idem obsequium præstitere. Desiit deinde mos ille; invaluitque, ut successores Reges prædecessorum corpora adspargant aqua benedicta, Magno Eleemosynario aspersorium præbente; itemque Principes Regiæ stirpis, accepto a Feciali aspersorio. Illud quoque e veterum monumentis colligitur a Martene, Reges Francorum Regiis ornatos insignibus sepulturæ traditos fuisse. Ita enim legitur in antiquo ordine sepeliendi Reges Francorum: *Premierement, convient auoir une litiere portée par certains Officiers Royaux, & doit entre en la dite litiere une fortune ou forme en semblance du Roy couché en lit, en grands draps; la forme toute vestuë en forme de homme comme Roy. C'est a sçavoir vestu d'un pourpoint, tunique, & dalmatique de drap d'or asseurs de lys fourré d'hermines fermé dessus l'espaule d'un bouton des perles, tenant en sa main dextre un grand sceptre, & en la main sinistre une main de justice avecques anneaux esdites mains, en sa teste une couronne, les sandales, chaussees semblables aus dits vestemens, avec soliers de mesme, couvert la dite litiere de drap d'or, pendant de trour coste de la dite litiere vers la teste du dit*

Roy a deux orilliers de velous vermeil a quatre bouppes de perle chacun au pied de la dite litiere deux lampiers d'or pleins de cire ardans continuellement jusqu' apres la sepulture, une croix, un benoistier, & deux ascenseurs d'or; & pour couvrir la dite litiere, un ciel de drap d'or a quatre lances; & apres la sepulture du dit Roy, est couverte la place d'un drap d'azur a fleur de lys a une croix blanche de velous. Quod de simulacro Regiis insignibus componendo, ne putridum cadaver in conspectum omnium efferatur, hic indigitatur; id quoque legitur to. 1. Pandectarum triumphalium Francisci Modii, & apud Tilletium, a quibus describitur Ordo funeris Regum Galliarum olim usitatus. Hodiernum vero morem exhibent Dumontius, & Rossetius in Cæremoniali Galliarum lib. 2. cap. 7. in exequiis Ludovici XIII. & Ludovici XIV. observatum. Itaque Ludovico XIII. e vivis sublato, in San-Germanensi Palatio die 14 Maii, 1643. Episcopus Metensis Primus Eleemosynarius (qui morienti Sacramenta Ecclesiæ contulerat) oculos clausit juxta antiquissimum omnium fere gentium morem oculos claudendi, & ora obturandi simul atque quis decessisset; ac tum ipse, tum cæteri Eleemosynarii, Primus quoque Cubicularius, & Dux militum custodum corporis Regis, in eodem constitere cubiculo, ubi Rex obierat, & ubi Regium cadaver domesticis indutum vestibus jacuit, donec sequenti die, præsentibus Principe Regiæ stirpis, Magnate Regni, & Primo Cubiculario evisceratum unguentis condiretur: cujus intestina ab Eleemosynario, & Cubiculario ad Ecclesiam delata sunt. Tum Regium cadaver balsamo conditum, nullisque Regiis insignibus exornatum, in aula quadam Regii Palatii super sublimem, nobilemque funebrem lectum, ligneis cancellis cinctum, ac sub umbella collocarunt. Porro intra ligneum septum, a dextra lecti parte tribus insidebant sedibus Episcopus Metensis Primus Eleemosynarius, duoque alii Antistites Rocchetto & Mantelletta induti; hos excipiebant Eleemosynarii scamnis insidentes; tum Coenobitæ, qui preces recitabant: a sinistra vero lecti parte considebant sedibus Primus Cubicularius, Dux militum custodum corporis Regis, Magnusque caremoniarum Magister; quos sequebantur in-
scæ.

scannis assidentes alii Officiales Aulici, & Coenobitæ. Nam, statis horis, alii aliis succedentes Coenobitæ continuas preces effundebant. Extremam lecti partem quatuor Feciales occupabant: & in anteriori cubiculo Milites custodes Regii corporis adstabant. In eadem aula, ubi sex dierum spatio, Regium cadaver jacuit, constructis tribus Altaribus, plurima sacrificia, pro expiatione animæ oblata sunt, singulisque diebus Sacrum modis musicis a Palatinis Cantoribus decantatum. Et quidem Metensi Episcopo principem sedem concedere alii Episcopi detrectaverant, quod illi tamquam Primo Eleemosynario sedendum esset ante cæteros Eleemosynarios, atque adeo post Episcopos locum obtinere. Verum quod Metensis Antistes, vices tunc temporis ageret Magni Eleemosynarii, seu Antistitis Aulici, decreto Regis, Stola indutus primam obtinuit inter Episcopos sedem. Septimo ab obitu die funus deductum est ad celebrem S. Dionysii Ecclesiam, ubi Galliæ Reges tumultantur; atque is fuit ordo funeris, cui imminebant Primus Cubicularius, & Primus Eleemosynarius. Præbant Milites, Adolescentes Aulici, Cubicularii, equites omnes; tum curru vehabantur nonnulli Eleemosynarii Regii sacris ornati vestibus, quos sequebantur in alio curru Metensis Antistes Pontificalibus indutus ornamentis, Primus Cubicularius, & Confessarius. Post hos incedebant Feciales, & cæremoniarum Præfecti: tum Regium cadaver arca inclusum, superimpositis Regiis insignibus, curru advectum, atque famulitio, & milite stipatum. Clerus ejuslibet Oppidi, vel Pagi venienti funeri occurrebat, deductumque in Ecclesiam consuetis precibus colebat: ita quoque Clerici Sandionysianæ Ecclesiæ, ad cujus Ecclesiæ fores Metensis Antistes cadaver, quod Ludovici XIII. Regis esse testabatur, Monachis illius Monasterii tradidit. Die 20. Maii, in Ecclesia S. Dionysii defuncto Regi solemnî ritu iusta perfoluta sunt, præsentibus Aulicis Officialibus, ac pluribus Episcopis, qui illuc convenerant, iique omnes, absoluto Sacro, Regium cadaver aqua benedicta adpersere. Episcopus Metensis Primus Eleemosynarius, dum Liturgia agebatur, sedit tunc prope Regium cadaver, & juxta illum cæteri Eleemosynarii scanmo insidentes, tum cæ-

re-

remontiarum Præfecti. Prope Aram vero assidebant a dextra parte Primus Cubicularius Regis, cæterique Magnates Aulici; ex altera vero parte Episcopi. In funere Ludovici XIV. res eodem fere modo se habuit. Regium quippe cadaver octo dierum spatio in aula Regii Palatii omnium oculis expositum, assistentibus Magno Eleemosynario, Episcopis, Proceribus Aulicis, & Cœnobitis noctu diuque preces effundentibus, nono die e Versaliensi Palatio ad S. Dionysii Ecclesiam feretro clausum, positus super feretrum Regiis insignibus, operum stragulo, cujus oras quatuor Eleemosynarii equites gestabant, curru vestum, Milite, Aulicis, Eleemosynariis, Magno Eleemosynario, Confessario, Parocho Versaliensi funus comitantibus adportarunt. Ibi Magnus Eleemosynarius Rem Divinam solemniter fecit; cui interfuere Episcopi plures, Principes Regiæ stirpis, Aulici Proceres, Oratores Principum, & Magistratus: atque ad Offertorium, tum Dux Aurelianensis primus e Principibus Regiæ stirpis, tum cæteri hujus Ordinis Principes Oblationes exhibuere; Episcopus vero Carnotensis funebrem orationem habuit. Tandem ubi a Militibus custodibus Regii corporis tumulo inlatum fuit; Magnus Aulæ Magister, cæterique Præfecti Domus Regiæ fractis, projectisque in ipsum tumulum baculis, qui officii sui insignia sunt, Regem e vivis excessisse Magnus Aulæ Magister primum, tum Fecialis semel, iterum, atque tertio proclamavit, his verbis: *Le Roi est mort prions tous pour le repos de son ame*, brevique interjecta prece, rursus Fecialis proclamavit: *Vive le Roi Louis XV.* quod universi acclamationibus excepere. At in Regiarum feminarum exequiis, Matronæ quoque Aulicæ funus comitantur; uti in funere Mariæ Theresiæ Austriacæ Ludovici XIV. conjugis, anno 1683. In iis vero exequiis sacro functus est ministerio Episcopus Aurelianensis Primus Eleemosynarius; quemadmodum in exequiis Mariæ Victoriæ Bavaræ Serenissimi Delphini conjugis, anno 1690. Episcopus Metensis; & in exequiis Mariæ Adelaide Sabaudæ anno 1712. Episcopus Silvanectensis, uterque tunc temporis Primus Eleemosynarius. Unde patet, Magnum Eleemosynarium, aut eo absente Primum Eleemosynarium in Regiis

giis funeribus sacra moderari. Et hinc ubi Regium funus deducitur, primum præ cæteris Episcopis occupat locum, proximiorum nempe Regio cadaveri, uti etiam legitur apud Franciscum Modium loco citato. Idipsum his verbis, exemplifique tradit Peiratus lib. 1. cap. 21. de Orat. Reg. Gall. *Le mesme, du Tillot est aussi mal fondé, quand il soutient que l'Evesque de Paris, comme Curé du Roy, aux enterremens des Roys, leve le corps, s'il y est, mesmes hors son Diocese, d'autant que cela ne peut estre avec raison, pourceque les Dioceses sont limitez, & un Evesque ne peut legitimement entreprendre sur un autre, cela est defendu par les saints Canons, son autorité est bornée de l'estendue de son Diocese; & bien que le Roy estant decede dans Paris, l'Evesque de Paris a l'enterrement de Sa Majesté ayt marché quelques fois le dernier des Evesques, si ne paut-on pas inferer de la qu'il soit Curé du Roy, & qu'en cette qualité il puisse, ny doive tenir ce rang, mesme hors son Diocese; cet honneur luy est deféré a l'absence du grand Aumosnier, qui est l'Evesque de la Cour comme a l'Evesque du lieu on le Roy est decede, & d'ou l'enterrement part avec ceremonie, de mesme q'un autre Evesque le pourroit pretendre en son Diocese, comme Evesque du lieu, a l'absence dudit grand Aumosnier de France, & non comme Cure, du Roy. Neantmoins a l'enterrement du Roy Henry le Grand, feu Monseigneur le Cardinal du Person ne pouvant, a cause de son indisposition, assister a ses obsèques, commis en sa place Messire François Miron Evesque d'Angers, qui marcha le dernier des Evesques. Ainsi l'Advocat Rozeillard remarque que le grand Aumosnier a coustume de marcher aux ceremonies des obsèques du Roy, ioignant, & devant l'effigie: & combien qu'aux pompes funebres d'Henri II. l'Evesque de Paris accompagna le grand Aumosnier, disant qu'il estoit l'Evesque du Roy aussi bien que luy, puis qu'il estoit Evesque de la capitale du Royaume, & qu'on gardoit pour la pluspart en l'Oratoire du Roy l'usage de Paris, & eu esgard a ses remonstrances, pour ce coupla, luy fut permis d'estre proche du grand Aumosnier: si est-ce qu'à l'enterrement du Roy François I. le lieu luy fut refusé: de sorte que pour éviter a desordre, force fut a l'Evesque de Paris de se retirer, selon* Jén

son rang avec les autres Prelats assistans au conuoy, sur ce qu'il luy fut remontré, que le Roy ny sa Cour ne recognoissoit d'autre Eve sque propre, & special que le grand Aumosnier, & que sa Chapelle auoit un usage propre, different en beaucoup de choses de celui de Paris. L'Oraison ou harangue de l'Eue sque de Paris, faite au Prieur de S. Denys, & aux Religieux, a l'enterrement du Roy Henry II. l'an. 1559. lors qu'ils receurent le corps, & l'effigie du Roy decedé, a la Croix qui panché pres saint Denys, le tesmoigne evidemment, ou il luy certifie, comme Eve sque de Paris, (ce sont les mesmes termes) que le corps du feu Roy gisant en ce cercueil a rendu son esprit a Dieu en son Diocese, comme Prince Fidele, avec l'administration de tous les saints Sacremens. En quoy il faut noter, que ce certificat est donné par l'Eue sque de Paris, comme par l'Eue sque au Diocese du quel le Roy est mort & non comme par le Cure du Roy. Ex quibus colligitur, in exequiis Regum Galliarum Episcopo Parisiensi tamquam Episcopo loci, Magno autem Eleemosynario tamquam Episcopo personæ, partes fuisse concessas. Caterum ex monumentis a Dumontio, & Rossuetio editis constat Parochum quoque Versaliensem Stola indutum Regia funera comitari usque ad sepulturæ locum. Itaque his præcipue ritibus Regum Galliarum parentalia celebrantur: nempe Regium cadaver diebus aliquot in aula jacet sublimi in lecto ante omnium oculos positum; adsunt Eleemosynarii, Aulici, Feciales, & Milites, tum Sacrificia, precesque continuo a Coenobitis aguntur: deinde loculo inclusum, & superpositis Regiis insignibus, tectum stragulo a quatuor Eleemosynariis suffulto, magno comitatu Aulicorum, & Eleemosynariorum, carpento ducitur ad Ecclesiam S. Dionysii: occurrunt supplicatione ordinata ad portam Civitatis Clerici, tumque Milites custodes corporis Regii feretrum humeris suis efferunt usque ad Ecclesiam: ad hujus fores Magnus Eleemosynarius Regium tradit cadaver Præsuli S. Dionysiani Monasterii, testatus Regem in Ecclesiæ communionem defunctum, atque in ea Ecclesia humari voluisse; tandem in Ecclesia fit Res Divina Pontificali apparatu ab eodem Magno Eleemosynario.

III. Hispani Regibus suis hoc ritu juxta persolvunt. Statim

tim ac Rex e vita decessit, Castellæ Præses, Magnus Aula Magister, Primusque Cubicularius heredem, successoremque imperii adeunt, & an Testamento proferendo assentiat, explorant: eo consentiente, in ædibus defuncti Regis coram Regio cadavere, suprema ejus voluntas ab uno e Secretariis Regiis e scripto recitatur. Tum in aula quadam Palatii funebrem lectum excitant, ibi Regium cadaver sub umbella collocant; circumstant undique Milites; Coenobitæ Matutinas, Vespertinasque pro defunctis preces recitant; Sacra quoque faciunt Presbyteri in Altaribus ibidem extructis; Rem Divinam Pontificali apparatu agit Antistes, & prope Aram principem a cornu Evangelii sedem occupat Magnus Aula Magister, ibidem Hispani Magnates in scamno assident; altero Altaris lateri Magnus Capellanus, cæterique Capellani Aulici, ille in sede, hi in scamno confidentes, adherent. Cum vero tumultandum est Regium corpus, atque ad celebrem S. Laurentii Ecclesiam Escorialensem asportandum, illud feretro includunt, tradita feretri clave Magno Aula Magistro, feretrumque Magnates, & Præfecti Domus Regiæ efferunt ad definitum usque Palatii locum, ibi illud Cubiculariis gestandum tradunt, sequuntur funus Capellani Aulici, Rex hæres imperii, Regiique Principes. Tum Cubicularii feretrum in lecticam inferunt, ad ædes suas redeunt Principes Regii, funus hoc ordine progreditur: Officiales Aula, quos Alcaldos vocant, Cubicularii, Præfecti equorum, Capellani Palatini, præcedente Cruce, Duces Prætorianorum militum, Præfecti Regiæ Domus, Magnates Hispaniæ, universi equis vel mulis insidentes; sequitur Regium feretrum lectica vectum, stipatumque milite, & Aulicis adolescentulis; deinde a dextra parte equitat Magnus Aula Magister, a sinistra Magnus Capellanus: claudunt agmen Milites Prætoriani. Ad Ecclesiæ ostium obviam occurrunt Monachi, feretrumque e lectica sublatum Cubicularii media in Ecclesia super funebre pegma collocant, peracto-que sacro ministerio, Magnates, & Domus Regiæ Præfecti feretrum ad sepulturam deferunt, eoque referato, Magnus Aula Magister Regium cadaver exhibet Præfuli Monasterii, sique traditi, acceptique Regii cadaveris tabulas præbet

Magno Aulae Magistro. In exequiis tamen Reginarum, Prima Aulae Matrōna atratis induta vestibus, mulā infidens, feretro proxima, funus prosequitur. In exequiis alicujus Regii Infantis, hujus cadaver ab Educatrice loculo includitur, & in Capella Palatina collocatur; quum vero tumultu inferendum est, tunc Educatrix feretrum Magno Aulae Magistro, & Antistiti tradit, acceptis ab eis hujus rei tabulis: Magnates tamen Hispaniae funus Infantis minime comitantur. Quandoque defuncti Regis corpus in Capella Palatina jacet omnium conspectui datum: ubi Caroli II. Regis, vitā functi die 1. Novembris, anno 1700. cadaver tribus diebus jacuisse, atque prope funebrem lectum stetisse nonnullos nobiles viros in manu habentes Regia insignia, referunt Dumontius, & Rosluetius. Porro mos est Aulae Hispanae, ut defunctorum Regum anniversarii dies ut plurimum in Coenobio S. Hieronymi celebrentur: quibus tum Rex sub Regiis Cortinis, tum Magnates, Oratores Principum, Consilarii Regii, Episcopi, Capellani Aulici suis in scamnis interfunt; & ad Missae Offertorium Rex Catholicus a Magno Aulae Magistro, cæterisque Domus Regiae Praefectis associatus accedit ad Altare, acceptumque a Magno Capellano in argentea concha aureum nummum offert Antistiti Sacra facienti. Quin etiam illorum Principum funera, qui Hispanis Regibus cognationis nexu conjuncti sunt, ibi solemnī ritu celebrari consueverunt.

IV. Celebris, & antiqua est apud Lusitanos caeremonia, qua defuncti Regis scuta franguntur. Hanc memorat Conestaggius lib. 2. de conjunctione Regni Castellae, & Portugalliae, agens de Sebastiani Regis in Africano praelio cade, & funere in Lusitania peracto, his verbis: *Ea de causa ventum fuit ad ritus, quos illa gens in Rege lugendo, & scutis ejus frangendis adhibere consuevit: id in hunc modum.* Ex Curia Cameralium Lisybonae civis quidam panno nigro indutus, & equo ejusdem coloris panno tecto infidens egrediebatur, manu gestans vexillum magnum, & nigrum, ac in humerum ita reclinatum, ut pars ejus solum attingeret. Hunc sequebantur tres senes pedites, pulla veste amicti, singulique manu elevata ferebant scutum, nullo alio nisi atro colore insigne. Hos iterum
ali-

aliquot cives ex numero eorumdem Magistratum, & nonnulli inferioris ordinis cum ingenti turba sequebantur. Ubi autem per primarias urbis Lisybonæ plateas transierunt, perveneruntque ad gradus Templi Cathedralis, quod est vicinum illi loco, unde exierant: illi, qui scuta gestant aliquot gradus ascendunt; & unus ex ipsis, scuto sublato, alta voce clamat. Cives Lisybonenses desicte Regem vestrum Sebastianum, qui mortuus est: his dictis, & turba clamoribus lachrymas miscente, scutum, quod fragile est, gradibus, quibus insistit, illisum confringit. Deinde progrediuntur, & ubi ad plateam novam, quam vocant, perventum est, consensu gradibus parvi Templi, quod sacre Virgini de Olivera dicatum est, alter ex numero scuta gestantium eadem, quæ prior, verba pronuntiat, scutumque ad eundem modum frangit. Idem faciunt in gradibus Nosocomii: ac sic omnibus tribus scutis ita, ut dictum est, fractis, redeunt, unde egressi fuerant. Eandem ceremoniam peractam in funere Petri II. Regis Lusitanæ, anno 1706. e vita sublato, narrat Antonius Cajetanus Sousa Teatinus lib. 7. Historiæ Regum Lusitanorum. Refert is hunc funeris ordinem; Regium nempe cadaver Franciscanorum Tunica amictum (quod pietatis causa Rex se Tertiariis Franciscanis adscripisset) tum superindutum vestimento Equestris Ordinis Christi, cui tamquam Supremus Moderator imminuebat, ense cinctum, in eodem jacuisse lecto, in quo decesserat, assistentibus Confessario, & Magnatibus Aulicis; altera vero die, evisceratum, conditumque unguentis, feretro impositum, straguloque nobilissimo a Præfecto stratorum (*Reposseiro mor*) tectum, & in sublimi lecto collocatum, prope politis in argentea concha Regiis insignibus Corona nempe, & Sceptro; Magnum Capellanum Pontificali apparatu Rem Divinam fecisse, Magnates Regni a dextra parte, Aulicos a sinistra, stantes, detecto capite adstitisse; & ad illius fores consedissee in ligneo scamnulo Magnum Ostiarium Domus Regiæ (*Porteiro mor*) Principem successorem imperii, ceterosque Regios Principes aqua benedicta feretrum adspersisse, præbente eis adspersorium Magno Capellano; tum a Magnatibus, qui in supremo Principis Consilio sententiam

dicunt, feretrum delatum, sequentibus illud Regiis Principibus atratis, atque in lecticam inlatum, tectumque pretiosissimo operimento a Stratorum Præfecto, Regiis Principibus ad ædes suas reversis, funus ad Ecclesiam S. Vincentii, ubi humandum erat, processisse. Et quidem a Palatio Regio usque ad S. Vincentii Ecclesiam a dextra, lævaque itineris instructos fuisse in acie milites; Coenobitas quoque, Clericosque cum cereis accensis hinc inde in eodem itinere constitutos; Magnates a dextra parte, Aulicos a sinistra, Capellanos Aulicos, Magnum Aulæ Magistrum medium inter duos supremos Consiliarios Regios, proximumque feretro, prævisse; prope feretrum Magnum Regii stabuli Præfectum, circum vero incesse Aulicos Cubicularios cereos accensos manibus gestantes; post feretrum, Ducem militum custodem corporis Regii, Currum lugubri apparatu ornatum, militesque. Ubi ad Ecclesiam ventum est, Sodales cujusdam Religiosæ Confratriæ sub invocatione Divinæ Misericordiæ Regionum feretrum electica sublatum in Ecclesiam intulisse; & a Magno Capellano Pontificalibus insignibus induto, cæterisque Capellanis Aulicis preces pro expiandis defunctis effusas, tum a Clericis illius Ecclesiæ, tandem a Sodalibus Confratriæ jam dictæ; deinde in sublimi pegmate funebri collocatum; positisque super feretrum Cruce, & Evangelio, iisque tactis, jurasse Magnum Aulæ Magistrum ibi Regionum contineri corpus, traditis feretri clavibus Antistiti Monasterii, his verbis: *Juro aos santos Evangelhos, que neste caixão está o corpo do muito Alto, e muito Poderoso Rey D. Pedro Segundo, meu Senhor; porque eu o vi metter nelle e Vossa Paternidade dara conta do dito corpo, ou de seus ossos, a seus successores, para o que lhe entrego as chaves deste caixão:* & Secretarium Regis rei gestæ tabulas a Regiis Consiliariis subsignatas conscripisse. Elapsis deinde octo diebus ab obitu Regis, narrat idem clarissimus Auctor, Senatores, Magistratus, Curatores Regionum proventuum convenisse, ut antiquam illarum partium ceremoniam frangendi scuta peragerent: & primo ex ædibus Senatoriis progressum esse Civem quemdam ex illorum numero, quos vocant *Procuradores de Cidade*, atratum, equo insidentem, lu-

lugubre ferentem vexillum ad terram usque demissum; hunc secutos esse alios Cives pullis indutos vestibus, nigras virgas in manibus habentes, tresque Magistratus, quorum singuli nigrum scutum gestabant; denique Senatores incessisse, & quidem pedites omnes; funebrem hanc pompam ad præcipua quædam Civitatis loca accessisse; ibique in sublimi tabulato ad id extructo, & lugubribus adornato, singulos ex illis tribus Magistratibus scutum, quod manu gerebat, confregisse, & projecisse, his prolatis alta voce verbis: *Choray Nobres, choray Povo, que morreo a vosso Rey D. Pedro II. de Portugal*: & postquam tertio ad hunc modum conclamatum esset funus, universos adiisse Ecclesiam ad agendum Sacrum pro expiatione defuncti Regis. Narratur & ab eodem Auctore, quo ritu, Mariæ Soriæ de Neoburgo Petri II. Regis conjugii, anno 1699. iusta fuerint perfoluta; eam nempe Franciscana veste ab Aulicis Matronis indutam, inclusamque loculo, assistentibus Aulicis Matronis, in sublimi lecto politam, & a Præfecto Stratorum loldice testam, a Principibus Regiis aqua benedicta adpersam, Magno Capellano, aliisque Episcopis sacra facientibus: tum a Proceribus feretrum delatum, stipatumque Cubiculariis accensos cereos gestantibus, funus prosequentibus Regiis Principibus detecto capite, atque in lectica collocatum: deinde recedentibus Principibus Regiis deductum ad sepulturam, hoc ordine, ut primo quidem præcesserint Magnates a dextra, & Officiales Aulici a sinistra; tum Capellani Palatini cum superpelliceis, cereisque accensis; Magnus Aulae Magister proximus lecticæ, qua feretrum vehebatur stipatum Cubiculariis accensos accensos gestantibus; denique funus sequebantur supremus Regii stabuli Præfectus, Dux militum corporis Regii, Currus funebris, Militesque Prætoriani. In Ecclesiam S. Vincentii, ubi humandum erat, Sodales jam dictæ Religiosæ Confratriæ Regium cadaver exceperunt; Magnus Capellanus primum cum cæteris Capellanis Aulicis preces pro defunctis effudit, tum Clerici illius Ecclesiæ, tandem illius Confratriæ Sodales, feretroque superimposita erat Corona: denique ritu jam dicto, traditum est Antistiti Monasterii Regium cadaver a Magno Aulae Præfecto. Fuerunt quoque hinc inde in itinere in-

instructi Milites, Coenobitæ, Clericique. In humanis Regiis Infantibus idem fere ordo servatur in Aula Lusitana. Nam Joannem Infantem, Petri II. Regis filium tenellæ ætatis, anno 1688. e vivis sublatum, arculæ inclusum, in sublimi lecto deposuerunt, prope collocarunt Principatus insigne, Magnus Capellanus sacrum egit ministerium, Rege, & Regiis Principibus præsentibus, Proceres Aulici in lectica posuerunt, itque, cum Capellanis Palatinis, & Cubiculariis feretrum circum-euntibus, cereosque accensos gestantibus, magna pompa ad Ecclesiam deduxerunt. Atque hi sunt apud Lusitanos ritus præcipui agendi funeris Regii. Constat vero plurimis exemplis ex laudata Historia Regum Lusitanorum, morienti Regi Magnum Capellanium Sacramenta ministrare, mortuoque Rege eundem sacro fungi ministerio, tum in Aula, tum in Ecclesia. Ita in funere Joannis IV. Regis, anno 1656. Emanuel da Cunha Episcopus Heluarum; & Ludovicæ Reginae ejus conjugis, anno 1666. Franciscus de Sottomayor Episcopus Targensis; atque Mariæ Franciscæ Sabaudæ, Petri II. Regis uxoris, anno 1683. Archiepiscopus Ulyssipponensis, Magnus & ipse Capellanus; tum in funere Mariæ Sofiæ de Neoburgo, ejusdem Regis conjugis, anno 1699. Cardinalis Sousa, Magnus quoque Capellanus; denique in funere Petri II. Regis, anno 1706. Nunus de Cunha de Ataide, extrema Sacramenta, solemne Sacrificium, sacras pro defunctis cæremônias administrarunt.

V. Quo ritu olim Anglorum Reges sepelirentur colligitur ex Matthæo Parisio ad annum 1183. ubi de Henrici junioris funere ait: *Corpus in lineis vestibus quas habuit in consecratione sacro chrismate delibutas regaliter involutum apud Rotomagum delatum est, & in Ecclesia Cathedrali prope majus Altare cum honore tanto Principi congruo tumulatur.* Et de Henrico II. ad annum 1188. *Dum portarentur, inquit, ad sepeliendum, Regio indutus apparatu, Coronam in capite habens auream, & chirothecas in manibus, calceamenta auro texta, anulum magnum in digito, & in manu sceptrum, accinctusque gladio, discooperto vultu jacebat:* Nunc vero temporis Regia insignia prope feretrum, quod in Palatio aliquamdiu ja-

jacet in conspectu omnium collocantur; eum vero funus ducitur ad Westmonasteriensem Ecclesiam, ubi in Sacello Henrici VII. Regum cadavera tumulantur, eadem insignia a quibusdam Proceribus præferuntur. In humatione Regis, Supremi Officiales Regni virgas dignitatis suæ insignia frangunt, abiiciuntque, ut illam innuant defuncto Rege desuisse; & a Feciali alta voce conclamatur, Regem e vivis decessisse. Hæc quidem in exequiis Mariæ Reginae anno 1695. & Guilelmi III. anno 1702. peracta referunt in Cæremoniali Angliæ Dumontius, & Rofsuetius. Pariter in Suecorum Regum funere, præcedunt Senatores Regni deferentes Regia insignia; feretrum vero curru advectum ducitur ad Ecclesiam sub umbella a Magnatibus Aulæ, vel Regni delata, sequentibus funus Principibus Regiæ stirpis; quemadmodum Carolo XII. Regi parentatum fuisse Holmiæ anno 1719. iidem Auctores referunt. In Polonia defuncto Regi iusta persolvenda sunt, die præcedenti Coronationem successoris Regis. Magnates omnes Poloniæ, & Lituaniæ, Delegati Provinciarum, seu Palatinatum, & Rex ipse, qui defuncto successit, pedites, & atrati funus prosequuntur; Patres conscripti Polonorum, seu Senatores manibus gestant Regia insignia, Coronam, Sceptrum, Globum, Ensem; feretrum efferunt Ecclesiastici Proceres; in Ecclesia Duces belli, seu Marefcialli militaria confringunt sceptrum, fractaque in tumulum projiciunt; quo etiam projiciunt cæteri Officiales Regni suæ dignitatis insignia, & contracta defuncti Regis sigilla. Moschorum Principes splendidissima pompa funebris terræ mandantur. Namque in deducendo funere præcedunt Cives, Aulicique longo ordine, tum plures belli Duces gestantes Provinciarum, & Regnorum omnium, Moscho imperio subjectorum vexilla; eorundem Regnorum, & Provinciarum insignia a totidem equis delata; sequuntur Cantores, Monachi, Clerici, Præsules, Episcopi; tum feretrum stipatum milite, curru advectum, sub umbella, cujus fulcimenta Primoribus Aulæ & Militiæ commissa sunt; Imperialia ornamenta, Coronam, Sceptrum, Ensem, Globum; Coronas itidem aliorum Regnorum; & Equestrium Ordinum insignia totidem belli Duces, vel Aulici Magnates deferunt; Re-

Regii Principes, Impariales feminæ, Matronæ Aulicæ, cunctique Ordines, pedites funus comitantur. Atque hoc fere ordine Petri Alexiovitſſi Moſchorum Imperatoris funus anno 1725. proceſſit. Denique in agendis exequiis Boruſſorum Principum eandem fere eſſe funebrem pompam colligitur ex monumentis editis a Dumontio, & Roſſuetio in Cæremoniâ Boruſſiæ, cap. 3. ubi funera deſcribuntur Willelmi Marchionis Brandeburgi anno 1688. & Friderici I. Boruſſiæ Principis anno 1713. & Sofiæ Carlottæ Principis Boruſſiæ anno 1705. e vivis ſublata. In horum Principum exequiis delata fuere vexilla omnium Provinciarum, quæ illorum imperio ſubjectæ ſunt; tum etiam Electoralia, Brandeburgica, atque Boruſſiæ ſtegmata, & inſignia, nempe Enſis, Sceptrum, Corona, Sigillum; inſignia quoque Ordinum Equeſtrium, quibus deſunctus Princeps fuerat adſcriptus; feretrum curru invec-tum ſub umbella a primis belli Ducibus, vel Proceribus Aulæ delata; Principes omnes Regiæ familiæ feretrum ſequuti ſunt; tandem in Eccleſia decantatis quibuſdam Hymnis, habita quoque funebri oratione, eadem pompa tumulo inlata ſunt. Jam vero ex his omnibus conſtat, receptiſſimum eſſe morem in Regiis funeribus, ut ornamenta Regalia præferantur funeri, illudque conſanguinei Principes comitentur.

VI. Haud ſatis compertum eſt, quo olim ritu noſtris Sicilia Regibus parentaretur; neque enim veteres noſtrarum rerum Scriptores Regia funera deſcripſere. Illud tamen ex Hugone Falcando colligitur, cadavera nempe deſunctorum Regum aliquandiu in Aula jacuiſſe omnium conſpectui exhibita, funus conclamatum, cui deducendo nedum Proceres, ſed & Epiſcopos Regni interſuiſſe, denique Cives omnes in morte Regis atratas veſtes induiſſe. Narrat enim in Hiſtoria rerum Sicularum, Guillelmi I. mortem primo occultatam, ne multitudinem ad ſeditionem concitaret, interea vero parata fuiſſe omnia ad ſucceſſoris Regis coronationem, ſubditque: *Quod ubi paucis diebus peractum eſt, primum in Palatio, more lugubri, funere conclamato, repente totius luſtus ſubſequutus eſt Civitatis. Moxque Proceres cum Epiſcopis & Magnatibus Curia de loco, ubi ſepultum fuerat, in Capellam corpori Regium tran-*

translulerunt. Universi quoque cives nigris induti vestibus usque in diem tertium in eodem habitu permanserunt. Per totum autem hoc triduum mulieres, nobilesque matronæ, maxime, Saracena, quibus ex morte Regis dolor non fictus obvenerat, saccis optæ, passis crinibus, & die noctuque turmatim invadentes, ancillarum præeunte multitudine, totam civitatem ululatu complebant; ad pulsata tympana cantu flebili respondentes. Quod de femineo ululatu in lugendo Rege memorat Falcandus, id Saracenorum de more erat. Hinc Saraceni qui cadaver Friderici Imperatoris in Apulia mortui adtransportandum in Siciliam comitabantur, lamentis, gemitu, ululatu, quæcumque in itinere adibant oppida complebant. Ita narrat oculis testis, qui Bitunti degebat Matthæus Spinellus Juvenacensis in suis Diariis a Muratorio editis to. 7. Script. Ital. Transit hac, inquit, corpus Imperatoris, quod ferebatur Tarentum; & ego egressus sum, ut viderem. Gestabatur autem in lectica holserica rubro aperta, cinctum ducentis Saracenis pedibus, ordinaria corporis Regis custodia, & sex cohortibus equitum armatorum: qui omnes cum locum aliquem ingrediebantur, plangentes inclamabant mortui nomen: sequebantur autem eos Barones aliquot vestiti lugubribus, & Syndici Oppidorum. Notatu dignum est, quod indicat Falcandus, olim nempe in nostrorum Regum funere cives universos triduo atratos prodiisse: Universi quoque cives nigris induti vestibus usque in diem tertium in eodem habitu permanserunt. Id quoque apud Græcos in more fuit; siquidem, uti narrat Codinus lib. de Offic. Aul. Const. cap. 11. & 21. in luctu Aulæ Constantinopolitanæ, nedum Proceres Imperii, sed & universi pullos induebant vestes, Imperator vero albas. Præterea ex Falcando constat, exequias Guillelmi I. Regis in Capella Palatina peractas esse; quanvis deinde illius cadaver Margarita conjux ad Montisfregalis Ecclesiam ab ipso Rege excitatam transferri, ibique humari curaverit. In eadem Capella Palatina, anniversarii dies defunctorum Siciliæ Regum celebrabantur, uti colligitur ex Henrici Imperatoris, dato anno 1195. diplomate apud Pirrum to. 2. Siciliæ Sacræ, quo rata habet privilegia omnia, illi Ecclesiæ concessa; jubetque, ut Rogerii, & utriusque Wil-

H h h

lcl-

Ielmi Regis anniversarii dies emortuales ibi colerentur. Quod igitur in Capella Palatina defunctorum Principum exequiæ, & anniversarii dies celebrarentur, hinc ibi dies emortuales Principum tabulis consignabantur: easque, in quibus dies depolitionis Regum, & Reginarum descripti sunt, ex antiquis quibusdam Codicibus erutas edidit Amatus lib. 13. cap. 3. de principe Templo Panormitano. Caterum in Metropolitana Ecclesia Panormitana Siculi Reges tumulabantur, & ibi quoque defunctis Regibus funera, & sacra anniversaria celebrata sunt; traditque Fazellus lib. 8. dec. 1. cap. 1. *Henricus VI. quotannis Rogerio, & aliis Sicilia Regibus solemnes exequias celebrabat, & Imperator Fridericus II. filius, ejus vestigiis scēlatus, eisdem tria per singulos annos anniversaria perpetuo celebranda, & decreto dum viveret, & testamento moriturus sancivit.* Addit Amatus, funebres hasce solemnitates temporum injuria onissas, deinde restitutas ad hunc usque diem agi; imo etiam extinctis alibi Sicilia Regibus, solemnī ritu, præsentibus Præfule, Prorege, Senatu juxta perfolvi.

VII. Neapolitanorum Regum funera aliquot ab obitu diebus peracta, Regium corpus primo in Aula splendidissime collocatum, tum ad sepulturam a cunctis Ordinibus ductum indicant Diaria Neapolitana Ducis Montisleonis edita a Muratorio tom. 21. Script. Ital. ubi de funere Reginae Mariæ conjugis Ladislai Neapolitani Regis, & sororis Jani Regis Cypri legitur: *Alli 4. de Settembre morì la Regina Maria dopo esser stata due anni col Re. Alli 7. ne foro fatte l'esequie al Castiello novo honoratamente, e con due pallii de ord, uno a lo letto, e l'altro sopra lo corpo; e fu tutta Napole, e tutti Clerici, e tutti l'Ordini, Vescovi, Arcivescovi, Abbati, e fo sepolsa a S. Domenico. La causa de sua morte dicono, che furono i rimedi de fare figli.* Quibus verbis indigitatur, in Capella Palatina Arcis novæ, ubi Regium erat domicilium, collocato cadavere in sublimi pegmate funebri sub umbella, præsentibus cunctis Ordinibus parentalia celebrata fuisse; tum funus ad sepulturam ductum. Quo vero ritu Regium cadaver ad tumulum efferebatur, indicant Annales Raimi a Muratorio editi tom. 23. Script. Ital. ubi de funere Isabellæ Claromontis Fer-

di-

dinandi I. Neapolitani Regis conjugis dicitur: *Foro vestiti de nigro quattro uomini per Seggio, li quali portaro lo Pallio con altri Signori dello Reame; e fu portata a S. Pietro Martire, & andò vestita con abito di S. Domenico con una Corona in testa & una palma d'oro alla mano sinistra, & una bacchetta alla mano destra; e foro date tercie a tutti Gentiluomini d'una libra, & all'altri di mezza libra. Lo Pallio fu de panno d'oro, e la coltra del letto di panno d'oro, li quali foro donati alla Chiesa di S. Pietro Martire; e foronci all'esequie tutte le Religioni, e tutti li Preti.* Igitur Regium cadaver Regalibus ornatum insignibus sub baldacchino a Nobilibus, & Primoribus Neapolitanis delato, præeunte longo Clericorum, & Monachorum cereos accensos gestantium ordine ad Ecclesiam, ubi humandum erat, deducebatur. Et quidem quam splendidissima pompa Neapolitanis Regibus funebre officium persolveretur, testatur Pontanus lib. de Magnific. cap. 15. scribens: *Ferdinandus Rex Neapolitanorum non Isabelle solum uxoris, aut Helionore filie, atque Hyppolitæ nurus funera singulari pompa edidit; verum & Francisco, & Blanchæ Mediolanensium Ducibus, Hyppolitæ ipsius parentibus, ac Joanni Aragoniæ Regi parvo, Matthiæ Hungariæ Regi genetro, Fridrico quoque Imperatori, qui diversis ac longinquis in locis e vita migrarant, exequias, rara quadam magnificentia, splendoreque persolvit. In hunc autem ipsum Ferdinandum Alphonsus filius difficile explicatu est, quam fuerit etiam effusus, cum supra decem & septem aureorum millia in illius funus effuderit.* Quod innuit Pontanus de sumptuosissimis exequiis Ferdinando Regi persolutis, illud disertè constat ex epistola quadam Tristani Caraccioli de funere Ferdinandi Regis. Ibi refert ille, die 31. Januarii (obierat Ferdinandus die 25. Januarii, anno 1494.) Regis corpus solemnissima, ac pene incredibili pompa fuisse ad S. Dominici Ecclesiam deductum, illud comitantibus Clero universo, Magistratibus, Nobilibus, & populo; Alphonsum filium iis exequiis adfuisse, & pedestrem incessisse facie cooperta, mediumque inter Archiepiscopos Neapolitanum, & Cosentinum Pontificalibus amictos ornamentis, albisque Mitris redimitos; in Ecclesia S. Dominici recitatam fuisse in-

ter sacra funebrem orationem de illius laudibus a Francisco Puccio Florentino insigni Oratore. Hæc ex Tristani epistola refert Chioccarellus agens de Alexandro Carafa Archiepiscopo Neapolitano. Inde vero illud emergit in Aula quoque Neapolitanorum Regum usitatum, ut successores Reges prædecessorum funera prosequerentur. Quod olim solemne fuisse Francorum Regibus jam diximus; etsi nunc temporis desierit mos ille, atque in illius antiqui moris loco, successores Reges, omnesque Principes Regiæ stirpis Regium cadaver adspergant aqua benedicta. At in Aula Regum Hispaniæ, & Lusitaniæ nedum Rex hæres imperii, cæterique Regiæ familiæ Principes sacram aquam in Regium cadaver effundunt, sed & funus comitantur ab aula, ubi sublimi in lecto jacuerat, usque ad Palatii atrium, ubi in lectica, qua vehendum est ad Ecclesiam, collocatur. Sed & in Regio funere apud Germanos, Moschos, Polonos, Suecos, Burussos, uti jam dictum est, & uti constat ex monumentis editis a Dumontio, & Rossuetio, Rex ipse, qui in imperio succedit, tum Regii Principes, & Regales feminae, pedestri itinere feretrum ad sepulturam ductum sequuntur. Cæterum mos hic vetustissima habet initia; siquidem certum est, olim a consanguineis, amicisque ex receptissimo more defunctos ad sepulturam delatos fuisse. Imperantibus deinde Austriacis, quo tempore Proreges Neapolitanum Regnum administrabant, magnis quoque solemnibus, Regibus in Hispania defunctis iusta persolvebantur. Nam Prorex, Patres conscripti Neapolitanæ Civitates, septem supremi Proceres Regni, Dynastæ, Nobiles viri, Magistratus, Clerici, Cœnobitæ, longo ordine, attrati omnes, peditesque ad Ecclesiam accedebant; ibique excitato sublimi pegmate funebri, solemne Sacrum agebatur. Regia insignia, Corona nempe, Sceptrum, Ensis, Globus, Vellus aureum deferiebantur a supremis septem Proceribus Regni, tum in Ecclesia super pegma collocabantur. At in funere Philippi II. Hispaniæ Regis, anno 1598. quod Regni Prorex Henricus Gusmanus Comes Olivarensium ex accepto imperiali vulnere a pedestri itinere faciendo prohiberetur, invaluit, ut non jam pedites universi Ordines, sed equites in-

cederent ad Regum exequias agendas. Quamobrem ordinata funebri equitatione, jam neque Clerici, neque Coenobitæ huic cæremoniæ interfuere. Omnium tamen splendidissima pompa sub Prorege Cardinali Aragonio, anno 1665. Philippo IV. Hispaniæ Regi parentatum fuit. Nam in Capella Palatina, lugubribus inligniter adornata primo magnis solemnibus, præfente Prorege, celebratum est novendiale sacrum: tum indicta consueta funebri equitatione, deferentibus Regiis insignibus nonnullis e septem Proceribus Regni, quæ deinde pegmati nobilissimo media in Ecclesia extructo superimposita sunt, Prorox, cunctique Ordines in Ecclesia S. Claræ, sacris pro defunctorum expiatione Officiis, Reique Divinæ a Gregorio Carafa Archiepiscopo Salernitano, assistentibus aliis Episcopis, peractæ, interfuerunt. Fulse hanc pompam funebrem deferibunt Marcianus, & Parrinus in Theatro Proregum Neapolitanorum.

VIII. Tandem commemoranda sunt suprema officia queis Serenissimæ Neapolitanæ Principes Maria Josepha Antonia, & Maria Elisabetha, CAROLI BORBONII, & MARIÆ AMALIÆ Clementissimorum Regum filiæ, in tenella ætate vivis ereptæ, superisque additæ, tumulatæ fuerunt. Illarum prima, paucis supra duos menses diebus nata, supremum obiit die 3. Aprilis, anno 1742. quo die, Regiis induta vestibus, sublimi in lecto jacuit ante omnium oculos in cubiculo quodam Palatii Regii candidis holosericis splendide exornato, adstante milite Regii corporis custode, magnaue circa lectum ardente luminum copia. Ubi vero prima incepit noctis vigilia, exanime Principis corpusculum feretro inclusum, traditis Magno Capellano, & Præfecto Domus Regiæ clavibus, quatuor Domus Regiæ Præfecti usque ad definitum Palatii locum, tum totidem equorum Magistri (*Cavallerizzi di Campo*) ad atrium usque Palatii Regii, ubi curru vehendum erat, detulerunt: præstantque hastati milites, famuli Aulici accensas facies gestantes, Capellani Palatini psallentes, Parochus Aulicus, Magnus Capellanus; sexque Aulici adolescentes cum cereis accensis Regio cadaveri adharebant. Tum ab Ædibus Regiis ad Ecclesiam Monialium S. Claræ, ubi Infantis cadaver humandum erat
fu-

funus hoc ordine processit. Præibat eques Magistratus ille, qui in negotiis militum jus dicit, (*Auditore Generale dell'esercito*) suis stipatus ministris pariter equitantibus; sequebatur miles hastatus; famuli Aulici præferebant accensas faces; Infantis cadaver nobilissimo Regio curru sex equis ducto vehebatur, & una simul eodem vehebantur curru Parochus Aulicus Crucem in manu habens, Magnusque Capellanus sacris induti vestibus; sex Aulici adolescentes cum cereis accensis a dextra lævaque currus pedites incedebant; turma militum custodum corporis Regis, aliique tres Regii currus, quorum singulis alligati erant sex equi, & quibus Aulici nonnulli vehebantur, claudebant agmen. Porro a Regiis Ædibus usque ad Ecclesiam instructi fuere in acie milites a dextra, lævaque itineris; & in atrio ejusdem Ecclesiæ Helvetii milites Prætoriani in acie pariter constitere. Venienti funeri ad Ecclesiæ fores occurrerunt Franciscani Cœnobitæ, qui in ea Monialium Ecclesia ministrant sacra; ibi Infantis cadaver e curru sublatum super mensulam strato subtus tapete collocatum est; deinde ordinata supplicatione præeuntibus Cœnobitis, Capellanis Palatinis, Parocho Aulico, Magno Capellano, Præfecto Domus Regiæ, feretrum efferentibus quatuor Aulicis equorum Magistris in Ecclesiam illatum, atque super nobilissimum pegma media in Ecclesia constructum, cereorum magna copia onustum, collocatum. Quo facto, preces, sacræque ceremoniæ subsecutæ sunt, quis in parvulorum exequiis indicit Ecclesia. Noste tota, flagrantibus undique cereis, apertis Ecclesiæ foribus, Capellani Aulici, & milites custodes Regii corporis circa feretrum excubarunt; hastati milites ad Ecclesiæ limina vigilias egerunt. Sequenti die, ex Ordinibus Mendicantium Cœnobitæ quamplurimi psalmorum cantu, cereisque accensis Regiocadaveri obsequium præstiterunt. Deinde ministrantibus Capellanis Palatinis, Res Divina modis musicis, solemnique ritu peracta est; cui interfuerunt ii, qui Regis sunt a supremo Consilio, quique sunt a secretis imperii negotiis, Proceres Aulici, belli Duces, Patres conscripti Neapolitanæ Civitatis purpureo Vestimento induti, Dynastæ, Patritii, Magistratus, universi festivis, splendidisque vestibus ami-

amicti . Denique feretrum a pegmate sublatum iidem Aulici equorum Magistri ad Sacellum , ubi tumulo mandandum erat , adportarunt . Ibi , traditis a Magno Capellano , & Præfesto Domus Regiæ clavibus , reſerata eſt arcula , qua Principis cadaver includebatur , illudque exhibitum , traditumque Procuratori Monialium , qui harum nomine cuſtodendum accepit . Aderant Proceres Aulici , Neapolitani Patres conſcripti , Præſides Magiſtratum , & ſpectatiſſimus dignitate , ac virtute Marchio Cajetanus Branconius Regiſ a ſecretis in negotiis eccleſiaſticis , Regaliſque Ordinis S. Januarii Secretarius , qui rem geſtam Regique ſignificandam ſcripto tradidit . Atque hoc ordine , cui Præſeſtus Domus Regiæ , & Magnus Capellanus imminebant , Sereniſſima infantula Maria Joſepha Antonia in tumulum illata eſt . Rurſum hoc ipſo anno 1749. die 5. Martii ereptam dolumus Regno , Regiique Parentibus Mariam Eliſabetham Sereniſſimam , dulciſſimamque Principem , quæ die 30. Aprilis , anno 1743. venerat in vitam . Quam in ædibus Regiis , ipſa obitus die , nobili in lecto jacentem , adſtante Educatrice Regiæ proliſ , & milite cuſtode corporis Regii ; adveniente noctis initio , loculo incluſam , & in curru , quo Magnus Capellanus vehebatur , collocatam ; eodem ordine funeris ex haſtato milite , ſamulitio , Aulicis adoleſcentulis , militibus cuſtodibus Regii corporis , cohortibus quoque Prætorianis Helvetiis , Italiſque conſtati ; duplici conſtituta in itinere militum acie ab Ælibus Regiis uſque ad Eccleſiam S. Claræ Monialium , ſepeliendam adportarunt . Ibi in funebri pegmate magnificis operibus adornato poſitam Clerici Aulici , militeſque cuſtodes corporis Regii , & Prætoriani , nocte tota cuſtodierunt , uſquedum ſequenti die , ſacris rebus de more peractis , præſentibus Palatinis Proceribus , Aulicis Matronis , Patribus conſcriptis Neapolitanis , Magiſtratibus feſtiva veſtimenta induentibus ; poſtquam Magnus Capellanus , aperta arcula , incluſum Principis cadaver Præfuli Monafterii exhibuiſſet , ac tradidiſſet , tumulata eſt in adicula ejusdem Sacelli , ubi cadavera jacent germinarum Principum , quæ ad ſuperos advolarunt .

CA-

CAPELLANI MAJORES REGNI SICILIÆ.

I. **F**RATER JOANNES DE NUSCO Benedictinus Congregationis Montis Virginis, una cum B. Guillelmo illius fundatore, & aliquot ejusdem Instituti sociis Panormum accersitur a Rogerio Rege, ad instituendam Benedictinam familiam in Monasterio, quod prope Regium Palatium Rex construxerat, quodque ab his Monachis eremiticam vitam ducentibus dictum est S. Joannis de Eremitis. B. Guillelmo in Montem Virginis reverso creatur primus illius Monasterii Abbas, simulque a Rege declaratur Consiliarius, familiaris, Major Capellanus, ac suus Pater & Confessarius. Ita legitur in diplomate foundationis & dotationis illius Monasterii dato a Rege Rogerio anno 1148. quod extat to. 2. Siciliæ Sacræ novissimæ editionis ait, *Statuentes, ut idem Abbas semper in omnibus festivitatis solemnibus tamquam præcipuus Capellanus nosset, quem nobis Patrem ordinavimus, & specialissimum Confessorem ad celebrandum divina in Capella supradicti nostri Palatii Panormitani Prælati Regni nostri ceteris præponatur.* Eidem auctoritate Apostolica Rex permittit Pontificalia ornamenta. Mortuo deinde Rogerio, cum a Willelmo I. ejus filio excitatum esset aliud Monasterium Benedictinum in Adriano nemore: Joannes solitaria & eremiticæ vitæ amans, petiit, obtinuitque a Rege, ut eo loci se conferret, ubi sanctissime obiit circa annum 1163.

II. GUALTERIUS Capellanus Regis Anglorum, ab eodem in Siciliam mittitur, una cum Joanna Regis filia nuptura Willelmo II. Siciliæ Regi, ut hunc adolescentulum Regem liberalibus disciplinis erudiret. Hinc Petrus Blefensis ep. 66. huic Gualterio scribit: *Scitis, quod Dominus Rex Siciliæ per annum discipulus meus fuit, qui & a vobis versificatoricæ, atque litteratoricæ artis primitias habuerat.* Ex eodem Petro Blefensi colligitur, Gualterium fuisse Willelmi II. Majorem Capellanum. Nam in ep. 10. ad ipsum data, ut moneat, & deterreat Regem, ne indignum quemdam præficiat Ecclesiæ Agrigentinæ; ait, illum exercere ministerium pastorale, Regem esse illius ovem, Regis custodiam illi esse commissam, il-

illumque rationem reddere debere animæ Regis. Hæc epistola conscripta est paulo post Wilhelmi unctionem, ut patet ex his verbis Blesensis: *doleo quod inter primitias dominatus fui, & inter initia unctionis Regiæ hoc præsumit; virtus equidem consecrationis ab hujusmodi violentiis cum utinam temperasset.* At Wilhelmus circa annum 1166. Regia corona donatus fertur. Eo itaque temporis Gualterius Capellanus agebat. Fuit & Decanus Agrigentinus, Archidiaconus Cephaludensis, Cantor Palatinæ Capellæ S. Petri, Regis Consiliarius, & Cancellarius, ac tandem circa annum 1169. Archiepiscopus Panormitanus. Plura de eo Pirrus in notitia Panormitanæ Ecclesiæ. Illius consecrationi in Panormitanum Antistitem, quæ annuente Alexandro III. Panormi peracta est, Rex & Regina mater interfuere; ac in illius gratiam pluribus beneficiis Panormitanam Ecclesiam donarunt. Diu hanc Ecclesiam administravit, quemadmodum etiam maxima Reipublicæ negotia: Anno tandem 1190. decessit e vivis; eique successit frater ab Agrigentina Sede ad Panormitanam translatus.

III. GREGORIUS MUSTACCIO Major Capellanus Friderici Imperatoris, Siciliæ Regis. Usque ad annum 1206. nullus alterius Majoris Capellani mentio occurrit in Regiis libris, aut Siculis Historicis. At eo anno, cum obiisset Stephanus Patensis, & Liparenis Episcopus, Fridericus Rex, & Imperator concessit Casale S. Lucie de Milatio, quod erat juris Ecclesiæ Patensis, quodque suis deliciis deputaverat, Gregorio Mustaccio Magistro Capellano Regalis Curie. Exinde hæc Ecclesia adsignata fuit Majori Capellano; ac ad nostram usque ætatem Abbas S. Lucie de Milatio est Capellanus Major Regni Siciliæ; atque habet in oppido S. Lucie, aliisque pagis sibi subiectis jurisdictionem Episcopalem. Ecclesiæ deinde Patensi Imperator an. 1248. loco oppidi S. Lucie concessit Sinagragæ oppidum cum juribus suis. In his monumentis Gregorius dicitur Major Capellanus cum assignatione oppidi S. Lucie, ejusque jurium, & decimarum; ut legitur to. 2. Siciliæ sacræ postremæ editionis in notitia hujus Ecclesiæ.

IV. BARTHOLOMÆUS ANTIOCHENUS, ita dictus ab avo Friderico, filio Friderici Imperatoris, qui de Antiochia ap-

pellabatur, sub Friderico II. Siciliæ Rege ex Aragonum stirpe, Majorem Capellanum egit. Quo nomine Beneficia Capellæ Palatinæ S. Petri instituit, ac litem inter Guarinum de Renda Canonicum, & Rainerum Clericum ejusdem Regiæ Capellæ definivit, ut ex tabulariis hujus Capellæ narrat Pirrus in notitia Ecclesiæ Panormitanæ. Episcopus deinde Syracusanus renunciatus, electioni non acquievit, tandemque Panormitanæ Ecclesiæ sit Archiepiscopus an. 1305., cui laudabiliter præfuit usque ad annum 1311.

V. DAMIANUS DE PALICIO genere ac virtute præstantissimus ejusdem Friderici & Petri filii Major Capellanus. Orator a Rege ad Bonifacium Papam VIII. mittitur an. 1302. pro componenda pace, utque Fridericus ab Excommunicatione, & Siciliæ Regnum ab Interdicto solverentur. Fuit etiam Regis Consiliarius, Cancellarius, & Regni Logotheta. Nam diploma quoddam Petri II. Siciliæ Regis, quo Catana sit immunis ab hospitio militum, relatum a Pirro in notitia Catanensis Ecclesiæ dicitur datum Catanæ an. 1337. *Per venerabilem, Damianum de Palicio de Messana juris civilis Professore, & Cancellarium, Capellæ nostræ Magistrum Capellanum, Regni Siciliæ Logothetam.* Anno 1340. Vicarium Regni egisse scribit Pirrus in Chronologia Regum Siciliæ. Ejus frater fuit, & Regis Consiliarius, ac Magnus Cancellarius. Deinde uterque Regio favore destitutus exulavit: ac Damianus mortem obiit Pisis circa annum 1343. alter vero Messanam reversus anno 1350. una cum uxore, ac liberis necem subiit.

VI. FRATER PEREGRINUS DE PACTIS Ordinis Prædicatorum, germanus frater Peregrini de Pactis Protonotarii Regni Siciliæ, Major Capellanus Friderici II. Siciliæ Regis, & anno 1317. Episcopus Mazariensis. Hinc duos habebat generales Vicarios, alterum præfectum causis Canonicorum, & Clericorum Capellæ Palatinæ; alterum vero pro Mazarenfis Ecclesiæ regimine, ut testatur Pirrus in Episcopis Mazarenfibus. Orator una cum Damiano Palicio missus est ad Joannem XXII. Romanum Pontificem, ut inito jam foedere inter Fridericum II. Siciliæ Regem, & Robertum Neapolitanum

num Regem oppida omnia a Friderico occupata, Roberto restituerentur. Obiit circa annum 1326. Hujus non extat mentio in notitia Capellanæ majoris S. Lucie de Milatio.

VII. FRANCISCUS DE PETRO Episcopus Liparenfis anno 1342. fungebatur munere Majoris Capellani Ludovici Regis, ut ex publicis tabulariis testatur Pirrus in notitia Liparenfis Ecclesiæ. Hujus tamen non meminit Ughellius in Episcopis Liparenfibus; neque mentio fit in notitia Capellanæ majoris S. Lucie de Milatio to. 2. Siciliæ sacræ, postremæ editionis. Sed post Damianum de Palicio occurrit.

VIII. FRATER PETRUS DE PERNIS Ordinis Minorum, Theutonicus dictus, Major Capellanus Ludovici Regis, anno 1346. Episcopus Paënsis a Clemente VI. ex præsentatione Regia creatur. Vir fuit litterarum peritia, & virtutum exemplo præclarus, ut ait Pirrus in notitia Paënsis Ecclesiæ. Obiit circa annum 1354.

IX. ORLANDO BRUNELLO Messanenfi civi collatam Majoris Capellani dignitatem, simulque Regiæ Capellæ Cantoriam scribit Pirrus in notitia Capellæ Palatinæ S. Petri. Fuerat Vicarius Petri Episcopi Paënsis, gessitque Capellani Majoris munus sub Ludovico, & Friderico III. Regibus. Obiit anno 1355.

X. FRATER FRANCISCUS DE LUCA Ordinis S. Augustini S. Th. M. Orlando successit, ut ibidem refert Pirrus. Cujus officii auctoritate Canonicatum Palatinæ Capellæ ex Orlandi morte vacantem contulit Antonio de Guerreris Messanenfi.

XI. FRATER DIONYSIUS DE MURCIA Ordinis S. Augustini in Academia Parisiensi Theologiam docuit, scripsit in libros sententiarum commentaria, fuit Magister Capellanus Regius Friderico regnante; & anno 1363. Archiepiscopus Messanenfis. Varias obiit legationes, ut pacem inter Fridericum, & Joannam Neapolitanam Reginam conciliaret. Plura de eo Pirrus in notitia Ecclesiæ Messanenfis, quem obiisse credit circa an. 1380.

XII. FRATER PHILIPPUS DE CASTRO JOANNE Ordinis Minorum, Magistri Capellani munus anno 1363. gerebat, cui Fridericus Rex commisit, ut Clericum Joannotium de Ripa in Abbatem Sancti Philippi de Sancta Lucia a-

se electum in Abbatia ejusdem possessionem immitteret.

XIII. **FRATER UBERTINUS DE CORLEONE**, seu ut alii scribunt de Coriolano, Ordinis Minorum, vir magnæ estimationis, ac in rebus gravibus peragendis eximius, egit Magistrum Capellanum Friderici III. Sicilia Regis. Hinc ei Gregorius XI. facultatem concessit administrandi Sacramenta Regi, & Aulicis omnibus pleno jure: cujus diploma datum anno 1372. exhibet Wadingus in Annalibus Fratrum Minorum. A Pontifice creatus est Capellanus Pontificius, & Episcopus Coriöcensis. Anno 1372. a Rege delegatus est ad firmandas foederis pactiones cum Joanna Neapolitana Regina; eodemque anno Paetensi Ecclesiæ præficitur, quæ conjuncta erat Liparensi. Sed cum anno 1385. Ladislaus Rex Neapolitani Regni insulam Liparensensem suo subjecisset imperio, ei Ubertinus adhæsit; quare Martini Regis Sicilia, qui Friderico successerat, iram in se provocavit, ac Paetensi Episcopatu abdicare coactus est circa annum 1392.

XIV. **SIMEON DE PUTO** Ordinis Prædicatorum Capellanus, & Consiliarius Friderici Regis, Quæstor generalis de rebus Fidei in Regno Sicilia, tum circa annum 1378. Episcopus Catanensis. Mortuo Friderico III. cum plurimæ excitatæ essent in Sicilia turbæ, eo quod Maria Friderici filiam, Regni hæredem Martinus Aragonius uxorem duxisset, quas nuptias adversabatur Urbanus VI., e contra vero probabat Clemens VII. Pseudo-Pontifex: Simon in Martinum Regem populum Catanensem concitavit. Deinde cum Rege rediit in gratiam, a quo constitutum fuisse Majorem Aula Regiæ Capellanum, & Oratorem missum ad Bonifacium IX. ut tandem hæ turbæ componerentur, scribit Pirrus in Episcopis Catanensibus. At cum rursus Simon in Martinum conjuraret, carceri mancipatur, & circa annum 1396. Episcopatu deicitur. Is vero Romam adiit, ibique vita functus est.

XV. **FRATREM ANDREAM DE PACE** Ordinis Minorum functum esse munere Majoris Capellani Martini Regis anno 1392. pluresque quæstiones a Rege ei demandatas definiisse, tum ad Melitensem conscendisse sedem, testatur idem Pirrus in notitia Melitensis Ecclesiæ.

XVI.

XVI. FRATER NICOLAUS DE PAPALLA Ordinis Minorum Eleemosynarius, atque Capellanus Friderici III., tum anno 1397. Locumtenens Magistri Capellani Regii, Reginae Mariæ Friderici filiae Confessarius, ac Major Capellanus, tandem circa annum 1393. Episcopus Melitenfis. Obiit sequenti anno. Ita Pirrus in Episcopis Melitenfisibus.

XVII. FRATER JOANNES DE PINO Ordinis Minorum, Catalaunus, Confessarius, Magister Capellanus, & Eleemosynarius Martini Regis, subrogatur Nicolao de Papalla in Melitenfi Episcopatu. In Regio diplomate, quo anno 1394. Melitenfi Ecclesiæ præficitur, nuncupatur *Magister Capellanus Capellæ Domini Regis*. Translatus deinde est ad Agrigentinam sedem circa annum 1398. ac supremum diem obiit circa annum 1412. Pirrus ibidem. At in notitia Capellanæ majoris Sanctæ Lucie inter Capellanos Majores Simeon de Puteo, Andreas de Pace, Nicolaus de Papalla, & Joannes de Pino minime numerantur: sed post Ubertinum de Corleone legitur.

XVIII. PHILIPPUS CRISPUS Messanenfis, nobili genere ortus, Major Regius Capellanus, ex Episcopali sede Squillacensi, ad Archiepiscopalem Messanensem transfertur anno 1392. A Martino Rege Legatus mittitur anno 1394. ad Bonifacium IX. Papam, tum ab eodem Pontifice Nuncius Apostolicus ad Aragoniæ Regnum ablegatur. Obiit anno 1402. ut scribit Pirrus in Episcopis Messanenfisibus. Ughellius tamen in Episcopis Squillacensibus refert illius mortem ad an. 1392. Fuit ex Ordine Eremitarum S. Augustini.

XIX. FR. PHILIPPUS DE FERRARIO Ordinis Carmelitarum, eximius concionator, occupatis primis sui Ordinis gradibus, & Romam missus causa promovendæ canonizationis B. Alberti de Drepano Carmelitæ, ubi etiam gravissima Martini Regis negotia gessit, creatur Episcopus Paënsis anno 1401. Mox fit Aulæ Regiæ Major Capellanus datis a Rege litteris Catanæ die 12. Januarii an. 1402. Tum anno 1412. legatione functus est, una cum Ubertino Archiepiscopo Panormitano nomine totius Regni apud Ferdinandum Regem in Aragonia degentem. Ab eodem Regius Consiliarius decla-

ra-

ratur. Deinde anno 1414. ad Agrigentinam sedem transferatur. Per hæc tempora Thomam Bellacera Abbatem S. Joannis de Eremitis egisse Majorem Capellanum refert Pirrus in notitia hujus Abbatiae. Idemque Pirrus in notitia Capellae Palatinae S. Petri, Bernardum de Figuera Cantorem Regiae ejusdem Capellae vocat Majorem Capellanum circa an. 1392. Hi fortasse ad breve tempus hoc officium administrarunt.

XX. FR. THOMAS DE CHRYSAFI nobilis Messanenſis, Ordinis Minorum, Patriae suae Archiepiscopus, legationem obeunte apud Ferdinandum Aragoniae & Siciliae Regem Philippo Ferrario Episcopo Paſtensi, & Regni Magistro Capellano, hoc munus Majoris Capellani a Rege obtinuit. Deinde Ferdinandus re comperta declaravit datis litteris Cæsaraugustae die 13. Maii an. 1414. quod cum officium Magistri Capellanatus Regni Siciliae a Martino Rege concessum fuerit Episcopo Paſtensi: *nostrae intentionis numquam fuit de dicto officio alicui providere cum juris alieni praedictio*. Attamen Thomas Chrysaphius donatur titulo Majoris Capellani in quibusdam litteris Joannis Infantis Siciliae Proregis an. 1416. ut refert Pirrus in Episcopis Messanenſibus. Fuerat etiam Archimandrita, vixitque ad annum 1426.

XXI. JOANNES DE STEPHANO Monachus Cisterciensis Abbas S. Mariae de Altofonte, seu de Parco, & simul Regius Magister Capellanus, ut legitur in notitia Capellaniae majoris S. Luciae de Milatio, anno 1424.

XXII. GUILLELMUS VITALIS Cantor Regiae Capellae in quadam Bulla Eugenii IV. data anno 1435. nuncupatur Major Capellanus Regius, ut testis est Pirrus in notitia ejusdem Capellae.

XXIII. JACOBUS PORCUS, Messanenſis Archidiaconus, Alphonſi Regis Major Capellanus, creatus Paſtensis Episcopus anno 1438. tum ad Metropolitanam Messanenſem translatus anno 1449. obiit eodem anno. De eo Pirrus in Ecclesia Paſtensi.

XXIV. PUCCIUS DE PALICIO, clarissimo genere natus, Canonicus Messanenſis, Abbas S. Philippi de S. Lucia, & Major Capellanus Alphonſi Regis, a quo declaratur immunis a collectis super Ecclesiasticis personis, atque Ecclesiis impolitis,

tis, dato diplomate Puteoli an. 1452. Extat hoc diploma in notitia Capellaniæ majoris S. Lucie de Milatio. Idem Puccius anno 1455. mandante Alphonso Rege litteris datis Neapoli in Castello novo, Jacobum Gallarat in possessionem immisit Cantoriæ Regiæ Panormitanæ. Refert Pirrus in notitia Regiæ Capellæ.

XXV. JACOBUS BONANNUS nobilissimæ familiæ Siculæ ab Alphonso Rege S. Lucie Beneficiarius, & Majoris Capellani munus obtinuit circa annum 1456. ut ex libris Cancellariæ narrat Lucas Barberius in Capibrevio Ecclesiarum.

XXVI. JACOBUS GAGLIARDUS Magister Capellanus, Beneficialis S. Lucie, & Cantor Capellæ Palatinæ S. Petri anno 1457.

XXVII. GABRIEL ENGUERRA Cantoris ejusdem Capellæ dignitate, Abbatia S. Lucie, ac munere Regii Majoris Capellani donatur anno 1458. Præfuit Capellæ Regiæ ad annum 1467. De eo Pirrus in notitia Capellæ Palatinæ, & in notitia Capellaniæ majoris S. Lucie de Milatio.

XXVIII. ANGELUS STAYTI nobilis Messanenensis Vicarius Archiepiscopi, Magister Capellanus, & Abbas S. Lucie. Hujus spiritualement & Episcopalem jurisdictionem in oppido Sanctæ Lucie Milatio vindicavit Comes de Cardona Siciliæ Prorex, datis litteris die 21. Januarii anno 1479. ad Messanensem Stratigotum.

XXIX. LEONARDUS DE ALBERTIS ob Angeli mortem a Gaspare de Spe Regni Prorege renunciatur Magister Capellanus, & S. Lucie Abbas, ex litteris datis Suteræ die 9. Octobris an. 1483. apud Barberium in Capibrevio Ecclesiarum.

XXX. JOANNES MARTINUS DE VITALI Panormitanus, Archidiaconus Metropolitanæ Ecclesiæ, Cantor Capellæ Palatinæ ab eodem Prorege fit Abbas S. Lucie an. 1484. ad Regium tamen beneplacitum.

XXXI. DALMATIO DE TOLOSA, Messanenfi Canonico, Capellania Major, & S. Lucie Ecclesia defertur circa annum 1485. ut legitur in hujus Ecclesiæ notitia tom. 2. Siciliæ Sacre.

XXXII. ALPHONSUS DE ARAGONA filius nothus Regis
Fer-

Ferdinandi , Cantor Regiæ Capellæ, Abbas S. Luciæ, Archiepiscopus Cafaraugustanus , aliisque pluribus beneficiis & muneribus cumulatus . Anno 1497. ejusdem Ferdinandi Regis ac patris sui munificentia omnia Ecclesiæ S. Luciæ privilegia , & jura , firma ac rata obtinuit speciali diplomate , quod refertur to. 2. Siciliæ sacræ loco citato .

XXXIII. JACOBUS CONCHILLES Hispanus , Episcopus Oppidanus in Calabria , & anno 1505. Capellanus Major in Sicilia , tum anno 1508. Episcopus Catanensis . Ex Pirro in notitia Catanensis Ecclesiæ . Anno 1509. Oratorem Regis Ferdinandi II. apud Imperatorem Maximilianum egit in Alemania , uti refert Surita in Ann. Arag. In Galliam quoque Orator missus , & anno 1512. a Julio II. ad Ecclesiam Ilerdensensem in Catalaunia translatus .

XXXIV. JOANNES MICHAEL DE MAYO Barcinonensis circa annum 1508. Ecclesiam S. Luciæ , & majorem simul Capellaniam administravit , suæque jura strenue vindicavit , to. 2. Siciliæ Sacræ in notitia hujus Ecclesiæ .

XXXV. DIDACUS HERRERA Cafaraugustanus , Sacrista major Regiæ Ferdinandi II. uxoris , Capellanus Major , & S. Luciæ Abbas , aliisque Beneficiis donatus . Ibidem .

XXXVI. JOANNES RICCIUS , Decanus , Canonicus , & Patricius Messanensis , Protonotarius Apostolicus , Abbas S. Luciæ , & Capellanus Major . Anno 1523. fit Archimandrita , tum Regius , & Apostolicus Commissarius Ecclesiarum juris Regis Patronatus . Obiit an. 1530.

XXXVII. HIERONYMUS ZAFFERANA nobilis Messanensis , Abbas S. Luciæ , & Capellanus Major . Cum anno 1535. a Tunetana expeditione victoriis auctus Augustissimus Carolus V. in Siciliam appulisset ; Hieronymus sui officii , Majoris scilicet Capellani , munia omnia coram eodem Serenissimo Imperatore obivit , Missas celebrando , Regiasque dapes benedicendo . Obiit anno 1576.

XXXVIII. PRAEULUS BUTIRON DE MANRIQUEZ Hispanus an. 1577. Major Capellanus , Abbas S. Luciæ , & S. Mariæ de Roccadia constituitur , tum etiam Visitator Ecclesiarum juris Regis Patronatus . Eo Abbate Ecclesia S. Luciæ visita-

fitatur a Francisco de Puteo anno 1580. *qui Magistrum Capellanum teneri ad residentiam in propria Ecclesia, in qua exercet tamquam Prælatus ordinariam, & quasi Episcopalem jurisdictionem, sicut quilibet alius Episcopus in sua Diœcesi declaravit.* to. 2. Siciliæ sacræ in hujus Ecclesiæ notitia.

XXXIX. HIERONYMUS RIGGIO Panormitanus, genere, pietate, doctrina ornatissimus, Philippi II. Hispaniarum Regis Capellanus, Archidiaconus Agrigentinus, tum Abbas Sanctæ Lucię, & Major Regni Capellanus. Quo in munere instituit apud Proregem Comitem de Alba, ut sibi tamquam Magistro Capellano restitueretur jurisdictio in Capella Palatina S. Petri. Quod cum evicisset, suo muneri ex antiquo more deberi, veteri juri restitutus est, ac tamquam Judex ordinarius ejusdem Regiæ Capellæ a Canonicis exceptus, Curiam, Officiales, ac suum Locumtenentem constituit; cujus rei monumenta aservantur in tabulariis Regiæ Capellæ, & Ecclesiæ S. Lucię. Deinde Canonici Palatini mutato consilio, ex Regis præscripto se Judici Monarchiæ submiserunt. Obiit Hieronymus anno 1589. postquam nonnullos scripsit libros, quos enumerat Clarissimus Mongitore in Bibliotheca Sicula.

XL. JOANNES DE ESPINAR Hispanus, Regni Sardinie Inquisitor, ac Siciliæ Major Capellanus circa an. 1590. Obiit in Sardinia an. 1601.

XLI. SIMON RAO ET GRIMALDI an. 1602. Abbas Sanctæ Lucię, Capellanus Major, & Beneficialis S. Angeli de Monte nominatur. Is primus omnium in sua S. Lucię Ecclesia resedit, & ab Apostolica Sede obtinuit, ut in solemnī Missa omnibus ornamentis Pontificalibus uti posset. Fuit sede vacante Ecclesiæ Montisregalis Vicarius. Typis edidit responsiones ad dubia super immunitate & jurisdictione Ecclesiastica, de quibus loco citato Mongitore. Obiit an. 1616.

XLII. ANTONIUS DE FRANCHIS Neapolitanus genero & virtute conspicuus, Philippi III. Capellanus, fit Abbas S. Lucię, & Capellanus Major Regni Siciliæ an. 1616. De Ecclesia sua præclarissime meritis, decessit an. 1626. cum magna sanctitatis opinione, ac populorum veneratione. Ejus vitam typis evulgavit doctus vir Messanensis.

K k k

XLIII.

XLIII. VINCENTIUS FIRMATURA Siculus Corleonensis, eligitur Abbas & Capellanus Major S. Luciae an. 1628. eamque Ecclesiam cum laude administravit usque ad annum 1648.

XLIV. MARTINUS LA FARINA nobilis Panormitanus, eodem anno Capellania Majori à Rege donatur. Jura Abbatiae acriter defendit. Anno 1650. Regnum nomine Philippi IV. moderante Joanne Austriaco ejusdem Regis filio, Martinus pro exequendo Majoris Capellani munere apud eundem Joannem instituit; id enim contendebat extendi etiam ad Regiae cognationis Principes, quemadmodum in Regnis Lusitaniae, Neapolis, & Belgio, cum Ducissa Mantuae, & ipsomet Joanne Austriaco actum fuerat. Re delata a Prorege ad Consultorem, is sententiam tulit, Abbatem S. Luciae a Friderici Imperatoris tempore Majorem simul esse Capellanum, ac illi competere Majoris Capellani officia. Quod etiam declaratum fuit an. 1655. a Duce de Infantado Regni Prorege. Fuit Martinus Abbas etiam S. Catharinae de Linguagrossa, Capellanus, Historicus, Regiusque Consiliarius; nonnulla publici juris fecit, quae recenset Mongitore in Bibliotheca Sicula. Vivis excessit an. 1688.

XLV. SIMON IMPELLIZERI Syracusanus nobili familia, procreatus, huic Ecclesiae & officio praeficitur an. 1670. Synodum coegit, constitutiones in ea editas typis vulgavit, Seminarium Clericorum, & Academiam Theologiae moralis in aedibus suis instituit. Vivere desiit an. 1701.

XLVI. CAROLUS MASSA Catanensis, Philippi V. Hispaniarum Regis Capellanus, donatur hac Abbatia anno 1702. Sed anno 1706. supremo fato functus est.

XLVII. PETRUS SOLERA ET MONTOJA, Hispanus, Ecclesiae Contrensis Vicarius, hanc Abbatiam obtinuit paucis annis: siquidem an. 1710. mortem obiit.

XLVIII. FRANCISCUS BARBARA, Drepanensis, cum in Hispania pluribus annis egisset Theologum & Examinatorem apud Apostolicum Nuntium, cumque in patriam reversus varia Regni negotia gessisset: a Philippo V. nominatur an. 1712. Abbas S. Luciae, ac Capellanus Major Regni. Hoc vero munere functus est paucos post annos coram Victorio Amedeo Sa-

Sabaudia Duce, & Sicilia Rege, sacra faciendo, & Regias dapes benedicendo. Ab eodem Rege an. 1717. nominatur Episcopus Paſtenſis, & Magnus Eleemoſynarius; tum a Carolo VI. Imperatore ac Sicilia Rege an. 1723. Episcopus Cephaludenſis.

CAPELLANI MAJORES NEAPOLITANI REGNI.

I. **J**OANNES DE MENELIIS Protocapellanus Caroli I. Andegavenſis. Hujus extat mentio in Regno regeſto ad annum 1269. ut teſtis eſt Chioccarellus to. 4. Iſque ille idem fuiſſe videtur Joannes Miſnelius, ſeu de Maſneliis Capellanus Caroli Andegavenſis, cujus meminit Pirrus in Chronologia Regum Sicilia, in notitia Panormitana Eccleſia, & in notitia Capella Regia S. Petri. Is enim fuit Caroli Regis Conſiliarius, Magna Regia Curia rationum Magiſter, Archidiaconus Panormitanus, Cantor Capella Palatina, Magnus Sicilia Cancellarius, ac tandem Archiepiſcopus Panormitanus. Ad hujus Archiepiſcopi preces anno 1273. Rex Capitulo Panormitana Eccleſia privilegia confirmavit.

II. **P**ETRUS DE BOLONNESIO Canonicus Beluacenſis, Magiſter Capella Caroli II. Sicilia Regis, eligitur Episcopus Averſanus, & confirmatur a Clemente V. anno 1309. tum creatur Patriarcha Conſtantinopolitanus, & abdicato Titulo Episcopali, fit Eccleſia Averſana Commendatarius per ceſſionem Leonardi Cardinalis Albanenſis. Obiit anno 1324. Ita Ughellius ex regeſto Vaticano in Episcopis Averſanis. Fortaſſe iſ fuit ille Petrus Capellanus Caroli II. qui anno 1300. una cum Joanne de Monteforti Comite Squillacii, ac Montifcaveoſi, Regni Sicilia Magno Camerario, & Bartholomæo de Capua Regni Logotheta interfuit, cum a Philippo Minutolo Archiepiſcopo Neapolitano, auctoritate Bonifacii VIII. Romani Pontificis, diſſoluta ſunt ſponſalia jam inita inter Eleonoram Regis filiam, atque Philippum Tuziacum; eo nomine, quod illa eſſet natu minor, cum iis ſponſalibus fidem præſtitit. De qua re Summontius in Hiſt. Neap. & Chioccarellus in Ep. Neapolitanis.

K k k 2

III.

III. FRATER CHRISTOPHORUS DE TOLOMEIS Ordinis Prædicatorum, Senensis, nobili natus familia, Cœnobii S. Dominici in patria Prior an. 1307. sequentique anno ibidem fidei Inquisitor, tum anno 1312. Romanæ Provinciæ Prior Provincialis, ac anno 1313. Roberti Regis Neapolitani Theologus, Pœnitentiarius, familiaris, & Major Capellanus, ut ex Roberti litteris in Dominicano Archivo Senensi testatur Ugurgerius p. 1. tit. 7. de pompis Senensibus, & ex eo Fontana in Theatro Dominicano p. 2. tit. 5. Fuit etiam Episcopus Sebastenus. At a Lombardello in vita B. Bonaventuræ Tolomei dicitur Episcopus Savonensis in Liguria; & a Lopez in Historia S. Dominici Episcopus Monopolitanus.

IV. MAGISTER JOANNES DE EXARCELLIS, Religiosus vir legitur Magister Regalis Capellæ sub Roberto Rege anno 1313. in regeſto ejusdem Regis, ut testis est Chioccarellus to. 4. MSS.

V. PETRUS DE MORETH Regalis Capellæ Magister sub eodem Roberto Rege annis 1333. & 1334. ut in ejusdem Regis regeſto legitur: idemque annis 1339. & 1340. hoc officium gerebat, ut ex eodem regeſto constat. In quadam Charta, quam exhibet Wadingus in Annalibus Minorum ad annum 1344. qua Sancia Regina Roberti Regis conjux, Clarissis nomen datura, plura statuit circa suorum bonorum administrationem, legitur Petrus Eleemosynarius & Magister Capellæ ipsius Regine. Dicuntur enim hæc acta esse, *in præſentia ipsius excellentiæ Reginalis, ac Domini Petri Eleemosynarii, Reginalis Capellæ Magistri; Magistri Nicolai de Alisi. Secretarii Reginalis, & Magnæ Reginalis Curie Magistri rationalis; Abbatis Perrotti Marchisani de Salerno Clerici Capellæ Reginalis, & aliorum.* Idemque Petrus subscribit ut testis: *Petrus Eleemosynarius Reginalis, & Magister Capellæ, præmissis interfui, & subscripsi.*

VI. EPISCOPUS MARSCANUS Magister Regalis Capellæ occurrit in Regio regeſto Joannæ I. ad annum 1343. Quo tempore Mariscensem Ecclesiam administrasse leguntur apud Ughellium in Italia sacra Rogerius, qui deinde a Clemente VI. translatus est ad Tricaricensem sedem; & Fr. Petrus, cujus

jus ordo & patria ignoratur, qui Rogerio successit. At hunc Petrum Episcopum Mariscensem Ordini Prædicatorum adscribit Fontana in Theat. Domin. par. 1. tit. 367. Is tamen nonnisi anno 1349. Mariscensem Sedem conscendit; atque adeo Episcopus ille Mariscanus, qui anno 1343. agebat Magistrum Regalis Capellæ vel Rogerius fuit; vel ejus præcessor Petrus, quem idem memorat Ughellius.

VII. FRATER JOANNES DE GALLINARIO Ordinis Minorum, regnante Joanna I. gessit officium Magistri Regalis Capellæ circa annum 1343. ut ex Regio regeſto colligitur. Deinde a Clemente VI. anno 1350. 6. Kal. Junii fit Episcopus Gravinenſis, uti refert Ughellius. Is idem a Wadingo in Annalibus Minorum dicitur Reginae Conſeſſarius; ab eadem Regina Legatus constitutus ad pacem cum Friderico III. Siciliae Rege componendam; qui ad eandem rem delegavit Fratrem Obertinum de Corleone Episcopum Liparenſem, Majorem suum Capellanum. Hujus pacis conditiones fuere, ut Fridericus Rex Trinacriæ, Joanna Regina Siciliae dicerentur; utque ille nuberet Antonia de Baucio Andriensium Ducis filia, & Joannæ consanguineæ, utque singulis annis quamdam pecuniæ summam Reginae persolveret.

VIII. FRATER ANDREAS DE VALLE REGIA Ordinis Minorum anno 1344 creatur Magister Regalis Capellæ a Regina Joanna I. cujus in hanc rem litteras ex Archivo Neapolitano desumptas exhibent to. 4. Chioccarellus, & in Annalibus Fratrum Minorum Wadingus. Eodem anno 5. Kal. Jun. ad Episcopatum Larinenſem evectum, & anno 1365. obiisse scribit Ughellius. Hunc etiam laudant Toppius in Bibliotheca Neapolitana, & Joannes Andreas Tria olim Episcopus Larinenſis, nunc Archiepiscopus Tyri, in eruditissimis notitiis Larinenſis Ecclesiæ, quæ nuper Romæ edidit.

IX. MAGISTER MATTHÆUS DE ACQUAPUTIDA Ordinis Minorum, legitur Magister Capellæ Regalis, & Conſeſſarius Reginae Joannæ I. in Regio regeſto ad an. 1345. Eodem anno Idibus Julii Teleſinus Episcopus ungitur, ut tradit Ughellius in Episcopis Teleſinis; quo eodem teste, obiit anno 1348. Wadingus in Annalibus Minorum ad annum Christi 1343. scri-

scribit Matthæum Telefinum Episcopum, fuisse Confessarium, & Consiliarium Sanciæ Reginæ, & ante assumptionem ad Episcopatum Regii Sacelli Magistrum. Refert etiam privilegium a Joanna I. die 9. Februarii an. 1347. Fratri Matthæo Episcopo Telefino concessum, in quo is nominatur Confessor, ac Consiliarius Reginæ.

X. FRATER UBERTINUS DE CORLEONE, sive de Coriolano Ordinis Minorum, Episcopus Paëntensis, ac Liparenensis, Magister Regalis Capellæ, Ladislao regnante. Extant to. 4. Chioccarelli, hujus Regis litteræ datæ Gajetæ an. 1393. die 18. Junii, Fratri Francisco de Arpino Confessori, Capellano, & Oratori suo, quibus eum declarat Vicarium, Locumtenentem, & Substitutum Ubertini Paëntensis, & Liparenensis Episcopi, Magistri Regalis Capellæ, & Regii Consiliarii ab Aula absentis, cum plena potestate, in iis, quæ spectant ad ipsam Capellam, & cum omnibus prærogativis, quibus frueretur ipse Episcopus, si præsens esset. Hujus Ubertini crebra occurrit mentio apud Wadingum in Annalibus Minorum, & Pirrum in Sicilia Sacra. Is Friderici III. Siciliæ Regis fuit præceptor, & Magister Capellanus; cumque anno 1372. inter ipsum Fridericum, & Joannam Neapolitanorum Reginam pax inita fuerit, hujus pacis procurandæ, ac conciliandæ actores fuere; ex parte Friderici, Frater hic Ubertinus; ex parte vero Joannæ, Frater Joannes Episcopus Gravinensis, ejusdem Instituti, Reginæ Confessarius, & nobilis vir Leo de Lambertis Miles Neapolitanus. Multæ in hanc rem conscriptæ litteræ, in quibus, ut testatur Wadingus, maxime commendatur Ubertini in proponendis negotiis prudentia, & in peragendis dexteritas. Hinc illum Pontifex Gregorius XI. declaravit suum Capellanum, & familiarem, deinde Episcopum, Coriocensem. Ab eodem Pontifice anno 1372. facultas illi concessa est administrandi Friderico Trinacriæ Regi, cujus erat Magister Capellanus, Sacramenta omnia, & Aulicis suis, nullius requisita licentia. Utriusque concessionis Pontificium diploma exhibet Wadingus ad calcem to. 8. Ann. ultimæ editionis. Translatus deinde est ad Ecclesiam Paëntensem & Liparensem: at occupata Liparis insula anno 1385. a Ladislao Neapolita-

litanorum Rege huic adhæsit, a quo donatus est munere Magistri Regalis Capellæ. Exinde Martini Regis, qui Friderico III. successerat, ducta Maria ejus filia, iram in se provocavit, cujus opera prohibitus est a gerendo Episcopatu Paënsi; quem Rex concessit anno 1392. Joanni de Aragonia filio Vinciguerræ de Aragonia, Magni Cancellarii Siciliæ. Ubertinus tamen adhuc Paënsis, & Liparentis Episcopus dicitur an. 1393. De eo Pirrus in notitiis Ecclesiarum Paënsis, ac Liparentis.

XI. ABBAS GENTILIS DE SANCTO ANGELO DE FASANELLA Magister Regalis Capellæ sub Joanna II. circa annum 1422. Huic Joanna II. Regina litteras dedit anno 1422. quibus constituit, ut ad Rem Divinam faciendam in Capella Regali octo adlint Capellani, eisque assignat annuos proventus centum, unciarum argenti e Beneficiis Regii juris percipiendos, distribuendosque auctoritate Magistri Regalis Capellæ; cui viginti uncias, singulis vero Capellanis uncias decem singulis annis statuit concedendas. Exhibet has litteras to. 4. MSS. laudatus toties Chioccarellus.

XII. FRATREM JOANNEM INGIUM, Majoricensem, Ordinis Prædicatorum, Confessarium, & Majorem Capellanum Alphonfi Regis; tum anno 1443. Syracusanum Antistitem, ad cujus Ecclesiæ administrationem delegavit Fr. Thomam de Naro Ordinis Prædicatorum Vicarium suum, deinde traslatum ad Majoricensem Sedem, memorat Pirrus in Episcopis Syracusanis. Alphonfus vero Neapolitano imperio potitus est an. 1442. illudque tenuit usque ad annum 1458. Fortasse isidem est Joannes Garfias ille Episcopus Majoricensis, Confessarius Alphonfi, quem morienti Regi adfuisse scribit Summontius in Historia Neapolitana.

XIII. FRATER DOMINICUS XARACH de Aragonia, Major Capellanus Alphonfi Regis, & Magister Regalis Capellæ anno 1445. uti constat ex litteris datis hoc anno ab Alphonso, die 29. Junii, quas e Regiis Tabulariis protulit to. 4. MSS. Chioccarellus. Hunc patria fuisse Barcinonensem, Monachumque Cisterciensem, tum anno 1450. Episcopum Paënsensem, sequenti autem anno Episcopum Agrigentinum scribit Pirrus in notitia Ecclesiæ Agrigentinæ. Anno 1452. is adhuc fungeba-

batur officio Majoris Capellani: siquidem in quibusdam litteris Alphonsi Regis hoc anno datis, & a Chioccarello relatis, ut Nicolaum de Rainaldo Dioecesis Vicanensis in Regios adscriberet Capellanus legitur in illarum calce. *Visa per Dominicum Capellanum Majorem*. Hunc eundem anno 1465. Oratorem egisse apud Joannem Regem Siciliae pro rebus Siculis componendis, & obiisse Romae anno 1471. Pirrus testatur.

XIV. URSUS LEO DE LEONE Patritius Arianensis, Major Capellanus Alphonsi Regis, & Patriae Antistes. De eo ita scribunt Fabius Barberius, & Ughellius in Episcopis Arianensibus: *Hic Praeful, qui fuit Patritius Ariani, jam satis dilectus ab Alphonso Neapolis Rege ob ingentem ejus eruditionem, fidelitatem, atque in agendo eximiam peritiam. Idcirco antequam Patriae Episcopus cooptaretur, non solum fuit Major Capellanus ipsius Regis, sed etiam peritus Orator, atque ita aliquot annis in Curia versatus est, quamobrem meruit pro se suisque posteris quaedam privilegia, & quidem non in inoris momenti ab eo obtinere*. Fuerat etiam Canonicus, & Thesaurarius Ecclesiae Arianensis circa annum 1448. tum Episcopus circa an. 1449. ad cujus preces Nicolaus IV. instituit officium Sacristae Majoris in Ecclesia Arianensi, uti legitur in Statutis hujus Ecclesiae editis anno 1737. sub Philippo Tibalda Episcopo. Obiit circa annum 1470. Ex hac familia prodiit nuper Joannes Xaverius de Leone, vigilantissimus Episcopus Aterniensis, deinde Melfhiensis, Cardinalis Marcelli Passari consobrinus, ante Episcopatum Auditor Cardinalis Laurentii Corsini, deinde Clementis XII. qui obiit Neapoli anno 1735. jacetque in Ecclesia S. Pauli Teatinorum.

XV. JOANNES GERALDINUS, nobilis Amerinus, Pontificii Juris peritissimus, post diuturnam in Romana Curia moram, ubi Abbreviatoris munus exercuit, Alphonsi Regis, & Ducis Calabriae Major Capellanus, & anno 1467. Episcopus Catacensis. Is etiam Oratorem egit Alphonsi Regis apud Romanum Pontificem. Praefuit Ecclesiae Catacensi usque ad annum 1485. quo e vivis decessit. De eo Ughellius in Episcopis Catacensibus. Ex eadem familia Episcopatum Catacensem administrarunt Angelus Geraldinus Joannis nepos anno 1532.

& Stor-

& Sfortia Geraldinus anno 1536. quos Ughellius pluribus laudibus extollit. In eadem quoque familia natus est Alexander Geraldinus Episcopus Vulturariensis, Major Capellanus Ferdinandi Catholici Hispaniarum Regis, rerum gerendarum, peritia, sanctis legationibus, ac muneribus, editisque libris longe clarissimus. Nam is, nomine Ferdinandi Regis, plurima foedera composuit cum Alexandro Pontifice, cum Maximiliano Cæsare, cum Republica Venetorum, & cum Mediolanensium Duce: & ad Consilia sanctiora a Regibus Ferdinando, & Elisabetha adhibitus, expeditionem Christophori Columbi, cui plurimi e Consilio Regis reluctabantur, suffragio, & opera sua plurimum fovit, promovitque. Erudiendæ Regiæ proli præfectus quatuor Reginas sanctissimis moribus instituit. In Angliam missus, apud Catharinam Reginam functus est munere Majoris Capellani, & Apostolici Nuncii. Denique cum plurimas obiisset legationes nomine Maximiliani Cæsaris, tum etiam Leonis X. cujus Legatum egit ad omnes Christianos Principes ad ineundum foedus contra Selimum, Turcarum Imperatorem, donatus anno 1515. Episcopatu Sancti Dominici in India Occidentali, ubi anno 1525. supremum diem obiit; ejusque vitam edidit Onufrius Geraldinus nepos.

XVI. PETRUS BRUSCA Hispanus, Episcopus Averfanus, Major Capellanus Ferdinandi I. Neapolitani Regis, circa annum 1473. Hoc enim anno, die 3. Decembris, Rex Ferdinandus litteris suis graviter monuit Umbriaticensem Episcopum, ut nisi vellet Regis iram in se provocare, abstineret a ferenda sententia in causâ Caroli Pycitæ Regii Capellani, quinimo hujus causam sineret ab Episcopo Averfano Majori Capellano discuti, ac definiri. Idem Rex scripsit Averfano Antistiti Capellano Majori, ut ne Capellanus quidam Regius, cui nomen Matthæus de Lauro solvere cogeretur decimas suorum Beneficiorum, a quibus solvendis, tamquam Capellanus Regius, erat imm. nis. Extant hæ litteræ to. 4. MSS. Chioccarelli. Hunc Ughellius in Episcopis Averfanis scribit creatum a Paulo II. Episcopum anno 1467. & vivere desiisse anno 1474.

XVII. JULIANUS MYRTUS FRANGIPANUS, nobili apud Cajacenses natus familia, a Sixto IV. anno 1472. designatur Cajacensis Antistes, a Ferdinando I. Rege, apud quem plurimum valebat gratia, & existimatione, præficitur Neapolitano Gymnasio, inter Regios adscribitur Consiliarios, ac Majoris Capellani munere donatur in locum demortui Petri Brusæ, Episcopi Averfani. Præfuit Cajacensi Ecclesiæ annis novem, & Rege favente translatus est ad Tropejensem Ecclesiam anno 1480. die 18. Junii. Mortuo Ferdinando Rege, una cum quibusdam Aulæ Proceribus, & Joanne Brocharto Magistro cœremoniarum Pontificiarum moderatus est totum ordinem Coronationis Alphonfi II. nuptiasque conciliavit in Capella Palatina inter Sanciam Alphonfi II. filiam, & Joffredum Borgiam Alexandri VI. Papæ consanguineum. Tropeæ mortem obiit, die 26. Septembris, anno 1499. sepultusque est in Cathedrali Ecclesia cum hac brevi inscriptione: *Julianus Myrtus Frangipanus Tropejensis Episcopus, olim Cajacensis, obiit anno Domini MD.* Sed antecedenti anno illum obiisse ex actis Concistorialibus asserit Ughellius. Qui hoc de Juliano cenotaphium refert ex ædibus Myrtanorum Calatinæ Civitatis: *Julianus Myrtus Episcopus Tropejensis, olim Cajacensis, Invictissimi, & Serenissimi D. Ferdinandi de Aragonia Siciliæ Regis Major Capellanus, & Consiliarius, ac Almi studii Neapolitani Gubernator. Anno Domini MCCCCLXXXII.* Julianum laudant Ughellius in Episcopis Tropejensibus, & Cajacensibus, Scipio Ammiratus de nobilibus familiis Neapolitanis, & Zazera de familia Myrta Frangipana.

XVIII. FRATER JOANNES de Mediolano Monachus Olivetanus, dicitur Major Capellanus Alphonfi II. Neapolitani Regis a Joanne Brocharto Magistro Pontificiarum cœremoniarum in suis Diariis MSS. ubi describit Coronationem Alphonfi II. anno 1494. Ibi enim hi nominantur, qui Regi in solio adhærere, eundemque a Solio ad Altare comitari debebant: *D. Julianus Episcopus, qui Regi super thalamo genuflexus a sinistris Regis erit genuflexus, & Frater Joannes de Mediolano, Ordinis Montis Oliveti, Capellanus Major a dextris Regis erit, ut supra genuflexus, & ambo de Missali Regi servient.*

Cum

Cum duo in hisce Diariis occurrant Majores Capellani, Julianus Episcopus Tropejensis, qui hoc officio functus est sub Ferdinando I. Rege, quique præcipuas partes egit in Coronatione Alphonli II. & nuptias Sanciæ filiz Regis conciliavit, & Capellæ Palatinæ ministerio præerat, ut ex iisdem Diariis constat, & Joannes; hinc dicendum est, Joannem de Mediolano, hoc munus gessisse, vel sub Alphonso Calabriz Duce, antequam imperio potiretur, vel in absentia Tropejensis Episcopi. Illius tamen non meminit Lancellottus in Historia Olivetana, etsi innuat Alphonsum duos ex Olivetanorum Ordine sibi a sacris rebus habuisse, quorum unum nominat Fratrem Michaellem Volaterranum ejus Confessarium. Quam vero Alphonsum II. fuerit Olivetanis Monachis addictus, idem tradit Lancellottus. Hinc Isabellam Friderici Aragonii Regno dejecti conjugum, magna oppressam calamitate, grato animo subministrata pecunia illi adjuvarunt.

XIX. ANTONIUM JACCONIAM Liciensem, Ugentinorum Antistitem anno 1489. tum anno 1494. Puteolanorum, munus obisse Majoris Capellani, indicat epitaphium in Cathedrali Puteolana illius sepulcro insculptum: *Antonius Jacconia Liciensis, Episcop. Puteol. Majorque Reginalis Capellanus LXX. ann. cum omni integritate vixit, suam Pontificiam dignitatem XX. an. officiose gessit, vitæ munere defunctus MDXIV. Christi. Anno vero III. Sanctissimi Papæ Leonis conditur: tamen hic sibi tumulum ubi suos insignes virtutum titulos etiam post funera servat. Omnes hic in Christo legentes valete, & pro eo semper Jesum orate. Quod Regium dicimus, id veteres interdum Reginale dixerunt, uti constat pluribus exemplis apud Cangium in Glossario.*

XX. JOANNEM CASTRIOTUM nobilissimæ familiæ ex patre Bernardo Castrioto Comite Galatonis, & Copertini natum, Majorem egisse Capellanum Ferdinandi II. Neapolitani Regis circa annum 1496. scribit Pirrus in notitia Ecclesiæ Mazariensis. Is idem, uti refert Pirrus, cum esset annorum decem & octo, Ecclesiæ Mazariensis Administrator constitutus est, obtinuitque a Pontifice, ut Episcopalia munia ab Antistite aliquo ab eo nominando in illa Ecclesia exercerentur, donec

nec ad vigesimum septimum ætatis annum ipse perveniret. Constituit vero ad hoc munus Episcopum quemdam nomine Rainaldum, tum Jacobum Carduinum Liparensem Antistitem. At anno 1503. se se abdicavit Episcopatu. Porro Ferdinandus II. regnare coepit anno 1495. cum Alphonsus II. ejus parens, Caroli VIII. Galliarum Regis armis, & subditorum odio territus, imperio sponte cessit, quod anno uno administraverat. Tum Ferdinando II. e vivis sublato, anno 1496. successit Fridericus patrus, Princeps Altamuræ, qui ad annum usque 1503. imperium tenuit. Quamobrem circa hæc tempora Caltriotus Majorem egit Capellanum.

XXI. JOANNES MARIA PUDERICUS Neapolitanus, claris ortus natalibus, ab Innocentio VIII. die 15. Aprilis, anno 1491. fit Archiepiscopus Nazarenus, & a Ferdinando Catholico Hispanorum, atque Neapolitanorum Rege circa annum 1506. Major Capellanus. In ea sede, cui vetera privilegia confirmari ab Innocentio Pontifice curaverat, cum sedisset decem, ac novem annis, translatus est ad Ecclesiam Tarentinam. Huic annis quindecim cum laude præfuit, obiitque Neapoli anno 1535. jacetque in Ecclesia S. Laurentii, cum hac inscriptione: *Joanni Mariæ Puderico Tarentinorum Pontifici, ac intimo Regum Consiliario, de Patria, suæque familia optime merito, Paulus Pudericus Patruo benemerenti pusillum gratitudinis munus posuit. Anno Domini M. D. XXXV.* Hujus cum laude meminit Lellus agens de Pudericorum familia.

XXII. JOANNES RUFFUS Forolivienſis, Archiepiscopus Cosentinus, Puderico successor datus est, Carolo V. imperante, Prorege Carolo de Lanoja. Hunc a Julio II. Pontifice creatum Bertinorii Episcopum, deinde anno 1511. die 24. Octobris translatum ad Cosentinam Ecclesiam, in locum Francisci Borgiæ, quem Cardinalatu, & Episcopatu dejecerat, scribit Ughellius in Episcopis Cosentinis. A Leone X. Nuncius Apostolicus in Hispaniam missus, Caroli V. Imperatoris gratiam sibi conciliavit, a quo donatus est munere Majoris Capellani, & Episcopatu Gadicensi, quem tamen dimisit in favorem Hieronymi nepotis. Adriano VI. dum Cardinalis esset

esset familiariter usus est, illique postea ad supremum Pontificatum evescto in gravissimis expediendis negotiis egregiam operam præstitit. Demum S. R. E. Thesaurarius generalis vivis excessit Romæ anno 1528. sub Clemente VII. jacetque in Ecclesiâ S. Mariæ de pópulo.

XXIII. CAROLUS DE ARAGONIA subrogatus est Archiepiscopo Cosentino, anno 1528. ac Majorem egit Capellanum, regnante Carolo V. cujus vice Regnum moderabatur Philippus de Chalon Princeps Arausicanorum.

XXIV. THOMAS CARACCIOLUS genere, & virtute clarissimus, Episcopus Triventinus, Administrator Ecclesiæ Caputaquensis per cessionem Cardinalis Laurentii Puccii anno 1523. quam deinde dimisit in favorem Henrici de Loffredo, tum translatus anno 1536. ad Capuanum Archiepiscopatum, cum retentione Triventinæ Ecclesiæ, quam dimisit circa annum 1540 functus est officio Majoris Capellani sub Carolo V. Imperatore, & Rege, & Petro de Toledo Marchione Villefrancæ Prorege. Carolum V. Imperatorem Neapolim adeuntem tumquam Major Capellanus aspersit aqua benedicta in Ecclesia Cathedrali Neapolitana. Is idem primum jecit lapidem in erectione Ecclesiæ S. Jacobi gentis Hispanæ, uti scribit Engenius in Neapoli sacra. Obiit anno 1546. ac tumultus est in Ecclesiâ S. Catharinæ de Formello Ordinis Prædicatorum, uti idem refert Engenius.

XXV. JOANNES FONSECA Hispanus ex nominatione Caroli V. Imperatoris a Paulo III. anno 1537. die 14 Martii præficitur Ecclesiæ Stabienfi, seu Castri maris; defuncto Archiepiscopo Capuano, gessit Officium Majoris Capellani. Interfuit Concilio Tridentino, obiitque anno 1562.

XXVI. ANTONIUS LAUREO nobili familia Amantheæ oriundus successit Fonseca, tum in Episcopatu Stabienfi, tum in Majoris Capellani munere: eoque functus est, regnante Philippo II. Cardinali Granvelano vices Regis obeunte, usque ad annum 1577. quo Neapoli e vivis decessit, sepultusque est in Ecclesiâ S. Mariæ Gratiarum cum hoc epitaphio:
*D. O. M. Antonius Laureus nobili familia Amanthea oriundus,
 Stabienfium Episcopus, Regii Sacelli Antistes, Publici Gym-*
nasii

nasū Præfectus, Neapolitani Collegii primarius vetere Juris prudentia, consilii magnitudine, spectata in rebus maximis fide, Philippo Regi e Consiliis, & Patriæ æque charus. Hic situs est. Vix. An LXXIX. obiit An MDLXXVII. Bartholomæus, Jacobus Laurei Patruo B. M. cum lacrymis P. P.

XXVII. VINCENTIUS SPINELLI summo loco natus, morum integritate clarissimus, Episcopus Oppidenſis a Julio III. Pontifice, anno 1550. renuntiatus, Majoris Capellani officium administravit ab anno 1577. usque ad annum 1580. sub Philippo II. Rege, & Marchione Mondejarenſium Prorege. Abdicaverat se Episcopatu Oppidenſi anno 1561. mortemque subiit anno 1580. non vero anno 1568. uti scribit Ughellius, cum Vincentius anno 1577. ad Majoris Capellani dignitatem fuerit accersitus. Jacet Neapoli in Ecclesia S. Petri de Majella in Sacello gentilitio, hac posita ejus tumulo inscriptione, quam refert Engenius: *Vincentio Spinello I. U. D. Marini F. Oppiden. Episcopo, Fabricæ S. Petri de Urbe Generali Commissario, in Regno Neapolitano Regio Capellano Majori, viro in tuenda ingenuitate constanti, atque in rebus agendis solerti, qui majora studuit mereri, quam adipisci, qui que jam sexagenarius mortem obiit die 15. Anno 1580. Jacobus Spinellus Fratri amantissimo memoriam P.*

XXVIII. FABIVS PULVERINVS Neapolitanus, Episcopus Isclanus electus die 8. Junii anno 1565. donatus est officio Majoris Capellani ab anno 1580. quo Spinellus vivis excessit, usque ad annum 1582. Hunc vero obiisse anno 1590. scribit Ughellius.

XXIX. GABRIEL SANCHEZ DE LUNA Alphonſi Grottulensium Marchionis, Regii ærarii supremi Præfecti, Regii-que Consiliarii filius, Protonotariatu Apostolico, & Abbatia S. Joannis Majoris a Clemente VIII. donatus, & a Philippo II. pluribus Beneficiis Regii juris, nempe S. Nicolai de Perigoneto, S. Nicolai de Bucciano, S. Catharinæ de Celano, S. Philippi de Lauria, Majorem egit Capellanum ab anno 1582. usque ad annum 1621. sub Philippo II. & Philippo III. Regibus. Quo tempore Neapolitanis rebus præfuerunt Proreges, Petrus Giron Dux Ossunensium, anno 1582. Joannes Zunica

nica Comes Mirandensium, anno 1586. Henricus Gusmanius Comes Olivarensium, anno 1595. Ferdinandus de Castro Comes Lemosensium, anno 1599. Franciscus de Castro Ferdinandi filius; Joannes Pimentelius Comes Benaventi, anno 1603. Petrus de Castro Comes Lemosensium, anno 1610. Petrus Giron Dux Ossunensium, anno 1616. Cardinales Borgia, & Zappata, anno 1620. Denique Antonius Alvarus de Toledo Dux Albanorum, anno 1622. Gabrielem plurimum, commendat Lellus agens de familia Sanchez, illumque scribit a Philippo III. ob egregie navatam operam in suo exequendo munere, adscitum fuisse in Collaterales Consiliarios Status, ut ajunt, quem gradum Clericis conferre antea minime erat consuetum, ita ut primus ille fuerit ex Clericorum Ordine, qui eam occupaverit dignitatem.

XXX. PAULUS CAJATIA Patritius Capuanus, J. U. D. & in Neapolitano Gymnasio Pontificii Juris Interpres, Major Capellanus, tum anno 1624. ex nominatione Philippi III. Hispaniæ Regis Episcopus Arianensis. Præfuit Arianensi Ecclesiæ annis tribus supra viginti, deque ea optime meritus, obiit anno 1647. cui in Ecclesia S. Mariæ Novæ Neapoli hoc monumentum illius consanguinei posuerunt: *D. O. M. Paulo Cajatia Patritio Capuano, Ariani Episcopo, Regii olim Sacelli Majori Capellano, qui Juris Canonici Interpres, & vin- dex, sapientiæ gloria nobilitatem auxit, e Galterio Cajatia deducit, qui Capuam in Rempublicam Friderico Barbarossa sacrorum societate interdicto instituit, signavitque diploma manu sua, & laureata. Paulus Cajatia nepos funebre hoc amoris monumentum anno Dom. MDCXLVII. M. P.*

XXXI. JOANNES SALAMANCA Hispanus, Major Capellanus Regni Neapolitani, Philippo IV. imperante, sub Proregibus Parafanio Ribera Duce Alcalensium, Emmanuelo Zunica Comite Montisregii, Ramiro Gusmanio Duce Metiunensium.

XXXII. CAROLUS MARANTA Venusinus, vir doctissimus, causarum in Foro Neapolitano Patronus, Consultor S. Officii, & Nuntiaturæ Apostolicæ, Capellanus Regius Honorarius, tum Major Capellanus, deinde Episcopus Juvenacensis,

centis, tandem anno 1657. ex præsentatione Philippi IV. Episcopus Tropejenfis. Opus edidit pluribus tomis distinctum, cui titulus: *Controversiarum Juris utriusque Responsum in Foro causarum Ecclesiastico præsertim discussarum, & ad pias causas*. Scripsit quoque librum cum hoc titulo: *Medulla decreti alphabetice distincta litteris, in qua, quidquid in Decreto continetur, per propositiones distinctas producitur*. Scripsit etiam: *Apologeticum Tractatum pro juribus Ecclesiæ*. Ex eadem familia prodire Robertus Maranta, auctor libri inscripti: *Speculum Advocatorum*; & Fabius Maranta Episcopus Calvenfis. Carolum laudant Ughellius in Episcopis Juvenacensibus, & Toppius in Bibliotheca Neapolitana.

XXXIII. JOANNES CESPEDES Hispanus, ex Capellano Honorario Aulæ Hispanæ, Major Capellanus Regni Neapolitani usque ad annum 1576. Philippo IV. & Carolo II. regnantibus. Ei successor datus est.

XXXIV. HIERONYMUS LA MARRA Neapolitanus, nobili familia, optimisque moribus conspicuus, Majoris Capellani munere functus est usque ad an. 1693. Carolo II. imperante.

XXXV. DIDACUS VINCENTIUS DE VIDANIA Hispanus, diu gessit Majoris Capellani officium sub Carolo II. & Philippo V. Hispaniæ Regibus, & Carolo VI. Imperatore, usque ad annum 1732. quo obiit.

XXXVI. CÆLESTINUS GALIANUS Monachus Congregationis S. Petri Cælestini Ordinis S. Benedicti, in humanis Divinisque litteris versatissimus. Romæ in Monasterio S. Eusebii, & in Archigymnasio Sapientiæ diu Theologiam, & Historiam Ecclesiasticam docuit, summa cum sui nominis laude. Illum tanquam rerum Mathematicarum peritissimum Clemens XI. Pontifex Maximus Bononiam misit, ut exploraret, sententiamque diceret, quibus modis aquæ stativæ in agro Bononiensi, quæ magnam incolis perniciem inferunt, perennes fierent, ac in Padi alveum effluerent. Illius quoque opera plurimum usus est sub Benedicto XIII. Romano Pontifice Cardinalis Alvarus Cienfuegos Orator Caroli VI. Imperatoris apud Pontificem pro restituenda Sicula Monarchia. Cælestinæ Congregationis Procurator Generalis primum; deinde Abbas Genera-

neralis renunciatus, eo in munere a Carolo VI. Imperatore, & Rege utriusque Siciliae nominatur anno 1731. ad Archiepiscopalem Ecclesiam Tarentinam. Sed anno sequenti Major Capellanus Regni Neapolitani constitutus ab eodem Imperatore, ne ex sua absentia Ecclesia Tarentina aliquid detrimenti caperet, abdicavit se illius Sacerdotio, atque Archiepiscopali Titulo donatur Ecclesiae Thessalonicensis. Regnante deinde CAROLO BORBONIO Rege, Romam anno 1740. mittitur, ut una cum amplissimo Cardinali Trojano Acquaviva, Regis Oratore apud Pontificem, curaret quaestiones plurimas inter Ecclesiasticam & laicam potestatem diu agitatae definiri, modumque iis in rebus deinceps servandum praescribi. Ad eandem rem Pontifex nonnullos statuit Cardinales, eorumque omnium opera Concordata Neapolitana inter Sacerdotium, & Imperium, Romani Pontificis, Regisque consensu inita sunt, & typis edita. Sed & ab eodem Gloriosissimo Summo Pontifice Benedicto XIV. antiqua jura Majoris Capellani Regni Neapolitani confirmari, nova insuper addi curavit, obtinuitque Galianus, editis Pontificiis Constitutionibus mox exhibendis. Dum vero. is Romae ageret, interim in Aula Neapolitana vicario nomine munus Capellani Majoris administrarunt Dominicus Rossi ex Episcopo Catacensi Episcopus Melfhiensis deinde Archiepiscopus Panormitanus, & Nicolaus Rosa Episcopus Puteolanus, ornatissimi Antistites. Quoniam vero novis Concordatis statutum fuerat, ut in quibusdam negotiis mixti fori, neque soli Judices Ecclesiastici, neque soli laici jus redderent; sed Magistratus quidam immineret ex Ministris Ecclesiasticis a Romano Pontifice, laicisque a Rege designatis, unde Tribunal mixtum nuncupatur, (uti olim in Gallia sub Carolo Calvo factum esse colligitur ex epistolis Hincmari Remensis) cui praesset Antistes mutuo consensu Romani Pontificis Regisque seligendus; hinc primus omnium huic Magistratui, faventibus Romano Pontifice, & Rege, Praefes datus est Galianus. In bello ad Velitras gesto Regem, & castra sequutus, ut sacrum moderaretur ministerium in Aula, & in castris; parta victoria, fufis, pulisque hostibus, servata Neapolitanis rebus tranquillitate, Regnique

M m m

feli-

felicitate confirmata, fovit Serenissimi Regis pietatem Deo referentis victoriam acceptam. Vivit religiosissimus, & doctissimus Antistes, magnaque cum sui nominis gloria præest Aulicis Sacris Rebus, & Neapolitano Gymnasio; illique longævus annos a Deo precamur.

SANCTISSIMI IN CHRISTO PATRIS

B E N E D I C T I XIV.

P O N T I F I C I S M A X I M I

C O N S T I T U T I O

*SUPER JURISDICTIONE ET FACULTATIBUS
CAPELLANI MAJORIS REGNI
NEAPOLITANI.*

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam.

Convenit providæ Apostolicæ Sedis benignitati facilem se, & liberalem ostendere in gratiis, & favoribus elargiendis Christianis Principibus, qui ex præclaris majorum suorum meritis, & suarum virtutum ornamentis, pietate erga Deum, devotione, & obsequio erga hanc Sanctam Sedem in conspectu omnium splendere noscuntur, piisque eorum votis libenter annuere, quæ ad Dei gloriam, & quietem, ac tranquillitatem sacrorum ministrorum procurandam conducunt, eorum præsertim, qui sacro suarum Capellarum servitio adscripti in Regiis Aulis versantur, ut Christi fidelibus ibidem commorantibus, vel inservientibus Sacrosanctæ Ecclesiæ Sacramenta administrent, eosque verbo, & exemplo ad pietatem, & religionem instruant, atque informant.

Sane dilectus Filius noster Trojanus tituli S. Cæcilie S. Romanæ Ecclesiæ Presbyter Cardinalis de Acquaviva nuncupa-

cupatus pro parte carissimi in Christo Filii nostri Caroli Siciliae, & Hierusalem cum tota terra citra Pharum Regis Illustris, & Hispaniarum Infantis Nobis nuper exposuit, quod a tempore, cujus memoria non exstat, ad Capellam Regiam Capellanum Majorem in toto Regno Neapolitano pro tempore existentem non solum cura spiritualis Regiae familiae, consanguineorum, affinium, ac omnium personarum in Curia, seu Aula Neapoli existente commorantium, ipsamque Curiam sequentium pertinet; sed & in quibusvis Civitatibus, Oppidis, & locis, in quibus Rex pro tempore existens, Regiaeque familiae residere contigerit continue, vel ad tempus, curam, animarum familiae Regiae, omniumque, & singularum personarum tam ex propriis Regnis, & Dominiis originem habentium, quam extraneorum cujuscumque status, gradus, ordinis, & conditionis, & praerogativae existentium, tam Ecclesiasticorum, quam saecularium, (Archiepiscopis & Episcopis exceptis,) & insuper omnium militum, & Officialium, aliarumque personarum cujuscumque ordinis & gradus in castris, arcibus, seu fortalitiis, exercitibus, nec non triremibus, navibus, ratibus, aliisque hujusmodi maritimis lignis Regio famulatui inservientium & militantium, exercere, earumque Rector in spiritualibus nuncupari, easque corrigere, & visitare, ac in easdem omnimodam jurisdictionem ordinariam, omnia & singula alia, quae Archiepiscopi & Episcopi, ac alii locorum Ordinarii in Dioecelibus suis de jure vel consuetudine, aut alias quomodolibet facere, & exercere consueverunt, idem Capellanus in praenominatas personas non solum in Regia Capella, & Palatio, sed in omnibus aliis supranominatis ac designatis locis exercere, vel per se, vel per alios Ministros, & Capellanos a se deputatos solet.

Cum autem ex hujusmodi facultatum usu, & exercitio plura dubia, quaestiones, & dissidia inter Archiepiscopos, & Episcopos Regni Neapolitani, & praedictum Capellanum Majorem exorta fuerint, quae adhuc vigent, & graviora indiem non sine fidelium scandalo timeri possunt, nomine praedicti Caroli Regis pro eximia sua pietate hujusmodi malo congrua adhibere remedia cupientis supplicavit, ut omnes & sin-

gulas facultates, jura, & prærogativas in quascumque personas, & in quibuscumque locis, Capellano Majori totius Regni Neapolitani pro tempore existenti ex antiqua & immemorabili consuetudine, vel etiam ex indulto, & privilegio Sedis Apostolicæ, vel alia quacumque ratione competentes, nostræ confirmationis robore communire, easque nominatim, & expresse designare, earumque terminos, & limites præscribere, & definire, & quatenus opus sit, de novo rursus concedere, & elargiri dignemur, atque alias salubriter providere ad tollendas omnes controversias, & dissensiones abolendas, prout in Domino conspiciamus expedire.

Nos, qui de præmissis omnibus sufficienter instructi sumus, supplicationibus prædicti Caroli Regis humiliter Nobis a prædicto Cardinali de Acquaviva porrectis inclinati, & laudabili ejus desiderio, & commendabili pro pace, & concordia inter sacros ministros retinenda, fovendaque studio satisfacere volentes, cumque gratiis, & favoribus prosequi singularibus cupientes, etiam omnium disputationum, & jurgiorum causas prorsus eliminare, ac periculis, quæ exinde fidelium animabus imminere possunt, opportune occurrere; & præterea dirigentes considerationis nostræ intuitum ad personam Venerabilis Fratris nostri Cœlestini Archiepiscopi Thessalonicensis moderni Capellani Majoris in toto Regno Neapolitano, ejusque successorum, quos a provida dicti Caroli Regis, & Hispaniarum Infantis, suorumque in prædicto Regno successorum vigilantia, & prudentia ei non absumiles electum iri minime dubitamus, in ejus, eorumque probitate, zeloque Divini cultus, & in rebus Ecclesiasticis peritia ac scientia, recte ac prudenter hujusmodi facultatibus, Indultis, Privilegiis, Gratiis, & Concessionibus ad decorem domus Dei, & animarum salutem usuros esse, minimeque in subversionem, Ecclesiasticæ disciplinæ, & perturbationem Episcopalis jurisdictionis abufuros, certo confidimus, & in Domino obsecramus. Propterea abrogatis in futurum, & penitus submotis quibuscumque, quæ contra & præter præsentium tenorem hactenus quomodolibet observata, vel prætenfa fuerunt, ex certa scientia, & natura deliberatione nostra, deque Apostolicæ potest-

potestatis plenitudine, adhibito etiam nonnullorum Venerabilium Fratrum nostrorum Sanctæ Romanæ Ecclesiæ Cardinalium consilio, tenore præsentium volumus, & decernimus.

I. Ut Regia Capella in Regali Palatio Neapoli existens omnia & singula jura, & prærogativas, excepto tamen jure asyli, quibus publicæ Ecclesiæ fruuntur, habeat, ac potiatur, in eaque liceat Divina Officia, horasque Canonicas ad Breviarii ac Missalis Romani regulam, & formam, Romanumque morem, & usum recitare, & Missas per unam horam ante auroram, & unam post meridiem celebrare, seu recitari, & celebrari facere; in eaque Sacram Eucharistiam in Sacra Custodia, seu Tabernaculo decenter, & cum debito honore, & veneratione retinere; illamque pro gratiarum actione, vel ad Divinam opem implorandam, vel pro alia quacumque necessaria causa, & in Festo Corporis Christi, & per totam ejus octavam publicæ fidelium venerationi exponere, & in uno ejusdem octavæ die circum eandem Capellam processionaliter deferre; in quinta autem, & sexta FERIA majoris hebdomadæ Sacrum Domini Nostri Corpus, in Sacra Custodia, seu urna reponere, & pro Religioso Ecclesiæ more monumentum, sepulturamque ejusdem Christi Domini, luminibus adhibitis, repræsentare. Præterea non solum in eadem Regia Capella, sed in omnibus Capellis Castrorum, seu Fortalitiorum Sacra Olea, & tempore navigationis Oleum extremæ Unctionis in Regiis triremibus, & navibus bellicis congruo honore, & reverentia servare, & custodire.

II. Insuper ut dictus Carolus Rex, ejusque in Regno Neapolitano Successores facultatem habeant nominandi, & eligendi Sacerdotem Sæcularem, vel Regularem ab Episcopo suo approbatum, & in Romanæ Ecclesiæ communione viventem, qui munere Capellani Majoris in toto Regno Neapolitano fungi, & pro majore officii sui decore, habitu, seu veste Prælatitia, quam in Romana Curia Prælati, sive Regulares, sive Sæculares gestare solent, pro sua conditione ac statu uti, absque tamen gestatione Crucis in pectore more Episcoporum, nisi sit in eadem Episcopali dignitate constitutus, possit; & insuper ab omni ordinaria jurisdictione exemptus, dum-

dumtaxat Nobis & Sedi Apostolicæ immediate subjectus existat. Tum etiam ut eidem Carolo Regi, ejusque in Regno Successoribus, vel eorum Proregibus, vel per seipsos, vel per dictum Capellanum Majorem alios inferiores Capellanos, & Scholares eligere, & deputare liceat pro servitio tam Regiæ Capellæ, quam pro indigentia Hospitalium, Militum, & Classiariorum, Regionum castrorum, seu arcium, exercituum, triremium, navium, aliorumque hujusmodi Lignorum maritimorum actu, & revera Regi inservientium, dummodo tamen personæ eligendæ se de nullo crimine inquisitos esse, testimoniales literas suorum respective Ordinariorum, ac Superiorum exhibeant. Hujusmodi vero omnes Clerici, & Sacerdotes Regio servitio adscripti, eo durante, a Locorum Ordinariorum jurisdictione prorsus exempti, solum præfato Capellano Majori subjecti sint, quemadmodum per præsentem exemptos, & respective subjectos esse declaramus. Itaque idem Capellanus Major omnes, & singulas controversias, lites & causas tam civiles, quam criminales, seu mixtas, atque etiam beneficiales, exceptis tamen causis hæresis, tum omnes causas excipimus a Sacris Canonibus, & Apostolicis Constitutionibus Summo Pontifici privative reservatas, contra dictos Capellanos, Clericos, & Scholares dictæ Capellæ in ea actu servientes, nec non in dictis Castris, Arcibus, seu Fortalitiis, aliisque locis constitutos Clericos, & Capellanos ibidem & actu inservientes, extra tamen Romanam Curiam, motas, vel movendas, tam in prima, quam in secunda, & tertia instantia audire, cognoscere, sineque debito, omni appellatione remota, pro justitia terminare possit; ita tamen ut a dicto Carolo Rege, ejusque in Regno Successoribus loco Ordinarii Assessoris alii novi Consultores tam in secunda, quam in tertia instantia, singuli in singulis eo modo, qui nunc servari solet, nisi gravitas causæ plures in qualibet instantia eligendos exigit, destinentur: & quicumque locorum Ordinarii, aut alii Judices nec eidem Majori Capellano inhibere, nec in prædictos inferiores Capellanos, Clericos & Scholares in eadem Capella actu servientes, ac alios in eisdem Fortalitiis constitutos, & constituendos, & ibi residentes, & actu inserv-

inservientes Capellanos, & Clericos, tanquam ab illorum jurisdictione prorsus exemptos, & totaliter liberatos, & dicto Capellano Majori dumtaxat immediate subiectos, ullam penitus superioritatem, dominium, & jurisdictionem prædictis respectibus exercere, aut se de illis quomodolibet intromittere valeant; sed prædicti Capellani, Scholares, & aliæ personæ Ecclesiasticæ ejusdem Capellæ, & Fortalitiorum, exercituum, triremium, & locorum hujusmodi coram eodem Capellano Majori, seu ab eo Subdelegato Judice dumtaxat in omnibus causis tam motis, quam movendis extra Romanam Curiam de justitia respondere teneantur.

III. Ad hoc vero, ut præfatorum exemptorum numerus in immensum, & plus quam oportet, non augeatur, & nimium præjudicium inferatur jurisdictioni Ordinariorum, eidem Capellano Majori vigore suarum facultatum non liceat alios Clericos, & Capellanos designare, & deputare, nisi eos, qui actuali servitio Ecclesiarum, Exercituum, Regiarumque navium necessarii sunt; qui in Castris, seu Fortalitiis totius Regni, ejusque pertinentiis duo, aut tres in unoquoque Castro, seu Fortalitio esse debeant. In Exercitibus autem, Triremibus, Navibus, aliisque Lignis maritimis, quæ Regi actu inserviunt, itemque in Hospitalibus militum, & Classiariorum illi solum, qui non modo actu inserviunt, sed etiam stipendia a Rege percipiunt. In Capella autem Regia, & in Castris, seu Fortalitiis in Civitate Neapolitana existentibus solum Capellani, Scholares, & Clerici, qui actu serviunt; ita tamen, ut Scholarium numerus actu Regiæ Capellæ inservientium ultra decem, & Ecclesiæ Parochiali S. Sebastiani ultra quatuor non egrediatur; omnium autem aliorum Capellanorum, & Clericorum, comprehensis etiam Capellanis honorariis, numerum nonaginta, ita ut omnes Capellani, Scholares, & Clerici Regiæ Capellæ servitio addicti, Castrorum, seu Fortalitiorum Urbis Neapolitanæ, ejusque adjacentium, connumeratis etiam Capellanis honorariis, centum numerum non excedant: præter quem numerum si eidem Carolo Regi, ejusque Successoribus alios addere necessarium visum fuerit, id speciali dumtaxat ipsius Regis rescripto fiat, in

in cuius pietate, eorumque Successorum certam fiduciam habemus, si opus fuerit, seligendos fore probos Ecclesiasticos viros, literas testimoniales suorum respective Ordinariorum, ut præfertur, habentes, qui morum probitate aliis ædificationi esse possint, & eo tantum numero, qui ad Divinum cultum promovendum, & ad inserviendum Regiæ devotioni, & pietati necessarii omnino, & conveniens reputabitur; & ulterius cujuslibet additorum nota Curie Archiepiscopali eam, requirenti per Capellanum Majorem statim, ac sine ulla mora, & dilatione tradatur.

IV. Præterea volumus, & constituimus, quod ad eundem Capellanum Majorem pro tempore existentem pertineat directio, & superintendentia circa celebrationem Divinorum Officiorum, aliarumque Ecclesiasticarum functionum, quæ in eadem Regia Capella peragi consueverunt, & tam in ipsa, quam in Ecclesia Sancti Sebastiani, sita in Arce, seu Castromovo, etiamsi Episcopali dignitate non sit insignitus, mitra, anulo, & baculo pastoralis, ac aliis Pontificalibus insigniis hujusmodi uti, nec non solemnem benedictionem post missarum, vesperarum, matutinorum, & aliorum Divinorum Officiorum solemniam super populum tuum interessentem impartiri, & ducentorum dierum, si præsens Rex aut Regina, fuerit, si autem Prorex, centum dierum de injunctis sibi, aut quomodolibet debitis poenitentiis indulgentiam, & remissionem ab omnibus fidelibus ibi præsentibus vere contritis & confessis consequendam auctoritate Apostolica concedere, & publicare possit: In aliis vero Ecclesiis, nisi coram Rege, aut Regina, aut Prorege, & dummodo Episcopus loci in eadem Ecclesia præsens non adsit, qui per se ipsum ea peragere desideret, ac velit, & insuper in Cathedralibus, & Metropolitanis, nisi ab Ordinario licentia obtenta, Pontificalia exercere nequeat.

V. Liceat autem eidem Capellano in quibuscumque Collegiatis, Parochialibus, & aliis inferioribus Ecclesiis Sæcularibus, & quorumvis Ordinum Regularibus, etiam Monialium in eodem Regno constitutis, non autem in Ecclesiis Cathedralibus, seu Metropolitanis, nisi de expressa suorum Ordina-

dinariorum licentia, ad quas eundem Regem, vel Reginam, aut Proregem pro tempore existentem devotionis, aut alia ex causa declinare contigerit, per se, aut alios Capellanos cum Scholaribus, & Capellæ prædictæ Ministris Divina Officia, & Missas tam privatas, quam solennes celebrare, aut celebrari facere.

VI. Quotiescumque vero in eadem Regia Capella, & Ecclesia Parochiali Sancti Sebastiani, in aliis autem Ecclesiis cum Rex, aut Regina, aut Prorex præsentés aderunt, & Episcopus Loci in eadem Ecclesia præsens non reperiatur, verbum Dei annunciare opus fuerit, in ejus arbitrio sit, quemcumque velit, & idoneum censuerit, Evangelii Concionatorem accersire sive Sæcularem, sive Regularem, dummodo is ab hujusmodi prædicationis officio, si Sæcularis sit, a suo Ordinario, & ab Episcopo Loci, si vero Regularis, a suo Superiore Regulari suspensus, & interdictus non fuerit; sed in Ecclesiis, & Capellis ejus jurisdictioni subjectis, in quibus Rex aut Regina præsentés non aderunt, idem Capellanus Major Concionatorem eligat, qui tamen alias per Episcopum, si Sæcularis fuerit, si vero Regularis, etiam per ejus Superiorem Regularem ad verbum Dei prædicandum approbatus sit, ac licentiam, vel benedictionem juxta Concilii Tridentini decreta ab ipso Ordinario obtinere teneatur.

VII. Si vero Capellanus Major sit in Episcopali, seu Archiepiscopali Dignitate constitutus; prædictis Scholaribus Regiæ Capellæ, & Ecclesiæ Parochialis Sancti Sebastiani dumtaxat conferre primam tonsuram, ac deinceps ad omnes Ordines minores, atque etiam ad Ordines majores, seu Sacros juxta Sacrorum Canonum præscripta, & Apostolicarum Constitutionum regulas promovere; sin minus, datis literis testimonialibus super eorum ætate, vita, & moribus, titulo ordinationis, & idoneitate scientiæ eos remittere ad proprios Ordinarios ab ipsis promovendos: Si autem non sint Episcopi, aut ordinationes non habeant, a quocumque alio Episcopo in Regno Neapolitano existente, dummodo non sit Episcopus Titularis, & prænominati Scholares habeant omnes, & singulas qualitates Clericis promovendis in Regno Neapoli-

N n

tano

tano præscriptas in novissimis Concordatis inter Sedem Apostolicam, & dictum Carolum Regem, & insuper in supradicta Regia Capella, aut Ecclesia Parochiali Sancti Sebastiani per triennium continuum actu inservierint: præterea per se, aut alios a se deputatos ejusdem Regiæ Capellæ Capellanos, Scholares, & Clericos, qui propter violentam manuum injectionem in alios Clericos, citra tamen membrorum mutilationem, aut enormem lationem, sententiam excommunicationis incurrerint, & hujusmodi sententia ligati Missas, & alia Divina Officia, non tamen in contemptum clavium, celebrando, irregularitatem aliquam contraxerint, ab eadem sententia excommunicationis, injecta eis pro modo culpæ aliqua poenitentia saluari in forma Ecclesiæ consueta, absolvere, & super irregularitate prædicta dispensare, omnemque inhabilitatis, & infamiæ maculam, sive notam per eos propterea contractam abolere libere, ac licite possit, & valeat, & respective possint & valeant.

VIII. Insuper ut idem Capellanus Major pro tempore existens Regum, Reginarum, ac Filiorum, & singulorum, utriusque sexus ipsorum Familiarium, ubicumque Rex, aut Regia Curia, seu Aula fuerit, etiam ruri recreationis causa, qui eis actu inservientes sint, & eorum impenfis, uti familiares continui commensales, viventes, & aliorum omnium, qui in Regio Palatio, & viridario, & in navali, seu interiori portus parte, vulgo *Darsena*, & in Castris, seu Fortalitiis clausis Neapolitanæ Civitatis, ejusque adjacentiis, nempe in castro novo, in castro ovi, & in castris S. Herami, Bajæ, & Hisciliæ, & in omnibus aliis locis supra nominatis ejusdem, Capellani jurisdictioni subjectis morantur, & degunt, donec, & quousque in iisdem locis commorentur, animarum curam gerat æque, ac si eorum Rector, & proprius Parochus existeret, & per se, vel alium, seu alios Presbyteros Sæculares, vel quorumvis Ordinum Regulares de Superiorum suorum licentia, prævio tamen examine ab eodem Capellano Majori approbandos, & salva Regi, & Reginæ facultate eligendi sibi proprium Confessarium arbitrio suo ex Presbyteris ab eodem Capellano Majori approbatis, supradictorum omnium

con-

confessiones audire; eisque Sacramenta administrare etiam in mortis articulo; & tempore interdicti eorum corpora Ecclesiasticæ tradere sepulturæ, dummodo ipsi causam interdicti non dederint, neque per eos steterit, quo minus interdicto pareatur.

IX. Matrimonii etiam celebrandis, factis tamen prius denunciationibus, seu proclamationibus a Concilio Tridentino requisitis, si uterque contrahens in locis præsignatis habitent, & morentur; Si vero mulier ibi domicilium non habuerit, denunciations, seu proclamationes pro parte mulieris fiant, & matrimonium celebretur in Parochiali Ecclesia, intra cujus fines ipsa mulier commoratur; si autem aliqui ex prædictis Exteri fuerint, capta prius per loci Ordinarium informatione, ac ab eodem decreto gratis obtento, quod inter eos licite matrimonium celebrari valeat, similiter idem Capellanus Major, vel alius, seu alii ab eo deputandi, nulla alterius Parochi licentia requisita, solemniter interesse: insuper filios infantes in iisdem locis natos, necnon Judæos, seu Turcas, sufficienter tamen prius catechizatos, quos in eorundem Regum præsentia ex quavis causa baptizari oportuerit, aut prædicti Reges tenere, seu suscipere voluerint, baptizare; ita tamen, ut baptizatorum, Parentumque, ac Compatrium, & Commatrum, necnon Matrimonio simul junctorum nomina describantur in libro, quem idem Capellanus Major, vel quisque Capellanus curatus in singulis prædictis locis habere, & penes se retinere debeat, ex quo ad omnem Ordinariorum locorum, & partium requilitionem fides, seu attestations in forma solita tradantur.

X. Capellanos, & Presbyteros juxta numerum, ac modum supra stabilitum, ad audiendas Confessiones pro militariibus copiis tam Regis propriis, quam auxiliaribus, tam in Regno utriusque Siciliæ, quam extra, ubicumque ab eis interfaciendum, vel morandum esse contigerit, tum etiam pro servitio triremium, & Regiarum navium, & personarum in eis existentium deputatos, prævio examine, cæterisque servari solitis, approbare, & omnia Parochialia Sacramenta existentibus militibus in actuali itinere, & expeditione contra hostes per eosdem administrari facere. Si autem milites in-

stationibus sint, præfati Capellani exhibere teneantur literas patentes ejusdem Capellani Majoris super eorum approbatione locorum Ordinariis, seu eorum Vicariis Generalibus, si præsentibus adint; si vero absentes, Parochis, in quorum Parochiis castra, seu stationes militum prædictorum positæ sunt, a quibus licentia parochialia munera peragendi impertiri, & nullatenus, iisdem literis inspectis, denegari possit: Matrimonia autem coram Parocho loci cum interventu Capellani militum celebrentur, & quoad alia omnia Sacramenta, & functiones parochiales peragantur a Parochis locorum, dummodo vocati interesse non recusent; Si autem adesse noluerit, liceat Capellano militum easdem functiones obire cum dimidia parte emolumentorum, quæ de jure integra ad Parochum loci spectarent; eademque omnia pro militibus stationariis præscripta, quoad milites in castris, seu Fortalitiis Regni non clausis existentes, & proprium Parochum non habentes, omnino serventur.

XI. Eosdem autem milites, ac Officiales tempore tamen actualis expeditionis dumtaxat belli actu existentis contra hostes, a crimine hæresis, apostasiæ a fide vel per se, vel per alios absolvere, ea tamen lege & conditione, ut hujusmodi facultas in Italia, ejusque Infulis adjacentibus quoad eos dumtaxat locum habere debeat, qui nati sunt in locis, ubi hæresis impune grassatur, nec umquam errores judicialiter abjuraverint, vel Sanctæ Romanæ Ecclesiæ reconciliati fuerint.

XII. Omnibus insuper personis utriusque sexus in militariis copiis existentibus, dum actualis expeditio contra hostes habetur, tam quadragesimalibus, quam aliis anni temporibus, & diebus, quibus usus carniū, ovorum, casei, butyri, & aliorum lacticiniorum est prohibitus, eisdem ovis, caseo, butyro, & aliis lacticiniis, atque etiam carnibus, excepta tamen quoad carnes hebdomada Sancta, & omnibus diebus Veneris, & Sabbati totius anni, & servata forma jejunii, quatenus pro locorum, temporum, & personarum conditione fieri potest, præscripta in nostris literis novissime editis sub datum Romæ die xxx. Maji MDCCXLI. utendi, & vescendi licentiam impendere.

XIII.

XIII. Insuper triremibus, & navibus pro Regis usu ac servitio noviter constructis, tum etiam vexillis, aliisque rebus hujusmodi ad militiam spectantibus benedictionem in forma Ecclesiæ solita impertiri.

XIV. Et demum omnibus supranominatis personis utriusque sexus ejusdem Capellani Majoris curæ in spiritualibus commissis ab observatione diei festi, si aliquod urgens opus in supradesignatis locis, nempe in Regia Aula; & Palatio, in Castris clausis Civitatis Neapolitanæ, in Navali, seu interiori Portus parte, vulgo *Darsena*, in hospitalibus classiariorum, & militum, aliisque hujusmodi facere necesse fuerit, dispensationem, cum obligatione tamen audiendi Missam, & aliquod aliud pium opus, quoad tempus, & occupatio, & personarum conditio sinet, obeundi, concedere: Illos insuper per se vel per alios Ecclesiasticos Viros probos, & prudentes visitare, & corrigere, atque in eosdem omnimodam jurisdictionem ordinariam, atque omnia alia, quæ pro bona animarum curæ directione Archiepiscopi, & Episcopi, ac alii locorum Ordinarii in suis respective Dioecesebus facere consueverunt, iis dumtaxat exceptis, quæ ad exercitium Ordinis Episcopalis pertinent, quæ in Regia Aula tantum, ubi Rex, & Regina, seu Prorex totius Regni moratur, & in Ecclesia Parochiali Sancti Sebastiani ab eo, si sit Episcopus, peragi posse volumus, & constituimus, libere facere, & exercere; iisdemque omnibus, & singulis a quibuscumque eorum peccatis, criminibus, excessibus & delictis quantumvis gravibus, & enormibus, etiam Episcopis, & locorum Ordinariis reservatis, de quibus ore confessi, & corde contriti fuerint, salutari poenitentia pro modo, & gravitate culpæ imposita, debitam absolutionem vel per se, vel per alios impendere, & elargiri libere, ac licite possit, & valeat, auctoritate Apostolica, scientia, & potestate prædicta concedimus, & indulgemus.

XV. Decernentes præsentis literas, & in eis contenta, quæcumque nullo umquam tempore de subreptionis, aut obreptionis, aut nullitatis vitio, seu intentionis nostræ, vel alio quovis etiam quantumvis magno & inexcogitato, & substantiali defectu, etiam ex eo quod super præmissis solemnitates,

tes, & alia quævis servanda, & adimplenda servata & adimplenda minime fuerint, aut ex alio quolibet capite a jure, vel facto, aut statuto, vel consuetudine aliqua resultant, aut quocumque alio colore, vel causa etiam tali, quæ ad effectum validitatis prædictorum specialiter exprimenda foret, notari, impignari, aut in jus, vel in controversiam revocari, aut ad terminos juris reduci, vel adversus illas restitutionis in integrum, apositionis oris, aut aliud quodcumque juris, gratiæ, & justitiæ remedium impetrari non posse; sed illas semper, & perpetuo validas, & efficaces existere, suosque plenarios, & integros effectus sortiri, ac perpetuo observari: Sicque, & non aliter per quoscumque Judices quavis auctoritate fungentes, etiam Sanctæ Romanæ Ecclesiæ Cardinales, & causarum Palatii Apostolici Auditores, sublata eis, & eorum cuilibet quavis aliter judicandi, interpretandi, & definiendi facultate, & auctoritate, ubique, & in quacumque instantia, interpretari, judicari, & definiri debere, irritum quoque, & inane quidquid secus super his a quocumque quavis auctoritate scienter, vel ignoranter contigerit attentari. Non obstantibus quibusvis Apostolicis, necnon in Provincialibus, vel Generalibus Conciliis editis constitutionibus, & ordinationibus, necnon quibusvis Ecclesiarum, & Monasteriorum, & Ordinum quorumlibet, atque etiam dictæ Ecclesiæ Neapolitanæ, juramento, confirmatione Apostolica, vel quavis firmitate alia roboratis, statutis, consuetudinibus, Privilegiis quoque & indultis, & literis Apostolicis contra præmissa quomodolibet editis, concessis, confirmatis, & innovatis; quibus omnibus, & singulis, etiam si pro illorum sufficienti derogatione de illis, eorumque totis tenoribus specialis mentio, seu quævis alia expressio habenda, aut aliqua alia singularis forma ad hoc servanda foret, illorum omnium, & singulorum tenores perinde, ac si de verbo ad verbum, nil penitus omisso, & forma in illis tradita observata, præsentibus inserti foret, pro plene & sufficienter expressis, ac insertis habentes, illis alias in suo robore permanfuris, hac vice dumtaxat harum serie ad effectum præmissorum scientia, & potestatis plenitudine similibus derogamus, & ad plenum derogatum esse

esse volumus, & declaramus, cæterisque contrariis quibuscumque. Volumus denique, mandamus, & decernimus, quod tam ipse Capellanus Major, quam alii supradicti de cætero nullis aliis, præter quam supra expressis facultatibus, privilegiis, gratiis, & indultis, & quoad personas, res, loca & casus supra expressos dumtaxat respective uti valeant, nec etiam aliam ipse Capellanus Major, quam supra expressam jurisdictionem, & superioritatem in Ecclesiis, & Capellis, ac personis hujusmodi habere, exercere, vel vindicare, aut prætere, etiam vigore extensionis, seu comprehensionis, seu etiam rationis Majoritaris, aut sub prætextu cujuscumque privilegii, aut indulti præsertim Leonis X. aut quorumcumque aliorum Prædecessorum nostrorum, seu Regaliæ, aut possessionis etiam immemorabilis, & tituli ex ea resultantis, scientia, & tolerantia quorumcumque Superiorum, & Ordinariorum, etiam Sedis Apostolicæ, roboratæ, nequaquam possit. Nos enim quascumque alias facultates, exemptiones, privilegia, gratias, & indulta per quoscumque Romanos Pontifices, & præsertim Leonem prædictum, Prædecessores nostros, ac Sedem Apostolicam Capellæ Regiæ Capellano Majori, aliisque suprascriptis personis hætenus concessa, literasque Apostolicas etiam in forma Brevis, aut sub plumbo, aut alias quomodolibet, & quibusvis clausulis, & conditionibus desuper expeditas, motu proprio, scientia, & potestatis plenitudine paribus perpetuo revocamus, annullamus, cassamus, & abolemus, ac revocata, annullata, cassa, & abolita esse declaramus, & quancumque quasi possessionem etiam immemorabilem, & centenariam & ultra improbamus; ita ut nunquam in judicio, aut extra allegari, aut ad effectum aliquem eis suffragari possint: Salvis tamen omnibus juribus, prærogativis, privilegiis, & facultatibus in Scholares, Lectores, aliasque personas Regiæ Universitatis Studiorum Neapoli existentis, tum etiam quoad causas, & personas, Rectores, seu Possessores nonnullorum Beneficiorum, & Ecclesiarum, vel iisdem Ecclesiis inservientes, quæ ad nominationem, seu præsentationem, aut jus patronatus Regium spectant, ab immemorabili tempore eidem Capellano Majori,

ut

ut asseritur, competentibus, quæ per præsentēs neque approbare, neque eis ullatenus derogare intendimus.

Cæterum quia difficile foret, præsentēs nostras literas ad singula loca, ubi fortasse opus erit, deferri, volumus, ut earum exemplis etiam impressis, manu tamen publici Notarii subscriptis, & prædicti Capellani Majoris sigillo munitis eadem prorsus fides adhibeatur, quæ præsentibus adhiberetur, si forent exhibitæ, vel ostensæ. Nulli ergo omnino hominum liceat hanc paginam nostræ concessionis, privilegii; indulti, decreti, mandati, declarationis, derogationis, & voluntatis infringere, vel ei ausu temerario contraire: si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem anno Incarnationis Dominicæ millesimo septingentesimo quadragesimo primo pridie nonas Julii, Pontificatus nostri anno primo.

P. Cardinalis Aldrovandus Prodat. = Pro D. Cardinali Passioneo. = Cajetanus Amatus. = Vifa de Curia. = Loco
✠ Plumbi. = N. Antonellus. = J. B. Eugenius.



MOTUS PROPRIUS
SANCTISSIMI IN CHRISTO PATRIS
BENEDICTI PAPÆ XIV.

*SUPER NONNULLIS ALIIS FACULTATIBUS
 CAPELLANI MAJORIS REGNI
 NEAPOLITANI.*

BENEDICTUS PP. XIV.

NEAPOLITANA.

MOtu proprio &c. Cum alias per nostras literas sub plumbo, datas Romæ apud S. Mariam Majorem pridie nonas Julii, Pontificatus nostri anno primo, ad supplicationem carissimi in CHRISTO Filii nostri CAROLI Siciliæ, & Jerusalem cum tota Terra citra Pharum Regis Illustris, & Hispaniarum Infantis, varias & diversas facultates Venerabili Fratri nostro Cœlestino Archiepiscopo Thesalonicensi moderno Capellano Majori, ejusque successoribus concefferimus, inter cæteras, ut Capellanos, & Presbyteros, juxta numerum, ac modum in iisdem literis stabilitum, ad audiendas confessiones pro militaribus copiis tam Regis propriis, quam auxiliaribus, tam in Regno Utriusque Siciliæ, quam extra, ubicumque ab eis iter faciendum, vel morandum esse contingeret, prævio examine, cæterisque servari solitis, approbare; & omnia parochialia Sacramenta existentibus militibus in actuali itinere, & expeditione contra hostes per eosdem administrari facere; necnon eosdem milites ac officiales tempore actualis expeditionis a crimine hæresis, apostasiæ a fide vel per se, vel per alios absolvere: omnibus insuper personis utriusque sexus in militaribus copiis existentibus, tam quadragesimalibus, quam aliis anni temporibus & diebus, quibus esus carniū, ovorum, casei, butyri, & aliorum lacticiniorum est prohibitus, eisdem ovis, caseo, butyro, & aliis lacticiniis, atque etiam carnibus, exceptis tamen quibusdam.

O o o

dic-

diebus, & servata forma jejunii a Nobis præscripta, utendi, & vescendi licentiam impendere: iisdemque omnibus, & singulis dispensationem ab observatione diei festi, si aliquod opus faciendum necessario fuerit, concedere: & præterea a quibuscunque eorum peccatis, criminibus, excessibus, & delictis, quantumvis gravibus & enormibus, etiam Episcopis & locorum Ordinariis reservatis, de quibus ore confessi, & corde contriti fuerint, salutari poenitentia pro modo & qualitate culpæ imposita, debitam absolutionem vel per se, vel per alios impendere, & elargiri libere ac licite possit & valeat, prout latius in præfatis literis nostris continetur; quarum tenores hic pro sufficienter insertis, & expressis haberi volumus. Cum autem postea a præfato Archiepiscopo Thessalonicensi Nobis expositum fuerit, ad opportunam Sacramentorum administrationem, & procurandam animarum salutem pro militibus in actuali expeditione contra hostes existentibus, nonnullis aliis facultatibus, per se vel per alios ecclesiasticos viros exercendis, omnino indigere; Nos animarum saluti, quantum in Domino possumus, consulere cupientes, motu simili &c. eidem Venerabili Fratri nostro Coelestino Archiepiscopo, ejusque successoribus in dicto Regno utriusque Siciliae Capellanis Majoribus pro tempore concedimus & impartimur infra-scriptas etiam facultates, ad nostrum, & Sedis Apostolicæ beneplacitum duraturas, per se, vel per alium seu alios Sacerdotes probos & idoneos, & juxta formam in præfatis literis nostris præscriptam approbatos, ab eodem Capellano Majori subdelegandos, pro militaribus tamen copiis, tam propriis dicti Regis, quam auxiliariis, in actuali expeditione contra hostes existentibus dumtaxat, non autem in hibernis, aut præfidiis commorantibus, exercendas: Videlicet absolvendi omnes & singulas personas in iisdem copiis militaribus existentes a quibuscunque eorum peccatis & delictis, quantumvis gravibus & enormibus, non solum Episcopis & locorum Ordinariis, sed etiam Nobis & eidem Sedi Apostolicæ specialiter reservatis, & reservari solitis: commutandi, relaxandi, dispensandi, & absolvendi respective, prout & in quantum, Episcopis & locorum Ordinariis juxta Sacros Canones, & Concilii

cilii Tridentini decreta id facere licet & permittitur, quoad vota, juramenta, irregularitates, & censuras Ecclesiasticas, nempe excommunicationes, suspensiones, & interdicta; necnon quoad omissionem omnium, seu aliquarum ex denunciationibus, quæ Matrimoniis personarum, ad prædictas copias pertinentium, & cum illis commorantium, contrahendis præmitti deberent: concedendi quibuscunque utriusque sexus CHRISTI fidelibus, ad præfatas copias pertinentibus, in articulo mortis, saltem contritis, si constiteri non poterunt, necnon in Nativitate Domini nostri JESU-CHRISTI, Paschatis Resurrectionis, & Assumptionis B. Virginis festis diebus vere poenitentibus & confessis, ac Sacra Communione refectis plenariam omnium suorum peccatorum indulgentiam & remissionem: singulis autem diebus Dominicis, & aliis festivis de præcepto relaxandi iis, qui ejus concionibus intervenierint, decem annos de injunctis illis, seu alias quomodolibet debitis poenitentiis in forma Ecclesiæ consueta: celebrandi Missam una hora ante auroram, & alia post meridiem, & si cogat necessitas, etiam extra Ecclesiam in quocunque loco decenti, etiam sub dio, & sub terra, & gravissima omnino urgente necessitate, etiam bis in die, si tamen in priori missa ablutionem non sumpserit, ac jejunus fuerit; necnon super Altari portatili, & non integro, seu aliqua in parte fracto, aut læso, & sine Sanctorum Reliquiis; ac demum, si aliter celebrari non possit, & absit periculum sacrilegii, scandali, & irreverentiæ, etiam præsentibus hæreticis, aliisque excommunicatis: benedicendi quæcunque vasa, tabernacula, vestimenta, paramenta & ornamenta ecclesiastica, aliæque ad Divinum cultum pro servitio earundem copiarum dumtaxat necessaria, & pertinentia; exceptis tamen iis, in quibus sacra unctio adhibenda erit: reconciliandi Ecclesias, Capellas, & Cœmeteria, ac Oratoria quomodolibet polluta, in illis partibus, in quibus ipsæ copiae confederint, si ad locorum Ordinarios commodus non pateat accessus, aqua tamen prius per aliquem Catholicum Antistitem, ut moris est, benedicta, imo etiam, magna urgente necessitate, ut Missæ Dominicis, & aliis festivis diebus celebrari possint, illa etiam a memorato

Antistite non benedicti. Denum celebrandi Missam de Requiem in quocunque altari, etiam portatili, si aliter celebrari non possit, & per ejus applicationem liberandi animam alicujus ex pie defunctis dicturum copiarum, secundum celebrantis intentionem, a Purgatorii poenis per modum suffragii. Cæterum cum facultates prædictæ ad animarum salutem admodum pertineant, præsentis, & desuper conficiendas literas nullo unquam tempore de subreptionis, vel obreptionis vitio, aut intentionis nostræ, vel quoquam alio defectu notari, vel impugnari posse, sed eas validas & efficaces fore & esse, suosque plenarios & integros effectus sortiri & obtinere debere, Apostolica auctoritate decernimus. Non obstantibus quibusvis Apostolicis, etiam in universalibus, provincialibus, & synodalibus Conciliis editis, vel edendis, generalibus, vel specialibus constitutionibus & ordinationibus, privilegiis quoque indultis & literis Apostolicis, quibusvis superioribus, & personis in genere, vel in specie, etiam motu pari &c. concessis, approbatis, & innovatis: quibus omnibus & singulis, hac vice dumtaxat, specialiter, & expresse derogamus, cæterisque contrariis quibuscunque, cum clausulis opportunis.

Fiat. Motu Proprio P.

Et cum absolutione a censuris ad effectum &c. & quod aliæ dicti Cappellani Majoris concessionis & facultates habeantur pro expressis, seu in toto, vel parte exprimi possint in literis, & de concessione & impartitione hujusmodi, aliisque præmissis, ut supra latissime extensis, & quod præmissorum, omnium, & singulorum aliorumque necessariorum major, & verior sp. & expositio fieri possit in literis per viam de Curia, ut vocant, si videbitur, expediendis, aut sola præsentis schedulæ Motus proprii Nostri signatura sufficiat, & ubique fidem faciat in judicio, & extra illud, regula quacunque contraria non obstante. Datum Romæ apud S. Mariam Majorem 14. Idus Novembris, anno secundo.

Fiat P.

S. V.

S. V. Motu proprio concedit Capellano Majori in toto Regno Neapolitano, ejusque successoribus facultates, ad V.S. & Sedis Apostolicæ beneplacitum duraturas, pro militaribus copiis in actuali expeditione contra hostes existentibus dumtaxat, celebrandi in casu necessitatis in quibuscumque locis; benedicendi paramenta, & alia necessaria ad Divinum cultum; reconciliandi Ecclesias, & Oratoria quomodolibet polluta; absolvendi a peccatis, etiam Summo Pontifici, & Sedi Apostolicæ reservatis; commutandi, relaxandi, dispensandi, & absolvendi respectively quoad vota, juramenta, irregularitates, & censuras; celebrandi Missam de Requiem in quocunque altari, & per ejus applicationem liberandi animam alicujus pii defuncti a Purgatorii pœnis; concedendi plenarias peccatorum indulgentias diversis festis diebus, & præsertim in articulo mortis, omnibus utriusque sexus = N. Antonellus Abbreviator de Curia.

A P P E N D I X

DE CAPELLA, LITURGIA, ET SACRIS CÆREMONIIS AULÆ LUSITANÆ.



Capellam Aulæ Lusitanæ vetustissimam esse tradit Clarissimus Antonius Cajetanus Sousa Teatinus lib. 4. cap. 178. Historiæ Regum Portugalliæ. Nam Alphonso I. regnante, Ecclesia Sanctæ Mariæ de Oliveira Capellæ Regiæ dignitate ornabatur; tum etiam in Civitate Conimbricensi, ubi aliquando Regium fuit domicilium, Ecclesiæ Sanctæ Crucis, & Sancti Michaelis, eadem insignitæ sunt prærogativa. Regibus in Santaremi Civitate degentibus, Capella Regia fuit Ecclesia Sanctæ Mariæ de Alcacova: & in Civitate Ulyssiponensi, Ecclesiæ S. Bartholomæi, S. Martini, & Sanctæ Mariæ de Escada. At Dionysius Rex Portugalliæ Capellam in Palatio suo excitavit Sancto Michaeli Archangelo sacram; & ibi S. Elisabeth Regina Divinis vacabat Officiis, quæ a Capellanis plurimis persolvebantur, uti dictum fuit

fuit Capite primo hujus libri. Eugenius IV. Pontifex anno 1439. in gratiam Alphonsi V. Portugalliæ Regis concessit, ut in ejus Capella celebrarentur Divina Officia ritu Romano. Pontificis literas e Regiis Tabulariis erutas exhibet laudatus Auctor to. 5. monumentorum Hist. Lusit. seu *Provas da Historia Genealogica da Casa Real Portugueza*; atque ita se habent: Eugenius Episcopus servus servorum Dei. *Carissimo in Christo filio Alphonso Portugalliæ, & Algarbii Regi illustri salutem, & Apostolicam benedictionem.* Meruit tuæ nobilitatis, atque devotionis sinceritas, ut te paterno confoventes affectu, precibus tuis, quantum cum Deo possumus, annuamus. Cum itaque sicut tua nobis nuper exhibita petito constinebat in dicendis Horis Canonicis morem Romanæ Ecclesiæ in Capella tua observari speciali devotione desideres, nos tuis in hac parte supplicationibus inclinati, ut per Capellanos, & Cantores tuos pro tempore existentes, Horas Canonicas, nec non Missas, & alia Divina Officia, juxta ritum supradictum in dicta Capella celebrari facere possis, ipsique Capellani, & Cantores, ut præmittitur, pro tempore existentes, Horas, nec non Missas, & Officia hujusmodi juxta morem hujusmodi dicere valeant, nec teneantur, si voluerint, ad morem, vel ordinem alium super his observandum, devotioni tuæ, nec non Capellanis, & Cantoribus ejusdem auctoritate Apostolica tenore præsentium de speciali gratia indulgemus. Nulli ergo hominum liceat &c. Datum Florentiæ anno 1439. undecimo Kalendas Octobris Pontificatus nostri anno nono. Deinde Adrianus VI. anno 1522. petente Joanne Rege Portugalliæ indulgit, ut in Regia Capella singulis Sabbatis totius anni Officium Sanctæ Mariæ Virginis; singulis vero feriis tertiis Officium Sancti Michaelis Archangeli solemniter ritu celebraretur. Pontificis litteræ ab Antonio Cajetano Soufa editæ to. 2. monumentorum Hist. Lusit. pag. 758. ita ajunt: *Carissime in Christo Fili noster salutem, & Apostolicam benedictionem.* Singularis fidei constantia, & integritas, ac eximia devotionis affectus, quibus in nostro conspectu semper claruisti, & continuo clares, promerentur, ut votis tuis, illis præsertim, quæ ex devotionis fervore prodire conspiciamus, quantum cum Deo

Deo possemus favorabiliter annuamus. Sane exponi nobis nuper fisci, quod ob singularem devotionem, quam ad Beatam Mariam Virginem Dei Genitricem, & Sanctum Michaellem Archangelum geris in Capella tua, in qua quamplures Capellani ad serviendum Domino in Officiis Divinis sunt deputati, singulis Sabbati, Missam solemnem, & alias Horas Canonicas de Beata Maria etiam cum cantu, singulis vero martis diebus Officium S. Michaelis hujusmodi solemniter celebrari facere, posse, summpere cupis: Nos igitur tuis votis in hac parte favorabiliter annuentes, tibi, ut tam in dicta Capella, quam extra eam quocumque alio loco convenienti, & honesta, per proprios Capellanos per te deputatos, & pro tempore deputandos singulis Sabbati, & martis diebus, nisi festum solemne, aut duplex occurrant; quo casu, sequenti die, Missas, & solemnes, & cum nota de Beata Maria Virgine, & de Sancto Michaelle, ac alias Horas Canonicas, & Divina Officia celebrari facere libere, ac licite valeas, devotioni tuæ de specialis dono gratiæ tenore præsentium indulgemus. Tunc temporis, Capellam Regum Lusitaniæ fuisse Ecclesiam Sanctæ Mariæ de Escada tradit citatus Auctor lib. 4. cap. 12. Historiæ Regum Lusitaniæ. Verum ab Emmanuele Rege, anno 1581. excitata est Palatina Capella D. Thomæ Apostolo, Indiarum Protectori consecrata, hac posita inscriptione: *Deo Optima Maximo. Sub honore Divi Thomæ Apostoli. Hic Rex Emmanuel Capellam Regiam dicitavit, & translata fuit. An. M. D. LXXXI. Locum profanari vetat Religio.* Et huic Palatinæ Ecclesiæ Clemens XI. anno 1716. addidit Patriarchalis, & Cathedralis Ecclesiæ dignitatem, sub invocatione tamen Sanctæ Mariæ Virginis in celum assumptæ.

II. Porro nedum Palatina Capella, & insignis, & antiqua fuit in Aula Lusitana; verum etiam Majoris Capellani dignitas, utpote quæ sub antiquis Lusitaniæ Regibus obtinuit, & ea ut plurimum clarissimi Episcopi donabantur. Constat enim ex decem libris Historiæ Regum Lusitanorum a laudato Auctore editis, hanc Majoris Capellani dignitatem gessisse sub Alphonso V. Rege Joannem Manuelem Episcopum Septæ (Сина) & Rodericum de Noronha, Episcopum Lama-

cen-

censem, Regium Consiliarium, & Confessarium: sub Joanne II. Rege, Ferdinandum de Miranda, Episcopum Visejensem (*Viseu*) sub Joanne III. Paulum Pereira, Priorem Majoricensem; Franciscum Vasconcellos Episcopum Lamacensem, deinde Ulyssiponensem: sub Emmanuele Rege, Petrum Vaz Gaviaon Episcopum Guardensem: sub Sebastiano Rege, Ferdinandum Vasconcellos Archiepiscopum Ulyssiponensem, Julianum de Alva Episcopum Mirandæ, & Joannem de Castro Regium Consiliarium: denique sub Cardinali & Rege Henrico, Sebastiani patruo, Majorem egisse Capellanum, tum præfatum Joannem de Castro anno 1580. tum Georgium de Ataide Episcopum Visejensem, deinde supremum in Lusitania Vindicem Fidei. Sed & Decani ipsius Capellæ Regiæ ex Episcopis creabantur. Nam inter alios hoc munere functi sunt, anno 1551. Turibius Lopez Episcopus Mirandæ, Regiusque Consiliarius; & anno 1574. Emmanuel de Almada Episcopus Angræ. Mortuis Henrico, & Sebastiano Regibus, nulla superstiti prole, Philippus II. Rex Hispaniæ Lusitano imperio potitus est; quamobrem nulli fuerunt in Lusitania Reges usque ad annum 1641. quum regnante in Hispania Philippo IV. excitata seditione, Joannem Ducem Brigantinum ex atavis Regibus progenitum, Lusitani Regem salutarunt. Eo imperante sub nomine Joannis IV. Alvarus Costa Episcopus Visejensis Majorem egit Capellanum. Joanni IV. successit Alphonfus VI. in cujus Aula Emmanuel a Cunha Episcopus Helvarum, Regius Consiliarius, circa annum 1656. Majoris Capellani munereungebatur; eodemque anno Franciscus de Sottomayor Episcopus Targensis Decanum agebat Regiæ Capellæ. Is vero sub Petro II. Alphonfi VI. successore electus Episcopus Lamacensis, fuit quoque Major Capellanus: cui in eodem munere successit Ludovicus de Sousa, Regius Consiliarius, & Episcopus primum Bonæ, deinde Archiepiscopus Ulyssiponenfis, & Cardinalis. Archiepiscopo Ulyssiponensi Majori Capellano subrogatus fuit in eo munere anno 1702. Joseph de Lencastre Episcopus Leiriensis, Regius Consiliarius, & supremus in Lusitania Fidei Vindex. Denique anno 1705. Nunus da Cunha de Ataide, Præfectus Regiarum Cortinarum, Episcopus

Tar-

Targensis, donatus est Majoris Capellani dignitate, & anno 1712. Cardinalatu auctus. Atque hi amplissimi Episcopi facris Aulae Lusitanæ rebus præfuerunt ad annum usque 1716. cum a Clemente XI. Pontifice Optimo Maximo Capella Regia in Patriarchalem Ecclesiam erecta est, Magnoquæ Capellano dignitas Patriarchæ Ulysiponenfis addita fuit.

III. Neque tunc primum Lusitanos Reges, Majoresque suos Capellanos Romani Pontifices magnis honoribus affecerunt: siquidem jam antea plurima, & amplissima illis contulerant privilegia. Diximus Capite quarto hujus libri, Leonem X. datis Bullis anno 1514. & anno 1515. declarasse a Majori Capellano discutienda, ac definienda esse negotia sive civilia, sive criminalia Capellanorum, & Avulicorum omnium, tum etiam negotia Ecclesiarum Regii juris. Hasce Bullas exhibent Cavedus in libello de Patronatu Regiæ Coronæ, & Soufa in Historia Regum Lusitanæ: tunc vero temporis hoc ministerioungebatur Petrus de Menezes Episcopus Guardensis, Emmanuele regnante. At insigniorem Magno Capellano potestatem addidit idem Pontifex Leo X. Brevi edito die 12. Junii, anno 1518. statuens, ob censurarum in Regios Magistratus inflictarum frequentiam, ut ne ullis Archiepiscopis, Episcopis, aliisve Præsulibus totius Regni fas esset censuras proferre sive in Regios Magistratus, sive in Civitates, & Oppida Regni, nisi antea a Majori Capellano discussa, ac probata fuisset causa ferendi censuras. Hanc Leonis X. Constitutionem habes to. 2. monumentorum Historiæ Lusitanæ, Auctore Antonio Cajetano Soufa, pag. 249. ibi: *Nos igitur hujusmodi supplicationibus inclinati, tibi, & qui pro tempore fueris in Capella dicti Emmanuelis Regis Major Capellanus, qui etiam, ut idem asserit Rex, Judex est Ordinarius familiarium, & Curialium ipsius Emmanuelis Regis, de quorum numero pro majori parte Rectores, Corretores nuncupati Provinciarum, & Civitatum hujusmodi existunt in omnibus causis ad forum Ecclesiasticum pertinentibus per Sedem Apostolicam deputatus, de validitate, vel nullitate censurarum, & panarum ecclesiasticarum per quoscumque locorum Ordinarios Judices, & Commissarios in aliquem, vel aliquos ex modernis, & pro tem-*

pore existentibus Provincialium, & Civitatum Rectoribus hujusmodi, vel aliis Regiis Commissariis Foraneis nuncupatis, seu eorum ministris pro tempore promulgatarum, tam per viam appellationis, quam simplicis querelæ cognoscendi, & appellatione remota eas si jussu reperiatis esse latis, observari faciendi, sin minus relaxandi, & dum eorum cognitio pependit, ne interim dictorum Rectorum in jure dicendo, & justitiæ ministranda populis eorum regimini commissis officium cesset, censurarum earundem effectum recepta in forma juris idonea cautione de ejus mandatis parendo suspendi, & sub similibus censuris, & aliis etiam pecuniariis pœnis quibuscumque Judicibus, & personis inbibendi, & brachium seculare contra inobedientes invocandi, & in præmissis etiam per editum publicum consilio tibi, & dicto pro tempore existenti Majori Capellano de non tuto accessu procedendi, ac alia omnia, & singula in eisdem præmissis, & circa ea quomodolibet opportuna faciendi, gerendi, & exequendi, Apostolica auctoritate, tenore præsentium plenam, & liberam concedimus facultatem. Id etiam a Julio III. Pontifice statutum est, datis litteris die 8. Decembris, anno 1551. Majori Capellano Regis Lusitaniæ, ibidem a Sousa relatis, quibus Suspensionis pœnam, Interdictumque ab ingressu Ecclesiæ pronuntiat in Archiepiscopos, Episcopos, aliosve Antistites Regni Lusitaniæ, qui Regios Magistratos, Regniqve Civitates innodassent censuris, quas Magnano Capellanus ratas minime habuisset. In eos quoque Clericos totius Regni, qui in locis Regiæ venationi addictis venarentur, Majorem Capellanus censuras, aliasve pœnas infligere posse statuit Leo X. litteris conscriptis die 16. Septembris, anno 1519. Episcopo Lamacensi Majori Capellano, ubi ei committit: quatenus ad ipsius Emmanuelis omnimodam requisitionem, omnes, & singulos Clericos etiam in sacris, & Presbyteratus Ordinibus constitutos sub excommunicationis, ac pecuniariis pœnis tuo arbitrio imponendis, & moderandis, & per ministros tuos exigendis, moneas, quatenus in aliquo ex dictis sylvis, & aliis locis prohibitis sine ipsius Regis expressa licentia venari, aut per illa cum canibus, vel accipitribus, seu falconibus, aut alio venatorio apparatu vagari præsumant.

Cum

Cum itaque Majori Capellano amplissima hæc jura communice-
 rata essent; æquum erat, & consentaneum, ut ne cæteris
 Regni Episcopis inferior esset Ordine, quibus dignitate præ-
 stabat, ex Episcoporum numero ipse accerferetur. Quamo-
 brem cum Joannes de Castro Regius Consiliarius, Majorque
 Capellanus tum Sebastiani Regis, tum Henrici Cardinalis,
 ac Regis, Episcopali dignitate minime effulgeret; ei tamen
 Pius V. Pontifex Brevi dato, die 12. Junii, anno 1571. fas
 esse dixit, ut jura, facultates, & prærogativas Majoris Ca-
 pellani exerceret, quamvis nulla dignitate præstaret. Ita,
 refert laudatus toties Antonius Cajetanus Sousa lib. 4. cap. 17.
 pag. 613. Historiæ Regum Lusitanæ.

IV. Sed & Clericos Palatinos Lusitanorum Regum plu-
 rimis donantur beneficiis Romani Pontifices. Nam petento
 Joanne III. Rege Portugalliæ, ut sibi integrum, liberumque
 esset Clericos, sacris Ordinibus innexos, & residentie legi-
 bus adstrictos, & a tractandis sæcularibus negotiis prohibitos
 in Consilium suum adsciscere, quorum doctrina, ac pietate
 adjuvaretur Respublica: Paulus III. Romanus Pontifex Bre-
 ve edidit die 28. Septembris, anno 1538. permittitque, *om-
 nibus, & singulis dictorum Regnorum personis ecclesiasticis,
 etiam in sacris, etiam Presbyteratus Ordinibus constitutis,
 etiam quæcumque, quocumque, & qualiacumque Beneficia
 Ecclesiastica obtinentibus, ut quamdiu in humanis egeris, in
 dicto tuo Consilio intervenire, & interesse, & civiles causas
 in eo pro tempore introductas, non tamen ad forum ecclesiasti-
 cum spectantes audire, cognoscere, & prout justitia suadebit,
 terminare libere, ac licite valeant.* Munificentior in eundem
 Joannem Regem Julius III. Pontifex in quodam Brevi signato
 die 25. Martii anno 1551. Clericis, qui in Consilio Regis se-
 derent, potestatem fecit dicendi sententiam, jusque reddendi
 in causis criminalibus, quin irregulares evaderent, vel
 ullis censuris alligarentur; eosdemque, dum Regis obsequio
 addicti in Aula versabantur, liberos dixit a residentie vinculo,
 quo sive in suis Ecclesiis, sive in Cœnobiis suis, si ex Mona-
 chorum numero fuissent, adstringebantur. Jam diu antea,
 Joannes XXII. die 8. Martii, anno 1325. Alphonsum Por-

tugallæ Regem hoc donaverat privilegio, ut qui Clerici illius Aulae, & obsequiis mancipati erant, suorum Beneficiorum proventibus fruerentur, etsi in iis minime residerent, imo nec unquam illis residentiam fecissent.

V. Quamvis tot emineret titulis Capella Regum Lusitanæ, insigniorem tamen assecuta est dignitatem, splendoremque cum Brigantini Duces ad imperium pervenere. Horum namque summa semper fuit erga res sacras religio, ut proinde nobilissimam habuerint in Palatio Ducali Civitatis Vecæ (*Villa-Vieosa*) Capellam S. Hieronymo dicatam, privilegiis pluribus a Romanis Pontificibus cumulatam. Ut enim refert idem Antonius Cajetanus Sousa lib. 6. Hist. Lusit. Paulus III. Romanus Pontifex anno 1534. Theodoro I. Duci Brigantino potestatem fecit habendi in Capella sua Clericos plures, qui Divina Officia ritu Romanæ Ecclesiæ persolverent; eisque Julius III. anno 1552. & Gregorius XIII. anno 1575. Sacerdotia plurima contulere, quæ Præbendarum loco essent. Oratorium domesticum Brigantinis Ducibus concessit Pius V. & facultatem ministrandi ibi Baptismi eorum filiis. A Gregorio XIII. Pontifice, Brevi dato, die 20. Decembris, anno 1576. sacræ illæ pro expiandis defunctis Indulgentiæ, quas Romæ in Ecclesia S. Gregorii lucrantur Fideles, communicatæ sunt Capellæ Palatinæ Ducum Brigantinorum, ita ut Sacrum ibi in Ara principe (quam idcirco privilegiatam nuncupant) celebratum pro defuncti expiatione, hunc absolveret satisfactionis necessitate. Alio insuper Brevi ejusdem Pontificis die 22. Aprilis, anno 1581. Clericorum illius Capellæ Collegio addita est Decani Dignitas, quem Princeps præsentaret Archiepiscopo Eboræ, is vero institueret, quique residentiae vinculo adstringeretur, Divinis præesset Officiis, & curaret Statuta servari a Principe lata. Tum quoque idem Pontifex signato Brevi, die 8. Augusti, anno 1581. Thesaurarium, secundam a Decano Dignitatem in eadem Capella constituit; litteras quoque dedit in forma Brevis, die 30. Augusti, anno 1581. ut quotidianæ distributiones iis denegatæ Clericis, qui Divinis persolvendis Officiis defuissent, Capellæ factis testis concederentur. Denique privilegio ejusdem Pon-

Pontificis fas erat in ea Capella Divina omnia Officia solemniter celebrari, Eucharistiam asservari, eandemque statim quibusdam diebus publicæ adorationi exponi. Successores deinde Pontifices nova, & insignia in Capellam, Capellanosque Brigantiorum Ducum beneficia adjungere. Nam ex Brevis Sixti V. die 10. Januarii, anno 1590. Clericis prædictæ Capellæ permittuntur quotidianæ distributiones, si alibi eis commorandum esset, ut Principi famularentur. Quod privilegium eisdem firmavit, extenditque Clemens VIII. die 13. Augusti, anno 1592. Quin etiam ab eodem Clemente VIII. Pontifice, die 18. Septembris, anno 1601. potestas Duci Brigantino facta est, ut sibi adjungeret Clericos quamvis residentie legibus adstrictos ad civilia, & sæcularia munia exercenda, dummodo ne in criminalibus negotiis jus redderent. Hucusque tamen Capellæ, & Capellanis Brigantiorum Principum imminabat Archiepiscopus Eboræ, tamquam Dioecesanus; at Clemens VIII. Breve edidit anno 1601. die 18. Septembris, quo Decanum, Capellanos, aliosque Clericos Capellæ S. Hieronymi in Civitate Vecæ immunes, exemptosque declaravit ab Ordinarii jurisdictione, ita ut nec visitari, nec censuris innodari ab eo possent; neque vel ratione contractus, aut delicti, aut Beneficii ullo modo ei subessent, ubicumque versarentur; sed soli Apostolicæ Sedi immediate subicerentur. Hujus privilegii executio demandata est Decio Carafæ Archiepiscopo Damasceno, Pontificio in Lusitania Ministro, deinde Cardinali, & Archiepiscopo Neapolitano: & Soufa lib. 6. Hist. Lusit. pag. 502. plura profert exempla vindicatæ a Pontificiis Ministris exemptionis illorum Capellanorum ab Ordinaria auctoritate. Præterea eodem Clemente VIII. annuente, litteris datis die 10. Martii, anno 1604. Divina Officia Majoris Hebdomadæ in ea Capella noctu celebrari; & ex litteris Urbani VIII. die 20. Februarii, an. 1636. Sanctissimam Eucharistiam asservari fas erat. Denique Brigantino Duci a Clemente VIII. Brevis emanato die 11. Decembris, anno 1591. potestas facta est eligendi sibi Confessarium, quem maluisset ex adprobatis ad audiendas Confessiones, qui crimina, & censuras, quarum absolutio esset Apostolicæ Sedi refer-

reservata, etiam in Bulla Coenæ, relaxaret; & lacticiniorum usum permetteret iis diebus, quibus illorum esus fuerat interdictus. Ex his itaque Romanorum Pontificum privilegiis facile colligitur, quanta dignitate excelluerit Capella Brigantinorum Principum; cui Decanus, Thesaurarius, Capellani sexdecim, aliique plures Clerici, & Cantores quotidiana Divinorum Officiorum celebratione inserviebant. Illud etiam ex his colligitur, summam semper fuisse Brigantinorum Principum religionem, pietatemque in sacris domesticis rebus colendis, augendisque: quo nomine a Clarissimo Soufa lib. 6. Hist. Lusit. præsertim laudantur Brigantini Duces Jacobus IV. & Joannes I. utpote qui Capellam, Capellanosque suos opibus, privilegiis, splendidissima sacra suppellectile cumularunt, & sacris ceremoniis, Divinisque Officiis rite, ac magnifice in Capella sua agendis summo studio incubuerunt.

VI. Atavorum in Rem Divinam pietas traducta est ad posteros, imo splendidissime aucta; siquidem Joannes V. Gloriosissimus Rex Lusitanorum tanto studio, tantaque fertur religione erga sacrum ministerium, ut merito de eo dici possit, quod olim Leo Pontifex scripsit de Theodosio Imperatore, ipsi non solum *Regium*, sed etiam *Sacerdotalem* inesse animum; quodve de Constantino scripsit Eusebius, ipsum esse tamquam Episcopum; eidemque acclamari, ut olim Concilium Chalcedonense Marciano Augusto, *Sacerdoti Imperatori*. Eo igitur petente, Clemens XI. Pontifex Maximus an. 1710. Bulla, quæ incipit, *Apostolatus ministerio*, antiqua jura Majoris Capellani rata habuit, constituitque Capellam Regiam D. Thomæ Apostolo dicatam Collegiatam Ecclesiam, cui insignis Clericorum cœtus ex sex Dignitatibus, decem & octo Canoniciis, duodecim Beneficiatis, octo Mansionariis conflatus ministraret. Hos omnes Rex vi Juris Patronatus Regii nominavit, Magnusque Capellanus Nunus de Ataide instituit. Deinde anno 1716. ab eodem Clemente XI. Pontifice Capella Regia aucta est dignitate Cathedralis, & Patriarchalis Ecclesiæ, sub titulo Sanctæ Mariæ in Cælum assumptæ; divisa, Provincia, & Diocesi Ulyssiponensi in partes duas Orientalem, & Occidentalem; quarum prima veteri subesset Archiepiscopo-

piscono, alteram Magnus Capellanus, idemque Patriarcha administraret. Primus vero Ecclesiæ Occidentali Ulyssiponenſi Patriarcha Magnusque Capellanus datus est Thomas Almeida, olim Episcopus Lamacenſis, & Portuenſis, vir amplissimus; cui ad maiorem honoris cumulum decreto Regis die 17. Februarii, anno 1717. eadem prærogativæ concessæ sunt, quæ Cardinalibus in Lusitania conceduntur. Sed ex Clementis XII. Constitutione anno 1737. Patriarchæ Ulyssiponenſi conjuncta est perpetuo jure dignitas Cardinalitia. Canonicis quoque Capellæ Regiæ, seu Patriarchalis Ecclesiæ, qui Principales dicuntur, privilegia plurima collata sunt, tum a Romano Pontifice, tum a Rege, cujus decreto die 24. Decembris, anno 1716. parem honoris, & dignitatis locum cum cæteris Episcopis Regni acceperunt. Porro aliis Constitutionibus datis anno 1717. & 1720. Clemens XI. majora beneficia in Patriarchalem Ecclesiam effudit, quartam insuper partem proventuum Episcopaliū Lusitaniz eidem Ecclesiæ addixit, Rege petente. Quibus omnibus novum robur addidere Pontifices Innocentius XIII. Constitutione, *Rationi congruit*, die 18. Maii 1721. & Clemens XII. Constitutione, quæ incipit *Religiosa Christianorum Principum*, data anno 1738. Tum a religiosissimo Principe, cujus eximio erga Divinum Cultum studio nondum factum erat satis, etsi tot, & tantis beneficiis Patriarchalem Ecclesiam cumulasset, conscriptus est Clerus numerosus, atque insignis in Presbyteros, Protonotarios, Subdiaconos, Accolitos, Canonicos, Beneficiatos, aliosque Ordines distinctus ad sacrum ejusdem Ecclesiæ ministerium; Cantores quoque plurimi addicti, qui illic modis musicis Divina Officia decantarent; statutumque est, ut in omni sacro ministerio peragendo mores, ritusque Romanæ Ecclesiæ, & Pontificiæ Capellæ servarentur. Tandem, quod ex ea divisione Diocesis Ulyssiponenſis in partes duas plura sequerentur incommoda, Sanctissimus Pontifex BENEDICTUS XIV. Constitutione lata Idibus Decembris, anno 1740. Pontificatus anno primo, quæ incipit *Salvatoris nostri*, sublata divisione illa, unam eandemque constituit Patriarchalem & Cathedralē Ecclesiam totius Diocesis Ulyssiponenſis, Capellam

lam nempe Regiam, ita ut antiquæ Cathedrali fervaretur dignitas Collegiæ Ecclesiæ sub titulo S. Mariæ. Alia deinde ejusdem Pontificis Constitutione *Divini præceptoris*, edita die 21. Julii, anno 1741. in antiquo Episcopio Ulyssiponensi nobilissimum Clericorum Seminarium excitatum est, ubi ecclesiasticis disciplinis, sacris ritibus, & ecclesiastico cantui ad discendis pro ministerio Patriarchalis Ecclesiæ, Clerici darent operam. Romanorum Pontificum in hanc rem Constitutiones plurimæ extant in Bullario Romano, tum etiam una cum pluribus Regiis Chartis tomo quinto monumentorum Historiæ Regum Lusitaniæ, Auctore Antonio Cajetano Sousa Teatino. Ex quibus omnibus patet, Capellam Regiam, seu Ecclesiam Patriarchalem Ulyssiponensem, ob summam, ac fere singularem Joannis V. Regis munificentiam, & pietatem, nulli in toto Christiano orbe Ecclesiæ, vel Ministrorum copia, dignitate, & opibus, vel sacrarum rerum cultu, & splendore, vel denique privilegiis, juribusque, concedere. Merito proinde Sanctissimus Pontifex BENEDICTUS XIV. cujus eximia est erga Principes de Ecclesia optime meritos munificentia, ut hujus Principis pietatem perpetuo commendaret, illum, successoresque Lusitaniæ Reges, hoc ipso anno 1749. ornavit titulo *Regis Fidelissimi*: quo eos insigniri titulo expetiit, curavitque Emmanuel Pereira de Sampayo, Commendatarius Equestris Ordinis Christi, Orator Regis apud Pontificem, vir amplissimus, & multiplici nomine de tanto Rege optimæ meritis.

VII. Jam de Liturgia dicendum est, quæ olim vixit in Capella Regis Lusitaniæ, antequam Patriarchalis Ecclesiæ dignitate ornaretur. Ordinem hujus Liturgiæ sub Joanne IV. constitutum eruius e monumento quodam Lusitano idioma te edito ab Antonio Cajetano Sousa tomo 4. pag. 738. Historiæ Regum Lusitaniæ. Is ergo ita se habet. Regem in iis festis solemnibusque diebus, quum Regia pompa adest Divinis in Capella sua Officiis, Magnus Capellanus conscium facit, omnia in promptu esse, horamque imminere faciendæ Rei Divinæ. Tum spectat ad illum, qui est a summis imperii negotiis, Oratores Principum admonere, ut ad associandum Regem

gem conveniant : Dynastæ vero, seu Titulati convocantur ab Offiario Regii Cubiculi, quem nuncupant *Porteiro da Camera*. Deinde hoc ordine ad Capellam itur. Præcedunt causarum capitalium Prætor, Aulici, Patritii, quos *Fidalgos* appellant, & Titulati. Sequuntur tres conspicui Proceres Aulae dicti *Officiaes da Cama*, nempe Magnus Ostiarius (*Porteiro mor*) medius inter Œconomum Domus Regiæ a dextra (*Vedor*) & Architriclinium (*Mestre Salla*) a sinistra. Magnus Aulae Magister virgam manu gestans paulo ante Regem incedit, etiam si aliqui Duces adsint. Verum si adsint Infantes, hi proxime præeunt Regem. Cardinales proxime sequuntur Regem, & post Cardinales sequuntur Oratores Principum, Archiepiscopi, Episcopi. Magnus Capellanus si ex Episcoporum numero sit, inter Episcopos incedit; sin minus, inter cæteros Aulicos. Prætoriani Milites instructi in acie consistunt in Capellæ vestibulo. Ad hujus fores, Archiepiscopus, vel eo absente senior Episcopus, vel si nullus adsit Episcopus, Magnus Capellanus Regem adspersit aqua benedicta. Porro Regis locus in Ecclesia est ædícula quædam velis seu Cortinis obducta; ubi tum Rex, tum Princeps hæres imperii prope Regem sedent, cæteri Infantes aliquo interjecto spatio assident; sed Infantum filiis non sedes, sed pulvinaria ad sedendum conceduntur. Spectat ad Præfectum Stratorum, seu *Reposteiro mor* sedes Regi, & Infantibus admoveere, eorumque genibus pulvinaria supponere. Spectat vero ad Præfectum Regiarum Cortinarum (*Sumilher da Cortina*) vela ducere, ac reducere, & hinc prope Regis ædiculam adstat, circumstant Milites. Cardinales insident sedibus cum postergali a cornu Evangelii inter Altare, & Regis ædiculam; illos sequuntur Episcopi assidentes in scamno tapete tecto, quorum antiquiores propius Altare accedunt. Magnus Capellanus, si sit Episcopus sedem occupat sine postergali prope ædiculam Regis, a cornu Evangelii; & Rege haud in Capella præsentē, sedet primo loco inter Episcopos, etiam si senior non sit, quia est Antistes Aulae. Si vero Episcopali dignitate minime fulgeat, stat prope Regias Cortinas. Oratores Principum consident e regione Solii Regii in sedibus serici villoli sine postergali, sed

cum scamnulo, & pulvinari ad genua flectenda. Ducibus prope Regium Solium sedilia sine poltergali, pulvinaria, & tapetum, ubi procumbant in genua conceduntur. Magnus Aulae Magister sedem occupat poltergali destitutam; & hunc sequuntur Marchiones similibus insidentes subselliis; tum Comites in scamno cum dorsuali fulcro, & tapete. Prædicti tres Proceres Aulici, Magnus Ostiarius, Œconomus, & Architriclinus virgas manu gestantes stant e regione Solii Regii prope Oratores Principum. Universis hoc ordine constitutis, Sacrum inchoatur, sique in ipso Missæ initio, Fideles sint sacris aquis adspargendi: Magnus Capellanus accedit ad Regis sedem, eoque salutato, eundem aspergit sacris aquis; deinde ex eodem loco aspergit Reginam, quæ in abside adesse solet, tum Principem hæredem imperii, denique Infantes, horumque filios. At Infantes, & eorum filii tantisper a suis recedunt locis, cum a Magno Capellano asperguntur. Si is ex Episcoporum numero minime sit, senior Episcopus hoc officio fungitur. Inchoato Sacro, Magnus Capellanus prope Regem recitat Introitum, Confessionem, *Gloria*, & *Credo*, Divinumque Cursum. Is idem thure Regem colit, eique præbet Evangelii, pacisque osculum: sed antea Præfectus Regiarum Cortinarum locum tergit Sacri Codicis, sacrique instrumenti, quo pax datur, a Rege deosculandum. Rex, & Princeps hæres imperii sedent, dum osculantur; Infantes tamen surgunt, & aliquantulum versus Magnum Capellandum progrediuntur, ut pacis osculum accipiant. At si Magnus Capellanus ex Episcoporum Ordine minime sit, tunc hæc munia præstanda sunt ab Episcopo antiquiore; & a Magno Capellano detergenda sunt loca, quæ Princeps osculatur. Si nec ullus Episcopus, neque adsit Magnus Capellanus, Decanus Capellæ Regiæ hoc ministerium exequitur. Si a Rege facienda sit Oblatio, ea hoc ritu peragitur. Præfectus Stratorum (*Reposleiro mor*) accepto, osculatoque pulvinari illud prope infimum Altaris gradum collocat. Tum Rex e loco suo ad Altare pergit, Regemque comitantur Magnus Aulae Magister, tresque illi Proceres Aulici, quos vocant *Officiaes da Canna*. Infantes ex ædicula recedunt, atque extra eam manent, donec Rex ad sedem suam

suam redeat. Oratores quoque Principum, & Antistites surgunt, ac aliquantulum a suis recedunt sedibus, pariter donec Rex suo se loco restituat. Idque totum observandum est, semper ac Princeps e sede sua ad Altare, vel alio progreditur. Regi ad Altare provoluto in genua Antistes sacra faciens osculandas exhibet sacras Imagines, sique sit Episcopus, anulum. Eleemosynarius vero Oblationem Regis in bacili positam porrigit Antistiti; demum accepta ab Antistite benedictione, Rex sedem suam repetit. Tum Princeps hæres imperii, cæterique Infantes ad faciendam Oblationem accedunt; sed Infantes genua flectunt extra infimum Altaris gradum. In Epiphania Eleemosynarius præbet Oblationem Principi, Princeps Regi, Rex eam suis manibus in concham iniicit: cæteris vero diebus, Oblatio Regis porrigitur ab Eleemosynario. In festo Purificationis cereos ab Antistite Sacra faciente accipiunt primo Præsules, tum Capellani, deinde Rex, Regina, Infantes: acceptumque cereum Rex tradit Magno Capellano, a quo rursus ei porrigitur supplicatione progrediente, quam Rex stipatus Equitibus Ordinis Christi sequitur post Antistitem sacra facientem. Eodem modo res se habet in Dominica Palmarum. Cæterum in aliis sacris Processionibus, cum a Rege deferendus est cereus, is ei a Magno Aulæ Magistro porrigitur, quod non fuerit ab Altari acceptus. In die Cinerum, Rex, Regique Principes ad Altare asperguntur cinere ab Antistite stante & sine Mitra; qui deinde accepta Mitra adspersit cinere Oratores, Duces, Marchiones, Comitesque; sedens deinde cæteris hoc officium præstat. In magna Hebdomada, Rex, & Equites Ordinis Christi induti Vestimento Ordinis adsunt Divinis Officiis; & in Parasceve ad Crucem adorandam accedunt primo Antistites, deinde Capellani, tum Rex, Princeps, Infantes, Oratores, Duces, Marchiones, Comites, Patritii. In Paschate Eucharistia circumferitur ab Antistite, quem sequuntur Equites Ordinis Christi induti Vestimento Ordinis, eosque Rex sequitur, cuius tamen Vestimenti sýrma haud a Cubiculario deferitur, uti cæteroquin fit, quod in iis Processionibus, in quibus Eucharistia circumferitur, Vestimentum Regis ad terram usque demittitur. Eo die, Rex,

cæterique Equites Christi Eucharistica communione donantur. Regi Eucharistiam Antistes porrigit, Magnus Capellanus purificationem; aut si Magnus Capellanus Sacris operatur, Decanus Regiæ Capellæ: duo Præfecti Regiarum Cortinarum, suffulciunt mappam: Præfectus Stratorum supponit Regiis genibus pulvinar; sed Rex solet nuda humo procumbere. Atque his præcipue ritibus olim solemniss Liturgia Palatina agebatur in Capella Regum Lusitanæ sub Joanne IV. & successoribus Regibus.

VIII. Nunc vero temporis, quod Capella Regia sit simul Ecclesia Patriarchalis, quod ibi Patriarcha Sacris operetur, quodque ecclesiasticum ministerium ex Clericorum diversis Ordinibus, privilegiisque, majori splendore, & pompa peragatur, alii & diversi ritus obtinent. Itaque statuta ad Liturgiam agendam hora, Patriarcha induit sacra ornamenta, & præcedente Cruce, insigni Clericorum, Principalium, Protonotariorum, Assistentium comitatu progreditur ad Ecclesiam; quo pariter Rex e suis ædibus, Aulicorum præeunte multitudine, se confert. Ubi Rex, & Patriarcha sibi invicem occurrunt, mutua salutatione facta, præcedunt Aulici, sequuntur Clerici cum Cruce, Patriarcha cum Principalibus, Protonotariis, & Assistentibus, Rex denique, ad Ecclesiam accedunt. In hujus limine, olim Cardinalis Patriarcha accepto a Sacrista aspersorio, adspersione sacris aquis Regem, Regiosque Principes: sed hanc caeremoniam nunc desisse accepimus. Tum in Ecclesia primo ad Sacellum, ubi asservatur Eucharistia brevi fusa oratione, deinde ad Aram principem procedunt universi; ubi Patriarcha in sua sede precatoria genua submittit; Rex Solium conscendit, ibique procumbit in genua. Dum vero Liturgia celebratur, Rex stat, aut sedet, vel procumbit in genua; stantibus, vel sedentibus, aut genua submittentibus sacris Ministris. Decantato Evangelio, Subdiaconus sacrum Codicem Patriarchæ osculandum exhibet, deinde accepto altero Evangelii Codice a Præfecto caeremoniarum, hunc osculandum præbet Regi, Regiisque Principibus. Ad Offertorium postquam Patriarcha thus datum fuerit a Presbytero Assistente, is idem Regem, Regiosque Infantes

thure

thure colit, ter singulis ducto thuribulo. Sed sacris operante Patriarcha, Diaconus ipse, qui ad Altare ministrat, hoc officio fungitur. Pacis osculum Patriarchæ primum, tum Regi, Regiisque Infantibus aliquis e Principalium Ordine exhibet; & Rem Divinam faciente Patriarcha, statim post acceptam a Celebrante pacem, Rex, & Infantes donantur osculo pacis. In Epiphania offeruntur a Rege in Liturgia aurum, thus, & myrrha, quæ in argenteis valibus a tribus Aulicis delatis posita ab Eleemosynario accipit, porrigitque Patriarchæ stanti in Solio, is Diacono; interim stant Regii Principes, donec ad Solium redeat. In festo Purificationis, ac Dominica Palmarum, Rex, Regiique Principes accedentes ad Patriarchæ sedem, flexis genibus (quod tamen religionis causa fit, ac præter ordinem) Cereum, Palmasque ab eo accipiunt; sequuntur Principales. Sed in die Cinerum, hi adsparguntur cinere ante Regem, Regiosque Principes. Pariter in Parasceve Sanctam Crucem Principales primum, deinde Rex, Regiique Infantes adorant; & a Magno Eleemosynario aurei centum pro Oblatione Regis donantur. In festo Corporis Christi, ab Ecclesia usque ad definitum locum, Rex, Regii Principes, Equitesque Ordinis Christi deferunt baldacchini hastas, cum Eucharistia circumgestatur; easque rursus in definito loco accipiunt, redeunte ad Ecclesiam supplicatione. Porro Rex Lusitanæ consuevit solemnī pompa adesse Divinis Officiis in Epiphania, Die Cinerum, Festo Purificationis, Dominica Palmarum, Feria quinta in Coena Domini, Parasceve, Paschate, Festo Corporis Christi, hujusque Festi octava die ad Vespertinum Officium, Festo Conceptionis Beatæ Mariæ Virginis. Præterea intervenit Sacris Rebus in Ecclesia S. Vincentii, die 16. & 18. Januarii, cum ibi Divina Eucharistia publicæ adorationi exponitur. Insignis quoque est Joannis V. Regis erga Beatam Virginem sine labe conceptam pietas; cujus festum diem solemnī ritu celebrandum in omnibus Regni Ecclesiis statuit lata lege anno 1717. Neque id solum: siquidem anno 1733. die 15. Decembris, in Capella Palatina Bragantinorum Ducum, edito sacramento, una simul cum Sociis Regalis Academiæ Historiæ Lusitanæ, tuendæ, ac vindican-

dicandæ Immaculatæ Conceptioni Virginis Deiparæ fidem obligavit suam. Quod etiam præstiterat Joannes IV. an. 1646. cum & in Comitibus generalibus Regni sancivit Beatam Mariam sine labe conceptam totius Lusitanæ imperii Protectricem habendam esse. Sed & Sancti Joseph solemnia agi, tum in Patriarchali Ecclesia, tum in omnibus Ecclesiis Regni, præmisso sacro novendiali, Joannes V. curavit, imperavitque. Festum quoque diem S. Francisci summa religione in Franciscanorum Ecclesia S. Joseph de Riba-mar singulis annis colit; peractisque sacris rebus consuevit eo die cum Cœnobitis discumbere. Postrema anni die, in Jesuitarum Ecclesia adest solemnæ gratiarum actioni, Patriarcha sacris operante: & alia plurima pietatis in Deum, Divosque argumenta Princeps religiosissimus edit in diem.

IX. Regiæ sobolis Baptismata solemnæ pompa administrantur in Aula Lusitana; uti plurimis exemplis constat libris septimo, & octavo Historiæ Regum Portugalliæ. Et quidem primo solemnæ gratiarum actio cum Liturgia, & Hymno *Te Deum* haberi solet in Ecclesia Palatina, præsentē Rege cum universo Aulico Comitatu, & Oratoribus Principum. Quandoque etiam Cœnobitæ ad Ecclesiam eandem se conferunt, ad gratias Deo agendas, quemadmodum in nativitate Joannis Infantis filii Petri II. Regis, die 30. Augusti 1688. qui paucos post dies obiit, factum esse refert Soufa. Deinde elapsis nonnullis a nativitate diebus, Regius Puer baptisatur in Ecclesia Palatina, olim quidem a Magno Capellano, nunc a Patriarcha. Spectat ad supremum Præfectum Domus Regiæ ulnis suis complexum ducere Regium Puerum ad Ecclesiam; illo absente, Œconomus Domus Regiæ (*Veador da Casa da Rainha*) fungitur hoc officio. Ducitur vero sub baldachino a sex Magnatibus Aulicis, ut plurimum supremis Consiliariis, delato. Præcedunt Caduceatores, quos vocant *Porteiros das Maças*, Feciales, vulgo Reges armorum, Præcursores dicti *Passavantes*, Nobiles viri, Officiales Aulici, Magnates. Sequuntur detecto capite nonnulli Proceres deferentes instrumenta administrationi Baptismi inservientia, quæ ab Hispanis *insignia*, a Gallis *bonneurs* dicuntur: eaque sunt

cereus, malluvium, manutergium, salinum, Chrismale. Sponsores, seu qui procuratorio nomine sponsores agunt proxime incedunt ante Puerum baptifandum; hunc vero proxime sequitur Educatrix, clauduntque agmen Matronæ Aulicæ. In Ecclesia dum Regius Puer sacris aquis abluitur, circumstant nonnulli Aulici, quos *Moços Fidalgos* appellant, cereos accensos in manibus habentes, quemadmodum factum legitur in Baptifmo Infantis Ifabellæ filiæ Petri II. Regis, & Mariæ Franciscæ Sabaudæ Reginæ, anno 1669. Rex, Regina, Regique Principes adesse solent in abside, seu ædícula, ut ajunt *incognito*. Attamen in Baptifmo Infantis Mariæ Franciscæ Ifabellæ filiæ Principis Brasileensium, die 9. Januarii, anno 1735. Serenissimus Rex Joannes V. & Regina ejus conjux solemni pompa Solio insidentes interfuere, atque dum Infantula ad Ecclesiam deducebatur ulnis excepta a Supremo Præfecto Domus Principis Brasileensium, simul sub umbella incesfere; precedentibus umbellam Regiis Infantibus, sequentibus Regiis feminis. Atque hoc fere ordine in Ecclesia Palatina Lusitana Baptifmum perceperunt Alphonsus VI. an. 1643. Petrus II. anno 1648. uterque Joannis IV. filius, & Portugalliæ Rex, ab Emmanuele da Cunha Magno Capellano: Ifabella Infans Petri II. Filia, anno 1669. a Francisco de Sottomayor, Episcopo Targensi, & Decano Palatinæ Capellæ: Joannes V. ejusdem Petri II. Regis filius, anno 1689. a Ludovico de Soufa Magno Capellano: & Infantes D. Franciscus, anno 1691. D. Antonius, anno 1695. D. Emmanuel, anno 1697. D. Francisca, anno 1699. ab eodem Ludovico de Soufa Magno Capellano, Cardinali, Supremo Fidei Vindice & Archiepiscopo Ulyssiponensi. Eodem quoque ritu Infantes Joannis V. Lusitanæ Regis filii, Maria Barbara, nunc Hispaniæ Regina Clementissima, anno 1711. Petrus Princeps Brasileensium anno 1712. Joseph itidem Brasileensium Princeps ob illius mortem, anno 1714. & Carolus, anno 1716. sacris aquis abluti sunt a Cardinali de Cunha Magno Capellano. Et post Ecclesiæ Patriarchalis dignitatem additam Capellæ Palatinæ, simili ordine sacrum Baptifma collatum est a Thoma de Almeida Patriarcha, deinde Cardinali

In-

Infantibus Alexandro, anno 1723. Mariæ Franciscæ Isabellæ, anno 1735. Mariæ Annæ Franciscæ anno 1736. uti ex laudata Historia colligitur. Hinc patet, solemne esse in Aula Lusitana, ut Regii Principes, paucis a nativitate diebus, etiam si hæredes imperii minime sint, magna pompa sacro regenerationis lavacro abluantur. Quum vero Principes imperii hæredes in vitam veniunt, ad hos solent Romani Pontifices honoris, & benevolentiae causa fascias benedictas trasmittere, quibus Regius Puer involvatur, quod Innocentius XII. anno 1691. cum Joanne Principe, nunc Lusitaniæ Rege, & Clemens XI. anno 1715. cum Josepho Principe Brasiileensium, præstitere. Id quoque officii, aliis Christianis Principibus præstant Romani Pontifices, cum successores paterni imperii nascuntur. Sed Regum Lusitanorum pietati singulare est, quod nati Infantes solemniter quodam ritu Deo offerantur in Ecclesia a Regina eorum parente; Magnusque Capellanus Pontificalibus indutus ornamentis Regium Puerum ad Altare admovet, dum interim Hymnus *Te Deum* decantatur. Hac insigni religione Mariam Sofiam de Neoburgo Reginam Petri II. conjugem natos suos omnes Deo obtulisse testatur Sousa; illiusque pietatem ad Mariam Annam Austriacam Joannis V. Regis uxorem traductam. Quo autem ritu Joseph Princeps Brasiileensium natus die 6. Junii, anno 1714. baptisatus, ac Deo oblatus fuerit enarrat his verbis laudatus Auctor lib. 7. cap. 7. pag. 336. Hist. Lusit. *Em o dia 27. de Agosto recebeu o Infante o sagrado Bautifismo com o nome de Dom Joseph Francisco Antonio Ignacio Norberto Agostinho, que lhe conferio o Cardeal da Cunha, Capellão mor, assistindo os Bispos de Viseu D. Jeronymo Seares, de Leiria D. Alvaro de Abranches, do Porto D. Thomas de Almeida, de Elvas Dom Fernando de Faro, de Tagaste D. Manoel da Sylva Francez, de Hypponia D. Fr. Joseph de Oliveria, e de Patara D. Fr. Joseph de Jesus Maria. Foy Padrinho el Rey Luiz XIV. de França, e com procuração sua Raynaldo de Mornay, Abbade de Orleans, seu Embaixador, e Madrinha a Emparatriz Isabel. Foy levado a Pia nos braços do Duque de Cadaval, Mordomo mor da Rainha, de baixo de rico Paleo, de que tinhaõ as varas da parte direita o*
Mar-

Marquez de Castaes D. Manoel de Castro, o Conde da Ribeira Grande D. Joseph Rodrigo da Camera, o Conde da Sarzadas D. Rodrigo da Sylveira, e da parte esquerda o Marquez de Alegrete Fernão Telles da Sylva, Gentil-homem da Camera del Rey, e do Conselho de estado, o Conde dos Artos D. Marccos de Noronha, Gentil-homem da Camera do Infante D. Francisco, e o Conde Santiago Aleixo de Sousa da Sylva, Aposentador mor. As insignias foraõ levadas nesta ordem: o Senbor D. Miguel o Salleiro, o Duque D. Jayme Escribeiro mor del Rey, e do Conselho de Estado o Maçapaõ, o Marquez das Minas D. Luiz de Sousa Escribeiro mor da Rainha, e do Conselho de Estado a Vela, o Marquez de Fronteira D. Fernando Mascarenhas do Conselho de Estado, e Vedor de Fazenda a Veste Candida, e o Marquez das Minas D. João de Sousa Gentil-homem da Camera del Rey, e do Conselho da Guerra a Toalha para purificar; e sendo acompanhado na forma do Ceremonial da nossa Corte, por todos os Grandes, e Officiaes da Casa Real, e mais pessoas, que tem lugar em semelhantes occasiões, hia assistido da Marqueza de Santa Cruz D. Theresã de Moscosõ Ojorio sua Aya, e se fez a função com Real magnificencia. El Rey, a Rainha, e os Infantes assistaraõ na Tribuna todo o tempo, que durou este acto. No dia 29. do referido mez sabio a Rainha em publico a Igreja de S. Roque a offerrecer o Infante recém-nascido a Deos pela intercessão de S. Francisco Xavier. Depois da Rainha estar na Igreja dentro do sítial, tomou ao Infante nos seus braços dos da Marqueza Aya, e neste tempo desceu do Altar o Cardeal da Cunha Capellaõ mor, revestido de Pontifical com Cappa, e Mitra, e a Rainha lhe entregou o Infante, e sobindo ao Altar da banda da Epistola, fez a oblação, e voltando, o entregou a Rainha, que o deu a Marqueza Aya, que entrou com a Rainha para o sítial, e logo se cantou o Te Deum com grande solemnidade. Esta devota oblação havia ja praticado a Rainha D. Maria Sofia com todos os seus filhos, deixando no Paço este, e outros devotos exemplos de exercicios, que foraõ bem observados da pietade da Rainha sua successora. Petrum quoque Infantem genitum die 29. Augusti anno 1717. eadem pompa baptisatum, oblatumque Deo idem Auctor scribit lib. 7. cap. 9. Fraternæ Lusitanorum Regum filii in prima

etate solent Confirmationis Sacramento signari a Magno Capellano. Ita Infans Maria Isabella Petri II. Regis, & Mariæ Franciscæ de Sabaudia filia, die 6. Januarii, anno 1669. nata, sacro Chrismate uncta est a Ludovico Sousa Magno Capellano, & Archiepiscopo Ulyssiponenſi anno 1683. Infans D. Antonius ejusdem Regis filius, die 15. Martii, an. 1695. natus, Confirmationis Sacramentum percepit, simulque Tonsura Clericali initiatus est, anno 1703. in Oratorio privato Regis a Magno Capellano Josepho de Lancastre, Supremo in Lusitania Fidei Inquilitor. Is idem Antistes anno 1704. pariter in Oratorio privato Regis, Tonsura donavit Clericali Emmanuel Infantem natum anno 1697. Denique Lusitanæ Infantes in prima quoque ætate armantur Milites, atque in Equestrem Ordinem Christi adſciſcuntur insigni cæremonia, quæ fit in Ecclesia Palatina. Ita Joannem Principem, nunc Lusitanæ Regem, una cum Infante D. Francisco in Capella Regia anno 1696. armatum fuisse Militem, creatumque Socium Equestris Ordinis Christi; Infantem quoque D. Antonium, qui in lucem venerat anno 1695. donatum Militiæ, & Equestris Ordinis Christi insignibus anno 1717. narrat Antonius Cajetanus Sousa.

X. Quoad conjugia Lusitanorum Principum, mos est, ut cum primum Regales semina Lusitanis Regibus desponsata ad conjugis Aulam perveniunt, ibi benedictionem nuptialem accipiant a Magno Capellano in Ecclesia ut plurimum Palatina. Ita Maria Francisca Elisabetha de Sabaudia Alphonſo VI. Portugalliæ Regi desponsata fuit anno 1666. Rupellæ in Gallia ab Episcopo Laudunensi; vicesque Regis egit Marchio de Sande illius Orator. Ubi vero Lusitaniam appulit, in Ecclesia quadam Monialium S. Claræ prope Ulyssiponem una cum Rege conjuge sub umbella excepta, decantato solemniter Hymno gratiarum actionis, benedictione nuptiali donata est ab Episcopo Targensi, Magno Capellano, & electo Episcopo Lamacensi. Quod quidem conjugium infelicitè cessit: siquidem anno 1668. ex sententia Curie Archiepiscopalis Ulyssiponenſis irritum, nullumque habitum est; ut proinde illa Petro Principi Alphonſi Regis fratri, cui Lusitani Ordines imperium commiserant, nupserit; obtenta relaxatione impe-

impedimenti publicæ honestatis a Cardinali Vindocinensi Legato Clementis IX. Atque hæc omnia rata habuit Pontifex, ad quem illa Franciscum de Villes e Societate Jesu Confessarium suum transmiserat, datis litteris Supremo in Lusitania Fidei Vindici, aliisque nonnullis Præfulibus, ut rem hanc discuterent, ac sententiam dicerent. Has vero nuptias, die 2. Aprilis, anno 1668. in Oratorio Palatino conciliavit Targensis Episcopus Magnus Capellanus. Deinde anno 1684. Maria Francisca de Sabaudia e vivis sublata est; atque Petrus II. Rex Portugalliæ anno 1687. secundas iniit nuptias cum Maria Sofia de Neoburgo Palatini Electoris filia. Hæc sponsalia in Capella Electorali Hildebergæ celebrata sunt, ministrante rem sacram Episcopo Spirensi Coadjutore, & vices Lusitani Regis agente ipsius Oratore: tum in Aula Ulyssiponensi, & in Ecclesia Palatina Magnus Capellanus Regiis sponis contulit benedictionem nuptialem. E Petri II. & Mariæ Franciscae de Sabaudia conjugio Elisabetha Ludovica filia Victorio Amedeo Sabaudia Duci nuptum danda erat; postquam a Comitibus generalibus Regni, venia facta esset illarum legum, quæ Regales feminas imperii Lusitani hæredes prohibent cum exteris Principibus in matrimonium collocari. Et eam ob rem Dux Sabaudus Ulyssiponem ablegaverat Carolum d'Este Marchionem Ornani Oratorem suum, qui vice sua promissis fidem obligaret: Isque anno 1682. in Aula Ulyssiponensi, Principe, & ejus conjuge sub umbella sedentibus, adstante universo Aulico comitatu, postquam ab Episcopo Emmanuele Pereira, qui Regis erat a summis imperii negotiis, recitatæ essent matrimoniales Tabulæ, juravit tactis Evangeliiis, flexisque genibus, se Infantem uxorem ducturum, & inita pacta servaturum. Deinde simile sacramentum, eodemque ritu Dux Cadavalensis ipsius Infantis nomine exhibuit. Verum hæ nuptiæ irritæ fuere; illaque anno 1690. obiit innupta. Petri II. Regis, & Mariæ Soffiæ de Neoburgo Reginæ Joannes V. filius, nunc Fidelissimus Rex Lusitaniæ, anno 1708. die 9. Julii, Mariam Annam Austriacam Leopoldi Imperatoris filiam duxit uxorem: hasque felicissimas nuptias primum in Germania in Pago quodam prope Viennam Cardinalis de Saxonia-Zeitz conciliavit; vicesque Lusitani Regis obivit Imperator; tum

in Lusitania consuetis Ecclesiæ precibus benedixit in Ecclesia Palatina Nunus da Cunha de Ataida Magnus Capellanus. Inde præclarissima soboles ad Lusitani, & Hispani imperii felicitatem nata, Maria Barbara Xaveria, quæ anno 1728. Ferdinando Principi Asturicensium, nunc Inclyto Hispaniæ Regi nupsit; & Joseph Princeps Brasileensium, qui eodem anno Mariam Annam Victoriam Philippi V. Hispaniæ Regis filiam, sororemque CAROLI BORBONII Regis utriusque Siciliæ duxit uxorem. Porro Serenissimæ Infantis Mariæ Barbaræ Xaveriæ sponsalia cum Ferdinando Principe Asturicensium, qui vices suas Lusitano Regi demandaverat, in Patriarchali Ecclesia Ulyssiponensi magnis solemnibus inita sunt, Patriarcha Sacris operante, Rege cum Oratoribus Principum, Magnatibus Aulæ, Regiisque Infantibus præsentem; sacraque cæremonia absoluta est Hymno gratiarum actionis, & data benedictione a Patriarcha. Pariter Hispana Infans Madriti in Ecclesia Palatina Brasileensium Principem sibi matrimonio conjunxerat. Deinde anno 1729. uterque Rex cum Regia familia, Regiisque sponis ad utriusque imperii confinium accessere; quo pariter Ulyssiponensis Patriarcha cum nonnullis amplissimi Patriarchalis Collegii Prælati, quos Principales vocant, se contulit, ut Regiis conjugibus benedictionem Ecclesiæ administraret. Totum rei gestæ ordinem fusc describit Antonius Cajetanus Souza lib. 8. Hist. Reg. Lusit. cap. 6. pag. 275. & seq. narratque Serenissimos conjuges in Ecclesia Helvarum sub umbella exceptos accepisse a Patriarcha nuptialem benedictionem: *Entraraõ, ait, os noßsõs Reys na Cidade (Helvarum) accompanhados do seu luzido, e pompofo cortejo: o Senado da Camera esperava na porta da Cidade, e l'he fez a costumada cerimonia: foraõ a Cathedral, onde o Patriarcha revestido em Pontifical, assistido de parte do seu Collegio, e de todos aquelles Ministros Ecclesiasticos, & Seculares, que l'he assistem, deitou agua benta a todas as pessoas Reaes, que conduziraõ debaixo do Palco, e passando a Capella mor, receberam os Principes as bençãos nupciaes: levantou Patriarcha o Te Deum, que proseguiraõ os Musicos, e ditas as Oraçoens, se recolheraõ ao Paço. Atque hæc de Sacris Aulicis Rebus dicta sint satis.*

F I N I S.

INDEX PARAGRAPHORUM.

CAPUT I.

DE CAPELLA PALATINA.

- A**N Principes Esbnici Ju-
daïque habuerint dome-
slica Oratoria . Pag. 1.
Hec quam antiqua & usitata
apud Christianos . 3.
De Oratorio Palatino Impera-
torum Orientis . 5.
De Oratorio Regum Franco-
rum primæ stirpis . 8.
Capellæ vocabulum unde dedu-
ctum . 10.
De Capella Regum Galliæ . 12.
De Capella Regum Hispaniæ .
14.
De Capella Regum Angliæ .
16.
De Capella Regum Lusitaniæ .
19. 477. 486.
De Capella Ducum Sabaudie .
21.
De Capella Palatina sub Nor-
mannis . 23. Suevis . 26.
Aragonis, & Austriacis Si-
ciliæ Regibus . 28.
De Capella Palatina Neopoli-
tana regnantibus Andega-
vensibus . 30. Aragonis .
34. & Austriacis Neopoli-
tanis Regibus . 36.

CAPUT II.

DE CLERO PALATINO.

- C**Apellani unde dicti . 39.
De Clero Imperatorum
Orientis . 40.
De Clero Palatino Regum
Francorum primæ, & se-
cundæ stirpis . 43.
Et tertiæ stirpis . 47.
De Capellanis Regum Hispa-
niæ . 50.
De Clero Palatino Normanno-
rum Siciliæ Regum . 53.
Suevorum . 56. & Arago-
num . 58.
De Clero Palatino Regum
Neapolitanorum Andega-
vensium . 61. Aragonum .
67. & Austriacorum . 71.
De Confessario Regis . 74.
De ejusdem Elemosynario . 77.
De Concionatore Aulico . 80.

CAPUT III.

DE MAGNO CAPELLANO.

- D**E Protopapa Palatii Im-
peratorum Orientis . 83.
De Abbate Oratorii Palatini
Regum Francorum primæ
stirpis . 84.

Rff 3 De

De Archicapellano Regum secundæ stirpis . 87.

De Magno Elemosynario Franciæ 91.

De Magno Capellano Regum Lusitanie . 479.

De Magno Elemosynario Regum Sardinie . 98.

De Magno Capellano sub Normannis . 102. Sævis . 106. Aragoniis . 107. Austriacis Siciliæ Regibus . 111.

De Magno Capellano sub Andegavensibus . 114. Aragoniis . 117. & Austriacis Neapolitanis Regibus . 122.

De varitis Magni Capellani titulis . 123.

CAPUT IV.

DE PRIVILEGIIS CAPELLÆ REGIÆ, CLERI PALATINI, ET MAGNI CAPELLANI.

DE origine, & progressu privilegiorum . 130.

De privilegiis Capellarum, & Capellanorum Regum Angliæ . 135.

Et Regum Galliæ . 136.

Et Regum Hispaniæ . 143.

Et Regum Lusitanie . 149. 481. 483.

Et Ducum Brigantinarum . 484.

Et Regum Sardinie . 150.

Dubia, & Declarationes S.P. BENEDICTI XIV. circa eadem privilegia . 159.

Album exemptorum in Aula Regum Sardinie . 165.

Antiqua jura Majoris Capellani Regni Neapolitani . 166.

Privilegia ei collata a Sanctissimo Pontifice BENEDICTO XIV. 170.

CAPUT V.

DE LITURGIA PALATINA.

DE Liturgia in Oratorio Palatino Imperatorum Orientis . 178.

Ordo Liturgiæ in Capella Regum Galliæ . 181.

Ordo Liturgiæ in Capella Regum Hispaniæ . 188.

Ordo Liturgiæ in Capella Regum Lusitanie . 488. 492.

Ordo Liturgiæ in Capella Regum Sardinie . 193.

De Liturgia in Aula Regum Siciliæ . 195.

De Liturgia in Aula Regum Neapolitanorum . 204.

Ordo Liturgiæ in Capella Palatina Neapolitana, regnantibus Aragoniis . 209.

Et subsequencibus sæculis usque ad hæc tempora . 214.

De Regia mensa in magnis solemnibus . 218.

Ri-

Ritus olim observati in mensa
Regum Neapolitanorum.
220.

CAPUT VI.

DE CORONATIONE REGUM.

O Rdo coronandi Imperatores in Oriente. 224.
Et in Occidente 225. & Imperatricum. 229.

Ordo coronandi Regem Gallie. 231. & Reginam. 237.

Ordo proclamandi Regem Hispanie. 238.

Et Portugallie. 239.

Ordo coronandi Regem Polonia. 241. Anglie. 243.
Svevie. 246. Danie. 247.
Borussie. 248. Imperatorem Moschorum. 250.

De coronatione Regum Siciliae. 252.

De coronatione Regum Neapolitanorum. 257.

De Regiis insignibus Regum Neapolitanorum. 260.

Ordo coronationis Alphonsi II. Neapolitani Regis. 264.

Ordo coronationis CAROLI BORBONII Regis Siciliae. 268.

CAPUT VII.

DE BAPTISMO REGUM.

I N Palatiis Principum Baptismus solemniter administrari potest. 172.

Ordo solemniter Baptismi in Aula Imperatorum Germanorum. 274.

Ordo solemniter Baptismi in Aula Regum Gallie. 277.

Et in Aula Regum Hispanie. 281.

Et in Aula Regum Lusitanie. 494.

Ordo solemniter Baptismi Serenissimi Principis Philippo Borbonii filii Caroli Regis utriusque Siciliae. 284.

De titulo, quo donabantur primogeniti Regum nostrorum. 289.

CAPUT VIII.

DE NUPTIIS REGUM.

R egum conjugia celebrari solent in Capella Palatina. 295.

Ordo benedicendi nuptias in Aula Imperatorum Germanorum. 299.

Et in Aula Regum Gallie. 300.

De nuptiis Regum Hispanie. 304.

De nuptiis Regum Lusitanie. 498.

Ordo celebrandi conjugii in Aula Neapolitana, regnantibus Aragoniis. 308.

De conjugio CAROLI BORBONII, & MARIAE AMALIE

Re-

Regum utriusque Siciliae.
315.

CAPUT IX.

DE RITU CONFERENDI ORDINES EQUESTRES.

Ritus inaugurandi Equites Velleris aurei in Hispania. 320.

Es agendi festum diem S. Andree Apostoli. 322.

Ritus creandi Equites Regalis Ordinis Spiritus Sancti in Gallia. 324.

Es ejus solemnia celebrandi. 325.

De Ordine Equestri Periscelidis in Anglia, & Aquilæ nigrae in Borussia. 327.

Ritus armandi Milites olim, apud Neapolitanos Reges usitatus. 329.

Societates Equestres a Neapolitanis Regibus conscriptæ. 332.

Statuta Societatis Spiritus Sancti, Ludovico Tarentino Neapolitanorum Rege, auctore. 334.

Ritus cooprandi Socios dell' Armellino sub Aragoniis Neapolitanis Regibus. 339.

Ritus creandi septem Proceres Regni. 341.

De Regali Ordine S. Januarii.
344

Ritus creandi Equites S. Januarii. 347.

Es Officiales ejusdem Societatis. 350.

Es agendi festum diem S. Januarii. 351.

CAPUT X.

DE RITU PRÆSTANDI SACRAMENTA.

Ritus, quo in Gallia Episcopi recens promoti jurant Regi fidelitatem. 353.

De quibusdam aliis sacramentis in Aula Regum Gallia. 356.

Ritus jurandi a Gallia Regibus inita foedera. 358.

Ritus jurandæ fidelitatis Principi Asturicensium. 359.

De sacramento edendo a Clericis Aulae Hispanæ. 363.

Es quo Reges Hispaniæ se obligant fideribus custodiendis. 365.

Ritus jurandi fidelitatem Regi Lusitaniæ. 366.

Es Regi Sardinia. 368.

De juramento fidelitatis in Sicilia. 369.

Es in Neapolitano Regno. 372.

Ritus hominii exhibendi apud Neapolitanos usitatus. 377.



CA-

CAPUT XI.

DE SACRIS QUIBUSDAM ALIIS
CÆREMONIIS PALATINIS.

DE Rosa aurea benedicta. 381.

De Ense, & Pileo Regibus a
Romano Pontifice dono mis-
sis. 385.

Ordo, quo Cardinales recens
promoti donantur insignibus
sue dignitatis in Aula Re-
gum Gallie. 393.

Et Regum Hispanie. 396.

Et Regum Lusitaniae. 399.

Ordo, quo Serenissimus Rex
CAROLUS BORBONIUS con-
tulit Cardinalatus insignia
Dominico Ursino Gravinen-
sium Duci. 401.

CAPUT XII.

DE REGUM FUNERE.

ORdo Regii funeris in Au-
la Imperatorum Ger-
manorum. 408.

Ordo Regii funeris in Aula
Regum Gallie. 411.

Et in Aula Regum Hispanie.
416.

Atque Regum Lusitaniae. 418.

De Regiis funeribus in Anglia,
Suecia, Polonia, Moscovia,
Borussia. 422.

De Regum funere in Sicilia.
424.

Et in Neapolitano Regno. 426.

Ordo funeris in Aula Neapoli-
tana, regnante Serenissimo
Rege CAROLO BORBONIO.

429.

504



